

*Collagij Societatis* AD MODVM REVERENDI PATRIS *Monachij* 1692.

ANTONII VIEIRA  
E SOCIETATE JESU,  
Regii in Lusitania Prædicatoris,  
SERMONES  
SELECTISSIMI,

Fœcunditate Materiæ, Sublimitate,  
Subtilitate, & acumine Conceptuum  
admirabiles:

Idiomate Lusitanico conscripti & typis evulgati,

Nunc in Cartusia Coloniensi latinitate donati.

*Cum triplici Indice, Thematum, Locorum Sacre Scripturae,  
& rerum memorabilium.*

PARS TERTIA.



COLONIÆ AGRIPPINÆ.

Sumptibus HERMANNI DEMEN M.DC.IXXXII.

*Cum Privilegio S. Cæsareæ Majestatis.*

BIBLIOTHECA  
REGIA  
MONACENSIS



REVERENDISSIMO IN CHRISTO ET  
AMPLISSIMO DOMINO

# D. CONRADO KOCHHEN UBIO.

Percelebris & Antiquissimi Monasterii S. PANTALEONIS  
Intra Coloniam Ordinis S. BENEDICTI, Congregationis  
Bursfeldensis Abbati ac Prælato dignissimo,  
Fundi Domino in Süchtelen, &c.

*Reverendissime, Amplissimeque Domine.*



UM fortè fortunâ in peregrinam nuper inci dis-  
semus aurifodinam, non contemnendum inde  
(quamvis non sine labore) eruimus thesaurum;  
neq; spernendas congregavimus divitias. Quas  
cùm publico magis, quàm cellarum secreto, uti-  
les fore videremus: ne sceleris argui possemus  
apud Deum, etiam religioni nobis duximus, nobis privatim refer-  
vare, quod bono communi, quia fructuosum magis, etiam debi-  
tum videbatur. Unde quod laboriosè huculque comparatum,  
promptè & ultroneè, sine invidia commune jam facere cæpinus;  
idem de omni eo facturi, quod deinceps fossionem continuando  
colligemus. Est autem tale, ut non nisi sub patrocínio & pro-

## D E D I C A T I O.

testatione fidei & valida cum eo in publicum prodire consultum putaverimus, propter Zoilos & Momos, qui nullo magis, quàm dentem exacuere & alienis inmittere delectantur. Ex Rev<sup>m</sup> igitur DD. Cathedralibus duos, & quidem Germanos Fratres, pro securitate maiore Hyperaspistes primis duabus eiusdem operis partibus, Dedicationis viâ procuravimus, memores istius Sap. *Frater qui adjuvatur à Fratre, &c.* Quibus nunc tertium simili medio associare non omninò otiosum putavimus: siquidem eodem Sap. teste: *Funiculus triplex difficile rumpitur.* Proinde duplici acti motivo Reverendissimam & Amplissimam Dominationem Tuam desuper requirere præsumpsimus: Primò tanquam Patronum, secundò velut bene affectum Mecœnatem, cui nostrum reciprocè testatum faceremus affectum, simulque solveremus debitum. Et quidem ad interpellandum pro Opusculi præsentis Patrocinio, Agalmatis, & vel maximè Cognominis nos induxit consideratio: de quibus obiter, & tantùm quod ad rem pertinet, tangere suadet libelli præsentis parvitas, ut appareat proportio. Initium fiat à cœlo, inde stellis Amplitudo Tua protegitur: ex utroque latere Rege & Reginâ, Leone & Aquilâ stipatur, media incedit armata & ornata Pedito Pastorali & Mitrà, cognomento Natalitio KOCHHEN. Felicia sanè pro nobis omina! Quid enim à cuiuscunque demum Zoili dentibus sibi metuatur, tam validâ, & sacrâ & profanâ præmunitus panopliâ? si enim Stellas invadere præsumat, iras & vindictas cœli metuatur: si Aquilam irriter, ab unguibus & rostro sibi timeat: si Leonem adoriatur, dentes ipsius suis robustiores, sui que dilacerationem formidet: quod si nec Mitram revereatur, Baculum attendat, qui vel ulcisci iniuriam, vel

vim



## D E D I C A T I O .

vim vi repellere possit : denique si adeò foret protervus & arrogans, ut nulla horum habitâ ratione, ad rodendum seu mordendum dentem nihilominus admoveere tentaret, meâ saltem opinione tuto erit insipientior, si malit dentes fatigare aut deterere aridâ frustra arodendo pennam, quàm eosdem occupare & oblectare bene coctam discerpendo & masticando Gallinam, hoc facto tuti evademus.

Secundum nostrum motivum fuit, ut tanquam D. Meccœnati nostrum testaremur affectum, & exolveremus debitum ; Mulierem istam imitati Evangelicam, quæ inventâ drachmâ, ad congratulandum sibi amicas convocavit & vicinas. Enim verò, quisnam, quæso, amicitiæ leges cum hac Cartusia sanctius colit quàm Reverendissima Dominatio Tua? Et quinam nobis propinquitate spiritali magis vicini quàm SS<sup>mi</sup> Patriarchæ Benedicti & respectivè quidem, ad S. Pantaleonem Amplissimæ Dignitatis Tuæ prudenti vigilantique regimini Pastoralis commissi Alumni? Quibus, præteream generalem, quam sub S. Benedicti regula arctam satis contrahimus spirituales cognationem, hoc speciale accedit pro debito, quod voluntario reciproco fœdere ad meritorum communicationem teneamur constricti. Cùm igitur amicorum omnia oporteat esse communia, obligationi nos nostræ defuturos putavimus, nisi aliquam laboris nostri partem etiam Amplissimæ Dignitati Tuæ consecrarem, & eâ quâ par est devotione præsentarem : quod nunc facimus ; & est Libellus præsens quem coram cernis, cui Titulus : *Pars Tertia Sermonum R. Patris Antonij Vieira S. J. Regij in Lusitania Predicatoris, ex Idiomate Lusitanico nunc primum nobis in Latinum translata* ; quam eo quo offertur animo & af-

## DEDICATIO.

fectu dignantèr acceptari petimus, & vel oculis dignari, ut Tuam desuper pronunciare possis sententiam; & contra Zeilos & Momos Genuis Tibi propugnare digneris armis. E cœlo Stellis, & Aquilis; in terra Leonibus & Baculis: & si nec sacra timeatur Tiarâ, ex Cocta Gallina fiat ossa, quâ illis obstruantur ora, quod forrè efficacissimum. Interim dum nos sic tuti obligationis nostræ satagere conamur, in favorem, gratiam & affectum sæpefactæ Amplissimæ Dignitatis Tuæ recipi mereamur; Ipsaque vivat, valeatque pro voto, quod optamus animitus.

*Reverendissime Amplissimaque Dignitatis Tue*

Humiles Devotique Clientes

Datum Coloniz in Carthusia  
13. Augusti 1661.

FR. JOANNES GRUTER.

&

FR. GODEFRIDUS HERDING.  
Cartusiz Colonienfis Alumni.

---

## AD LECTOREM BENEVOLVM.

**E**cce Lector Benevole, Tertiam inchoati à nobis Operis partem, quam Divinâ nos adjuvante & comitante gratiâ primis duabus jam typis evulgatis, similiter impressam juris communis facimus. Qua cum in omnibus dictis jam partibus duabus respondeat, hîc aliud præfari nequivimus, quàm quod ibi præfati sumus, quod & hîc repetitum tibi quæ recommendatum cupimus. Errata typographica, quæ in revisione occurrerunt oculis, in speciali syllabo annotata adjunximus. Eo accepta & evolve & utere animo & scopo, quo tibi offeruntur, nostramque quantulamcunque opellam aequi bonique consule, & vale in Domino.

---

CENSURA R. P. Doctoris Fr. Emmanuelis De Gratia,  
Ordinis B. Virginis de Monte Carmelo, Qualificatoris S. Officii.

**E**RTIAM hanc Reverendi Patris ANTONII VIEIRA Societatis JESU Sermonum Partem, competentem Qualificatori officio, tantique Authoris scriptis debitâ attentione revidi. Nihil in eis, aut Sanctæ fidei nostræ offensivum, aut bonis contrarium moribus reperi: imò tam singulare opus illud deprehendi; ut non nisi aliud Authoris ejusdem ipsum adæquare queat. Ita ut congruentissimè illud ipsi elogium quadret: *Sola tua tuis æquare opera possunt.* Omni acceptione dignissimum est: omnibus enim utilissima sanè, tam pro morum reformatione, quàm Gubernaculi politici directione documenta suppeditat. Neque subtilitates & acumina, quibus

## A P P R O B A T I O N E S.

quibus suos probat Conceptus ; neque anagogiæ & allegoriæ, quas suis immiscet Discursibus, doctè & attentè discussa vel minimum possunt movere scrupulum. Tam quippe eruditè & luculenter difficiliora puncta & loca, sublimissimosque suos elucidat Conceptus ; ut palam se omnium modernorum Prædicatorum Solem facilè demonstret. Nam si radiis solaribus excellentiâ singulari deberur subtilitas maxima & claritas : in hoc opere subtile adeò est copulatum cum claro ; ut nullâ censurâ, sed eodem dignum sit applausu ; quæ reliqua maximi hujus Prædicatoris Opera semper retulerunt à cunctis. In Carmelo Ulyssipponensi 15. Februarii 1683.

*Fr. Emmanuel de Gratia.*

---

*CENSURA R. P. Fr. Emmanuelis de S. Iacobo,  
Seraphici Ordinis S. Francisci, Qualificatoris S. Officii.*

*Illustrissime Domine.*

**L**IBRUM istum Sermonum Reverendi P. VIEIRA Soc. Jesu Cel-  
situdinis Tuæ Prædicatoris vidi. Opus inscriptum, Tertia Pars ; est  
autem tam Prima, ut videatur sine Prima, nec habere posse Secundam.  
Quindecim continet Sermones, in quibus subtile copulatur claro ; ele-  
gantia naturalibus maximè, materiæq; Sermonis appropriatis consociatur  
verbis. Porro omnes Sermones ejus applausu magis, quàm Censurâ sunt di-  
gni ; fama etenim rei, & res famæ responderet ; cum de eruditione ipsius ma-  
xima, ingenio stupendo & spiritu nemini dubitare fas sit. Disputat, com-  
mentatur, interpretatur, comprehendit, prædicat & docet Theologias  
profundissimas, idiomate luculentissimo ; Scripturas vel maximè mysticas  
& mysteriosas in sensu magis literali ; ex vocibus suis formans Conceptus,  
& ex Conceptibus suis voces ; instruendo & dirigendo intellectus, & mo-  
vendo & attrahendo affectus : in quo maximam eloquentiæ vim Atheni-  
enses constituebant. Prædicatoris hujus per omnia Regii Discursus ab Ex-  
traneis fuere accepti, & æqualiter à Conterraneis judicati : quod maximum  
ipsorum est elogium. Cumq; hi Libri nihil contineant, quod sanctæ fidei  
nostre, bonisve moribus præjudicet, petitâ ab Illustrissima Dominatione  
tuâ pro impressione licentiâ sunt dignissimi. In Conventu S. Francisci  
Civitatis Ulyssipponensis. 23. Februarii 1683.

*Fr. Emmanuel de S. Iacobo.*

**CENSURA**

CENSURA ILLUSTRISSIMI ET REVERENDISSIMI  
DOMINI ARCHIEPISCOPI DE BAHIA.

S E R E N I S S I M E.



*Andat mihi Celsitudo Tua videre Librum, cui Titulus: Tertia Pars Sermonum R. P. Antonii Vieira S. J. tam digni Celsitudinis Tuae Prædicatoris, ut in throno Sapientiæ sanguam Prædicatorum omnium vertex collocari mereatur. Ego Celsitudinis Tuae imperio, ut par est, obediens, condignâ Fidei habitâ ratione Librum vidi, æqualique gaudio Sermones legi. Prima de super formata opinio est; quod licet Liber Tituli in inscriptione careret, Sermones illum ex opere Authoris prodituri forent: omnia quippe singularis ingenii huius opera consue sunt singularia, ut extra omne dubium, nulla ipsis assimilari aliquatenus possint alia: & solum iudicium quod illis dedit esse, etiam æstimare valoremque designare scias; non verò meum, quod rude & simplex materiam tantum suspicit cum admiratione, omnique scrupulo caret pro Censura. Hanc verò adeo debitum respectum illi merito etiam contribuit fortuna: nam in Sermonibus P. Antonii Vieira, omnes quod admirarentur, habuerunt, nullus quod carperet unquam invenit: Prædicator exitit difficultatum omnium victor, quod præsumptuosi admirentur sapientes, neque rudes dedignentur insipientes. Doctrina sana est, solida & suis sic absoluta numeris; immo Politica sic attemperata spiritui, ut equali securitate clavum moderetur regiminis, viamque æterna dirigat salutis. Scripturas sacras, juxta sensum mentemque SS. PP. & Expositorum sic propriè fideliterque enterat, rigorem literæ, similitudines allegoriæ, doctrinam moralem seu tropologia sic explicat & ordinat; ut in literali nec syllabâ quidem discrepet; in allegorico significatum propriè attingat: & in morali reformationem evincat. Et quod amplius est, cum omnes Prædicatores suos ex Scripturis, pro suis Sermonibus conficiant Conceptus; hic Prædicator pro suis Sermonibus confecisse videtur Scripturas. Difficiliora intellectu Theologia loca tam clarè elucidat, ut subtilitatem quâ excusantur in subseiliis, claritati unierit, quâ practicanda docentur in pulpitis. Quæ ut Auditores penetrent, sufficit intrare Auditores, ut egrediantur Theologi. Conceptuum ipsius excellentia & subtilitas Authoris ingenio ex aquo respondent; tamque naturalia adducit assumpta; ut nec ad exaggeranda ea ars studuisse, neque ad accommodanda studium ullatenus se fatis-*

## A P P R O B A T I O N E S.

*fatigasse videatur. Stylus tam serius, gravis & aulicus, ut quasi pro aula natum Pradicatorum referat. Verba sic Conceptus exprimentia, ut in idiomate nostro proprio, alii tam propriè exprimi nequeant: in tantum, ut si quid in Sermonibus ipsius inusitatum inveniat, sufficiat tanquam pro lege, ut suum, esse cognoscatur. In omnibus tam nervose persuadet, tam suaviter influit in animos; ut nec ad persuadendum efficacioribus rationibus & argumentis componi, nec ad influendum eloquentia fecundiore ornari possint. Denique totum est tanquam suum; & in hoc solum dicitur totum. Ex quo approbatio mea tantum affectus poterit esse demonstratio, cum eò perungere nequeat, ut personæ auctoritatem & gloriam conciliet: In applausu quippe generali, quo ubique terrarum nominis ipsius fama celebratur, quocunque notitia ipsius pervenit, maximam sortitur venerationem, tam veritatis securam; ut pro illo fidei articuli sint exaggerationes, quæ pro aliis sunt lenocinia assentationis. Non solum nihil continet, quod Regium Celsitudinis Tuæ servitium vel in minimo offendat, sed nescio quo pacto servorum quispiam majus in hac materia, Principi suo posset præstare obsequium, quàm scriptis suis sic nobilitare nationem, cujus Celsitudo Tua Princeps & Dominus est. Et proinde opinione meâ, Licentia, quæ ad imprimendos hosce Sermones à Celsitudine Tua petitur, eidem concedenda videtur ex justitia, quæ petitur pro gratia; ut non tantum præli beneficio, cum jam literis aureis insculpi nequeant duritia adamantis, nec soliditati aris, immortales futurorum inhereant memoriis; verum etiam ut præsentibus, qui feliciter audire meruerunt, nunc fruantur tunc desideratis; & nunc viventes legendi facultate destituti, fruantur iis, quæ tunc desiderare potuissent. Hoc meum desuper est iudicium. Celsitudo tua fieri mandabit, quod optimum factu sibi fuerit visum. Ex Conventu S. Francisci Vlyssipone 9. Martii 1683.*

Fr. JOANNES DE MATRE DEI.

LICENTIA

## LICENTIA R. P. PROVINCIALIS.

**E**GO Antonius de Oliveyra S. J. Provinciæ Brasiliensis Provincialis, ex speciali commissione mihi facta à Revmo. P. Joanne Paulo Oliva Præposito Generale, concedo licentiam imprimendi hunc librum, cui Titulus, *Pars Tertia Sermonum P. Antonii Vieira*, ejusdem Societatis in Provincia Brasiliensi, Prædicatoris Majestatis suæ, per doctos ejusdem Societatis Religiosos revisum & approbatum. In cujus rei fidem hæc litteras patentes manu meâ subscriptas, & Officii mei Sigillo munitas dedi Bahiæ 20. Julii 1682.

*Antonius de Oliveyra.*

## APPROBATIONES RR. PP. PRÆDICATORUM.

**N**on sine voluptate legimus Tomum Tertium Sermonum verè aureorum Admodum Reverendi Patris Antonii Vieira Societatis IESV quos, sicut & reliquos Primo Secundoque Tomis comprehensos, Lusitanico idiomate conscriptos, Latinitate donârunt, non sine ingenti laborum impendio Venerabiles Patres, Fr. Joannes Grüter & Fr. Godefridus Herdingh Cartusie Colonensis Alumni: Quia ergo memorati Sermones nec in minimo Fidem ledunt, aut bonos mores offendunt, & sint Authoris sapientissimi, quem viri graves, obrarum eloquentie flumen nunc Pulpiti Oraculum, mox omnium Concionatorum Principem, nunc modernorum Prædicatorum Solem, mox Prædicatorem per omnia Regium, & tandem Prædicatorum Verticem appellant, idcirco judicamus illos prælo dignissimos. Colonia 1691. 7. Augusti.

Fr. Adrianus Schönen Ord. Præd. SS. Theolog Magister.

Fr. Petrus Dietzinger Ord. Præd. SS Theol. Doctor.

**P**ERmitto ut & hic Tertius Tomus aureorum Sermonum, ab Adm. R. P. Antonio Vieira Soc. Jesu Regio Concionatore primò in vernacula Lusitanica compositorum, deinde in Latinitatem translatorum studio & labore RR. PP. Ioannis Grüter & Godefridi Herdingh Cartusie Colonensis Alumnorum, typo mandetur. Datum Colonie 7. Augusti 1691.

*Fr. Leonardus Messen Ord. Præd. SS. Theol. Magister  
& Inquisitor Apostol.*

*Licentia & Extractus Litterarum*  
Reverendissimi Patris D. INNOCENTII LE MAISSON,  
Prioris Cartusiae, nec non Sacri Ordinis Cartusienſis  
Generalis.

*Venerabiles in Christo Patres.*

**S**Tatim atque primam Epistolam vestram recepi, responsum dedi simul & consensum ad postulata vestra executioni mandanda, scilicet quoad impressionem Sermonum Admodum Reverendi P. *Antonii Vieira* Societatis JESU, à vobis latinitate donatorum ex Idiomate Lusitanico, tervatis tamen de jure & statutis servandis : per me ergo non stabit quin labor vester utilis sit, & publicè appareat, ad Dei honorem & proximi ædificationem quod valde aveo, & omnia faustissima vobis apprecor. Bene valete. Cartusiae hac 29. Martii 1690.

*Vester in Christo Confrater*  
Fr. INNOCENTIUS  
Prior Cartusiae.


*Licentia Venerandorum PP. Visitatorum*  
*Sacri Ordinis Cartusienſis in Provincia Rhemi.*

**N**Os infraſcripti concedimus licentiam, Sermones Admodum Reverendi P. *Antonii Vieira* Societatis JESU ex idiomate Lusitanico à duobus PP. Cartusiae Colonienſis in Latinum translatos, & à RR. PP. Prædicatoribus revisos & approbatos ad boni publici emolumentum typis mandari. Mertzlich supra Treverim 27. Octobris 1690.

Fr. MARTINUS SCHUE Prior Cartusiae Trevirensis, ac Provinciae Rhemi Visitator.	Fr. JODOCUS SCHVAB. Prior Cartusiae Moguntinae, ac Provinciae Rhemi Convisitator.
--------------------------------------------------------------------------------------	-----------------------------------------------------------------------------------------

INDEX





# I N D E X

## SERMONVM ET THEMATVM

*Qui in hac Tertia Parte continentur.*

- I. Sermo de Sanctissimo Sacramento. Pag. 1  
*Hic est Panis qui de cælo descendit.* Joan. 6.
- II. Sermo de B. V. MARIA de Monte Carmelo.  
*Beatus venter qui te portavit, & ubera, qua suxisti: quinimò beati qui audiunt Verbum Dei, & custodiunt illud.* Luc. 11. 18.
- III. Sermo in Feriam quartam post Dominicam secundam Quadragesimæ.  
*Dic, ut sedeant hi duo filii mei, unus ad dexteram tuam, & unus ad sinistram in regno tuo.* Matth. 20. 52.
- IV. Sermo de S. AUGUSTINO.  
*Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est.* Matth. 5. 77.
- V. Sermo pro Dominica Prima Adventûs.  
*Tunc videbunt Filium hominis venientem in nubibus cæli, cum potestate magna & maiestate.* Luc. 21. 114
- VI. Sermo pro Dominica quarta Quadragesimæ.  
*Fugit iterum in montem ipse solus.* Joan. 6. 136
- VII. Sermo de S. ANTONIO DE PADUA.  
*Quæ mulier habens drachmas decem, & si perdidit drachmam unam, nonne accendit lucernam, & everrit domum, & querit diligenter, donec inveniat?* Luc. 15.  
Item  
*Neque accendunt lucernam, & ponunt eam sub modio, sed super candelabrum, ut luceat omnibus qui in domo sunt.* Matth. 5. 165
- VIII. Sermo de S. CATHARINA.  
*Quinq; autem ex eis erant fatuæ, & quinque prudentes.* Matth. 25. 194  
† † †
Sermo

# INDEX SERMONVM ET THEMATVM.

- IX.** Sermo pro Dominica in ramis Palmarum.  
*Alii autem cedebant ramos de arboribus, & sternebant in via.*  
Matth. 21. Pag. 224
- X.** Sermo de bono Latrone.  
*Domine, memento mei, cum veneris in Regnum tuum: Hodie mecum eris in Paradiso.* Luc. 23. 245
- XI.** Sermo de MANDATO.  
*Sciens Iesus quia venit hora eius, ut transeat ex hoc mundo ad Patrem, cum dilexisset suos, qui erant in mundo, in finem dilexit eos.*  
Joann. 13. 274
- XII.** Sermo de Spiritu Sancto.  
*Ille vos docebit omnia, quaecumque dixerero vobis.* Joan. 14. 302
- XIII.** Sermo pro decima nona Dominica post Pentecosten,  
incidente in diem, quâ singulis mensibus Festum de  
Venerabili Sacramento celebratur.  
*Misit servos suos vocare invitatos ad nuptias.* Matth. 22. 331
- XIV.** Sermo pro felici successu armorum Portugalliæ contra  
Hollandos.  
*Exurge, quare obdormis, Domine? Exurge, & ne repellas in finem.  
Quare faciem tuam avertis, oblivisceris inopia rostra, & tribulationis  
nostra? Exurge Domine, adiuva nos, & redime nos propter nomen  
tuum.* Psalm. 43. 359
- XV.** Sermo de Sancta THERESIA  
& De  
Sanctissimo Sacramento  
Concurrentibus duobus Festis in Dominica decima nona post Pen-  
tecosten. Anno 1644.  
*Simile factum est Regnum Cælorum homini Regi, qui fecit nuptias  
Filio suo. Et misit servos suos vocare invitatos.* Matth. 22.  
*Caro mea verè est cibus, & sanguis meus verè est potus.* Joan. 6.  
*Simile est Regnum cælorum decem Virginibus, quæ accipientes lam-  
pades suas exierunt obviam Sponso & Sponsæ.* Matth. 25. 382

SERMO



# S E R M O

De

## SANCTISSIMO SACRAMENTO

Habitus Ulyssipone in Conventu regio, de  
Esperança, sive de Spe, Anno 1669.

*Hic est Panis, qui de cælo descendit. Joan. 6.*

§. I.



CCE, quàm hodiè satisfactum est fidei! Ecce, quàm hodie satisfactum est charitati! soli spei nec satisfactum esse; nec satisfieri posse videtur. Fidei satisfactum est; quia sublimatam se videt, ad credendam altissimi, profundissimi & abditissimi Mysterij veritatem: *Caro mea verè est cibus.* Charitati satisfactum est; quia arctissimo affectuosissimæ, amorosissimæ, intimæque unionis mutæ vinculo se Deo videt illigatam: *In me manet, & ego in illo.* Soli Spei in hoc divinisissimo Sacramento, nec

satisfactum esse, nec satisfieri posse videtur; negatur enim illi quod desiderat; absconditur illi, ad quod suspirat; subducitur illi, quod sequitur: denique eodem præsentè ipsi subtrahitur, quod sperat. Deus ibi adest pro fide; adest ibidem pro charitate: Spei tantummodò ibidem deesse videtur. Adest ibidem pro fide; objectum enim fidei est Deus creditus. Adest ibidem pro charitate; objectum enim charitatis Deus est amatus. Soli Spei ibi videtur deesse; objectum enim spei, Deus est visus, attestante S. Paulo. Deum invisibilem, credere potest fides, Deum invisibilem amplecti potest charitas: Deo invisibili nec

*Pars III.*

A

frui

frui nec gaudere spes potest. Porro si objectum spei, Deus est visus: essentia verò Sacramenti, Deus est, nec visus, nec visibilis; idcirco enim Sacramentum dicitur: quo pacto, quæso, spei satisfiet hac denegatione, illâ satisfiet absconsione, illo denique impossibili spes contenta quiescet? si spes firma sit, si constans, si magnanimis & anxia existat, ita protinus se res habet: si verò spei foret satisfactum; si contenta quiesceret, spes non esset spes. Profectò, Domine, non usque adeò obliviosa tibi est indoles, aut cor tam parum humanum, quàm illud sibi devinciant desideria, invitent angores, penetrent gemitus, suspiria emolliant & affectus. Proinde si ista est essentia continuumque exercitium spei, quomodo illius, in hoc mysterio, tua adeò oblita videtur providentia, ut non nisi exercenda novis afflictionibus desideria, martyriumque addendum angoribus, in Sacramento adeste videaris?

Ad satisfaciendum hisce querimoniis, hodierni discursus materia deserviet: ut nomen, loci & circumstantia, celebritati novitatem addat diei. Spes querula excellentiæ videbit extrema, quæ Deo debet in Sacramento: nosque sine querela videbimus Sacra-

menti, posito quod fidei vocetur mysterium, quod majora contineat spei mysteria. Ave Maria.

## §. II.

*Hic est panis, qui de cælo descendit.* Joann. 6. v. 59.

**Q**Uare hic panis de cælo descendit? ad exercendam tantum fidem? ad augendam tantum charitatem? Non: descendisse tantum dico, ad Spei satisfaciendum. Attendite. Querunt Theologi, utrum spes detur in cælo: omnesque concorditè cum S. Thoma eam in cælo, & inferno dari negant. Ratio est; quia Bonum, objectum spei duas habere debet conditiones: scilicet esse possibile & futurum. Possibile: impossibile enim nullum est desiderium. Futurum, quia præsens non speratur. Quia verò summum bonum, quod supernaturalis spei est objectum, in inferno non est possibile, nec in cælo est futurum: hinc neque in cælo, neque in inferno spei locus esse potest. Anima ad cælum pergens salvatur: ad infernum pergens damnatur: Spes verò nec in cælo, nec in inferno locum invenit. In cælo; per claram Dei visionem: in inferno, per visionis ejusdem desperationem perit. Idem Spei evenit cum anima, quod Moysæ cum pro-

promissionis terra, & prudentibus Virginibus cum sociabus. Moyses Israëlitas ad terram promissionis deduxit, ipsemet introire non permissus: prudentes Virgines cœlum sunt ingressæ, sociabus, quanquam ad januam usque progressis, exclusis. Fidissima animæ socia, est Spes: nihilominus ea animæ est felicitas, eaque spei fortuna, ut referatâ animæ cœli januâ, spei claudatur: animâ intromissâ, hæc foris maneat exclusa. Et quoniam spei ascendere, cœlumque intrare non licet; quidnam huic consolandæ fecit Deus? descendit, egressus è cœlo sub accidentibus panis: *Hic est panis, qui de cœlo descendit*: ut spes illo ab intra frui nequiens, eodem frueretur ab extra.

Ezechieli Prophetæ in spiritu, è Babylone, ubi atrinebatur captivus, in Jerusalem rapto, ad templum Angelus ostendit sanctuarium januâ clausâ, dicens extra illam sic clausam assessurum Principem mensæ, ad comedendum panem coram Domino: *Et*

*Eccl. 44 v. 1. & erat clausa: & dixit Dominus ad me: porta hac clausa erit: Princeps ipse sedebit in ea, ut comedat panem coram Domino.* Hic nunc adsunt

Expositores Sacri, ad ænigma illud declarandum dicentes, sanctuari-

um esse cœlum, Principem Christum, & consequenter mensam, Altare: Panem Sanctissimum Sacramentum. Quod omni difficultate caret. Verum, si Sanctuarium est cœlum, & Princeps, cœli Princeps, & Panis, panis cœlestis; quare porta cœli est clausa, diciturque semper fore clausam, Princepsque nec non mensa extra portam, & non intra ostenditur? majore profectò circumstantiarum proprietate depingi nequiret, quod probatum imus. Divinissimi Sacramenti mensa, cui gloriæ Princeps realitèr assistit, hominibus non in patria, sed spe constitutis fuit apparata: porro quia Spei ingressus in cœlum interius negatur: foris ad portam mensa adornatur. Christus amorosè adeò cum spe se gessit, ut, quia ab introitu cœli, ad assidendum Beatitudinis mensæ arcebat, mensam aliam instruxerit: aliamque extra cœlum Beatitudinem adinvenerit, quâ spes sola fruendo gauderet. David audiatur.

Psal. 33. David fideles omnes ad mensam panum propositionis legis gratiæ invitat (prout eodem loco PP. Græci notant) inquires ita: *Gustate & videte, quoniam suavis est Dominus*: Non dicit: *gustate & videte, quoniam suavis est panis*, sed: *Gustate & videte, quoniam*

*Psal. 33 v. 9.*

*suavis est Dominus*; Dominus enim panis est, qui illic comeditur. Quibus dictis, Propheta mox exclamavit: *Beatus vir, qui sperat in eo*. In hac exclamatione, & hac consequentia confidero. Supposito, quod David ad gustandum Deum in Sacramento, ejusdemque percipiendam in eo suavitatem invitet: *Gustate & videte, quoniam suavis est Dominus*: inferendo exclaimare debuisse videtur: O Beati qui illum manducant: & non, Beati qui in eo sperant: *Beatus vir qui sperat in eo*. In Beatitudine celesti, quæ in Dei visione consistit, Beati sunt videntes: ergo similiter, in Beatitudine terrestri, quæ in gustu manducationeque Dei consistit, beati sunt manducantes & gustantes. Sic est. Ut quid igitur David non dicit hic: Beati manducantes & gustantes, sed, sperantes? Quia Prophetæ intentio erat non solum mysterium revelare: verum etiam motivum declarare. In primis verbis: *Gustate & videte, quoniam suavis est Dominus*, revelavit mysterium, quod erat Sacramentum: in secundis: *Beatus vir qui sperat in eo*, declaravit motivum, quod erat spes. Nec sine ratione exclamavit David, magis admiratus motivum quàm mysterium: non enim excessus majore admiratione dignus dari potest, quàm

cùm Deus universalem pro omnium virtutum præmio creaverit beatitudinem, particularem aliam Spei adornarit. Pro omnibus reliquis Virtutibus Beatitudinem unam in cælo; pro Spe alteram fecerit in terra. Pro omnibus una est beatitudo in cælo, quæ consistit in Deo viso; pro Spe altera, quæ in Deo gustato & comesto consistit. Pro omnibus una beatitudo futura: pro Spe altera præsens. Pro omnibus una beatitudo, quâ gaudetur sine spe: pro Spe altera, quâ soli gaudent & fruuntur sperantes: *Beatus vir qui sperat in eo*.

### §. III.

VERùm enim verò, ad quid Davidis vaticiniis, Ezechielisque visionibus immoror? cùm ipsum SS. Sacramenti institutorem & authorem Dominum præsentem habeam testem? Cap. 12. S. Lucæ. Christus certos servos suos nominat beatos: *Beati sunt servi illi*. Et *Luc. 12* quasi beatitudo promissa foret incredibilis, eandem juramento confirmat, dicens: *Amen dico vobis, quod præcinget se & faciet illos discumbere, & transiens ministrabit illis*. Inquirendum nunc est, qualis illa sit mensa: qualisve beatitudo sit ista. Interpretes communiter Christum de mensa beatitudinea; *ibid. 37* cœle-

cœlesti locutum exponunt. Hæc vero opinio ipsis textus verbis valide impugnatur: *Præcinget se, & transiens ministrabit illis.* Deus in convivio Gloriæ, effusissima immensitatis suæ largitate sese Beatis communicat; proinde de hoc convivio verificari non potest, quod Deus cinctus stringatur; *præcinget se.* Præterea Gloriæ convivium perennat; in omnem enim durat & durabit æternitatem: ergo transiens tranlitoriumque indigitari nequit: *& transiens ministrabit illis.* Quodnam igitur convivium illud, in quo Deus non permanenter, sed transeunter, non diffusâ, sed contractâ & cincti magnificentiæ suæ immensitate sese communicat? S. Augustinus, tanquam aquila, visus præpollens acumine; SS. Sacramenti convivium esse affirmat: *Quid nobis ministravit; nisi quod hodie manducamus & bibimus?*

Expositionem istam, S. Augustini esse sufficiebat, ut venerabundam amplecteremur: quia verò est singularis, neque probata à Sancto, ego probationem illius assumo; nec proprietate solum: sed ipsa etiam ejusdem institutione mysterii illam demonstrabo. Quid ait textus? *præcinget se.* Quod Christus ante Sacramenti institutionem egit: *præcinxit se.* Quid

textus ulterius innuit? Quod in propria illud ministrabit persona: *ministrabit illis:* quod Christus in Coena egit: *fregit, deditq; Discipulis suis.* Quid ultra? quod transiens id faciet: *transiens.* Ita factum est: *Sciens quia venit hora, ut transiret ex hoc mundo ad Patrem.* Ipsumque festum quod tunc Christus recolebat, vocabatur *Phase*, id est, *Transitus.* Totum ejusdem textu parabolæ confirmatur: *quando revertatur à nuptiis.* Sacramentum enim institutum est, quando Christus, celebratis jam cum natura humana nuptiis, reversurus erat in cœlum. Hoc quantum ad historiam modum, tempus circumstantiasque institutionis. Quantumq; ad mysterium, proprietas magis naturalis nequit haberi: Christus enim in Sacramento suam collegit contraxitq; magnificentiam, & non solum ad totius hostiæ circumferentiam, sed ad quantulamcunque ejus partem reduxit: *præcinget se.* Et quia Sacramentum Viatorum est viaticum, in hoc solum se nobis dat Christus, quousque vitæ hujus peregrinatio & transitus durat: *& transiens.* Denique quia licet Sacerdos verba consecrationis proferat, Christus tamen principalis est sacrificii minister, & Sacramenti juxta omnium PP. & Concilio-

Matth.

26. v.

26.

Joan. 13

v. 1.

Exod.

12. v. 11.

Luc. 12

36.

Joan. 13  
v. 4.

rum sententiam : *Ministrabit illis.* Benè igitur S. Augustini probatur sententia, mensamq; nec non beatitudinem, quam Christus hoc loco promittit, non esse mensam beatitudinemque cælestem, sed extra cælum : & non gloriæ, sed esse Sacramenti, demonstratur.

Cuinam verò hæc facta est promissio, cuinam promissum est hoc præmium, & quænam ob merita? Casus grandis ! non aliis promissum est hoc præmium, quàm sperantibus : neque alia ob merita quàm Spei. Quod textus ipse insinuat : *Et vos similes hominibus ex-*

*Luc. 12. petantibus Dominum suum.* More servorum, inquit Christus, expectate Dominum vestrum : quod ubi feceritis, idem Dominus, mensæ vos suæ accumbere faciet, vobisque ministrabit dando seipsum : *Amen dico vobis, quod præcinges se & faciet illos discumbere, & transiens ministrabit illis.* O admirabilem Christi excellentiam ! ô singulare virtutis Spei privilegium ! Quoniam Spei concedi nequibat, quod sperat in cælo, dedit sperantibus in terra, quod nec sperabant, nec sperare poterant. Sperabant seu sperare poterant servi fore, ut à Domino ad mensam collocarentur? Non: & hoc ille fecit : *Faciet illos discumbere.* Sperabantne, aut sperare poterant servi fu-

turum, ut sibi à Domino personalliter inserviretur? nequaquam : & ille ipse est ministrans : & *transiens ministrabit illis.* Sperabantne aut sperare poterant fore, ut semetipsum ad manducandū eis præberet? multò minus. Tantum sperabant & sperare poterant, quod videndum se exhibiturus esset in cælo : ille verò tempus præveniens, præter spem ad spei satisfaciendum desiderio, ut manducare se possent in terra, descendit è cælo, panemq; in corpus suum transubstantiavit : *Hic est panis, qui de calo descendit.*

#### §. I V.

**P**ROBATIS hoc modo meis, de Ezechielis visione, Davidis vaticinio, ipsiusque Christi parabola assertis; si quis forsan etiam ab experientia desiderat exemplum, neque hoc nobis deest. Altera post resurrectionem die, Christus duobus in Emmaus tendentibus Discipulis, in habitu apparet Peregrini: discumbensque cum illis, ut se agnoscerent, acceptum panem consecrat & frangit : *Et cognoverunt eum in fractione panis.* Nescio, num quid non admirabile solùm, sed multò potius singulare, in hoc casu advertatis. Multis aliis Christus eodem die apparens, cognoscendum se præbuit; sed nemini tali favore, similique extraordinario modo. Apparuit Magdalene



lenz, apparuit aliis Mariis, apparuit Petro, apparuit omnibus Discipulis congregatis, manducavitque cum illis: porro cum eandem etiam hinc panem consecrandi mysteriumq; Sacramenti iterandi occasionem haberet, istud non fecit, cum superflua videretur præsencia sacramentalis, ubi naturaliter ipsis aderat. Omnibus in Galilæam profectis similiter apparuit Christus, multisque vicibus cum Discipulis suis manducavit: cumq; mensa esset ( prout multi volunt ) suæ sanctissimæ Matris, etiam ibi corpus suum non consecravit. quibusnam igitur binorum Discipulorum istorum in Emmaus tendentium meritis, quæve majore ratione motus, se illis, & non reliquis, Christus in Sacramento dedit? recordemini quid dixerint, moxq; patebit, obligationem fuisse, & non favorem: necessitatem, & non excessum. Dicebant, allegatâ tristitiæ suæ causâ, quod sperabant diffidentes: *nos autem sperabamus.* Quia verò spes eorum adeo erat infirma & quasi exanimis; quoniam alio Christum succurrere oportebat, quàm Spei alimento, quod est Sacramentum? remedium itaque fuit, & non favor: necessitas, & non excessus. Et notate, hac prima vice panem naturalem in Corpus Christi fuisse consecratum, postquam in Cœna ultima Sacramentum fuerat institu-

tum; ut ab isto instanti principium daretur institutionis fini. Quemadmodum particularis instituti Sacramenti finis fuit, nostram in hac vita alere & sustentare spem: hinc ipse Christus, qui remedium instituerat, primus etiâ esse voluit, qui in prima illo indigente infirmitate ejus nobis efficaciam demonstraret.

Porro ne dubitetur quin Spei remedium maxima differentiae hujus fuerit ratio, Evangelium inquit, Christum eodem instanti, quo consecravit & fregit, se oculis eorum subtraxisse invisibilem factum: *Et ipse evanuit ab oculis eorum.* Enim verò, si consecrationis istius finis fuit, ut bini isti Discipuli ipsum agnoscerent, quare eodem momento disparendo se se oculis eorum subduxit? Velare se, ad manifestandum se? abscondere se, ad notificandum se? sic est: aliterq; esse nequibat; quia cum esset mysterium Sacramenti, remediumq; Spei, nec spes consolata & adjuta videre, neque Christus in Sacramento poterat visibilis comparere. Quod si in Sacramento visibilis appareret, Sacramentum esse desineret: si Spes illum cerneret spes esse cessaret: & quoniam verè erat Sacramentum, & Sacramentum pro Spei remedio; idcirco non conveniens solum, sed necessarium fuit, ut Christus se oculis eorum subdu-

ceret

*Luc. 24 v. 316.* ceret : & ipse evanuit ab oculis eorum. Istud magno hoc die accidit ; istud hoc octiduo præsens habuimus : Christum pascentem & sustentantem , non deliquia , sed spei desideria , quamvis non visum aut visibilem , oculisque absconditum : *Et ipse evanuit ab oculis eorum.* Neque enim spes foret spes , neque Sacramentum foret Sacramentum , nisi ita esset. Mediante itaque Sacramento , spes fruatur in terra , quo frui non dabitur in cælo , & Deus virtute Sacramenti de cælo descendat , *Hic est panis , qui de cælo descendit* quò spes ipso in terra frui possit.

## §. V.

**H**Oc adeò in veritate subsistit fundatum ; ut non nisi durante spe Sacramentum sit duraturum : illa finiente hoc esse cessabit. Conformiter promissioni Christi , altaris Sacramentum ad finem usque mundi tantum durabit : *Ecce ego vobiscum sum , usque ad consummationem sæculi.* Et quare non finito mundo ? nonne Christus Sacerdos est æternus ? sic est : & in æternum , non secundum ordinem Aaron , qui offerebat agnos : sed secundum ordinem Melchisedech , qui panem & vinum offerebat : *Tu es Sacerdos in*

*Psal. 109. v. 4* æternum secundum ordinem Mel-

*chisedech : Melchisedech proferens panem & vinum.* Cum igitur Sacerdos sit æternus , quare sacrificium etiam , & Sacramentum non erit æternum ? quia sacrificium fuit institutum ad propitiandum pro peccato : Sacramentum verò , ad satisfaciendum spei. Proinde quemadmodum in fine mundi cessabit sacrificium , quia finem habebit peccatum ; pari ratione in fine mundi cessabit Sacramentum , quia finem spes habebit. Jam nunc mysterium mannæ patebit , quando & quare cessarit.

Proficiscentibus filiis Israël ad terram promissionis , quotidie pluebat manna è cælo. Desiderata tandem terræ terminos ingressi fructus ejusdem delibare & manducare cœperunt : & Sacro attestante Textu , mox manna pluere cessavit : *Cessavit manna , postquam comederunt de frugibus terræ ; nec usi sunt ultra cibo illo filii Israël.* Ita ut filii Israël peregrinantes adhuc in deserto , desiderio & spe ad terram promissam anhelantes sustentarentur mannâ : Ast desiderii speique suæ finem assecutis , finiente jam spe , manna quoque similiter finem accepit : *Defecit manna.* Quodnam verò istud est manna , nisi divinissimum Sacramentum ? loquatur Rupertus : *Nunc pasчимur ore manducando*

*Gen. 14 v. 18.*

*Josue. 5 v. 12.*

*Rupert. hic.*

tando panem vite aeternae: at ubi viderimus in terram viventium, ubi in sua specie videbitur Deus, iam non in istis speciebus, sed in propria substantia videndo, manducabimus panem Angelorum. Igitur postquam comederunt terra fruges defecit manna. Scitis quare manna cessarit Filius Israël terram promissam ingressis? id factum, quia & nobis Gloriæ Beatitudinem jam consecutis, Sacramentum similiter cessabit. Quotquot hic vivimus, exules & peregrini illius beatæ patriæ sumus; qui nos præcesserunt, jam pervenerunt: nos adhuc peregrinando illuc tendimus: similiterque nos sequentes pergent, omnes eadem beatâ patriâ fruendi spe animati. Finiente mundo prædestinati omnes in patria erunt collecti, proinde omnibus spei suæ metam assecutis, ipsâque jam spe finitâ, finem quoque habebit manna, cum Sacramento. Si Spes foret æterna, Sacramentum quoque duraret æternum: verum sicut Spes cum temporis mundi que rota sistet; etiam Sacramentum non nisi ad finem mundi durabit: *Vsq̃ue ad consummationem sæculi.* Ita Christus panem cœli primogenituræ Spei copulatum reliquit.

Enim verò si quis à me naturalem hujus correspondentiæ, &

*Pars III.*

connexionis reciprocæ, tanquam Spei cum Sacramento, & vice versâ, uti in duratione, ita etiam in fine necessariæ, rationem nosse cupit; ipsa ejusdem Spei natura illam suppeditabit. Spes est affectus, qui suspirando semper ad videndum, non videndo vivit, & viso moritur. Sic Theologicè S. Paulus de eadem spe sermocinans: *Spes qua videtur non est spes: nam quod videt quis, quid sperat?* Spes boni sperati jam compos ad videndum, non est Spes; qui enim sperat, nondum videt: & qui videt, jam non sperat. Hæc natura est spei: illa verò Sacramenti qualis est? est Humanitatis Divinitatisque Christi præsentia illo velamine tecta, quod eousque ipsam invisibilem reddit; ut si posset, aut videri se sineret, jam Sacramentum non esset. Cumque Spes in desiderio videndi Deum consistat; illo jam viso spes esse cessaret: & Sacramentum Deum in se continens non foret Sacramentum; si ipsum visibilem exhiberet. Hinc illa inter Spem & Sacramentum, & utriusque durationem connexio oritur; ut si Deus liberam sui intuitionem omnibus in se sperantibus indulgeret (quod in mundi fine fiet) Spes simul cum Sacramento necessario desineret debere. Spes, quia jam videbimus

*Rom. 8.  
v. 24.*

B

Deum

Deum : Sacramentum , quia jam Deus non erit invisibilis.

Stellæ viventes nocte, moriuntur die. Idem nobis in hac Spei nocte, illucescente gloriæ die eveniet. Non sine ratione Christus divinum hoc Sacramentum instituit in nocte, quando pro una præsentia quam subtraxit visui, multas nobis reliquit fidei. Occumbente sole in occidente, mundus noctis involvitur tenebris, suspirando verò sursum in cælum, in tot minores eundem multiplicatum videmus soles, quot numero stellæ videntur, quas sibi absenti substituit, & in quibus non repræsentatur solum, sed vivit. Hoc pacto sese Christus abscondit nobis, non se subducendo, relinquens se ita conclusum Sacramento, in præsentias verò tot multiplicatum, quot consecratæ dantur hostiæ, in quibus cum adoramus, realiterque præsentem nobis habemus. Proinde in hac absconsione, obscuraque spei nocte, quâ Deum non videmus, quid aliud est Ecclesia cum divinissimo Sacramento, per omnes mundi partes multiplicato, nisi soli cum stellis sperantibus cum Jobo, ut illucescat : *post tenebras spero lucem?* sed quemadmodum exoriente sole nox fugit & finitur, & stellæ disparent : ita præsentem jam clara Dei visione,

cum Sacramento disparente simul spes finietur.

Christo in cruce expirante, scisum est templi velum ante Sancta Sanctorum expansum, in argumentum apertas tunc fuisse gloriæ portas eousque clausas : eodemque momento in Jerusalem & limbo finem acceperunt duo notabilia : in Jerusalem sacrificia legis veteris, in limbo Patriarcharum spes. Pari modo finiente hoc mundo, prædestinati ingredientur cælum clarâ Dei visione fruituri : eodemque momento finem accipient sacrificia & Sacramenta Legis Gratiæ, spesque omnium eandem legem profitentium. Illudque erit tunc testimonium ultimum & probatio evidens, uti modò certa, quod ad satisfaciendum spei, descenderit ille panis : *Hic est Panis, qui de cælo descendit.*

## S. VI.

VERùm enim verò, si spes est affectus ad videndum semper anhelans, & pro visione suspirans; in Sacramento verò summum bonum desideratum, nec videt, nec videre potest : quo pacto Sacramentum, & Deus invisibilis in eo, Spei satisfacere potest? hoc ultimum est mysterium, & obscurissimum discursus nostri punctum : ad quod

Job. 17.

quod intelligendum interiora spei profundius scrutari; exactamque ejusdem anatomiam instituere oportet. Celebris inter Theologos agitur quæstio, utrum in intellectu, an in voluntate, locū spes habeat. Potior pars eam voluntatis actum, minor verò, eam intellectus actum esse defendit. Opinio verò mihi probabilior, dubioque meo congruentior videtur, spē utraq; includere potentias, pedem unum intellectui, alterum infigendo voluntati. Idcirco spes accepto à S. Paulo nomine anchorā indigitatur: *Ad tenendam propositam spem, quam sicut anchoram habemus animæ tutam ac firmam.* Quemadmodum verò anchora pro securitate utrimque est firmanda: ita & spes, ut debitè firmetur in anima, non in alterutra solū, sed utraque simul potentiarum harum figenda & fundanda venit. Spes desiderio & fiduciā constat: Voluntate desiderat, & intellectu confidit: spes sine fiducia desiderans, esset nudum desiderium; sed sicut desiderat, ita confidens est Spes. Ex quo sequitur, Spei plenissimè esse satisfactum: cujus satisfactionis pars, desiderium, parsque altera fiduciam, seu confidentiam respicit: desiderium, pro solatio; fiduciam, pro securitate: quæ omnia Spes in Sacramento habet. Secu-

ritatem habet, pro confidentia; quia Sacramentum est pignus: Solatium habet pro desiderio; ipsum etenim Sacramentum est possessio. Pignus, in quantum illum habemus inclusum illi custodiæ: possessio, quatenus illum præsentem nobis habemus in pectore. Totum jam est dictum: ad probandum per partes progrediamur.

Cum primis Spes in Sacramento securitatem habet confidentiæ, est enim speratæ gloriæ pignus, prout nos docet Ecclesia: *Et futuræ gloriæ nobis pignus datur.* Quis verò petiit unquam, vel dedit, aut imaginatus sibi fuisset hujuscemodi pignoris genus. Eliā in cælum raptus, duplicem ipsius spiritum postulabat Elifæus; quem quia Elias statim dare non poterat, illum appromittendo pallium suum in pignus reliquit. Drogo Hostiensis, in pallio hoc & pignore, mysterium Sacramenti recognovit, in quo Christus accidentium pallio se nobis operit. Sed, pro, quantum inter pallium & pignus, inter pignus & pignus discrimen intercedit! Elias relinquendo pallium subtraxit personam, subtractâ verò personâ pallium insufficiens est pignus: Christus nobis in pignus palliū simul relinquit & personam. Pallium in accidentibus:

*Ecclesia*

Hebr. 6  
v. 18. &  
19.

personam in substantia. Num pignus dari potest securius? unum tantummodò huic simile, valde tamen inæquale in mundo fuit datum.

Joseph contemplante suos Fratres in Ægypto, Benjamin, quem tenerius quàm cæteros diligebat, in isto numero deerat, quem intensè videre desideranti promiserunt fratres, se illum adducturos: hâc tamen promissione, confidentiæ minùs fuit satisfactum: inito igitur pacto, in pignus Benjamin promissi Simeon vinculis & custodiæ traditur: *Frater vester unus ligetur in carcere:* & ita factum est. Nunc interrogo. Cujusnam spei magis poterat esse satisfactum, cuiusve fiducia magis secura, illane Josephi, an nostra? jam me interrogâsse pœnitet: injuria quippe tam supremo & non imaginabili irrogatur pignori. Confidentia Josephi valde poterat esse secura; siquidem pignoris loco in carcere & sub clave fratrem habebat pro fratre altero: nostræ verò confidentiæ securitas incomparabiliter est firmior; quia pignus promissionis (cujus similiter claves habemus) est ipse promissus. Spes Josephi erat valde secura, pignoris enim loco, pro Benjamin, Simeonem tenebat: fiducia nostra incomparabiliter est securior:

Benjamin enim loco, ipsum Benjamin habemus. Quid sperat spes nostra? videre Deum? in pignus igitur videndi Deum, ipsum sub clave habemus Deum, in specie panis nos sustentantis, pro majore securitate. Porro si Deus se tribuit ad manducandum, non se exhibebit ad videndum? si Deus de se facit discum, nonne & faciet de se speculum? secura est confidentia.

Enim verò, si ex parte fiduciæ, ad eò satisfactum est Spei in pignore; non minùs satisfactum est ei ex parte desiderij, in solatio. D. Thomas divinissimum Sacramentum, *Singulare Solatium*, nuncupavit. Et quare singulare est illud solatium? rationabiliter sanè. In aliis enim spebus, aliisque desiderijs, solatium semper bono desiderio est inferius: hîc ipsum bonum desideratum inferius est illo, quod nobis datur pro solatio. Quale bonum est, cujus desiderio spes æstuat? Visio Dei in cœlo. Quodnam solatium Deus spei ministrat? Sacramentum altaris in terra. Majus ergo bonum nobis datur, pro solatio desiderii, ipso bono desiderio; plus enim Deus tribuit communicanti, quàm in cœlo communicetur videnti. Beati in cœlo Deum vident, sed non comprehendunt. Ita ut Deus illis commu-

nicet

Gen. 42  
v. 19.

D. Tho.

necet quod vident, sed non, quod non comprehendunt: in mysterio verò Sacramenti, hoc quod Beati quidem vident, sed non comprehendunt, totum recipit communicans. Ergone dicemus communionem esse Dei comprehensionem? ad hoc asserendum non multum quidem laborarem, malo tamen, ut sanctus Epiphanius id adstruat.

Concepit Deum Beatissima Virgo Maria (in maxima filii sui solemnitate, non deceret, nobis deesse Matrem, præsertim in domo sua) concepit, inquam, Deum Beatissima Virgo Maria purissimis visceribus suis: magnitudinemque nec non profunditatem mysterii huius admiratus S. Epiphanius, in hunc exclamavit modum: *O uterum cælo ampliorem, qui incomprehensum Deum verè comprehensum portasti!* q. d. O uterum Virginalcm cælo capaciorem; verè enim comprehendisti in te, incomprehensibilem in cælo! Notetur benè, ly *Verè*: non tantum quocunque modo, sed *verè comprehensum*. Agedum, sciamus. Nunquid Beatissima Virgo Maria in cælo comprehendit Deum non. Quamvis claritas gloriæ Beatissimæ Virginis Mariæ, beatificaque visio, quâ Deum intuetur omnium aliorum Beatorum gloriam & visio-

nem in gradu sublimissimo excedat; nihilo secius Deum non comprehendit: Deus quippe infinitâ suâ perfectione & essentiâ omnino creato intellectui incomprehensibilis existit: Si igitur Dei Mater Deum non comprehendit in cælo, quando illum videt, quomodo S. Epiphanius inquit, quod illum comprehendit quando concepit, & suo in utero portavit? Tantus Pater, velut tantus Theologus, fuit locutus. Ad comprehendendum Deum necesse est illum videre totaliter, & totum: *Totum, & totaliter*. Quod ita definiunt tres scholæ Theologicæ præcipui, S. Thomas, Scotus, Suarez. Et quamvis Beati (computatâ etiam Beatissimâ Virgine Mariâ) Deum videant totum, non tamen vident totaliter: hinc illum non comprehendunt. Nunc interrogo. Quando Beatissima Virgo Maria Deum conceptum suo utero gestavit, habuitne illum totum, & totaliter? immò verò. Propterea enim S. Epiphanius dicit, quod illum comprehenderit verè, *verè comprehensum portasti*: non comprehensione intellectuali, sed corporali, eo modo, quo S. Paulus de humanitate Christi asserit: *In ipso inhabitat omnis plenitudo Divinitatis corporaliter.* Coloss. 2. v. 9.

Hoc supposito, nostra nunc mi-

B 3

hi

S. Epi-  
phan.

hi dicat Fides. Num Deus in Sacramento minùs est integrè, quàm in visceribus Matris suæ fuit? Nullatenus. Totus, & totaliter in Visceribus Mariæ: Totus & totaliter in Sacramento. Si igitur Maria, quia Deum totum & totaliter habuit in pectore, illum comprehendit: quare illum communicans, totumque ac totaliter in Sacramento recipiens eum non comprehendit? extra controversiam est, pectus Beatissimæ Mariæ sine comparatione capacius, sine comparatione purius, sine comparatione denique dignius esse: Verùm, prout doctè & graviter notat P. Suarez Sphæram solis, quæ est quarta, tantùm capit cælum quintum, quantùm octavum, licet octavum majus innumerisque sit stellis consitum, quintum verò minimè. Proinde si Deus in Sacramento comprehenditur, & non in cælo: si Deus se totum & totaliter communicantium tribuit pectori; & in cælo se totum, sed non totaliter videntium exhibet oculis; expendite annon plus habeat spes pro solatio, quàm speret in desiderio! Spei itaque satisfactum est, & ultra, tam ex parte confidentiæ, in securitate, quàm ex parte desiderii in solatio: pro uno enim habet pignus, pro altero possidet panem, qui de cælo descendit: *Hic est panis qui de calo descendit.*

## §. VII.

**I**stæ sunt (redeamus ad nos) istæ sunt supremæ excellentiæ, quibus Deus in Sacramento nostræ satisfacit spei: Verùm nescio utrum reciproca sit ista satisfactio. Spei nostræ satisfactum est à Deo: curandum nunc restat, ut etiam Deo reciprocè, satisfiat à nostra. Sed quomodo fiet istud? sola & vera satisfactio, quam spes nostra Deo redhibere potest, est, totam in ipso collocari. Enim verò, si non in, & à solo Deo speramus, quid, quæso, & in quo speramus? speravit David in Saule tanquàm Rege, speravit in Jonatha tanquàm amico, speravit in Absalone, tanquàm filio; sed omnibus istis spebus deceptus est, nec utilitatem habuit ex eis; erant enim spes in hominibus collocatæ. Hinc idem David duplicem capeßivit resolutionem, utramq; dignam tali, qualis ipse erat, homo scilicet, & Propheta. Velut homo, in solo Deo sperare resolvit: *Mihi adherere Deo bonum est, ponere in Domino Deo spem meam.* Velut Propheta, omnibus prædicare hominibus, ne quis spem suam & fiduciam, collocet in hominibus, quancumque demùm sint, aut esse videantur: *Nolite confidere in Principibus, in filiis hominum. in quibus non est salus.* Ad Veritatis hujus probationem non

*Pf. 72.  
v. 28.*

*Pf. 145.  
v. 23.*



non aliam requiro considerationem, quàm illam nostri textus considerationem requiro: *Hic est Panis, qui de celo descendit.* Quæ verba ritè pensans, directè & indirectè, videbitis, solum Deum dignū esse, ut omnes in ipso spes collocentur, omnemque hominem indignum, ut quis alius spem in eo ponat.

Primò, textus noster Deum descendisse inquit, *descendit.* Et unde descendit? *de celo.* Descendit de celo, descendit de gloria, descendit de altissimo immensoque Majestatis suo throno: Nec solum descendit semel in Incarnatione ad nos redimendos; sed infinitis quotidie vicibus in Sacramento ad nos cibandos, ad nos curandos, ditandos & deificandos. Quis, quæso, hominū vel uno gradu ab authoritate & vanitate sua, alterius hominis amore descendit? Deus ad vos exaltandos descendit? & homines ut ascendāt, vos conculcant. Quis hominum superiorem se non conculcat, si potest, ut fortunæ suæ gradum ex eo faciat? si fueritis velut Abner, amicum habebitis instar Joab, qui amplexu & osculo vos interficiat, ut locum vestrum occupet: si fueritis velut Miphiboseth famulum habebitis similem Cibæ, qui falso vos circumventos testimonio, hereditate privet, ut eam in se trans-

ferat. Si fueritis velut Esau, fratrem habebitis instar Jacob, qui dolosè surreptā vobis benedictione, in vestram primogenituram sese infinuet. Si fueritis velut David, filius vobis non deerit velut Absalom, qui subditorum contra vos animos sollicitet, ut vestram capiti suo coronam imponat. Et si esse possetis velut Christus, non deforet vobis discipulus, sicut Judas, qui vel pro minimo lucello, inimicorum vos manibus traditos, in crucē ageret. De hoc homine ipsemet protestatus est Christus: *Homopacis mea, in quo speravi; magnificavit super me supplantationem.* Agedum sperate & confidite nunc in hominibus, penes quos nec obligatio, nec amicitia, nec sanguis, nec ipsa fides quicquam valet, ut eam integram vobis servant. Tam diu solum vobis pareunt; quamdiu ex ruina vestra commodum aliquod non sperant. Primus & optimus homo cum toto genere humano retrogressus est; solum quia ascendere nitebatur, quò non poterat; & nos prostrati adhuc jaceremus, nisi ad erigendos nos Deus descendisset: *descendit.*

Quomodo verò descendit? in Pane: *Panis qui de celo descendit.* Deus fit Panis, ad vos pascendos: & homines de vobis faciunt panem, ad vos devorandos.

Non

Non ego hoc dico. Josue & Caleb ad explorandam terram Chanaan missi reversi ad suos retulerunt tanquam nova, quod Chanaanæos sicut panem devorare possent :

*Num. Sicut panem eos possumus devorare.*

14.v.9. Sic illi sunt locuti, & sic fecerunt Hebræi, devorârunt illorum bona, civitates, libertates, vitas. Pessimum est, quod in Natione eadem, in eodem populo, & in eadem quandoque familia homines hi, devorent alios. Iste usitatus est panis, & hæc desuper Dei, per

*Ps. 13. v. 4. Davidem, querela: Qui devorant plebem meam, sicut escam panis.*

q. d. video, quod populum meum, cui ego me in panem tribui, sicut panem devorent. Notat hic Genebrardus, Prophetam hic loqui de Magnis & potentibus : *loquitur de Magnatis.* Parvi non devorant, nec devorare possunt Magnos : Magni, quia possunt, devorant parvos. Hinc plebs adeò est depopulata & attenuata, & devoratores adeò impleri & saginati.

*Genebrard.*

Humana potentia & maffitia, cum divina luctata videtur omnipotentia & bonitate, ad aliud conficiendum Sacramentum, illi contrarium divino. Omnipotens substantiam Panis, in substantiam Carnis & Sanguinis convertit, ut corpus ipsius comederemus. Illi

potentes mundi carnis sanguinisque populi substantiam in Panem convertunt, ut illum devorent. Qui illud patiuntur Jobum aufeulent, ut similem illius patientiam,

à Deo perant : *Quare persequimini me sicut Deus, & carnibus* *Job. 19. v. 22.*

*meis saturamini?* Job persecutores suos se carnibus suis saturâsse, & in hoc Deo se assimilare voluisse conqueritur. Ergò similes Dei, carne Jobi se fatiantes? in quonam consistit hoc, *sicut Deus?* In miraculo transubstantiationis, quod nec nomen habebat, & mysterium Sacramenti illi assignavit. Solus Deus substantiam aliquam in aliam convertere potest. Et in hoc perversè æmulantur Deum, qui substantiam alienam convertunt in propriam; & de pauperum carnibus faciunt Panem. Tales erant Jobi persecutores. Sicut Deus substantiam panis in carnem suam convertit, ut ipsum comedamus; sic illi è contrario, substantiam Jobi & carnem convertiebant in panem, ut illum devorarent. Enim verò, quinam erant illi, ad cognoscendum melius, quid sint homines? Erant Jobo vel maximè devincti, quibus maximè confidebat; erant familiares ejus & domestici. *Dixerunt Job. 17. viri Tabernaculi mei; quis det de v. 5. carnibus eius ut saturemur?* Ecce quid

quid machinentur homines, ut videatis, quid de ipsis sperandum sit, & ubinam melius spes colloce-  
tur, utrum in eo qui se tribuit ad  
manducandum, an in eo qui vos  
devorat.

Conclusionis vice deserviat,  
quod Jeremias Propheta utroque  
debitè expenso intulit: *Maledictus  
homo, qui confidit in homine: Bene-  
dictus vir qui confidit in Domino.*  
In die novissimo, quo omnibus ipsa  
patebit veritas, quibusdam dice-  
tur: *Ite Maledicti.* Et hi erunt isti  
stulti & infelices, qui spem suam  
collocarant in hominibus: *Male-  
dictus homo, qui confidit in homi-  
ne.* E contra dicetur aliis: *Venite Be-  
nedicti:* qui erunt prudentes illi &  
felices, qui in Deo solo omnem su-  
am spem collocarant: *Benedictus  
vir, qui confidit in Domino.*


Nullum hominum adeò à se-  
metipso, aut aliis infatuatum dece-  
ptumque puto, qui dum optio ad-  
huc datur, qui non sortem præeli-  
gat eorum, qui in Deo & solo Deo  
omnem suam spem fixerunt. Tunc  
videbunt, quod sicut Deus in hac  
vita, beatitudinem unam pro spe;  
alteram adhuc reservârit in vita fu-  
tura pro sperantibus in se: *expectan-  
tes beatam spem, & adventum gloria  
magni Dei.* In quibus verbis S.  
Paulus duo magna ponderatione  
digna exprimit, præsens unum, fu-  
turum alterum. De præsentem spem

*Pars III.*

nostram asserit beatam, *Beatam  
spem:* Enim verò quænam beatitu-  
do ista, nisi illa, quæ, uti videmus, in-  
clusa est Sacramento, quæ spei præ-  
senti; vitæ est propria? In futuro  
promissam, terminis majore pensa-  
tione dignis declaravit, inquires  
venturam beatitudinem, esse glori-  
am magni Dei: *Et adventum gloria  
magni Dei.* Nunquid Deus semper  
est æqualis, semper magnus, sem-  
per idem? Ecquænam ista est gloria  
Dei magni? nunquid alia est gloria  
Dei magni, & alia Dei parvi? Ita  
planè. Gloria Dei, in Sacramento  
est gloria Dei parvi. In Sacramento  
quippe Deus contraxit, collegit &  
compendiavit majestatem suam in  
tantillâ sphaera, qualis est ista hostiæ.  
Gloria Dei in cælo, est gloria Dei  
magni; quia ibi majestas ipsius & magni-  
ficentia in tota immensitatis suæ infinita  
latitudine exhibebitur nobis. Hic colle-  
cta & compendiata, ut eam capere possi-  
mus: ibi dilatata & extensa, ut cum eam  
capere nequeamus, nos intremus in illâ:  
*intra in gaudium Domini tui.* Quis igitur  
tâ erit insipiens, qui cum in hac, & altera  
vita beatus esse possit in Deo, & solo Deo  
sperando, in illo solo non speret? Age-  
dum Auditores, in solo speremus Deo,  
vanis omnium creaturarum semel ac pro  
semper, spebus renunciantes. Et quousq;  
cælum ascendere non datur ad fruendū  
ibidem beatitudine nos expectante, spes  
nostra interim fruatur hîc beatitudine  
quam præsentem habet in pane, qui de  
cælo descendit: *Hic est panis qui de cælo  
descendit.* Amen.

C

SERMO



# S E R M O

De

## B. V. MARIA de Monte Carmelo.

Habitus in Festo ejus Ordinis , exposito SS. Sacramento, in Ecclesia, & Conventu eiusdem Beatissimæ Virginis, in civitate S. Ludovici, Maragnanæ

Anno 1659.

*Beatus venter qui te portavit, & ubera, quæ suxisti: quinimodò beati, qui audiunt Verbum Dei, & custodiunt illud.*

LUC. II. v. 27. & 28.

### §. I.



Antè observatu dignissimū est ( id quod animo in sacris litteris à quopiam adversum fuisse equidem ignoro ) quod ubicunque Christo Domino de materna generatione quis quidpiam proponeret , ille semper de paterna generatione mentionem reposuerit. Ità supplicat mater filiorum Zebedæi, atque, ut filiis ille ipsius supremas regni sedes indulgeat, obtestatur; statim verò Mariæ Filius objectâ paternâ generatione

respondet: *Non est meum dare vobis, sed quibus paratum est à Patre meo.* Aliàs quoque ubi Christus in Templo Jerosolymitano vitæ verba disseminaret, insinuatum ei fuit à nonnemine, à Matre ipsius foris stante ipsum avidè expectari: ille illico paternæ generationis injecta mentione respondit: *Qui fecerit voluntatem Patris mei, qui in cælis est, ipse frater meus, & soror, & mater est.* Cùm etiam sacratissima Dei Genitrix ipsum Filium suum post triduanam amissionem in templo in medio Legis Doctorum confidentem invenisset, atque illi amoris dolorisque solli-

Matth. 20. v. 23

Matth. 12. v. 50

sollicitudinem, quâ ipsum ut Mater filium requisierat, aperuisset: *Luc. 2. v. 48.* *Fili, inquit, quid fecisti nobis sic?* Ille rursus paternâ propositâ generatione, respondit: *Nesciebatis, quia in his, quæ Patris mei sunt, oportet me esse?* Ex ista loquendi methodo, & hâc status Christi ratione intelligere facillimè poterimus momentum responsi, quod ipse ad mulieris istius Evangelicæ verba reposuit. Cum nimirum Scribarum & Phariseorum calumnias validissimis æternæ veritatis rationibus atque argumentis retudisset & confutâset, in media audientium turma aderat quædam mulier, & illa quidem plebeja, intellectu tamen haud vulgari, atque animi generositate non minori conspicua, quæ vocem in medio turbarum extollens, in hæc verba prorupit. *Beatus ventris, qui te portavit, & ubera quæ suxisti.* Non adeò equidem videbatur conveniens, Verbi Dei ut disseminator hujuscemodi verbis, maxime hujus generis hominum, præsertim in publico ac propalam responderet: at quia materna ipsius deprædicabatur generatio, silere noluit, sed pro more adductâ generatione paternâ respondit: *Quinimò, Beati qui audiunt Verbum Dei & custodiunt illud.* Ubi nimirum maternæ generationis illi-

us ei mentio fiebat, ad paternam ille quasi confugit, palam omnibus ut insinualet, ita quidem esse sese Filium Mariæ, ut simul esset Verbum, adeoque Filius Patris æterni. Sicenim Venerabilis Beata hocce Christi responsum expendens, per Verbum Dei non tam intelligit Christi doctrinam, quàm ipsum Christum, qui secundum Divinitatem æterni Patris est Verbum. *Non autem, inquit, tantummodò eam, quæ Verbum Dei corporaliter generare meruerat, sed omnes, qui idem verbum spiritualiter audire, fide concipere, & bonâ operis custodiâ, vel in suo, vel in alieno, vel in proximorum corde parere, & quasi alere studuerint, assensit esse beatos.* Quomodo te sacratissima Carmeli montis Religio sibi similem constituit, qui te propter se solum, atque alios multos ad se alliciendos creavit? Christus prædicta omnia fecit idcirco, ut animis hominum Divinitatis suæ fidem imprimeret, mundumque doceret, uti duplicem ipse habebat naturam, ita etiam duas esse generationes illius; æternam videlicet unam, quâ à Patre æterno ante sæcula genitus est, novissimam verò alteram ac temporalem, quâ fuit post sæcula ex Matre Virgine natus. Quemadmodum verò Christus duplici generatione, & utrâque

*Nazia.* Nazianzenus, processit, vetustissimâ videlicet & æternâ, quâ genitus est à Patre sine matre, & novissimâ ac temporali, quâ ex Matre sine Patre & conceptus & natus fuit, sacratissima Carmeli Religio duplicem quoque virginalem sortita est generationem, alteram in lege scripta antiquissimam, quâ ab Elia parente Virgine, absque Matris intervenientis consortio edita fuit; alteram verò in lege gratiæ recentiore, quâ ex Maria Virgine orta fuit ac producta; quæ productio ex Matre fuit sine Patre. Color geminus ac duplices distinctæ Carmelitani habitûs partes istius sunt duplicis generationis & testificatio & hæreditas. Paternæ quidem absque matris interventu factæ testificatio & hæreditas est pallium album, ab Elia Elisæo Carmelitæ relictum: maternæ verò absque Patris consortio factæ testificatio & hæreditas, est sacrum & pullum Scapulare à Sanctissima Virgine Maria Sancto Simoni olim Carmeli Ordinis non modò alumno, sed & Generali Præposito cœlitûs delatum. Hoc unum inter duplicem Christi & illius sacratissimæ Religionis generationē intercedere discrimen videtur, quod in Christi generatione Pater cœlestis, Mater verò esset

terrena: in Carmelitani verò Ordinis productione Pater terrenus, Mater verò erat cœlestis. Sed in hac cœli terræque diversitate duplex illa productio tantum cœlestis substantiæ participavit, & ambæ Carmeliticæ habitûs partes totæ ac tantis cœlestibus dotibus ornatae fuere ac prærogativis, ut Mater è cœlesti Curia in terram descendens Scapulare detulerit; Pater verò ad cœlum è terra conscendens pallium dimiserit ac reliquerit.

Nulla datur Religio ( etsi sanctissimæ omnes existant ) quæ tale habuerit initium, quæve de talibus queat gloriari Progenitoribus: & cum benedicta hæc progenies duplicem sortita sit originem, & duplici generatione utrâque miraculosâ, utrâque singulari, utrâque cœlesti & divinâ sit exorta, devotionis excessui, aut laudum atque encomiorum exaggerationi attribui omnium minimè debet, si hodiernâ die iisdem Sacri Evangelij verbis dupliciter beatos huius Instituti proclamemus Aumnos; quia verè Beati, tantæ quod Matris sint filij, *Beatus ventex, qui te portavit.* Et reverà Beati, quia tanti Patris Filij. *Beati, quæ audiunt verbum Dei & custodiunt illud.* Dux istæ Sacri Textûs clausulæ, ac duplex ista origo præsentis orationi nostræ fundamentum

sup-

suppeditabunt atque argumen-  
tum. Benevolas præbete aures,  
atque ad gratiam obtinendam ve-  
stram operam conferte dicentes.

Ave Maria. &c.

*Beatus venter, qui te portavit, &  
ubera quæ suxisti.* LUC. II.

§. II.

**M**AXIMA omninò Beatissimæ  
Virginis Mariæ excellentia  
in eo consistit, quod sit Filii Dei  
Mater; maxima Sacræ Carmelita-  
næ Religionis excellentia in eo si-  
ta est, quod ipsius Alumni sint Filii  
Dei Genitricis. Ad hanc glorio-  
sam applicationem opus non est,  
ut sacri Evangelii verba commu-  
temus. Necesse, inquam, non est,  
ut illa de Genitrice in Gentricem  
transferamus, quia eadem est Ge-  
nitrix; sed ut de Filio ad Filios ex-  
tendamus, quia diversi sunt Filii,  
quamvis sibi haud omninò absimi-  
les, prout deinceps videbimus.

Dum Spiritus sanctus de eodem  
utero virginali, de quo Evangeli-  
cum exclamat præconium: *Beatus  
venter*, mentionem faceret, Can-  
ticorum cap. 7. inquit. *Venter tuus  
sicut acervus tritici vallatus liliis.*

Cont. 7  
p. 2.

Prætermisiss hic liliis & tritico, soli  
explicando acervo insisto. Lilia,  
ut inquit S. Ambrosius, puritatem  
virginalem sanctissimi ventris de-  
signant, triticum exprimit Filium,

qui in illo, aut ex illo natus est,  
veluti Christus ipsemet ait: *Nisi* *Joan. 12*  
*v 24.*  
*granum frumenti cadens in terram,  
mortuum fuerit, &c.* Sed ex hoc  
ipso enascitur dubium; quia si tri-  
ticum sit tantum granum frumen-  
ti quomodo dicendus erit acervus  
tritici? *Beatus venter, & venter  
vallatus liliis*; De quo in utroque  
Testamento sit mentio, est idem  
venter virgineus. Si ergò triticum,  
quod in illo & ex illo est proгна-  
tum, solum sit unicum granum,  
quomodo acervus dicendus erit?  
quod si granum sit Christus, acer-  
vus quis erit? quis erit mons? est  
mons Carmeli, quia & granum  
frumenti, & acervus tritici ambo  
ejusdem Matris sunt filii, ambo  
ejusdem sunt uteri partus. Ita su-  
preum Ecclesiæ Dei oraculum  
Sixtus quartus Pontifex maximus  
declaravit ac definivit. Verba ipsi-  
us, quæ notatu dignissima sunt, at-  
tendite: *Venerabilissima Virgo Maria,  
qua Dominum nostrum Iesum Chri-  
stum, admirabili cooperante virtu-  
te Spiritus Sancti genuit, ipsa pro-  
duxit Ordinem B. Maria de Monte  
Carmelo.* Ita, ut granum tritici &  
ejusdem acervus ambo sint partus  
ejusdem ventris, quia unica & ea-  
dem Mater, quæ unicum peperit  
filium, alios quoque progeniuit.  
Dum Christum peperit, *Beatus  
venter qui te portavit*; Dum autem

Carmeli Ordinem produxit, *ven-  
ter tuus sicut acervus tritici* dictus  
est. In primo partu unicum edidit  
primogenitum; in secundo autem  
plurimos cœlo dedit: sed in unico  
filio quem genuit, & in multis,  
quos produxit, semper una & ea-  
dem Mater est. *Ipsa produxit Or-  
dinem B. Maria de monte Carmelo.*  
Hinc sacratissimi Evangelistæ Lu-  
cæ percipietur textus ille, in quem  
occæcatus Elvidius, non solum ut  
triobolaris Theologus, sed etiam  
ut deterior Grammaticus graviter  
impegit. Sanctus nimirum Evan-  
gelista evangelico penicillo suo  
admirabilem Virginis Mariæ par-  
tum, qui in stabulo Bethlehemitico  
contigit depingens ait, quod  
serenissima mundi Domina peperit  
*Filium primogenitum.* Primogeni-  
tum? ergo alios quoque genuit  
filios? Id Elvidius blasphemio &  
hæretico ore asseverat. Ego autem  
& in sensu Catholico verum esse  
non diffiteor. Sacra ergo Deipara  
Virgo & primogenitum & secun-  
dogenitos habuit filios. Primoge-  
nitus est Christus; secundogeniti  
sunt illius Carmelitæ. Ubi Deus  
ordine & dignitate primus est, ibi  
dari potest & secundus. In hoc  
sensu D. Anselmus, Rupertus &  
Guerricus Abbas Elvidium refu-  
târunt: sed quia istorum Docto-  
rum applicatio, generalior est,

utamur verbis Sixti; quæ non so-  
lùm hujus sublimis prærogativæ  
fundamentum præbuere, sed et-  
iam ejus nobis rationem suppedi-  
tant. Virgo Maria, ut inquit Pon-  
tifex, Christum genuit: Ordinem  
verò & Familiam Carmelitanam  
produxit: atque istud discriminis  
est inter Filium & filios, inter pri-  
mogenitum & secundogenitos.  
Primogenitus in utero conceptus,  
ex utero natus & genitus est; se-  
cundo geniti verò sunt producti.  
Ad istorum intelligentiam, agere,  
paulò altiùs provehamur. Post-  
quam æternus Pater genuit Ver-  
bum, alium generare non potuit  
filium, sed quamvis non potuerit  
generare, potuit tamen produce-  
re. Potuit *adintrà* producere, &  
producit Spiritum sanctum æqua-  
lem Filio. *Adextra* potest produ-  
cere filios, sed illis Personis nequa-  
quam æquales, qui sunt filii ad-  
optivi, quos ejusdem spiritus effi-  
cit participes. *Ut adoptionem filio-  
rum Dei reciperemus, misit Spiritum* Gal. 4.  
*Filii sui in corda nostra.* Ad cum v. 5.  
penè modum contingit sacratissi-  
mæ Virgini, quam idcirco Divus  
Augustinus ideam Dei appellat,  
ubi ait, *Si formam Dei te appellem,  
digna existis.* Deipara enim Virgo  
Filium à se genitum ac naturalem  
præter unicum, qui simul est uni-  
genitus Patris Filius, alium nullum  
habet

Serm.  
de Nat.



habet nec habere potest; Filios autem productos & adoptivos potuit plurimos hæc Mater sublimis obtinere : hi verò ex speciali prærogativa ac filiatione sunt in primis Religiosi Carmelitæ, quos imposito eis nomine, & factâ in filios adoptione *ad extra* produxit; *ad intra* verò (sic dici si lubet) communicando, & in illis proprium producendo filium, uti videbimus, *ipsa produxit.*

### §. III.

**P**robè equidem scio, naturalem inter Virginis Filium & adoptivos infinitum intercedere discrimen. Verùm in hoc ipso statu, & in ipsis his verbis aliqua mihi illucescit excellentia, quæ etiam in comparatione filiorum ad filium talis esse videtur. Quæro enim, in quo sit major prærogativa & præstantia; an in eo, quod sit quis filius naturalis, an quod sit adoptivus? Adoptio est naturæ supplementum, atque idcirco palam esse videtur, longè esse excellentius, naturâ esse filium, quàm adoptione. Veruntamen absolute ac præcisè loquendo, dico, quod filius adoptivus ampliori gaudeat quodammodo prærogativâ, quàm naturalis. In filio naturali præstantia fundatur in filiatione seu progeneratione; in adoptione autem filio

fundatur in ipsa præstantia. Filius naturalis ideo amatur, quia filius est; adoptivus autem est filius, quia amatur. Quod quis naturalis sit filius, fortuito fit, quod verò adoptivus evadat, ex merito accidit. Ratio istius rei est, quia naturales filii sunt partus naturæ, adoptivi autem sunt filii electionis. In prioribus voluntas, uti & iudicium locum omninò nullum habent; in posterioribus verò quidquid agitur, totum à iudicio, totum procedit à voluntate. Hoc signanter in Epistola ad Sisinnium Divus observat Ambrosius ubi ait: *aut naturâ filios suscipimus, aut electione, in natura casus est, in electione iudicium.* Quantum igitur fors vel casus differt ab electione, tantum una proles aliam antecellit: quod si parentes filios electione susciperent, proprios plurimi alienis commutarent, imò liberis quandoque omninò carere, quàm tales habere mallerent. Nunquid Adamus electurus vobis videtur fuisse Cainum, Noë Chamum, Abraham Ismaëlem, Isaac Esaum, Jacob Rubenum, David Absolonem? absolute ita futurum fuisse non videtur; at quilibet iis prolibus esse debet contentus, quas sorte obtinuit, quia proles in hac parte bonis fortunæ adscribuntur. In filiis autem adoptivis contrarium usu venit, quia istius alter-

alteriusve electio à nostra voluntate, à nostro pendet iudicio, ac magno proinde voluntas & iudicium illius præpeditur errore oportet, qui omnium excellentiorem dignioremque non eligat. *Non est dignus adoptari*, ait Cassiodorus, *nisi qui fortissimus meretur agnosci*. Ac rationem subjungens illam ipsam, quam observavimus, differentiam insinuat in his verbis: *In sobole frequenter fallimur: ignavi autem esse nesciunt, quos iudicia pepererunt*. Filii naturales sæpe sæpius desiderio parentum non respondent, quia licet sint filii natu à, sunt tamen & fortunâ; in filiis verò adoptivis adoptans plerumque de fine intento voti; sui effectu consequendo est certus, quia sunt filii electionis ac partus iudicii, *quos iudicia pepererunt*.

Talis aut penè talis (cum personarum distantia sit infinita) differentia est, quæ gloriosè inter naturalem Virginis Mariæ Filium, & hosce adoptivos reperitur. Et naturales & adoptivi ambo ejusdem Matris sunt filij; sed Christus est viscerum ipsorum sacratissimorum Virginei Corporis Filius. *Beatus venter, qui te portavit*; Carmelitæ autem sunt filij iudicii ipsius, *quos iudicia pepererunt*.

Suprema Virginis Mariæ excellentia, quam S. Anselmus stupen-

dam vocat, est, quod Maria & Deus ejusdem sint Filij Parentes: suprema autem prærogativa, quæ huic sacræ tribui potest Religioni, est, quod Carmelitæ & Christus sint Matris ejusdem Filij. Nec Deus ampliùs quid præstare potuit Mariæ, quàm ut Unigenitum suum ipsi daret in Filium; nec Maria ampliùs quid exhibere potuit Carmelitis, quàm ut Filium suum donaret ipsis in Fratrem. Et quamvis Christus naturalis sit ejusdem Genitricis Filius; ipsi verò adoptivi; naturalis autem filiatio sit partus corporis, *Beatus venter*; adoptiva autem filiatio partus sit iudicii, *Quos iudicia pepererunt*: nescio an ob istam differentiam dicere queam: *Quinimò Beati*. Verùm animis advertite felicissimi Patres, vos Filios esse iudicii, iudicii inquam, non Jacob, uti fuère Manasses & Ephraim; neque Augusti aut Trajani, ut illi, quos ipsi adoptârunt, sed Sacratissimæ Dei Genitricis. Vos, & cogitationes Deiparæ Virginis ejusdem estis iudicii partus. Videte igitur cum sitis cogitationum ipsius germani Fratres, an vestri memoria in illa vobis deesse queat. Solùm Verbum divinum præstantioris iudicii Filius est, quàm vos, quia ex æterni Patris mente genitum est, vos autè ex ipsius Matris iudicio producti estis.

§. IV.

## §. IV.

**V**erum de iudicio ad voluntatem, quæ altera animæ pars est, quæ ad adoptionem, sive adoptorum generationem filiorum concurrat, transeamus. Iacobus Apostolus ubi loquitur de adoptione & dignitate filiorum Dei, ad quam per merita Christi elevati sumus, disertè observat, ac tanquam singulare quid ponderat, quod in hoc generationis modo Deus nos generat voluntate: *Voluntariè nos genuit verbo veritatis.* Hæc voluntas veritatis, ut sic dicam, circumstantia est transcendens & generalis in omnibus Dei operibus, atque in cunctis naturalibus, sive supernaturalibus beneficiis, quæ ex infinita illius liberalitate in homines proficiuntur. Voluntariè nos creavit, voluntariè nos redemit, voluntariè nos conservat, sustentat & gubernat, & quidquid operatur aut non operatur, voluntariè facit. Cum ergo voluntas & voluntarieras Dei ita inseparabiliter cunctis adsit operationibus ipsius, cur, obsecro, divinus Apostolus in filiorum adoptivorum generatione singulariter exprimit voluntatem, atque in illo verbo, voluntariè vim maximam facit? *Voluntariè genuit nos.* Differentiæ rationem ex ipsis

Pars III.

Apostoli verbis hausit S. Fulgentius, quæ etiam ante ipsum jam animadvertenter Divus Athanasius, & est utroque dignissima. De tribus nimirum Apostolus in verbis illis facit mentionem; nempe de voluntario, generatione, & verbo: *Voluntariè genuit nos verbo veritatis.* Dicit ergo S. Fulgentius: *Nos Deus voluntariè genuit, quia voluntas generationem præcessit: in Unigeniti autem generatione nulla generantis præcessit voluntas; ubi sine initio naturali permanet æterna nativitas.* Generatio æterna, quæ Pater generat Verbum, non est, nec esse potest voluntaria, quia Filius per actum intellectus, quo se Pater ante omnem voluntatis actum cognoscit & comprehendit, genitus est. Quia verò naturalis filii generatio non est libera nec voluntaria, sed necessaria, ideò quando Apostolus loquitur de generatione adoptiva, ita illam voluntatis circumstantiam ponderat & exaggerat dicens: *voluntariè genuit nos:* discrimen ostendens & inæqualitatem exactâ mentis staterâ expendens, atque si diceret: et si Deus nullum præter unicum Filium naturalem generare poterit, potuit tamen generare, & re ipsâ generat filios adoptivos. Et supposito quod illi eadem attributa & eandem æqualitatem non obtineant,

D

ant,

ant, habent tamen quandam circumstantiam, quâ hæc inæqualitas plurimum adæquatur, si enim adoptivæ generationi desit esse naturale, illa tamen superabundat in esse voluntario. Et hæc voluntarii circumstantia tanti ponderis, momenti ac pretij est, ut voluntarium secundæ primæ generationis ferè suppleat excessum. In prima generatione Pater totum esse divinum tribuit Filio, sed absque ullo voluntatis concursu; in secunda verò idem Pater solam istius esse participationem filiis adoptivis largitur: sed voluntariè: *Voluntariè genuit nos*. Nolo his diutius immorari, atque ea, quæ dixi de Patre, applicare & Matri, sed ulterius progredior.

Quærun Theologi, an Christus sit Filius Dei naturalis an adoptivus? in quantum Deus & Verbum est, dubium esse nullum potest, quin sit filius naturalis. In quantum autem homo est, Scotus & plures affirmant esse filium adoptivum; sed communior ac magis recepta, & secundum Doctorem Angelicum certior sententia est, quod etiam ut homo sit Filius Dei naturalis. Hinc sequitur Christum dupliciter, ac duplici ratione esse filium Dei naturalem; semel nempe per generationem æternam, ac semel per temporalem.

Sed quare Deus voluit, ut Unigenitus Filius naturalis ipsius veluti bis esset hujusmodi filius, & quasi suo animo factum satis non esset, quod semel ipsum genuisset, voluit illum in alteram quoque vicem generare? quia videlicet etsi in prima generatione satisfactum esset naturæ, nondum tamen satis esse factum videtur amorì, cui etiam ut fieret satis, non solum voluit, ut naturâ ipsius esset Filius, sed simul & naturâ & electione; unâ quidem ratione filius naturalis cū omnibus proprietatibus filio naturali competentibus, ac rursus aliâ ratione filius etiam quidem naturalis, sed cum aliqua adoptivi proprietate. In prima Filij Dei generatione voluntas, uti vidimus, partes nullas habuit, quia fuit generatio necessaria, non verò libera. Quare ut voluntas & amor ad generationem Filij Dei quoque concurrerent, iterum filius generatur, ut sicuti per naturam filius est naturalis, ita etiam per electionem talis existat.

Fuit hæc Sancti Hippolyti cogitatio sublimissima, cujus verba etsi intellectu difficillima sint, quia amplius quid illis exprimere videtur; hoc tamen ipsum, quod diximus, & aliud nihil illis significat. *Qualem igitur Filium suum Deus per carnem misit, nisi*

S. Hipp  
Ver-

*Verbum, quod à principio scilicet filium vocavit, quia futurum erat, ut ortum caperet. Et cum Filius vocatur, commune nomen amoris erga homines sumis; nec enim Verbum per se & sine carne perfectum Filius erat, cum tamen perfectum esset Verbum Unigenitus. Id est antequam Unigenitus Dei Filius humanam assumeret naturam & ab æterno, quod attinet ad perfectionem & integritatem infinitam naturæ perfectus fuit filius, sed quod spectat ad satisfactionem & nomen amoris, deerat ipsi concursus voluntatis, quia necessariò, non verò liberè & per electionem naturæ genitus erat, ideòque ab ipsâmet æternitate aliam in tempore futuram decrevit, vel quasi adoptavit generationem, ut suppleret & quâdam ratione perficeret in secunda, quod absque tamen ulla imperfectione (cum ubiq; summa perfectio relucet) non potuit obtinere in prima. In prima Verbû fecundissimæ Patris naturæ fuit Filius, sed absq; affectu, uti S. Greg Nazian. affirmat, ubi ait: *Pater genuit filium sine affectu.* In secunda verò affectus unitus est naturæ, & Pater, cui satis non erat diligere filium, postquâ illum genuisset, voluit denuò diligendo generare, atque idcirco quia diligebat, generavit, ut quemadmodum prius Pa-*

terni vocabatur Filius intellectus, ita etiâ filius dilectionis ipsius vocaretur, *Filium dilectionis suæ*, inquit Apostol. Hæ sunt vestræ prærogativæ, Partheniæ Carmeli Matris Filijs, videtur enim Matre cum Patre, uti Rebecca cum Jacob, competisse hîc in dilectione filij primogeniti, illa in amore secundogenitorum. Vos estis Sacratissimæ V. Mariæ Filij; sed quales filij? Filij mentis, voluntatis, judicij & dilectionis. Ipsius judicium vos cæteris prætulit; amor ipsius vos elegit; judicium vos concepit, amor verò genuit. Non estis equidem Virginei Mariæ uteri filij; hoc enim privilegium soli Dei & Virginis filio debetur. *Beatus venter, qui te portavit*; sed ex quodam jure prærogativo, quod non minus, sed aliquo modo sublimius videri cupiam posset, estis viscerum animæ ipsius filij, in anima illius concepti, in mente geniti, & ex mente progenerati. Quis ista præcisè considerans negabit, hunc generationis modum longè esse nobiliorem atque excelentiorum, concipi nimirum & generari in anima, quàm concipi & generari in corpore? Certè ipse Christus in hoc negotio comparisonem instituit, & quæstionem sive difficultatem hac ratione resolvit ac decidit. Marcel-la beatum proclamabat sacratissi-

Coloss. i.  
v. 13.

S. Greg  
Nazian

## §. V.

mun Beatissimæ Virginis uterum  
sive ventrem, quia conceperat &  
genuerat Christum: *Beatus venter,*  
*qui te portavit.* At Magister divi-  
vus respondit: *Quinimò beati, qui*  
*audiunt verbum Dei & custodiunt*  
*illud.* Quasi diceret, imò beatiore  
dico illos, qui concipiunt & pari-  
unt in corde vel in anima, sive aliàs  
mea Mater sit, sive alia. Iste est ge-  
nuinus istorum verborum sensus,  
uti S. Augustinus cæteri; sacri In-  
terpretes exponunt. Duobus ergo  
modis sacra Virgo Maria Chri-  
stum concepit & genuit; concepit  
in utero & concepit in corde, ge-  
nuit in corpore & genuit in men-  
te. Et iste concipiendi ac genera-  
di modus fuit multò nobilior &  
præstantior priori. *Felicius Chri-*

*D. Aug.* *stum mente, quàm ventre gestavit,*  
de ipsa Deipara ait S. Augustinus:  
Nunc ipso Christo cum bona illius  
venia tantisper relicto, de secundo  
genitis Matris ipsius etiam compa-  
rativè ad encomium istud Evan-  
gelicum *Beatus venter*, dicamus,  
*quinimò beati.* Quia cum Christus  
& Carmelitæ sint ejusdem cœli  
Reginæ filii, Christus in hac consi-  
deratione est Filius naturalis, &  
Carmelitæ adoptivi: Christus in  
utero Mariæ conceptus, Carmeli-  
tæ in corde, Christus in corpore,  
Carmelitæ autem in anima, quia  
judicii illius & amoris sunt filij.

Multum dixisse videri possem  
nonnemini, nisi Privilegij istius  
generalitas pretii singularita-  
tem & peculiarem tolleretur existi-  
mationem. Video enim & audio  
quosdam doctiores, atque eos in-  
primis, quorum interest, dicentes  
esse adoptivum V. Mariæ filium  
non esse singularem unius istius  
Religionis prærogativam, sed mul-  
tis aliis Congregationibus & Com-  
munitatibus, etiam à Sacra Sede  
Apostolica probatis communem,  
quæ sub eodem nomine & vexillo  
merent ac militant, & speciali quo-  
que cultu venerationis Deiparæ  
Virgini sunt addictæ. Atque isti pri-  
marii ac potiores sunt æmulatores  
atque oppositores: secundarii ve-  
rò sunt omnes, quotquot singulari  
sunt in eandem cœli Reginam pie-  
tate, quique speciali affectu atque  
obsequio ei sese consecrârunt; ne-  
mo enim illam in Matrem assump-  
sit, quin illa ipsum vicissim in filium  
acceprârît. Quando Christus è  
cruce pendens dixit S. Joanni: *Ecce*  
*Mater tua;* mox idem ipse qui vidit  
& testimonium perhibuit Evange-  
lista, subjungit; *Et ex illa hora acce-*  
*pit eam Discipulus in sua,* vel, ut alij  
legunt, *in suam.* Ubi studiosius ob-  
servandum est, quod de seipso fan-  
ctus ille Evangeligraphus ait,  
quod

*Joan. 19*  
*v. 27.*

quod Mariam in matrem acceperit ; at ex parte Mariæ non dicit, quod illa ipsum acceperit in filium. Cur verò cum dicit eam à se receptam , non ait etiam ab illa se fuisse acceptum & ipsum utiq; disertis id verbis asserere supervacaneum videri potuisset ; quamprimum enim Matrem V. in matrem nostram nos accipimus , mox ipsa omni sepositâ morâ in filios nos quoq; suos assumit. *Expressit, quod magis dubium esse poterat: tacuit, quod minus erat dubium:* in dictum Evang. locum ait Salmeron. Dubium enim, an illam in matrem accipiamus ex parte nostra se tenet, quin verò ipsa benignissima Domina in filios nos suos lubens volens accipiat, dubium esse nullum potest. O quanto peccatoribus id solatio est ! sed plures sunt nobis qui obstant, omnes nimirum cujusvis conditionis fideles ; omnes enim Christiani Christi Matris sunt filii. Ita affirmant D. Aug. Origenes, S. Anselmus, Rupert. atq; alii ex Patribus non pauci. Ratio est, quia per fidei unionem perq; Baptismi regeneratione cuncti fideles sunt membra Christi, qui est corporis hujus mystici caput, adeoq; Mater Christi omnium istorum membrorum mater est. *Ipsa unica V. Mater, qua se Patrii unicum genuisse gloriatur, eundem unicum suum in*

*omnibus membris ejus amplectitur, omniumq; in quibus Christum suum formatum vel formari cognoscit, matrem se vocari non confunditur,* ait Guerr. Abbas. Gilbertus verò similiter Abbas paucioribus ac magis energicis verbis sic inquit. *Mater Christi mater est membrorum Christi, unde etiam ab omnibus mater appellatur, & ab omnibus cultu debito, ut mater honoratur.* Si ergo omnes Christiani, si omnes Virginis ter sanctæ cultui devoti, si omnes qui speciali vitæ instituto ejus sese manciparunt obsequio, & sub ejusdem sanctissimæ Dei Matris Mariæ nomine & patrocinio Christo militant & inserviunt, hujus serenissimæ Reginæ filij vocentur, quænam est ista Carmelitanæ Religionis prærogativa, quam tantis hucusque encomijs celebravimus ? etenim ipsi soli, alijs exclusis, Deiparæ Virginis filij si essent, quædam illa eximia dignitas foret atque eminentia ; sed hæc eadem gratia multis communis cum sit, adeone illa magna, adeone excellens, adeone censenda est gloriosa ? imò verò : at enim nihil continere singulare videtur : ex hoc ipso capite singularissimam ego esse decerno. Est enim prærogativa hæc omninò singularis, quæ similem non habet, quod ipsi sublimissimæ hujus Domine filij specialiter no-

minentur, quæ tot tamque illustribus fecunda est liberis. Quod in Evangelica historia in maiorem me rapiat admirationem nihil est, quam ubi amabilem illam pompam, stylumque intueor singularem, quo S. Joannes sup-  
 presso nomine proprio, quo tamen reliquos indigitare Apostolos solet, ubi de se loquitur, semper dilectum sese Discipulum nominat. *Discipulus quem diligebat Iesus.* Quid ais divina aquila? ergone S. Petrus, S. Andreas, cæteri que Apostoli omnes non sunt Discipuli Jesu? sunt utique, & ante te in Discipulos assumpti. Nunquid Petrus & Andreas sunt dilecti? quinimò prius te electi, prius te vocati. Cum ergo cæteri Apostoli æquè sint Discipuli, & Discipuli dilecti, quænam illa exceptio aut prærogativa est, de qua ita gloriaris? amplior & singularior est, dari quæ possit. Si alij non darentur Discipuli, & Discipuli à Christo dilecti, tam eximia non esset hæc excellentia: sed cum tot sint Discipuli totq; dilecti, specialissima hæc Joannis gloria est, quod sit Discipulus Christo dilectus. Singularitas non consistit in unitate, neq; sublimitas in magnitudine; sed in eo, quod quis inter multos sit solus, & inter magnos magnus, in hoc consistit singularitas. Idem de Mariæ Filijs

pronuntio. Verùm ut id percipiamus apertius, ipse S. Joannes declarator accedat. Ultima conditio à Christo agonizante Testamenti clausula fuit, quod Matrem suam Joanni & Joannem Matri, ipsam in matrem, hunc in filium destinaret & commendaret. *Ecce Filius tuus, ecce Mater tua.* Quæro jam, an per hanc clausulam cæteri Apostoli fuerint exclusi? nullo modo; sic enim ipsemet testator Christus post suam resurrectionem, quando tres Marias ad Apostolos legavit, declaravit dicens: *Ite, nuntiate fratribus meis.* Si ergo post denominationem ac designationem Joannis in Filium Mariæ, cæteri Apostoli æquè fuere fratres Christi, adeoq; & Mariæ matris ipsius filij, quid Christus plus consulit Joanni? & si pro Joanne speciale fuit privilegium, quare illud ad cæteros extendit? ut magis ipsi soli proprium esset, & singularitas sublimior redderetur; societatem ei attribuit, ut singularem efficeret, attribuit comparisonem, incomparabilem ipsum ut constitueret. Alij quidem Apostoli sunt fratres Christi, adeoque & filij Mariæ; sed Joannes ex omnibus istis filijs est filius. *Ecce Filius tuus.* Et sicut Joannes respectivè ad Christum inter Discipulos est Discipulus, & inter dilectos dile-

ctus

Joan.  
21. v.  
20.

Joan.  
19. v.  
27.

Matth  
28. v.  
10.



Quis, sic ad V. Mariam quod attinet inter filios est filius. Cæteris Christus nomen contulit, Joanni antonomasiam. Cæteris filiationem concessit, Joanni filij tribuit specialitatem. *Ecce Filius tuus, ecce Mater tua*. Jam nunc indubiè me percepistis, & quàm proprium ac peculiare sit sacrae huic Religioni Carmelitanae singulare filiorum Mariæ privilegium, intellexistis. Cum cæteris sunt filij, sed non ut cæteri; speciali enim electione, speciali amore, speciali nomine, speciali prærogativâ; speciali denique filiatione ex omnibus Mariæ filiis Filij sunt hujus Sacrae Religionis alumni. In tres particulares Hierarchias cœli Reginae filios distribuimus, quarum quælibet aliam antecellit. In prima & infima omnes annumerantur fideles. In secunda & media, omnes eidem Virgini quodam pietatis affectu singulari addicti: In tertia verò & suprema omnes, qui speciali Religionis Instituto ejus obsequio mancipati & consecrati sunt, comprehenduntur. Sed ex omnibus his Hierarchijs verè Angelicis specialiter electa, & Angelorum Reginae dilecta est Carmelitana ipsius Familia. Ipsemet Christus istius gratiæ (sicut omnium aliarum) Author id nobis aperte testabitur & confirmabit: Salomonis enim ora-

culo & figurâ Cant. sexto sic dicit: *Sexaginta sunt Regina & octoginta Concubinae, & adolescentularum non est numerus: una est columba mea, perfecta mea: una est matri suæ, electa Genitrici suæ*. Omnes Patres & Expositores consentiunt, quod in his tribus hujus divisionis differentiis, Reginarum scilicet, Concubinarum & Adolescentularum, tres comprehendantur animarum status sive ordines, qui in majori vel minori perfectionis & unionis cū Christo gradu, omnes sunt ipsius sponsæ & Matris ipsius filiæ. In hoc etiam optimè discriminatas atq; expressas tres à nobis jam propositas filiorum Virginis adoptivorum habemus hierarchias. Id verò quod magis extollit Salomon seu Spiritus S. est, quod inter istas hierarchias & ordines, & super omnes illas detur una, quæ est unica singulariter electa Matri suæ. *Vna est Matri suæ, electa Genitrici suæ*. Sed quænam est hæc unica & singulariter electa? Ponderate verba, & videbitis, quod sit Religio Carmelitana. *Vna est Matri suæ, electa Genitrici suæ*. Non dicit solummodo quod sit unica & electa *Matri suæ*, sed magis signanter & appositè dicit, *Matri suæ*, quæ ipsâ genuit: *Genitrici suæ*: distinguens in ipsa maternitate duo diversa nomina, & duplicè maternitatis modum ostendens

dens. **Sacratissima** Virgo omnium cæterorum Ordinum Mater est, sed Carmelitani Ordinis & Mater & Genitrix, quia illum genuit & produxit, uti jam diximus. Ipsa produxit Ordinem de Monte Carmelo, & quia producendi & istos Filios generandi modus fuit specialis electio, quam de ipsis fecit, hanc electionem mox declarans statim subjungit, *Electa Genitrici suæ*. Cæterorum Mater est, quia ipsi propria devotione moti illam elegerunt: Carmelitarum autem Mater est & Genitrix, quia **Sacratissima** Virgo illos elegit. *Electa Genitrici suæ*. Propterea ex tot filiis unici sunt filij, & ex tot institutis unica est Religio: *Vna est Matri suæ, electa Genitrici suæ*.

Hæc mundi Domina in electione Carmelitani Ordinis, & hæc gloriosissima Mater in horum Filiorum suorum electione habuit se sicuti Deus in electione Matris suæ se habuit. Ut Deus Virginem Mariam in matrem eligeret, tres in primis instituit electiones, easque melioris portionis earum in mundo reperiri quæ possent. Ex omnibus Populis elegit & selegit unum, qui fuit Populus Hebraicus in Abraham. Ex omnibus Tribubus populi istius, statim elegit unam, quæ fuit Juda. Ex omnibus familiis istius Tribus elegit

& segregavit unam, quæ fuit Davidis. Denique ex ista familia digniorem elegit personam, quæ fuit B. Virgo Maria. *Ad Virginem Luc. 1. desponsatam viro de domo David. v. 27.* Idem Deipara Virgo in istorum fecit electione filiorum, ut ex omnibus suis filiis ipsi unici essent, & electorum præelecti. *Vna est Matri suæ, electa Genitrici suæ*. Ex omnibus enim Populis & Gentibus orbis universi elegit Christianos, qui sunt ipsius filij per fidem: ex omnibus Christianis omnes sibi devotos elegit, qui sunt filij per affectum: ex omnibus sibi devotis sacras elegit Congregationes, qui sunt filij illius per institutum, qui sub ipsius sacro nomine & patrocinio ei inserviunt. Denique ex omnibus institutis, quæ fuerunt, sunt aut erunt, elegit Ordinem Montis Carmeli, ut hæc Religio esset unica electa inter omnes illius filios, & super omnes illos propria sua. *Vna est Matri suæ, electa Genitrici suæ*. Aliud enim est respectivè ad eosdem Parentes esse filios, & aliud esse filios suos. Jacob plurimos, uti novimus, habuit filios, sed Filius suus erat Joseph. Inter cæteros filios triplex reperiatur distinctio: alij enim erant filij Balæ, alij Zelphæ, alij Liæ; sed Joseph, qui erat Rachelis primogenitus, erat filius suus. Hæc fuit inhumata.

inhumana allusio, quam invidi fratres tunicæ sanguine conspersæ exhibitione fecerunt, ubi dixe-

Gen. 37 runt : *Vide utrum tunica filii tui sit,*

v. 32. *an non?* Et hæc quoque fuit energia doloris, quo ipse Jacob agnitâ

ibid v. tunicâ ait. *Tunica Filii mei est.* Cæ-

33 teri filij ipsum filium tuum appel-

lârunt; *Filii tui*: Pater vocat ip-

sum filium meum, *Filii mei*; quia

licet omnes essent filij Jacob, Jo-

seph tamen erat filius suus. Et ad

maiores rei istius, de qua tamen

dubitare nemo potest, expressio-

nem, congregatis (inquit sacer

textus) *Omnibus liberis eius, ut le-*

*nirent dolorem patris, ipse respon-*

*dit; descendam ad filium meum lu-*

*gens in infernum.* Nolo, inquit,

aliâ habere consolationem præ-

ter mortem, ut vadam ad requi-

rendum & videndum filium me-

um. Omnes ergo, quos habes hîc

præsentés, non sunt filij tui? ita,

filij mei sunt, sed non sunt filius

meus. Cæteri quoque erant filij,

& hoc non inficiabatur Jacob, sed

filius suus erat Joseph. Multum

inter se differunt, esse filios ipsius,

& esse filium suum. Hæc est diffe-

rentia, quæ in electione purissimæ

Virginis Mariæ, cum tantus sit

numerus filiorum ipsius, omnesq;

dilecti, unus ab aliis plurimum

discriminetur. Cæteri sunt Filij

Virginis, sed Carmelitæ sunt filij

*Pars III.*

sui; *una est matri suæ, electa Geni-*  
*trici suæ.*

## §. VI.

**A**bsque eo, quod ab historiæ

Josephi contextu recedamus,

ego authenticum instrumentum

regulamq; firmissimam istius dif-

ferentæ producâ. Dicit sacer

textus, quod *Israhel diligebat Io-*

*seph super omnes filios suos.* Hunc

verò excessum & diversam ac dif-

ferentem parentis dilectionem

cæteros Josephi fratres minime

omnium latuisse ipsâ sacra historia

fidem facit, ubi ait: *Videntes au-*

*tem fratres eius, quod à patre plus*

*cunctis filiis amaretur.* Amor af-

fectio est, quæ aspectum non mi-

nus fugit, quàm anima, in qua

nascitur, & in qua vivit. Si verò

non videtur amor, quomodo ergo

cæteri filij Jacob amorem illius a-

deò manifestè videbant, ut absque

ulla jam ambiguitate cognosce-

rent Josephum parenti præ cunctis

in amoribus esse? *Videntes quod à*

*Patre plus cunctis fratribus amare-*

*tur.* Per effectus id coloris agno-

verunt: *fecit ei,* ait sacer textus,

*tunicam polymitam.* Fecit nimirum

Jacob Josepho tunicam ex variis

coloribus contextam, & cætero-

rum tunicis præstantiorem, &

hoc fuit evidentissimum signum,

quod ipsius amoris differentie no-

**E**

titiam

titiam ipsis indidit. Videre jam vultis, qua ratione Carmelitæ sint Beatissimæ Virginis Mariæ Josephi? intuemini Scapulare quod ipsa in manibus tenet, quodque ipsa cœlorum Regina eis tradidit, eum pro ipsis solis contextuisset. *Fecit ei tunicam polymitam.* Polymita interpretatur ex variegatis coloribus. Dux hæ fasciæ è cœlesti vestiario depromptæ, quibus Virgo Sacratissima album Eliæ vestimentum variis coloribus intertexuit, sunt characteres ac signa sub sensum cadentia, quibus, quod ipsi præ cæteris omnibus sint filij sui, apertè comprobatur. Non me latet Josephum fratribus ob vestis singularitatem duntaxat non fuisse invisum. Plurimi fuere, qui linguâ & calamo hanc gloriam impugnare atque obfuscare, Carmelitasque eâ, haud secus atque invidi fratres Josephum tunicâ exue-runt, spoliare sunt connisi. At modò æmuli isti latrare amplius non queunt; quia Sancta Mater Ecclesia summorum Pontificum diplomatibus eis ora obturavit. Veritatem enim hanc declârarunt & confirmârunt Alexander V. Clemens VII. Paulus V. Gregorius XIII. & alij, ac præ reliquis & ante illos Joannes XXII. cui Sacratissima Virgo apparuit ac fore revelavit, ad supremum Ecclesiæ solium ut ipse sublimaretur, cui tamen revelationi hanc conditionem ac

legem adjecit, ut ipse sacri sui Scapularis certitudinem firmaret & roboraret privilegia, quod Scapulare ipsemet Pontifex *habitus Sancti signum* appellat. Voluit nimirum purissima Virgo, postquam sacrum hocce pignus Carmelitæ impertiit, illud rursus, instar Jacobi, velut suum agnoscere: *Hæc est tunica filii mei.* Hoc est filiorum meorum vestimentum. Quidigitur invidos reperiri miramini? sinite illos, maximis enim impelluntur rationibus. Bene natas non adeò improbo invidias, etiam inter ejusdem parentis filios. Invidebat Cainus justo Abeli: & cur ipsum invidiâ non fuisset persecutus invidebat enim ipsi, quod Deo esset acceptior, adeoque veluti cæteri rationem invidendi nullam habent, qui res alias invident, ita ille per magnam habuisse videtur. Sanè si quid aliud, sola Dei, & post illam (semper enim conjunctim incedunt) Deiparæ Virginis gratia ad invidiam quempiam extimulare debere videtur. Cur natu minorem fratrem invidiâ non prosequeretur primogenitus, cum videret eum primâ vestiri stolâ: *cito proferte stolam primam?* Si ergo hæc prima Dei matris sit stola, cur filij isti invidiæ non essent expositi? ipsi enim respectu Christi sunt filij natu minores; & ipsorum stola respectu cæterorum filio-

Luc. 15  
v. 22.

rum

rum est prima. Vestivit primogenitū naturalem, vestivit & primogenitos adoptivos, adeoq; unum velut alios insignivit, & colorum varietate distinxit. Dum ex purissima Virgine quæreretur: *Qualis est dilectus tuus ex dilecto?* ipsa respondit: *Dilectus meus candidus & rubicundus electus ex millibus.* Dilectissimum suum præ omnibus ex rubro albicante (incarnati nomine alia idiomata exprimunt) humanitatis colore super divinitatis candorem convestivit, filios autem super omnes dilectos pullo super Eliæ candorem colore cooperuit.

3. Reg. 19. v. 9. Tertio lib. Reg. cap. 19. refertur, quod Elias imposuerit pallium super Eliæ, quo pacto, uti per celebres istius loci Expositores affirmant, eum suæ Religionis habitu donavit, atque in illam ipsum cooptavit, veluti etiam comprobatur ex eo, quod statim Eliæ, facta omnium renunciatione bonorum suorum, relictaq; paternâ domo, etiam secutus est & obediuit ei. Deinde post aliquod tempus uti lib. 4. Reg. cap. II. habetur, Eliæ ab Eliæ digressurus illi ait, ut peteret quidquid vellet, hic verò postulavit, ut ipsius spiritus in se duplicaretur: *obsecro ut fiat in me duplex spiritus tuus* Cui respondit Elias, rem esse perdifficilem quam postulasset, fore tamen, ipsum, dum ab eo tolleretur, intueri si

posset, id quod petierat ut obtineret: *si videris me, quando tollar à te.* *ibid. v. 10.* Tunc igneus apparuit currus, quo Elias subvectus per aëra volitat: *Eliæus verò, scindit vestimenta sua,* *ibid. v. 12.* atque ilicò levavit, tulitque pallium Eliæ, quod eo in aërem sublato deciderat: *levavit pallium Eliæ, quod ceciderat ei.* Innumera prope modum sunt, in hoc percelebri eventu observari atq; expendi quæ possent. Imprimis immoderatum, imò temerarium fuisse videtur desiderium istud, quo Eliæus postulabat spiritum Eliæ duplicatum, idq; vel maximè, quod ille ipsum spiritum suum (quando minùs eum quem ipse non habebat) dare non posset. Quod si spiritum igitur illum daturus erat Deus, quid referebat, utrum Eliæus raptum Eliam videret nec ne? quod si Eliæus Eliæ jam habitum gestabat, cur in alteram ei vicem hic imponitur? & si illum ei dare volebat Elias, cur non dabat, in terris cum ipso etiam num cum ageret? deniq; cur Eliæus sua scindit vestimenta, & utraq; retinet, nempe istud à se discerptū, & aliud è cælo delapsū & integrū?

Omnia ista unica prophetica figura erant eorū quæ postmodum Carmelitanæ Religionis, in Eliæo tanquam capite tunc repræsentatæ erant obventura. Postulavit Eliæus futurorum præsciis, ut fieret in eo duplex spiritus,

3. Reg.  
19. v.  
20.

quila spiritus ille , quem in lege scripta receperat , in lege gratiæ duplicandus erat ac perficiendus, non tamen conciliatore ipso Elia. Id ex ipso sacro contextu satis aperte evincitur : postquam enim Elias primâ vice pallium suum Elisæo imposuisset , ei ait fecisse jam se, quod ad ipsum spectaret : *quod enim meum erat, feci tibi*. Non igitur erat Elias, qui secundum ei daturus erat vestimentum , neque qui in eo duplicaturus erat spiritum; & ideo Elisæus non dixit : *da mihi*, sed *fiat in me*. Elias autem ubi ad petitionem illius respondit, non dixit *dabo tibi*, sed *erit tibi*. In hacce figura prophetice adumbratum mysterium istud erat , quod Eliæ posterius ac successores aliud accepturi essent vestimentum , & cum ipso duplici quoque spiritu donandi , uti factum fuit sacro recepto Scapulari. Quamobrem cum vestis Eliana altera vice donaretur Elisæo , non fuit ea tradita in terra, sed è cœlo delapsa. Atque idcirco etiam Elias futurum adpromisit, quod petebat Elisæus, at non nisi sub ista conditione , si ipsum raptum conspiceretur; quia si Carmelitæ in eodem instituto , Eliam præ oculis semper habentes, non perseverassent, hanc gratiam à Deipara V. promeriti non fuissent, nec ipsa purissima Virgo illos in

Carmelo morantes adeò frequenter, uti fecit, visitasset ; neque ipsi in eodem monte , etiam ante illius suæ Matris in cœlos assumptionem primam ei sacram ædem erexissent, veluti reverà erexerunt. Ideò Elisæus, quod stuporem conciliare cui posset, vestimentum, quod ab Elia primum receperat, scidit, illud verò quod è cœlo dimissum ei fuerat, levavit atq; suscepit : sic enim Carmelitæ pervetustam Eliæ vestem scindentes ex illa pallium sibi album concinnarunt, ac recepto altero, sacro pulloque Scapulari, ejusdemque coloris tunicâ fuere perfectè vestiti , atque ut sacratissimæ Deiparæ Virginis filij insigniti.

Idem omninò celsissima mundi Domina egisse videtur cum Elia, quod Jacob cum Socero suo Labano. Convenerat Laban cum Jacob , quod omnes agnelli, qui varii & diversi coloris nascerentur, spectarent ad Jacob, qui verò nascerentur albi ipsius essent Labani. Quare hic ei oves commisit omnes albas , ut eâ ratione agnelli quoq; omnes procrearentur albi: & appositis à Jacob quibusdam ob ovium conspectum virgis, discolors prognati sunt agnelli : *Factum est , ut parerent maculosa, & diverso colore respersa*. Idem penè in monte Carmelo evenit, quam-

dia

diu enim Carmelitana Religio solum Eliam præ oculis habuit (*si videris me quando tollar à te*) ipsius agnelli Eliani habitus colore erant candidi, quali veste amictum ipsum Eliam vidit parens, cum mater illum eniteretur, uti refert S. Epiphanius: sed illo variato ac mutato propositoque virgâ de radice Jesse, quæ est Sacratissima Virgo Maria cum Scapulari fusco, omnes agnelli postmodum lanea veste diverso colore respersâ amicti prodierunt, ac propterea Marris suæ caractere maternoque signo insigniti ab omnibus filiis alijs, tanquam speciales ac proprij filij sui, sunt discriminati ac discreti.

## S. VII.

**G**Loriosæ hujus singularitatis ac differentię filiorum evidentiam satis jam superque commostrasse nobis videmur: solum igitur, ut illius rationem ac fundamenta, quæ gloriæ minoris non erunt, exhibeamus, superest. Cum enim filiatio adoptiva non fundetur in casu aut naturæ fortuna, sed in judicii & voluntatis electione, necessario meritum supponit; & quod sublimius est judicium, vegetiorq; voluntas, eò majora merita præsupponit. Qualia ergo & quanta sint merita oportet, quorum singularitate ac magnitudine Carme-

litanae Religionis filij, cæteris omnibus in Deiparae Virginis electione præferri ac præponi meruerunt? Fateor in argumento adeò gravi, in quo omnes sacrae Religionis tantos, tamque illustres meritorum, devotionis & obsequij titulos, totq; ac tam singularia huic Virgini sacratissimæ exhibita obsequia recensere possunt, adeò me hæsisse ancipitem, ut quàm diutissimè resolvere me ad aliquid peculiare dicendum non potuerim, donec ipsomet Evangelio duce, per viam adeò præterordinariam, uti modò videbitis, veram singularitatis illius, meâ quidem sententiâ, deprehendi rationem.

Dico igitur Carmelitas cæteris fuisse præpositos ob maximam, quam hæc sacra Religio à suis antiquissimis principiis habuit cum Christo similitudinem. Et quidem rationi quàm maximè consentaneum erat, ut illi in adoptivorum electione filiorum cæteris antepo-nerentur, qui filio naturali similiores conformioresq; esse dignoscerentur. Virgo sanè Deipara in hoc suæ electionis decreto ipsismet electionum ac decretorum ideis dirigebatur divinorum. Quâ quæso ratione Deus adoptivos filios ab æterno selegit ac decrevit? Hoc Divinus Apostolus in capite octavo Epistolæ ad Romanos nobis ex-

Rom. 8. posuit ubi ait : *Quos præscivit & prædestinavit conformes fieri imaginis Filii sui, ut sit ipse primogenitus in multis fratribus.* Id est, quos Deus prædestinavit, ut essent adoptivi ipsius filij, illos etiam ante destinavit, ut filio naturali similes & conformes evaderent, ut filius naturalis esset primogenitus, ipsi verò natu minores, atque ita quidem, ut sicuti omnes ejusdem parentis liberi sunt fratres, adeoque convenit, ut sibi invicem haud ab-similes sint, sed conformes, & sicut Christus veluti est filiorum primogenitus, ita etiam est omnium exemplar, forma & norma virtutum, ita adoptivi, qui sunt minores natu, ipsi sint similes necesse est, ab ipso ut effingantur, atque cum eo conformentur, quia aliàs essent quidem fratres, sed invicem sibi dissimiles. Hæc est decretorum Dei in suis electionibus forma. Tali quoque Virgo Maria in hac sua electione usa methodo fuit, hoc unico excepto discrimine, quod Deus illos, quos in filios adoptare constituit, illos filio suo similes efficiat, coeli verò Regina quos jam similes invenit, in filios adoptat. Similitudinem præbuit Elias, & purissima Virgo adoptionem, sed adoptionem in similitudine fundatam. *Conformes imaginis Filii sui, ut sit*

*ipse primogenitus in multis fratribus.*

Quanta jam Carmelitarum à suo exordio cum Christo, id est primogenitorum Deiparæ Virginis adoptivorum cum primogenito naturali fuerit similitudo; non minus disertè testatus est Salomon, quàm si Carmelitas proprio nomine designasset. Cœlestis videlicet sponsus Canticorum capite septimo Sponsam describit, ac nativis nobis veluti coloribus ad-umbrat, unamquamque illius sigillatim in membris delineando perfectionem: *Caput*, inquit, *ut Carmelus.* Non miror sponsæ caput à virorum sapientissimo comparari monti, quia comparationes illius non minus sunt, quàm ipsius sapientia, exquisitæ ac singulares. Sed cur potius monti Carmelo quàm alteri? videamus prius, quodnam & cujus caput quod comparatur, & statim comparationis proprietatem explorabimus. Sponsa, de qua in Canticis agitur, Ecclesia est, Caput istius sponsæ, est Christus, *quem Deus* *dedit caput super omnem Ecclesiam,* *qua est corpus ipsius*, inquit Apostolus. Volens ergo Salomon Christum cum aliqua re terrena comparare, nihil adeò ipsi simile reperit ac Montem Carmelum, qui à Carmelitis incolebatur. Sic

Cant. 7.  
v. 5.

Ephes. 1.  
v. 22. &  
23.

Justus



*Iustus  
Orgel.*

Justus Orgelitanus, in Carmelo Monte inquit, sanctus Elias & Elias saepe receptaculum habuerunt: quapropter in Capite Ecclesie Domino nostro IESU Christo, quo sublimius nihil est, iusti habitaculum recipiunt. Plurimi viri sancti & iusti alios tam Israëlis, quàm extra Israëlem, montes percelebres reddiderunt: sed Salomon Christum nec monti Sinai ob Moysis legem insigni, nec monti Moria Abrahami sacrificio consecrato, nec monti Oliveti Davidis lachrymis irrigato, nec monti Libani à Josua & Ezechia frequentato assimilat, sed solummodo ac singulariter monti Carmelo, quia nobilissimum erat solum vitæ & instituti ipsorum sanctitate consecratum, neque temporibus istis fuit vita aut aliud institutum ita Christo persimile; quod ut perspiciamus apertius, videamus, cui homines Christum, postquam apparuisset in mundo comparârunt ac similem esse dixerint. Christus ipse aliquando suos ita interrogavit Apostolos: *Quem dicunt homines esse Filium Hominis?* atque si diceret, qualis in vulgo de illo vigeret opinio, & quemnam esse illum existimant? at illi responderunt: *Alii Ioannem Baptistam, alii Eliam, alij verò Ieremiam aut unum ex Prophetis.* Magni licet sint homines illius ætatis, in qua nati sunt æmuli,

citius tamen credunt, ex illis, qui insignes jam deceſſerunt, Heroibus aliquos posse resuscitari, quàm similes illis denuò enasci: Usque adeò viventium præsentiumque proprium vitium invidia est. Quamobrem ipse etiam Deus postquam nascendi semet necessitati subiecit, ab hac temporis injuria nequaquam fuit immunis. Verùm posito quod eum homines judicarent & assererent esse unum ex antiquis, Regibus potius quàm Prophetis ipsum comparare debuisse mihi videtur, quia Messias tanquam Rex futurus expectabatur, & Christus ut Rex proclamatus atque adoratus fuit à Magis, qui quidem titulus tanto constitit Innocentium cruore; quin & turbæ ipsæ Regem illum proclamare voluerunt in deserto, ac reapse deniq; Hierosolymis publico Regis cum triumpho & applausu receptus fuit ubi clamabant: *Benedictus qui venit in nomine Domini Rex Israël.* Verumtamen tanta erat similitudo, quam Christus habebat cum Carmelitis, & Carmelitæ cum Christo, ut nemini Carmelita non videretur. Elias erat Carmelita, & primus parens ac fundator Carmelitarum, uti ex tota sacra Scriptura constat: Joannes Baptista erat Carmelita, uti sanctus Gregorius Nazian-

*Matth.  
16. v. 13.*

*v. 14.*

*Ioan. 12  
v. 13.  
&  
Matth.  
9. v. 21.*

zianzenus, Sanctus Macharius & Sanctus Antoninus asseverant: Jeremias erat Carmelita, si non habitatione, saltem vitæ instituto, uti ex Sancto Hieronymo de vitæ perfectione istius Prophetæ scribente colligitur. Ex cæteris quoque Prophetis plurimi erant Carmelitæ, ita ut Carmelitana Religio communiori appellatione *Cætus Prophetarum* vocaretur. Et quia Carmelitæ jam à prima sua origine Christo adeò similes fuere & conformes, ubi Sacratissima Virgo Deipara huic naturali suo Filio primogenito alios adoptivos, veluti, ut sic dicam, secundo genitos dare volebat, eosdem Carmelitas, utpote illi similiores & conformiores quasi eligere debebat: *Conformes imaginis Filii sui, ut sit ipse primogenitus in multis Fratribus.*

### §. VIII.

**V**ERUM hoc unum hic adverto posse mihi validissimè objici, quod si similitudo cum Christo fuit hujus prærogativæ meritum, quamvis ultrò vetustis totum hoc concedamus Carmelitis, quod essentialiter ad veram pertinet Religionem, eamque constituit, dubium tamen esse nemini potest, quin legis gratiæ Religionem multò majorem perfectioremque cum Christo similitudinem habeant; vel igitur

quælibet ex istis in hac filiatione præferri debuisset, vel certè similitudo ista illius non erit fundamentum aut meritum. Quantumvis verò ista eà se ratione habere videantur, à proposita tamen me sententia dimoveri non sino: neq; tamen hic uti volo scuto, quo istum aliosq; haud absimiles ictus retundere facillimè possem, quod nempe leges & regulæ amoris non sint *stricti juris*. Licet enim amoris rationes quibusvis expositæ sint objectionibus, illis tamen contra veritatem & electionum ab illo factarum certitudinem omnino nihil evincitur, quin potius ob hanc ipsam illæ causam ipsi sunt propriæ, multòque ad illum fortius quàm parentes ad filios, referuntur. Rationem assignat Scriptura, cum Jacob majori prosequeretur amore Josephum quàm cæteros filios, hancque fuisse ait: *Et quod in senectute genuisset eum.* At obistere videtur, quod ratio ista magis faveret Benjaminò, qui post Josephum natus fuit, eratque ultimus Jacobi Patriarchæ filius. Nihilo tamen minus conclusio erat certa, ratioque, quâ nitebatur, à veritate haudquaquam aliena, quam idcirco sacer textus, ut talem tuetur. Idem igitur & hîc possem reponere, si objectio & instantia subsisteret, at minimè subsistit.

Gen. 37.  
v. 3.

Cum

Cum Carmeli Religio mille annis ante alias, etiam vetustiores, suum sumpsisset initium, duplex habuit tempus, ac duplicem quasi ætatem, unam scilicet post, & aliam ante Christum. Post Christum æquè illa perfecta fuit atque alia quævis legis gratiæ Religio: ante Christum totam illam obtinebat perfectionem, quam tempus & status ille permittebant. & hæc temporis circumstantia, quod nempe tamdiu ante Christi adventum habuisset initium, est quædam prærogativa, quæ illam unicam, singularem, & in eadem similitudine, in qua ipsius fundatur præferentia, incomparabilem constituit. Cæteræ Religiones Christi imitatione illi similes extiterunt; Carmelitæ Christo fuerunt similes, antequam Christum, quem imitarentur, haberent in mundo. Et hoc similitudinis genus cæteras omnes incomparabiliter exuperat similitudines. De Job asserit ipse Deus non habuisse sibi similem in terra: *Nunquid, ait, considerasti servum meum Job, quod non sit ei similis in terra?* Et cur hoc? Sanctus Augustinus inquit: *Quis tantum potuit promereri, cui tale testimonium Dominus perhiberet, nisi hic, qui non imitator invenitur, sed Author eorum quæ gessit:* Non habuit Job sibi si-

Pars III.

milem in mundo, quia non fuit imitator sed author. Cæteri alium imitati sunt, & ipse non habuit quem imitaretur, ipse fuit Prototypum, cæteri verò Ectypum, ipse Magister, cæteri Discipuli, ipse Præceptor, antequam mundi advenisset Magister. Mutate Job in Eliam, & S. Augustinus pro me responderet. Sed vestra mihi largiatur devotio, ut aliquid ex multis explicem atque exponam, quæ in hujus similitudinis differentia delitescunt. Dicit Christus: *Beati, qui audiunt Luc. II. Verbum Dei & custodiunt illud.* Sed v. 28. quantò beatiores erunt, qui Verbum Dei non audièrunt & tamen illud custodiunt? hæc ergò præ-eminentia est, quæ Carmelitana Religio cæteras Ecclesiæ Religiones antecellit. Cæteræ Religiones audiverunt Verbum Dei & custodiverunt illud; Religio autem Carmelitana custodivit Verbum Dei antequam audiret illud. Cæteræ Religiones audiverunt Verbum Dei & custodiverunt illud, quia Christus prius Evangelica consilia prædicavit, in quibus Religiosa perfectio consistit, & postmodum cæterarum Religionum Fundatores illa secuti & amplexari sunt, seseque sub hoc vitæ instituto Deo consecrârunt: sed Carmelitana Religio,

F

&

& antiquissimi ac sanctissimi illius Fundatores, antequam Christus mundi contemptum prædicasset, antequam paupertatem commendasset, jam ipsi ex paupertatis voto pauperes erant; necdum castitatem & obedientiam prædicaverat, & jam ipsi ex voto casti & obedientes erant: denique necdum Christus Religiosum prædicaverat & consuluerat statum, & jam ipsi erant Religiosi. Sanctus Paulus dicit neminem posse operari, nisi credat, neque credere nisi audiat, nec audire nisi prædicetur: veruntamen Religiosi Carmelitæ hanc impossibilitatem gloriose devincentes, Evangelio ante illius promulgationem crediderunt, & necdum auditum illud adimpleverunt: Evangelici fuerunt antequam daretur Evangelium, Apostolici, antequam essent Apostoli, Christiani antequam Christus nasceretur. Non bene dixi: plus est esse Religiosum quàm esse Christianum, & quando in orbe universo nullus dabatur Christianus, jam omnes Carmelitæ erant Religiosi. Marcella extollens vocem dixit: *Beatus venter qui te portavit.* Christus ad hanc vocem altius intonuit & dixit: *Quinimò Beati qui audiunt Verbum Dei, & custodiunt illud.* At Religiosi Carmelitæ sympho-

nicè sono altero & acutissimo ad Christi gloriam aliud *quinimò* addere & dicere possunt: *Quinimò Beati qui non audiverunt & custodiunt: Quia ipsi verbum Dei etiam necdum auditum, servaverunt.*

Regius Vates mirum quid ac notatu dignissimum de Sanctis *Pf. 102.* Angelis ait: *Qui faciunt Verbum v. 20. ejus ad audiendam vocem sermonum ejus* Aut ergo rem hanc non percipio, aut verba sunt valde ambigua: videtur enim dici debuisse: Angeli audiunt verbum Dei ad faciendum illud, non verò Angeli faciunt verbum ejus ad audiendam vocem sermonum illius, quia prius audiendum est, quid Deus mandet, & postea illud executioni mandandum. Cur ergo dicit illos operari ad percipiendum, & non percipere ad operandum? quia tanta est promptitudo & diligentia quâ Angeli verbum Dei exequentur, ut prius videantur illud exequi quàm audiant, in eodem temporis momento audiunt & exequentur. Sic omninò intelligenda sunt verba ista, neque alium in cœlestibus Angelis sensum admittunt: sed non ita in Montis Carmeli Angelis, quia auditum Christi verbum non modò verissimè opere compleverunt, sed & longè, hoc est octingentis annis ante

ante Christi adventum (tot enim annis Elias Christum præcessit) compleverant. Octingentis ergo annis priusquam Christi verbum in terris audiretur, jam Evangelium in Carmelo servabatur: *Facientes Verbum ejus ad audiendam vocem sermonum eius.* Necdum auditum erat Christi verbum, & jam executioni traditum erat: adhuc verbum Christi carebar voce, & jam ei obediebatur: verbum Christi necdum erat ore prolatum, & jam erat in opere. Una è potissimis sententiis à septem Græciæ Sapientibus prolatis ista erat: *Sequere Deum.* Abrahæ tamen spiritus & opera diu illam præcesserant, ut ipse jam plurimis annis ante illud adimpleverit, quod Sapientes nonnisi multo post tempore pronuntiârunt. Unde Sanctus Ambrosius ait: *Pro magno inter septem Sapientum dicta celebratur (sequere Deum) fecit Abraham factusq; Sapientum dicta prævenit.* Si ergo prius illud exequi, quod Græciæ Sapientes postmodum faciendum proposuerunt, maxima sit Abrahæ gloria, qualis erit laus Carmelitarum qui operibus suis æternæ Sapientiæ verba præveniant, illud, quod Christus docuit, prius, quàm ipse id doceret, adimplentes, & Christi Discipuli existentes priusquam essent ipsi-

us Auditores. *Qui non audiverunt Verbum Dei & custodierunt illud.*

## S. IX.

VERùm enimverò, ut similitudo hæc inter Filium Virginis naturalem & adoptivos mutua foret, non solum ipsi fuere imitatores Christi, sed & Christus (quoad ejus fieri potuit) illos imitatus est. Non solum Carmelitæ fuerunt illi, qui factò id prævenerunt, quod Dei Verbum necdum annuntiaverat, sed & verbum Dei fuit, quod prædixit & docuit id quod Carmelitæ jam fecerant. Ipsi custodierunt quod Christus necdum docuerat, & Christus docuit quod ipsi jam observaverant. *Custodiunt illud.* Unus è difficilioribus sacri Evangelii locis satis erit ad istam admirabilem excellentiam nullo negotio probandam. *Nolite, inquit Christus, putare, quoniam veni Math. s. v. 17. solve legem aut Prophetas, non veni solve, sed adimplere.* Certum est, Christum ad legem advenisse solvendam; venit enim ut legi scriptæ legem substitueret Gratiæ. Si ergo Christus ad solvendam legem venit, quomodo dicit: *Non veni solve, sed adimplere?* Id jam expono, aures benevolas

ac faventes arrigite. Lex Moys-  
 sis ( non loquimur hic de judicia-  
 li, hucenim illa non spectat) duas  
 habuit partes , ceremonialem  
 nempe & moralem. Christus ce-  
 remonialem abrogavit , uti luce  
 dissipatur umbra ; figura figura-  
 to , promissum solutione, & spes  
 possessione destruitur : partem  
 verò moralem Christus non abro-  
 gavit , sed duobus modis perfe-  
 cit. Primus perfectionis modus  
 fuit, quod abusus , quibus illam  
 Pharisei adulteraverant patefecit  
 & abolevit. Secundus, quod con-  
 silia Evangelica addidit , non qui-  
 dem ex necessitate præcepti ser-  
 vanda, sed ut ornamentum &  
 ejusdem legis coronam , pro ijs ,  
 qui eam liberè adipisci vellent.  
 Quia verò Prophetarum Religio,  
 id est Elias illiusque Successores,  
 jam initium ( licet minori cum  
 perfectione) iisdem consilijs de-  
 derant , Christus autem utrum-  
 que servavit , ideo dixit: *Non ve-  
 ni solvere legem aut Prophetas, sed  
 adimplere.* Quod autem genui-  
 nus textus sacri hic sit sensus, ex  
 omnibus illius circumstantiis &  
 consequentijs probatur. Quia  
 imprimis argumentum, de quo  
 Christus reapse loquebatur, erant  
 Evangelica consilia. *Beati paupe-*  
*res spiritu, &c.* Illi deinde, qui-  
 bus loquebatur , erant Apostoli

ad eorundem consiliorum perfe-  
 ctionem sectandam vocati. Ac-  
 cesserunt ad eum Discipuli ejus, &  
 aperiens os suum docebat eos. Ad  
 hæc præmium, quod pollicebatur,  
 erat: *Hic magnus vocabitur in re-  
 gno cælorum,* quæ conditio solis  
 consiliorum observatoribus tribu-  
 itur. Nomen præterea , quo illa  
 expressit fuit: *de mandatis istis mi-  
 nimis:* Consilia enim vim præcepti  
 non obtinent, nec præcepti neces-  
 sitatem habent, nec à regno cælo-  
 rum excludunt. *Minimus vocabitur  
 in regno cælorum.* Hæc denique  
 particula disjunctiva *aut, Legem  
 aut Prophetas,* evidenter ostendit  
 Prophetarum doctrinam, de qua  
 Christus loquebatur, fuisse à lege  
 distinctam ; quia si Prophetas so-  
 lum ut legis interpretes accepisset,  
 dicere debuisset: *Legem & Prophe-  
 tas,* sicut cum dixit: *Lex & Prophe-  
 ta usque ad Ioannem.* Luc. 16. v. 16.  
 Sed Prophetæ de quibus in præ-  
 senti loquebatur, non erant legis  
 interpretes, sed qui institutum &  
 vitam lege superiore sectaban-  
 tur, quod institutum Christus re-  
 verà prædicabat : quia verò Elias  
 & Eliseus, eorumque successo-  
 res, qui communiter erant Pro-  
 phetæ, ante Christi adventum hæc  
 prædicare cœperunt, quæ post-  
 modum Evangelica fuerunt con-  
 silia, ideo Christus dicit se non ve-  
 nisse

*Matth.*  
*3. v. 13.*

nisse, ut legem, quantum attinet ad præcepta, neque Prophetas, ad vitæ illorum perfectionem quod spectat, dissolvat, sed potius ad illam observandam & adimplendam. Non veni solvere, sed adimplere. Hujus expositionis veritas atque proprietas aliis notatu dignis ejusdem textus verbis confirmatur. *Donec transeat calum & terra, lota unum, aut unus apex, non prateribit à lege, donec omnia fiant.* Matth. 5. v. 18. Est hoc Christi vaticinium & promissio, in qua asserit legem, de qua loquebatur, ejusdem apices usque ad finem mundi debere servari. Usque ad finem mundi? ergo Christus non loquebatur de lege ceremoniali, quæ finem jam accepit, sed de morali, quam re ipsa adjunctis Evangelicis consilijs ad maiorem reducebat perfectionem, quæ consilia sunt legis apices, id est partes ejusdem & minutiora, tenuiora & sublimiora puncta, quæ mandata minima vocantur. *Apex, est Evangelica perfectio*, ait Glossa & sanctus Chrysostomus, *non pro veteribus legibus hoc dicit, sed pro his, quæ ipse erat præcepturus, quæ quidem minima vocat, licet magna sint.* E quo aperte consequitur Prophetas de quibus Christus dixit, cum ait: *Legem aut Prophetas*, fuisse illos qui institutum con-

siliis Evangelicis simile servabant. Ideò in hoc secundo textu non distinxit Prophetas à lege, nec dixit legem & Prophetas, sed solum de lege locutus est; *Non prateribit à lege*; Postquam enim moralis Lex scripta ad statum transivit Evangelicum, in ipsa sunt etiam comprehensa Consilia, quæ sub ipsa Legis scriptæ tempora traditione & virorum sanctorum exemplo, non verò ex Legis ipsius præscripto servabantur. Hanc autem Legem & apices istas, quæ nunc Evangelica dicuntur consilia, & olim in Elia ipsiusque successoribus erant Prophetica instituta, non solum affirmat Christus ad finem usque mundi duratura, sed etiam seipsum asserit venisse in mundum, ut ea servaret & adimpleret. *Non veni solvere legem aut Prophetas, sed adimplere.* O ingentem atq; omnem ultra modum deprædicandam Religionis hujus gloriam! Ingens profectò, singularis, imò ineffabilis illa est, quod Deus in mundum ad solvendam legem quam ipsemet instituerat, adveniens dicat, se venisse non quidem ad destruendas, sed servandas leges, quas Carmelitæ condiderant. Hæc differentia est, quâ hæc sacra Religio à nostris institutis secernitur: Nos Christi sequimur vestigia, Christus autem

per illorum se semitas incedere asserit : nos per illam ambulamus viam, quam Christus calcavit, & Christus per illam cucurrit semitam, per quam Carmeli prædecessores incesserant. Christus triumphali pompa innumerâque quasi hominum turbâ stipatus Ierosolymitanam aliquando intrabat civitatem, acclamantibus *Matth.* cunctis, *Osanna filio David.* Illic notant Evangelistæ plurimos præcessisse, alios verò Christum *Matth.* fuisse subsecutos. *Et qui præibant, & qui sequebantur.* Quærent itaq; Doctores, quinam erant vel quos repræsentabant, qui præibant, & qui sequebantur? & cum S. Hilario respondent, illos, qui præibant, veteris fuisse legis Sanctos, qui Christi adventum præcesserunt; illos verò, qui subsequebantur, esse novæ legis Sanctos, qui post Christum venerunt. Qui præibant erant Elias, Elisæus, Jeremias, Joannes Baptista : qui autem sequebantur, erant Petri, Pauli, Augustini, Dominici, Francisci. Quænam autem erat inter utrosq; differentia? ista erat, quod qui retrò veniebant, sequebantur, qui verò præibant, illorum vestigijs alij instabant: qui subsequebantur per Christi vestigia incedebant, ipse verò Christus eandem calcabat

viam per quam ij, qui præibant, incesserant. Et hæc erat via, perquam ambulabant Carmelitæ, qui ita Christum in custodiendo sacro ipsius eloquio adimplendâque ipsius doctrinâ prævenerunt, ut qui Christum imitari debuissent, hos fuerit ipse Christus secutus. *Non veni solvere legem aut Prophetas, sed adimplere.*

Verùm & majus aliud in hoc eventu nobis referatur mysterium; qui præibant, qui quales fuerint, jam diximus, sternebant vestimenta sua, ut Christus illa calcaret atque super illis incederet; *cuncte Lu. 19. autem illo substernebant vestimenta v. 36.* E quo sanctus Paschasius optimè advertens infert, Christum triumphantem nulla reliquisse vestigia, quia gressus suos supraterram non figebat, sed super vestimenta. Cum autem Christus venerit in mundum, ut posteri ipsius sequerentur vestigia, *ut sequamini vestigia eius;* cur in hac via nullum in terra impressum reliquit vestigium? quia præeuntium vestimenta, Carmelitarum erant pallia, & amictus, & veluti Carmelitarum erant vestimenta, illa Christi supplebant vestigia: quod enim Christus suis vestigijs, suo



suo eloquio docuit , illud erat , quod Carmelitæ suo amictu , suo exemplo , sua professione ante docuerant. Quid mirum igitur, quod ij, qui sequebantur , audito Christi verbo , visoque ipso Christo , illud postea exequerentur ? Sed quod præcuntes , necdum viso vel audito Christo , illius exequerentur verbum , prorsus est obstupescendum , atque in hoc singularis existit excellentia Carmelitarum. *Qui non audierunt verbum Dei , & custodierunt illud.* Sed nemo hîc sibi persuadeat , hanc temporis præcedentiam aliquid dignitati Christi & supremo illius primatui inferre vel videri adferre , præjudicii , quia omnis hæc virtus, totum istud exemplum , tota lux , quantumvis antecedens , ab ipso tamen Christo dimanavit. Deus quarta primæ mundi hebdomadæ die solem creavit , illumque in quarto cœlo collocavit. Cur verò in quarto cœlo & quarta die creatus est ? singulari omnino providentiâ ac mysterio id factum fuit. Quartum diem tres ante præcesserant , & alii tres postea fuere subsecuti. Sub quarto similiter cœlo tres infra collocati sunt planetæ , tres verò alii supra fuere creati : Sol ergo illo tempore , in illo loco , illa die ad illud cœlum destinatus

est , ut in medio , veluti prima lucis origo , collocatus , æquè posset illuminare inferiores planetas , atque superiores , & æquè anteriores illustrare dies atque posteriores. In planetis id in propatulo est , neque tamen minus certum de diebus , quia lux illa , quæ prioribus creationis diebus antecesserat , erat , uti Divus Thomas cum communi Theologorum sententia affirmat , ejusdem portio lucis , licet minus illustris , ex qua postmodum formatus est Sol. Sic & Sol justitiæ nil minus aut amplius habet. Nam tempus quo venit in mundum , in medio fuit annorum : *In medio annorum notum facies.* Locus in quo natus fuit , erat terræ medium : *Operatus est salutem in medio terræ.* Ut intelligeremus uti revera erat , quod Lux , Sapientia , virtus , gratia , exempla & vitæ Sanctorum , tam Christum quocunque tempore , quovisque loco præcedentium , quam ipsum subsequendum viro- rum , instituta ab illo primario fonte cuncta dimanabant , omnes fuerunt hujus radij solis , omnesq; primæ hujus causæ effectus. Omnes Religiones post Christi adventum sumpserunt exordium , Carmelitana utrumque complexa est tempus , jam enim pridem præcesserat , & postea permansit , quando

*Hab. 3.  
v. 2.*

*Pf. 73.  
v. 12.*

quem

## §. X.

quem imitaretur obtinuit, & quando quem imitaretur non habebat, quando secuta est, & quando quem sequeretur non erat, quando audivit & quando necdum audiverat & semper à Christo illuminata, permota & præventa fuit, semper supra & infra solem planetas habuit, dies ante & post solis ortum possedit, sed omnes ab eodem sole illustratos. O quanta cum gloria & proprietate de hac sacra dici potest familia: *Per-*

*Psalms.*  
*71. v. 5.*

*manebit cum sole & ante lunam.*

Semper cum sole, sed ante lunam, semper cum sole, quia utroque tempore, in utroque statu semper à Christo illuminata fuit, sed ante lunam, quia priori tempore & in statu priori sacratissimam præcessit Virginem. Veruntamen licet isti Religiosi priores sint Matre, illius tamen esse filij non desistunt. Quinimò eâ ipsa de causa magis proprii singularioresq; illius filij & magis primogenito ipsius similes existunt: hæc enim est unica præcellentissimæ hujus Matris prærogativa, quod illa eorum sit Mater filiorum, qui antequam illa esset in mundo, jam existebant. *Et genitrix quando non, quæ seculorum generavit Authorem?* fuit horum illa genitrix filiorum, qui jam tempore ante illam existebant, sicut Mater fuit Filij, qui ab æterno jam erat: *Beatus venter, qui te portavit.*

**V**erum cum ad finem meacurrat oratio, erit fortasse, nec immeritò, qui dicat perperamei finem à me fuisse impositum. Etenim cum divinisimum Sacramentum solemnitatem hodiernam præsentia suâ honoraverit, & cum ipsum solemnitatis hujus partem potissimam constituat, æquum esse non videtur, ut ipsum in dictione hac mea locum nullum inveniat. Audio, atque eum in finem intacta hætenus reliqui illa mei thematis verba: *& ubera quæ sux.* *Luc. 11. isti,* isthic pro coronide illa ut ex-*v. 27.* ponerem, cum sint à sermonis hujus mei contentu nequaquam aliena.

Non ignoratis, Auditores, primogenitos ad alimenta natu minoribus, sive, ut sic dicam, secundogenitis præbenda teneri, quæ quidem alimenta qualitati & conditioni eorum sint conformia oportet. Et quemadmodum Carmelitæ ex parte Deiparæ Virginis secundogeniti fratres sunt Christi, hic proinde alimenta eis suppeditare tenebatur, & talia quidem alimenta quæ Matris Dei Filiis digna & convenientia essent. Sed quænam hæc esse debebat alimonia, nisi ipse Deus in cibum datus? verissimum equidem est, Sacratissimum

mum Corporis Christi Sacramen-  
 tum pro omnibus esse institutum,  
 at potest illud diversis omnino  
 modis applicari. Christus enim  
 ex gratia ac pura puta liberalitate  
 Panem cœli dedit cæteris homini-  
 bus, Carmelitis autem veluti ex  
 debito atque obligatione. Cæte-  
 ris fuit gratia, fuit liberalitas, quia  
 Christus, ut Redemptor, hoc illis  
 Sacramentum dare non tenebatur:  
 pro Carmelitis autem fuit debi-  
 tum, fuit obligatio, quia ut pri-  
 mogenitus frater ad hæc ipsis sup-  
 peditanda alimenta obstringeba-  
 tur. Sed dicet fortasse non nemo,  
 quod alimoniam quidem ipsis sup-  
 peditare tenebatur, at non istam,  
 ad alimenta quidem fratribus suis  
 ac Matris suæ filiis subministranda  
 obligabatur, at quam ratione  
 hæc alimonia ex propria ipsius  
 substantia sub diversis accidenti-  
 bus, quale est Sacrosanctum Eu-  
 charistiæ Sacramentum, depro-  
 menda erat? jam dicam, attendi-  
 te. Christus ut Frater primoge-  
 nitus propriæ matris filios & fra-  
 tres secundogenitos talibus ali-  
 mentis sustentare tenebatur, qua-  
 libus mater ipsum aluerat. At  
 quænam illa erant? respondet E-  
 vangeliū: *Et ubera quæ suxisti.*  
 Cibus quo Sacratissima Virgo su-  
 um enutrivit filium, fuit purissi-  
 mum lac uberum suorum. Lac

*PARS III.*

verò quodnam est alimentum &  
 quænam substantia? interrogate  
 Aristotelem & Galenum. Lac, in-  
 quiunt, est sanguis albus, & alia  
 lac inter & sanguinem distinctio  
 non est, nisi quod lac sit sanguis al-  
 bus, & sanguis lac rubrum. Ea-  
 dem enim est substantia, sed acci-  
 dentia sunt diversa. Atque ita pu-  
 rissima Virgo, Domina nostra, du-  
 abus vicibus ac duplici modo pu-  
 rissimum sanguinem suum Christo  
 communicavit: semel enim visce-  
 rum suorum sanguinem ei dedit, è  
 quo sacratissimum corpus illius,  
 ipsum dum genuit, efformatum  
 fuit: *Beatus venter qui te portavit.*  
 Dedit secundò & millenis vicibus  
 sanguinem uberum suorum, quo  
 illum sustentavit atque enutrivit:  
*Et ubera quæ suxisti.* Et inter unum  
 & alterum sanguinem, qui totus  
 in Christi convertebatur substan-  
 tiam, alia differentia non erat præ-  
 ter accidentium albedinè. Quem-  
 admodum ergò Sanctissima Virgo  
 proprii sui corporis substantiâ sub  
 accidentibus albis, Christum ale-  
 bat, Christus ut primogenitus mi-  
 nores natu ejusdem suæ Matris fi-  
 lios eadem corporis sui substantiâ  
 sub coloris ejusdem accidentibus,  
 quod est sanctissimum Eucharistiæ  
 Sacramentum, enutrire quodam-  
 modò tenebatur. Primus Car-  
 melita primus fuit, qui hoc cibo

G

frui-

fruitus est, & sub figura illius possessionem accepit. Elias in solitudinem fugiens ad arboris cujusdam radicem se prostravit, sub qua cum obdormisset, Angelus eum excitavit, & panem quem gustaret, porrexit. Comedit Elias, & iterum obdormivit, quem rursus Angelus cum excitasset, panem denuò ei porrexit. Communis est Patrum allegoria per hunc panem sanctissimum representari Eucharistiæ Sacramentum: quod autem panis iste per modum alimenti ipsi sit collatus, circumstantiæ demonstrant; ipsum enim Elias nullo labore aut industriâ comparatum comedit, edens & dormiens. Frater autem natu major est ille, cui labor & cura alimentorum suppeditorum incumbit; natu verò minoribus cibi apponuntur mundi & sicci, sicque ipsi comedunt, atque absque alia cura obdormiscunt. Sed quandonam magno Carmelitæ hoc Sacramentum datum fuit in cibum? in deserto & sub arboris umbra. Desertum; inquit Hugo Cardinalis, sæculi significat recessum & fugam, arbor autem crucem designat. Solitudo jam dabatur, illam enim profitebatur Elias; Crux autem necdum præfens aderat, quia Christus necdum fuerat natus. Verùm Sacramenti alimentum Eliæ data non fuit, nisi post-

quam fuit in solitudine, & crucis sub umbra, quia Carmelitæ hoc cibo fruituri non erant, ut filij Eliæ, sed ut Fratres Christi, non quidem per præteritam patris ejus generationem, sed per futuram suæ matris filiationem: *Beatus venter, qui te portavit, & ubera, qua suxisti.*

Ad finem jam demum perveni: si pauca dixi, qui Concionatorem me elegit, excuset: si prolixior fuit, punitionis genus id erit pauca dixisse, & prolixum fuisse. Quod si quæ verò ex Religionibus, quæ me audiunt, atque etiam quæ concionantem non audiunt, contra ea quæ dixi habeat insuper quod opponat, tanta mihi argumentorum est copia super, ut quibusvis novæ rationis articulis nullo queam negotio respondere. Sed majus & postremum sit istud, ut omnes agnoscamus quæcunque de sacra Carmelitana Religione astruuntur, cum singularia sint; communia fieri, & cum solummodò Religionis sint istius prærogativæ, omnium cedere in gloriam cæterarum. Quæ hodierna die dixit: *Beatus venter, qui te portavit*, noverat Matris encomia laudem esse filiorum. Hoc ego secutus exemplum, istud subijcio (quod veritati quàm maximè consentaneum est) nos omnes hujusce esse filios Instituti,

&

& omnes ab illo descendere. Ita enim sancti Hieronymus, Macharius, Isidorus & Bernardus asseverant. Illorum verba, ne æquo prolixior sim, hîc minimè refero, sed unius Baptistæ Mantuani verba ad montis Carmeli radicem manent exarata, qui Parnassi spiritu impulsus omnes Religiones & instituta hisce paucis complexus est versibus:

*Illinc perpetuâ cœn missi ex fontibus omnes*

*Religio & sacri fluxit reverentia cultus.*

*Quidquid habent alii Montes pietatis, ab isto*

*Ducitur, hæc unâ plures è vite racemi*

*Diffusi latè terras atque aquora complent.*

*Hinc Carthusiacis aterna silentia claustris.*

*Hinc varias Benedictus oves collegit, ab isto*

*Cannabe nodosâ tunicas arcere fluentes*

*Lignipedes didicere viri quique arva colebant*

*In via, & assiduo terræ ardore calentes,*


*Et quos Vitriacus delittore vexit libero,*


*Hinc orti, Sanctum & summogenus ordine dignum:*

*Hinc nostri venere Patres.*

Et quemadmodum ab hac sacra, & primitiva Religione promanarunt, & propagatæ sunt omnes alix velut trunci ab eadem radice, velut rivuli ab eodem fonte, vel sicut radij de eodem sole; hoc quod solummodò superest, est, ut omnes congratulemur Beatissimæ Matri de talibus Filiis, & benedictis Filiis, de tali Matre: *Beatus venter qui te portavit*: & ut intelligant omnes, & quælibet aliarum Religionum, & sibi persuadeant, quod tantum majorem in eisdem gloriis habebunt partem, quanto magis, & melius observaverint, hoc quod illi custodierunt, & non audierunt. *Beati qui audiunt verbum Dei, & custodiunt illud.*

Amen.





# S E R M O

I N

Feriam quartam post Dominicam

Secundam Quadragesimæ,

Habitus Ulyssipone in Capella Regia Anno 1651.

*Dic ut sedent hi duo filii mei, unus ad dexteram tuam, & unus ad sinistram in regno tuo. Matth. 10.*

§. I.



Æc fuit matris Zebedæorum Christo insinuata petitio, toties in regio hoc pertractata auditorio, sicut variè ex eodem ventilata loco. Verùm quoniam Dominus supremus respondit filiis, ut audiret illud mater: ego nunc hodie, matri quod filii, ac etiam qui non sunt filii, audiant, respondere statui. Cum una loquens, ad omnes dicam. Et quia Mariam Salome, vel scripturam, vel exemplum, vel authorem non illius temporis allegare foret incongruum: ad eundem me restringendo diem, quo hæc adornata fuit petitio (qui juxta probabiliorem chronologiam,

decimus seu nonus Christi passionem præcessit) omne reliquum, quod ab eo tempore usque in præsens, aut gestum, aut dictum est in mundo, nec mentione quidem illius facta, alto silentio præteribo. Ex opulentissimo Ecclesiæ thesauro nihil depromam; magnorum exemplorum parallela non adducam: gravium autoritatum & sententiarum ponderibus abstinēbo: quibus tamen similia nobis haud defutura spero. Sermonem igitur cum matre Zebedæorum exordiendo, quod ipsi dico (vel dixissem) est hujusmodi.

§. II.

INspecto, Domina, hocce memoriali tuo (quod antequam Christo præsentaretur considero) posito

posito, quod emendandi illud auctoritate caream, neque reprehendere aut improbare præsumam; singularis mea erga filios tuos devotio, nec non magnus & illis, & honorabili personarum debitus respectus, zelum meum excitat & accendit, persuadet & compellit hoc animadvertere & excutere, quod in petitione hac scrupulum mihi movet. Quod ut distinctè, clarè, breviterque peragam, singula ejusdem verba successivè expendendo de quolibet eorum, quod notà dignum videbitur, pronuntiabo. Non condemnabo: quamvis aliis id liceat admirari.

Primum igitur, quod in memoriali hoc animadversione dignum noto, est primum ejusdem verbum: *Dic*. Non est iste stylus, unde petitiones auspicari oporteat. Petitiones inchoantur per, *dicis*, & non per, *Dic*, sed quia, tu Salome, mater es familiaris Christo, eadem hæc familiaritas petitionis formam dictasse videtur. Alii suas exordiantur petitiones: *dicis talis*; familiares verò non dicunt, *dicis*: sed, *dic*. Hujusmodi petendi methodus, non est petitio: est præceptum, est mandatum: proinde Princeps hoc modo expediens, non concedit, sed obedit: non dat gratiam, recitat lectio-

nem. Christus Magister est, & Dominus: *Vos vocatis me Magister & Dominus*. Et quā Domino, nihil præcipiendum est; & quā Magister, non est docendus. Joan. 13.  
v. 15.

Porrò si quod petis, ut dicat, *Dic*, est, ut duobus filiis tuis sessionem ad latera sua indulgeat; quā ratione statim & unico verbo à Christo expediri desideras? nunquid tam leve tibi videtur negotium, vel unius primarij Ministri electio, & quod amplius, binorum Ministrorum primorum, ut per simplicem petitionem sine deliberatione prævia, discussione & consilio concedenda videatur? integro licet tale quid prætendente regno, nihilominus suspendenda foret prætensio: Quidni considerarent subditi, quod sibi sociati ac individui pondus & energiam nec non vim resolutionibus supremis addere possent. Et hoc eò magis, quod similia loca ea ambientibus non conferantur: immò ambiendo, indigni videri incipiant, & dum actualiter petunt indignos se ostendunt. Petere & expediri, in hisce casibus correlativa esse oportet. Quantò prudentius meliusque egissent hi duo prætendentes filij, si Christo seligente se ex aliis, ut majoris momenti negotia committeret, declinassent, modestè & discretè reluctando se

Exod.  
7.v.1.

excusassent ! Moysen primarium Dei ministerium recusantem in Ægypto, exaltatum Deus lateri suo sociavit, etiam nomen suum illi delegando cum potestate : *constitui te Deum Pharaonis.*

Matth.  
4 v.3.

Scio equidem, breve illud verbum *Dic*, tribus literis omnem trium divinarum personarum, quarum Christus una est, includere potestatem. Hinc omnium Angelorum sapientissimus, utrum Christus Filius esset Dei, probaturus, eodem usus est verbo: *si Filius Dei es, dic, ut lapides isti panes fiant.* At quamvis Christus vel unico verbulo *dic*, lapides in panes convertere, & ex lapidibus filios Abraham suscitare posset: ad creandos nihilominus homines, quibus totius mundi gubernaculum credere velit, nunquam usus est, nec solis utetur verbis. Creaturæ istæ non uno, *dic*, fiunt, licet Creator ipse sit Deus. Solem, lunam, stellas, plantas, animalia aëris terræ & maris, dicendo creavit Deus: *ipse dixit & facta sunt.* Creaturus verò hominem, quem illis præficeret, consilio præmisso non dixit: *dicamus*; sed: *faciamus*: *faciamus hominem ad imaginem, & similitudinem nostram, & præsit.* Non sic fiunt Ministri tanti. Qui illos creat, facere eosdem debet: & ipsimet ut fiant, se dispo-

Psalms  
148.v  
5.

Gen.1.  
v.26.

nere debent. Recordare, Domina, faustissimi illius diei, qui unquam domui tuæ illuxit, quando Christus eosdem filios tuos eligendo in Ministerium suum assumpsit: & quid illis tunc dixit? *faciam vos fieri piscatores hominum.* q.d. Ego *4.v.19.* faciam, ut vos piscatores hominum fiatis. Si Christum in ipsis multum facere, ipsosque multum in se facere oportet, ut ex piscatoribus piscatores evadant: quomodo ad subeunda loca prima, quæ pro illis postulas, vel verbulo tantum illos admitti desideras, *dic*?

Verum posito, non concessio casu, quo Deus petito tuo annuendo diceret, quod petis: quid dicturum putas mundum? an ignoras Christum illum esse Dominum, qui quæ Deus, & quæ homo valde semper ponderavit, quid homines dicerent? quæ Deo, Prophetæ ligabant manus dicendo: *ne Psalms. quando dicant gentes; ubi est Deus 113. eorum? ne queso dicant Ægyptij, & v.2. quæ hominem; tui ipsi filij, interrogantem audierunt: quem dicunt esse Exod. homines filium hominis? & mox: 32.v.12. vos autem, quem me esse dicitis? Matth. 16.v.13. & 15.* non enim tantum sollicitus erat quid mundus diceret ab extra, sed etiam quid sui Discipuli in ipsa sua dicerent schola. Quæ igitur ratione non consideras, quid de persona Christi & regimine diceretur, si quod



quod petis, ipse diceret, *dic*? Ad interiora nos vertamus. Quid diceret Petrus clavibus sibi jam promissis? quid cani dicent Andreæ? quid renuntiatio diceret Matthæi? quid zelus Simonis? quid regius sanguis diceret Bartholomæi? quid sanctitas alterius diceret Jacobi, cui soli, *sancta sanctorum*, ingredi fuit permissum? quid generosa omnium abdicatio diceret Philippi, qui sibi omnibusq; sufficere putabat & protestabatur solam visionem Patris? & quidem, si istud domesticos inter parietes dici potest, exclusis etiam murmurationibus Judæ, quid foris portis poterit dici? nunquid consultum est dici & audiri, apud justitiæ veritatisq; magistrum, plus valere affectum quam meritum, unumque latus indulgeri Joanni, quia ejus dilectus; alterumq; Jacobo, quia ejus frater? nunquid consultum est, ut sarcasticè dicatur, cum Christus miraculis suam probaverit divinitatem, & electione hac suam demonstraverit humanitatem, quod humanis agatur affectibus? & quod excedit omnia, ut dicatur quod in unius Monarchiæ (quam exemplar oportet esse omnium) gubernatione, ad mulieris unius interventionem distribuantur officia & loca? ecce hoc est, quod de Christo dici tacite desideras, dum tuum *dic* pronuncias.

Neq; ab hujuscemodi dictariis exemptos & immunes arbitreris futuros, pro quibus postulas. Proinde si tuos amas filios, Domina, per eundem te amorem obsecro, ne isto tuo *dic* illos similibus dictariis exponas. Potissimum ipsorum encomium hucusq; fuit, quod Petro & Andreâ relinquentibus tantum retia, Joannes & Jacobus cum retibus simul reliquerint patrem: *relictis retibus & Patre*. Modò dicitur, quamvis reliquerint retia & patrem, non reliquisse retia & matrem; quâ mediante, unico velut tractu duo potiora regni Christi loca piscari conantur, quod illi totius æquivaleret; si quidem totum ejus regimen complectatur. In præsens usq; dicebatur, quod cum duo essent illorum trium, qui ad contemplandâ gloriam Thabor fuerant electi, tam fuerint prudentes, ut videntes tacuerint, quando socius ipsorum Petrus pro imprudente fuit habitus, eò quod fuisset locutus: nunc verò ingratitudinis arguentur erga Petrum; ut, cum ille eosdem suæ incluserit petitioni dicendo, *Bonum est nos hic esse*: hi non solum illû suâ petitione non comprehenderint, sed expressè, nec sine injuria præteritum excluferint; cum solum istum, ne obicem poneret petito pertimescere possent. In præsens usque, inter potissimos scholæ

Matth.  
4. v. 22;

Matth.  
17. v. 4.

scholæ Christi Discipulos fuerunt computati, & hinc toties aliis prælati: jam verò imperfectioribus & rudioribus annumerabuntur: motâ enim quæstione, quis eorum major esset, cum resolveret Christus, eum fore maximum qui hic sese faceret minimum, tam perperam doctrinam istam intellexerunt lectionemque ex ea tam erroneam assumpserunt, ut vice ejus, quod ultima sibi mox loca eligerent, uterque loca ambiverit prima.

Similia de filiis Zebedæi, Domina, super illo tuo *Dic*, disseminabuntur eloquia: à quibus nec mater exempta manebit. Quid Marias reliquas, nec sine ratione & fundamento, dicturas opinaris? Devotionis pietatisque laude illæ sunt illustres; verum quemadmodum tuarum contemplationum sublimitas totaliter in te non mortificavit ambitionem; contingere quoque potest, quod nec illæ in suarum exercitio contemplationum debite mortificârint invidiam. Neque illis desunt filij: & quæ filiis caret, fratrem habet. Et subtrahendo reliquas (in quibus conditionis cognationisque æqualitas sufficientissime differentiarum istius admirationem movere potest) quid Magdalena, pro parte dicet Lazari? & si illa usitato sibi

more tacuerit; quid dicet, aut dicere poterit Martha, quam mulierem querelis assuetam nosti? nunquid non dicet (saltem intra se) estne possibile, quod sublimes ad cœ cogitationes, in sororum Domini Bethaniæ corda non ascendant, quales vilium Tyberiadis piscatorum mater conceperit, & prodere non erubescat? Si Christus distantias illas, iisdem non metitur circinis, quibus eas mundus discernit: modestia saltem ipsius inficias ire non poterit, pro autoritate Regis, Ministrorumque respectu, nec non eorundem officiorum dignitate personarum qualitatem & capacitatem plurimum conferre. Salome fiduciam suam fundante in sui gratia Joannis, non est minor illa Lazari: quia si unus titulo gaudet dilecti, *Quem diligebat Iesus*. Alter titulo gaudet amati: *Quem amas*. Ante oëtiduum Christus illum quatruiduanum suscitavit mortuum. Et quodnam, quæso, subiectum Principis latere dignius, quàm homo mundi alterius? quis omnes ipsius resolutiones pronis auribus venerabundus non exciperet, & singula ipsius verba & decreta, velut oracula non haberet? omnes Ministrorum errores aliam non habent originem, quàm quod de præsentis tantum

vita

Ioan. 21.  
v. 7.  
G. 20.  
Ioan. 11.  
v. 3.

vita tractent, alterius immemores: Ast homo experiētiā gnarus, quid vivere sit, & mori, quid machinabitur, quid molietur, quod non debitum assequatur scopum, vel quasi acu tangatur? proinde ex sola hac prærogativa non unum, sed utrumque Christi latus Lazarus merebatur. Christus in monte Thabor, prima regni sui majestatis edens specimina lateri uni Moysen, alteri verò junxit Eliam; quia alter adhuc vivebat, alter mortuus erat: quæ utraque proprietas in uno resuscitato concurrat. Tanquam vivus, requirentium se vivorum merita remunerabit: tanquam mortuus, requirere se jam non valentium merita remunerabit. Rex Herodes auditis miraculis Christi, Joannem Baptistam à mortuis resuscitatum illum esse opinabatur: de mortuo enim non nisi miracula expectanda sunt, & talis hodie est Lazarus. Omnia ista, pro parte fratris sui, allegare poterant Martha & Maria, absque eo, quod ipsum servitiorum à se utraque Christo impensorum hæredem considerare possent. Confracta Magdalene alabastra, effusa unguenta, lacrymæ & capilli occasione huic materiam suggerebant. Et quamvis Martha non se jactaret (quod nec fas erat) quod Christus in domo sua cibum sumpsisset, ip-

sam saltem ministrandi sedulitatem & sollicitudinem, ciborumque largam copiam, ipsomet Christo non sine admiratione, attestante superfluam allegare posset; cui accederet, si domus ratio habenda esset, quod esset ejus.

Verum ambabus istis sororibus, pro insita sibi virtute, & modestia, prætacta omnia tacentibus, quis reliquis os obturabit, ne dicant, istud tuum *Dic*, majorem proderet ambitionem, quam præ se ferre videatur? te non filiorum tuorum tantum, sed tuam ipsius quoque promotionem, & exaltationem prætere dicent: & illis petendæ cathedras, tibi negotiari pulvinar. Quemadmodum Prophetiæ de Christi tractantes regno, etiam sponsæ meminerunt (de qua solus Salomon integros conscripsit libros) non Regem tantum, sed etiam speramus Reginam. Te igitur pro filiis tuis latera throni, & pro te pedum scabellum petere dicent: cumque naturaliter familiares prævaleant, ad utraque gubernanda aulæ latera aspirare diceris. Eheu quomodo onustam & gravatam te video Memorialibus, quando chartarum harum loco, præter annorum tuorum gravamen, multo sanè melius tibi foret, manibus tuis tenere aut Davidis psalterium, aut Jeremiæ Threnos! omne id & ali-

quid adhuc amplius tuum *dis* comprehendit, quod non solum qualitati tuæ derogat personæ, filiorumque tuorum professioni; sed & plurimum ipsimet derogaret Christo: si tale quid diceret. Sed ad verbum secundum transeat.

## §. III.

*Matth* **U**T *sedeant*: neque hic terminus aulae curiæve usitatus est: sed absonus planè & indecorus. Age Salome, filijs tuis sedes commodas & honorificas quibus sedent, postulas; sedere autem, ipsum implicat, quod petis. Prætendendo latus dicis, *ut sedeant*? num ignoras, quod sicut in palatio non nisi una est umbella, similiter non nisi una sit cathedra? an ignoras, quod ibidem Magnati fatigentur pedibus stando, vel geniculando quiescant, vel, ut multum, alicui idololatreuticorum altarium istorum mensæ incubando lassitudinem consolentur? Sufficiebat pro hoc Christum solummodò esse Regem; quantò magis Regem simul & esse Deum? *Tues ipse Rex meus, & Deus meus.* Thronus Dei in templo est propitiatorium, ubi audit & respondet: & posito quod nec tibi, nec filiis tuis sanctuarium illud ingredi liceat, audivistis nihilominus, utrumque propitiatorii latus à duobus stipari Cherubinis,

& his quidem pedibus stantibus. Porro si petis, ut horum duorum Cherubinatorum vicem & locum suppleant, utrumque Christi latus stipando, quonam pacto petis, ut sedeant, *ut sedeant*? Cherubini stant pedibus, & filij Zebedæi sedent in sedibus?

Enim verò, aliquid adhuc amplius notatu dignum, de istis assertitur Cherubinis: non solum stant pedibus, sed extensis insuper alis: *extendentes alas.* Et quare alis extensis? quia juxta latera throni, cui assistunt, sessionis non datur requies, sed pedibus semper stari oportet. Habenti solummodò pedes, instar hominis, semper pedibus est standum: habenti verò pedes simul cum alis, instar Cherubini, standum est pedibus, & insuper pedibus simul & alis. Ausculta, Domina, quod dico, ut te non bene dicere videas. Nosti Cherubinis nec pedes esse nec alas, nec corpus; sunt enim spiritus. Quare verò scriptura in specie hominis pingit & repræsentat eos cum alis? in figura illos depingit humana; ut innuat esse rationales creaturas, uti nos: addit ipsis insuper alas, ut naturam eorum sublimiorem, nostrâque superiorem cognoscamus. Proinde uti Cherubini in hac forma repræsentati, ex duabus participant naturis, alterâ hominis, alterâ avis: ideo

*Exod.*  
37.v.9.

*Psal. 43*  
v. 6.

ideo, quâ parte videntur homines, stant pedibus; & qua parte communicant cum avibus, pedibus simul stant & alis: quoniam ad latera throni, nec velut hominibus, neque velut conditionis sublimioris, sedendo assistere licet. Homo sedens pedibus non consistit, similiter nec avis, sedens innititur alis, immò illas colligit. At Cherubini stando pedibus, simul consistunt alis (hinc illas semper habent extensas) neque enim ab alterutro laterum sedere permittuntur, velut homines, pedibus semper simul & alis insistere quomocunque compulsi. Idem Isaias in duobus Seraphinis throno Dei à latere assistentibus observavit: *Vidi Dominum sedentem super solium excelsum, & elevatum, Seraphin stabant, & volabant. Stabant, quia pedibus: Volabant; qui pedibus simul & alis insistebant. Sedens verò solus erat Deus: Vidi Dominum sedentem.* Unum filiorum tuorum, Domina, Cherubinum esse negare non possum, Joannem scilicet, hominem alis, & non quibuscunque, sed aquilæ instructum (sic enim illum Ezechiel, in currus sui descriptione depinxit) verum quamvis ille sit, simulque frater ejus Jacobus esset alis instructus, & Christus ipsis sic alatis indulgeret quod petis, scilicet loca ad latus dextrum & sinistrum,

nihilominus nec sedebunt, nec sedere poterunt: quod memoriale tuum prætendit: *Vt sedcant.*

Ulterius notum tibi cupio, postulata loca, nec ad sedendum solummodò esse, nec ad standum. In cujus rei probationem filiis tuis vocationis suæ tantum recordari sufficiebat. Christus illos vocando quid dixit: *Venite post me.* Non ergo ad sedendum, nec ad standum: sed ad sequendum & ambulandum. Christusque eos vocavit, non sedens, neque stans; sed ambulans: *Ambulans Iesus juxta mare Galilæe.* Cum igitur expressè vocati sint ad sequendum, & ambulandum post Christum, velle modò non ambulare, sed sedere, neque post Christum sed ad latera ipsius, quis non dicet, hoc esse vocationi contraire, vel ab ea deficere? Ah quàm vereor, ne non solum exeant, non bene expediti, sed stultorum instar & male sanorum more habitati! Velut mentis impos habitus fuit Petrus in monte Thabor. Et quare? quia volebat, ut Christus sedem ibidem & tabernaculum figeret in monte. Ipsi solares radij è facie Christi exeuntes, qui Petri perstringebant oculos, in mentem illi vocare debebant, Christum non venisse in mundum, ad sedendum aut standum, locumque tabernaculi ipsius non esse montem quietum. *78*

*Psal. 18* *sole posuit tabernaculum suum, in-*  
*v. 5.* *quit David. q. d. Christum in sole*  
*tabernaculum suum esse positu-*  
*rum, ut non solum habitator, sed*  
*domus; & non solum domus & pa-*  
*vimentum ejus, sed ipse situs &*  
*locus, in quo fundata erat, in per-*  
*petuo ambulant motu. De cir-*  
*culo, quem sol incessanter circum-*  
*eundo peragit, & ad mundum*  
*circumeundum revertitur inquit*

*Ecclef. 1. v. 6.* *Salomon: Gyrat per medium, &*  
*flectitur ad Aquilonem, lustrans u-*  
*niversa in circuitu. Istudque fac-*  
*it & fecit semper Christus, post-*  
*quam ad illuminandum illum ap-*  
*paruit: cum certò certius, si vita*  
*ipsius actionesque conscriberen-*  
*tur, frequentissimè in hac histo-*  
*ria occurreret: circumibat, peram-*  
*bulabat.*

*Matth.*

*4. v. 23.*

*Luc. 19.*

*9. l.*

Optimi passuum Christi testes  
 iidem esse possunt, qui modò pe-  
 tunt ut sedent, quomodo sine  
 quiete, sine sessione in viva quasi  
 rota circuierit: nunc in civitati-  
 bus, nunc in desertis, nunc in litto-  
 ribus: nunc in Judæa, jam in Ga-  
 lilæa; modò in Samaria: nunc in  
 Jerusalem, jam in Capharnaum,  
 modò in Tyro: jam in Sidone,  
 nunc in Cana, jam in Jericho: nunc  
 in Cæsarea Philippi, jam in regio-  
 ne Gerasenorum, modò in finibus  
 Decapoleos: nunc in Bethsaida,  
 Naim, Bethania, Nazareth, E-

phrem: ita ut nec patria, seu re-  
 gio esset populosa, nec locus exi-  
 guus aut pagus, quem Christus, ad  
 omnes luce sua illuminandos, suis  
 passibus non sanctificasset. Deni-  
 que in illis ipsis secretis, quæ mo-  
 dò Christus Discipulis suis revelat  
 clarissimè aperuit, viam, quâ ten-  
 debat in Jerusalem, esse ut suspen-  
 sus moreretur in cruce: ut hinc  
 videatis, num æquo & decoro sit  
 congruum, quod latera petant  
 Regis ad mortem pedibus tenden-  
 tis, quicquid prætendunt ad seden-  
 dum: *Vt sedent.*

#### §. IV.

**H.** Verbum valde breve, sed  
 non minore dignum conside-  
 ratione. Tu dicis, *Hi*: Et quis  
 non dicet; qui sunt hi? credibile  
 est, non paucos sese mox retibus  
 & navi intricaturos; ast tam longè  
 absit à me, ut hoc abjecto (posiro  
 quod tale sit) & vili offender offi-  
 cio, quin piscatorum exercitium  
 optimus mihi potius videatur no-  
 vitiatus; qui hisce Apostolis, pro  
 primorum Ministrorum professio-  
 ne obtingere posset. Quid est  
 navis, nisi parva respublica? Et  
 quid est monarchia, nisi navis  
 magna? exercitio unius, praxis  
 addiscitur alterius. Novisse cla-  
 vum; de una in alteram navis par-  
 tem mittere, moxque firmare, ubi

ubi congruit ; nosse explicare vela , quando progrediendum, eademque contrahere, quando inflectendum , aut regrediendum, colligere remos , quando appellendum : fluxum & refluxum expectare maris, conjunctiones cognoscere, cursumq; cœlestem observare : nosse vela ventis accommodare, funes eorum extendere & retrahere, pro ventorum alternatione eisdem firmare in tempestate, & in tranquillitate rudentes laxare. Tantam politiam ars piscatoris ; navigando mare requirit, majoremque adhuc piscandi industria. Nosse texere rete, & suo loco facere nodum ; scire plumbum & suber ponderare: mare circumcingere , solidamque extrahendæ sagenæ terram providere, novisse disponere hamum, eundemque tegere, ne piscis aut præmordeat , aut videat : scire dimittere, vel retrahere , & retinere chordam : congruam affigere escam & allicientia alimenta spargere. Unum tantum pro locis lateralibus piscatori deesse noto : scilicet exercitium attrahendi: & istud, Domina, non solum non reprehenditur, sed commendatur in illo : hoc verò filij tui prætendunt, & ipsum tu petis.

Verùm dices mihi, eodem verbulo, *Hi*, huic scrupulo respon-

deri. Cum illi, pro quibus intercedis , ab omni proprij commodi studio & amore tam sint remoti , ut omnia reliquerint : nec de illis minùs, quàm decem reliquis veraciter dixerit S. Petrus, *Ecce nos reliquimus omnia.* Propositio hæc magnam quandoque patietur replicam, in uno ex duodecim istis, juxta Psalmi quadragesimi Prophetiam, ubi dicitur, quod postquam reliquit propria, ex alieni concupiscentiâ eò deveniet, ut proprium suum vendat Dominũ. Quia verò ad propositionem hanc nihil replicavit Christus, nec ego quicquam replicabo. Solum tibi dico , Salome, quamvis filij tui modò sint, *Hi*, ubi ad latera se viderint Christi, contingere potest, ut evedant alij. Num adhuc ignoras quod officia, & honores mutant mores ; & loca naturas ? Quis Innocentior, quis humilior, quis medestior, quis sanctior Saule, antequam censeretur thronum ? & postmodum, quid in ipso apparuit, omnes istæ virtutes in vitia fuerunt immutatæ contraria, tamq; indignè è throno meruit deponi, quàm dignè antea adeundem fuerat evectus. Evectus verò & depositus, propriè non fuit idem Saul, jam enim alius erat. Nemo excelsã conscendit turrim, quin despiciens deorsum oculorum caliginem ca-

*Math.*  
19.v.  
27.

H ; pitif-

pitisque vertiginem incurrerit. Has filijs time caligines & vertigines, nec penitus credas, eos modò esse hoc quod sunt, *Hi*, postea enim erunt alij. Quousque Adam fuit privatus, innocentiam originalem conservavit in qua fuerat creatus: sed de regimine & præsidentijs aliarum creaturarum jam investito, ipsa mox honoris sublimitas capitis vertiginem, judicijque caliginem induxit: *Homo cum in honore esset non intellexit*. Similem metamorphosin mutatio status Adamo induxit, ut jam non esset idem, sed dupliciter alius. Alius, quia voluit esse sicut Deus: & alius quia remansit velut brutum. Utramque hanc metamorphosin Deus declaravit; illam hominis in Deum, per intellectum; *Ecce Adam quasi unus ex nobis factus est*: & illam hominis in brutum, *comparatus est jumentis, & similis factus est illis*. Ne filiorum tuorum intellectui virtutis plus æquo fidas. Attende, quamvis tui sint filij, & Adami quoque filios esse. Quod modò in ipsis est modestia, postea erit superbia; quod jam videtur scientia, postea erit inscitia: tantòque amplius, quanto ex humiliore evecti fuerint fortuna. Illa verba Jobi considera:

*Job. 19. de terra surrecturus sum, & videbo  
v. 26. Deum ego ipse, & non alius. Ut  
5. 17.*

homo erectus de terra idem sit, & non alius, in gratia simul & gloria confirmatus sit, necesse videtur. Ecce num filij tui periclitentur, ne sint alij & valde alij, quamvis modò sint isti, *Hi*!

Verum enim verò, ego alios esse nolo, sed eosdem ipsos qui sunt, neque ulla ratione ipsi lateribus, aut latera Christi ipsis conveniant. Quando Christus illos ad sequendum se vocavit, ipsos *Boanerges*, id est, *filios tonitruui*, appellatos nosti. Nec te latet filios tonitruui in phrasi Hebraica, idem esse, quod fulmina, fulmina enim tonitruui sunt partus. Nunquid igitur consultum tibi videtur, ut Christus regio jam insidens throno à fulminibus circumdetur? consultissimum sanè foret, omnes ex palatio fugere, nec quemquam in auditorio comparere. Primam legem condente Deo, inter tonitrua & fulgura (erat enim lex rigida) in monte Sina, omnes procul fugerunt à monte dicentes: *non loquatur nobis Dominus*: ast in lege Christi, quam suavem ipse vocat, omnesque, ad se ut veniant, invitat: *venite ad me omnes, iugum enim meum suave est*; non conveniunt fulmina mansuetudini, tamque benigni Principis clementiæ. Operæ pretium foret, talibus à latere stipari

*Marc.  
3. v. 17.*

*Exod.  
20. v. 19.*

*Matth  
11. v.  
28. &  
30.*



pari Ministris, quorum quodlibet responsum esset tonitru, quilibet aspectus fulmen, & quælibet resolutio fulgetrum. Si Joannes est Aquila, & Jacobus ambit esse sicut ille, aquila cum fulgetro in manu, lateri quadrabit Jovis, at non Christi.

In summa isti tui filij valde ignei sunt & ardentes, nec ad latera Regis tanta ferocia toleratur. Porro, ne importunum illud nomen *Boanerges* sive Filij tonitru, plus habere sonitus, quàm realitatis existimes; vel quod ego interpretationem ipsius, in filiorum tuorum naturam intorqueam, ipsi tibi narrent, quid sibi in Samaria acciderit. Certâ occasione Samaritani Christum recipere secumque demorari noluerunt. Et ecce quanta mox in tuis solis Joanne & Jacobo ferocia & vindictæ zelus se prodidit! *Domine, vis dicimus, ut ignis descendat de caelo, & consumat illos?* Ecce, nunquid erant fulmina; ut non minus, quàm totam Samariam, igne cœlitus emisso, unico momento deleturi essent? cum talibus consiliis, & furiis ne vel octidui quidem spatio totus consisteret mundus, quantò minus Monarchia una? Christus ad illos conversus dixit, *Nescitis cuius spiritus estis*: Eliæ iste est spiritus, non meus. Et quomodo latus stipabit Christi, qui non est spiri-

tus Christi? spiritus adeò præcipientes & vehementes nec Principes juxta se tolerant, neque ipsimet illi sui ipsius sunt capaces & potentes. Et hi sunt, Salome, illi, quibus non unum, sed utrumque latus petis: *Hi.*

## §. V.

*D<sup>vo</sup>*. Istud, *duo*, majorem adhuc involvit dissonantiam. Regis ambis familiaritatem, & hanc duobus postulas: *Duo?* utrum expediat Regibus vel unum habere familiarem, an non, Problema est, inter Politicos nondum decisum: sed duos habere familiares, nemo affirmaret, id, aut cogitaret quidem. Enim verò, si Filij tui historias sacras aut profanas legissent, ab exordio mundi in præsens usque tempus, nequidem tale quid in mentem admittendum foret. Deus sexto mundi die creavit Adam, ut in gubernatione illius imago sua appareret, & mox die sequenti Deus requievissè dicitur: supremis enim Principibus consultum est personam habere secundam sui representativam, & cui innitendo quiescant. Iste verò homo (qui in omnibus supponitur esse primus) singularis esse debet, & non geminus: proinde Deus non duos, sed unum condidit Adamum

num inter primos Chaldaeos primus Nabuchodonosoris Minister fuit Daniel, sed solus: inter Aegyptios Pharaonis, Joseph, sed Joseph solus: inter Græcos Alexandri, Efestiam, sed Efestiam solus: inter Persas Assueri, Aman & Mardocheus, sed non simul, sed successivè diverso tempore, & semper unus solus. Si quod exemplum habetur de duobus, non fuit nisi in exitium & ruinam Regis, & perditionem coronæ. Nullus Regum maiorem seu meliorem à latere suo habuit Ministrum Absolone, in vaso & auspicato jam regno, scilicet Achitophelem, cujus consilia, attestante scripturâ sacrâ, non erant alia, quàm divina oracula. Porro David Absoloni velut regni invasori, & tyranno coronam denuò abriperè meditans, quid fecit? velut adeò prudens non alio medio fuit usus, quàm quòd alteri Absolonis lateri secundum associaret Ministrum, qui fuit Chusai; & ita factum est. Dissidebant sententiis hi duo Ministri: neglecto Achitophèle, Chusai opinionem Absolon fuit secutus: proinde qui Achitophèle solo usus, se conservasset; quia adhibuit duos, se perdidit.

Naturalis inconvenientiæ huius ratio est; quia ubi duo sunt intellectus, duæ voluntates, duæ naturæ, duæ deniq; discordantes

concurrunt personæ, non potest esse unio. Unio hypostatica in Christo (quæ maximè divinæ omnipotentiae & sapientiae fuit miraculum) duas univit naturas, duas voluntates, & duos intellectus: sed notate, quod in admirabili hoc composito, non duæ, sed una tantum sit persona. In una persona duo intellectus, duæ voluntates: sed in duabus personis dissidentibus (utri duobus hominibus, *duo*) hæc unio est miraculum quod Deus nunquam fecit, aut faciet. In SS. Trinitate quoque huiusmodi invenitur unio, alio admirabiliore modo. Personæ sunt tres realitè distinctæ, ejusdem omnes intelligentiæ & voluntatis: quamvis enim tres sint personæ, non tamen tres sunt naturæ, tres intellectus, & tres voluntates, sed una natura, unus intellectus, & una voluntas. Age, nunc considera utrum in duobus hominibus, in quibus naturæ intellectus, voluntates & personæ discrepant, in tam variis & diversis materiis, quales in Monarchia aliqua, aut regno concurrunt, unio & concordia dari possit.

Ut in duobus subjectis diversis voluntatum esset unio, matrimonium instituit Deus, de quo dixit: *Gen. 2. Erunt duo in carne una.* Sed quamvis sint duo, tam arcto sibi vinculo illigati, nec voluntates quidem ligari

ligari se propterea sinunt, etiam ubi eadem motiva concurrunt. Esau & Jacob, ejusdem Isaac filij erant, & ejusdem Rebeccæ: & cum motiva utrimq; essent eadem tamque naturalia, Rebecca in unam inclinans partem amabat Jacob: Isaac verò in alteram inclinans partem diligebat Esau. Enim verò, si id accidit in parentibus, non alio ex capite, quàm quod duo sint, *Duo*. Quid tuis duobus non parentibus eventurum putas? & quomodo concors erit eorum voluntas (pro ut esse oportet) & æqualis pro omnibus, cum non filij sint sed extranei quos gubernare deberent? intellectus non eâ libertate gaudet, quâ voluntates, sed nec ideò minus discrepant judicando etiam quando informationes sunt eadē.

Moyſes & Joſue eodem tempore de monte Sinai descendebant, quo Filij Iſraël in caſtris fuſo recenter Idolo feſta agebant: uterque clamores applauſusque populi tripudiantis auribus percipiebat, ſed ecce, quàm diverſum deſuper utriuſque judicium. Joſue tumultum bellicum interpretabatur:

*Exod. 22. 17* *ſtris: Moyſes non tympanorum & tubarum ſonitum, ſed tripudiantium voces ſibi videbatur audire:*

*Nid. 18* *Vocem cantantium ego audio. Ita ut, cum eadem eſſent voces, & uter-*

*Pars III.*

que æqualitèr informatus proprio recipiendis inſtructionibus ſenſu: duos fuiſſe ſuffecerit, qui audierint, ut ſinguli aliud deſuper diverſum formarent judicium. Uno dicente, cantant, alter dixit, pugnant: & pugna non erat in caſtris, ſed in judicio audientis. Nullatenus igitur aulæ Chriſti expedit, prout tu ideam ipſius concipis, ut binos primarios Miniſtros habeat: licet enim Moyſi & Joſue præſtantiâ forent pariles (quod rariſſimum eſt) duos tantum eſſe ſufficit, ut non intellectibus minus, quàm voluntatibus, ſemper, ſeu quaſi ſemper diſcrepent & diſſentiant. Naturalem prætereo inclinationem, quâ quilibet lucere appetit, ubi velut in duobus planetis diviſam lucem eſſe oportet, Ut Luna ſplendorem ſuum impertiat, à Sole ſegregari opus eſt; ſequendo enim Solem iſdem paſſibus, non apparet. Et quis intellectus, quæve voluntas eâ eſt rectitudine, quæ non opinionem intorquet, ut recta videatur? quoties quis gauderet idem de realiqua ferre ſuffragium, quod dedit focius, & quia tantum eſt alienum, & non ſuum, ſuffragatur in contrarium? Hoc modo ſiſtet & impiedietur negotiorum curſus: & hæc opinionum diſcordia Regni erit remora, & ex hoc

I

hoc

hoc solum capite, quod non unus, sed duo admoti sint gubernaculo:  
*Duo.*

## §. VI.

*Filii mei.* Dicendo, tuos esse filios, video, Salome, te totum discursum meum explodere, dum velut mulier & mater omnes inconvenientias, discordiarumque metus dissipari putas ex eo, quod sint fratres, quantumvis duo. Sunt fratres, & fratres germani, ejusdemque patris & matris filii, ergo secuta est semperque erit in ipsis animorum unio & concordia. Ah! Domina, quam parum nosti, quam infirma sit speciosi hujus significatio nominis, quod inter homines fraternitas nuncupatur! in carne & sanguine fundatum esse sufficit: ut subsistentia & firmitas illi desit. Longè alia ambitionis, cupiditatis, æmulationis, invidiarum, aliarumque humanarum societatis concordiarumque pestium, est potentia, quâ sacratissima naturarum fœdera & vincula profanata dissolvuntur. Et quemadmodum pessima vitiorum horum sementis nascitur & communicatur inter æquales, ita inter ipsosdem ortos parentibus naturalior est discordia. De eodem paradisi fonte exeunt flumina, sine omni societate ad invicem, quoli-

bet diversam tenente viam; non solum divisa ab invicem, sed sibi opposita. Porro si illud contingat in aqua limpidissima, quid fiet in calore sanguinis? dicat ipsum ille Abelis, à Caino, & ille Remi à Romulo effusus. Si binos famosæ istius civitatis, quam hodie non capit mundus, fundatores fratres ipsa non cepit civitas: si binos fratres naturæ primogenitos ad humanum propagandum genus, tota non sustinuit terra junctos, ubi non erant alij: quomodo binos tuos sibi socios & concordēs idem continebit consistorium, ubi quodlibet Memoriale, quodlibet consilium, quælibet petitio, discordiarum materiam & fomitem ministrat? quamvis non semel, sed septuagies forent fratres, ego nec pacis, nec vitæ ipsos redderem securos. Abimelech septuaginta occidit fratres, ipse, & illi famosi Gedeonis filii, tantum ut solus regnaret. Ita sitis dominandi æstuat, ut etiam inter fratres, non nisi sanguine fuso restinguatur! Ubi septuaginta securi non sunt ab uno, quo pacto unus securus erit ab altero? Ecce quam facillè eliditur objectio, Joannem & Jacobum esse duos, *duos*: cum exceptione esse filios tuos: *Filii mei.*

Verum enim verò, si adeò manifesta horum duorum germano-

rum

rum ambitio, tot alios interturbat respectus, quâ, quæso, ratione, pro illis diu duraturam sperare potes concordiam? jam sunt amici, jam sunt concordēs, jam verè sunt fratres germani; & nonnisi socii esse appetunt: sed quemadmodum unanimes jam sunt ad ascendendum, sic discordes postmodum erunt ad se invicem præcipitandū. Quot unanimes in pugna, se postmutuò occiderunt propter spolia? ambitio, quæ jam illos unit, eadem postea dividet, & de latere ad latus, velut è duobus oppositis sibi montibus pugnando bellum sibi inferrent. Sicut modò alios decem excluderunt Apostolos, ita duellando postea unus excludet alterum: & à quocunque steterit victoria, te dolor excipiet & gemitus. Utinam, Salome, eadem, quæ tam æstuantinunc desiderio & sollicitudine procurare satagis loca, postquam obtinueris, non gravio rem tibi inducant pœnitundinem! filiorum ne credas amor: ab ambitione eorum tibi time. In mentem tibi veniat Jacob & Esau adhuc materno in utero lucta, qui non solùm erant fratres, sed gemini. Quis securam te fecit, quod Jacobus non sit futurus Jacob Joanni; & Joannes Esau futurus sit Jacobo? Expende dolores & tœdia, quæ duo isti filii (è quibus descendunt tui) suæ intule-

runt matri, antequam nascerentur, & jam nati. Antequam nascerentur, jam intestinum in visceribus sentiens bellum, aiebat: *si sic Gen. 25; mihi futurum erat, quid necesse v. 22. fuit concipere?* li tanto mihi labore & dolore hi duo constituri erant filii, melius mihi fuisset eos nunquam concepisse. Et jam natis & adultis, Esau minato necem Jacobo, iterum Rebecca majore emphasi & dolore dixit: *Cur utro- Gen. 27. que orbabor filio uno die?* q. d. Estne possibile quod uno die mater sim, utroque orbata filio? Utrumque non sine ratione dixit: unus enim illi deplorandus fuisset mortuus, & alter paricida. Pro medio utriusque conservandi vitam, magis dilectum Rebecca ab oculis suis amandavit, ut de offensi & irati fratris manibus ipsum liberaret. Et amor tuus, Salome, tam est cæcus, ut loco ejus, quod filiis tuis occasionem præscindas, præsentiori discrimini eos exponas. Ergo cùm illos non ames tanquam mater, nec illos ames ut filios, non voces eos tuos filios: *Filii mei.*

§. VII.

**U**Nus ad dexteram, & unus ad *Matth*  
*sinistram.* O quis mihi verba *20. v. 21*  
viresque ministrabit, ut expone-

retibi sufficiam? prout oportet, discrimina, præcipitia, pœnarumque & ærurnarum labyrinthum, quæ verbis hisce involuta non vides! uni dexteram, alteri sinistram indeterminatè postulas. Enim verò, quis tibi dixit, quemlibet eorum huic distributioni acquieturum? persuasum tibi habe, utrumque dextram, & neutrum præcisè prætereendere sinistram. Jacobus dextram deberi putat ætati; Joannes assignandam confidit amori: cumq; necessarium sit alterutrum præferri, quo pacto ambo erunt contenti? Si Christus duas haberet dexterarum, necdum secunda esset paritas. Verum cum loca sint inæqualia, & eadem utrique ambitio, uter eorum præferentiam, in altero, vel in seipso æquo feret animo inæqualitatem? Rachel secundo genitum enixa (qui vitam illi sustulit) nomen illi *Benoni*, quod filium doloris significat, imposuit, quod Jacob pater ejus mox in *Benjamin* quod filium dexterae significat, immutavit. Sed in casu vel contentione præsentis, in qua filiorum alteri obtinget dextera, & alteri sinistra, non est dubium, quin filius dexterae filius sit futurorum dolorum. Qui fuerit Benjamin Principis, erit Benoni fratris: nam gravissimo omnium dolore torquebitur, quod alter in loco, quo se dignum existima-

bat. & quem ambiebat, sibi prælatum sit tolerandus. Acerbè tulit Rachel, Liam sibi, ob ætatem, fuisse prælatam; similiterque Esau, Jacob sibi prælatum propter amorem. Et quemadmodum in utroque casu justum dolorem consolari non poterat fraternitatis respectus, sic in cujuscunque duorum fratrum horum præferentia eveniet, sive causa illius sit ætas in Jacobo, sive amor in Joanne: sed in quocunque fratrum erit dolor, idem etiam erit dolor matris.

Imaginare tibi, Domina, te unum jam habere ad dexteram, & alterum ad sinistram: sed recordare simul, quid dixerit Christus: *Nesciat sinistra tua, quid faciat dextera tua.* Porro si Christus hoc suum in praxin redigendo consilium fratri manus suæ dexterae communicaret & committeret secreta, quorum conscius nollet fratrem sinistrae: quis, quæso, hinc dolor, quis gemitus, quis mœror hunc occupabit, qualis invidia corripiet, si non in odium & rancorem transeundo, in vindictam tandem erumpat? Quid, amabo, Aaronem & Mariam ad murmurandum contra fratrem suum Moysen concitavit, nisi quod Deus huic secreta communicabat, quæ ipsis abscondebatur? Quare Cain fratrem suum Abelem occidit, nisi quod Deo gra-

*Matth.  
6. v. 3.*

gratiorem videret, qui sacrificium ipsius in maiore favore prosequeretur? non datur fraternitas æquo ferens animo, alium sibi in confidentia & favore esse prælatum. Primò omnium habitâ gratiâ illum exturbare allaborat, licet uterque tam perdat. Enim verò, si fratres Josephi non potuerunt præferentiam tolerare somniatam, quo pacto quispiam fratrum sufferet experimentaliter notam? violentiam & vim ambitionis humanæ ignorat, qui adversus tantum dolorem se sufficienter in patientia solidatum præsumeret.

Verùm adverte, quod si sinistra his periculis est exposita, nec dextera ab aliis haud minoribus timoribus sit secura. Non datur res secura minus, quàm Principum gratia; nec quicquam in suprema potestate facilius, quàm commutare manus. In materia iustitiæ, Regibus ad dexteram seu sinistram declinare non licet: ita enim præcepit Deus: *Neque declinet ad partem dexteram, vel sinistram.* In favorabilibus verò & gratuitis, ex arbitrio, præter, seu contra spem manus commutare possunt. Quâdo Joseph duos fratres filios suos Manassén & Ephraim patri suo Jacob pro impertienda ipsis benedictione præsentavit, Manassén primogenitum ad dexteram, E-

phraim verò natu minorem collocavit ad sinistram; Jacob in formam crucis commutando & transponendo manus, stanti ad dexteram suam, imposuit sinistram; stanti verò ad sinistram suam, imposuit dexteram. Hoc modo commutare potest manus, qui ex arbitrio suo impertit benedictionem. Porro illud ipsum, quod duobus fratribus, licet filiis Joseph evenit, tuis similiter evenire potest; rota quippe adeò volubilis, non ad pedes stat fortunæ, uti pingitur, sed in manibus Principis à quo dependet.

Ex hoc supremo arbitrio sequitur, quod binis istis lateronibus, non solum à se invicem timendum sit, verùm etiam ab iis, quos ipsi procul abarcere solent; quales sunt illi deforis stantes. Deforis & eminens stabat Mardocheus, & repente in locum intravit Amani, non solum nihil tale suspicati, sed jam ad accelerandam ruinam ipsius negotiati. Quis securam te reddet, quod filii tui in obtentis locis, quæ prætendunt, diu perseverabunt; vel quis illos à naturali seu violenta ipsorum locorum instabilitate exemptos faciet? pro navigio, in quo remigabant, portus erat & anchora; pro cathedris quas ambiunt, nec locus, nec instrumentum, est quod

illas firmet. Qua ratione mutationem in liberioribus & mutabilioribus non timebunt voluntatibus, gnari quàm facilè mutantur venturi? innox ut viderint Principem in alium coniecisse oculos, ex hoc nec de die cibum, nec de nocte somnum capient. Ecce, si mediâ horâ illum loqui vel audire viderint, quod illi non audierint, jam corruisse, gratiâque exclusos autumant. Quidquid bene fecerit, non illi attribuent; & quicquid mali evenerit, ipsi authores existant. Considerate in illis virtutes quotquot volueritis, sed earum nulla, neque omnes simul sumptæ, à metu, suspicione, zelotypia & æmulatione justâque diffidentiâ illos liberare sufficient. Nam ab invidia, nec sacrarium, vel locus sacer immunis est. Æmuli Danielis ipsum à latere Regis amovere gestientes, occasionem aliquam & prætextum ad hoc inquisierunt.

Dan. 6.  
v. 4.

*Quarebant occasionem, ut invenirent Danieli ex latere Regis.* Cum verò esset eâ vitæ innocentia, officiique integritate conspicuus, ut testante Sacro Textu, nec causam, nec suspensionem aliquam invenire possent: *Nullamque causam & suspensionem reperire potuerunt:* Tandem tamen non solum ipsum à latere Regis amoverunt, sed in lacum insuper leonum conjecerunt, non

alia de causa, quàm quod ter in die Deum adoraret: *Tribus temporibus flectebat genua sua, & adorabat coram Deo suo.* Num industrius dari potest causa? num truculentius dari potest prætextus? talis nihilominus causa non causa, prætextus iste, qui prætextus non poterat esse, stratagemate tali ab æmulis Danielis fuit adornatus, ut Rex eum non condemnare, à latere suo arcere, & in lacum leonum non posset non mittere. Ecce nunc, Domina, quo filios tuos ducas & dirigas. Hoc tibi tantum sine exaggeratione dico; ut filij tui objiciantur leonibus, non necessarius est lacus: sufficit esse latus. Thronus Salomonis, qui throni Christi fuit figura, ab utroque latere septem habebat leones; & hæc sunt latera, quæ tu pro filiis prætendis, ubi quatuordecim sunt leones pro ambobus; & septem pro singulis. Quod si mihi regesseris, throni Salomonici leones fuisse eburneos; ego tibi assero, ex hoc non minus fuisse timendos. Leones naturales tantum dentes habent in ore, eburnei illi ex omni parte & toti sunt dentes: idcirco quotquot loca illa conscendunt, arrosos adeò & præmorsos videmus. Quia verò considerationibus meis te fatigare nolo, ad ultimum nunc transcamus,

Ibid.  
v. 10.

scu



seu ultimo memorialis verbo, seu elausulæ non nihil immoremur.

§. VIII.

**I**N regno tuo. Statim pergemus ad, *tuum*; primò adeamus regnum. Si scires quid sit regnum, ejusque pondus penetrares, præsertim quando causis incumbit secundis; protinùs mihi persuasum haberem fore, ut vel à cogitatu abhorreret, nedum illud filijs tuis, quibus tam bene velle tibi videris, desiderares. Qualis, quæso, Hercules erit Joannes, qualis Athlas erit Jacobus, ad imponendam humeris suis unius regni molem? quibusnam in aulis sunt enutriti? quas peragrandò viderunt terras? quas legerunt historias, quibus negotiis fuerunt occupati? nec quid, nec quomodo loqui oporteat, sciunt; tractare cum hominibus à mutis non addiscitur piscibus. Si gubernaculo & remo bene regerant navem; instrumenta, quibus in minoribus exercitiis dexterè utimur, majoribus adhibita machinis inutilia planè & inepta experimur. Ab araneis didicere piscatores, retibus minores capere pisces: ediscere nunc mihi, an etiam Balzanas? dicito mihi, vel dic illis, utrum super tabulas contrafactas, quibus lacum transeunt Tyberiadis, oceani se credant undis? ubi

terra non apparet, cælumquetempestatibus obduetum latet? hæc nihilominus felicia sunt illa & fortunata, tam malè intellecta, quæ filiis tuis procurare tam anxie sagis. Cùm jam ipsis vitam dederis, vivere illos permitte: cùm illis jam esse dederis, etiam esse sine, quod sunt: cùm jam tibi magnis doloribus constiterint, eosdem & ipsis, & insuper tibi augere noli. Dolores partùs ipsorum jam transierunt: porrò dolores ex promotione ipsorum nascituri, totà durabunt vità (totà dico vità, si familiaritas ipsis procurata & promotio eam adæquaret durando; non diu durabilem ipsis fortunam desideras) enim verò, si quoties lacui isti se committébant, nullus in ipsos insurrexit venti flatus, qui non simul cor quoque tuum concuteret; quo pacto, quæso, quieto & tranquillo eris animo, ubi immenso semperque turbido mari ipsos videris immersos, in quo tot naufragium sunt passi?

Jobum ausculta dicentem, Navarchum utique, in hisce maribus benè versatum, & utramque fortunam expertum; à qua nunquam, nisi vestibus & pelle nudatus evasit ad terram: *Gigantes gemunt sub Job. 28. aquis.* Gigantens hi (de quibus v. 5. Job loquitur) sunt homines, qui  
eò

cò potentiz, familiaritatis, dignitatis, & honoris ascendunt, ut omnibus si peremineant: nullus verò tam magnus est, tantulve Gigas, ut vadium illud illæsus transire, aut isto infundo pedem figere possit: hinc omnes gemunt. Et nota, quòd non gemant supra aquam, velut nauta & piscator tempore tempestatis; sed sub aqua: *sub aquis gemunt*. O quam hoc verum, considerationeq; dignum? gemens extra aquam, respirat: sub aqua gemens respirare prohibetur: gemitum suppressere cogitur, ne à gemitibus suffocetur: *laboravi in gemitu meo*, in-  
 3. quiebat David Regis Saulis latus stipans; quia inter alia displicentia multa, in familiaritatibus devoranda, gemitus necessariò est reforbendus. Tristitia cordis à facie arcenda est: nec in favoribus tantum, verum in ignominiiis etiam & injuriis vultus lætitia & serenitas præferenda est. In hac continua corporis animæque tortura, ecce quanta illis patientia necessaria sit, quos familiares esse desideras; & utrum præcipuam hanc virtutem conservare possint, ubi virtutes perduntur omnes. O Domina, quàm deceptam te filiorum tuorum virtutibus video!

Aula neminem reddidit meliorem? multos bonos reddidit pe-

jores. Memento Moysen aulam deferuisse Pharaonis loco filij, & non Ministri, habitum. Jesse, Davidem filium suum ex aula Saulis revocavit: Berzellai in aula Davidis vivere & mori recusavit: & si illum adoptavit in filium, quod tu desideras tuis, id factum est, æquè ut tu deceptus, quid hoc esset ignorabat. Manifestè sanè apparet, te procul aulâ & in agris ruralibus littoribusque maris Galilææ contiguis enutritam. In Jerusalem tende, quomodo Christus eò vadit: si permiserint excubiæ, sæculare intra palatium Herodis, vel Ecclesiasticum Caiphæ Pontificis, & in tanto famelicorum prætendentium tumultu & concursu (omnes enim comedere appetunt, & se invicem comedunt) vide utrum inveniri possit quies, in tanta perturbatione tranquillitas, inter tot mutationes stabilitas, inter tot mendacia veritas, inter tot negotiationes justitia, inter respectus integritas, inter tot invidias securitas, inter tot adulationes & adorationes modestia, temperantia, & fides. Super omnia considera, num tanta ambitionis, insatiabilisque cupiditatis sitis satisfactione aliquâ expleri seu temperari queat: & utrum filij tui id præstare possint tot, quot ibi contendunt & decertant super  
 re.

renna, aut neganda omnibus, aut non nisi uni concedenda? hinc oriuntur displicentiæ, querelæ, murmurationes de regimine, arrogantiz & elationes Magnorum, lacrymæ & lamentationes pusillorum, dissensiones, partialitates, odia, rancores, quarum omnium venenatarum scopus & meta sunt, qui propius supremæ potestatis throno assistunt, qui ejus vice respondent, qui oracula excipiunt & declarant, qui decreta ejus distribuunt: enim verò si hæc toleranda & subeunda veniunt, non in Babylone, aut Ninive, sed in Jerusalem: neque in imperio Assyriorum, Persarum, Græcorum, aut Romanorum; sed in una Republica in tantum hodie devastata, imminuta, ad easque redacta angustias, qualis illa Judææ; quid in universali Christi eveniet Regno? *In regno tuo.*

§. IX.

**T**uo, inquis non advertens aut sciens, quantum breve hoc verbum includat. Propheta David dilatandum asserit regnum Christi à mari, usque ad mare; & à flumine Jordane usque ad terminos & fines terræ: Propheta Isaias, ex quatuor mundi partibus, ex Oriente, ex Occidente, ex Septentrione & Meridie ven-

*Pars III,*

turos vaticinatur, ut se illi subijciant ipsumque adorent. Propheta Daniel, omnes gentes, linguas omnes, & populos ipsi confesuros, omnesque Reges & Monarchas obedientiam & servitia exhibituros adstruit. Hæc amplitudo & magnificentia est Regni. Quanta proinde capacitas, & qualia Ministrorum talenta tibi videntur necessaria, ad congruè movendos & sustentandos duos tantæ machinæ polos? sufficientne tui Joannes & Jacobus. Circino non assueti, & mappâ nunquam inspectâ, ad cognoscendas regiones & Gentes, ad percipiendas intelligendasque linguas, ad penetranda statûs, totq; statuum negotia, ad expediendas legationes, recipiendas obedientias & homagia, qualificandas & disponendas condiciones; ad conciliandas denique voluntates, omniumque totius universi Regum & Principum interesse & commoda procuranda & promovenda? liquidò constat, quod vel non cognoscas tuos filios, vel loca dignitatesque, ad quas eos evehere satagis, non debite fueris dimensa. Joseph & Daniel tantæ capacitatis subjecta, totam illam singuli uni impenderunt regno: Joseph Ægypti, Daniel Babyloniz regno. Et quæ proportio Babyloniz seu Babyloniarum centum; unius Ægypti

K

pti

pti, vel mille Ægyptorum, cum regno & Monarchia Christi? intra ipsos parietes domesticos majus adhuc sub oculis versatur exemplum. Moyses ille homo, plus quàm homo titulo præferens Deitatem, & manibus omnipotentiam, quoties Deo, de sua ad sustinendum populi pondus insufficientia, & quidem populi tantum unius, suâ lege viventis, Nationis ejusdem & linguæ est conquestus? admittit tandem excusatione Deus socios regiminis ipsi adjunxit; sed quos & quantos? non minus quàm septuaginta, ex senioribus, majoribus, melioribusque ejusdem populi electos. Age, si pro mole unius regni, tunc necdum regni, septuaginta tam fortes necessariæ fuerunt columnæ, quâ ratione, tu duabus tam infirmis, immensam illam machinam, quæ omne quod firmamenti convexo continetur, in se colliget, credi & imponi potestas? non est phrasis poetica, vel mea, sed Danielis Prophetæ: *Et*

*Dan. 7. magnitudo regni, quæ est subter om-*  
*ne celum, detur populo Sanctorum*  
*Altissimi.*

Verum dices ad hoc, in regno Christi, hoc ipso quod sit suum, *In regno tuo*: locum non habebunt pericula tanta & gravamina, velut in aliis: quantum Rex ille ab aliis Regibus differt. Quoad personam, ju-

stitiam & bonitatem Regis rationabiliter loqueris. Maxima privatorum, seu Regum hujus mundi familiarium infelicitas præsentissimumque ipsarum familiaritatum præcipitium est, quod Ministri illi non tam Regno, quàm passionibus Regum deserviant, appetitibus eorum indulgeant, & vitia eorundem palpent. Proinde gratiam Dei negligunt & posthabent, ne de illa Regum periclitentur, vel ut magis in eam se insinuent, & stabiliant. Abrahamo cum Sarâ Uxore sua, sub sororis nomine, Ægyptum ingresso, laterales Regis, loco novorum, non retulerunt Regi, quod homo sanctus advenisset in aulam, sed mulier illis insignis & ornata naturæ dotibus, quas æstimant, & latræ quasi cultu venerantur non Sancti. Si Rex Herodes amore flagitioso deperit Herodiadem; si David Bethsabeen; familiares expediunt adulteria, iidemque per se vel subornatos approbant & exequuntur homicidia. Rege avaro, instar Roboami; vel vano, instar Assueri, illi imponunt tributa, illi laudant prodigalitates & deprædicant pompas & ostentationes. Illi denique Nabuchodonosoris statuam adorant; quique ligna comportare juvant ad accendendas seu inflammandas

das fornaces Babylonicas , pro-  
eurantes sine scrupulo , ut in iis  
comburantur innocentes. Simi-  
lia longè aberunt à regno Chri-  
sti ; ex parte enim Regis omnia e-  
runt æquitas , iustitia , moderatio,  
temperantia ; neque assistentes la-  
teribus ipsius , factâ sibi potestate  
abuti , ejusque limites excedere au-  
debunt , quæ non nisi justum & ne-  
cessarium respiciet. Non vindica-  
bit se de Mardochæi injuriis &  
contumeliis Aman , manu regiâ ;  
neque Doëg invidiæ se vindica-  
bunt Saulis lanceâ ; nec Joab odia,  
Davidis dissimulatione. Verùm , li-  
cèt ex parte Regis , Laterales Chri-  
sti ab his periculis futuri sint im-  
munes : ex parte subditorum , gra-  
ves non deerunt difficultates , quas  
superent , nec non repugnantia &  
contradictiones , quibus se oppo-  
nant.

De regno Christi prophetatum  
constat , cuncta in eo fore nova : *Ec-  
ce nova facio omnia* : nec te latet  
quàm difficulter novitates intro-  
ducantur. Si mundus de novo est  
fundendus , ipsum prius dissolvi &  
liquefieri oportet ; quod non nisi  
violentissimo omnium elemento-  
rum igne possibile est. Propheta-  
tum est ( quod hisce nostris diebus ,  
ipsius Christi præcursor etiam  
prædicavit ) valles implendas , mō-  
tes & colles humiliandos , nec ali-

quos tantum , sed omninò omnes :  
*Omnis vallis implebitur , & omnis  
mons & collis humiliabitur.* Quis  
tam excelli & generosus est animi ,  
ut hanc deprimendi magnos , &  
exaltandi parvos , & utrosq; in tan-  
ta natalium fortunarumque impa-  
rilitate , coæquandi provinciam in  
se suscipiat ? Quod si operarii vineæ  
sine omni præjudicio suo , ægrè tu-  
lerunt alios sibi in mercede æqua-  
ri ; quis , quæso , arrogantiam , super-  
biam & tumorem & superfluita-  
tem Grandium mundi , omnia sibi  
debere existimantium , nullique  
quod debetur solventium , ad ta-  
lem reducet mediocritatem &  
moderationē ? prophetatum quo-  
que est , regnante Christo , lupum  
habitaturum cum agno , & leo-  
nem bovis instar comesturum pa-  
leas : *Habitabit lupus cum agno , &  
leo quasi bos comedet paleas.* Sed  
quis lupi coërcere poterit vora-  
citem , ut talem observet absti-  
nentiā , & regiam leonis com-  
pescere rapacitatem & gulam ; ut  
bovis instar horrei pabulo prò  
pastu contentus , montuosis &  
sylvestribus in cibum prædis &  
venationibus abstineat ? justior ,  
benigniorque lex dari nequit ,  
affatimque favoris leoni indul-  
getur , quod sine labore obambu-  
lans , æqualiter cum bove , cum  
damno hujus participet , quod

*Luce. 3.  
v. 5.*

*Isa. II.  
v. 6. 67*

*Apoc.  
21. v. 5.*


tanto ipsi labore aratrum trahendo & currum, nec non trituro, constitit. Porro cum iniquum hoc forum consuetudine introductum sensimque sit canonizatum: cuinam Ministrorum tantus erit zelus, tanta virtus, tam intrepida & constans magnanimitas, ut contra tantam adversantium vim, illam in praxin deducat, confirmet, atque defendat? ita ut, Domina, prætermis, quæ adhuc dicere potuissim, & resumendo quod dixi, neque integritati Regis, neque bono regni, neque tibi, neque filiis tuis expediat concedi loca, quæ petis; neque acceptare quamvis non peterent, ultionem oblata. Quare, si omnium rationum harum pondus, aliquid apud te valeat, author sua forque tibi sum, ut brevissimè, facillimè, & securissimè, non desiderando, non interpellando, neque petendo temetipsam expedias.

§. X.

**H**Æ sunt, Clementissime Domine, considerationes (&

nondum omnes) quas respondendo matri Zebedæorum, memoriali ejusdem, prout occurrerunt, opposui. Quod si omnia memorialia similiter excuterentur, contingeret fortè, quod rarior memorialium & prætendentium foret numerus; Regesque & Ministri importunitate carerent. Hæsitavi perplexus, utrum cum dictis considerationibus in publicum prodirem, uti nunc factum, timens ne læsæ majestatis reus haberer, quod veritatibus istis, subditos à Regis ministerio retrahere & abstergere viderer. Resolvi tandem non recitare, quæ dixi, scrupulo isti dilemmate hoc, opinione meâ, vero & infallibili succurrendo. Auditis me persuadebo, vel non persuadebo: si non persuasero, in eodem perseverabimus statu, & multi loca sæpe fata prætendent: si persuasero (quod non spero) nullus ea appetet, aut procurabit. Et quando loca ista minus fuerint affectata & procurata, Majestas tua magis idoneis Ministris melius erit stipata.





# S E R M O

De

## S. A U G U S T I N O.

Habitus in ejusdem Ecclesia, & Conventu S. Vincentii

Ulyssipone Anno 1648.

*Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est.*

Matth. 5.

§. I.



Maximum inter Doctores Sanctum, maximumque inter Sanctos Doctorem, in hoc magno theatro, velut Patrem familiarum suarum celebrat primogenita. Evangelium quod in hac solemnitate cantat Ecclesia, non solum S. Augustino applicatum, sed per eundem proponit explicatum. Ego verò utrumque venerando pro debito, tam in applicatione, quam explicatione, implicationem non minimam invenio. Ita ut Evangelium hodie S. Augustino applicatum, à S. Augustino explicatum, & cum S. Augustino implicatum habeamus. Sed quomodo, quæso,

& qua parte implicatum? non minus quam duabus essentialibus ipsius Evangelii partibus: & duabus potioribus excellentiis ejusdem S. Augustini, quæ sunt illæ duæ, à quibus Sermonem sum exorsus. Evangelium cum S. Augustino implicatum quæ Doctore, iterumque implicatum cum S. Augustino, quæ Sancto. Stare mecum.

Christus toto hoc Evangelio nihil intendit aliud, quam perfectam Ecclesiastici & Apostolici cujusdam Prælati efformare ideam. Hæc indifferenter ex duabus partibus essentialibus; scientiâ videlicet, & virtute componitur. Ex scientia; oportet enim esse doctum: ex virtute; oportet enim esse sanctum. Virtute præditus sine doctrina, erit sanctus: Scientiâ præditus

K 3

sine

sine virtute, erit doctus : sed quacun-  
que earum deficiente , verus  
non erit Prælatus. Et quid, utrâque  
deficiente futurum ? sufficietne  
igitur solâ scientiâ esse doctum, &  
solâ virtute esse sanctum ? minimè  
gentium. Contingere quippe po-  
test, Prælatum quempiam doctum  
esse simul & sanctum, nihiloseciùs  
bonum non esse Prælatum ; potest  
enim esse doctus & sanctus sibi, &  
non aliis. Taliter ipsum doctum  
esse oportet, ut doctus sit, simul &  
Doctor : taliterque sanctus, ut san-  
ctus sit, simul & sanctificator. Hoc

*Matth.*  
*s. v. 19.* innuit illud: *Qui fecerit & docuerit*

Doctor docendo ; & sanctificator  
faciendo. Ad docendum necessa-  
ria est ipsi scientia, ut doctrina sit  
sana : ad faciendum, necessaria est  
ipsi virtus, ut sint opera bona : por-  
rò ista opera, totaque scientia oc-  
cultâ & abscondita esse non de-  
bet, ut non videantur, sed publica  
& manifesta omnibus apparere :

*Ibid.*  
*v. 15.* *neq; accendunt lucernam, & ponunt*  
*eam sub modio, sed super candela-*  
*brum, ut luceat omnibus, qui in do-*  
*mo sunt.* Scientia publica & mani-

*Ibid.*  
*v. 16.* *ifesta ; ut luce doctrinæ illuminet:*  
*Sic luceat lux vestra coram homini-*  
*buz: & opera manifesta & propatu-*  
*la, ut vitæ exemplo ædificet: Vt vi-*  
*deant opera vestra bona.* Denique  
utraq; non ad laudem æstimatio-  
nemq; propriam referenda sunt,  
quod vanitatem & terram sape-

ret; sed ad honorem gloriamque  
patris, qui in cœlis est : & *glorifi-*  
*cent patrem vestrum qui in cælis est.*

Hic naturalis propositorum  
verborum est sensus ; hæc summa-  
ria totius Evangelii, variis in parti-  
bus à sancto Augustino tam solidè,  
tam propriè, ulitato ipsi more ex-  
plicati intentio : ast ubi idem ipsi S.  
Augustino applicaverimus, planè  
& totaliter, ut dixi, cum ipso im-  
plicatum inveniemus. Apertis S.  
Augustini libris, primo præfixum  
titulum videbitis : *Liber Retracta-*  
*tionum Augustini* : in quibus idem  
Sanctus valde minutatim omnes  
declarat errores, & ignorantias (ut  
ille vocat) quas minoris certitudi-  
nis, dubiæq; veritatis scripserat. Ad  
secundum transeundo librum, e-  
undem pari modo, in frontispicio  
præferre videbitis titulum, *Liber*  
*Confessionum Augustini* : quibus si-  
militer totius vitæ suæ peccata ac-  
curatè describit & manifestat. Si  
igitur Evangelium omnibus Præla-  
tis scientiam suam & doctrinam,  
virtutem suam & opera bona pro-  
palare mandat; quo pacto S. Augu-  
stinus, scientiæ loco, suas ignoran-  
tias & errores ; & bonorum ope-  
rum suorum loco, peccata sua in  
publicum producit ? Ergo vel E-  
vangelium incongruè applicatur  
Augustino, vel Augustinum cum  
Evangelio habemus implicatum. Ad



Ad binas hæc solvendas hodie implicationes, duplici gratiâ indigeo. Ave Maria.

## §. II.

*Sic luceat lux vestra coram hominibus, ut videant opera vestra bona, & glorificent patrem vestrum, qui in cælis est.*

**B**INOS illos, Retractationum & Confessionū suarum à se compositos libros, S. Augustinus in operum suorū capite posuit. Primo librorum folio Typographi solent proponi errata: S. Augustinus novâ nunquam visâ & usitatâ methodo errata præmittit authoris. In libro Confessionum, errata vitæ: in libro Retractationum, errata doctrinæ. Ego utrumque, *Indicem rerum notabilium*, intitulo. Cum enim omnia S. Augustini libris contenta, tam sint alta, tam profunda, tamq; divina, hæc duo præ cæteris sunt notabilia. Sunt multi, qui non contenti suū apponere nomen; imò ipsis libris, quos de famæ contemptu inscribunt (prout notavit Cicero) volentes ut non solum legantur, sed & illi ipsi videantur, in fronte libri effigiem suam exprimi curent: & hoc, quod in tot aliis authorum nomine indignis fecit vanitas, in celebratissimo Ecclesiæ autore modestia fecit & humilitas. Corpora penicillo, anima depingitur calamo: proinde bini isti libri, opinione

meâ, S. Augustini animæ vera sunt effigies. Petierunt nonnulli à S. Paulino ut dipingi se sineret: & ipse, qui sicut primam vitæ partem dederat mundo, ita secundam consecraverat Christo, respondit: *Vel cupitis depingere meum vesterem hominem, vel novum: si veterem, ille deformis est, nec picturâ, sed latebris dignus: si novum, ille nondum perfectus est.* Concludens, nolo me depingatis. Nihilosecius S. Augustinus, quamvis singularis S. Paulini amicus, longè diverso consilio, quicquid in vita sua fædissimum, & maximè deformis, in suaque doctrina distortum invenit, propriâ suâ manu, non tantum certioribus: sed etiam vivacioribus coloribus depinxit.

In libro suarum Confessionum S. Augustinus sua propalavit peccata; & in Retractationum suarum libro suas publicavit ignorantias: & qui tantum peccatorum fæditatem, ignorantiaque indecorum comprehenderit, binas istas S. Augustini actiones pro merito, poterit æstimare. Maximum Dei opus fuit Incarnatio, cujus potissima excellentia non constitit tantum, in nostram assumendo naturam, quantum in nostram assumendo similitudinem: *in similitudinem hominum factus, & habitu inventus ut homo.* Non assump-

S. Paulino.

lit

fit Deus naturam humanam , qualem eam in Adamo condiderat, sed qualem ipsam postea invenit, à primo scilicet statu collapsam, tamque infinitis gravibusque miseriis & ærumnis subjectam. Ad nascendum, vivendum , moriendum (& quod non minus est) ad labores , fatigationes sudoresque se dimisit: doloribus, mœroribus, lacrymisque se subjecit: persecutiones, contumelias, ipsamque crucifixionem passus. Verùm toti illi miseriarum despectuumque abyssos se immergens (nam juxta S. Paulum *debut per omnia fratribus similari*) à duobus nihilominus humanitas Christi immunis prorsus mansit & exempta. Et quænam illa? peccatum, & ignorantia. Quia tam vilis & fæda res est peccatum, tamque deformis ignorantia; ut si quo casu possibile foret , nullo protinus modo in humanitate divinitati unita, ea toleranda essent. Cum igitur ea peccati sit fæditas, ignorantiaque absurditas; S. Augustinus voluntate determinatâ proprioque motu, duo ista sibi seligens assumpta, ad binos istos libros, unum de suis peccatis, alterum de suis ignorantibus, ex proposito conscribendos se accingat; jamque conscriptos evulget totiq; mundo publicè proponat? ad defendendas culpas , vel excusandas

ignorantias, multæ apologiæ, & manifesta extant conscripta: sed ad confitendas & propalandas soluseas Augustinus conscripsit. Binas hasce actiones in laudem ipsius considerare & expendere cœpi: & nunc excusatione, & quidem non facili, mihi indigere videntur.

Verùm respondebunt mihi (ut dixi) forsan nonnulli, pro parte S. Augustini, utrumque illud humilitatis fuisse actum; sed responsio ista jam dicendis validè impugnatur. Virtus Christo propria, & per antonomasiam Christi, est humilitas: *Vt inhabitet in me virtus Christi*. Virtus, quam Christus specialiter in mundo docturus venit, cujusque se Magistrum fuit professus, humilitas est: *Discite à me, quia mitis sum, & humilis corde*: humilitas verò Christi, non maxima solum, sed & extrema humilitas fuit; nihilominus peccatum & ignorantiam non admisit: ergo, Augustinus peccata sua, & ignorantias subtrahendo, licet obnoxius illis fuisset, perfectè humilis esse valebat. Quantò magis , quod præcepto contraria non detur virtus: & contra duplicem istum actum, humilitatisque excessum, duplex jam auditum Evangelii militabat mandatum: contra peccatorum propalationem, illud exempli; & contra evulgationem ignorantiarum, illud

Hebr. 2  
v. 17.

2. Cor.  
12. v. 9.

Matth.  
11. v. 19.

illud doctrinæ. Cum igitur Evangelium Augustino scientiâ & doctrinâ fulgere præcipiat, quo pacto errores suos & ignorantias in publicum producit? & si operibus & exemplis præluce & illuminare illum jubeat, quâ ratione vitia sua & peccata publico exponit? errores potius conregat, ne doctrinæ Eclypsin superinducant: peccata obvelet & abscondat, ne exemplo tenebras offundant. Cum igitur ex mirabilibus Sancti Augustini operibus, sit tam consona Evangelio explicatio, idem ipse illud dissonum sibi, non ostendat.

## §. III.

**A**gedum, Auditores, ne diutius suspendamus iudicium, totum quod in S. Augustino dissonum videtur Evangelio, non fuit dissonantia, fuit consonantiæ amplificatio. Sic non habemus Evangelium cum Augustino implicatum, sed per Augustinum amplificatum. Evangelium illis, qui lux sunt Ecclesiæ, scientiâ & virtute, doctrinâ & exemplo illuminare præcipit: præceptum hoc S. Augustinus amplificando limites ejusdem excedens, non suis solum scientiis, sed & ignorantibus; non suis solum virtutibus, verum etiam peccatis mun-

Pars III.

dum illuminat. Suis ignorantibus, nam ex eis doctrinam fecit: suis peccatis, ex ipsis peccatis fecit exemplum: & cum ignorantiae & peccata sint tenebræ, de ipsis tenebris fecit lucem. *Sic luceat lux vestra coram hominibus.*

Christus Dominus noster, hoc suo præcepto viris Apostolicis lucere mandans, etiam in quo, & qualiter præluce oporteret, specificavit. Quoad primum: ut lucendi instrumentum esset lux: *Luceat lux vestra*: quoad secundum: lucendi modus esset talis, qui gloriam Dei promoveret: *Sic, ut glorificent Patrem vestrum.* Quid verò Augustinus fecit? observato modo amplificavit instrumentum: non enim solâ luce, verum etiam tenebris præluxit: & in utroque lucendi observavit modum; nam sicut luce, ita & tenebris gloriam Dei promovit. Simile quid in terra non invenio sed in cælo, unde Augustinus admirabilem hanc Philosophiam hausit: *Cæli enarrant gloriam Dei, & opera manuum eius annunciant firmamentum.* Cæli (inquit David) semper prædicant gloriam Dei; & firmamentum manuum ipsius opera omnibus manifestat. Enim verò, quænam ista sunt Dei opera, quibus cælum publicè velut instrumento, gloriam Dei deprædicat? admirabiliter ad nostrum

ps. 18.  
v. 1.

L

inten-

*Ibidem*  
v. 2.

intantum id innuit textus: *Dies diei eructat verbum, & nox nocti indicat scientiam.* Opera, quibus cælum gloriam Dei publicat & prædicat, sunt Dies & nox. Ergo nox tenebrosa & deformis, cum die lucido & formoso, ad glorificandum Deum intrat in chorum? ita planè: dies enim luce, & nox tenebris Deum glorificat: nec minor ex tenebris, quam ex luce gloria Deo accedere potest. Quod ita ter geminâ voce, tres pueri in fornace Babylonica decantârunt: *Benedicite noctes & dies Domino: Benedicite lux & tenebra Domino.* Ita actu modoque singulari & extraordinario, id S. Augustinus præstitit, qui non solum scientiarum suarum virtutumque luce, verùm etiam ignorantiarum suarum peccatorumque tenebris, Deum glorificavit ipse, & alios docuit glorificare: *ut glorificent Patrem vestrum, qui in calis est.*

Verùm plus innuit, plusq; Evangelium intendit. Qualitatem lucis istius declarans, *sic luceat lux vestra* inquit, eam accensæ instar lucernæ esse oportere, quæ non accenditur, ut abscondatur, sed lucem omnibus impertiat: *neq; accendunt lucernam, & ponunt eam sub modio, sed super candelabrum, ut luceat omnibus qui in domo sunt.* Sed & in similitudine hac excedens Evan-

gelium Augustinus, non solum luxit, mundumque accensâ, sed etiam extinctâ illuminavit lucernâ: Ad cælum revertamur. Nascente Christo, cælum unam accendit lucernam: eodem moriente extinxit alteram. Lucerna Christo nascente accensa, fuit stella, quæ apparendo Magos deduxit: Lucerna ipso moriente extincta, fuit sol qui eclypsin passus, ab ea hora quâ Christus in crucem actus est, usque dum expiraret, in ea tenebris mundum involvit. Quo verò mysterio, cælum, duobus diebus adeò memorabilibus, binis adeò contrariis prodiit signis? Consideravit illud S. Augustinus serm. 30 de tempore. Respondit (ne in causa sit propriâ) S. Petrus Damianus *S. Aug.* his verbis: *Habuit testimonium lucis, quia claritas stella illustravit de tem.* Magos: *& habuit testimonium tenebrarum, quia in morte eius tenebra facta sunt super universam terram.* *S. Petr. Damasc. sermo.* Cælum lucernam accendit unam, & extinxit alteram Christo intrante, & salvo exeunte de mundo; ut Christus in asserenda gloria sua & divinitate, non solum lucis, sed etiam tenebrarum testimonium haberet: *Testimonium lucis, & testimonium tenebrarum.* Ergo etiam tenebræ, quarum officium est obscurare, illuminare, testimoniumque perhibere queunt? Etiam: tantòq; magis

magis idoneum, quantò subiectum quod obscuratur, clarius instar solis splenduerit. Stella testimonium perhibuit lucendo: Sol, obtenebrescendo: tantòq; validius fuit testimonium solis, illo stellæ; quod stella lucendo tres homines, sol tenebras inducendo, totum illuminaverit mundum. In casu & questione quam tractamus, Augustinus semel accensa, & rursus extincta videtur lucerna. In scientia sua & doctrina, in virtutibus suis & exemplo lucerna accensa: in ignorantiarum suarum Manifesto, peccatorumq; suorum propalatione, lucerna extincta. Verum ita oportebat esse, ut suæ testimonio lucis, suarumq; testimonio tenebrarum Deum glorificaret: *habuit testimonium lucis, & testimonium tenebrarum*. Advertendum nihilominus, quod in testimonio lucis, scientiis lucendo & virtutibus, Augustinus illuminaret instar stellæ; aliorum more Sanctorum: In testimonio verò tenebrarum, ignorantis peccatisq; se obscurando, illuminaret instar solis; quoniam singularis & extraordinarius S. Augustini fuit actus. Alij sese Evangelio adstrinxerunt: Augustinus illud dilatavit.

Restat maxima validissimaq; ipsiusmet Evangelij oppositio: verum & huic amplificatione maiore S. Augustinus satisfaciet. Evangelium, quales radios seu splendores

lucis esse oporteat, quos commendat, strictè & indivisim determinans, inquit, oportere esse opera bona sic manifesta hominibus, ut ex eis Deum glorificent: *Sic luceat lux vestra coram hominibus, ut videant opera vestra bona, & glorificent patrem vestrum qui in cælis est*. Cælum nobis repetendum est, ob textum à Davide productum, in quo grande & abditum nobis erendum remansit mysterium. Si cæli ad glorificandum Deum ipsius opera publicat: *Cæli enarrant gloriâ Dei, & opera manuum eius annuntiat firmamentum*: quomodo operibus Dei noctem tenebrasq; annumerat, quæ licet sint opera Dei improprie, proprie non sunt bona: tenebræ negatio sunt lucis; porro negationibus nec est, nec inesse potest bonitas; quia & ipsum esse ipsis deest. Eadem scriptura illud clarè in utriusq; creatione innuit. De luce loquens ait: *facta est lux: & vidi- Gen. 1. lucem, quod esset bona*. E contra- v. 4. rio de tenebris loquens, quæ lucē præcedebant, ait: *& tenebra erant Ibidem super faciem abyssi*: non inquit, Deū v. 2: vidisse, & bonas dixisse tenebras. Et quare? quia lux cū habeat esse, & tam excellens esse, bonitatē habet, estq; bona: tenebræ verò, cū sint negatio, esse carent & bonitate, neq; bonæ sunt. Si igitur tenebræ non sunt bonæ, quare cælum illas

inter opera Deum glorificantia numerat? Etiam cœlum, ad amplificandam gloriam Dei, Evangelium amplificare voluisse videtur: Verùm non eâ excellentiâ quâ id præstitit Augustinus. Evangelium Prælati bona opera præcipit, quibus glorificetur Deus: *Ut videant opera vestra bona, & glorificent patrem vestrum, qui in cælis est.* Cœlum uno passu ulterius progressum, Deum operibus glorificare volendo: *Et opera manuum ejus annunciat firmamentum:* adiunxit opera, quæ propriè non sunt bona, qualia sunt tenebræ & nox: *Et nox nocti indicat scientiam.* Verùm Augustinus præter hæc omnia, modum insuper advenit, quod impossibile videtur, glorificandi Deum operibus verè & propriè malis, qualia sunt errores & peccata. Ita ut Evangelium Deum glorificare præceperit operibus bonis: cœlum eò progressum sit, ut glorificet operibus non propriè bonis: & Augustinus eò usque pervenerit, ut non solum operibus, non bonis, sed etiam operibus propriè malis. Et hoc novo inauditoq; modo assecutus est, cum duobus istis libris Confessionum suarum, & Retractionum in publicum prodendo, non contra, sed ultra præceptum idem, quod sibi loquebatur dicens: *Sic luceat lux vestra coram*

*hominibus, ut videant opera vestra bona, & glorificent Patrem vestrum qui in cælis est.*

## §. IV.

**V**idimus seu diximus in generali, quomodo S. Augustinus Evangelium amplificando, non luce tantum, verùm tenebris etiam illuminârit, ut & ipsi suo modo gloriosè accommodari possit, quod soli Deo tribuitur: quod scilicet tenebræ ejus, instar lucis ejus sint: *Sicut tenebræ ejus, ita & lumen ejus.* Ps. 138. v. 12. Vidimus ipsum non solum illuminâsse lucernâ accensâ, sed etiâ extinctâ; similiter Evangelium excedendo, in quo Virgines cum lampadibus accensis intraverunt ad nuptias, reliquis cum lampadibus extinctis manentibus foris. Vidimus quomodo non solum illuminârit operibus bonis, sed etiam malis, ea in lucem producendo; cùm hoc sit exceptio contra Evangelium dicens: *Omnis, qui malè agit odit lucem, ut non arguantur opera eius:* sequitur, ut nunc videamus, quomodo illud sit factum, vel fieri possit, non enim difficultate videtur carere. Enim verò, si liber Confessionum vitia continet & peccata; quo pacto Augustinus vitiiis & peccatis vitiosos & peccatores illuminare poterit? & si liber Retractionum errores continet &

Ioan. 3.  
v. 20.

& ignorantias, quo pacto Augustinus erroribus & ignorantibus, errantes & ignorantes illuminare valebit? Totum illud facere potuit, & fecit Augustinus, & modo non quocunque, sed illo ipso, quo Christus in Evangelio, homines illuminare præcepit: *Sic luceat lux vestra coram hominibus.* Modus, quo Christus & Evangelium, hominibus præluce mandavit, fuit, exemplo & doctrinâ: & eodem ipso Augustinus illuminavit: In libro quippe Confessionum, de peccatis fecit exemplum: & in libro Retractationum de ignorantibus fecit doctrinam. Porro de hoc nobis jam tractandum est: & quia Augustinus bina hæc assumpta in duos divisit libros, nos quoque pro majore claritate & distinctione, in duas illa dividemus partes.

Exordiamur à prima. Nihil æquè naturale est homini, quàm propria sua abscondere & tegere peccata. In tota illa famosa verborum disceptatione, à tribus amicis suis cum Job inita, omnis eorum edirgebatur intentio & contentio, ut Jobum convincerent ad credendum, quod in pœnam peccatorum suorum omnes istas sustineret ærumnas: Jobo è contrario suam probante & propugnante innocentiam. Hunc in finem magnum virtutum suarum operumque bo-

norum confecit syllabum, concludens, quod si peccata haberet, ea omninò debere esse publica, & nota; quod nunquam ea occultasset:

*Si abscondi, quasi homo, peccatum meum.* Job. 31.  
v. 33.

In his verbis magnum continetur arcanum, magnæque consideratione digna est ista exclusiva: *Quasi homo.* Non tantum peccata sua se abscondisse negat, sed non abscondisse, quasi hominem. Ut Job qualificaret innocentiam, sufficiebat dicere, se peccata non habere; utq; testimonio id probaret publico, sufficiebat dicere, se nunquam ea abscondisse: Cur igitur addit, quod ea non absconderit velut homo: *si abscondi, quasi homo, peccatum meum?* quia homini nihil magis naturale, quàm peccata sua abscondere & occultare. Peccare, vel est malitiæ, vel infirmitatis; peccatum abscondere, est naturæ. Primus peccans fuit Adam. Et quis primus peccati primi fuit effectus? sese abscondere. Non erant alii tunc in mundo oculi, à quibus Adam se absconderet nisi Dei; & ad ipsos usq; oculos Dei abscondere se voluit mox ut peccârat. Thamar in bivio itineris sedens, obvium habuit Judam; primum Tribus Regiæ fundatorem & caput, ex cujus congressu Phares & Zaram concepit: de qua textus inquit, quod videns illam Judas, *suspiciatus est*

*est esse meretricem. Et quo ex motivo? opernerat enim vultum suum ne agnosceretur. Videant ibi obvelata, quas consequentias detegant, quando sic se operiunt.*

Porro rationem quare adeò naturale sit homini operire & abscondere peccatum: dedit Quintilianus, & hæc est: *non quisquam tam malus, ut malus videri velit.* Et ab hoc principio Tertullianus validum formavit argumentum in defensionem Christianorum contra Tyrannos. Ite, inquit ille, ad vestros carceres, ubi habetis captos fures, latrones, adulteros, & Christianos; & ab his & aliis delicta eorum inquireite. Christianus interrogatus num sit Christianus, mox respondebit quod sic: fur, latro, adulter, etiam in tormentis negabit.

*Tertullianus adversus Gent.*

Et quæ causa, quod hi negent, & illi non? quia quod malum est & peccatum, nemo vult esse suum: *non lunt enim suum esse, quod malum est.* Sequitur ergò, esse Christianum, non esse malum, neque peccatum; si enim hoc malum esset, illi hoc utiq; operirent & negarent. Porro hoc concludit modo. *Quid hoc mali est, quod naturalia mali non habet? timorem, pudorem, tergi-versationem, q. d. Quod malum, quodve peccatum est, in quo non invenitur naturale omnis peccati, cura scilicet & artificium operiendi, nec non timor & verecundia confitendi? proinde, quia tam na-*

turale est homini, sua operire & abscondere peccata. S. Augustinus confessionum suarum librum conscripsit, in quo sua detexit, manifestavit, & evulgavit peccata toti mundo, ad tollendum de eo istud salutis impedimentum, suoque exemplo persuadendum hominibus, sua non operire, sed confiteri peccata. Paulò ante dixerat Christus: *omnis qui male agit odit lucem: & Augustinus velut ab omnibus hominibus exceptus, quicquid male egit, in lucem produxit; ut suo doceret exemplo, quid faciendum sit malè agentibus.* Ecce differentiam Augustini ab aliorum imprudentia hominum. Reliqui homines malè agentes abhorrent lucem, cum potius abhorrere deberent malum, nec non illud operantem: verum loco illius quod abhorreant peccatum, oderunt lucem, quæ illud detegit; & quia illi sunt mali, volunt videri boni. Ad corrigendam igitur istam imprudentiam, illique substituendum istum malè applicatum horrorem; Augustinus cum omnibus antea vitæ suæ malis in publicum prodit: ut intelligerent homines, horrore esse oportere ipsum malum, & non lucem; malumq; operatum esse infirmitatem: lucemque illud retegentem, esse remedium.

§. V.

**I**N remedium peccati Christus Domi-



Dominus noster Confessionis Sacramentum instituit ; quod vel maximè arguit, vehementemque naturæ repugnantiam summè exaggerat, quâ homo peccata sua detegere horret ; quia verò Deus illa iustè pœnâ puniret æternâ, eò quòd infinitæ majestatis sint offensæ, idem omnes istas pœnas bene commutandi modum adinvenit : si homo homini alteri sua peccata confiteretur. Sed ex hoc ipso elucescit, quàm admirabili stupendâq; resolutione S. Augustinus confessionum suarum librum conscripserit : quàmq; valido & copioso exemplo peccatis suis præluxerit, ad superandam repugnantiam, ad animandum timorem, naturalemque expediendum horrorem, quo fragilitas humana à peccatorum suorum confessione retinetur. Quod homo confitendo sua revelet peccata, ad eorundem veniam obtinendam, est iusto & competenti pretio gratiam Dei emere ac comparare. Verùm Augustinus, ante peccator, annorum jam triginta trium baptizatus, non ad gratiam Dei recuperandam, quâ jam gaudet; neq; ad obtinendam eorundem veniam, quia jam condonata erant, peccata sua propalavit. S. Paulus de hac venia, & de hac lo-

*Psalm.* quens gratia, cum Davide inquit :  
*31. v. 1. Beati quorū remissa sunt iniquitates*  
*& quorum tecta sunt peccata. Tex-*

tus hujus significatio, jam tum Augustini tempore, inter Catholicos & hæreticos in controversiam fuit deducta, propter distinctionem, quâ inter peccata remissa, & tecta Apostolus facit. Enim verò, si peccata remissa & tecta duæ res sunt distinctæ, in quonam consistit, esse remissa, *quorū remissa sunt iniquitates?* & in quo esse tecta, *quorum tecta sunt peccata?* omissis quæstionibus multis, quæ hic involvuntur velut Theologus divinus, Apostolus est locutus : nam in remissione, & absolutione peccatorū duo concurrunt : remissio culpæ ( aliis terminis dicta condonatio ) & infusio gratiæ : per remissionem culpæ peccata sunt condonata : *remissa sunt iniquitates* : per gratiæ infusionem, sunt tecta : *tecta sunt peccata*. Et quod Augustinus condonatis jam tectisq; suis peccatis, sine omni obligatione, sine necessitate, ea denuò discooperiat, tantum ne alij sua cooperiant ; quantum peccatis suis præbuerit exemplū judicate.

Amplius. Præceptum, quo Deus Christiano omnia sua confiteri peccata mandat, præterquam, quod inviolabili sigillo sit munitum, tali cautelâ & circumspeditione, integritati & famæ confitentis consulit, ut neminem, quamvis ob defectum aliquem seu memoriæ labilitatem, omnia non confi-

confiteretur , ad scribendum peccata obliget. Cujus limitationis motivum , est periculum , ne quo casu charta perdita ad aliorum manus deveniret. Augustinus verò exemplum cumulando exemplo , non solum misso timore , sed æstuante desiderio , ut peccata sua in oculis manibusque versarentur omnium ideò omninò illa conscripsit. Quomodo verò illa conscripsit ? idiomaticè magis universali & usitato totius mundi ; neque abbreviatè & per metaphoras ; sed diffusè & luculentè ; nec non vivaciore omnium circumstantiarum ponderatione , quamvis ab intellectu ipsius procedente : dolor enim ejus intellectum excedebat , dolorique alienorum peccatorum zelus respondebat. Considerate Davidem plorantem & orantem ; & Augustinum flentem & scribentem : eodemque in casu differentes harum duarum animarum videte affectus. David in libris Dei peccati sua conscripta cernens , illa deleri petebat à Deo ; *dele iniquitatem meam* : & S. Augustinus sua , per Baptismum , in libris Dei , deleta peccata sciens , eadem de novo scribebat : ast David remedium petebat pro se , & Augustinus remedium scribebat pro omnibus. Christus ad liberandam peccatricem , peccata

scribebat accusantium ; Augustinus ad emendandos peccatores , non aliorum , sed propria accusavit & exaravit peccata : Christus ea inscripsit pulveri ubi facile poterant exteri & deleri ; Augustinus sua inscripsit libris , quod plus fuit , quàm æri insculpsisset : Christus illa scripsit suppresso reorum nomine ; Augustinus suo sub nomine , confessiones peccatorum Augustini indigitando.

Ulterius. Præceptum confessionis obligat , ad confitendum alij homini , sed duntaxat uni. Ut , casu quo , Confessarius non intelligeret idioma confitentis , hic non teneatur confiteri per interpretem , ne vel duobus saltem peccata tua innotescant. Et quis hoc punctum ritè pensando , non dico exaggerare , sed vel aliquo modo , pro merito explicare sufficiet actum illum plus quàm heroicum , resolutionemque humanâ capacitatem majorem , quàm Augustinus peccata sua non omnibus solum sui temporis & ætatis hominibus , sed quotquot hodie sumus , quotquot à mille ducentis annis vixerunt hucusque , quotquot denique ad finem usque mundi futuri sunt , confessus est & manifestavit ? porrò in die judicii duntaxat , aliquam cum hoc actu parilitatem invenio , non tamen sine magno discrimi-

*Psalm.*  
*50. v. 3.*

discrimine. In die iudicii omnibus hominibus singulorum peccata patebunt: verum talem cuique ista peccatorum suorum manifestatio, in immenso isto theatro, ubi totus mundus erit collectus horrorem incutiet, ut potius prælecturi sint infernum, quam publicam istam sustinere confusionem, quod ita declaravit Job dicens: *Quis mihi hoc tribuat, ut in inferno protegas me, & abscondas me, donec transcat furor tuus?* rationem mox subiungens: *Tu quidem gressus meos dinumerasti: signasti quasi in sacculo delicta mea.* In præsentī quidem processus sunt signati, & peccata seu delicta obserata; tunc verò patebunt omnia. Hæc verò publica manifestatio tam erit probrosa & horroris plena, ut quilibet sibi potius petiturus sit abscondi, & ab ea protegi in inferno: *Ut in inferno protegas me, & abscondas me.* Notate bene hoc verbum *Protegas*, quod defensionem, præsidium, refugiumque significat: tam quippe confusione & pudore plena erit ista ignominia, tamque vivax illius apprehensio, & vera cognitio; ut cum ipso inferno collata, ignominia futura sit rigor & sævitia, infernus verò refugium: ignominia tormentum, & infernus præsidium: ignominia pœna, & infernus protectio: *Ut in inferno pro-*

*Pars III.*

*tegas me.* Cujus rei si rationem à me petieritis, quod magis exaggeratio videatur quam veritas; hanc esse dico, quia in inferno quilibet suas sustinet pœnas, & in iudicio, omnes suas conspicient culpas. Tantum malum culpæ, quod hodie non agnoscimus, totum excidit malum pœnæ, quamvis sit æterna. Enim verò, casu quo responsio hæc nimiam adhuc exaggerationem vobis redolere nec adæquata videtur: ipsum interrogate infernum, quot ibidem animæ ardeant, eâ solum causâ, quod peccata sua Confessario detegere & confiteri erubuerint. Cum ergò dentur homines præelicientes infernum, quam vel uni homini sua revelare peccata; quid magnum, quòd tales malint suas pœnas sustinere in inferno, quam in die iudicii, peccata sua omnia toti protinus mundo manifestari?

Ah Augustine tuorum tantummodò lux peccatorum, te illa in publicum producente, hanc invincibiliter cœcitatem illuminavit: tuarumque liber Confessionum illam magis confutavit, convicit, & insuper ad nihilum redegit, quam quicquid hucusque dictum fuit, aut dici, & sub imaginationem cadere potest. Validissimo hoc argumento, horror & repugnantia hominis peccata

M

sua

sua uni homini confiteri erubescens, dilipatur; quod eadem ipsa peccata, quæ modò uni homini confiteri verecundatur, in die iudicii omnibus omninò hominibus patebunt. Verùm quia iudicii dies procul abest, confessio verò prope est, plus in nobis valet præsens, quàm ista veritas. Prodeat igitur Augustinus adhuc vivens, cum suarum Confessionum libro, anticipando sibi soli iudicii diem: non tantùm præsens fecit iudicium universale futurum; sed cùm illud propter publicam peccatorum manifestationem, horrore & rigore ipsum superet infernum, ipse rigidius adhuc illo, in semetipso iudicium exercuit. Attendite parallelum, visuri, quo pacto iudicium, quod in libro Confessionum suarum Augustinus de peccatis suis instituit, rigore suo ipsum universale Dei iudicium excedat: nec propter unam, sed omninò septem circumstantias. Si habet, eas enumerate.

Judicium universale erit tantùm unum; & Augustinus duo sibi universalia iudicia fecit: unum nunc inter vivos, & alterum inter resuscitados. Iudicium universale erit in fine mundi, quando finiuntur omnia: & Augustinus suum fecit iudicium durante adhuc mundo,

tot sæculis ante, quot jam duravit hucusque, & durabit in posterum. Iudicium universale uno tantùm durabit die, quo culpæ publicabuntur: & Augustinus fecit Iudicium suarum omnibus continuare diebus: siquidem culpæ Augustini quotidie leguntur & legentur. In iudicio universali, cujuslibet personæ opera mala patefient, sed pariter etiam opera bona: ut virtutes & peccata a trinsicus ponderentur: & Augustinus tali methodo, in suo iudicio sua patefecit peccata, ut virtutes suas sepelierit silentio. In iudicio universali, peccata publicabuntur aliquorum, similiter autem & aliorum: & quia quilibet satis habet, quod admiretur in se, excessibus alienis, proprii magis excusabuntur excessus: verùm Augustini peccata, in suo iudicio injuriam patiuntur manifestationis, sine levamine societatis; illo etenim tempore patent, quo aliorum latent. In iudicio universali peccata judicabuntur per Deum: sed Augustinus, suo in iudicio, peccata sua iudiciis subiecit & exposuit hominum, quorum iudicia velut adeò temeraria, longè amplius veniunt timenda. Denique in iudicio universali culpæ patebunt fidelissimè conscriptæ, ut non imputeretur ad peccatum, quod non fuit peccatum; neque pro gravi, quod

quod fuit leve: in iudicio verò Augustini doloris ipsius intentioni culpæ apparent commensurate, & quandoq; fœdæ magis & graviores, quàm reipsâ fuere: Deus enim in suis libris peccata conscribit velut iustus; Augustinus suis libris sua conscripsit velut scrupulosus. Tam rigidum sibi Augustinus iudicium, peccata sua propalando instituit, tamq; notabilibus circumstantiis, iudicii Dei, quo universum iudicaturus est mundum, rigores excessit: ut naturalis in detegendis peccatis suis repugnantia, tanto proposito sibi exemplo verecundetur magis ea regere quàm confiteri; magisq; eadem excusare, & extenuare, quàm integrè se de illis accusare erubescat. Et hic modus sublimissimus, solo suo auctore & inventore dignus, quo Augustinus de ipsis suis tenebris, prout dixi, lucem; & de ipsis suis peccatis adornavit exemplum.

## §. VI.

**V**ERUM ENIM VERÒ, nemo mihi dixerit, peccata in exemplum transire non posse, argumentando, quod quocunq; modo considerata, semper sint peccata: eadem quippe peccata retentâ substantiâ, mutare possunt accidentia, & sub illis, per modum Sacramenti, contrarios operari effectus. *Si fuerint*

Hæc.

9. 12.

*peccata vestra ut coccinum, quasi*

*nix dealbabitur*: inquit Deus ore Isaïæ. q. d. quod si fuerint peccata vestra instar coccini rubra; facite quod vobis præcipio, & instar nivis albescent. Textus iste multum fatigavit Expositores, omnesque concorditer sentiunt, Prophetam hic, per figuram, quam Rethores metonymiam vocant, fuisse locutum, accipiendo qualratem pro persona, & peccatum pro peccatore; Peccator enim desinere potest esse peccator, & fieri iustus: peccatum verò nunquam desinere potest esse peccatum. Ast animadvertendum erat, Prophetam non loqui de substantia peccati: sed de accidentibus, qualia sunt colores. Non dicit, quod peccata esse desinent peccata, sed quod colorem mutabunt; ut cum sint, vel fuerint instar coccini rubra, nivis ad instar sint dealbanda? *Si fuerint peccata vestra ut coccinum, quasi nix dealbabitur*. Eademque peccata colore mutato, aliisque accidentibus vestita, sub ipsis contrarios possunt habere effectus, quos necessario producent, ubi fuerint visa. Huiuscemodi fuere peccata Augustini. In quantum perpetrata, alium, & in quantum confessa, alium referebant colorem: proinde quâ perpetrata, prout ipse dicit, præbebant scandalum: quæ confessa, exhibebant exemplum

plum. Augustinus peccata sua publicando, ex illis fecit exemplum; quanquam naturalis peccatorum publicorum effectus est, producere scandalum: verum quemadmodum hypocrita scandalizat mundum ostentatione virtutum: ita Augustinus ædificavit Ecclesiam suorum publicatione peccatorum.

Pace D. Gregorij, eadem & majore ratione dicam de Augustino, quod ipse de Jobo asseruit: *Videatur vir iste cuilibet magnus in virtutibus suis; mihi certè sublimis apparet in peccatis suis.* Videatur itaque Augustinus aliis magnus in virtutibus suis; quoad me, mihi major videtur in peccatis suis. In virtutibus suis quas exercuit, aliisquæ suis libris depinxit, magnus fuit Augustinus: verum in suarum libro Confessionum, quo omnia sua peccata toti manifestavit mundo, omni procul dubio, multo major exiit. Proinde liber iste cõllatus cæteris, corona fuit omnium. Ipse Job, S. Gregorius in comio laudatus, eò quòd peccata sua non texerit, prolixam virtutum suarum narrationem confidenter his verbis conclusit: *Librum scribat, ipse qui indicat, ut in humero meo portem illum, quasi coronam mihi.* Per singulos gradus meos pronuntiabo illum, & quasi Principi offeram eum. quod dicitur.

Ipse iudex justus omnes actiones meas, in libro uno describat, quem ego in humeris meis portabo, nec non capiti, quasi coronam imponam, singulaque ipsius contenta perlegens, illum Deo tanquam Principi præsentabo, ut me juxta illum expediat. Multum dicis, S. Job, & valde confidenter loqueris, quia vis, ut Deus, tanquam Iudex, & non tu, virtutum tuarum librum conscribat, quem tantum evasurum puras, ut non manibus, sed humeris tantum eum portare possis, quem oblaturus sis, ut ex eo expediaris, & necdum expedietis tibi coronam promittis. Verum, omne illud, quod tu de virtutum tuarum libro dicis, quis non justiore ratione, de libro peccatorum Augustini asserat? ipse librum illum, & sua in eo peccata conscripsit, quando jam Deus ea in libris suis deleverat: ipse illum confecit, tantòque ponderosiore ex materia, quantum inter peccata, quæ ignominiam afficiunt, humiliant & deprimunt, & inter virtutes, quæ honorem, gloriam & exaltationem conciliant, intercedit: quem Deo, totique obtulit mundo, non pro expeditione, sed pro pœna; & velut infernum meritis, & non coronam: & ex hisce omnibus coronam dignissimus. Multis coronis Augustinus redimitur in cœlis, sed hæc præfulget cæteris.

Greg.  
ibid.

Job. 37.  
v. 35. 36.  
37.

quasi diceret:

ceteris. Job virtutibus suis admirabilis fuit; in illis enim observavit Evangelium, quod nondum erat: sed Augustinus suis peccatis fuit admirabilior; illis enim, cum jam esset Evangelium, ad perfectius & plenius illud observandum, ipsum amplificavit. Evangelium tantum constringebat lucere operibus bonis; & ille splenduit, illuminavitque mundum etiam peccatis: quod nec iussit, neque dixit Evangelium: *Sic luceat lux vestra coram hominibus, ut videant opera vestra bona.*

## S. VII.

**A** Libro Confessionum Augustini, ad ejusdem Retractationum librum, non minus, immò magis admirabilem, tantòque nobiliorem, quantò intellectus voluntate nobilitate transcendit, transcamus. Quemadmodum naturale est omni homini, suum abscondere peccatum; ita naturale est omni sapienti, suum sustinere, nullatenusque retractare errorem: tantòque magis, quantò majore fuerit sapientià præditus. Creatorum à Deo spirituum sapientissimus fuit Lucifer: porrò casus est verè stupendus, creaturam càm intellectus perspicacitate dotatam, adeoque sublimi sapientià illuminatam, in tam grossum, tam manifestum, & fatuum labi errorem, ut cogitatione affectet

assimilari Deo, illudque sibi persuadeat futurum dicens: *similis ero Altissimo*. Enimverò, non hic fuit stupor: verum hunc auget, quod nec in cælo, ubi erravit, a cogitatu tam erroneo desistere; neque in inferno, ubi cum luit, retractare, aut de eo pœnitere voluerit. In cælo, inter lapsum condemnationemque Luciferi, sententia divinæ clementiæ respondit. Deus enim illi sufficiens ad resipiscendum tempus indulgit; & in inferno, juxta Theologiam certam, libertati arbitrii ipsius subest, illud facere. Quomodo ergo possibile est capui, intellectum tam sapientem eligere & resolvere, corrumpere potius velle è cælo, & ardere in inferno, quàm semel dictum retractare, eodemque in errore in omnem æternitatem persistere malle? si minoris scientiæ Lucifer esset, errorem suum agnosceret; at magna scientia, quæ inflavit ad errandum, eadem obstinatum illum fecit, ad non retractandum. Non inferior, quàm Propheta Ezechiel, casum hunc cum stupore considerat. Propheta de hoc Luciferi casu loquens, illum ante lapsum in cælo, post lapsum inferno considerans, in utroque loco Cherubim illum vocat: *Et tu Cherub, posui te in monte sancto Dei: perdidisti te, o Cherub, projecisti te in terram.* Cer-

Isa. 14.  
v. 14.

Ezech.  
28. v.  
14. 16.  
17.

tum est Luciferum non Cherubim, sed Seraphim fuisse; nam inter Angelos primæ Hierarchiæ & primi supremiq; chori primus & maximus erat. Si igitur fuit Seraphim, quare Propheta illum tam in cælo, quam in inferno, non Seraphim, sed Cherubim vocat? quia Cherubim idem significat, quod sapiens, & inter spiritus Angelicos, Cherubim sapientiâ præminent. porro quia sapientia Luciferum inflavit ut creparet, & in tam stolidum errorem incideret, eademque sapientia illum excæcando obstinatum reddidit, ut non retractaret: hinc illum Cherubim & sapientem, & non Seraphim compellat. In cælo Cherubim, quia cum tantâ emineret sapientiâ, in cælo erravit; in inferno Cherubim; quia cum tantâ sapientiâ tumeret, errorem suum, ne in inferno quidem, voluit retractare.

*Isai. 14.* Lucifer dicens: *similis ero altissimo*, id est; Deo similis ero: similiter dixit: *in calum conscendam*. Ex quo egregiè arguit S. Hieronymus: *vel antequam de cælo corrueret, ista dicebat, vel postquam corruit: si istud Lucifer dixit in cælo, quomodo dicit, in calum conscendam? & si dixit, in cælum conscendam; argumento est, quod jam lapsus, è cælo deciderat. Totum fuit, & ita se habet. In cælo dixit: similis ero altissimo: & ideò cecidit: jam lap-*

sus similiter dixit: *similis ero altissimo*. Id ipsum dicit, & in omnem æternitatem dicet: ista enim est scientiæ ejus pertinacia & superbia, ut dicat in cælo, dicat extra cælum; dicat in cælo, & in inferno; idem, quod dixit semel, ipsumque retractet nunquam. Ita ut illa scientiæ magnæ sit contumacia, quando quis semel eâ fuit abusus, ut malit præsumptuosus sapiens cadere è cælo, quam ab opinione sua recedere: & potius in inferno ardere, quam, quod dixit, retractare. Quod si veritati consonaret illa Origenis imaginatio sustinentis, animas nostras esse Angelos, qui nostris in corporibus, pro commissis quibusdam culpis, pœnas luerent, de multis sapientibus hominibus, qui errârunt retractare nolentes, affirmarem, ipsos esse Angelos Luciferi sequaces.

Hujusmodi idem fuit Origenes; hujusmodi Tertullianus & Apollinaris, nec non alij famosissimi in omni divini humanæq; eruditionis genere Doctores, qui cum insignes fuissent Ecclesiæ Magistri, & hodie dum adhuc in ea allegentur, eò quòd errores quosdam, in quos humanitus erant lapsi, noluerint retractare, cum perpetuo ipsiusmet Ecclesiæ gemitu, fuerunt anathematizati ab eâque segregati, de quorum unoquoq; veraciter præ-



nunciari posset, quod Felix de S.  
*Ab. 26.* Paulo dixit: *multa te littera ad in-*  
*9.24.* *saniam convertunt.* Origenes tanto  
 Religionis doctrinæq; Christianæ  
 propagandæ zelo æstuavit, ut quò  
 tutius liberiusque sexum utrumq;  
 eâ imbuere posset, literaliter il-  
 lam Christi interpretando senten-  
*Matth.* tiam: *sunt Eunuchi, qui se ipsos ca-*  
*19.9.12* *straverunt propter Regnum Dei,* se-  
 ipsum eviravit. Tertullianus in  
 vita & conversatione adeò fuit ri-  
 gidus & austerus, tantusque vir-  
 tutum heroicarum propugnator,  
 veluti ipsimet ejus errores testan-  
 tur; negavit enim Christianis se-  
 cundas nuptias esse licitas; neque  
 licitam persecutionis tempore  
 fugam: sed animo constanti mar-  
 tyrio occurrendum: neque pec-  
 catores publicos, quamvis poeni-  
 tentes, in Ecclesiam recipiendos.  
 Apollinaris non solum adeò sapi-  
 entiâ & scientiâ emituit, ut cele-  
 berrimus in scripturis sacris ipse-  
 met Doctor, maximique in in-  
 terpretandis & exponendis sacris  
 scripturis Doctoris Hieronymi fu-  
 erit Magister, verum etiam tam  
 præclaræ indolis & conditionis in  
 multis, ut venerari, amari, defen-  
 diq; meruerit à duobus præcipuis  
 Ecclesiæ luminibus Nazianzeno &  
 Basilio, quousq; errores ipsius pu-  
 blici & manifesti non erant. Sed hi  
 aliiq; illustres viri, tam fortes &

imperterriti aliàs humanarum do-  
 mitores passionum, ubi ad pun-  
 ctum retractandi quod docuerant,  
 perventum est, hic omnis eorum  
 vigor & animus infirmatus succu-  
 buit; hic omnis eorum sapientia  
 & scientia substitit; & hic magna  
 illa obtenebrata & excæcata sunt  
 ingenia: ut maluerint unionem di-  
 mittere Ecclesiæ, simulque salutis  
 suæ fundamentum perdere, quàm  
 quod dixerant, retractare.

Verum, quemadmodum homini-  
 bus doctis & sapientibus adeò in-  
 situm est à natura, pertinaciter suis  
 erroribus inhærere, superbèque  
 eos sustinere & propugnare cum  
 salutis discrimine; ad hanc illumi-  
 nandam excitatem secundam &  
 maximam, quæ non suos solum  
 authores, sed multos alios cum  
 eis perdit: cum suo Retractatio-  
 num libro Augustinus in publicum  
 prodit, in quo errores suos con-  
 fessus, ignorantias correxit, do-  
 ctos omnes & sapientes suo ani-  
 mans exemplo (velut sapientior &  
 doctior omnibus) ne quem errasse,  
 aut errorem confiteri puderet,  
 cum Augustinus adeò luculenter  
 id præstiterit. Vel suis in sermo-  
 nibus continuis, vel variis dispu-  
 tationibus publicis (quarum ali-  
 cui Carthagine ducentioctoginta  
 sex interfuerunt Episcopi hære-  
 tici) argumentorum suorum vi &  
 eviden-

evidentiâ, Augustinus innumeros Donatistas, Pelagianos, Manichæosque confutavit atque convicit, qui suos agnoscen-tes errores publicè eosdem abjurârunt; validissimum tamen argumentum sine responsione, quod præsumptionem pertinaciamque confudit omnium, ipsorumque non retractare contententium, fuit scriptus & evulgatus Retractationum ipsius liber. Potuisset Augustinus, ex ipsa, in qua docebat & prædicabat cathedra sese depingere verbis, nec sine magna Doctorum Magistrorumque ædificatione: sed maluit illud publicis facere scriptis, quia scriptorum & publicorum retractatio in hominibus obstinatorum majoris est moliminis.

Christo sibi præsentato Pilatus excepit accusationes, examinavit testes, cognitisque odio & invidiâ inimicorum, Christum innocentem pronunciavit. Porro instantibus accusatoribus, obtinendo: *si hunc dimittis, non es amicus Cæsaris; omnis enim qui se Regem facit, contradicit Cæsari*: id est. Absolvendo istum accusatum, crimen læsæ Majestatis contra Cæsarem committeret, quod supremæ imperij majestati præjudicaret, dissimulando consentire, ut quis in imperio Regis sibi nomen usurparet: cujus instantiæ metus,

nec non respectus, nomenque amicitiae Cæsaris tantum in Pilato prævaluit, ut retractatâ, quam pronunciaverat, sententiâ ut in Christo condemnando innocentiam, cum Christo in crucem egerit justitiam. Christo demùm crucifixo, causam supplicij conscriptam, pro more, in cruce jussit præfigi, his verbis: *Iesus Nazarenus Rex Iudeorum*: quibus accusatores denuò offensi, replicârunt, ut corrigi, & loco, *Rex Iudeorum*, quod se regem Judæorum dixisset, scribi mandaret: Pilatus verò respondit, *quod scripsi, scripsi*: & ad scriptum mutandum frustra inducere attentârunt. Responsum istud quantâ sit consideratione dignum, omnibus liquidò patet. Pilatus regis titulum Christo tribuendo, multo gravius peccabat in Cæsarem, quàm eum condemnando ad mortem; majoremque incurrit reatum, illum adjudicando morti, quàm ab illâ liberando. Porro si Pilatus non attendit, quod propter Cæsaris respectum & se & Christum morti adjudicet, quare propter ejusdem Cæsaris respectum Regis titulum Christo non adimit? quia eâ jam formâ scriptum publicaverat: *quod scripsi, scripsi*. Quod quis eruditus & tumidus semel scripsit, pro nullius respectu revocat & retractat. Ipsam

*ibid. v.  
22.*

*Joan. 19  
v. 12.*

fam innocentiam hoc faciet, condemnari propter humanum respectum; delere verò, quod quis semel scripsit suo nomine publicatum, eruditus quis & inflatus ob nullius, neque præsens, neque futuri sæculi respectum vult. Illa intolerabilis est intellectus cæcitas, intolerabilis rationis abusus, iustitiæque intolerabilis injuria simul & veritatis, ut, quod scribendum non erat, iustinendum sit solum quia scriptum est; & quia semel scriptum est, necessariâ consequentiâ, semper scriptum sit relinquendum: *Quod scripsi, scripsi.* Verum ista sententia, quasi Authoris optimi, communiter est omnium scribentium, suæque scripta publicantium. Libros suos, illi Prædestinationis Libro æquari volunt, in quo quicquid scriptum, deleri nequit; characteres suos illis Sacramentorum æquiparari volunt, qui semel impressi indelebiles existunt. Denique scripta sua, præscripta esse volunt: *Quod scripsi, scripsi.* Centum & octodecim libros, Authore Augustino, habemus, exceptis iis, qui ad nostras non pervenerunt manus: & quando calamum ponere, temploque sapientiæ, veluti scientiarum omnium trophæum, applaudente sibi mundo, celebrioreque scriptorum omnium famâ

Pars III.

consecrare potuisset; resumit, denique pennam aptat? quem in finem? ut singulari in libro, omnes suos corrigat libros; ut revocet retractetque multa, quæ in eis dixerat & scripserat: omnibusque suo prælucendo exemplo veritatem ostenderet, quos sua sic scripta decipiunt.

### §. VIII

**D**Eceptionis hujus rationem eleganter dedit S. Ambrosius cui plus præ cæteris Doctoribus ex hoc debet Ecclesia, quia eidem S. debet Augustinum: *Vnumquemque fallunt sua scripta, & Authorem prætereunt; atque ut filij, etiam deformes delectant parentes, sic etiam indecores quoque sermones palpant.* Omnes Authores, inquit Ambrosius, decipiunt sua scripta, & licet errores contineant, soli illi eos non vident. Cujus cæcitatis ratio est, quod sui sint foetus intellectus: & quemadmodum filij licet sint deformes, parentibus suis placent formosique videntur; sic cuiusque scripta, quamvis nævis erroribusque aspersa, & incondita, authoribus suis naturaliter arrident bonæque videntur, quia ipsis sunt similia. Hoc dixit, docuitque Sanctus Ambrosius Magister Augustini dignissimus; & cum tam vera

N hzc

hæc sit doctrina, tamque universalis ejusdem ratio, seu iniquitas, in omnibus hominibus, excepto solo Augustino, fuit verificata. Trium Job amicorum sapientissimus Eliphaz, justitiam Dei, oculorumque ejus perspicacitatem tam esse puram asseruit, ut etiam in Angelis suis imperfectionemprehenderit: *in Angelis suis reperit pravitatem*. Porro exaggeratio non consistit in eo, quod Deus in Angelis imperfectionem invenit, eò quòd essent Angeli; sed quod in Angelis, qui essent, *sui*: *In Angelis suis*. Si oculi Dei fuissent velut oculi hominum, licet Angeli non fuissent, sufficiebat quod essent *sui*, ut sibi viderentur Angeli. Angelica sunt omnia Augustini opera & scripta, ejus verò oculi tantum de divina participarunt perspicacitate; ut cum essent angelica & sua, imperfectiones in eis invenerit & errores: *In Angelis suis reperit pravitatem*: non sibi blanditus sit, quod animæ suæ essent partus, suique intellectus filii, ut ab iis deciperetur.

Age, nunc propriam & fundamentalem cognoscemus rationem, quare igitur quatuor mystica animalia, visum ab Ezechiele gloriæ Dei currum trahentia, & quatuor Ecclesiæ Doctores figurativè exprimentia, Aquila Augusti-

num denotârit. Num fortassis, quia, uti illa omnibus pennatis & alatis altius volat: Augustinus sic cæteris altius volavit? Sit ita: sed aliud adhuc profundius mysterium similitudo includit. Aquila, dicente Aristotele, & vulgari notitiâ, pullos suos, quos indiscriminatim educat exploratura, utrum sint sui, sublatos de nido unguibus suspensos solis opponit radiis: quos si irretortis & irreverberatis oculis solem intueri conspexerit, tanquam genuinos suos filios agnoscit & educare pergit & defendit: sin verò oculis clausis, aut aversis intueri splendoremque totum excipere non posse notat, tanquam adulterinos præcipitat. Idem Aquila nostra, omnibus suis libris, omnibus suis resolutionibus, dictis & conceptibus fecit. Ad radios Solis veritatis ea rigidissime examinavit; quæque conformia, solida, & irretorta deprehendit, tanquam sua recognovit & approbavit: quæ verò aliquatenus infirma, distorta, difformiaque notavit, velut non sua retractavit, improbavit, & damnavit. Jam dicta ad propriam mysterii hujus secundi & maximi significationem intelligendam sufficerent. Ast ego interrogare pergo: dum aquila pullos suos examinat & probat, quinam probatiores & saniores reputantur

tantur oculi, illine matris, an pul-  
lorum aut filiorum? nullus dubitat,  
quin oculi parentis: oculi quippe  
pullorum non cœcutierunt ad to-  
lem, oculi parentis non cœcutie-  
runt in filiis: quod pulli non cœ-  
cutiant ad radios solis, istud est esse  
aquilas: quod verò aquila non cœ-  
cutiat in filiis, istud est esse paren-  
tem sine amore parentis. Talis  
fuit Augustinus cum suis libris.  
Erant iudicii sui partus, erant in-  
genii sui fœtus, sed tali eos rigore  
examinavit, tali iustitiæ severitate  
eos censuravit, ac si sui non fuif-  
sent. Vel amabat eos Augustinus,  
vel non amabat: si eos non ama-  
bat, cum sui essent fœtus; qualis  
excellencia: si verò amabat, &  
nihilominus sic tractavit & retra-  
ctavit, quantâ hoc admiratione  
dignum!

Non est amor ad ignoscendum,  
benignorem in partem interpre-  
tandum, dissimulandumque defe-  
ctus propensior amore paterno. E-  
normes erant filij istius prodigi ex-  
cessus & adeò quidem enormes, ut  
& ipse hoc agnoscens, talis patris  
filij nomine se judicaverit indignū:  
*Pater, non sum dignus vocari Filius*  
*tuus*; nec tamen propterea Pater  
eum pro filio habere cessavit, aut  
à se repulit; quin potius tenerri-  
mi amoris amplexibus illum exci-  
piens, omni sollicitudine & curâ

optimis eum vestibus indui exor-  
narique mandârit: *Cito proferre*  
*stolam primam.* Illud passim om-  
nes æmulantur & imitantur Scri-  
ptores, rigidissimi defectuum  
alienorum censores, benignissi-  
miq; propriorum palpatores in-  
star parentum. Ast non ita Au-  
gustinus, quamvis iustius omni-  
bus hoc facere potuisset. Licet  
enim quædam dicta ipsius, vel  
scripta talibus essent nævis asper-  
sa, ut Authore Augustino viderentur indigna, talisve Patris  
fœtus vocari non mererentur,  
nihilominus in amplexus admit-  
tere, à se non repellere, tali-  
bus interpretationibus velare,  
talibus vestire, coloribus, divi-  
næque suæ Rethorice figuris &  
verborum phaleris exornare po-  
tuisset, ut non solum videren-  
tur sua, verum etiam aliorum  
sibi invidiam conciliarent, quod  
mox Filius in se fuit expertus.  
Tantum verò abfuit, ut ea ve-  
laret, ut potius publicârit; tam  
longè abfuit ut ea fucaret colo-  
ribus, ut potius fœdârit; tam  
longè denique abfuit, ut ea vesti-  
ret, dissimularer, vel quomo-  
cunque larvam ipsis super indu-  
ceret, ab omni parentis affectu  
exutus & amore, severissimi instar  
Judicis, aut insensissimi instar ho-  
stis ea tractârit & condemnârit.

*Ibidem*  
v. 22.

2. Reg.  
18. v. 5.

David, tam enormibus filii sui Absolonis delictis, cum ipse veniam excusationeque esset indignus, ex ætate colorem excusationemque quaesivit & invenit, ut salvaret: *Servate mihi puerum Absolon.* Si Joab totumque regnum tunc veniam indignum judicavit, & totus hodie mundus condemnat; quo pacto David illi condonat, ut salvet? Quia erat pater, inquit S. Ambrosius. Et hæc unica & vera est ratio. Non est opinio tam erronea; non est propositio tam temeraria & impia, sicut illa Absolonis fuit actio, quam authores, velut Patres, salvare, excusare & defendere non satagant; quia licet fortis sint tam monstruosi, sunt nihilominus sui partus ingenii. Hujus non erant generis errores Augustini, sed tam sanæ interpretationis, excusationisque capaces, ut multi jam reprobati, pro naturali sua elegantia, instar illius Absolonis, cum admiratione sint visi, & cum applausu recepti. Nihilofecius, tantus ipsi inerat veritatis amor, tanta judicio Augustini erat integritas, ut cum veniam digni viderentur, ipse, quamvis foret Pater, nullatenus ipsis pepercerit.

Maximum opus, quod quis hominum Deo præstitit, fuit Abrahamæ sacrificium: maximumque quod Deus hominibus exhibuit, fuit In-

carnatio morsque Christi, in qua similiter ipsum sacrificavit. Ad utrumque hoc exaggerandum, his scriptura utitur terminis, quod videlicet, nec Abraham, nec Deus, proprio suo filio pepercerit: *Quia fecisti rem hanc, & non pepercisti unigenito filio tuo, propter me*, inquit Deus Abrahamo loquens. Et S. Paulus de Deo loquens: *proprio filio suo non pepercit, sed pro nobis tradidit illum.* Tam arduus & heroicus est actus, quod pater eoque progrediatur, ut proprio suo filio non parcat; sicut Augustinus iis, quorum Pater erat, non pepercit. Utrinam verò sacrificiorum horum duorum, similis fuisse videtur illud Augustini, num illi patris Abrahami, an illi Patris æterni filio suo non parcentis sacrificio? Sacrificium Abrahami illud æterni Patris præfiguravit. Porro collatione inter utrumque facta, non inter Deum & hominem (hæc enim impossibilis est) sed præcisè inter patrem & patrem: nulli dubium relinquitur, quin etiam sic æterni Patris sacrificium, illud Abrahami exceßerit; filius enim, cui non pepercit Abraham, erat suæ carnis; & filius, cui non pepercit Pater æternus, erat filius sui intellectus, tantoque excellentior est actus, filios sacrificare sui intellectus, quanto intervallo spiritus & caro

Gen. 22  
v. 16.

Rom. 8  
v. 32.

caro, animaque & corpus distant. Sacrificium igitur Augustini similis fuit illi æterni Patris, nobilitateque illud Abrahami præcessit: filii enim, quibus Augustinus non pepercit, erant foetus suæ animæ, & intellectus sui partus. Filius Dei conceptus & genitus est per intellectum, & hinc Verbum Patris appellatus: & istud est nomen, & generatio filiorum, quibus Augustinus non pepercit.

## §. IX.

**L**ibrum Retractationum Augustini evolvendo, comperiemus errores & ignorantias (ut Augustinus vocat) quasdam ab aliis jam deprehensas & censuratas, plurimas verò ab ipsomet propalatas, & castigatas. In utrisnam verò ingenium ipsius & iudicium magis videatur obstupescendum, an in non defendendo primas, an in conando eruere & detegere secundas, dubitare me fateor. Enim verò, res erat notatu, admirationeque digna, evulgatis jam Augustini libris, totum videre mundum evolvendis scrutandisque Augustini, immò hunc ipsum, propriis suis libris perlegendis similiter intentum; finis verò & intentio utriusque studii valde discrepabant: alii quippe legendo libros Augustini sapientiæ ipsius thesauros sibi comparare satagebant: ipse verò

Augustinus ex eis errores suos, ad condemnandum investigabat. In Ecclesiaste cap. 1. Salomon se omnes antecessores suos sapientiâ præcelluisse protestatur: *præcessi omnes sapientiâ, qui fuerunt ante me in Ierusalem*: valde modeste locutus est; siquidem ex tertio Regum libro constat, non solum ipsum sapientiorem fuisse omnibus antecessoribus, verum etiam subsequituris: *Dedit tibi cor sapiens, ut nullus ante te similis tui fuerit, nec post te surrecturus sit*. Quibus dictis Salomon subjunxit, quod non solum addiscendæ scientiæ, verum etiam cognoscendis erroribus & ignorantis operam dederit: *deditque cor meum, ut scirem prudentiam atque doctrinam, erroresque atque stultitiam*. Non considero, cum Salomon sapientiam scientiasque habuerit infusas à Deo, illis adhuc addiscendis & sciendis se applicaverit, hoc etenim de ordine ad praxin & exercitium venit intelligendum. Quod ego considero, laborque videtur inutilis & superfluous, est, quod tantâ sapientiâ præditus, omne suum studium, ad errores stultitiamque cognoscenda conferrat, *erroresque & stultitiam*. Certum est multò plures esse errores & ignorantias, quàm scientias; ad sciendum quippe & attingendum, unica suppetit via, ad errandum

Ecclef. 1. v. 16.

3. Reg. 3. v. 12.

Ecclef. 1. v. 17.

verò infinitar. Quare verò has ipsas erraticas & erroneas vias, illos ipsos errores & ignorantias Salomon scire & penetrare satagit? nunquid illi scientiæ, adeoque numeris omnibus absolutæ scientiæ sufficiebant? nullâ ratione. Salomonem enim fecit Deus Ecclesiæ veteris Doctorem: nec solas novissæ sufficiebat scientias, verum & errores insuper & ignorantias ipsum scire oportebat: scientias, ut doceret scire; errores, ut doceret non errare: scientias, ad eas comprobandas, & confirmandas; errores, ad eos confutandos & confundendos. Ethoc Salomon toto isto libro admirabili, qui Ecclesiastes, id est, Doctor ab ipso met inscribitur, egregiè præstat.

Verum enim verò, quemadmodum Deus Ecclesiæ veteri in Salomone unum contulit Augustinum; sic Ecclesiæ novæ in Augustino alium contulit Salomonem; & de corde, quod manibus præfert Augustinus, sine exaggeratione dici potest post Apostolos; *dedit tibi cor sapiens, ut nullus ante te similis tui fuerit, nec post te surrecturus sit*. Uterq; iste Salomon tam profundæ scientiæ thesauris jam dotatus; investigandis erroribus & ignorantibus dedit operam, utendo scientiâ ad docendam sapientiam; & erroribus ac ignorantibus, ad non errandum. Salomon erroribus & ignorantibus, in libris stude-

bat alienis, ut errores & ignorantias confutaret & corrigeret in aliis: at Augustinus in libris propriis, ut ignorantias has & errores in propria persona sua confunderet & emendaret. Alienorum scientiarum errorum, sequestrato odio, proprioq; commodo, examinata, expedita & facilis est: propriorum verò errorum, non ita: siquidem eos proprio semper amore subornatos judicamus. Alienos errores judicio cognoscimus libero; proprios intellectu captivo: alienos videmus tanquam judices, proprios verò tanquam amantes. Magis igitur admiranda fuit scientia in Augustino, quàm in Salomone; uterque enim errores habuit & ignorantias: admirabiliorque idem fuit Augustinus lumine & cognitione, quàm errores & ignorantias retractavit suas, quàm argumentis invincibilibus, quibus confutavit alienas. Enim verò, quænam ignorantia, qui errores, quæ hæreses non solum ante, seu tempore Augustini, sed etiam tempore subsequuto, & nostro præsentis unquam exstiterè, quæ libris doctrinæque Augustini non confutentur & vincantur? liber verò Retractionum ipsius vincit omnes, triumphumque agit de omnibus etiam victoribus. In libris aliis, pro fide & veritate, decertantem in acie videmus Augustinum contra

For-



Fortunatum; Augustinum contra Faustum, Augustinum contra Arrium, Augustinum contra Donatum, Augustinum contra Pelagium, Augustinum contra Julianum; sed in libro Retractationum, Augustinum contra Augustinum. Hoc acerrimum fuit duellum; hæc insignissima victoria Augustini; victor enim & vincens omnes, neque quem vinceret habens, vicit seipsum. De quatuor animalibus currus ab Ezechiele visi, inquit sacer textus quod omnibus quatuor alatis, aquila volarit super omnia quatuor, *de super ipsorum quatuor.* Age, si aquila quatuor animalium fuit unum, quomodo super omnia quatuor volavit? si dixisset, super alia tria, obscuritate careret; sed super omnia quatuor, cum esset unum ex eis? ita fuit; nam aquila (uti jam diximus) Augustinum denotabat, & Augustinus in aliis suis libris super alios volavit Ecclesiæ Doctores: in libro autem retractationum suarum, super omnes quatuor volavit; quia volavit super se ipsum.

Porro si quis me interrogaverit, quomodo Augustinus erroribus istis & ignorantibus, ut ille vocat, scribendo sit deceptus, & quomodo postmodum cognoscendo retractarit? respondeo, deceptum eum fuisse antea, quia ignorantia erant tales, ut scientia viderentur; & errores tales, ut viderentur esse veri-

tas: veritatem postea agnovit, maiore enim & clariore luce eos revidebat, quam eos scripserat. Unicus tantum scripturæ locus utrumque nobis ad oculum demonstrabit. Notabilis sanè, omniq; admiratione dignus fuit casus, quod nocte nuptiarum, Labano introducente, loco Rachelis, Liam, Jacob ita deciperetur, ut omnino illam Rachelem esse sibi persuadens, non nisi illucescente die, dolum, & Liam esse cognoverit. Nunquid Jacob vidit Liam illam accipiens? immò verò. Quomodo igitur tunc non esse Rachelem, non cognovit, sicut postea illucescente die cognovit? quia de nocte videbat eam ad lucem candele; de die eandem videbat ad splendorem solis. Lia, & Rachel, veluti sorores, sibi perquam similes erant, oculis tantum, ut notat scriptura, differentia aliqua inerat: ad discernendas verò res valde similes (maximè ubi amor subintrat) nisi luce valde clarâ, facile quis decipitur. Idem Augustino usu venit. Veritas & similitudo duæ sunt sorores, instar Lia & Rachelis, sibi persimiles: hinc vero simile videtur verum, & verum, nisi vero sit simile, videtur falsum. Proinde quia ignorantia Augustini adeo erant vero similes, ut viderentur scientiæ, erroresq; adeo verosimiles, ut viderentur veritas, quid multum, quod Augustinus minore ad

Exch.  
lv. 10.

adhuc luce, in erroribus suis & ignorantiss fuerit deceptus, majorque postmodum desuper lumine accepto, errores istos & ignorantias agnoscens retrahat?

### §. X.

**D**ixi, non esse multum, nec bene dixi; quia, licet non fuerit multum, quod Augustinus recognoverit errores, quos ipse solus deprehendit & ex semetipso detexit; censuratos tamen ab aliis non defendere, sed recognoscere & retractare, excellentissimus retractationis fuit actus. In errore secreto, ubi honor non læditur, opinio propria facile veritati se submittit; in publico verò & censurato, ubi de existimationis & famæ præjudicio agitur, contra ipsammet veritatem, vel honor errorem, vel error propugnat honorem. Quod idem Augustinus intelligens, in casu asseruit alieno. In casu correptionis fraternæ mandavit Christus, ut correptio eâ fiat cautelâ & secreto, ut inter corripientem & correptum tantum ipsa

*Matth.*  
*18. v. 15* correptio listat; *corripe eum inter te & ipsum solum.* Quare verò tam secrete, ut, nedum in publicum, sed nec ad tertium quidem transeat? respondet S. Augustinus: *corripe inter te, & ipsum solum, intendens correctioni, parcens pudori:*

*forte enim pro verecundia incipit defendere peccatum suum, & quem vis correctionem, facis peiorem,* id est, Christus sub tali secreto correptionem fieri mandavit, ut inter corripientem & correptum tantum listat, ut in correptione attendetur correctio, & in secreto, correpti consuleretur honori; honore enim profuturo, quid foret si error publicaretur? emendationis loco naturaliter sequeretur contumacia, & correptus infamatum se cernens, tantum abest, ut admitteret correptionem, ut in arenam potius descenderet ad defendendum errorem. Istud in omnibus hominibus dictat natura; & hæc maxima fuit victoria, quam ab ea velut plus quam homo reportavit Augustinus. Cernens se publice à suis censuratum, in suisque scriptis errores quospiam ab ipsis notatos, tantum absuit ut arma contra ipsos expediret, ut in omnibus, in quibus ratione ducebantur, partibus ipsorum contra seipsum accesserit; à quibus qualem sustinebat censuram, talem & ipse sibi similiter inferens retractavit. Quod si S. Augustinus acerrimè, hoc passu se defendisset, meo quidem iudicio, extraordinariæ sapientiæ, magnique ingenij specimen non edidisset. A sina Baalam læsa linguam habuit ad respondendum, ratio.

tionelque ad impugnandum convincendumque aliquem Prophetam: verum quod offensus censuratusque ab æmulis suis Augustinus, inveniat quod in ratione fundentur, parti eorum accedens, retractet quod scripserat, plusque ponderis apud ipsum habeat veritatis, quam famæ lux præjudicium; hoc fuit, *non plus ultra*, quousque sola cordis ipsius magnanimitas poterat pertingere.

S. Paulus semetipsum, omnesque viros Apostolicos exhortans, ut se gerant velut Dei Ministros, ut se gerant velut Dei Ministros, inquit: *exhibeamus nosmetipsos sicut Dei Ministros*, virtutibusque, quibus instructos esse oportet, veritatem, scientiam, scientiæq; junctâ longanimitatem annumerans, in *scientia, in longanimitate, in verbo veritatis*, addit, quomodo in pugnis se gerere debeant, his verbis: *per arma justitiæ à dextris, & à sinistris, per gloriam & ignobilitatem, per infamiam & bonam famam*. Arma justitiæ dextrorsum & sinistrorsum vibranda sunt, tantique æstimanda honor & gloria, quanti ignobilitas, tantique fama, quanti infamia. Arma à dextris & sinistris scutum & gladius sunt: scutum ad excipiendum & retorquendum tela & ictus inimici; gladius ad offendendum & feriendum. Quâ verò ratione, quodve Mysterio S.

Paulus exhortando docet, scutum in sinistra, gladium verò in dextra, esse debere arma justitiæ: *per arma justitiæ à dextris, & à sinistris*? optimè dixit Philo Hebræus, Patriarcharum actiones & facta, optima esse scripturæ commentaria. In nullo commentatorum textus istius considerationem declarationemq; ejus reperi: verum S. Augustini actum discutiendo, textus hujus considerationem & declarationem divinè in eo explicatam invenio. Gladius & scutum Augustini, purissima & validissima fuerunt arma, quorum maxima excellentia fuit, quod, semper arma fuerint justitiæ quamvis contra ipsummet usurpata. Bello impetitus ab adversariis, sic dextrè opposebat scutum, ut nullus id posset penetrare: gladio verò tam validum intorquebat ictum, ut nullus posset resistere. Inimicis occasionaliter bellum inferentibus justum, veluti in casu, de quo tractamus, ea armorum Augustini erat justitia, *per arma justitiæ*, ut ea non solum poneret veritatiq; submitteret, sed ad adversariorum transeundo partem, ea in se converteret, ipse se impugnaret, se convinceret, & retractaret. Et istud fecit in illo plusquam humano, verèque stupendo Retractationum suarum libro.

Pœnitet me jam quodammodo, quod libro Confessionum famosum illum librum Job adæquarim, quo ipse se coronare, Deoque, ut secundum eum remuneraretur, offerre & præsentare volebat; nam libro Retractationum Augustini deberi videtur, ut propter ultimam tantum hanc circumstantiam, corona sit omnium. Ratio verò & verba S. Pauli in utroque libro æqualiter verificantur. Concludamus itaque præter lauream Doctoris, duas Augustinum habuisse coronas, ambas primas: unam Doctoris confitentis per librum suarum Confessionum, in quo de peccatis suis fecit exemplum: & alteram Doctoris revocantis, per librum suarum Retractationum, in quo de suis erroribus fecit doctrinam. Ratio verbaque S. Pauli nondum ponderata, sunt illa. *Per gloriam, & ignobilitatem: per infamiam, & bonam famam.* Apostolus vult, ut Ministri Christi gloriam Domini sui procurent, sine respectu & reflexione ad propriam suam: sive hoc fiat cum honore, sive despectu, sive salvâ famâ, sive cum infamia: & si utroque fiat modo, non solum magna est differentia, verum etiam ingens perfectionis excessus. Procurare &

promovere gloriam honoremque Dei nostro honori & gloriæ conjunctum: *per gloriam, & bonam famam*: omni difficultate caret: verum procurare & promovere gloriam Dei, quando cum nostro conjungitur vilipendio & despectu, *per ignobilitatem*: procurare honorem Dei, in famæ propriæ præjudicium, *per infamiam*: hic difficultas occurrit naturæ viribus non superabilis: & hinc claritatem acceperunt prodigiosi duo Augustini actus, quibus in utroque suo libro gloriôsè Evangelium amplificavit Christi. Quod Christus mandat in Evangelio, est, ut Prælati suæ Ecclesiæ, luce illuminent suæ doctrinæ bonorumque operum præluceant exemplo: *sic luceat lux vestra coram hominibus, ut videant opera vestra bona*: & quamvis idem Dominus doceat, doctrinæ exempliq; finem non alium esse debere, quàm gloriam solius Dei: *ut glorificent patrem vestrum qui in calis est*: ambæ hæ actiones ex se ipsas gloriosæ sunt & illustres, ut pro solâ etiam gloriâ Dei exercitæ, connexam habeant semper gloriam humanam. In peccatis & erroribus contrarium accidit: peccata enim, posito quod exemplo sint publicata semper infamant: & errores, posi-

to

to quod confessione per doctrinam sint detecti semper fidem perdunt: porrò gloriam honoremque Dei, propriæ famæ dispendio, fideique propriæ jacturâ promoveri, *per ignobilitatem & infamiam*: tam ardua res est, ut solus illud Augustini intellectus adinvenierit, solumque cor Augustini illud exequendi animum habuerit.

Enimverò, si ipse non nisi duobus hisce, adeò propriæ suæ gloriæ contrariis mediis, gloriam Dei promoveri quivisset, heroica fanè fuisset excellentia: sed plus illam extollit, & adauget, quod Augustinus quâ Prælati, justissimas habens peccata sua occultandi, & quâ Doctor, errores suos dissimulandi causas; peccata sua & errores pœnosâ adeò & arduâ resolutione potius maluerit publicare, tantum ut quibuscunque modis gloriam Dei amplificaret. Generosus quidam miles nomine Achan, coram Josue convictus, quod ex manubiis Jerichuntinis, omnibus Deo consecratis, pallium coccineum, & auream regulam furtivè abscondisset, ut commissum à se grande piaculum confiteretur à Josue adhortatus, audiit *filii mi,*  
*Mse. 7 da gloriam Domino, & confitere.*  
*2. 19.* non solum illi dixit Josue ut confiteretur, sed ut daret gloriam Deo;

quia inter virtutum actus, quibus homo animi sui magnitudinem exercere & ostendere potest, ob naturalem suam difficultatem nullus tantum Deum glorificat, quantum priorum errorum & peccatorum confessio, & amplius ex hoc, si publica sit, velut ista fuit. Christus dixit Augustino: *Da gloriam Domino*; sed non illi dixit, *confitere*. Dixit illi ut daret gloriam Deo: *ut glorificent patrem vestrum, qui in cælis est*: sed non dixit, ut errores suos & peccata publicè confiteretur; sed è contrario ut publicè splenderet, & luce doctrinæ, bonorumque operum exemplo luceret: *sic luceat lux vestra coram hominibus, ut videant opera vestra bona*: Et Augustinus duplici gaudens motivo, quâ Prælati, non confitendi peccata; quâ Doctor, non confitendi errores: utraque nihilominus confiteri voluit, ut duplicem Deo gloriam daret: *Da gloriam Domino, & confitere*. Ego hoc casu Augustinum cum istis militis Josue manubiis considero, scilicet cum pallio coccineo, & regula aurea: valde bonum optimiq; coloris habebat pallium ad cooperiendâ sua peccata considerando se Prælatum: regulam quoque valde bonam ex optimo metallo ad deaurandos suos errores,

considerando se Doctorem : sed quâ Prælatus , non solum suis virtutibus, sed etiam suis peccatis, eadem confitendo voluit præbere exemplum : & quâ Doctor, non solâ suâ scientiâ , verum etiam erroribus & ignorantiiis suis eas retractando instruere voluit docere, ut omnibus modis magis magisque gloriam Dei amplificaret: *Urglorificent Patrem vestrum, qui in cælis est.*

## §. XI.

**R**esolvimus, nî fallor , implicationem Augustini cum Evangelio, idemque Evangelium magnificè per S. Augustinum tam libro suarum Confessionum, quàm suarum libro Retractorum amplificarum demonstravimus. Pro complemento materiæ restat unum combinare cum altero , ambobusque in statera positis, videre uter alteri præponderet. In ambobus se magnum ostendit Augustinus, sed in utronam majorem ? respondeo in utroque , sed diversimodè consideratus. Augustinus consideratus ut sanctus , major est in suarum libro confessionum: quia in illo sua peccata publicavit: consideratus ut homo, major est in suarum libro Retractorum; quia in illo suas ignorantias divulgavit.

David à Deo peccatorum ju-

ventutis suæ ( qualia etiam Augustini erant ) remissionem petens, orationem hac composuit formâ: *Delicta juventutis meæ, & ignorantias meas ne memineris Domine. 24. v. 7.*

Quas secundo loco ignorantias vocat, primo loco peccata vocavit: peccata verò ignorantias vocavit, quia extenuare, & ignorantiarum nomine voluit excusare; sed non ita fieri, nec ita dici debere videtur. Ignorantiæ sunt defectus intellectus; peccata defectus voluntatis: porro si defectus excusandus foret defectu alio, ille partem ignobiliorem, qualis est voluntas, & non partem nobiliorem, qualis est intellectus, magis gravaturus videretur. Hoc faciendum fuisset Davidi, si velut homo locutus fuisset, aut intellexisset: ast loquebatur, & intelligebat ut Sanctus. Sancti, utpote gravitatem malitiamque peccati penetrantes, quantoque foediores sint defectus voluntatis, quàm illi intellectus, magis dolent se malos, quàm non intelligentes: potiusque ignorantes, quàm peccatores eligunt videri. Hinc David, velut sanctus, confitendo peccata pro delictis, ignorantias allegat pro excusationibus: *Delicta juventutis meæ, & ignorantias meas.*

Differentiæ hujus ratio est; quia ignorantia scientiæ, & peccatorum virtutis

virtuti opponitur: & verè sanctus longè majoris æstimat virtutem, quàm scientiæ gloriā. Maria Magdalena Christum in domo Pharisei inquirens, in mutati jam amoris argumentum, fracto alabastro effudit unguentum, exosculatòs Christi pedes, lacrymis rigavit, capillisquè suis exterisit, Phariseus admirans quod Christus similia obsequia ab hujuscemodi admitteret muliere, ait intra se:

*Lm. 7. Hic si esset Propheta, sciret quæ, & qualis esset mulier, quæ tangit eum.*  
 Suppositis Magdalenz obsequiis, suppositâ Christi permissione, & Pharisei malitiâ, hic de virtute potius, quàm de scientia Christi dubitare potuisse videtur: quare igitur non de virtute, sed scientia dubitat? *Hic si esset Propheta, sciret.*  
 Quia pro tunc cogitationes murmuratoris suberant arbitrio murmurantis. Idemque Christus, qui obsequia admisi Magdalenz, cogitationes permisit Pharisei. Illi verò malè & temerè de sua scientia judicare, non tamen sinistrum de virtute sua conceptum formare permisit. De sapientia & scientia sua Phariseus cogitet ut lubet, ignorantiamque sibi impingat: *Si esset Propheta, sciret:* de sua verò virtute dubitare, de sua innocentia malè suspicari, & quod vel esset, vel esse posset obnoxius pecca-

to, nec ipsi, nec cuiquam alii Sanctus Sanctorum cogitare permisit. Proinde quia sanctitati proprium est, pluris facere opinionem virtutis, quàm scientiæ, potiusque contra se tolerare suspicionem ignorantiz, quàm illam peccatis multò plus Augustinus in libro suarum præstitit Confessionum, sua publicando peccata, quàm in libro Retractationum suarum, ignorantias suas confitendo.

In quantum homo, contrarium accidit. Quà homo Augustinus multò plus in confessione suarum præstitit ignorantiarum, quàm in suorum publicatione peccatorum. Peccavit homo primus divinitatem affectando: ubi singulariter considerandum est, cum tot & tanta, tamque eminentia sint attributa divina, ex omnibus, quo aggrederetur hominem, ipsum scientiæ attributum sibi in tentationis medium & instrumentum elegit: *Eritis sicut Dei scientes bonum & malum.* Scio equidem multa in Deo dari attributa, tentationi adornandæ non idonea. Deus infinita est bonitas, & nemo tentatur, ut sit bonus: Deus est æternus, & homines de nullo minùs, quàm de æternitate tractant: Deus est invisibilis, homines verò nihil aliud, quàm apparere, & videri appetunt. Nihilominus alia in Deo attri-

*Gen. 2. 5*

tributa dantur, quæ magnam gravissimæ tentationis materiam hominibus ministrare possint. Omnis homo, esse, habere, & posse desiderat. Si desiderabat esse, quare diabolus illum immensitatis magnificentiaque attributo non tentavit? si desiderabat habere, quare universali rerum omnium domino illum non tentavit? si desiderabat posse, quare eum omnipotentia objecto non tentavit? sed relictis omnibus istis attributis, sola sapientiâ, & scientiâ hominem tentet? ita planè. Quia diabolus, tanquam expertus, tentationem contra hominem, cognitioni, quam de natura habebat humana, conformiter adornavit, quoque illum magis vidit inclinatum, inde lapsurum non dubitavit. Diabolus hoc modo fuit argumentatus. Hominem, non ego, sed desiderium suum vincet: magisque naturale homini desiderium est scientia: mox ut illi scientiam promiserocaptum tenebo: & ita factum est. Verùm, certum est, hominem in statu isto infusam habuisse scientiam: si igitur tantam jam habebat scientiam, quomodo peccavit scientiâ tentatus? Quia quamvis multâ decoratus fuerit scientiâ, non tamen omni, hanc verò diabolus ipsi promisit: *Eritis sicut Dii, scientes bonum & malum*. Rerum om-

nium scientiâ pollebitis instar Dei. Et quia homo omni suâ scientiâ jam habitâ, reliqua omnia, quæ scit Deus, ignorabat, peccare maluit, quâ istorum scientiâ carere. Adam impatiens: neque contentus scire minus, elegit potius cum peccato plus, quâ sine peccato scire minus.

Jam benè probatum erat, quod de Augustino dicere volumus; sed alium adhuc, ex Testamento novo, minus clarum, nec fortassis ritè consideratum locum habemus, quo hæc veritas clariùs elucescit. Christus improbens injurias, quibus sese invicem verbotenus lacessunt, condignamque singulis, tanquam supremus legislator decernens pœnam, inquit: *Qui dixerit fratri suo, Racha, reus erit concilio: qui autem dixerit, fatue, reus erit gehenna ignis*. q. d. Qui dixerit fratri suo, *Racha*, arbitrariam subeat pœnam: qui verò dixerit, *fatue*, in fornace concremetur. Omnes norunt, *fatue*, stultum & ignorantem significare: alterum verò, *Racha*, quod est Arabicum, impium, vel magis propriè blasphemum significat. Quis igitur non judicet, vel saltem non cogitet, in hisce duobus calibus, pœnam culpæ non videri commensuram? esse fatuum & ignorantem, defectus est naturæ; esse impium & blasphemum, peccatum est gravissimū: quo igitur



tur pacto, dicens, *Racha*, id est im-  
pie, arbitrariâ castigatur poenâ; di-  
cens verò *fatue*, id est, ignorans,  
poenâ mulctatur ignis? Quia licet,  
impiû esse in Deum, majus est pec-  
catum: esse fatuum & ignorantem  
in homines, major est injuria. Porro  
injuria seu contumelia, quam ho-  
mo recipit hoc casu, mensuratur  
sensu, nullusq; est, qui non acerb-  
ius sentiat seu ferat, majoreq; se in-  
juriâ affectum putet, habitus pro  
stulto, quàm notatus pro malo.  
Proinde quia communis opinio,  
æstimatioq; hominum minus se  
lædi putat minoreq; injuriâ affici  
ex objectione peccati, quàm igno-  
rantia; S. Augustinus, quâ homo,  
multò plus fecit in Retractationum  
suarum libro, ignorantias suas con-  
fitendo, quàm confessionum sua-  
rum libro sua peccata publicando.

## §. XII.

**A**Bsolvi discursum meum; cum-  
que pro debito meum S. Au-  
gustinum (quem in specialem, an-  
te Deum, mihi Patronum assum-  
psi) laudare nequiverim, offen-  
dere saltem, ingratumque me illi  
ostendere formido, sermonē non  
aliquo doctrinæ ipsius puncto con-  
signando. Facientibus id, quod fe-  
cit ille, quâ sanctus, non erit neces-  
sarium; non facientibus illud, quod  
ipse fecit, quâ homo, omnino ne-  
cessarium erit: nec minùs utilitatis

vicinis Judicibus allaturum.

Quot dantur Judices, qui vel in  
voto, vel in sententia religioni sibi  
ducunt, retractare, inhærentesq;  
dictamini seu facto Pilati, pro lem-  
mate usurpant hæc verba, *Quod  
scripsi, scripsi*. Contingere similiter  
potest, quod quispiam non consi-  
derans, cui se poenæ addicat, non  
retractando per invidiam, quod a-  
lius melius votum dederit: vel per  
superbiam, non confitendo quod  
peccavit; non formidet Lucifero  
sociari in poena, quem imitatus fu-  
it in contumacia. Retractare, non  
est argumentum inscitia; sed scien-  
tiæ, quòd minùs doctus frequenter  
notet, quod doctior quispiam non  
advertit. Quâ, quæso, scientiæ par-  
ticulâ Jethro cum Moyse confe-  
rendus? nihiloseciùs Moyses con-  
siliu Jethro convenientius de-  
prehendens, suo mox retractato,  
alienum est amplexus. Unde de  
illo Philo Hebræus dixit, quod  
etiam in Augustinum quadrat:  
*Intractus à contentionibus veritatem philo-  
quarebat: quippe qui nihil præter Hebræ-  
cam admittebat: longè aliter, quàm  
isti, qui semel accepta qualiacunq;  
dogmata, obstinatè defendunt. Nec  
Moyses, nec Augustinus, illis erant  
similes, qui, quod semel dixerunt,  
obstinatè defendunt, eò tantum  
quod dixerint: sed quia solam ama-  
bant & indagabant veritatem,*  
ubi-

ubicunque eam invenirent, vel ex cuiuscunque ore eam haurirent, illam amplectebantur, sequebantur à contentione & controversia intacti. Nullus tam amicè fidem dictorum suorum defendit velut S. Petrus. Consuluit Chri-

*Matth.*  
*26 v. 22.*

sto, ne moreretur, cum à morte ipsius mundi salus dependeret: *Abstine te Domine, non erit tibi hoc.* Et quare? quia Christum filium Dei vivi fuerat confessus, proinde qui Christum mori videret, cogitare posset, Petrum deceptum fuisse in eo, quod dixerat. Quod sic notavit & affirmat S. Hieronymus.

*S. Hier.*  
*Ibidem*

*Petrus sic loquitur, quia non vult perire confessionem suam, quā dixerat: Tu es Christus Filius Dei vivi.* Verum idem ille homo, qui generis humani salutem non consideraverat, solum ne retractare cogeretur, quod dixerat, ecce quā promptè retractaverit postea in scientia consummatus. Gravissimā illā quæstione super ritus ceremoniales legis antiquæ, in primo Ecclesiæ concilio ventilatā & decisā visum fuit Petro, ut quantum lex nova necdum sufficienter promulgata pateretur, dissimulando tolerarentur cum Gentilibus, ne Judæis aliisq; Neo-conversis scandalum inde nasceretur. Contrarium verò efficaciter probante S. Paulo, qualiter se S. Petrus resol-

vit? non obstante, quod in Galatia aliisque Regionibus præhabitam opinionem, velut Doctor privatus, practicaverat, illam mox retractans, velut Summus Pontifex, eodem in concilio veritatem contrariam definivit. Tantum in magno illo capite vis prævalet rationis; quamvis Paulus de præsentī, & non de schola Christi in hoc mundo foret Apostolus, sicut illi, & reliqui.

Istud fecit S. Petrus descensu Spiritus Sancti in se jam illuminatus; sed jam ante excellenti quadam allegoriā, eandem suo nos docuerat exemplo docilitatem. S. Petrus cum reliquis Discipulis in mari Tyberiadis piscabatur, Domino apparente in littore: qui quamvis ab omnibus videretur, & ille cum omnibus loqueretur, à solo S. Joanne est agnitus. Quod hic accidit Christo summæ veritati, idem cuicunque accidit veritati non manifestæ. Aliqui eam vident, alij non vident; quamvis ordinariè (sicut hîc) illam citius videt, meliusque agnoscit, qui magis illam amat. Porro quid similibus casibus faciendum? idem quod S. Petrus fecit. Dixit illi S. Joannes: *Dominus est.* Quo audi, *Joan. 21 v. 7.* to, agnoscens quod bene & veraciter loqueretur, mari se mox committens natare cœpit, seque ad

ad pedes Christi prostravit. Ira facere oportet, qui veritatem quærît & indagat. Et si non ego, sed alius eam detexit, non propterea in dubium vocanda, neganda, aut impugnanda venit: sed ubicunque demum, & à quocunq; fuerit inventa, mox ad illam natandum est. Natandum esse dico, sicut fecit S. Petrus; hâc enim locutione metaphoricâ melius declaratur, quid sit mentem sententiamque alterius sequi & amplecti. Antiqui ad hunc actum (qui nonnunquam arduus est) exprimendum, hac phrasi utebantur: *In alterius sententiam pedibus ire: vel obvis ulnis eam amplecti.* Hoc fecit S. Petrus, qui pedibus manibusque natando quærivit veritatem, ubi ipse eam non viderat: sed S. Joannes junior eam ostenderat. Non est annosa adeo scientia, quam non latere possit, quod alia minoris quantumvis ætatis, & autoritatis, qualis erat illa Joannis respectu Petri, invenit. Vera scientia est, scire agnoscere veritatem, quamvis alienorum oculorum, & alieni intellectus filiam; & non excœcari proprio instar Luciferi.

O si Lucifer Angelorum, quos inferiores se reputabat, sententiæ accedens, quod dixerat retractare scivisset, quàm optimè qualificata permanisset ejus sapientia!

*Pars III.*

verum sustinere illam volendo, & plus nimio depereundo, jacturam ipsius fecit: *Perdidisti sapientiam tuam in decore tuo.* Neque exigua perseverantis in Lucifero obstinationis est probatio, quod edito jam Retractionum Augustini libro, tanto exemplo nec ad pœnitendum, nec ad retractandum fuerit motus. Hinc ego pro conclusione infero: seu pro coronide omnium jam dictorum assero, in eundem locum, quem Lucifer retractare nolendo, in cælo perdidit, S. Augustinum successisse, quia retractavit. Porro asserto meo fundamentum, ex lege seu textu, promissio illa Dei filiis Israël terram promissam jamjam ingressuris facta, ministrat: *Omnem locum, quem calcaverit vestigiū pedis vestri vobis tradam.* Terra promissionis figura erat cæli, & ex hac promissione Dei infert Origines, quod, qui calcaverit superbiam Luciferi, ipse in cælo locum ipsius obtinebit: *Lucifer sedem habebat in calis, postea vero quàm factus est Angelus refuga, sicut vincere potero, & subicere pedibus meis, consequenter locum Luciferi merebor in calis.* Et si consequentia in divina promissione fundatur; cathedram Luciferi, per sapientiæ obstinatæ superbiæ perditam, solum obtenturum, qui eandem superbiam medi-

*Eccles.  
28.v.17*

*Iosue. i.  
v. 3.*


*Orig. ibidem*

P

ante

ante humilitate pedibus substraverit, eandemque obstinationem poenitendo, eandemque sapientiam erroneam retractando calcabit: cuinam, quæso, alij, sive per vota, sive per applausum, justius debetur Luciferi cathedra, quam Augustino? sic splendet inter Angelos, qui sic præluxit hominibus:

*Sic luceat lux vestra coram hominibus: sic exaltant opera bona, scientem confiteri & retractare non bona, Ut videant opera vestra bona: sic denique glorificat Deus in cælo, qui tantum ipsum glorificavit, & glorificari fecit in terra: Ut glorificent Patrem vestrum qui in cælis est. Amen.*



# S E R M O

P R O

## Dominica prima Adventûs,

Habitus in Capella regia Anno 1650.

*Tunc videbunt filium hominis venientem in nubibus cæli cum potestate magna & majestate. Luc. 21.*

§. I.



ONCREMATO tandem mundo, redactisq; in cinerem universis, quæ diei hujus oblivio construxit in terra.

Auditores benevolentissimi, sine exordio Sermonem præsentem exordior; siquidem assertore Quintiliano, res graves exordio non indigent, sed seipsis aut attentionem

supponunt, aut excitant. Ex quo motivo & ego stupendorum illorum signorum, quæ judicium præcedent, narrationem tacito pede prætereo; hæc etenim Evangelii pars, non nos, sed isto victuros tempore potissimum concernit: præsens verò dies comprehendit multa: ut quilibet secum ipso ea pertractet, quæ se concernunt.

Concremato demum mundo, ignisque virtute absumptis omnibus, quæ superbia hominum, hujusque

jusque dici oblivio construxit & crexit in terra; quando jam in hac ampla, pulchra, vasta que mundi mappa non nisi cineris pusillum, magnificentiæ illius vestigium, nostræque vanitatis vera repræsentatio videbitur: non metaphorica, sed vera in aëre resonabit tuba: illud enim iteratò innuit S. Paulus: *Canet enim tuba*: cujus vocis cœlo, inferno, purgatorio, limbo, mari, terræque obedientibus, nec non apertis in momento sepulchris omnibus, mortui in terra apparebunt redivivi. Obtusepescitisne forsan, quod vox Tubæ in mortuis inveniat obedientiam? ast majus aliud prodigium attendite, quod minus vobis videbitur. Ægypti, Thebaidis, & Palæstinæ adite deserta: interiora, magisque abdita solitudinum harum lustrate loca; & quid in antris istis, quid in spelæis istis videbitis? videbitis in hoc latere Hilarionem, in illo Macarium, in remotiore alio Pachomium. Hic unum Paulum, ibi aliquem Hieronymum; illic unum Arsenium: hinc unam Mariam Ægyptiacam, unam Thaidem, unam Pelagiam, unam Theodoram, viros & fœminas. Et quid hoc est rei? Quis ad eam vos compulit vivendi normam? quis vos mortem anticipare fecit? quis istis vos ciliciis involvit? quis vivos sepelivit? quis istis vos

sepulchris inclusit? ecquis? Unus omnium vice respondebit S. Hieronymus: *Semper mihi videtur insonare Tuba illa terribilis: Surgite mortui, venite ad judicium.*

Hieron

Vultin scire, quisnam istis nos convestierit funebribus, quisnam istis nos consepeliverit antris? sola Tubæ illius terribilis memoria, quæ in ultimi judicii die horrendum insonabit: *Surgite mortui, venite ad judicium.* Enimverò si sola vocis Tubæ hujus consideratio (ponderate, ut oportet, consequentiam) si sola vocis Tubæ hujus consideratio, sufficit ad sepeliendum vivos: cuinam mirum videbitur, si, ubi insonuerit, è sepulchris educat mortuos? Non hoc miror, sed est quod mecum mirentur omnes: quod videlicet Tuba ista, ad suscitandum quidem sufficiat mortuos; non tamen ad excitandum mortales. Creditisne mortales, judicium subsecuturum? alterutrum certum est: vel non creditis; vel non ritè pensatis. Aderit extremi judicii dies, quando nostra sentiet insensitivitas sine remedio, quod modò sentire posset cum fructu. Quantò proinde satius foret flere & plorare modò, pœnitentiam agere modò, qualem utriusque sexus pœnitentes egerunt in deserto; quàm flere & plorare, & pœnitere postea, quando nec

lacrymis misericordia, nec poenitentiae supererit venia? vivimus modò ut volumus, prò dolor! resurgemusque postea, uti non vellemus.

§. II.

**I**N isto universalis resurrectionis actu innumera occurrent oculis, & lacrymis & consideratione dignissima. Inter quæ loco huic magis propria, commiserationeque digniora illud verè censendum videtur. Quod homines bene nati, in illa die malè videbuntur resuscitati! Inter resurrectionem naturalem & supernaturalem magna intervenit differentia; cum in resurrectione naturaliquilibet resurgat, qualis nascitur; & in resurrectione supernaturali quilibet resurgat, qualiter vixit. In resurrectione naturali, natus Petrus resurrexit Petrus: in resurrectione supernaturali, natus Petrus piscator, resurrexit Petrus Princeps: *sedebitis in regeneratione* *Mat. 19. v. 28* *ratione indicantes duodecim tribus Israël.* O quanta consolatio hinc istis, quibus splendor nativitas natales natura negavit! in extremo iudicii die Deus hominibus natalium inæqualitatem compensaturus videtur. Cum omnes ejusdem sint naturæ, nulli injuriosa videtur nascendi inæqualitas; cui libera relinquitur resurgendi electio. Resurrectio secunda, est nativitas ex arbitrio.

Qua in nativitate tantam Job consideravit & conclusit proprietatem; ut aliam nobis matrem, aliumque in sepulchro nobis asseruerit patrem: *Putredini dixi, pater meus Job. 17. es: mater mea, & soror mea vermis. v. 14.* Alium habemus patrem, aliamque matrem in sepulchro, in quo ossa nostra jacent; quia ibi sumus regenerati, & inde eximus renati. Age, jam notate illud: *Statutum est Hebr. 9. hominibus, semel mori. v. 27.* tantum nos voluit mori, & bis nasci; quia enim benè mori ex nostro pendet arbitrio, mors una sufficiebat: sed quia benè nasci, in nostra positum non erat potestate, duæ necessariæ erant nativitates, ut defectum primæ suppleret secunda. Facile omninò fuit Deo æquales omnium hominum facere nativitates; ejusdem nihilominus providentia disposuit, ut illa ægrè tolerata in mundo esset inæqualitas, ut idem ipse dolor nativitatis primæ, ad meliorationem nos stimularet secundæ. Iô Plebei, abjecti, infimæque conditionis homines, bonum nuncium! si illiberalis in vos, aut natura fuit, aut fortuna, ut obscurè nasceremini; renascituros vos, & quidem splendide pro voto, scitote. Melioratâ tunc naturâ, ultionem sumetis de fortuna.

Enimverò, quænam, quæso, major de fortuna sumi potest vindicta quam

quàm notabiles adeò, quæ in die illo videbuntur mutationes? porrò in die illa, tam divitis & potentis, quàm pauperis inferiorisq; conditionis anima adibit sepulchrum corpus suum inquisitura. Et quid deinde? tenuioris conditionis plebejus plerumque sua in sepulchro reperiet ossa, sine lapide, sine epitaphio, & stellarum instar coruscus resurget: è contrario dives & potens corpus suum balsamo aromatibusq; pretiosis conditum, leonũ elephantumq; lacertis impositum, magnificis splendidisq; condecoratum epitaphiis repertiens, ipsis obscurior tenebris prodibit. Ah metamorphosin, tam luctuosam, quàm veram! Ecce, num Deus hominibus nataliũ imparilitatem sit compensaturus! splendidi natales quid sunt? transitoria cum vita vanitas. Illos quidem Deus nostro nõ indulgit arbitrio. Splendidè verò resurrexisse, quid est? nobilitas in perpetuas duratura æternitates: & hanc Deus cujusque arbitrio concessit. In nativitate nostrorum sumus filij parentum: in resurrectione verò nostrorum erimus filij operum. Quod verò malè resurgat (ad nostram revertamur considerationem) quod obscurè suã resurgat culpã, qui clarè sine suo natus fuerat merito: deploranda sanè est conditio. Post obscuriores natales,

resurgere clarum, est meliorare fortunam: splendidè ortum, resurgere obscurum; pejus est, quàm ab ipsa degenerare natura. Quod clarè resurgat David ex Jesse natus, magna est gloria filii pastoris: quod obscurè resurgat Absalom ex Davide natus, magna est ignominia filio Regis. Porrò si homines tanti æstimant benè nasci, quare tam parvi pendunt benè resuscitari? Magnatis nihil in ore frequentius, quàm natalium conditionisq; suæ versare obligationes: at ego paucissimos illorũ conditionis suæ obligationes penetrare, ausim affirmare. Nasci benè, resurgendi meliùs obligationem inducit. Istæ sunt obligationes, cum quibus nati estis. Opumè natus homo, qui fuit, aut esse potuit, fuit Christus. Nemo meliore patre, aut matre potuit gloriari. Notavit Augustinus, si Christus benè est natus, melior resurrexit: *Gloriosior est ista nativitas* quàm illa: illa corpus mortale genuit, ista dedit immortale. Christus, inquit S. Augustinus, natus est nobilior in nativitate secunda, quàm prima. In prima natus est mortalis & passibilis: in secunda, quæ ejus resurrectio fuit, natus est impassibilis, & immortalis. Ecce conditiones benè natorum, ut scilicet, secundò renascantur meliores. Enim verò, si Deus hominis

S. Aug.

reliquisset arbitrio nasci : Ecquis, quantumcunque bonus , se non fecisset meliorem. Age , hic est casus conditioque , de qua agimus. Si redeundum renascendumque est , quare operam non damus , ut splendide nascamur? sine splendore nasci in nativitate prima , in excusationem trahit, quod Deus fecerit nos : *ipse fecit*

*Pf. 99. v. 3. nos , & non ipsi nos :* In nativitate secunda nasci cum honore , excusatione non indiget , sed gloriam fortitur ex eo, quod nos ipsi simus, qui fecimus nos : *ipsi nos.* Quàm gloriosum erit homini , in die illa veraciùs sibi usurpare posse Elogium istud, quod soli Joanni Baptistæ contulit Christus : *Inter natos mulierum non surrexit maior?*

*Matth. 11. v. 11*

verborum notate proprietatem. Non dicit, quod inter natos non fuit major natus; sed inter natos, *surrexit.* Esse majorem inter natos, quàm natum, exigui momenti encomium est: esse majorem inter natos, quàm resuscitatum , veraciter est esse majorem; quod in nostro arbitrio & potestate situm est. In hac vita felicissimè natus , Regis est filius: in altera vita , quotquot voluerint, ipsius Dei filij nasci possunt: *Dedit eis potestatem Filios Dei fieri.* Hoc non speculatio nuda, sed est veritas ipsa, fideique Catholicæ dogma. Benedictus il-

*Ioan. 1. v. 12.*

le Dominus , qui est resurrectio nostra & vita : *Ego sum resurrectio & vita.* *Ioan. 11. v. 25.*

### §. III.

**A**Nimabus jam corporibus reunitis , hominibusque suæ integritati restitutis, bene resuscitati , jucundi & hilares : malè verò redivivi, luridi & tristes, pariter omnes ad locum judicii procedent: ibique universum genus humanum , primum sese conspiciet adunatum; quotquot enim fuerunt, sunt, aut erunt in valle Josaphat collecti comparebunt. Nisi dies ille tantæ foret formidinis & pavoris, præclarum sanè & magnificum quid esset, omnes, quotquot per omnes extiterunt ætates, famulos atque potentes in unum cernere collectos. Verùm interrogari mihi videor, quonam pacto possibile sit, quod tam immensa & infinita hominum multitudo, jam inde ab origine mundi ad finem usque ejusdem aut natorum, aut nasciturorum , collectim unâ possit valle comprehendi. Dubitatur bene , faxit Deus, ut resolvatur rectè.

Dico primò. In locorum materia magna datur deceptio : loca enim plus opinione nostrâ continent. Primâ creationis die, creavit Deus cælum , terram , & elementa



menta. Porro rectè formata Philosophia indubitatum habet, non fuisse datum vacuum in mundo: impleta fuisse omnia. Quod cum ita se haberet, videreturque novæ producendæ creaturæ capax deesse locus, tertiâ demum die prodierunt herbæ, arbores & plantæ: & quamvis numero & qualitate tot sint & tantæ locum & spatium invenerunt omnes. Quarta die prodit sol, qui cum tam immensus sit planeta, ut centies & sexagies major sit terrâ, locum nihilominus reperit. Eâdem die tot milliones adfuerunt stellarum, quarum quælibet tot leucarum millia occupat: & locum acceperunt. Quintâ die producta volatilia in aëre loca obtinuerunt. Producta sunt animantia, tot & tanta & assignata sibi in terra occuparunt loca. Ex mari enati sunt pisces, cumq; toreorundem dentur monstra, tamque stupendæ magnitudinis, mari fuere comprehensa. Sexto demum die prodit homo, & homo fuit primus, qui non comprehendi cœpit: sed paradiso exclusus, foris eo mansit. Proinde, ut dixi, in locorum materia, magna est deceptio: suntque opinione nostrâ capaciora. Quod si minus verò consonum hoc vobis videtur, ad exemplum morale transeamus, illud in qualicunque

reipublicæ loco visuri. Dies est iudicii, locus sit alicujus Judicis.

Quid olim aliquis locus talis capiebat? capiebat Doctorem cum suis textibus, glossisque paucis, & valde usitatis, ideoque cum primis honoratis. Insuper capiebat aliquam, remotiore ab horreo domo, curatam negligentius mulam. Capiebat filios decenter vestitos, sed pedestres & cum artis suæ instrumentis sub axe. Capiebat uxorem paucis exornatam cymmelijs; porro ancillæ, si numerum excedebant singularem, ad pluralitatem Græcorum non accedebant. Illud locus iste capiebat antiquitus: transierunt anni, & locus non crevit, nihilominus eundem locum incomparabiliter plura nunc capere experientia monstravit. In primis nonnullas ædes, seu palatia capit, qualia magni sanguinis olim defuere comitibus: capit Bibliothecam Status, ad instar Vaticanæ, & similiter illi clausos & alligatos habentem libros: capit rhedam, seu quadrigam cum quatuor mulis: capit Ephæbos, satellites, & scutarios: capit uxorem in loco separato cum Gynecæo, aliisque; æmulando nobilitatem pompis: capit filios cum equis & famulis, quandoque cum ludis, aliisque sumptuosis consuetis juventuti oblectamentis: capit filias natu-  
ma-

maiores copiosè dotatas , pro splendidiorebus nuptiis : natu minores destinatas Monasteriis , cum magnæ summæ annuæ assignatione pro recreationibus : capit aula , capit naves , capit commendas , capit beneficia , capit reddituū modios , & super omnia capit manus valde mundas , conscientiamque valde puram , nec non infinita alia , quæ memoria intellectusve capere non sufficit. Nunquid hoc ita se habet ? In terris , quas ego peragravi modò , ita planè se res habet. Si igitur omnia ista locus capit tam exiguus , cur non tantum nostræ deferamus fidei , ut credamus vallem Josaphat omnes nos capturam ? protinùs capiet nos omnes , & si alteri tanti , & plures venerint , omnibus capiendis vallis sufficiet , & erit miraculum.

Præter rationem hanc generalem , quæ se tenet ex parte loci , aliæ duæ concurrunt ex parte personarum : ex parte bonorum una : ex parte hominum malorum altera. Boni , dotis subtilitatis beneficio , exiguo ibidem spatio poterunt comprehendere. Inter gloriosi corporis dotes numeratur , una dicta subtilitas , quæ Beatis id confert , ut quotquot in judicio fuerint inventi , tantillo spatio , quantum ego stando occupo , circumscripti possint & contineri , etiam

me non recedente. Hic in mundo , eadem subtilitatis dos , sed effectibus longè diversis , datur. Subtilitas cælestis sine exclusione alterius aliquem admittit : mundanæ verò subtilitates id tantum agunt & operantur , ut excluso alio semetipsum quis intrudat : hinc nec locus est durabilis , nec sufficiens. Magnum est , quod Jacob & Esau eadem non continuerit domus ; majus est , quod Loth & Abrahamum , eadem non continuerit regio : mirabilius , quod Saulem & Davidem unum non continuerit regnum : omnem verò excedit admirationem , quod Cainum & Abelem totum non ceperit universum. Enim verò , quare duo homines , tam immenso non comprehendebantur spatio ? causa pejor est casu. Cain non comprehendebatur cum Abele ; quia Abel comprehendebatur cum Deo : at verò , cum homo cum suo concordat Domino , innox alii discordant cum ipso. Erit hujus causa subinde superbia Abelorum : ordinariè tamen est invidentia Cainorum : certum tenere , cum morte invidiam finire. Nullo negotio in die judicii simul comprehendemur omnes : vultis omnes comprehendere ? nolite augere spatia , sed imminuite invidias. Hæc bonorum subtilitatis dos est.

Ex

Ex parte quoque reproborum nulla erit difficultas, quin etiam Vallis eos comprehendere queat: licet tot sint mali, hodieque tanti & tam tumidi & inflati, in illa die omnes erunt tenues & pusilli. Quod diluvii tempore, arca Noë totius mundi animalia in suis speciebus continuerit, credit fides, sic asserente Scripturâ: hoc verò non capit intellectus; quia non assequitur ratio, quomodo tam angusto fabricæ spatio, tam vasta, tamque ferocia, sibi que invicem infesta comprehendere possent animantia. Leo, cui tota Lybia, terra angusta; Aquila, cui omnis aër sphaera exigua; Taurus, cui non sufficit forum: Tygris, quam non capit sylva: Elephas, qui non capiebatur in se ipso: omnia ista, ejusdemque ferociae & vastitatis alia tam angustâ continebantur arcâ? Ita planè: licet enim angusta foret arca, tempestas erat magna. Tum temporis Deus universale diluvium terræ superinduxit universæ, quæ calamitas fuit maxima, quam mundus sustinuit unquam. Magnarum miseriarum calamitatumque tempore ipse naturæ instinctus colligit animalia, quantò magis homines ratio? comprehendet Vallis Josaphat homines, sicut animantia arcâ Noë fuere comprehensa. *Sicut*

*Pars III.*

*fuit in diebus Noë; sic erit in consummatione sæculi.* Ex solis finituri mundi signis, homines timore & stupore contrahendos textus innuit: *arrescentibus hominibus pro timore.* Porro, si homines solus attenuabit timor, quantum attenuabit illos judicium! Prò quantum nosmetipsos in illa colligemus die! quam erunt tunc pusilli, proceri quondam Gigantes!

Non adèò mirandum videbitur in die illa, totum in Valle Josaphat comprehensum videre mundum: majorem merebitur stuporem, in exigua Vallis parte videre conclusos, quos totus non capiebat orbis terrarum. Nabuchodonosor, Alexander magnus, Julius Cæsar, &c. quorum dominandi libidini angustus nimis videbatur totus terrarum circuitus, vel minimo Vallis illius claudentur angulo.

Inter notabiliora Christi de die Judicii asserta, illud legitur: *Cadent stella de cælo.* Mathematici singularem in hoc textu naturalem deprehendunt perplexitatem; ast ego desuper ab eis requisitus reddam rationem. Omnes stellæ, exceptis duabus, majores sunt terrâ, & quædam earum, quadragesies, octogies, imò centu- & decuplo majores existunt; quo igitur pacto cadentes hic infra comprehenduntur?

Q

com-

*Math. 24. v. 37*

*Luc. 21. v. 26.*

*Math. 24. v. 29.*

comprehendentur, quia cadent. Nescitis stantium & erectorum hominum, & collapsorum eorundem non eandem esse mensuram: idem stellis eveniet. Stantes nunc & quasi erectæ, immensa cœli occupant spatia; delapsæ verò uno comprehenduntur terræ palmo. Nihil minus occupat loci, quam quod cecidit. Collata cum cœlo terra, non nisi punctum est: respectu terræ, centrum punctum est aliud. Lucifer, quem stantem adhuc & erectum non capiebat cœlum, collapsus centro comprehenditur terræ. Ah Luciferi mundi! quos in domibus prosperitatis nullus capiebat locus hodie; collapsi & prostrati in illa die angustissimo comprehenduntur angulo. Erimus contracti, & in nobis ipsis absorpti, de sola Deo reddenda ratione anxii. Proinde, deficiente quamvis aliâ, hæc una sufficeret ratio, ut suus cuique locus sufficiat. Cogitent tantum homines, quam Deo ratione reddituri sint: & ego promitto, quod loca in valle Josaphat supererint. Curandum interim singulis impendiò, ut bonus cuique locus obveniat.

#### S. IV.

**P**resente tandem collecto & adunato in valle Josaphat universo hominum cœtu, remoto cœli sipario, adornato ex nubibus

magnifico throno insidens, Angelicis stipatus & comitatus Hierarchiis, & propriâ vel maximè majestate coruscus Judex apparebit supremus. Primò omnium, Angelorum ministerio, reprobos segregabit ab electis. Exibunt itaque Angeli: ecce qualis stupor, qualis timor & tremor, in illa die, hominum occupabit corda! *Exibunt Angeli, & separabunt malos de Matth. 13. v. 49 medio iustorum.* Ad quam separationem melius intelligendam, cum Propheta Zacharia supponendum est; quod præviè omnes ibidem non promiscuè & confusè stabunt conjuncti; sed ordinatè divisi: *familia, & familia seorsum. Zach. 12. v. 12* Ab hac parte stabunt Summi Pontifices; ab altera Imperatores: ab hac parte Reges; ab altera Episcopi: ab alia Religiosi; & sic de reliquis. Hoc ordine omnibus, secundum locum & gradum, quem in hac obtinuerunt vita, separatis; segregatio incipiet secunda pro statu futuro, & æternum duraturo.

Hinc exeuntes Angeli ad Summorum Pontificum accedent ordinem: *& separabunt.* Et quamvis vel minimum hic separandum occurrurum sperem & confidam, inhorrescere nihilominus facit sola imaginatio, in dignitate tam divina, hominibusq; per Spiritum Sanctum ad eam electis etiam inventum

tum iri, quod separationem mereatur : *Separabunt malos de medio iustorum.* Pontifices malos de medio bonorum separabunt. Obligatio enim reddendi Deo rationem de tot animabus mundi, pondus est rarum : immensum , ut mirum videri non debeat, eò quod sint homines, quod nonnullos deprimat in profundum. Omnes quidem in hac vita compellantur Patres sancti : dies verò iudicii , non in nomine, sed in opere sanctitatem consistere declarabit. Proinde, in hac vita beatissimos, in altera vita esse miserimos, prò, quanta miseria !

A loco SS. Pontificum transibunt Angeli ad Episcopos & Archiepiscopos , similiter malos de medio iustorum sequestraturi : *separabunt malos de medio iustorum.* Ille separabitur, quia eleemosynas non dedit; hic, quia de Christi patrimonio parentes consanguineosq; diravit: ille, quia priore sponsa, ob tenuitatem repudiata, melius dotatam sibi procuravit : ille, quia spirituale ovibus suis pabulum non ministravit: ille quod Ecclesias talibus commiserit Ministris , qui non alio, quàm præsitorum servitorum titulo , illud merebantur: alius, quia tot animæ Sacramentorum defectu in diocesi sua perierunt: ille, quia non resedit; alius propter simonias; alius propter ir-

regularitates , scientiæ requisitæ defectum. Deus bone, quanta confusio ! Quantà verò lætitiâ perfusi stabunt ex adverso, aliquis Bernardinus Senensis, unus Bonaventura, aliquis Dominicus, unus Bernardus , & Bruno, innumerique alii sanctitate & prudentiâ conspicui viri, qui oblatis sibi dignitatibus & mitris , similium præcipitiorum gnari, & anxii ascendere altius recusarunt ! O quoties miseri illi jam damnati ingeminabunt, maledicta dies electionis, maledictus qui elegit : maledicta dies confirmationis cum eo qui confirmavit. Enim verò, si homo ægrè rationem pro anima sua reddet, quam, quæso, pro tam innumeris redditurus est? porro si pondus illud maximos Ecclesiæ in terram prostravit Atlantes, quis non tremebundus, & perterritus fugiet ab eo ?

Grandis hodie Ecclesiarum Lusitanæ est desolatio, carere Episcopis; contingere nihilominus potest in die iudicii, ut magno Episcopis Lusitanæ tunc sit solatio, non obtinuisse Ecclesias : S. Hieronymus de quodam Sacerdote Episcopatum acceptare reculante narrat : quod post mortem, cuidam patruo suo Religioso , qui acceptare dissuasera, apparens sequentia dixerit : *Gratias, Pater, tibi refero ex dissuasione Episcopatus; nam scito,*

Q 2

quia

*quia nunc essem de numero damnatorum, si fuisset de numero Episcoporum.* Heu quot, non scientes quid faciant, sub splendido mitræ cujusdam nomine, suam ipsi damnationem prætendunt. Huic, aliisque multis Episcopalem dignitatem recusantibus, revelavit Deus, quod damnationem incurrerent, si Episcopatum acceptarent. Et quis vos ab hoc conditionato exemit? Ex eo, quod facti sitis Episcopi esse potest, quod animarum alienarum salus non dependeat: Ex eo verò, quod facti non estis, salus vestra dependere potest. Portò nihil securius, quam humeris contractis regimen Deo resignare.

De loco igitur Episcoporum, transibunt ad locum Religiosorum, infinitamque illam Ordinum regularium frequentiam ingressis, non obstante, quod in illis, Solis adinstar, maximæ resplendebunt mundi sanctitates, multum occurreret separandum. Incipiendo à *Juda, Separabunt malos de medio Iustorum.* Non hoc dico quod me magis hoc concernat; sed quod luctuosissimum mihi unde quaque videatur dici Judicij spectaculum. Trità à damnatis viâ tendere ad infernum, infaustum quidem est, aut non mirum: sed ducente ad cælum viâ pergere ad infernum, miseriarum est miseria. Quod di-

vesille vestitus bysso & purpurâ, quotidieque epulatus splendide, sepultus sit in inferno, condignam operibus suis mercedem recepit: *Recepisti bona in vita tua.* Sed *Luc. 6. v. 25.* Religiosus sacco involutus & cilicio, cum suis jejuniis & pœnitentiis, cum sua clausura, voluntate alteri subdita, eò quòd Lazari instar mundi micis oculos infixit, ad similes deveniat pœnas! ô casum atrocem! sæcularis quispiam salutis suæ incurius, cui nec in mentem quidem unquam venit reddenda Deo ratio, quod rectè eam non componat, sicque pereat, negligentia ipsius imputandum venit, quæ sine alio coronari non poterat. Sed Religiosus talis, qui pulpitem hoc de iudicio vobis prædicaturus conscendit, dici istius reprobatæ accenseri mereatur! deploranda sanè est nostra conditio, nisi salutem consequamur. Hinc verò inferre licebit, si hoc fiat in portu, quid fiet in via & discrimine? Auditores benevoli (de melioribus me loquor) si nos post tot tantasque considerationes & sollicitudines, in altera pèssum ibimus vita; vestra vos incuria & oblivio quo ducet? Si Cartusiani, Benedictini & Capucini in illa tremant die, quis aularum, ædiumque splendorum erit status?

## S. V.

**T**Ransiliamus status ordinesque reliquos, in quibus quilibet sibi prædicare potest. Venient tandem Angeli ad locum Regum, nec thronus ibi, nec alius regis majestatis invenietur apparatus; sed omnes suis tantum operibus comitati, reorum instar stabunt pedites: distinctè cognoscetur, quis cui regno dominatus fuerit. Quis Ungariæ; quis Galliæ; quis Hispaniæ; quis Angliæ; quis Lusitanæ. Transibunt Angeli de qualibet corona malos separaturi: *Separabunt malos de medio Iustorum.* Confitendo in Domino, regnum nostrum singulare futurum in illa die: neque inventuros Angelos, in illo solo, quod separent. Pro desiderio quidem meo & fiducia, ita mihi credendum foret: Sacram verò pervolvendo Scripturam observo, quod timore & perplexitate plenum est. Quis Regum damnetur, quis verò salvetur non constat: una tantum quondam fuit Gens & Natio, de qua ex Sacris Literis constat, quot fuerint salvati, quotve damnati: horreo quidem illud dicere, operæ pretium nihilominus est sciri clare & distinctè. Hebræi, quo tempore populus erant Dei, triplici successivè regimine

fuerunt gubernati. Primum duodecim tribuum, sub tribus Regibus centum & viginti annis duravit. Secundum fuit regnum Juda, & sub Regibus viginti, trecentis nonaginta quatuor continuavit annis: Tertium fuit regnum Israël, & sub Regibus undeviginti, ducentis quadraginta duobus stetit annis. Sciamus igitur, quot ex quolibet eorum salvati fuerint & damnati.

In regimine duodecim tribuum ex Regibus tribus, damnatus est Saul; salvatus est David: de Salomone certi nil constat. In regno Juda, ex Regibus viginti, salvati sunt quinque; damnati tredecim: de duobus est incertum. Porro in regno Israël Reges fuere undeviginti, omnesque damnati, de quo in die judicii verificari non poterit: *Separabunt malos de medio Iustorum.* Venientes Angeli, & quod separent non invenientes, tollent omnes. O infelicitas sceptrorum! ô infelices coronæ! ô infelices Reges! ô infelix, à Jeroboamo usque ad Oziam descendens Regum series! undeviginti Reges coronati, totidemque damnati.

Certum est, id non evenisse defectu medij; siquidē omnes veri agnitione Dei sufficienter fuerunt instructi: templū, Sacerdotes habuerunt & sacrificia; Dei videbant mirabilia

bilia, de cœlo gratias & necessaria recipiebant flagella: sed infructuosa fuerunt omnia. Prorsus periculis plena oportet esse sceptrā; cum t. 750 temporis spatio extor Regibus, aut paucissimi fuerint salvati, aut nullus. Proinde rei hujus causam inquirent Principes: in Deum non cadit iniquitas. Conscientias suas diligenter discutiant, benè considerantes, cui nam eas committant. Obligationes suas fusè excutiant, quæ strictiores sunt quàm cogitent. In publica sua & privata subditorum suorum damna inquirent sollicitè, omni posito affectu expendentes, num actus ipsorum aut omissiones causa existere possint. Protinùs sibi persuadeant, se aliorum adinstar hominum ante Justitiæ divinæ tribunal sistendos, ubi strictissima ab ipsis de die in diem, de hora in horam, de eo, quod egerint, aut quod agendum intermiserint, exigetur ratio. Pensent denique, uti principem facere fas est, quanta sibi inde resultabit infelicitas & confusio, coram universalis iudicii tribunali, si post tantam maiestatem, exhibitamque sibi in hac vita venerationem, Angelus apprehensâ manu, à salvandorum eos segreget consortio: *Separabunt malos de medio iustorum.*

Pari modo in omnibus & singu-

lis mundi statibus sequestratio malorum continuabitur. In quibus ratione sanguinis amorisq; naturalis magis arctiorque fuit conjunctio, acerbior quoque fiet separatio. Omnes omninò actus hujus circumstantiæ, oppidò videntur rigidæ, ipseque per omnia atrox. Ibi Parentes sequestrabuntur à filiis: ad illam partem transibit Abraham, ad oppositam Ismaël. Sequestrabuntur fratres à fratribus: ad illam partem ibit Jacob, ad oppositam Esau. Sequestrabuntur uxores à maritis: ad illam partem ibit Esther, ad oppositam Assuerus. Amici separabuntur ab amicis (serviat vice exempli, cum tam rari hodie dùm veram amicitiam colant) ad illam partem David, ad oppositam Jonathas ibit. Separabuntur in æternum, qui se amabant in hac vita; qui tanta motiva, rationesque tantas habebant amandi se æternum in altera. Enim verò, si separatio aliquanti temporis, & de patria ad patriam, cum certissima revertendi, seque mutuo revisendi spe conjuncta, tam acerba amantibus accidit: si separari transireque ab hac ad alteram vitam, cum spe probabili mutuo aspectu fruendi in æternum, adeò videtur amaritudinis plenum; quantum, quæso, dolorem ingeret dividi & separari in æternum, omni



omni prorsus sese revisendi spe præcisâ, quousque Deus erit Deus, quos amor & natura conjunxerat, & quasi unum fecerat! Indurati protinus cordis esse necesse est, qui, ex eo tantum, ne ad præfatas misérias deveniat, Deum ex toto corde non amat,

## §. VI.

**M**Alorum bonorumque separatione jam factâ; cessantibus jam ultimæ separationis hujus ejulatibus, qui, teste S. textu, vehementissimi erunt: *Plangent Tribus* *Matth. 13. 30* *terra.* Silente suspensoque judicio, examen inchoabitur culparum. Hic me ex cathedra descendere oporteret: ast quemnam ascendere: non Angelum, non Prophetam, neque Apostolum: sed ex damnatis ad infernum quempiam, qualem dives ille petebat, ut fratribus suis prædicatum abiret. *Delicta* *Ps. 13.* *quis intelligit?* Ecquis in toto mundo, peccata vel intelligit vel cognoscit? Hoc ille illuminatus è czlo David affirmabat. Aliquis ex inferno damnatus, aliquis solum à Deo judicatus; solum ille, qui tremendo huic tribunali, rigorem expertus resistit: solum, qui perspicax vidit examen, quo ibidem pervestigantur & eventilantur conscientiæ: solum, qui anatomiam vidit tam subtilem, sagacem &

exquisitam, quæ de minori ibidem exercetur peccato & circumstantia: solum qui non imaginabilem vidit subtilitatem, & ibidem appenduntur atomi, demetiuntur instantia, dividuntur indivisibilia: solum, inquam, illi, nec tamen adhuc pro rei exigentia, quid ibi futurum sit, declarare sufficient.

Statui sæpius punctum hoc illibatam præterire hac confessione contentus, quod nec sciam, nec loqui de ipso ausim, ne quis forsan in judicii die deceptionis me arguat; sed cum materia sit tam utilis & diei huic propria: cum nec tota, nec pars illius absolvi possit; divinum mihi ad hocce saltem præsens optarem auxilium, ut duos saltem animabus vestris immittere possem scrupulos, præsentî, cui loquor auditorio, opinione meâ, cum primis necessarios: de peccato videlicet omissionis, & consequentiæ. Hi bini sunt scrupuli, quos hodie vice Dei, inculcare vobis & explanare desiderarem.

Scitote Christiani, scitote Principes, scitote Ministri, strictam à vobis exactum iri omissionum rationem. Propter facta damnabuntur multi: propter omissa verò, quæ fuerant faciendâ, damnabuntur omnes. Damnationis reprobatorum causas ipsa innuunt sententiæ verba: promulgationem ipsius

legite

*Matth. 25. v. 41* legire: *discedite maledicti in ignem eternum. Quare? non dedistis mihi manducare; non dedistis mihi potum: non collegistis me: non operustis me: non visitastis me.* Quinque peccata, & omissionis omnia. Ita ut peccata finaliter hominem ad infernum deducunt, sint peccata omissionis. Non mirentur Literati propositionem tam universalem sicut istam: quia secundum rigorem Theologicum veritati consonat. Ultimum peccatum, est ultima dispositio, quâ mediante damnabuntur præsciti: & hæc est impenitentia finalis, que est peccatum omissionis. Ecce quid sint omissiones, & mirari cessate quod dico. Omissione perditur inspiratio: perdita inspiratione, perit auxilium, pereunte auxilio perditur contritio: perdita cōtritio perit anima. Reddite rationem Deo pro una anima per omissionē pereunte.

Age ad exempla magis publica, huicque non infrequentia regno transeamus. Per omissionem fluxus perditur maris, perduto maris fluxu perditur iter, deficiente itinere perit exercitus, pereunte exercitu, integra perditur regio. Reddite rationem Deo de India, de Brasilia per omissionem perdita. Rursum omissione perditur notitia; perditâ notitiâ, perit occasio; pereunte occasione in cassum abit molimen; in cassum abeunte moli-

mine, integrum perditur regnum. Reddite rationem Deo de tot domibus, tot vitis, tot bonis per omissionem & incuriam perditis. Eheu, quantis periculis salus Ministrorū & officium exponuntur! Princeps quispiam aut minister incurius agit aut deses, nihil etiam mali operans, loquens aut cogitans: eademq; ipsa horâ solâ omissionis culpâ, majora intert damna, majores edit strages, majores inducit depopulationes, quàm omnes in mundo malefactores, multis annis. Latro in sylva una bombardæ explosione occidit hominem: Princeps & Minister omissione una, totâ perdunt Monarchiam. Hi sunt scrupuli, de quibus nullus fit scrupulus: & hinc omissionis peccata omnium gravissima & periculosissima existunt.

Peccatū omissionis facilius committitur, quàm dignoscitur: quod verò facilè committitur, & difficultè cognoscitur, rarò emendatur. Omissio est peccatum, quod non faciendo committitur, quod nunquā opus est malum, sed quandoq; opus esse potest bonum: Verum scrupulosi multi, non sine magno discrimine in illo peccato vivunt. Elias in deserto latebat in specu, cui Deus apparens ajebat: *quid hic agis Elia?* q. d. hiccine agis Elia? ita, Domine: nunquid in specu lateo? nunquid elonga-

3. Reg.  
19. v. 9.

tus

tus sum â mundo ? nonne vivus sepultus sum ? instat Deus : *quid hic agis Elia ?* & Elias : quid hic agerem ? nonne corpus meum jejunando castigo , contemplationi deprecandoque Deo vacans ? ita omninò erat. Si ergò Elias in speluncâ penitentiz actibus agit intentus, quoniam, quæso, pacto, à Deo sub admiratione reprehenditur ? quia quamvis bona forent , quæ agebat, meliora tamen erant, quæ reliquerat : quæ agebat arbitrariz erant devotionis, quæ verò reliquerat necessariz erant obligationis. Deus Eliam Israëlitiçi populi Prophetam, publicum ipsi injungendo officium, constituerat : Elias verò delirescens in deserto quando comparandum erat in aula ; positus in spelunca, quando agendum erat in foro ; contemplans cælum, quando corrigenda erat terra, enormem commisit reatum. Ratio patet ; quia in eo, quod faciebat Elias, animæ suæ consulebat : & in eo, quod omittebat, animæ negligebantur multæ. Non rectè pronuncio ; planius loquar : in illo , quod faciebat, animam suam salvare videbatur ; & in eo, quod omittebat, & suam, & aliorum animas perdebat. Aliorum ; quia directionem necessariam subtrahebat. Suam ; quia obligationi suæ & officio deerat. Peroptimè exem-

*Pars III.*

plum hoc aulis & Ministris quadrat, qui, quod salutis suæ, non pro debito invigilent , occupationes obtendunt : quod salutis suæ non, pro ut oporteret, intendant, quod subducere se nequeant, inquit. Elias extra aulam de salute periclitabatur, ad quam redire jubetur, ut salutem consequatur. Minister ea, quæ sui sunt muneris præstare fatagat, & melius eum in hominum salvari corona , quàm spelunca , contingere potest. Assumat pro disciplina , cautelam ; pro cilicio zelum ; pro contemplatione, assumat sollicitudinem ; pro abstinentia , odium & despectum munerum : & salutem consequetur.

Verùm enim verò, quare se tot perdunt ? minùs mali pereunt ex eis, quæ faciunt , quia minus mali sunt : pejores, ex eis, quæ omittunt : pejores enim sunt per omissiones, per negligentias, per dissimulationes, incurias, excusationes, dilationes & infinitates. Ecce peccatum, de quo Ministri nullum sibi faciunt scrupulum : & quo pereunt multi. Sed pereant tales, transeat ; quia non aliter volunt : pejus verò est, quod perdant se & omnes : omnes verò Deo rationem reddent. Peccatorum, de quibus se accusare, scrupulumque sibi movere Ministros oporteret, non minimum est peccatū temporis ; quia mense

R

sc-

sequente fecerunt, quod faciendum fuerat præterito; quia fecerunt postredie, faciendum pridie: fecerunt postea, quod faciendum fuerat antea: fecerunt primò nunc, quod jam ante factum fuisse oportebat, adeò teneras in momentorum materia fas erat esse præsectorum conscientias. De momentis sibi non faciens scrupulum Minister, in pessimo versatur statu. Bona fortunæ restitui possunt; etiam fama (quamvis ægrius) restituitur. Temporis jactura refarciri nequit.

Ad quodnam verò mandatorum, hæc temporis peccata referenda videntur? ad septimum: nam damnis, quæ proximo & rei publicæ inferuntur accensenda veniunt: majus verò nocumentum instantium surreptione rei publicæ inferri nequit. Ah omissiones, lenti temporis fures! non erit tandem, qui lentos illos calamo exagitet? non erit, qui istos temporis fures, istos occasionum raptores, istos rerum publicarum eversores in furcam agat? sed quia in jure nulla ipsis decreta legitur pœna, & subinde ad locum sacrum confugiunt: hinc diei judicii sententia principaliter feriet omissiones.

#### §. VII.

**S**ecundum generant scrupulum peccata consequentiæ. Peccata quædam finiuntur & sistunt in se-

metipsis: alia in suis continuantur: & perseverant effectibus & consequentiis. Job Deo loquitur: *Vestigia pedum meorum considerasti.* *Job. v. 27.* Non passus suos, sed vestigia pedum suorum considerata dicit: passus quippe transeunt, vestigia verò permanent. Residuum peccatorum Deus particulariùs examinat: neque de peccatis tantummodo, sed eorundem etiam consequentiis rationem à nobis exiget. Eheu quàm terribilis erit ille computus. Christus opulentum convertit Zachæum, telonarium; qui conversus sic se resolvit: *Ecce dimidium bonorum meorum do pauperibus: & si quem aliquem defraudavi, reddo quadruplum.* *Luc. 19. v. 8.* Hic considero.

Jura legesque furem raptoremve alieni, non nisi ad æquivalens restituendum obligant; quorsum igitur Zachæus triplum superaddit, & si quem defraudavi, reddo quadruplum? si ad restituendum sufficit simplum, quem in finem superaddit triplum? dicam: simplum redditur ad satisfaciendum pro peccato: triplum superadditur ad satisfaciendum pro consequentiis. Zachæus scrupulosum de furto suo conscientia instituit examen, sic ratiocinatus secum. Si non defraudassem NN. retinisset ille bona sua, quibus retentis, talem non fecisset jacturam, lucrum acquisisset

videtur

fer, nec, quod sustinuit, passus fuisset. Si sic? ergo satisfactio mea, meo respondeat creatui, cuilibet reddatur quadruplum, quo illū defraudavi. Portio prima restituat ablatum; secunda refarciat jacturam; tertia cessans compenset lucrum; quarta denique inflictum consoletur dolorem. Ecce quid Zachæus fecerit & quo fructu? *Hodie salus huic domui facta est.* Porro si domus Zachæi, ad consequendam salutem, restituit in quadruplo, quod defraudavit; in quonam salutis statu tot versabuntur domus Lusitanæ, ubi tantum debetur, tantum consumitur & nihil solvitur? Quia pauci solvunt in vita, magis scrupulosi in articulo mortis summam tantum capitalem solvi mandant; de consequentiis, nec vivens, nec moriens quisquam eorum vel minimum cogitat aut curat. Porro si hoc in justitia accidit commutativa, ubi numero, pondere & mensurâ peraguntur omnia: ecquid in distributiva & vindictiva justitia fiet? & si istud justitiæ accidit manu tenenti libram, quid, amabo, fiet tenenti gladium? Quales, quæso, effectus & consequentiæ, partialis cujusdam passionati-que suffragii erunt in consilio? divinâ mihi assistente gratiâ, hoc nunc vobis ob oculos ponere statui, cum ad eò latebrosa, tantique

ponderis sit materia. In consilio de Vice-Regis, Generalis, Gubernatoris, Prælati, Præsidentis Cameræ, Judicis denique cujusdam loco tractatur. Et quid sit? consiliarius requisitus, suffragium suum dirigit in cognatum, quia cognatus est; in amicum, quia amicus; in recommendatum, quia recommendatus est: reliqui bene meriti & digniores, nec amicitia, nec cognitione, nec recommendatione adjuti excluduntur. Quod frequenter nimis accidit: faxit Deus, ne contingat unquam. Hujusmodi igitur consiliarium sic suffragantem, votumque suum signantem interrogarem, utrum remorsum sentiat conscientia, vel sciverit quid fecerit. Homo cæce, homo præceps, scisne quid egeris? quid signaveris? scisne, quod, licet peccatum contra officij tui juramentum perpetratum, in se tantum sit unum, consecuturæ ex ipso sequelæ sint infinitæ, ipsoque peccato majores? scisne, quod eadem istâ penâ malorum omnium, quæ factururus est ipse, quæque per ipsum, usque ad mundi finem subsequenter participem & reum te reddis? heu miseriam! infelix omninò respública, ubi talia vigent vota; infeliciores populi, quibus sic creati diriguntur Ministri: infelicissimi vero omnium sunt consilarii, qui sua

R 2

in

in tales vōta contulerunt. Enimvero, si ille vestris designatus suffragiis furetur (omittatur conditio, ipsū enim furaturum certum est) furetur inquam à vobis designatus, fureturq; sibi, suisq; omnibus (usitato & solenni talibus more) Deus à vobis exiget rationem, siquidem omnium furtorum istorum causa vestrum suffragium existit. Præsideat, & provideat officio pacis & belli vester electus, servos merentesque derelinquat: vos rationem reddetis Deo, quia electio vestra iniustitiis illis causam præbuit; operimat ille pauperes, plorent viduæ, patiantur orphani, vociferentur innoxii, vos damnabimini; quia votum vestrum oppressionū istarum causa extitit. Sub electi vestri regimine occiduntur homines, evertuntur ædes, dehonestantur familiae, vivitur velut in Turcia: & vos descendetis in infernum luturi, quia omnium istorum homicidiorum, infamiarum, scandalorum causa ex suffragio vestro pullulat. Immunitates Ecclesiarum violantur, Ministri Evangelii indignè tractantur, infidelium conversiones impediuntur, fidei propagatio cessat: vos propterea luetis in inferno; quia ex voto vestro omnia ista sacrilegia, impietates, nec non irreparabilis tot millium animarum jactura & exitium ebull-

liunt. Istæ, ex parte indigni à vobis electi, sunt consequentiæ.

Ex parte verò bene meritorum & exclusorum, quot & quales erunt? remanebunt benemeriti sine debito servitiis præstitis præmio irremunerati; filii eorum & nepotes sine adiutorio & honore, quem majores eorum suo sanguine acquisierunt, vos surripuistis. Respublica necessario destituetur gubernaculo; scandalizabuntur boni; obreclationibus exponentur Principes; exosum habebitur regimen, ipsumq; cui assistitis aut præsidetis malè notabitur consilium: meritum sine spe, præmium sine justitia, illegitima satisfactio excusata, Deus offensus, Rex deceptus, & patria desolata remanebunt. Istæ sunt enormes pessimæq; consequentiæ, ex illo vestro suffragio, vel illa vestra electione pullulantes, de qua fortassis nec scrupulus natus est, sed mercedibus gratiisq; receptis optimè vivitis contenti. Non advertisse vos talia fors dicitis; rem præclaram, & prudente consiliario dignam! si advertistis, peccastis: sîn, peccastis, quia advertere debuistis. Omnia Sacræ Scripturæ exemplis confirmare cuperem: verum instar omnium, erit unum in materia consequentiarum formidabile.

Cain occidit Abelem. Porro jux-

Gen 4.  
v. 10.

ta textum originale ait scriptura : *Vox sanguinum fratris tui clamantium ad me.* Dictum notabile! sanguis Abelis, unius tantum erant sanguis : si igitur sanguis unus singularis erat sanguis, quomodo Deus, multos sanguines contra Cainum clamare affirmat? Paphrastès Chaldæus totum mysterium declaravit : *Vox*, ait, *sanguinum*, id est, *generationum, quæ future sunt de tuo fratre, clamant ad me.* Scitis quare? in effuso sanguine Abelis, ad Deum clamabant sanguines multi, non enim unius singularis sanguis Abelis, è cœlo petebat vindictam, sed sanguines omnium ab eo non occiso descensurorum. Ita ut Cain unius quidem tantum hominis videretur interfecto, & multarum generationum revera esset interemptor: totidem enim descendere poterant ab Abele, quot nati sunt ab Adamo. Peccatum erat occisio unius, & unum tantum in se; consequentiæ verò ejus erant infinitæ. Porro si Deus peccatum punit & castigat ad consequentiâ usq; possibiles; si homines possibiles contra vos apparebunt in die judicii, non quia fuerunt, aut futuri erant; sed quia contra vos esse potuissent: si possibiles tantum homines habent sanguinē & voces in cælum clamantes, quales sanguis verus, veris itidem ex

venis effusus ingeminabit! quales lacrymas veri oculi profundent! quales veri doloris gemitus, vera pectora eructabunt! quales erunt viduitates, orbitates, derelictiones! quales erunt oppressiones, vastitates, tyrannides! quales deniq; consequentiæ ex his omnibus, in tot personas, progenies, sive futuras sive possibiles in finem usq; mundi multiplicatæ. Eheu quissimam super hisce scrupulum sibi facit.

Age, jam intelligetis quàm rationabiliter S. Chrysostomus asserat: *Miror, an fieri possit, ut aliquis ex Rectoribus sit salvus.* Hæc ex notabilioribus, quæ in SS. PP. inveniuntur, sententiis una est: eam repeto: *Miror, an fieri possit, ut aliquis ex Rectoribus sit salvus.* Admiror, inquit magnus Chrysostomus, stuporeq; attonitus considero, utrum Rectorum quispiam salutem consequi possit. Dictum illud & suppositio in quo fundatur, hyperbole & exaggeratio plerumque putabatur rethorica: ast ego talem esse nego, veritatem illam, in omni Theologiæ rigore, moraliter universalem asserens. Moraliter impossibile vocant Theologi, quod vel nunquam, vel quasi nunquam accidit.

In hoc sensu S. Paulus inquit: *Impossibile est eos, qui semel illuminati, & prolapsi sunt, renovari ad*

R 3

pœni-

*Héb. 6. pœnitentiam.* Et in eodem sensu  
*v. 4.* Christus Dominus noster dixit:  
*5. & 6.* *Facilius est Camelum per foramen  
 acus transire, quàm divitem in  
 regnum cœlorum.* Proinde Apo-  
 stoli similiter S. Chrysostomo ad-  
 mirati, eandem impossibilitatem  
*Matth.*  
*23. v. 25* intulerunt: *Auditis autem his Di-  
 scipuli mirabantur valde dicentes:  
 quis ergò potest salvus esse?* Et  
 Christus illorum approbando il-  
 lationem, humanitus quidem il-  
 lorum conformiter opinioni im-  
 possibile, Deo tamen omnia pos-  
 sibilia replicabat: *Apud homines  
 hoc impossibile est: apud Deum au-  
 tem omnia possibilia sunt:* quod fu-  
 it idem, ac moraliter impossibile  
 hominibus, ab impossibili distin-  
 guere absoluto, quod nec omni-  
 potentia divina possibile existit.  
 Et quia Rectores, propter anne-  
 xas suis officiis obligationes, &  
 propter omissiones commissas, &  
 propter emergentia ex eis damna,  
 quæ non ibi sistunt, sed in suis  
 consequentiis continuantur &  
 multiplicantur, difficultatibus salu-  
 tem suam involvunt: hinc S. Chry-  
 sostomus candidè & moraliter lo-  
 quendo sine exaggeratione & hy-  
 perbole pronunciavit, mirari se,  
 nec capere posse, quomodo pos-  
 sibile foret, Rectorum quempi-  
 am salvari: *Miror, an fieri possit,  
 ut aliquis ex Rectoribus sit salvus.*

Ne verò minemur nos, & Re-  
 ctores ipsi, & qui regimen ambi-  
 unt, tantum sibi metuant ab offi-  
 ciis, quantum ab eorundem am-  
 bitu, sententiæ hujus veritatem,  
 ad evidentiam reducendo practi-  
 cam, argumentor sic. Omnis ho-  
 mo gravis alicujus damni causa  
 culpabilis existens, & hoc non re-  
 sarcians, quando potest, non po-  
 test salvari: omnes, vel quasi om-  
 nes Rectores gravium damnorum  
 sunt causa culpabilis, nullus, vel  
 quasi nullus eorum refarcit hoc  
 quod potest: ergò nullus, vel quasi  
 nullus Rectorum potest salvari.  
 Bènè concludit consequentia; &  
 quamvis malè, minore concessâ,  
 etiam probata est experientiâ. Vi-  
 di gubernare multos; vidi mori  
 multos: neminem, qui non mul-  
 torum damnorum causa extiterit,  
 gubernare vidi; neminem, quod  
 poterat, restituere vidi, proinde  
 omnes in inferno luere credere  
 cogor. Ita credo de mortuis:  
 idem timeo vivis. In risum nunc  
 vertite peccata consequentiæ.

### §. VIII.

**E**Xactâ demum & acceptâ ab  
 universo hominum genere ra-  
 tione, conversus Dominus ad la-  
 tus dextrum blandâ voce, amœ-  
 noque vultu, dicet electis: *Venite Matth.*  
*Benedicti Patris mei, possidete reg-* 25. v. 34

mm



*nunc, quod vobis paratum est ab origine mundi.* Quinam verò beati illi, quos sententia illa excipiet? Benedictus Deus, quod omnes nos, quotquot hic præsentes sumus, illi esse possimus si velimus. Quàm bene tunc nobis vitæ hujus cedent ærumnæ! quàm clarè tunc patebit, jugum Christi fuisse suave, quod grave nunc intolerabileque putamus! non rectè sum locutus; multi enim nostrum hic præsentium pro dolor (non audeo dicere, vos *Matth.* audite & intelligite) *Multi sunt* *22. v. 14.* *vocati, pauci verò electi.* *Arcta* *Matth.* *est via, quæ ducit ad vitam, & pauci* *20. v. 14.* *ei intrant per eam.* Conversus

deinde Dominus ad latus sinistrum (non dico benè) non conversus ad latus sinistrum: vultu terribili, omnis miserationis experte (quod credere non auderem, nisi Scriptura Sacra attestaretur) pronuntiabit: *Ite maledicti in ignem Matth. æternum, qui paratus est Diabolo 25. v. 35; & Angelis ejus.* q. d. *Ite in ignem æternum, qui paratus est, non vobis, sed diabolo, & Angelis ejus.* Ast nunc, quia sic voluistis, *Ite.* Dehiscensque mox terra absorbebit simul omnes, iterumque claudetur in omnem æternitatem, æternitatem, æternitatem.



# S E R M O

P R O

## Dominica quarta Quadragesimæ,

Dictus in Capella regia Anno 1655.

Occasione, quâ Author semel ex aula Missionem Maragnanam aggressus, & ex ea redux, ad eandem se mox denuò accinxit.

*Fugit iterum in montem ipse solus. Joan. 6.*



**N**on unâ tantum fugit vice, qui fugit ex corde. S. Joannes Evangelista Christum Dominum nostrum hominumq; Salvatorem, ab eisdem jam semel fugisse dixerat, & iteratò nunc fugisse affirmat: *fugit iterum*. Herode Christo necem machinante, ne regnaret, fugit in Ægyptum: mòdo alijs ipsum regem creaturis, fugit in montem: *in montem*. Amici paritèr & inimici, omnes suo modo persequuntur, horum verò odium, illorumque amorem non nisi persecutionem esse cognoscens, fugit ab utrisque; Christus hodie non solum à sequentibus se turbis, verum etiam à eo-

**I.** mitantibus se fugit Discipulis; ideoque solus fugit: *ipse solus*. Apostoli ex superfluis convivio ciborum reliquijs, duodecim colligendo implevere cophinos singuli singulos; porrò tredecim esse videtur oportuisse, ut & ipsi tanti patratòri miraculi suus obveniret. Nihilò secius plùs discipulis, Magister ex convivio collegit: illi collegerunt panem, hic, ut sese recolligeret, collegit. O si mundus cognosceret quanti sit momenti abstractio una, & quantum colligat se recolligens: *fugit*: Evangelista, Discipulos panum mysterium non intellexisse asserit: *non enim intellexerunt de panibus*. Multòque difficiliòr intellectu est secessus Christi, quàm miraculum. Proinde ego, qui aliàs nonnullos de aula, in hoc loco Sermones habui de

de deserto hodie aliquem dicere proposui. Persuadeo equidem mihi, hoc fore, prædicare in deserto; erit nihilominus prædicare. Tu Domine, qui tentatus à Diabolo, ipsum vicisti in deserto, aggratulationibus applausibusq; hominum exceptus, ab eisdem fugisti in aliud, ipsâ tuâ solitudine mihi assistere digneris, in hoc assumpto, ut sit, qui de se ad te fugere, & in hoc monte tecum ad eò solitario solus morari & vivere velit.

## §. II.

*Fugit in montem ipse solus.*

Joan. 6. v. 15.

**N**ihil in Christo Magistro divino, Dominoq; nostro est novi, quod corporibus pastis, etiam suum animæ ministret alimentum. Itafecit accumbendo cum Pharisæo, in nuptiis Canæ Galilææ, convivâ in domo Marthæ, & vel maxime in ultima cum Discipulis cœna, in qua profundissima divinitatis suæ mysteria docendo discipulis revelavit. Quænam verò famosi convivij hujus bellaria fuisse putamus? fuit exemplum, quo Christus fugiebat ab ipsis, qui dare volebant, quod ipse recusabat, & quo non indigebat: & non verbi, sed operis doctrina, dum solus montis cujusdam desertum solitudinemque petiit: *Fugit in montem ipse solus.* Publica loca cum de-

*Pars III.*

ferto, civitates commutare cum montibus, ab hominum commercio frequentiaq; se subducere, ad conversandum cum Deo, & secum solo, maximi momenti doctrina fuit in Christo, magnæq; prudentiæ resolutio in eo, qui fuerit imitatus.

Scio equidem aularum propugnatoribus, iisdemq; assuetis & ad dictis usitatum, linguâ versare oreque depromere, etiam in Mexico Eremitam dari posse, prout diebus nostris, vir quidam celebratus ab ingenio, cuidam ab illa se civitate subducere paranti, & in hoc consilium à se petenti respondit. Sed nec consilia omnia omnibus indifferenter conveniunt casibus, uti nec medicamina quæque omnibus deserviunt infirmis. Probè novi, quod (quasi convivando) regerant; pusillanimitatis esse, fugere. Quasi fugiendo quis se fortem ostendere vellet: ac si animi generositas deesset ad confringendum catenas, à quibus tot innexi se non expediunt. Cato cum Cæsare, & Pompejus palam dicebat, scio à quo fugiendum sit mihi, sed ignoro, quo. Et qui scit quò, quare verecundabitur audire pusillanimis, quando fugit cum Catone? obtendunt hominem à natura esse socialem, proindeq; societatem hominumq; commercium commutare cum desertorum solitudine esse accusare, vel

*Gregor.  
Lopez.*

S

emen-

emendare velle naturam, & quasi dolere quod sit rationalis. Porro similia dicteria ridens, rationale per risibile probans, ab hoc sese convitio eximit, nec vitio sibi aut religioni ducit, adeò corruptam emendare naturam. Dicunt cum

*Aristot.*

Aristotele, delectatum solitudine, vel Deum esse, vel bestiam: *Aut Deus, aut bestia.* Qui si tres in Divinitate agnovisset personas, solitudinem in Deo non supposuisset: & si cognovisset quod segregans se ab hominibus, magis Deo appropinquet, illum non sub bestiarum ponere prædicamento, sed velut Gentilis, Diis annumerare debuisset. Denique aulam, Principumque servitium, nec non amicorum familiarem deferere consuetudinem, judicii inopie extremæque impurant stultitiae. Quod ego sic dico, quia sic illud dici audiivi. Verùm censuræ huic, Medicos potius, quàm Theologos concernenti respondebit Hypocrates. Celebris ille Philosophus Democritus, qui

*Hypoc.*

*Democ.*

omnia ridens, flere fecit Alexandrum magnum, plures esse mundos asserendo, vana ipsius & inania molimina deridendo lassatus, Patriâ, hominumque derelicto confortio desertum petiit. Quo facto mox fama increbuit Democritum ad insaniam redactum; porro populares ipsius qui erant Ab-

daritæ commiseratione acti Legatos miserunt rogatum Hypocratem, ut pro amore in Democritum, & scientiarum respectu, ad curandum tam nobile, deque scientiis tam benè meritum subiectum venire dignaretur. Quid verò respondisse videtur Hypocrates? respondit, teste Laërtio, siquidem alia foret infirmitas, ad curandum Democritum mox advolarem: verùm desertis popularibus turbis confugere ad eremum, stupore & admiratione, quàm curâ dignius esse, quod ipsi mentis imputabant inopie: Democritum enim nunquam sanioris fuisse mentis, prudentiæque majus specimen edidisse, quàm cum ab hominibus fugit: *Habere in eo magis, quod suspiciat, quàm quod sanet: & illud schema vitæ esse sartam tectamque, vitæ sanitatem: nullogmodo melius sibi consuli contra pestilentem hominum auram, quàm recipiendo se in tuta solitudinum loca.*

*Laërt.*

Istud faciebant, istud docebant Philosophi (cùm ab illis jam exordiamur) rationem seu rationes, quibus ad id agebantur, diversis locis refert Seneca felicius futurus, si fuisset imitatus. Amico Discipuloque suo Lucilio, à quibusnam, ad vitam quietè & tranquillè transigendam, cavendum sibi putaret sciscitanti scribit, primum illi documen-

cumentum distans ut hominum frequentiam turbasque declinet:

Seneca  
Epist. 7  
lib. I.

*Quid tibi vitandum maximè existimem quavis? Turbam.* O quantum magnus ille Philosophus unico tantum verbo comprehendit! Et ratio est, inquit ille; quia confortium societasque hominum species est contagii, quo nec volentes, nec sentientes nostram nobis invicem, & quilibet suam alteri infigit infirmitatem. Et quemadmodum majoribus in locis pestis latius grassatur: ita in civitatibus magis populosis majus periculum subest: *Inimica est multorum conversatio:*

Seneca  
ibidem.

*nemo non aliquod nobis vitium, aut commodat, aut imprimit, aut nascientibus allinit. Itaque, quo major est populus, cui commiscemur, periculi plus est.* Unde inferre mihi liceret, quod quemadmodum tempore pestis, qui possunt, civitatibus desertis ad agros fugiunt; pari planè modo, prudenti sanè cautela, quocunque tempore, cum omne pestiferum existat, ad desertum confugitur. Sed nostrum sequamur Philosophum, erectumque salutis vexillum: *Sanabimur, si modo separabimur à ceteris.*

Seneca  
de vita  
beata  
lib. I.

Seneca documentum suum probando, non alienum sed domesticum in semetipso, Lucilio allegat exemplum: *Ego certè confiteor imbecillitatem meam: nunquam mores,*

ibidem

*quos extuli, refero. Aliquid ex eo quod composui turbatur: aliquid ex his, quæ fugavi, rediit: q. d. fragilitatem meam fateor: nunquam ad tractandum cum hominibus exivi, quin pejor, quàm ante fueram, reversus sim: semper tumultum quempiam passionum, quas jam composueram, sensi: semperque cum vitio aliquo, quod jam fugaveram, reversus sum. Dicturum me tibi forsan existimas, quod avarus magis, ambitiosus magis incontinensque redeo? scito igitur (quod tibi non imaginaris) quod crudelior etiam inhumaniorque redeam, solùm quia inter homines fui: Imò verò & crudelior & inhumanior, quoniam inter homines fui.* Magis exaggerari nequivisset, tractandi cum hominibus periculum! Quod si diceret, quod alias nobis infirmitates & accidentia affricarent, miseræ infirmi sæculi imputandum foret; sed homines allinere inhumanitatem? nunquid humanitas ipsa est hominis essentia? feræ conversando cum homine, nonne cicurantur & mansuefiunt? sic est, vel erat: humana verò natura catenus à proprio suo degeneravit esse, ut vice ejus, quod ex conversatione humana referenda esset humanitas, quod ex hisce hauritur fontibus, sit inhumanitas. Humani gratis antequam cum ho-

minibus ageretur, postquam cum illis egistis, non sententientes, neque scientes, inhumanos vos invenitis: *Et inhumanior, quoniam inter homines fui.* Nunc non sufficit hominibus exercere inhumanitates, sed eò progrediuntur, ut ipsam exuant humanitatem, quod peius est. Inhumanitates exercere crudelem esse arguit; inhumanum esse, hominem non esse, immò homini contrarium esse probat. Si videremus solem, cujus est illuminare, tenebras inducere; ignem, cujus est calefacere, si ignis excitare; hominemque generando, loco hominum, tygrides, serpentesque procreare, nonne monstruositas horrenda videretur? istud faciunt homines, non solum suam propriam, verum etiam conversantium secum exuunt humanitatem. Ecce, num prudentiæ sit, fugere ab hominibus, ipsum esse hominis conservaturos?

Secunda Senecæ, pro eodem, ratio est; à multis esse fugiendum. In factionibus seu sectis partialibus valde naturale est, partem amplecti plurium: *Facile transitur ad plures.* Et quia multitudo hominum tota propendit ad vitia; quænam, quæso, tam solida robustaq; virtus, quæ tot vitiorum impetui & torrenti resistere valeat? *Socrati, Cata-*

*ni, & Lelio excutere mentem dissimilis multitudo potuisset: adeò nemo nostrum, qui maxime concinnamus ingenium, ferre impetum vitiorum, tam magno comitatu venturum potuisset.* id est. Si Socrates, Cato, Lelius, qui inter Græcos & Romanos virtutis fuere Athlantes, vitiorum molem & impetum sustinere nequiverunt: & si isti, perditis propriæ vitæ morumq; coloribus, induerunt contrarios, quamvis tam dissimiles: quantò magis nos, qui fragilitatis imperfectionisque nostræ conscii, illam nonnisi obtinere satagimus? violenter igitur ab exemplo communi, & quasi necessitate compulsis, ut conversantium nobiscum hominum nos moribus ingeniisque conformemus, quid remedium, in conditione tam inæquali, restat, nisi fuga? Quod idem Seneca consono valde ingenio suo argumento resolvit: *necesse est, aut imiteris, aut oderis, utrumque autem vitandum est: ne vel similis multis fias, quia multi sunt: neve inimicus multis, quia dissimiles sunt.* Cùm hæc sit conditio eorum, qui mundum implent, & fortè eorum etiam qui hoc præcipiunt, quid homini tales inter homines agendum est? vel, quæ tales imitandi sunt, vel quia tales, odio habendi sunt: & in dubio illos imitandi aut odio

odio habendi, nec imitatio, nec odium quicquam illi prodesse potest; quia pro imitatione, sunt mali: & pro inimicis sunt multi: vel similis malis, vel inimicus multis. Convenientissimum igitur est fugere, & utinam hoc sufficeret!

Tertiam rationem, quæ præcipuum sibi in eodem Seneca vendicat, & in aliis vendicare potest locum, ipsemet declarat, priorem deplorando vitam: *Omni operam dedi, ut me multitudini educerem, & aliquam dotem notabilem facerem.* Laboravi, inquit, omnibus viribus, ut multorum me numero subducerem, & notabile quid agerem, quod dotis instar ad lucrandam famam, mundi quæ existimationem mihi deserviret. Quid verò fructus ex hoc meo labore retuli? *Quid aliud, quam telis me oppressui; & malevolentia, quod morderet, ostendi.* Hoc inde reportavi, ut contra me provocarem alios, pectusque telis objicerem, nec non malevolentia materiam suggererem, cunctos infigendo, haberet quod morderet. Et quare? rationem addit illam digito monstrando: *Vides tu istos, qui eloquentiam laudant, qui opes sequuntur, qui gratia adulantur, qui potentiam extollunt? omnes aut sunt ho-*

*stes, aut (quod in equo est) esse possunt.* Prosequitur: Cernis illos qui eloquentiam deprædicant, qui divitias sectantur, qui gratia adulantur, qui potentiam venerantur & adorant? scito omnes aut esse, aut esse posse inimicos, quod idem est: *Quam magnus ibidem mirantium, tam magnus invidentium populus est.* Quantus te mirantium, tantus tibi invidentium populus est. Admiratio quandoque suspensa & muta erit, ut assolet: at invidia ad centrum redacta, majore violentia, quam circulus erumpet, & quod fuit applausus, in stragem convertetur. *Potius nobis invideant, quam compatiuntur;* fuit nata in Gentilitate sententia, postmodum à Gregorio Nazianzeno Christianitate donata; in eodem verò Nazianzeno ostendit experientia, compassionis potius, quam invidentia statum esse eligendum: illa etenim æmulorum suorum tali eum exagitavit modo (aut sine modo) ut instar Jonæ, in mare se precipitare compulsus, eadem ipsi invidentia fuerit compassa. Hæc nisi effecerit, ut sic se exoneret, non quiescit. Hinc Seneca concludit, quod ante actæ vitæ poenitens, postquam id mundo notum fecerat, consilii loco se recolligere secū re-

*Ibidem* solveret, ijsque animum excolere exercitiis, quæ solus ipse sentire, nec quisquam hominum videre posset: *Quin potius quæro aliquid usui bonum, quod sentiam, non quod ostendam.*

*Estob.* Hæc fuere motiva & rationes, quare magni isti Philosophi secedendo in desertis, hominum turbas consortiaque fugiebant: quorū quidam interrogatus, quemnam ex omnibus studiis suis fructum collegisset, respondit, scire vivere mecum solo: quod ita narrat Estobeus. Idem confirmat Seneca, dicens: *Senec.* *primum argumentum bene compositæ mentis existimo, posse consistere, & secum morari.* Id est, primum rationis non turbatæ, prout in principio dicebatur, sed ritè dispositæ indicium est, quod homo sciat morari secum: *secum morari.* Sed de Philosophia ad Christianitatem, & à documentis rationis sine fide, ad documenta fidei & rationis, quæ sanctorum sunt, transcamus.

### §. III.

*Metaphra-*  
*stes die*  
*19. In-*  
*lij. &*  
*in vit.*  
*pp.* **M**agnus ille vir, & in omni vitæ genere clarissimus Arsenius, ab Imperatore Theodosio postulat, & à Papa Damaso, Arcadij successoris in imperio jam declarati, Magister nominatus, tanti ab eodem Imperatore æstima-

batur, ut vice quadam filij sui lectionem auditurus musæum ingressus, cum Arsenium stare, Arcadium verò sedere vidisset, utrumque indecentiæ, qualem ipsi non subesse putabant, arguendo, Arsenium deinceps docere sedentem, Arcadium verò stantem & directo vertice iusserit auscultare. Cum hac tanta sui æstimatione, tantique Monarchæ favore, nec non Palatij totius, aulicorumque, qui semper vel pro reverentia, vel pro adulatione, affectui Principū se accommodant, vel se accommodare videri volunt, applausu, Arsenius agebat inquietus maleque contentus, neque præsentis, neque futuris fortunæ promissis ullatenus credebatur. Anxius igitur animo, resolutionisque capeffendæ ignarus, non ab amicis, quantumvis authoritatis maximæ consilium petiit; multoque minus secum inire consultum putans, ad Deum, qui solus in tranquillitatibus & tempestatibus hujus tam instabilis maris sidus est securum, confugiens, vocem de cælo sibi audiebat dicentem: *Arseni fuge homines, & salvus eris.* Quo accepto documento, ad quod intelligendum voce opus non erat, non petita ab Imperatore licentiâ (quippe quam sibi negandam præsciebat) clam navigio se committens Arsenius, è

Con-



Constantinopoli fugiens in Ægyptum, in intima deserti se recipiens, in perpetuam habitationem sibi speluncam elegit, in qua, quia vivum se sepelire novit, cæleste ita oraculum verificavit, quod se salvaturus esset; sicut fugiendo ab hominibus illi morem gesserat: *fuge homines, & salvaberis*

O si illud acceptaremus consilium, velut omnibus datum, & quilibet intelligeret, quid dicat sibi. Christo dicente Marthæ:

*Luc. 10 Maria optimam partem elegit: &*

*9. 42. diviti adolescenti: vende quæ ha-*

*Marth. bes, & da pauperibus: & ei quem*

*19. 21. juxta piscinam sanaverat: jam noli*

*hæc. 5. peccare: verba dicebantur uni tan-*

*9. 14. tum, sed doctrina spectabat ad*

omnes. Deleat quisque nomen Arsenij, suumque illi substituat agnoscens, quod in deserto & populo, qui ex corde salutem consequi desiderat, ab hominibus fugere debeat. Hoc ille magnâ peregit constantiâ, & ecce quomodo.

Mox ut innotuerat Arsenium transiisse in Africam, de loco, ubi se recollegerat, edocti statim ad invisendum illum abierunt Alexandrinus Episcopus Theophilus, regisque urbis Præses: quos cum Arsenius non consuetis & usitatis in aula, quas in Palatio reliquerat, sed proprijs deserto ceremonijs, modestè scilicet & verecun-

dè exciperetur, rogârunt illum hospites, ne adeò inurbanè ipsos à se dimitteret; sed aliqua saltem ædificationis verba depromeret, quibus consolati ad sua reverterentur. Quid respondit Arsenius? id se facturum respondit, si quod dicturus erat, illi se executuros promitterent. Quibus conditionem acceptantibus, dixit Arsenius, referente Metaphraste: *ubi esse Arsenium audieritis, hoc vobis cavendum est, ne velitis amplius eò venire.* Hunc sermonem ad dignitatis autoritatisque tantæ auditores habuit, quo non minus ædificari, quàm compuncti, sunt regressi: & tanquam prudentes, quales erant; & veri amici Arsenij, quales fuerant, promissa sua adimplendo, resolutioni suæ sic se conformârunt, ut nec ullam deinceps ab eo correspondentiam expectarint, nec silentium ipsius interturbarent.

Vivebant eodem in deserto non simul sed seorsim, quilibet suo in antro, aut tugurio, alij Anachoretæ, quibuscum interdum sermones miscendo, illos tanquam disciplinæ monasticæ, vitæque eremiticæ Magistros auscultabat. Potrò seni cuidam tam stupendæ fugæ motivum sciscitanti respondit: *non posse se cum Deo simul, & cum hominibus vivere.* Hujus verò impos-

impossibilitatis rationem declarando dicebat: quia voluntates hominum raro cum voluntate Dei concordant: voluntasque Dei una tantum esset, & semper eadem; è contrario verò voluntas hominum tam sit multiplex & varia, & contraria, quot dantur homines, nec non commoda eorum & appetitus: & quoniam eodem in homine, eadem voluntas instabilis, sit varia, & ambulatoria. Hoc modo rationem suam probabat & concludebat Arsenius: & ex hac demonstratione infallibili, una è tribus conclusionibus æquè certis deducitur: vel, quod arbitantes se cum Deo, & hominibus vivere, decipiantur: vel quod viventes cum hominibus, non vivant cum Deo: vel quod victurus cum Deo, deserere debeat homines.

Si ipse Deus voluntates hominum cum sua conciliare nequit, quomodo homo omni conatu suo hominum voluntates cum illa Dei conciliare prævalebit? de Davide dixit Deus, se invenisse hominem secundum cor suum, qui faceret  
*Mat. 13. omnes voluntates ejus: inveni David secundum cor meum, qui faciet omnes voluntates meas.* Et cum homo iste singularis esset inter homines, & Rex omni exceptione major, præ cunctis Regibus, quando vitam eripi mandavit Uriæ,

quando fatalium sibi ipsum literarum fecit latorem, & quando in tragici illius actus exordio, uxorem ipsius sibi rapi mandavit, non recordatus heroici animi & fidelitatis, quo sibi Urias in bello actualiter serviebat, quis quæso, adulandi arte sic eruditus, qui voluntates istas cum illa Dei conciliare posset? ægrè igitur conciliatio similis in animum adeò veritatis amicum, adeò rectum & integrum, adeò denique constantem, qualis Arsenij erat, cadere poterat. Expertum se illud sciebat, Romæ & Constantinopoli in duabus maximis mundi aulis: de quibus dicere consueverat, trium fortissimorum hostium qui sibi in illis bellum intulerant, unum vocari, videre; alterum, audire; tertium, loqui; à quibus desertum ipsum liberasset, ubi nec visus, nec auditus esset, nec loquela: *qui sedet in solitudine quiescit, & à tribus bellis eripitur, id est, auditus, locutionis, & visus.* Et in mundo, ubi tot & tanta videntur, quæ videri non possunt, & audiuntur illa, quæ audire illicitum est, dicuntur & dicta sunt quæ loqui fas non est, quo pacto homo, nisi cæcus fuerit, surdus aut mutus, vivere poterit, nisi fugiendo homines: *fuge homines?*

Similiter illud, uno ante Arsenium sæculo, primus eremi initiator

tiator Paulus, & secundus ejusdem inhabitator intellexerat. Imperator Constantinus Magnus, Antonij similiter antonomastice Magni, famâ motus ( soli etenim magni æstimare nōrunt, & vicinos sibi prope sine metu patiuntur magnos ) in Ægyptum, ad eum Romam accersendum, Legatos deputavit, rogatum ut Romam venire placeret, consortio enim ipsius frui, consilioque ipsius & exemplo adjuvari desideraret. S. verò Anachoreta Fagos eremi suæ & Cypressos Palatii turribusque capitis mundi præferens, pro honore sibi oblato actis Cæsareæ Majestati gratiis, ab acceptatione ejusdem, communibus & conformibus religiosæ modestiæ, abstractioni professionis suæ, humilitati-que status sui terminis sese excusavit. Responsum illud fuit publicum. In particulari verò, & privatim, tam nervosam & discretam a- liam Antonius non acceptandi dedit rationem, ut Romanum magis politicum, quàm Thebaidis incolam redolere videretur. Quæ fuit ista: *si ad Imperatorem venero, Antonius ero: si minus Abbas Antonius.* Etiam in desertis ratio statûs locum habet. Magnus ille vir, in proprii commodi & utilitatis stat- tera appendit damnum emergens

Pars III.

cum lucro, & hoc quod erat, cum illo quod esse debebat: appen- dit Antonium in Palatio, cum Antonio in deserto; proinde quia *Dan. 5. in palatio seu aula, inventus est v. 27. minus habens: prælegit in deser- to esse Antonius Abbas, quàm in aula titulo isto carens.*

Verùm enim verò, pæc tuâ Politice sancte, resolutio tua, nec quâ sancti, nec quâ politici cu- jusdam, debite mihi fundata vi- detur. Si vocatus ab Imperatore non vadis, ne esse, desinas Antoni- us Abbas, vade, multòque ma- jor evades. Si non fueris Anto- nius Abbas, eris Antonius Epi- scopus; eris Antonius Archiepi- scopus; eris Antonius Præsul; e- ris Antonius Statuum consiliarius: & quod excedit omnia, eris An- tonius intimus & familiaris, quod sine nomine, maxima est dignitas, & sine jurisdictione maxima po- testas. Denique apud Constantinum eris, quod Joseph apud Pharaonem: & quod Daniel apud Nabuchodonosorem: ille no- men habebit Imperatoris; & tu Monarchiæ imperium. Casu quo, te velut politicum deserti, istæ mundi hujus ambitiones non movent; saltem velut Sancto tan- ta, tamque oportuna cultui ho-

T

mori-

Corn. a  
Lap. in  
cap. 3.  
Exod.

norique Dei promovendo, arripienda foret occasio, qualem Imperator & tempus tibi nunc offerunt. Necdum Roma tota subiecta parat Christo: adhuc in Capitolio invocatur & adoratur Jupiter. Annus adhuc cum festis geminâque Jani facie incipit & finit: sub concavo Pantheon adhuc audiuntur nomina: & in pedibus omnium falsorum Deorum cernuntur statuz. Si hucusque serviisti Deo in deserto, silentio: tempus nunc est eidem etiam serviendi voce. Age, Romam perge, prædica, confunde, converte: & si zelus Constantini incipit ædificare templa, tuus desinat in destruendo Idola. Recordare, Esdram è sylvis prodeuntem vidisse leonem, qui solo vocis suæ rugitu aliquam prosternebat Aquilam, mundi sibi solitam usurpare potentiam. Cum hæc Aquila, sit aquila Romana, tu Leo esto Africanus, qui è deserti hujus prodeundo præruptis, evulsum ex unguibus ejus sceptrum, ad manus transferas Christi. Proinde si tot rationes & motiva, tam divina quàm humana Antonium, ut deserto relicto, Romam pergeret permovere potuissent, quare se excusat, quare non venit?

Certum est, magnum Antonium, ob scyllæ charybdisque transcundæ metum, iter non recusasse:

sed quia timuit denuò conversari cum hominibus, quos tot jam fu-gerat annis; propterea dixit, si iret, reversurus esset Antonius, qualis ante fuerat; & non Antonius Abbas, qualis in præsentia erat. Non dignitatis jacturam; sed professionis spiritum perdere timebat. Anachoretarum professio, procul hominum consortio degere cogebat; quod, ipsum nomen, interprete Hieronymo, qui ipsa deserta personaliter sæpius invisit, significat: *Quod procul ab hominibus recederent, Anachorita vocabantur*. Porro si professio Antonii, procul ab hominibus mundi agere compellebat, quomodo suæ se professioni conformare, aut integram & inviolatam eandem conservare quivisset, si non solum ad civitatem frequentissimam, sed ipsum mundi caput, quò omnes gentes confluebant, rediisset. Si Antonius suo homines fugiendi exemplo, deserta hominibus replerat, quo pacto ea nunc suo evacuaret exemplo, ad gentes redeundo? ratio eadem quare ab Imperatore erat vocatus, in nihilum fuisset redacta si venisset: & non nisi, non veniendo, nec desertum relinquendo consistebat. Noverat Antonius, Baptistæ majorem contulisse nominis famam desertum sine miraculis, quàm Christo sua miracula,

in populo. Quantò magis Romanam accedenti curiam plus timendum, quàm sperandum occurrere poterat. Enim verò quid Davidi cum Satrapis Regis Achis evenit? & quomodo Danielelem Nabuchodonosoris & Darii Regum consiliarii tractârunt? Constantino austeriorem vivendi methodum in Antonio pertæso, assentatores aulae utique in eandem irent sententiam: & Prædicator sine authoritate & respectu, quem fructum faceret docendo? Vice versa, si gratiâ valeret apud Imperatorem, quæ incrementum sumeret; quales non laqueos ipsi tenderet invidia, ut deijceret? Denique si ipse Constantinus tam inconstans fuit indolis & genii, adeoque suspicionibus obnoxius, ut nepotem suum Licinium, Crispumque proprium suum filium, nec non conjugem suam Faustam sine causa, vitâ privârit: quid non cuilibet homini, à tali homine timendum erat? multum, velut homo, multum velut Politicus, multumque denique velut Sanctus, fecit Antonius in solitudine, & procul hominibus perseverando.

Supereft tantummodò in hac materia scrupulus optimè fundatus, siquidem in virtute potentiaque cœli fundatur, quâ idem cœlum magno huic viro assistendo

cum protegebat. Nemo majores ab inferno victorias referebat: nemo sic omnes dæmones simul ad luctandum provocavit, in omnibus certaminibus devicit velut Antonius. Leones, ursi, tygrides, serpentes, aliaque Africæ monstra, non solum non lædebant, sed obediendo Antonium venerabantur. Age, si ex dentibus venenoque ferarum, si ex potestate & astutia dæmonum Antonius non habet quod timeat, quare timeret, hominesque fugit? quia homines feritate ipsas feras, & malitiâ ipsos dæmones superant. Dæmones nec carne, nec sanguine constant, sunt enim spiritus: feræ intellectu carent, & voluntate, solo enim aguntur instinctu: & homines pejores sunt dæmonibus, sunt quippe dæmones, cum carne & sanguine: suntque feris magis feræ; sunt enim feræ cum intellectu & voluntate. Res admiratione protinus digna: Christus unico verbo & in momento, legionem sex millium & sexcentorum (uti in Genezareth accidit) sibi subjecit, & Judam tot beneficiis, tot exemplis, tot exhortationibus, tot minis, integro anno ad saniores mentem non reduxit. Sic ex historia Evangelica constat; integro enim anno, ante consummatam à Juda prodicionem Chri-

Joan. 6.  
v. 71.

stus de illo dixerat : *Ex vobis unus diabolus est.* Si igitur Christus tot millia dæmonum tam faciliè subegit , quare diabolum Judam reducere nequit ? Quia alii diaboli erant puri spiritus : diabolus Judas erat diabolus cum carne & sanguine. In Juda concurrebat, quod S. Paulus discernebat : *Non est nobis colluctatio adversus carnem & sanguinem, sed adversus principes tenebrarum, contra spiritualia nequitia.* Ad reducidos verò diabolos cum carne & sanguine, non sufficiunt rationes, neque exempla, neque miracula; immò nec minæ nec terrores, neque industria humana, aut plus quàm humana. Hinc tot non suffecerunt modi, ad inventiones & industriæ toties repetitæ, tanto tempore continuatæ, ut Judas ad saniora reducere-  
tur : sed neque suffecit quod propriam suam carnem & sanguinem præbuerit; erat enim diabolus cum carne & sanguine.

Hæc fuit ratio, cur magnus Antonius, omnibus aliis dæmonibus devictis, nec cum diabolis carne & sanguine constanibus, neque cum feris intellectu præditis, quicquam commune habere voluerit. Quamvis mox à creatione, Deus bestiis de armis naturalibus

providit, hominem verò inermem condidit, nihilominus, non in statu solùm innocentiz, verùm etiam post diluvium, hominem bestiis terrori futurum dixit : *Terror vester, ac tremor sit super cuncta animalia terra.* Videntur animantia potius terrori esse debuisse homini, propter naturalia sibi arma; & non hominem inermem animantibus terrori. Ut quid igitur Author legislatorque naturæ inquit, quod omnia animantia, quantumcunque fera & ferocia coram homine tremant? quia homini quantumvis inermi donavit intellectum quem feris negavit : & magis timendus est homo inermis cum intellectu, quàm omnes bestię armatæ sine illo. Si verò intellectus transeundo ad bestias, se illis uniret, aut bestiarum ferocia intellectui uniretur humano, quis, quæso, bestias illas cum intellectu domare, compescere, aut evadere posset? Utrumque S. Laurentius  
Justinianus egregiè notavit : *De-  
serta sunt castra Dei, & refugia  
munitissima ab incurribus intellectu-  
alium bestiarum valde secura.* Scitis, inquit magnus iste Patriarcha ( qui velut gregis hujus pastor ipsum benè noverat ) scitis quid communiter sint homines? sunt bestię intellectuales, sunt fe-

Gen. 9.  
v. 2.

Laurent.  
Justin.  
lib. 7. c. 8.

re instat aliarum, sed cum intellectu: *intellectualium bestiarum*: & unicum relictum à Deo, illas evadendi refugium, est desertum. Verum est; eadem deserta ab aliis bestiis inhabitari, quæ vulgò feræ vocantur; ast istæ, quamvis Leones sint Tygrides, sicut in primo Adamo, venerantur innocentiam, & inter se commorantium reverentur sanctitatem: Verùm contra bestias intellectuales, contra feras cum intellectu & voluntate, & voluntate mala, nullum tutius datur remedium, quàm fugere, & in desertum se recipere. *Deserta sunt refugia munitissima, ab incursibus intellectualium bestiarum.* Gravissima igitur ratione motus Antonius quamvis sylvestrium domitor ferarum, vires suas cum feris noluit probare popularibus, neque periculo jacturæ exponere, quod cum bestiis sine intellectu lucratus fuerat; & hoc potissimum Romæ, ubi homines erant sic feri & intelligentes, ut pro ludo & oblectamento feris obijcerent homines.

Hic verò replicabit nonnemo, vel replicabunt omnes, & solidiore motivo, hanc ipsam esse causam, quare Antonio Romam

veniendum fuisset. Veniat instar lapidis Davidis ad caput mundi & idololatriæ feriendum, unius Dei liberè prædicet fidem; immortalium nuncupativè Deorum falsitatem confuter: etsi propterea amphitheatri leonibus obijciatur, alter Ignatius erit, si vivum se devorari sinat: si verò à leonibus honor & veneratio sibi exhibeatur, caput sibi amputari patiatur, & secundus erit Joannes Baptista. Fateor equidem ultimam hanc instantiam exitu coronari arduo: Verùm quemadmodum prudentiæ actus fuit in Constantino dissimulare, nec armis impugnare idololatriam; pari ratione prudentiæ fuit in Antonio, eandem prædicatione non impetere. Deus expressè per Prophetam Amos protestatur, quod sicut quadravitillis, ita pariter aliis temporibus servire potest: *Odio habuerunt corripientem in porta, & loquentem rectè abominati sunt: ideo prudens in tempore illo tacebit; quia tempus malum est.* Corruptio morum sic invaluit (inquit Propheta) ut potentes iniquitatum suarum reprehensorem oderint; & veritatem loquentem abominentur: quid proinde prudenti Prædicatori casibus talibus

*Amos.*  
5. v. 10.  
& 13.

T 3

talibus faciendum? Tacere: quantumvis enim doctrina sit bona, tempus est malum. *Prudens in tempore illo tacebit, quia tempus malum est.* Prudentèr igitur magnus egit Antonius, solitudinis suæ silentium continuare maluit, quàm capiti mundi prædicare; in mundo enim fructificare nequibat alijs, in deserto verò sibi fructificare valebat. Denique Antonius practicavit tunc, quod Christus fecit hodie: scilicet, cum prædicare potuisset turbis, fugit ab eis: *fugit.*

#### §. IV.

*Fugit in montem.* Evangelista Christum in montem fugisse dicit, montis nomen subticendo. Verùm fugere in montem sine nomine, est circumstantia fugam qualificans. Fugit tanquam secessum, & non famam quærens: fugit, velut incognitus latere cupiens. Ita Deus Moysen sepelivit, nec, ubi, hucusque innotuit; & ita sese sepelire & abscondere oportet, qui desertum tanquam sepulchrum subit. Porro ne sepulturæ nomen horrorem incuriat vivis, & Echo deserti nescientibus vivere solis: profundiore adhuc mysterio Evangelista nomen montis subticuit. Dixerat desertum, & hinc nomen tacuit proprium; omnes enim excellentias, quæ nominatos

montes fecere nominatiores, nomen, deserti, includit. Age aggregiamur excellentias illas contemplari de monte in montem, & de deserto in desertum, ut horrorem illis adimamus.

Apparuit Deus Moyfi in deserto Madian, populum ex servitute Ægyptiaca educere mandans, qui cum à tam arduo se negotio, de successu dubitans, excusaret, in signum optati eventus dixit quod in monte sacrificium gratiarum actionis Deo foret oblaturus: *Cum Exod. 3. eduxeris populum meum de Ægypto, immolabis Deo super montem istum.* Mons iste erat mons Oreb, in interiori deserti ejus parte situs: *Cumque minasset gregem ad interiora deserti, venit ad montem Horeb.* Et, Horeb, quid significat? Horeb, in Hebraico idem est quod desertum: porro in hoc monte, deserti nomen præferente, & in interioribus deserti exurgente: *ad interiora deserti,* filij Israël à captivitate Ægyptiaca se jam liberatos cernentes, Deo gratias egerunt; prima etenim prærogativa, quâ deserti incolæ gaudent, est à locorum publicorum captivitate sese expedire. In cujus confirmationem figuræ locum mirabilem auscultate. Psalmus Septuagesimus sic inscribitur: *Psalmus David filiorum Ionadab:* 70.

id



id est Psalmus Davidis, quem cantarunt filij Jonadab, qui fuere captivi primi. Filij Jonadab, alio nomine Rechabitæ vocati, erant velut Monachi, vel Anachoretæ legis veteris, in desertis Hierosolymiticis degentes solitarii. Captivitas verò, de qua hic loquitur Scriptura, est illa, quando eadem Jerusalem ab exercitu Chaldæorum obfessa & subacta, quotquot Hebræorum fuerunt inventi, captivi in Babyloniam fuerunt abducti. Hoc supposito nunc dubium subit, quare filij Jonadab Eremicolæ, priores vocantur captivi: *Filiorum Jonadab, & priorum captivorum*? An fortassis, quod appropinquante Chaldæorum exercitu, quia in desertis latitabant, primi in manus hostium inciderunt? nullatenus: quia Gubernatores & propugnatores civitatis, mox, audito exercitus Chaldaici adventu, omni studio Eremicolas illos ex latebris suis excitos, civitatem ingredi compulerunt. Si igitur civitate subactâ, totoque cum ea regno, communis omnes captivitas comprehendit, omnesque pariter in Babyloniam abducti captivi, quo pacto scriptura illos Eremicolas, primos appellat captivos, *Priorum captivorum*? Rationem, differentiamve eruditione iudicioque suo dignam reddit S. Hieronymus: *Filii Jonadab,*

*qui in tabernaculis semper habitabant, ad extremum propter irruptionem Chaldaici exercitus, Hierosolymam intrare compulsi, hanc primæ captivitatem sustinuisse dicuntur, quod post solitudinis libertatē, urbe quasi carcere sunt reclusi.* Ratio (inquit ille Doctorū maximus) quare in captivitate hac & transmigratiōne universali filij Jonadab vocantur primi prioresve captivi, non fuit, quod Chaldæi eos prius cæteris captivarunt; sed cum essent deserti incolæ, ipsi Hebræi illos civitatem intrare compulerunt: & videntes se civitate conclusos, veluti desertis assueti homines primi sensere captivitatem; in desertis enim agentes reputabant se liberos, in civitate verò & populo captivos. Alij ex Jerusalem in Babyloniam jam abducti primū captivi sunt facti; illi verò ex deserto exciti civitatemque intrare compulsi mox suam experiri cœperunt Babyloniam & captivitatem: *Quod post solitudinis libertatem, urbe quasi carcere sunt reclusi.* S. Hieronymus, tanquam deserti quietem, civitatumque tumultus expertus fuit locutus. Vitam suam alternativè jam Romæ, jam in civitatibus Græciæ, jam in desertis Thebaidis & Palæstinæ commorando consumpserat: scribensque Rustico dicebat: *Mihi oppidum caro*

*cer est, solitudo Paradisus.* Proinde à tali se liberare carcere, à tali se expedire Babylonia, talem evadere captivitatem, prima, ut dixi, prærogativa est eorum qui civitates populumque derelinquere decernendo, cum Christo fugiunt in montem: ubi propterea Deo, laudis gratiarumque actionis sacrificium ipsis est immolandum.

De monte Horeb, ad montem Sinai transeamus: ambo deserti, & ambo in deserto. Res mirabilis, & notatu dignissima, quod Deus scripturus daturusque legem hominibus, hunc in finem montem sibi, & quidem situm in medio deserti montem, qui fuit mons Sinai in desertis Arabiæ situs, elegerit. Non pro montibus, neque pro desertis sunt conditæ Leges, sed pro populis & civitatibus. De Civitate Hierosolymitana Legem exituram inquit Propheta: *De Sion exibit Lex, & Verbum Domini de Ierusalem.* Omnia & singula legis istius, ex quibus constabat, membra ad populum, ad civitatem hominumque congregationem ordinabantur. Quatenus moralis, secundum primæ tabulæ præceptum, & decem secundæ tabulæ præcepta justitiam charitatemque erga proximum concernebant, ut societas convictusque humanus sine læsione & offensa con-

servaretur: quatenus cæremoniâlis, cultum divinum, expiationes, & sacrificia respiciens, etiam ad sui exercitium, non extra, sed intra civitatem locum requirebat. Templum tantum erat unum, in Urbe Hierosolymitana situm, ad quod ter in anno omnem populum confluere oportebat. Quatenus denique civilis & politica, ipso suo nomine civitatem, communitaltem, rempublicam, tribunalia, Judices, partesque designabat. Proinde si leges conditæ sunt pro populis, quare eas Deus in populo non condit & scribit? si pro civitatibus & rebus publicis, quare illas in monte, medioque deserti scribit? quia in montibus duntaxat & desertis, inquit Philo Hebræus, homines ad præcepta divinæque sapientiæ dictamina dignè recipienda capaces sunt: *Quod ad sacras leges recipiendas animus purificatus requiritur elutis maculis, quæ hærent ex Miscellanea turba in civitatibus degentis contagio; id verò non est possibile aliter, quàm in deserto efficere.* q. d. Ad recipiendam percipiendamque sanctitatem legumque divinarum spiritum, animos ab omni affectuum, curarumque terrenarum quæ eos turbet & disordinet, labe defæccatos esse oportet: ista verò defæccatio, animique tranquill-

Usui. 2.

Philo  
Hab.

quillitas & ferenitas, populares inter turbas & tumultus, civitatumque labyrinthum haberi nequit, sed confugiendo ad montes, desertorumque quiete & silentio. Leges Dei vivendi sunt methodus, animæ specula, conscientiaque perpendicularis; & in mediis impedimentis, contradictionibus, continuisque civitatum & communiatum pugnis & dissensionibus, regulæ perdunt rectitudinem, libere æqualitatem, omnia denique ordinem & modum, sine quibus (assertore Philone) impossibile est mandata percipi divina; vel ea, quæ percipiuntur rectè observari. Quodnum ita se habeat, in ipsis Legis tabulis considerate. Quam diu legis tabulæ fuerunt in monte, manserunt integræ: mox cum Moyses cum eis pergeret ad populum, sunt contractæ. Quibus contractis, quodnam restaurandi superfuit remedium? non aliud, nisi ut Moyses ad Deum montemque rediret: cum solo quippe Deo, & in monte, leges ejus illæ custodiuntur: & cum solo Deo & in monte, jam contractæ restaurantur. Denique Deus eandem dando legem, cum esset universalis, & pro omnibus, in singulis ejus præceptis, unitan-

Exod. tum est locutus: *non occides, non*

*Pars III.*

*machaberis: non furtum facies: 20. v. 19.* ut intelligeremus, solos solitarios illas venerari; solos solitariè viventes illas observare, solos debiles solitariè fructum ex eis percipere. Et isti sunt, qui legum insequentes originem ex populo fugiunt ad desertum: & ex civitatibus ad montem: *in montem.*

Verùm ne in Lege tantum veteri, Deus id nos docuisse videatur ad novam transeamus. Christus Dominus Redemptorque noster novam, propriaque suam legem promulgavit: ubinam verò eam promulgavit? similiter in deserto & monte: *Ascendit in montem, & cum sedisset, accesserunt s. v. 1. ad eum Discipuli ejus: & aperiens os suum docebat eos. Matib. 2.* Mons iste, juxta communem omnium P. P. Sententiam, fuit mons Thabor, Planitie Galilææ triginta supereminens stadiis, & ab aula Hierosolymitana quadraginta milliaribus, juxta Ægypti descriptionem distans; & in hoc deserto undequaque monte Magister divinus cathedram suam collocavit: *cum sedisset*: hic Discipulos suos congregavit: *accesserunt ad eum Discipuli ejus*: hic denique primas doctrinæ suæ divinæ lectiones prælegere cepit:

V

pit:

pit: *Et aperiens os suum docebat eos.* Alium utique magisque ab hominibus frequentatum locum, immò & alium quoque montem (velut illum Sion in medio Jerusalem situm) ad scholam in eo habendam, Christus eligere potuisset: elegit verò adeò à civitate eadem distantem, & à populi frequentia remotum, ut ipso nos primum exemplo practicè doceret, suam cœlestis Sapientiæ scholam, vitam esse solitariam & desertum. Quod ita Petrus Damianus affirmat, qui cum deserto commutavit Romam, & cum saggo purpuram: *Solitaria vita est schola doctrina cœlestis, & divinarum artium disciplina: illic enim Deus est totum, quod discitur.* O quis hujuscemodi cathedram erigeret, cui se non omnes mundi universitates opponerent: hic graduati sunt nominati illi Antonij, Arsenij, hîc Pauli, Hilariones, & Pachomij; omnesque illi doctissimi in æternitate Laureati Idiotæ, qui ex ignorantibus facti sunt sapientes, vel ex sapientibus facti stulti propter Christum.

Libri quibus vacabant sine speculatione, & oblivione magis quàm memoriâ; erant illi à S. Bernardo sic approbati, & æquè ab omni invidia ac ab omni immunes censura. S. Bernardus

cuidam literas nôsse desideranti, quem magis ipse literatum, doctioremque desiderabat, scripsit in hunc modum: *Expertocrede, aliquid amplius invenies in sylvis, S. Bern. quàm in libris.* Quænam quæso, arbor est in sylva, sive procera, sive humilis, quæ non semper versus cœlum crescat? Et si tantum anhelant ad cœlum quæ radicem habent in terra; quid faciendum illis, quæ radices non habent? illæ civitatum & culturæ, ab industria dependent hominum: illæ verò desertorum, & inculturæ, à cœlo Deoque solo dependent, neque propterea minùs proficiunt aut durant. Illæ quas ornatu suo spoliat exuitque hyems, tempus vernum sperare & expectare docent: Illæ verò, quas Ver vestit, ornat & ditat, fortunæ præsentî non fidere docent, quia Veri hyems succedet. Illæ, quas ventus incurvat & inflectit, propriam docent conservationem; quæ verò frangi potiùs, quàm inflecti volunt, rectitudinem & constantiam docent. Denique quælibet arbor est Liber, quodlibet folium, lectio; quilibet flos instructio, & fraudis dolive detectio, quilibetque fructus, triplicem continet fructum: virides necdum sunt, maturi non diu durant, & præteriti jam fuerunt. Hæc muta est deserti

S. Pet. Dam.

ferti schola, quam S. Bernardus in sua frequentavit Valle: & ipsa est, quam Christus in eodem erexit monte, ubi de cœlo vox intonuit: *Ipsam audite*: Verùm Thabore deserto, in monte Oliveti Sermo noster quiescat.

Mons Oliveti non habitatus ab hominibus, & pro incolis solas habens arbores, à quibus nomen accepit, locus fuit desertus, ubi & ex quo Christus ascendit in cœlum, suâ nobis ascensione demonstrans, rectissimam securissimamq; conscendendi viam esse desertum. Bis Angeli animam sanctam in cœlum conscendere viderunt; sed unde, & quomodo ascendit? utrumque est notabile. Primò eam per desertum in cœlum ascendere viderunt: *Qua est ista, qua ascendit per desertum?* secunda vice eam de deserto ascendere conspexerunt: *Qua est ista, qua ascendit de deserto?* Qui ascendit, ab uno recedendo loco ad alterum ascendit. Si igitur anima ista, de deserto ascendebat in cœlum: *Ascendit de deserto*, quomodo per desertum ascendebat: *ascendit per desertum?* Desertum ergo erat locus ubi & unde ascendebat? Imò verò; istud quippe est esse desertum, montem Olivarum. Christus primò in ascensione sua per montem ascendit sursum, & post-

modum ascendit de monte: & hoc modo ascenditur etiam de deserto. Hinc Angeli prius animam ascendentem viderunt per desertum: *Qua est ista, qua ascendit per desertum?* & postea illam de deserto ascendentem conspexerunt: *Qua est ista, qua ascendit de deserto?* ita ut desertum sit, ubi & unde in cœlum ascenditur. Porrò si ego, desertum esse non solùm ubi & unde, sed etiam per quod in cœlum ascenditur, assererem nihil quidem novi, sed magnum quid dicerem. Ipse Christus in parabola Pastorem quempiam ovium centum gregem suum pascentem, unam perdidisse dixit, quam ut perditam inveniret, nonaginta novem dimisisse in deserto. *Nonne dimittit nonaginta novem in deserto?* Pastor est Christus, ovis perditus est homo, nonaginta novem, novem sunt Chori Angelorum, Desertum denique est cœlum. Verùm si ipsum illud cœlum, tot Hierarchiis Angelorumque Choris Christus reliquit inessum, quonam pacto illud vocat desertum; quia loquebatur per similitudinem, & rerum terrenarum comparisonem: & in terra nihil aut similitudine, aut nomine cœli reperitur dignum, præterquam desertum. Desertum ergo est ubi, Desertum est

unde, desertum est, quâ ascendit, qui ascendit in cœlum.

Porrò summæ huic exaggerandæ veritati, aliam adhuc majorem adjiciamus. Dico, postquam Beatorum quispiam ascendit in cœlum, si descendere daretur, cum nullo loco alio, nisi cum deserto, cœlum commutaret. S. Joannes vidit in cœlo illam sole vestitam

*Apo.*  
12, v. 1. mulierem famosam: *Signum magnum apparuit in cœlo, mulier amicta sole:* eidemque duas aquilæ

*Ibidem*  
v. 14. alas magnitudini ipsius proportionatas fuisse datas conspexit: *Et date sunt mulieri, ala due aquile magnæ.* Sed ad quid? Mulier ista in cœlo jam constituta soleque vestita, quamlibet animam sanctam lumine gloriæ jam illustrem, ideoque beatam designat; alæ verò Aquilæ, humanæ improprie naturæ privilegium aliquod speciale & supernaturale huic indultum mulierii denotant: supposito verò illam jam beatam degere in cœlo cuinam u-

*Ibidem*  
v. 14. sui alæ ipsi deserviunt? ipse hoc textus innuit. *Date sunt mulieri, ala due aquile magnæ, ut volaret in desertum.* Ergone anima jam in cœlo beatitudine fruens volabit in desertum? Quinimò: nulla quippe anima jam in cœlo beatitudine fruitur, quæ non licentiâ acceptâ, divinoque cœlum ad

tempus deserendi privilegio, propriâ suâ sponte non quandoque descenderet in desertum. Status cœlestis incolarum deserti excedit in eo, quod anima ibidem clariore Dei fruatur intuitionem; Desertum verò excedit hic cœlum, quod anima hic majore, Deo fruatur merito, cui ibi locus non est. Proinde sine injuria, immò cum amoris divini applausu, cœlum cum deserto commutari potest. Porrò sicut istæ prærogativæ deserti, illas montis Horeb, illas montis Sinai, illas montis Thabor, ipsius denique montis Oliveti prærogativas excedunt: gravissimâ ratione Evangelista motus, proprium montis, in quem Christus fugit, nomen subticuit: & hinc declarando desertum, montem illum vocare fuit contentus. *In montem.*

## §. V.

*Ipsè solus.* Hæc est ultima superstes textui clausula: & quod tam serò hanc aggrediamur, doleo. Christus fugit in montem, & ille solus: *ipsè solus.* In hoc verbo compilantur, fædèque depinguntur omnes solitudinis horrores & metus. Et, quot, quæso, meticuloforum istorum, apparen-

te

*Eccles.*  
4. v. 10. Hoc sapientissimi Regis istius ef-  
fatum; qui etiam non rogatus ra-  
tionem ipsius adjunxit: *Quia cum*

*ibidem* *ceciderit, non habet sublevantem*  
*se.* Huic verò inconvenienti con-  
futando, non Salomon quispiam  
necessarius est. Si, solus, non  
habet sublevantem se, similiter  
nec habet, qui ipsum prosternat  
& deiciat. Majorque est felici-  
tas dejectionis carere periculo,  
quàm erectionis indigere adjuto-  
rio. Quantò magis, dum illi, qui  
prosternere & deicere assolent  
numero potentiâque prævalent,  
& prostrati facilius adulatorem re-  
perient, qui jacentibus pedem su-  
perimponat; quàm amicum adeò  
constantem & cordatum qui eri-  
gendis manum auxiliatricem por-  
rigat. Deficiente verò manu ho-  
minis, manus Dei illis non deerit:  
*Cum ceciderit, non collidetur, quia*

*Idem.* 36 *Dominus supponit manum suam.*

2. 24 David Pater Salomone filio suo  
melius fuit locutus: Salomon com-  
paritur soli, quod, cum cecide-  
rit, sublevantem non habeat: Da-  
vid verò congratulatur illi, nam  
si ceciderit, Deus manum suppo-  
nit, ne quid ex casu mali eveniat.

Solitarius ille solum se deprehen-  
det, quia homines deficient; Idem  
verò solus nunquam erit, secum  
enim semper, & in auxilium suum  
præsentem sentiet Deum. Soli-  
tarius ille, etiam nullo impellen-  
te semetipso cadere potest: Soli-  
tarius iste, quantumcunque in  
ruinam impulsus, cadere non po-  
terit, cadens enim super manus  
Dei, hoc ipso erigitur casu: *Cum*  
*cecideris, non collidetur, quia Do-*  
*minus supponit manum suam.*

Hinc sequitur, in solitudine  
propter Deum arreptâ, solitarium  
nunquam esse solum. Solitarius  
est ad instar Christi, quando ho-  
die fugit in montem: *ipse solus.*  
Christus fugam derelictionemque  
suis Discipulis prædicens, inquit:  
*Venit hora, ut me solum relinqua-*  
*tis; & non sum solus.* Quare ve- *Joan. 16*  
rò ab omnibus derelictus Christus *v. 32.*  
solus, non mansit solus? Quia  
Christus est Deus simul & homo:  
quà Deus, non est solus, quia adest  
homini: neque quà homo, est so-  
lus, quia est cum Deo: Et hoc, quod  
in Christo unio facit personæ: in  
solitudine facit unio loci. Solitarius  
in solitudine nunquam est solus,  
Deus enim illi, & hic Deo adest.  
I. rofundè de hac materia S. Joan-

S Chry-  
sostomus.

nes Chrysostomus discurrit. Hic scriptorum omnium facilè facundissimus, cum integrum in laudem solitudinis librum composuisset, sic protestando suum concludit discursum: *me etiam imparem tuae laudis fateor, sed unum procerto scio, o vita benedicta, quod indubitanter affirmo.* Et quid est, aut erit illud? prosequitur. *Quia quisquis in amoris tui desiderio perseverare studuerit, ipse quidem habitator est tui, sed ejus inhabitator est Deus.* Proinde, quia Deus inhabitat solitarium, solitarius verò inhabitat solitudinem, sequitur solitarium nunquam esse, aut esse posse solum; plus enim est, inquilinum habere Deum, quàm habitare cum Deo. Hinc S. Bernardus ajebat: *nunquam minùs solus, quàm cum solus;* quando etenim non sum solus, ago cum hominibus: quando verò sum solus, ago cum Deo. Demonstraturq; evidenter, quod cum solo agens Deo minùs sit solus, quàm qui agit cum hominibus; societas quippe humana quantumvis sit frequens, limitata tamen existit: societas verò Dei quamvis unius solius, nihilominus est immensa.

Utinam homines intelligerent, quantorum in se & in omnibus jucturam faciant, eò quòd soli cum Deo & secum morari nesciant.

Quousque Adam fuit solus, sese in Paradiso, in gratia Dei, & monarchia mundi conservavit; accepta verò socià, perdidit Paradisum, perdidit gratiam, perdidit Imperium, perdidit se, perdidit nos, perdidit omnia. Hanc autem Adami, de solo ad solum differentiam, non Eremita quispiam, aut Anachoreta deserti, sed aulicus quidam Parisiensis magnus Cancellarius Gerson insinuat: *Adam tam diu salvus mansit, quam diu solus.* Solus ex domo parentum suorum exivit Jacob, gloriatus postmodum, quod cum solus, non aliò comite, quàm pastoritio baculo Jordanem transisset; redux jam ad patriam, eundem fluvium familià adeò auctus transiret, ut filij, famuli, currus & armenta constituerent turmas: *in baculo meo transi-* Gen. 32.  
*vi Jordanem istum, & nunc cum dua-* v. 10.  
*bus turmis regredior.* Proficiant tibi, Jacob omnes istæ prosperæ fortunæ, & omnia ista magna bonorum domusque tuæ incrementa. Verùm, rogo, in mei gratiam, notabilem adeò differentiam, alteri conjungas, quam non consideras tu, ast ego valde penso. Pergens solus vidisti scalam: tanto verò comitatu redux illam non vidisti. Stipatus à latere duabus turmis, à timore Esau non fuisti securus: in lapide tanquam pulvinari

re-



requiescens solus, à Deo & Angelis dormiens, fuisti custoditus. Solitariis tantum deest terra; solitariis tantum aperitur cœlum. Solus agebat Abraham, solus item agebat Moyſes apparente illis Deo: solus erat Joſue, solus Gedeon, & solus Eliás, quando illis succurrerunt Angeli: solus agebat Iſaias, Divinæ majestatis thronum Seraphinis circumdatum contemplatus; solusque Ezechiel ejusdem triumphalem gloriarum curtum intuitus. Solitarius similiter erat S. Petrus, quando tota Gentilitas ad fidem converſa in Linteo ipsi fuit offensa, in cœlumque recepta. Solitarius denique erat S. Joannes, ille Christi dilectus, in Apocalypſi ſua ſeptem ſignacula aperta videntis, futurorumque temporum ſecretiſſima myſteria revelatione doctus.

Verum enim verò, ne ſolitudinis beatitudinem in æternis revelationibus, quæ ſenſus effugiunt, conſtituere videar: alias Solitarii habent viſiones manifeſtas, omnibusque cognitæ: beatioreſ verò ſunt cæteris, quia illas eminùs, & in loco vident ſecuro. Hac ipſa ocaſione, quâ Chriſtus fugit in montem, Diſcipuli navem ingreſſi, horrendâ jactati ſunt tempeſtate, parumque abſuit quin remedio jam deſperato, maris undis abſorberentur: Eo-

dem verò Chriſtum ſolum in terra remanſiſſe Evangeliſta teſtatur: *Et ipſe ſolus in terra.* Idem ſolitario in terra agenti accidit. Qui in mundo verſantur, cum ventis luſtantur & undis: quidam abſorpti per-eunt: alii natando emergunt, omnes verò diſcrimen incurrunt: Solus verò agens in terra, omnia illa ſecurus eminùs aſpicit: *Et ipſe ſolus in terra.* Mundus bellis ardet, vincunt alii, ſuccumbunt alii, expugnantur civitates, ſubiguntur regna, multa hominum millia occumbunt, & ſolus Solitarius perveniente ad ſe Echo, omnia percipit ſine timore; quia pace fruitur ſecurâ: *Et ipſe ſolus in terra.* In perpetua mundus gyatur rota, hos deijcit, illos erigit: nonnulli nubes uſque proficiunt crescendo, alii deſcendunt ad abyſſos, & ſolus Solitarius, à legibus & jurisdictione fortunæ exemptus, nec ex proſpera invidiam, nec ex adverſa timet afflictionem; quia ſolus ipſius ſtatus & conditio mutationem non admittunt: *Et ipſe ſolus in terra.* Hinc egregiè dixit S. Cyprianus: *Vna placida & fida tranquillitas, una ſola & perpetua ſecuritas priamus eſt, ſi quis ab inquietantis ſæculi turbinibus extractus, Deo ſuo mente proximus, quicquid apud ceteros in rebus humanis ſublime ac magnum videtur, intra ſuam jacere conſcientiam*

Marc.  
6.v.47.

tiam

*tiam gloriatur.* q. d. In hac vita, non nisi unica est vera & fidelis tranquillitas, & una sola perpetua securitas : quâ solus ille gaudet, qui à turbidi semper mundi tumultibus extractus, soli Deo unitus; dum ea, quæ alij magni æstiment, sibi substrata conspiciunt : & quia omnia illi subsunt, nullo eorum immutatur, aut curâ aliquâ & sollicitudine agitur.

Verum, ut omnia aliorum sanctorum, de solitudinis excellentijs, nec non incomparabili illam incolentium beatitudine asserta summatim perstringamus : Desertorum incolæ sunt illi, quos Deus præ cæteris elegit hominibus, & in solitudinem duxit ubi vitam solitarii transigerent ; non quod mundum illuminare non forent digni ; sed, quia, teste Spiritu sancto, mundus ipsis non erat dignus :

*Heb. 11 in solitudinibus errantes, quibus  
v. 38. dignus non erat mundus.* Porro

solitudo est talis, ut similem non habens in terra, similitudinem cum beatitudine habeat cælesti : cum utraque sibi reciprocè adeo sit similis, ut per beatitudinem velut archetypum solitudo possit depingi : & beatitudo in solitudine tantum velut in suo speculo possit videri. Proinde trita illa & celebri exclamatione concludo, quam utinam omnes memoriâ retinere-

tis : ô beata solitudo : ô sola beatitudo !

## S. VI

**D**iscursum meum absolvi, prolixum & longum pro tempore, brevem verò & contractum pro materiæ merito. Nihilominus non defuturum video, qui materiam velut loco auditorioque impropriad admiretur, magisque Bussaci desertis, vel montibus & collibus Arrabidæ, quàm Capellæ regię & Ulyssipponensi aulæ accommodatam judicet. Sic judicant parùm in mundo, Christianitate, & hystorijs versati : ac si non fuissent aulæ Catholicæ in omnibus sæculis, quæ eremos & deserti illustriora reddiderint, veneratæ sint & condecorârint, ideòque melioribus qualificatisque magis exemplis. Subtus seu supra tabulatum istud, primi ordinis, & utriusque Ecclesiastici & politici status, multas cerno animas, ab hisce adhuc catenis liberæ, quæ confringi nequeunt, quæ si vanitatem cum veritate, aulam cum deserto, palatium cum clausura, pompam cum cilicio, mundique carcerem cum suavi jugo Christi commutarent, de eodem mundo triumphantes fide, & de se ipsis, intellectu, non solum copiosam habituri forent materiam in altera glorian-

di

di vita, verum etiam non pauca, quorum ipsos non poeniteret in presenti.

Sed in specie descendendo ad eos, qui pro conditione status, professionis & officij, se frequentiam turbasque populi fugere, multitudinisque negotia deferere non posse obtendant: noverint, qui hujusmodi sunt, quod ad status, professionis, officijque ejusdem obligationibus satisfaciendum rite, similiter ipsis cum fuga alternandum sit exercitium: nec non dies vitæ cum deserto partienda. Non semper (hoc enim, *alternare*, innuit) sed suis temporibus. Omnes istæ, seu status, seu officij obligationes, vel Ecclesiasticæ sunt, vel politicæ, seu sæculares: & nemo quantumcunque idoneum & capacem se sibi imaginetur, eas pro debito præstare poterit, vel in Ecclesiasticis vel politicis, nisi prius in schola solitudinis, recte, justæque exercendi methodum didicerit.

Quoad Ecclesiasticos, quisnam ovibus magis est obligatus, quam Pastor? & quinam Pastorum magis, ad reddendam Deo rationem à se exigendam, quam supremi? at isti, nisi ad Deum confugerint in desertum, seque recolligendum, nisi à seipsis eandem exegerint rationem, nunquam red-

*Pars III.*

dent bonam. Quinam Pastorum zelo ferventiores, & vigilantiores, quinam Episcoporum & Archiepiscoporum eruditione & sanctitate Chrysostomo Constantinopolitano, Basilio Cæsareensi, Ambrosio Mediolanensi, Athanasio Alexandrino, Augustino Hypponenſi celebriores? porro omnium horum perlegendo vitas, nunc eos in Cathedris, nunc in desertis, nunc Anachoretas & solitarios, nunc numeroſo circumdatos populo, convertendis Gentilibus, confutandis hæresibus, Christianisque perficiendis intentos & occupatos videbitis, & hoc modo suas excolentes Ecclesias & dioceses, ut domus viderentur Monasteria, & civitates Paradisi. Et unde tam admirandi nascebantur effectus, nisi, quia ipsi Prælati in deserto lucem recipiebant & gratiam, & in solitudine spiritum & fervorem, quo in populo accendebant animas, eradicabant vitia, virtutesque inferebant? Sauli in Roma Samuelem inquirenti, responderunt cives oportuno ipsum adesse tempore; eodem quippe die illum, ad immolandum sacrificium, in civitatem adventurum: *Hodie enim venit in civitatem, quia sacrificium est hodie populi in excelsis.* Et quare illum eo die in civitatem esse venturum

X

turum

turum dixerunt ? quia Samuel sacerdos populi que Prælatus sic sibi dies distribuerat, ut partem eorum solitudini consecrasset ad agendum cum Deo, & alteram ad agendum cum hominibus in civitate. Quibus super verbis S. Gregorius Papa notat, in hac temporis distributione, maximam melioremque partem conversationi cum Deo solo fuisse deputatam : mox etenim expeditis illis, quæ sacrificium & spirituale animarum regimen concernebant, ne ad momentum quidem temporis cum populo, vel in civitate commoratus, ad recolligendum se in desertum repedabat: *Quia raro videbatur in civitate, tarde veniens, & cito recedens.* Et si istud, ante adventum, doctrinam, Christi que exemplum, hoc fecit Samuel, successores Vicarijque Christi videant quid sibi faciendum incumbat, quidque possint.

S. Greg.

In statu sæculari & politico, fuga hæc secessusque in desertum, propter negotiorum frequentiam & multitudinem, nec non propter maximè necessariam publicarum personarum, in tot tantique momenti negotijs, qualia ordinariè in Monarchiæ gubernatione occurrunt, realem assistentiam, multò minus locum habere vide-

tur. Quod ita humana, vel potius gentilis Politia supponit; ac si bona veraque negotiorum, quantumcunque prægnantium, & multorum directio Providentiâ divinâ minùs indigeret, rerumque terrestrium intuitus vel in lucido, vel in obscuro, non totus à lumine cœli dependèret. Rex erat David, & regni quidem satis populosi : gravissimaque statûs negotia, quadraginta annorum curriculo, quibus præfuit, tum in pace, tum in bello, nunc domi & in aula, nunc foris & extra palatium variis & ipsum, & coronam discriminibus objecerunt : quoniam verò luminis consilijque causâ confugiebat, nisi in desertum ? proprio illud ore attestantem audiamus : *Cor meum conturbatum est in me, & formido mortis cecidit super me : timor & tremor venerunt super me, & contexerunt me tenebra.* Eheu, inquit David, quoties cor meum confusum & conturbatum, in medijsque periculis & timoribus mortis palpitare & contremiscere sensi : & insuper tenebris oppressum, sine minimo lucis radio, qui viam evadendi monstraret in tali verò statu angustissimisque comprehensus, quo confugiebam ? *Ecce elongavi fugiens & mansi in solitudine : expectabam eum qui salvum me fecit, à pusillanimitate spiritus & tempestate.*

Resu-

Refugij remediique causa, in hisce casibus, non aliud mihi sumpsi, quàm quod longissimè fugiendo à civitatibus solitudinem subirem deserti, ubi solus cum Deo solo, lumen ab eo peterem & expectarem, qui ab illis me tempestatibus eriperet, à quibus velut Navarchus in arena, & cum navi quasi per-dita, expedire me neque sciebam neque poteram. Porro si hoc faciebat cor adeò generosum & impavidum, iudiciumque adeò sanum, prudens & expertum velut illud Davidis; cur alij Principes (& quidem tot errorum experi-entià docti) sibi persuadebunt, quod sine certi temporis, ab aulis recessu, solitariâq; cum Deo con-siliorum communicatione, per se Ministrosque suos rectam bonum publicum promovendi normam sint habituri, quod quandoque desiderare, nedum assequi igno-rant.

Quod si tempus, pro istis inter-vallis, istisque refugiis sibi deesse dixerint: nemo profectò mihi ne-gabit, esse dies, septimanas & men-ses pro aliis refugiis, pro aliis deser-tis, aliis sylvis & montibus & non intra, seu juxta, aulas, sed remotis-simis: cum certum sit quod labor (qui recreatio dicitur) vel uni in-sequendo & configendo apro, im-pensus, ut occisus ducatur in tri-

umphum; multò sanè utiliùs aliis venandis & persequendis insume-retur feris, quæ de venatione ita redeunt vivaces, sicut eò fuerant ductæ. Vitia coronata, vocat Ec-clesia, *Vitiorum monstra*, non vitia qualicunque modo, sed monstra: Horum verò monstrorum, ho-rumque volatilium insectio, à Solitario cum solo Deo, institui-tur & peragitur in desertis. Ibi confringuntur alæ vanitati, ibi in terram prosternitur & calcatur superbia; ibi passus constringun-tur concupiscentiæ, ibi manus præscinduntur vindictæ, ibi mori-tur spumandoq; dirumpitur ira, ibi in se corrui iniquitas & inju-stitia, ibi denique omnia alia in-frænis impotentisque intempe-rantiæ aut occiduntur, aut fugan-tur, aut domantur monstra. De primo mundi Rege asserit Scri-ptura: *erat robustus venator coram Gen. 10*  
*Domino*: & venationes coram v. 9.

Domino, sunt competentes Prin-cipibus recreationes, nec non ge-nerositatis actus, de quibus ma-ximè gloriandum, quia veræ sunt generositates. Et, si tempore, quod deferendo aulam, venationi insumunt, benedictionem prima-tumque perdere non verentur, in-star Esau: multò sanè minùs jactu-ram hanc, seu quodcunque aliud regno timendum est detrimentum

tempore illo, quo ad Deum, soli cum eo solo tractaturi confugiunt; ut lucem ab eo recipiant, quâ illud gubernare & conservare possint. Regum non pauci venando infelicitate perierunt: ille verò, quem non sine mysterio scriptura venatorem nuncupat coram Domino, non solum sexaginta regnavit annis, sed novam erexit Monarchiam, quæ mille ducenis substitit annis, præ reliquis omnibus in mundo florentibus conservata.

Denique (ut exemplo omnium maximo, tam Ecclesiasticum,

quàm politicum statum convincamus) Christus Dominus, Redemptorque noster, Rex simul & summus Sacerdos, non solum triennio isto, quo in mundo utrâque fuit dignitate perfunctus, omnem vitam, inter civitates seu populum & desertum fuit partitus: eodem verò die, quo, quid esset, declaravit, & quâ talis ab omnibus agnitus fuit, diei ejusdem partem dedit turmis & populo, partem verò deserto & monti. *Fugit*

*in montem solus.*

Amen.



# S E R M O

De

## S. ANTONIO.

Dictus in Dominica infra octavam ejusdem.

Maragnanæ Anno 1657.

*Qua mulier habens drachmas decem, & si perdiderit drachmam unam, nonne accendit lucernam, & everrit domum, & quarit diligenter, donec inveniat? Luc. 15.*

Item Thema.

*Neque accendunt lucernam, & ponunt eam sub modio, sed super candelabrum, ut luceat omnibus qui in domo sunt. Matth. 5.*

S. I.



Quando Ecclesia duo nobis proponit Evangelia; obligatorium potius, quam otiosum est, duo assumere themata.

Primum Dominicam; secundum, Festum concernit. Utrumque tam accommodatum Sancto, cujus festum celebramus, ut unum Textus, alterum commentatio videatur. In primo Evangelio Christus Dominus sic inquit: si mulier habens drachmas decem (drachmæ

erant exigui ponderis moneta argentea tempore Hebræorum usuales) si mulier, inquit Christus, decem habens drachmas unam earundem perdiderit, quid agit? (attendite vos, qui Prædicatores observatis, quam accommodatam divinus Prædicator comparationem adducat) accendit, inquit, lucernam, everrit domum, drachmam omni diligentia inquirat: quam ubi invenerit exit foras gaudens, convocat amicas & vicinas, ad collatandum congratulandumque sibi, de inventa drachma invitat. Cernitis illud festum? cernitis

X 3

illud

illud gaudium? idem in cælo fieri  
subjungit Christus. Grandis ibi  
celebratur festivitas; applaudunt  
Angeli, congratulantur Beati, ubi  
impius pœnitentiam agendo, ad  
*Luc. 15.* Deum se converterit: ita gaudium  
*v. 10.* erit coram Angelis Dei, super uno  
peccatore pœnitentiam agente.

Hæc Parabolæ Christi est sub-  
stantia, in tribus particularibus  
punctis resumpta. Puncta sunt:  
Mulier, Moneta, Lucerna. Mulier  
perditam inveniens monetam,  
festumque lætitiæ propterea pera-  
gens: ipsa Moneta primò perdita,  
postea inventa: Lucerna ad quæ-  
rendam inveniendamque mone-  
tam accensa. Ex hisce tribus  
punctis Christus explicavit duo;  
tertium sine explicatione inta-  
ctum reliquit. Mulier, inquit,  
per quam designatur Ecclesia,  
quæ militans in terra, perdit &  
invenit peccatores: quæ trium-  
phans, in cælo celebrat festum-  
que peragit eorundem conversio-  
nis. Drachma perdita & inventa,  
animas designat peccatorum, quæ  
peccando perduntur, pœnitendo  
verò inveniuntur & recuperan-  
tur. Lucerna verò ad quæren-  
dam drachmam accensa, supposito  
quod eam Christus non declara-  
verit, qualis fuerit, erit ne qui nobis  
enucleet? nisi hodierna incideret  
festivitas, ego non facillè id asse-

rem, sed hodie quilibet vestrum  
id mecum asseret. Edicite mihi,  
quis Sanctorum, tanquam rerum  
perditarum restitutor celebretur  
in terris? quænam lucerna est in  
mundo; cujus beneficio res perdi-  
tæ inveniuntur & reteguntur?  
quotquot estis, uno ore S. Anto-  
nium esse affirmatis. Iste igitur est  
lucerna, quæ in Evangelio primo  
memoratur accensa, cui Evangeli-  
um secundum concordat: *neque ac-*  
*cendunt lucernam, & ponunt eam sub*  
*modio, sed super candelabrum, ut lu-*  
*ceat omnibus, qui in domo sunt.* Pri-  
mum Evangelium lucernam ad illu-  
minandam domum accensam asserit  
*accendit lucernam, & everrit domum.*

Secundum Evangelium lucer-  
nam ad illuminandum domum ac-  
censam, esse Sanctum, cujus hodie  
solemnia agimus, adstruit: *accen-*  
*dunt lucernam, ut luceat omnibus*  
*qui in domo sunt.* Ita ut Evangeli-  
um unum in parabola, alterum  
verò in mystica ipsius significatio-  
ne concorditè nobis dicant &  
prædicent, quod lux, cujus benefi-  
cio animæ perditæ recuperantur,  
gloriosus noster sit Antonius, hæc  
ipsa gloriosior sit prærogativâ,  
quam tot tantisq; aliis de ipso præ-  
dicari solitis. Suppositâ proprietate  
hac, nec non textûs utriusque con-  
cordiâ, aliud conformius Evange-  
lio thema nec ego assumere pos-  
sum

*Matth.*  
*s. v. 16.*  
*Luc. 15*  
*v. 8.*



sum, nec vos conducibilius vobis desiderare potestis; neque ipse Sanctus aliud à vobis, & à me gratius sibi exigere valebit. Totius igitur discursus nostri argumentum erit: Antonius perditarum recuperator animarum. Ut igitur animæ nostræ ab hac luce, omnibus plùs minusve necessaria competentem sibi utilitatem percipiant; ab eodem Sancto, velut adeo gratiæ Matri devoto & familiari humiliter petamus, ut intercedendo hanc nobis impetrare dignetur. Ave Maria.

## §. II.

*Accendit lucernam, donec invenias:  
accendunt lucernam, ut luceat omnibus.*

**Q**UOD S. Antonius perditarum recuperator sit animarum, tam rara & excellense est prærogativa, ut Sancto huic Deus excellentius contulisse, quàm sibi refervasse officium videatur. Deus velut omnium bonorum author, omnium est largitor licet perdantur: S. Antonius perditorum est restitutor: nec est dubium, quin majus gaudium majorque æstimatione ex rerum perditarum recuperatione, quàm ex earundem quiete & non interrupta possessione, seu fruitione sine perditione resultet. Juxta textum nostrum, mulier, quæ drachmam unam perdidit, decem habuit: *Mulier habens drachmas decem*: age, si mulier

drachmas habens decem, de habitis seu acquirendis congratulari sibi non petiit, quo pacto unâ solâ inventâ, vicinas amicâsq; convocans ad congratulandum felicitati suæ invitat, lætitiâque pro una sola drachma inventa extremam ostendit? ratio est, quia licet drachma numero tantum esset una, fuerat perdita. Aliæ acquisite erant, & possidebantur, hæc postquam perdita, fuerat recuperata, & hinc tanti æstimata. Quando stella magis apparuit in Oriente, singularia lætitiæ argumenta ad ejus apparitionem non ediderunt, sed postquam in Jerusalem perdita, oculis eorum subtracta, egressis Jerosolymâ denuò apparuit, nullis verbis Evangelistæ, gaudium ipsorum exprimere & exaggerare possunt. *Matth. 2. v. 10.* *visti sunt gaudio magno valde.* Nunquid stella in Oriente & Jerusalem eadem numero? omnino: sed in Jerusalem erat eadem, postquâ perdita. Hæc eadem fuit ratio, cur Pater prodigo suo filio tã extraordinarium festivumq; instituerit convivium; ad fratris usque invidiam. Mihi, pater, qui fidus tibi semper & obsequiosus adhæsi, tale quid nunquam exhibuisti; & ei, qui te deserto, & se, simul & totam substantiâ suam perdidit, tam sumptuosum lætumq; festivis gaudiis apparasti convivium? ita, fili, respondit pater, &

Luc. 15.  
v. 32

& ex eodem, quod tu tangis, motivo. Te, qui semper individuus mihi adhæristi, nunquam perdidisti illum verò jam perditum reperi: *perierat, & inventus est.* Tantum valoris res perditæ acquirunt; tantumque gaudii recuperatæ lucrantur: ut perspicuum vobis fiat, non minùs vos debere S. Antonio, dum perditæ restituit: sed magis eidem obligari, quàm si de novo vobis daret idem, quod perdidistis.

Enim verò, si nihil hoc verius, in rebus externis nulliusque momenti, quid, quæso, erit in internis animæ, earundemque perditione, quarum etiam Antonius recuperator est: prout hodie demonstraturus adsum. Ad memorata revertamur exempla, ast profundius penetrata. Ecquis prodigus est filius, quænam stella, quænam illa est drachma? Drachma, uti jam diximus, est anima, stella, gratia; prodigus quilibet nostrum. Gratiâ perditâ, animâ perditâ, perditur homo: cumque perditiones hæ sint maximæ, quæ evenire & excogitari possunt, qui unâ cum illis perditur Deus; deliquium quodammodo intellectûs, imò & fidei est, tam modico doloris sensu, ob ejusmodi perditiones tangi, tantamq; earundem vilipensionem recuperandique negligentiam cernere,

cum res aliæ tantiâ nobis æstimentur quæ tamen ob suam vilitatem & nihilitatem, ne perditarum quidem rerum nomen merentur. Quod si res vel minimi pretii & valoris, si vel minutissima quæq; domûs vestræ perdantur, aut evanescant ex oculis, mox S. Antonium implorare audimini: & solum, S. Antoni, sine alia precandi formula ingeminando, jam & vos, & ille intelligit, pro recuperanda re perditâ opem suam implorari.

Profectò in nullo alio exemplo, cum tot sint & tam rara, Sancti hujus humilitatem & charitatem magis admiror, quàm quod hujusmodi interpellationibus non offendatur: sed consueto sibi more semper & continuò succurrat. Illud fieri non prohibeo, quod minus honorificum id tanto Sancto, aut injuriosum illi existimem, tam futilibus minutisque rebus ipsum occupare; Providentia quippe divina non minùs in formica, quàm Elephante, neque minùs in hyssopo crescente in pariete, quàm Cedro Libani magnificentiam suam demonstrat. Hoc tantum vobis suggero, ipsiusque sancti Antonii vice & nomine à vobis peto, Sermonisque mei, in quo ipsi placere desidero, scopus & intentio eò collimat, ut ejus favorem ad hocce occupetis, potestatem ejusdem in  
id

id impendatis, ut veras vobis refarciat perditiones, tam miserè perditas restituendo animas. Proinde attentionem à vobis efflagito.

## §. III.

**Q**uemadmodum in omnibus peccatis perditur Deus; sic in omnibus similiter vitiis perduntur animæ: & quoniam materia infinitum excresceret, si discurrendo per singula, in quolibet eorum assumptum meum probare vellem; sicuti drachma in uno tantum domus loco fuit perditæ, cum in alio perdi potuisset; sic mihi sufficiet, demonstrare S. Antonium restitutorem esse animarum in duobus potissimum universalioribus vitiis perditarum, in quæ ordinariè magis labuntur homines, animæque perduntur. Quænam verò & qualia ista sunt vitia? credo, quod me necdum ea specificante vos ea jam cognoveritis. Verum Evangelium binas nobis figuras proponit, quæ non mutato habitu proprio suo nomine ea nobis prodent. Evangelium inquit, quod mulier quæsierit drachmam: & binæ hæc sunt illa duo, per quæ magis perduntur animæ, Drachma scilicet seu pecunia: & Mulier. Alii per drachmam, alii perduntur per mulierem. Hos cupiditas, istos concupiscentia carnis excæcat:

*Pars III.*

utraq; simul quasi omnes. Et hæc vitia totum propemodum ad se attrahunt mundum & perdunt. In Dominicæ præteritæ Evangelio Christus paradigma introduxit de convivio, gloriæ beatitudinisque cœlestis figurativo. Ad hoc multi invitati fuerant & vocati, triplicique excusationum genere se se excusârunt. Primus obtendit, quod emptam à se villam inspectum abiret: Secundus, quod quinque boum juga emisset, quæ probatum pergeret: Tertius quod eâdem die uxorem duxisset, ideoque venire nequiret. Ita ut duo primi in sui excusationem obtenderint bona; Ultimus, uxorem: Mulier etenim & bona temporalia sunt duo, quæ hominem magis retrahunt & elongant à cœlo; duo sunt dæmonis laquei, quibus plures irretitæ perduntur animæ. Enimverò notate, quod duo bonis se excusârint; sed bonis emptis: *Villam emi: juga boum emi quinque.* Tertius se excusavit muliere: sed muliere, quam duxerat: *Uxorem duxi.* Si igitur bona empta viam vobis obstruunt ad cœlum, quid facient bona furto ablata? si uxor propria iter impedit ad nuptias gloriæ, quid uxor faciet aliena? alienum, & mulier? Deus vos liberet ab utroque: & istud est, quod omnes quærunt.

Y

Nul-

Luc. 14  
v. 19. C  
20.

Nullum in mundo Deus condidit hominem paradisi securiorem, quàm Adamum; conditus enim fuit sine peccato, quo paradiso excludimur: in ipso quoque creatus fuit paradiso, ut illuc pergere opus non esset. Quænam verò sunt illa duo, tam valida, ut Adamum è paradiso exturbare potuerint; duo jam dicta: Mulier, & Alienum. Mulier; quia Eva Adamo vetitum comedere pomum persuasit: Alienum; quia omnibus mundi rebus dominio ipsius subjectis, solum pomum prohibitum, non erat suum. Si Alienum perdidit Adamum, cum tamen omnia ad ipsum spectarent, quid fiet illi, qui tam parum habet, & à suo? si mulier perdidit Adamum, nullâ aliâ muliere adhuc existente in mundo, quid fiet existentibus jam tot & talibus? hoc luctuosum illud est patrimonium, quod à primo homine hæreditârunt homines: perdi scilicet per mulierem, & alienum: perdi per carnis concupiscentiam & cupiditatem.

Age, jam nunc intelligeris, quare Deus alia vitia uno simplicitantum prohibendo præcepto expresso, illud concupiscentiæ, & cupiditatis prohibeat duobus. Illud concupiscentiæ carnalis, sexto & nono: illud verò cupiditatis, septi-

mo & decimo. Multa è peccatis, vel cætera omnia, generaliter sunt istis duobus graviora, quia vel magis virtuti opponuntur contrariæ, vel quia maiorem injustitiam continent: ut quid igitur cupiditatem duobus, concupiscentiamq; carnis itidem duobus aliis alligat & astringit præceptis, alia verò vitia illis quamvis graviora, tantum uno? quia inter omnia naturæ corruptæ vitia, duo ista magis sunt rebellia & indomabilia; hinc duplici illa catenâ ligavit. Alia præcepta faciliora sunt observata, rariusque violantur: hisce duobus rara & difficilis inest observantia, & vaga effrœnisque dissolutio. Ita ut consideratâ aliorum præceptorum violatione, non nisi cupiditate aut concupiscentiâ violari inveniamus. Falsa proferuntur testimonia, sed, vel propter cupiditatem, velut illud contra Naboth: vel propter concupiscentiam carnis, velut illud contra Susannam occidunt se homines, sed, vel concupiscentiâ acti, sicut David Uriam: vel cupiditate impulsî, sicut Abimelech suos fratres. Et si ratio ad eam deveniat cœcitatem, ut etiam contra primum præceptum enormissimum committat Idololatriæ peccatum, vel agente accidet

cidit cupiditate, velut in Jeroboamo, qui Idola crexit: vel concupiscentiâ, velut in Salomone, qui illa adoravit. Denique si quis breviorē evidentiorēque miserabilis hujus veritatis probationem desideret, propriam quisque conscientiam inspiciat & examinet, facillèque deprehendet, si eam perdidit, alterutrum horum, vel utrumque simul hujusce causam esse: quæ etiam prop-

*Exod. 2 v. 14. & beris, non furtum facies.*

15.

Cum igitur duo ista vitia universalē sint radices unde reliqua omnia vitia nascuntur & pullulant; duo humanæ fragilitatis sint offendicula & scandala, ad quæ magis impingunt, cadunt perdunturque animæ: sicut primi Evangelii mulier ad perditam inquirendam drachmam accendit lucernam; ita & secundum Evangelium eandem nobis in altari isto ostendit accensam: ut videamus, quàm efficax lux sit S. Antonius animabus illuminandis, quæ istis perduntur vitiis, quàmque præsens & certa recuperandis jam perditis: *Accendit lucernam, donec inveniat: accendunt lucernam, ut luceat omnibus.*



#### §. IV.

**I**ncipiendo igitur ab animabus concupiscentiæ carnalis vitio perditis (de quo, uti etiam de altero, non nisi exemplum unum proferam, ut in illo pensare possumus energiam, admirabilemque Sancti Restauratoris contemplari virtutem) Monachus quidam carnis tentamenti valde fuit infestatus, cui nec jejunia, nec asperitates, nec poenitentiarum rigores quicquam remedii attulerant, ne in luctis istis eò periculosisioribus, quò magis domesticæ sunt, vel vacillaret, vel consentiendo palam devictus succumberet. Unde aliæ corruptioni magis obnoxie arbores metuant, quando nec paradisi cypressis vitium illud parcit. Perditâ demum gratiâ Dei, & perdita sine Deo, & sine gratia, paupercula jam ista anima, pro ultimo remedio ad S. Antonium confugit. Omnia sua peccata confessus, totam illi conscientiam suam detexit; hinc sua illi manifestavit desideria, illinc carnis suæ rebellionem, violentiam magnam, seu infirmitatem quam in ea experiebatur. Porro S. Antonius non aliorum indiscretorum Confessarium more obstupuit, gnarus (quod judicio singulari, super verba illa:

Y 2

Caro

*Match.* *Caro autem infirma*, Tertullianus  
 26. v. pronunciavit) infirmitatem istam  
 41. fortem esse violentiam, Monachum magnâ auscultavit benignitate: quoniam verò remedio ad ipsum curandum vobis usus videtur? internè se recolligens, & ad interiora cellæ se recipiens, tunicam, quâ erat indutus, exuens eam Monacho tulit ut eam indueret, certus quod nunquam amplius à sua foret concupiscentia tentandus; & ita accidit. Ah si quis dignè istum nunquam visum stupendumque casum ponderare sciret!

Hierosolymitanis sanctum Stephanum lapidantibus, inquit textus, vestimenta ad pedes adolescentis fuisse deposita, cui nomen erat Saulus, qui postmodum mutata vitâ & nomine vocatus est Paulus. S. Bernardus non lapidantium, sed illa ejusdem S. Stephani vestimenta ad pedes Sauli posita fuisse sustinet. Et si interrogaverimus, in quem finem? respondet, ex parte hominum, in hunc; ex parte verò Dei, in aliûm finem. Ex parte hominum, eo fine, ut illa custodiret: ex parte Dei, ut vestimentorum S. Stephani virtute Saulus converteretur: *Deposuerunt vestimenta secus pedes adolescentis, qui ad tactum Sanctarum vestium erat convertendus.* Subtilis S. Bernardi

*Bern. in hunc locum* *Ador.* 7. v. 57. consideratio, sublimis que de vesti-

mentorum S. Stephani virtute sensus & conceptus; si id eventus confirmasset: ast contrarium evenit. Positis enim ad pedes suos vestimentis pro custodia, tantum abfuit, ut Saulus se converteret; ut dicendum sit potius, quod lapides S. Stephani furiam atque duritiam, quàm vestimenta fidem & sanctitatem ipsi affricuerint; hoc enim casu jam peracto, nihil non egit Saulus, ut potestate ad id obrentâ, Christianos in Damasco, exterisque nationibus agentes, vinculis irretire, poenis subijcere, neci tradere, Christi que nomen & fidem è mundo tollere posset: & hoc modo, non secus ac leo, iras, minas, cædesque in Domini Discipulos spirabat: donec tandem Christus ipse alternâ vice è cælo descendens, ipsum prosternendo convertit. O divine Antoni, quantum te Deus, non solum præ magnis, verum præ maximis Ecclesiæ Sanctis glorificare decrevit: ad martyrium anhelasti, & non obrinuisti: Quid verò refert, quod Deus id tibi negarit, vel istam laureolam commutavit, quando non super alios solum Martyres, verum etiam super ipsum Protomartyrem te sublimavit? Vestimenta Stephani tetigerunt Saulum, sed Saulus mansit, ut ante fuit. Erat legis novæ hæreticus, & mansit: erat Ecclesiæ persecutor

secutor , talisque mansit : hostis erat Christi , talisque mansit : erat denique Saulus , mansitque Saulus. Tua verò vestimenta , mox ut tentarum lapsumque Monachum tetigerunt , protinus in alium , quàm fuerat , immutârunt. Fuerat impudicus , & factus est castus ; fuerat infirmus , & evasit fortis : fuerat inquietus , & factus est tranquillus : fuerat homo , & valde homo , & evasit Angelus. Tanta efficacia , tamque singularis Reparatori nostro inest virtus pro animabus hoc vitio perditis. Si verò doctus quispiam scrupulosus circa parallelas hosce scrupulum moveret , eò quod vestimenta S. Stephani tantum in opinione , posito , in opinione Doctoris tanti fuisse fundetur : ad aliorum exemplorum comparisonem transeamus , quæ omni dubio & controversiâ vacant : & erunt ista famosi illius Herois , qui præ omnibus veteris instrumenti , nomine Casti fuit insignitus & sublimatus. Joseph captivus abductus in Ægyptum , tam flagitiosè ab uxore Domini sui Putipharis fuit adamatus , ut non sufficientibus minoribus amoris lenociniis , eò processerit , ut manifestâ eum violentiâ ad consentiendum sibi inducere attentaret. Fugit Joseph pallium illi relinquens : mansit , illud libidinis monstrum , manure-

tinens castitatis spoliū. Et quid subsecutum ? nunquid evasit castior ? nunquid minùs cæca remansit ? pervenitne ad majorem agnitionem ? ad agnitionem vilitatis , foeditatis , cui sordida eam concupiscentia subjecerat ? magis potius subdita , major serva , magis illusa , magis excœcata , magis infatuata , magis denique furiosa remansit quàm ante. Scriptura non innuit , ex qua panni specie pallium Joseph fuerit confectum : quod si ex S. Antonii habitu fuisset desumptum , nullus dubito quin , ut primū impudica & perversissima illa Ægyptia , manibus illud contrectasset , castitas per visum cucurrisset ad oculos , & pudor per venas ad cor penetrasset. Verum tantum absuit , ut Joseph tam extraordinarios præstolaretur effectus pallii , ex eo quod esset suum : ut , quia tantum manibus contactum erat lascivis , relicto illo fugerit , timens , inquit S. Ambrosius , ne per idem pallium libidinis sibi contagium adhæresceret. Verba S. Ambrosii sunt hæc : *Contagium judicavit , si S. Ambrosius moraretur , ne per manus adulteræ libidinis incendia transirent.* Nunc discrimen inter Josephum & Antonium notate. Mediante pallio Josephi , quatenus semel manibus Ægyptiæ tacti , libido affigi poterat Josepho : mediante

dian te tunicâ Antonii, quâ semel indutus est tentatus Monachus, castitas statim adhæsit Monaho. Vitia cum sint contagiosa, malum est omnibus infirmitatibus communis; virtutes verò contagiosas esse, in solo Antonio docuit experientia. Nunquid multos vidistis infirmos, qui suis morbis infecerint sanos? utique vidistis. Vidistisne unquam vel unum benè valentem, qui sanitatem suam affigeret infirmo? illud nunquam, nisi in sancto Antonio visum est. Joseph sanus & sanctus ab Ægyptia infici pertimuit: Monacho infirmo & graviter saucio statim sanitas D. Antonii adhærescebat: & omne id, quod stupendum magis est, solius tunicæ ipsius tactu: *ad tactum sanctarum vestium.*

Verum, ne Auditores mei, comparando tunicam Antonii cum pallio Josephi, & vestimentis S. Stephani, me jam aliquid dixisse autument, transeamus & ascendamus altius, petita reverentissimè licentiâ à benignissimo Domino, quem S. Antonius gestat in brachiis, ut vestimentorum ipsius meminisse liceat, postquam ea deposuit, Christo cruci affixo, ut comple-

*Psal. 21. v. 19.* *retur scriptura: diviserunt sibi vestimenta mea.* Milites, qui crucifixi erant, sacra ipsius vestimenta

dividere parabant. Vestimenta autem illa, modo formæque Hebræis communi & usitatâ, erat tunica infutis manicis ad talos usque protensa, aliudque indumentum desuper vicem pallii supplens. Milites quadripartitis vestimentis, singuli sibi sumpsere partem: accipientes verò, manibusque sanctissima illa vestimenta filii Dei humanati contrectantes, & singuli fortè parte, quæ sibi obtigerat, sese cingentes (pro hominum illorum consuetudine) nec oculis lumen receperunt, cum Longino; nec pectora sua percusserunt cum Centurione; neque dixerunt; *Domine memento mei cum veneris in regnum tuum, cum bono latrone.* Quod fecerunt tuit à vestimento diviso transire ad tunicam, ut secunda Prophetiæ pars compleretur: *Et super vestem meam miserunt sortem.* *Ibid.*

Sacra tunica interior erat inconfutilis, unicâ texturâ continuâ confecta, & quia futurâ carebat, convenerunt milites, ne partitim divideretur, sed missis desuper fortibus illius integra esset, cui sortes illam adjudicassent. Ita factum est: prolatis jactisq; aleis, uni soli pretiosissimus hic thesaurus totoque præstantior mundo obtigit. Qualis verò mansisse vobis videtur iste homo cum Tunica Christi? Erat illa



illa purissimis B. Virginis manibus contexta, adeoque miraculosa, ut simul cum humanitate cresceret, neque tempore ullo aut usu consumeretur; & quod plus est, triginta tribus & ultra annis Christus eam fuerit vestitus. Qualis nunc vobis evasisse videtur fortunatus ille miles, nedum illam filii Dei tunicam vestitus, sed mox ut eam tantum tetigit? Ego quidem illum mox lumine fidei illuminatum, splendoribusque circumdatum fuisse; in eodemque loco humi prostratum, divinitatem Christi agnitam adoratum fuisse, putassem: & confestim ad crucem convolatum ad Christum inde solvendum, ubi illum acclavârat: vel saltem Jerusalem ingressurum, ad prædicandum confitendumque publicè & elatâ voce, hominem illum crucifixum, verum esse Messiam, verumque Dei filium, & Jacob: eademque sanguinolentâ tunicam vel manibus gestatâ, vel Lanceæ cuspidi affixâ prædicaturum, cœcumque Israël interrogaturum: *Vide, utrum tunica filii tui sit, an non?* istud ego quidem futurum opinabar; ast nihil horum fecit miles: mansit miles, talis, tam Gentilis, tam infidelis, tam barbarus, & inhumanus executor ut ante. Nos verò ad istius Tunicz, & hujus S. Antonii conspectum sus-

Gen. 37.  
9. 32.

penfi & attoniti, quid dicemus? non aliud dicendum aut exclaimandum quàm illud Davidis: *Mirabilis Deus in Sanctis suis.* Deus nihil mirabilium istorum, mediante tunica illâ, à Matre sua contextâ, & à filio induta operari volens, tantam Tunicz S. Antonii contulit gratiam, indiditque efficaciam, ut eodem instanti, quo eam Monachus induit, ac si virtutum omnium in ea continerentur habitus, luxuria in puritatem, rebellio in subjectionem, dissolutio in modestiam, intemperantia in sobrietatem, tentatio in tranquillitatem, imbecillitas in constantiam, caro in spiritum, ignis inferni in lilia paradisi, & natura humana, non in naturam (quod minus foret) sed in gratiam Angelicam fuerint immutata: majus enim est, esse Angelum in carne, quàm sine ea.

## §. V.

Angeli ex propria sua natura huic vitio nequeunt subiacere, neque ab eodem tentari, aut esse tentati: & in hoc secundo maxima consistit prærogativa, quam S. Antonii tunica Monacho simul impertivit, qui ab eodem momento, quo illam induit, quasi.

Psalm.  
67. v 36

quasi diabolus eam reveritus fugisset, nunquam deinceps à libidine fuit tentatus. Verùm, ò Domine, quo pacto tantum mirabile, tantamque hujus gratiæ magnificentiam, quâ Sanctum tuum sublimâsti, potero declarare nisi denudò in *Sancta Sanctorum*, divinorum tuorum arcanorum ingrediendo? altissimum sanctissimi Sacramenti altaris mysterium mirabilem Dei est memoria: *Memoriam fecit mirabilem suorum*. Potissimusque mirabilem sacri hujus mysterij effectus est, homines reddere castos: *Fruentum electorum & vinum germinans Virgines*. Et quo pacto sanctissimum Sacramentum nos castos facit? eo pacto, ut vitio resistamus, non tamen castos absolutè, à tentamentis nos eximendo. Communione sacrâ perceptâ frequenter maximi etiam Sancti, & casti adhuc à Venere sunt tentati. Quod cum ita se habeat, quàm stupenda res est, qualisve virtutis incantatio, quod visâ & contactâ S. Antonij tunicâ, homo peccator & actualiter tentatus & victus, derepentè à tali non solum vitio liber, sed ab omni ejus tentatione exemptus evadat! non possum non hoc casu meminisse, quomodo in alio idem se Dominus, propriæ suæ tunicæ respectu gesserit.

Mulier quæpiam infirma, visus Christi miraculis, tantam in eum fiduciam concepit, ut dixerit: *Si tetigero tantum vestimentum ejus, salva ero.* q. d. Si permittente turbâ, ad contingenda tantum vestimenta ejus accedere daretur, me sanandam putarem. Quod speravit, illi evenit. Mox verò, ut tunicæ fimbriam tetigit, Christus conversus dixit: *Quis me tetigit? nam ego novi virtutem de me exisse.* Utrum exceptionem, reservationemque verborum horum notetis, ignoro. Infirma ex attactu tantum tunicæ sanitatem sibi promittebat; at Christus ad declarandum occurrit, virtutem miraculosam quæ sanaverat, non esse tunicæ, sed sui corporis: ut suo corpori, & non suæ tunicæ tribueretur, licet eâ esset indutus. Si igitur corporis sui miracula Christus partiri non vult cum sua propria tunica; quo modo permittit, ut S. Antonij tunica tam extraordinarium operetur miraculum, cui simile in corpore ipsius non experimur? Domine, sufficitne exteriùs tantum induta S. Antonij tunica illud operari, quod in nobis sanctissimum corpus tuum interiùs receptum non operatur? novi equidem S. Antonium de hoc divinissimo Sacramento optime meritum, ipsumque pro veritatis fidei-

ps. 110.  
v. 4.

Zach. 9  
v. 17.

Matth.  
9. v. 21.

Luc. 8.  
v. 46.

fideique ejusdem defensione, gravissima contra Hæreticos illam impugnant, subisse certamina, gloriosaque reportasse victorias, nec non innumera alia in sanctissimi hujus Sacramenti obsequium præstitisse: sed tale quid promeritum imaginari mihi non potui. Denique idem ille Dominus, qui eoque se minoravit, ut Antonius personæ ipsius junctus videretur magnus; ibidem illi sua secreta communicat. Proinde ambobus, differentiarum hujus, cur & quare, relinquamus.

Differentia, quam in hoc casu solummodò dare possunt Philosophi, & Theologi, est, quod tunica S. Antonij contigerit corpus Monachi, qui illam induit; Corpus verò Christi in Sanctissimo Sacramento non tangit corpus hominum illud recipientium. Extra dubium est, nos verè & realiter Corpus Christi recipere: sed sicut corpus Christi in Sacramento existit per modum indivisibilis, sic quemadmodum sensus visus illud non videt, ita nec sensus tactus illud tangit: & sicut hoc quod tantummodo videmus, sunt species, quantum ad colorem, ita & illud, quod tangimus, eadem sunt species, quantum ad quantitatem. Verum in ipsa hac differentia, majore adhuc convenien-

*Pars III.*

tiâ, S. Antonij gloria confirmatur. Species Sacramentales sunt tunica alba, quâ Christi corpus in Sacramento vestitur: & gratiam, quam Christus corporis sui vestibus indulgere noluit in Sacramento, illam S. Antonij vestibus concessit. Tunica illa candida castitatis tentamenta non tollit: tunica verò illa Sancti Antonij grisea eas sustulit.

Videtur hinc ulterius non posse procedi exaggerationemque excedere altaria: verum multi adhuc passus emerendi restant. Christus Dominus ac Redemptor noster, discessurus ex hoc mundo Discipulis suis præcepit, ne de Jerusalem egrederentur, usque dum virtute ab alto vestirentur: *Luc. 24 v. 50.*

*Donec induamini Virtute ex alto.* Descendente in eos Spiritu Sancto, supernâ illâ mox induti fuere virtute. Quales verò vestium harum fuerunt effectus? summatim fuerunt, quod in gratia confirmati cum privilegio graviter non peccandi. Quemadmodum verò à peccatis exempti, nunquid etiam à tentationibus similiter evasere immunes? nullâ ratione: in tantum quidem hisce mansere obnoxij, ut eadem in materia, de qua loquimur, S. Paulus gravissimè & importunissimè *2. Cor. 12. v. 7.* se tentatum confiteatur: *Datus est*

*Z*

*mihi*

*mibi stimulus carnis mea, angelus sathane, qui me colaphizet.* Si igitur Apostoli mediantibus vestibus sibi à Christo è cœlo missis, quibus ipsa S. Spiritus persona illos induit in terra, à tentationibus, & quidem ejusdem speciei tentationibus non evasere immunes, quoniam pacto, Monachus ille, mediantè tunicâ S. Antonii ab illis libet remansit? Hic aliud faciendum non superest, quàm elevatis in cœlum manibus, iterum iterumque glorificandus infinite Altissimus, qui tanto mirabilium excessu, juxta quod promiserat, honorare voluit suum Sanctum, à quo sic honoratus fuit in terra. Ablit à me (quod etiam illicitum est) vestimenta Spiritus Sancti, cum tunica comparare velle S. Antonii: verum consideratis & collatis utrimque effectibus, hoc solummodò refero, quod negari non potest. Habitus Spiritus Sancti exemit Apostolos ne vincerentur; sed non exemit ne tentarentur: Tunica verò S. Antonii exemit Monachum, non solum ne vinceretur, sed etiam ne tentaretur. S. Paulus Spiritus Sancti habitu indutus liberatus erat à peccato, non tamen à libidinis stimulis: Monachus Tunicâ S. Antonii indutus, à peccato simulque à stimulis libidinis liber remansit.

Hinc ego deduco, quàm superfluus & otiosus fuerit magnus ille Seraphici Patriarchæ animus & conatus, quando simili se tentatione vice quadam præoccupatum vidit. Tentatum quadam die à luxuriæ spiritu sanctum Franciscum, quid fecisse putatis, tam insignem militiæ Christi stipendiarium congelatum ingredieps lacum solis nivis globulis ignis illius incendia restinxit, donec inimicum suum eodem in lacu suffocaret. Notabilis tentatio, notatuque dignus animus: sed superfluus & otiosus labor & conatus. Notabilis tentatio, quod hominem velut S. Franciscum, in carne Seraphinum, caro tentare præsumat! notatu dignus animus, quod Franciscus non consideratâ congelationis sævitie, tanto periculo exponat vitam, ne periclitetur puritas! labor verò & ausus supervacaneus Glorioso Sancte. Si non obstante Seraphica tua qualitate, tributum hoc solvis humanitati: si diabolus toties à te victus tuam præsumit tentare puritatem: si remedium habes in domo, iamque expeditum & facile, ad quid illud foris, & tam pœnosum quæris? pete à S. Antonio (vel præcipe illi tanquam tibi subdito) pete à S. Antonio, ut suam tibi commodet Tunicam, &

mox

mox à tentatione liberaberis. O ingens Patris gloria ex tali Filio ! Permutent tunicas suas S. Antonius & S. Franciscus, videbunturque duo magna mirabilia. Tunica S. Francisci nihil operabitur in S. Antonio ; erat enim jam consummatus in perfectione sui Habitus : & S. Antonii Tunica adhuc habebit, quod operetur in S. Francisco ; erit enim illi contra tentationes defensio. Hoc verò modo Deus gratias dispertiit inter Patrem & Filium, ut pater exemplum esset fortium : & Filius remedium debilium.

## §. VI.

**C**oncludendo igitur cum nostro Monacho, antea tam debili, nunc tam valido : ante tam perduto, nunc tam feliciter invento, attendite & videte, an non certus animarum perditarum sit restaurator Antonius conformiter meo promisso. Porro si vel una Auditorum meorum anima periculo perditionis sit proxima, vel jam perditam in undis, in cæcitatibus, vel tam ægrè curabilis vitii labyrinthis, in quo salus adeò periclitatur : hoc tam notabilis mutationis ob oculos sibi ponat

exemplum, & sicut illud secutus est in perditione, ita illud etiam imitetur securum, efficaxque illi remedium inquirendo. Quilibet jam lapsus, aut tentatus, ad perditarum restauratorem animarum recurrat ; est enim seu officium, seu privilegium, quod Deus ipsi contulit : ex integro corde suam illi animam commendet, sine intermissione postulans, instans, & inquirens, donec illam inventam è statu perditionis educat : *donec inveniatur eam.*

Finaliter, unam necessariam valde noto clausulam, sine qua quicquid attentatum fuerit, effectu carebit. Mulier Evangelica drachmam perdidit in domo, in domo illam quæsit, & in domo invenit. Sic etiam anima perditur, sed non invenitur. Cætera omnia reinveniuntur ubi perduntur : & ibidem eadem quæri oportet. Anima quærenda non est, ubi est perditam, sub pœna quod invenietur, sed iterum perdetur. Perdidit animam suam Petrus, trinâ vice Christum negando : & notate, mulierem aliquam occasionem fuisse primam, mulierem itidem fuisse secundam. Dominus suos in ipsum coniecit mox oculos, ne in statu illo perseveraret, & ad perditam reinveniendam animam, quid fe-

cit Petrus? de loco ubi eam perdidit  
*Luc. 22* derat egressus est: *Egressus foras.*  
*v. 62.* Hoc primò diligenter observandum ei, qui animam perdidit, si eam invenire desiderat. Anima instar Solis est, qui non in occasu, sed ortu quærendus. Perditur sol in occidente, sed qui eum quærere ad inveniendum desiderat, in oriente hoc facere oportet. Anima sic inventa secura sit, non perdendam se denuò, ubi perdita fuerat. David, qui similiter suam perdidit, & invenire sciebat, dixit: *Quantum*  
*Psal. 102. v.* *distat ortus ab occidente, longè fecit*  
*12* *à nobis iniquitates nostras.* q. d. per gratiam Dei, tam procul absum à peccato, quo me perdi, quantum ab Occidente ad Orientem spatii intercedit. Secundùm litteram, versus iste homini cuidam optimè qualificato, qui ut à tentatione & occasione quadam sese expediret, Indiam petiit, quadrare posset. Ita facit, qui salvari cupit: non tantùm foras cum Petro exit, sed cum Davide se elongat. Nauclerus, qui impingendo in scopulos naufragium fecit, omni cura & sollicitudine eosdem declinat & fugit. Hujus cautelæ defectu animæ perditæ, quandoque inventæ iterum perduntur. Si S. Petrus in loco mansisset, ubi negavit, quemadmodum tribus negaverat vicibus; triginta negasset vicibus: tribus

vicibus ad complendam prædictionem, reliquis, propter non desertam occasionem: hinc primum quod fecit, fuit eam declinare: *Egressus foras.*

## §. VII.

**P**Ræmissâ hac consideratione primâ, in qua, ex parte nostra primi vitii remedium consistit; ad secundam transeamus considerationem, visuri, quomodo non minus potens & certus Sanctus nobis animarum peccato cupiditatis perditarum sit restaurator, cujus similiter exemplum unum proponam.

Quo tempore S. Antonius prædicando peragrabat Italiam, quæ admodum fama miraculorum Christi, ad ipsos usque carceres perveniebat: *Cum audisset Ioannes* *Matth. 11. v. 2.* *in vinculis opera Christi.* Pari modo fama mirabilium S. Antonii ad ipsas usque latronum speluncas penetrabat. Duo supra viginti eodem in scelere focii sylvas & nemora pererrabant, qui audito, omnes quotquot S. Antonium prædicantem audirent, converti: cum id sibi perdifficile, simò impossibile videretur, ex semetipsis veritatis experimentum capere volebant. Depositis larvis & velis, aulicorum more induti suâ singuli viâ ad civitatem

tatem pergunt, Ecclesiam, in qua S. Antonius prædicabat intrant: & Sermone nondum finito, jam quilibet eorum in alium erat mutatus. Omnes sunt conversi, omnes Sancto confessi: omnesque facinorosam vitam, cruentumque exercitium mutarunt. Ex Taumaturgis Sanctis, de quibus maxima scribuntur miracula, est S. Antonius: sed si omnium miraculorum ipsius potissimum specificare vellemus, primum sibi locum illud meritò, opinione meâ vindicare posset. Viginti & duo fures & latrones uno die eâdem horâ conversi! Est maximum quod dicere aut imaginari quis posset; non enim sunt animæ magis insensatæ, & ad reducendum difficiliore, quàm illæ furum & latronum.

Res est observata, observatuque dignissima, quod Christus Dominus noster contra vitia quæcunque prædicando, nunquam furibus & latronibus expressè prædicarit. Omnes quatuor legite Evangelistas; quod in Sermone de bono Pastore, in Parabola, de Samaritano, in illo, de vigilantibus servis, multisque aliis locis Christus furum & latronum meminit, sed quod illis prædicaverit, nusquam invenietis. Quoad fures & latrones, non aliud ipsum fecisse legimus, quàm quod eodem die, quo Jeru-

salem ingressus à turbis Rex fuit acclamatus, rectâ templum adierit, factoque ex funibus flagello videntes & euentes eos foras eiecerit, dicens, domum suam domum orationis esse, ab ipsis verò in latronum speluncam fuisse conversam: *vos autem fecistis illam speluncam latronum.* Christus fures latronesque flagellando valde proprium officio obligationiq; Regis exercuit actum: Christus verò non solum Rex erat, sed Rex simul & Prædicator: *Ego autem constitutus sum Rex ab eo super Sion montem* 2. v. 6 *sanctum ejus, prædicans præceptum ejus.* Si ergo Christus latrones furesque flagellavit velut Rex, quare eisdem non prædicavit, maxime cum esset in templo velut Prædicator? quia fures & latrones ex tali sunt hominum genere, in quibus plus fructificat castigatio, quàm quod speretur emendatio. Prædicatio ad emendandum & convertendum eum facit, cui prædicatur: Homines verò furtis assueti, adeò sunt obstinati, & emendationis quasi incapaces, ut nunquam, aut quasi nunquam convertantur. Quinto, post hunc, die ipsa illud experientia, talibusq; circumstantiis probavit, quæ omnem admirationem excedant.

Maximus mundi dies fuit, quo Filius Dei, pro redemptione gene-

ris humani vitam in monte Calvario profudit. Eodem verò die, tres fures & latrones, duo ad latera Christi, & unus, (quod est majus) de latere ipsius sunt mortui. Mortuus est latro bonus, mortuus est latro malus, mortuus est & Judas. Quis verò trium horum furum & latronum fuit exitus? bonus latro fuit conversus: latro malus cum Juda fuit damnatus. Ita ut maximo die mundi, quo Redemptor ejus quinque gratiæ misericordiæq; fontes patentes præferebat, ex tribus furibus & latronibus condemnarentur duo, & converteretur unus. Et certâ quadam die S. Antonium ex pulpito dicentem auditum venientes viginti duo fures & latrones convertuntur omnes. Si S. Antonius è viginti duobus convertisset septem, hoc fecisset, quod fecit Christus, fuissetque mirabile, si tertia furum latronumque pars fuisset conversa: sed cum tot fuerint, & omnes, repeto, fures fuerint & latrones, omnes fuerint conversi? Casus hic tam admirabilis fuit & singularis, ut nec in seipso, neque in die Redemptionis Christus illum voluerit habere exemplum.

Considerate, quæso, mecum cumque; trium horum furum & latronum in die passionis Christi salvationem seu damnationem, & mox

patebit, quàm admirabile fuerit illud Sancti Antonij. Quis malo latroni, ad convertendum ipsum prædicavit? prædicavit illi ad convertendum patientia & innocentia Christi; prædicavit illi suis in scelere quondam, & nunc in supplicio socius, corripiendo & magis exemplo: prædicavit illi Sol obscuratus: prædicarunt scissæ petrae: prædicavit ipsi denique omnium mundi Prædicatorum maximus, scilicet Mors: neque una sola ipsi mors prædicavit, sed omninò tres mortes: mors Christi, mors latronis socij, suaq; mors propria. Porro quando nec innocentia, nec patientia Filij Dei, neq; exhortatio, conversio & exemplum socij, neque Solis tot horis obscurati portentum, neque scissarum petrarum novitas, sed nec ipse mortis horror, tresque sub ocalis mortes ad unum latronem convertendum suffecerunt; unicus tantùm S. Antonij sermo, ad viginti duos fures latronesque convertendos suffecit.

Ad Judam transeamus. Judas uti & reliqui Apostoli omnes, prædicationes Christi auribus excipiebat: & postremò Christus ad ipsum specificè Judam septem sermones direxit: Primum, pridie passionis, quando electis à se Apostolis dixit, quod unus co-

rum



nam Diabolus esset factus : Secundum , quinto præcedente die , murmurante Judà de unguento Magdalenzæ quasi inutiliter & prodigè profuso , prætexendo pauperum subsidium , quando Christus modestè illum corripiendo , omnes reprehendit : Tertium , in Cœna Agni , quando protestatus est , quod manum secum mittens in parapliden se traditurus esset : Quartum , in lotionem pedum , postquam dixit Petro , ipsum , aliosque Discipulos esse mundos , sed non omnes. Quintum , quando consecrando Panem dixit : *Hoc est corpus meum , quod pro vobis tradetur* : Sextum , finitâ cœnâ dicens exclamando : *Ve homini illi , per quem Filius hominis tradetur ! melius illi fuisset , nunquam natum fuisse* : Septimum , quando , Judæ ad exequendam venditionem & traditionem egresso , Christus ironice dixit ( quod illi ambo soli intellexerunt ) *Quod facis , fac citius*. Omnes sermones isti sagittæ erant , quarum unam super alteram Christus in pectus Judæ intorquebat , tantò validiores , quantò breviores , tantò nervosiores , quantò secretiores , tantòque decentius directi in illum , quantò magis indifferenter dicti videbantur ad omnes. Quid verò profuit tanta , tamque exactè composita , & distributa Rethori-

ca , in qua amabilis Magister omnem divinæ sapientiæ suæ artem exercuerat ? mortuus est Judas obstinatus in malo , morte , solutioneque condignâ , quod vendidit vitam. Et quando omnes Christi prædicationes simul junctæ , septemque ejusdem sermones specificè & in particulari ad unum furem & latronem reducendum & convertendum directi , eundem non convertant nec reducant ; Unica S. Antonii prædicatio , non in particulari , sed in communi , ad illam peccati speciem non ex proposito directâ , sed casualiter tantum dictâ & audita unâ vice duos supra viginti fures & latrones convertit & reducit , pensate num quippiam mirabilius excogitari queat ! necdum satis adhuc ponderatum est.

Ponderare pretii summam , quod Christus ad convertendum Judam exposuit ; & illud quod S. Antonius ad convertendos viginti duos fures & latrones expendit , & sic mirabile clariùs patebit. S. Antonius ad convertendos fures & latrones jam dictos , non nisi cœptam jam prædicationem continuavit , & convertit : Christus ad convertendum Judam , quæ non convertit , tot in particulari & communi , prout jam vidimus , adornavit exhortationes , se se ad pedes

## §. VIII.

pedes ipsius prostravit : sacris manibus suis ipsi pedes lavit , quæ lotionis magnam ex oculis suis exilientis aquæ lacrymarum partem admiscuit , quâ similiter eos lavit : sumendum se in pane & calice præbuit : denique ad proditorium osculum infigendum faciem ei præbuit : amicum illum compellavit , talem ipsum ex animo esse desiderans. Et quando Christus ( jam notate ) quando Christus ore exhortando , genua flectendo , manibus lavando , oculis plorando , faciem offerendo , corde condonando , & toto suo corpore & sanguine , nec non totâ suâ animâ & divinitate , in pectus Judæ immisissis , unum non potest convertere furem & latronem ; S. Antonius solâ suâ linguâ , duos supra viginti fures & latrones convertit. Voluit utique Deus in binis hisce exemplis ostendere , quousque pervenire possit cordis humani duritia ; quidve operari valeat gratiæ divinæ efficacia. Istud verò mirabile est , quod separato seorsim utroque effectu , durities humana contra prædicationem , omnesque Christi probaretur labores : divinæ verò gratiæ efficacia , sine alio labore , solâ Antonij prædicatione monstraretur.

VERùm , ad conversum conversi latronem , inter hunc aliosque conversos latrones discriminis magnitudinem videbimus. Convertit se latro bonus , omnibus illis heroicis actibus , præclarissimarumque Virtutum concursu , quas Sancti celebrant , nec ego in comparisonem adduco : sed in furibus & latronibus prædicatione S. Antonij conversis , præter numeri excessum , circumstantia suppositiove fuit valde diversa , quæ , quemadmodum conversionem reddebat multò difficiliorem , eandem hac ex parte reddidit admirabiliorem. Non loquor de prærogativis hujusce magnæ diei , de Christi visi & auditi vicinitate & præsentia , nec de assistentia B. Virginis , aut umbra Crucis , de supplicij similitudine , aut cæli terræque prodigiis , neque de ipsa terra recenti sanguine divinis ex venis emanante rigata , qui adhuc in exiccato jam trunco ( melius quàm in Aaronis virga ) eodem tempore flores fructusque producere cessare non poterat. Omnes , constellationis diei locoque illi propriæ & singularis , influentiæ concurrerunt efficacissimè operatæ , ad fidem pœnitentiamque latronis boni expediendam : cumq̃ nihil

nihil horum adesset, aut sperari posset in conversione furum & latronum ab Antonio conversorum, præter nuda, nulloque alio exteriore influxu, qui vim addere posset, adjuta Antonij verba: planè apparet tam scælix ex parte latronis boni, quàm admirabilis ex parte horum conversorum differentia. Verùm non est ista, quam dixi, circumstantia & suppositio inter illum unum, & hos valde diversa, quam ponderare & pensare velim.

Abstrahendo igitur ab omni alio, comparisonemque de homine ad homines, & de latrone ad latrones faciendo, dico, Conversorum à S. Antonio conversionem longè fuisse difficiliorem, & hinc magis stupendam. Bonus latro erat homo captivus, custodibus stipatus: hi verò vagabantur liberi & soluti, Judicum officio necdum traditi: ille non solum jam condemnatus, sed actualiter jam sententiæ executionem patiens in supplicio constitutus erat; mortem transversam habebat in gutture, ut vivere non posset, manus acclavatas habebat cruci, ut furari jam aut latrocinari amplius non liceret: hi verò tunc, ut ante, furtis vacare, & vivere liberè poterant. Ex quo sequitur, conversos ab Antonio fures propriè mutasse vi-

ram, & deseruisse exercitium: quod fur & latro ille Calvarij non potuit: vita enim & exercitium, potiùs deseruit illum. Quod etiam, quantumcunque durus & obstinatus convertatur latro, detectis jam & propalatis flagitiis & fraudibus, quæ extrema conversionis sunt impedimenta, & quanto magis furcæ jam proximus, & in eam jam actus, omni difficultate vacat: verùm quod convertantur tot, & à vita tam dissoluta & effrœni, ad moderationem rationisque dictamen & Christi legem vitam deinceps transigere proponant: quod integra cohors, sine omni contradictione, vivendi institutum immutare, laboreque manuum propriarum, alienis sese laboribus implere assuetarum, vitæ necessaria acquirere resolvant, plenum difficultate, omnique admiratione dignum fuit opus.

Vitæ sustentandæ ergò, labori se mancipare, alij vivendi methodo assuetum, tantam difficultatem involvit, ut eadem ipsa artem artesque furandi adinvenerit. Villicus ille Evangelicus, privandum se officio, quo vivebat, cernens, nec licitum honestè vivendi medium amplecti paratus, quidnam cepit consilij? Sacer Textus, ipsum debitorum Domini sui literas vitasse asserit, tali verò modo & arte

ut Herus industria ipsius condonaverit fraudem & furtum. Hæc diaboli est astutia, quâ providentiam æmulatur divinam. Ne diffi-

*Matth. 6. v. 26. te volatilia cæli*, inquit Christus.

Volatilia aratro terram non profeindunt, nec sementem mittunt, neque colligunt messëm, nihilominus sustentantur : idem astutiã diaboli aves istæ faciunt rapaces. Alii fodiant, sive arant, alii laborant, alii sudant : & quod illicollegerunt in horrea, aut vendiderunt in foro, hi hisque similes in viis, compitisve in marsupia sua & crumenas congregant. Primus in mundo fur, primus fuit homo (tam inveterata & inolita est furandi consuetudo, ut primi homines fuerint fures) primum hæc furem condemnavit Deus, ut in sudore vultus sui, suum comederet panem : *In sudore vultus tui,*

*Gen. 3. v. 19. vesceris pane tuo.* Succedentes verò fures id didicerunt & practicare sciverunt; ut mutatâ sententiã, loco *sudore vultus sui*, panem non suum comederent, cum sudore vultus alieni. Et homines huic vivendi methodo assueti, unanimi consensu illam immutârunt seque solis & nudis S. Antonii verbis, irretiri, capi, spoliarique siverint. Scio vos desiderare motivum vobis à me declarari, quo S. Anto-

nus illud ipsis persuasit: sed quamvis id ipsam historia non referat, cum æneis illud laminis insculptum extare mereretur, casus huius mirabile, majore difficultatis ejusdem consideratione status continere.

Parum esset, si alieno vesci, arandi, sudandique tantum alleviaret laborem : sed idem magis sapidum palatoque gratius asserunt, mirumque & insolitum habendum, si quis eo abstineret ipsis furibus hoc asserentibus, tanquam ex mala praxi & exercitio partialibus, & propriâ perversâ inclinatione deordinatis non crederem : nisi Spiritus Sanctus suã illi sententiã subscriberet: *aqua sup. Prov. 9. v. 17. riva dulciores sunt, & panis absconditus surrior.* Hoc tantum in verbis istis miror, quod ad probandam declarandamque saporis excellentiam, alieni & furto ablati, in pane & aqua, comparatio constituatur. Aqua sapore caret, & si saporem habet, aqua non valet. Panis sapor itidem tam est modicus, ut, nisi sapidus illi adjungatur esculenti cujusdam socius, magna tantum fames illum comestibilem faciat. Denique hominem solo pane & aquâ vivere, non est se reficere : sed jejunio, & quidem rigidissimo & strictissimo se macerare. Quomodo.

modo igitur Spiritus Sanctus, non saporem tantum alieni, sed & dulcedinem & suavitatem ejusdem in pane & aqua declarat : *Aqua furtiva dulciores sunt : & panis absconditus suavior* : melius declarari aut exaggerari nequivisset. Ac si Oraculum divinum dixisset, tantus tamque extraordinarius est sapor alieni, talisque dulcedo & suavitas furto ablati inest, ut ad panem usque & aquam, si furto ablata sunt, sapidissimus cibus, sit alienum. Ex proprio vivere in pane & aqua, maxima est poenitentia; vivere ex alieno, quamvis in pane & aqua, deliciae sint opiparumque convivium. Sic sapiens est bolus, ille alienus.

Magnaequidem rubore suffundor, à Rege mutuandum esse exemplum, quo veritatem hanc confirmare debeam. Verum non frustra dixit S. Augustinus: *Qui sunt magna regna, nisi magna latrocinia* ? Rex Achab rapiendi sibi vineam Naboth, desiderio aestuabat: cumque difficultatem in desiderii sui executione inveniret (ita etiam Reges mali temporis istius, in furripiendis subditorum suorum bonis difficultatem & obstaculum experiebantur) voti sui repulsam seu retardationem ita persensit, ut ad mensam vocatus

comedere recusavit : *noluit comedere panem suum* : inquit textus septuaginta Interpretum. Et S. Ambrosius addit : *quia cupiebat serpi alienum*. Extraordinarius igitur sapor est alieni, ad gustum usque & palatum eorum, qui non nisi exquisitissimis cibus assueverunt ! Ita ut apparatus illinc mensam regiam, & hinc pauperis Naboth appositum pane; quia Achab comedere prohibebatur panem alienum, omnem erga mensam regiam perdiderit appetitum. Accumbebat quadam vice Lusitaniae Rex Joannes, nominis illius tertius, magnam ciborum nausae affectus. Porro alios inter assistentes ipsi nobiles, quidam notae dexteritatis aderat; cui Rex, nominatim illum vocando, inquit; quidnam remedium mihi suggeris provocando appetitui, quia omnia fastidio? respondit ille, Majestas tua de alieno comedat, sicut ego facio, & mox sentiet quam benè sapiat. Ita respondens ille aulicus, ridendo veritatem dixit. Vultin', veritatem hanc vobis exaggerare absolvam? Audite igitur quam sapidum sit alienum. Alienum, est pillula infernalis, exterius aurum, intus infernus; nemo quippe comedit alienum, quin simul deglutiatur infernum. Et cibus toto inmixtus inferno, si tanto

comeditur appetitu , pensate an non singulare quid sapere videatur. Cum igitur talis & tantus alieni sit sapor & appetitus , ut sublimis adeò conditionis personas capiat , occupet , & extremè excæcet : quod viginti duo homines rapiendi latrocinandique exercitio assueti , qui nullo alio suppetente patrimonio , non nisi rapto vitam transigere sciebant , non consideratâ mutationis differentiâ , solâ cuiusdam sago vestiti , & fune succincti hominis voce permoti , eandem subire tam cordatè resolverint , nullus dubio relinquitur locus , quin ex parte ipsorum , admiranda planè & prodigiosa fuerit conversio : Ex parte verò S. Antonii excellentissimus fuerit actus , clarissima victoria , gloriosissimæque triumphus , quem Prædicatorum aliquis nunquam obtinuit.

### §. IX.

**E**Cce denuò quàm admirandus animarum perditarum restaurator , tam in hoc secundo , quàm primo vitio sit noster sanctus Antonius. Quod si ego exhortari vos præsumerem , ut ex hoc exemplo , vel viginti duobus exemplis proficere satageretis , injuriam vobis inferre fortè putarer. Benè novi in hac terra non dari fures ex offi-

cio ; sed dantur officia furandi exercitio obnoxia , & totum illud accipere , vel retinere , aut non solum aliud , quantumcunque specioso illud coloretis titulo , æqualiter ad septimum spectat præceptum. Proinde vobis dico , sub quocunque demùm titulo jam perditam , aut cupiditatis vitio ad perditionem tendentem geritis animam , ut ad S. Antonii recurratis patrocinium , ut in tempore vobis illam restituat & restauret. Rogate eum ut vos audiat , & vos auscultate ipsum , cum tanta sit verborum ejus efficacia. Super omnia nolite opinionibus decipi , quæ laxant perduntque conscientias : ante omnia hoc certum habetote , quod ubi lucrum opesque acquirere speratis , ibidem animam perdat : & ubi certo perdidistis , à quærendo cessare nolite , donec illam inveniatis : *donec inveniatur eam.*

Denique sicut unam vobis suggesti cautelam necessariam , & sine qua concupiscentiæ carnalis vitium curari nequit : ita , quæso , audite & alteram , à qua non minus , imò plus adhuc dependet pro cupiditate , & ad expediendam à laqueis rei alienæ animam. Mulier Evangelica , inquiente textu , ad perditam inveniendam drachmam , accensâ lucernâ everrit domum :

inum:

*num: accendit lucernam, & everrit domum.* Omnes salutis æternæ cupidi, saltem in hora mortis restituere sunt parati; sed domum everrere recusant. Multa sanè lacrymis digna videntur in terra nostra; quomodo moriantur parentes: de quadraginta, sexaginta, imò centum Cruciatorum debitorum millibus testantur: testamentum condunt, quo Hæredes ad ea solvenda obligant, eodemq; tempore domum pretiosissimis quibusque variis generis cymmeliis oppletam relinquunt, exclusis aliis non gravatis quomodocunque modo bonis, quibus statim debita solvere possent: Testamento confecto, Crucifixum amplectuntur, ac propinqui & amici consolatione acceptâ, ipsum, instar S. Pauli mortuum esse dicunt. Hoc stylo se se declarant & consolantur, & fortassis ad moriendum similiter animantur. Auditores auscultate me, quamvis procul hinc. S. Paulus nullius quicquam concupivit aut accepit, neque debitor cuiusquam exitit, de quo publicè, & scripto protestatus est dicens: *argentum & aurum, aut vestem nullius concupivi, sicut ipsi scitis.* Et quamvis S. Paulus parum debuisset, aut multum, quemadmodum nihil possidebat velut suum, à restituendi onere impotentia cum excusa-

bat. Verùm sine restitutione emori, domum opibus plenam relinquentem, & salutem æternam adipisci! Theologiam istam lex Dei non docet. Ab omnibus aranearum telis & pulveribus domus everrenda est (id enim pulvis est comparatione animæ) domo sic expurgatâ, Dominus sibi salutem promittere potest.

Intravit Christus Dominus noster domum Zachæi, causasque intrandi manifestè declaravit effectus: *Ecce dimidium bonorum meorum, Domine, do pauperibus: & si v. & quid aliquem defraudavi, reddo quadruplum.* Istud dixit Zachæus: quid verò respondit Christus? *Hodie salus huic domui facta est.* Hic notate multa, & quanti momenti sunt omnia, tantâ quoque ponderatione sunt digna. Primò Christus salutem huic domui factam dixit; ast quando? non quando domum intravit, sed quando Zachæus ad restituendum se resolvit. Non intravit salus domum, intrante Christo; sed exeunte inde alieno. Zachæus sic domum everrit, ut nihil in ea remanserit: medietatem dedit pauperibus; & medietatem creditoribus: omnibus foras eiecit. Et quando hoc modo everrit seipsum, domusque scopis mundata remansit, tunc inventa fuit drachma perdita; salusq; ingressa.

Amplius. Zachæus bifariam bona sua divisit, primum dimidium deputavit pro eleemosynis: secundum ad satisfaciendum creditoribus & debitis: porro Christus quamvis tantus pauperum Patronus, ipso de eleemosynis mentionem ingerente ac verbulum respondit: ubi verò progressus se debitis satisfactorum sponddit, tunc certam domui salutem asseveravit. Promptè solvite quod debetis, neque eleemosynas neque legata pia relinquendo: tot Missarum millia, tot defunctorum officia, tot funebria, tantæ pompæ, totque exequiæ quid profunt, dum his cantantibus, creditores gemunt? restituite, & si nihil superfit, nec Missam quidem pro anima legi curate, sacrificium enim oblatum sine restitutione vos non salvabit, quod sine sacrificio ipsa restitutio faciet. Verùm illis, quæ non nisi vanitati & pompæ deserviunt, novæ sunt expensæ, & nova contrahuntur debita, peccato irremissibili novam addentia circumstantiam, dum debita jam contracta non solvuntur.

Dicitis fortassis, vel dicunt, quos consulitis, quod in testamento vestro debita agnoscendo, & solvi mandando satisfaciatis. Decipitis vos ipsos, & decipimini ab

illis. Et si minus: respondete mihi. Quando jure hæreditario ad vos devenerunt ædes paternæ, reliquitne pater debita? sat multa. Nunquid eadem vobisolvere mandavit, aut seriò recommendavit? omninò. Nunquid ea solvistis non: imò majoribus aliis auxiliis. Si igitur ultimam parentis vestri testamento confirmaram non implèstis voluntatem, moraliter certi, nec filios vestros, vestram fore impleturos: quo pacto, vos Deum decipere putatis, aut quo pacto vosmetipsos decipere & damnare disponitis, ædes alienis & non vestris rebus plenas relinquendo? Zachæus non alii restitutionem mandavit: sed ipsemet restituit. Non dixit, reddam; sed, *Reddo*. Non dixit postea: sed, *Eccè*, id est statim. Et quia non expectavit crastinum; hinc illi Christus dixit: *Hodie salus huic domui facta est.*

## §. X.

**V**ideor mihi affatim demonstrasse vobis, quàm certus animarum perditarum restaurator sit S. Antonius. Quoniam verò demonstrationem hanc totam, ad duo capitalia vitia, quibus generaliter magis perduntur animæ reduxi, Christiana forsàn curiositate acti



acti merogabitis, utronam horum perditæ difficilior recuperentur animæ? hinc carnis concupiscentia pro objecto habet delectabile; illinc cupiditas, utile: concupiscentia inclinat ad conservationem speciei: cupiditas inclinat ad conservationem individui. Concupiscentia, est inimicus naturalis, intestinus, & domesticus: cupiditas, exterior: & hæc ob causas concupiscentiæ vitium eradicatum difficilior videtur. Ex alia parte cupiditas crescit cum ætate, concupiscentia verò imminuitur. Materia cupiditatis etiam permanet post mortem; illa concupiscentiæ ante vitam finitur: pro emendatione concupiscentiæ sufficit pœnitere; pro emendatione cupiditatis, necesse est pœnitere & restituere: unde difficilior videtur vitii hujus correctio, & in eodem certior damnatio. Hinc Gentiles sum cuiq; Deo assignantes locum, Cupidinem posuerunt in infernum. Ita ut optima propositionis hujus conclusio, nec non consilium saluberrimum sit utraque hæc vitia declinare, fugere & detestari. Ut nihilominus sub distinctione respondeam, quæ inter utrumque dari potest; dico, facilius sperandam conversionem animæ luxuriæ vitio perditæ, quàm cupiditatis: porro si hæc anima, in mate-

ria cupiditatis & alieni Legi divini sese conformiter gesserit, etsi in materia luxuriæ quibusdam fuerit peccatis obnoxia, probabilior salutis argumentum censeripotest.

Non fuit magis perditus, & in carnis peccata effusior quàm filius prodigus, nihilominus in se reversus, peccata confessus, gratiæque Dei fuit restitutus: postquam perditus, fuit inventus: *perierat & inventus est.* Quodnam verò in homine isto præambulum talis mutationis fuit indicium, aut dispositio: omnem præviam conversioni dispositionem legite, & invenietis; quod cum adeò prostituti in vitio luxuriæ esset pudoris, in materia tamen alieni, conscientia fuerit adeò tenera, ac Sanctus aliquis esse posset. Postquam omne patrimonium, *luxuriose vivendo*, absumpserat, eodem miseriarum redactus est, ut Herum inquisierit, cui tam sordidum pascendo pecus inserviret, sicut propria ipsius vita sordida prævi fuerat: *Vt pasceres porcos.* Notate quod textus adjungit: *Cupiebat ibidem ventrem implere de siliquis, quas porci manducabant; & nemo illi dabat.* Si siliquæ, commissi ad pascendum gregis, erant esca, & consequenter ipsius dispensationi & curæ traditæ, quare indo non

Luc. 15.  
v. 32.

v. 16

Tume-

sumebat etiam sibi, quamvis alij non darent? quia tam scrupulosus erat in alieno, quàm prodigus in proprio: ut etiam tam gravi urgente necessitate, nihil sine Heri sui indugentia sibi sumere auderet. Et homo in materia alieni tam scrupulosus, qui ad transigendam & sustentandam miserè & arctè vitam, nec ad paucas excussas siliquas sylvestres audeat extendere manus, quamvis in luxuriæ materia tam propudiosè effusus, non vulgaria conversionis salutisque adipiscendæ argumenta prodit. Deus omnem animam ab utraque liberet perditione: sed magis à secunda quàm prima, utpote magis periculosa.

Et supposito, quod in Sancto Restauratore nostro Antonio tam expeditum certumque pro utraque perditione, & pro omnibus, siue in his, siue in quolibet, aut qualicunq; alio vitio perditis animabus, remedium habeamus; restat, ut quotquot animæ in simili se statu aut periculo deprehendunt. ad potentissimum ipsius patrociniū confugiant confidentes quod exauditiæ salutem consequentur. Porro ut in fiduciæ certitudine confirmemini, auscultate modum, quo ad ipsum confugere oporteat. Non est petendum ab hoc Sancto, sicut ab aliis, neq; sicut

quis gratiam petit aut favorem, sed velut qui petit iustitiam. Petens iustitiam ab eo cui illam administrare incumbit. petit requirendo: petens debitum ab eo, qui obligatur solvere, petit postulando: & hoc modo petendum est à Sancto Antonio: non solum petendo & obsecrando; sed requirendo & postulando: requirendo eum, sicut cui ex officio incumbit restituere omne perditum: postulando, sicut qui ad restituendum & restaurandum obligatur. Si minus, edicite mihi: quare Sanctum Antonium captivum quasi ligatis, quando in restituendo & restaurando, quod petitis, vobis tardare videtur? quia restituere omne perditum, in S. Antonio non est gratia, sed debitum: & quemadmodum debitum non solventem captivum tenetis, ita illum captivatis. Ego nec audeo nec præsumo violentiam hanc absolutè approbare aut damnare: siquidem ex pietate procedit. Sed alium vobis suggero modum, quo validius arctiusque S. Antonium ligetis.

Puerulus Iesus, velut ille, cui tam carò constiterunt animæ, similiter Sanctum ligavit Antonium, ut suas sibi animas recuperaret perditas. Primò S. Augustini ipsum alligavit cingulo, postmodum


modum S. Francisci chordâ, ultimò, uti videtis, suis brachiolis *ligat* *amplexum*, inquit S. Petrus Chryso-  
S. Pet.  
Chrysol
 logus: hicque decentior, nobilior, devotior, arctiorque est stringendi modus. Ad nudos illos S. Antonii prostrati pedes, illos stric-  
 tissimè amplectentes, dicite, cum  
Gen. 32  
v. 26
 Jacob: *Non dimittam te, nisi benedixeris mihi.* Hic ad pedes tuos confisto, Gloriosissime Sancte, nec dimittam te, neque ab eis recedam, nisi benedictionis illius particeps, quâ prae omnibus Sanctis, pro tot animarum remedio, te Deus dotavit. Mea tot annis fuit perdita, ut nec illa de me, nec ego de ipsa quicquam scirem.

Quemadmodum illa tot aliorum peccatorum recuperâsti, quorum ego quoque in perditionis via, vestigia fui secutus; Ego quoque ab ardentissimo illo, qui in præsens usque æquè adhuc vivax perseverat zelo, eandem cum illis misericordiam merear obtinere, quam illi obtriverunt. Illumina, deduc, dirige me, & doce hanc perditam quærere & invenire animam: neque lux tua, patrocinium tuum, potentia tua efficacia, & intercessio me deferat, usque dum inveniam illam:

*Donec inveniat eam.*

*Amen.*





# S E R M O

De

## S. CATHARINA.

Dictus ad Universitatem Conimbricensem

Anno 1663.

*Quinque autem ex eis fatuæ, & quinque prudentes. Matth. 25.*

§. I.

*Prov. 9.  
v. 1.*



Omnia, quam sibi ædificavit sapientia: *Sapientia ædificavit sibi domum:* Erat pars illa interior, sacra-  
riorque Salomonici templi, alio nomine, *Sancta Sanctorum*, appellata. In hujus medio erecti stabant duo Cherubini, quorum nomen sapientes significat, & inter omnes Angelorum Choros scientiâ & sapientiâ supereminet. Hæc alis protegebant arcam, & manibus sustentabant propitiatorium: quæ erant thesaurus thronusque divinæ Sapientiæ. Arca thesaurus erat sapientiæ divinæ, quantum ad literas & doctrinam; inclusas enim continebat scriptæ primò, deinde

dictatæ à Deo legis tabulas: Propitiatorium autem sapientiæ divinæ thronus erat, ex quo voce vivæ oracula reddebat; in eo enim Deus consultus vocalitèr respondebat, unde etiam oraculum vocabatur. Parietes domûs in circuitu septem palmis erant cælati, quarum trunci totidem constituebant columnas, ramorumque summitates se mutuò contingentes, sex naturalitèr formabant arcus; sub quibus sex similiter Cherubim statux erectæ cernebantur. Hæc forma erat & ornatus, à Salomone ædificatæ, à Deo verò delineatæ, Sapientiæ domus, nec quicquam aliud, quàm Cherubim & palmæ in ea visebantur, in quibus eadem sapientiæ, velut omnium victrix, trophæa sua & triumphos ostentabat.

Ve-

Verùm si Deus tempore illo, *Dominus Exercituum*, dicebatur: exercitibusq; imperare, acies ordinare, victorias tribuere, aut eripere gloriosum sibi putabat: collocatæ sub triumphalibus arcubus statuar, non de Cherubinis sapientibus, sed de famosis Capitaneis & Ducibus fieri debuisse videntur. Nonne decentissimè primo quadrasset arcui statua Abrahami, ense stricto proprium suum filium sacrificantis, & & quatuor Reges, armatis tantum domus suæ Vernaculis, gregumq; suorum pastoribus victoriosè profligantis? nonne convenientissimè sub arcu secundo collocata fuisset statua Moysis, prodigiorum operatricem Virgam manu tenentis, & submerso in mari rubro Pharaone, de tota Ægypto gloriosè triumphantis? nonne sub arcu tertio optimè prodiiisset Josue Solem & Lunam sistens, pro confœderatis Gabaonitis pugnando hostilem exercitum ad internecionem cædens? nonne quartum arcum condecorasset statua Gedeonis, facem sinistrâ, tubam verò dexterâ tenendo, innumerabilem Madianitarum & Amalecitarum exercitum turbatum in fugam & interitum præcipitantis? nonne quintum splendide exornasset arcum statua Samsonis, leone procumbente ad pedes, & maxillâ a sinæ Phylistæorum

mille interficientis? denique, nonne quàm elegantissimè ordinem hunc illustrissimum clausisset statua Davidis fundâ & lapide prosternentis Gigantem, proprioque ense ipsi amputantis caput? si igitur sex istæ statuar insignes aulam Domini Exercituum pompaticè ornassent; ut quid triumphales palmarum arcus, statuas potius sapientum operiunt Cherubinarum, quàm generosissimorum Ducum? quia extra controversiam est, iudicio æstimationeq; divinâ (quamvis contrariâ quorundam opinione) in tantum sapientiæ victorias illas armorum, gloriâ excedere, quantum manus à capite distant. Idcirco voluit Deus, ut domum sibi ædificaret non Pater, sed Filius: non David generosus, sed Salomon sapiens.

Suppositâ veritate istâ, quæ absolute, & vel potissimum in hac literarum palæstra, sine controversia venit supponenda, accommodando me professioni Auditorii, nec non celebritati diei, de S. Catharina non nisi, quâ Doctrice & sapiente hodie loquar. Ezechiel Propheta rotam se vidisse asserit, juxta unum Cherub: *Rotam iuxta Cherub unum.* Quis vero Cherub iste, ad latus rotam habens, nisi S. Catharina? in sapientiæ domo, cuilibet palmæ Cherubini

*Ezech.*  
10. v. 9.

rubim unus respondebat: in domo hac, quæ similiter est sapientiæ domus, unum videbimus Cherubim cum palmis multis. Assumptum igitur sermonis, erunt victoriæ S. Catharinæ: & titulus, sapiens Viatrix. Ave Maria.

## §. II.

**S**plendidissimum theatrum, quod unquam in terra visum, gravissima & sublimissima disputatio in Academicis unquam audita, rarissima & vel maximè obstupefenda, quam unquam ab ignorantia literata & inflata, vera retulit sapientia, victoria, est illa, quæ hodie prodefendente habuit, unum Cherubim in muliebri amictu: vel speciem mulieris cum intellectu & alis. Cherubim S. Catharinam. Celebrari huius spectaculi theatrum, Imperiale fuit palatium: Auditores & assistentes Imperator Maximinus, Senatus Alexandrinus, & tota Curia & Nobilitas Orientis: Quæstio ventilata, de unius pluriumve Deorum vera fuit Divinitate, nec non de fide & religione, ab hominibus amplectenda: Defendentes ex una parte, erat paucorum annorum scæmina; ex altera, quinquaginta Philosophi, ex omnibus seclis & Universitatibus selecti: disputationis desiderium, & controversiæ successus, tam inauditi

certaminis magnitudini æqualiter in omnium animis respondebat. Primo loco Philosophi argumenta sua tumidi proposuerunt, applaudente toto theatro de victoria certa, quæ ab intrepida defendente tacito risu sunt excepta. Postquam verò omnes scientiæ suæ vires, in defensionem mortuorum mutorumque Deorum suorum, quos ipsi immortales appellabant, exeruissent, Catharina de veri Dei æternitate, principij experte, cœlo terraq; ab ipso creatis, nec non de humanitate Verbi, pro remedio mundi, in tempore assumptâ, disserere incepit. Locuta fuit Catharina tali rationum pondere, tali ingenij acuminæ, eloquentiaq; plus quàm humanâ differendo sic peroravit, ut non solum facillimè fundamenta, & principia deceptoriosq; Philosophorum errores dissolverit, sed eorundem in ipsos argumenta retorquendo, tantâ convicerit & confuderit evidentiâ, ut nemine ipsorum vel respondere, vel contradicere auso, unanimi omnes voce infallibilem Fidei Religionisq; Christianæ veritatem fuerint confessi. Quid hic consilij, viso inexpectato rei eventu, crudelis Imperator Maximinus capesseret allusum victumq; se conspiciens in religionis suæ Magistris, quibus eam propugnandam crediderat

derat; in furiam actus & rabiem, falsorum infamiumque Deorum suorum falsitatem jam notam publicèque demonstratam cernens, quibus nihilominus imperium suum tribuebat; vice ejus, ut lucem rationalemque Philosophorum corundem sequeretur docilitatem; barbaro-impioque decreto mandat, ut vel statim idolis sacrificarent, vel ignibus omnes interirent. Quo facto mox omnes, sine hæsitatione & tergiversatione ulla, non constanti solum, sed alacri gaudentique animo mortem pro Christo subierunt; eademque horâ, & eodem ex theatro, in quod Philosophi fuerant ingressi, exierunt Theologi; ubi intraverant Gentiles, inde exierunt Christiani: & ubi intraverant Idololatæ, inde exierunt Martyres. O Fidei victoriam illustriorem & magis obstupescendam, quam quotquot ante & postea, Christianitatis celebrârunt sæcula! ô Catharinæ triumphum, non cum dubus palmis in manibus, Virginis scilicet & Martyris; sed cum quinquaginta palmis ad pedes, subtilis, Angelicæ invincibilisque Doctricis! dignæ profectò pro hoc viro nunquam actu, usin supercilio montis Sinai, eum supremi legislatoris sit thronus, eadem manus, quæ literas scripserunt divinas, æternū memoriz ipsarum erigerent trophæum.

Iste Auditores, celebris & famosus fuit actus, tam diei, quam loco proprius, super quo brevissimo hoc temporis spatio discurrere proposui: ad ejus tam admirabilis victoriæ excellentias particulariùs subtiliusque discutiendas, Evangelium thematis loco allegata verba suggestit: *Quinq; autem exierant fatuæ, & quinq; prudentes.* Virgines quæ ad excipiendum sponsum exierant, erant decem, quarum quinq; fatuæ, & quinq; prudentes. Prudentes & fatuæ quando exierunt: *Exierunt obviam sponso & sponsa*: Prudentes & fatuæ, quando dormitârunt: *Moram autem faciente sponso*. Prudentes, & fatuæ, quando aliis intrantibus ad nuptias, aliæ foris mâserunt: *Et quæ paratæ erant, intra-verunt cum eo ad nuptias, & clausa est ianua.* Quod modo considero, est, cum duo ista fuerint paria, sexu similia, & numero æqualia, ingenio differētia: sexu similia, omnes enim erant virgines: numero æqualia, erant enim quinæ & quinæ: prudentiâ differentes, quædâ enim erant fatuæ, & quædam prudentes: nec fatuæ simul omnes, nec pars, immò nec unica earum, ex consortio, familiaritate & conversatione prudentium emendata ad saniorē mentem rediret. Quod si omnes fatuæ, omnibus quinq; prudentibus Magistris & docentibus hoc facere dis-

*Martini  
25. v. 2.*

*Ibidem  
v. 10.*

*Ibidem  
v. 5.*

*Ibidem  
v. 10.*

Bb 3 carent

cerent singulari non videretur admiratione dignum, de Virginibus ad virgines; de quinque ad quinque; & de prudentibus ad fatuas; sed de Virginibus ad virginem, de quinque ad unam, & de prudentibus ad fatuam: quod nec una sola quidem, mutaretur ex consortio, neque emendaretur familiaritate, neque converteretur exemplo: ita evenit, & usu venire solet: cum magis admirandum sit, quod fatuæ non perverterint omnes prudentes, quam quod omnes prudentes ne vel unam converterint fatuam.

Transseamus nunc ad S. Catharinam, eademque paria in sexu, numero, & ingenio contemplemur, quam dispari modo pugnarent, quantumque admirabilius vicerint. Sexus erat idem, utraque enim erant virgines; numerus æqualis, erant enim quinque & quinque; vis & armatura fortior, quia aliquæ erant prudentes, & aliquæ fatuæ: in certamine verò Catharinæ cum Philosophis, illa erat unica sola, & Hi quinquaginta: illa Virgo, Hi viri: illa prudens, & Hi prudentes: unde resistentia fortior, & colluctatio difficilior. Proinde quod una mulier, vel nondum mulier (quia decimum octavum ætatis annum nondum attigerat) contra tot, talesque viros in acie decertans; non

solum unum, multosve eorum, sed omnes omnino vinceret, & ad eandem fidem, quam impugnabant, proprii sanguinis profusione defendendam paratos redderet; istud, victoriæ ipsius circumstantias assero, quæ non imaginabilem ipsi gloriam comparant. Procedamus nunc discurrendo, & considerando per se singulas, & patebit quam singularis in singulis fuerit nostra prudens victrix.

### §. III.

**I**ncipiendo à prima differentia, quæ est de numero ad numerum, & de una ad multos: si Gentilitas, licet fabulosa, tanquam certum & irrefragabile asseruit, quod nec Hercules contra duos; quænam, quæso, provocatio inæqualior, quæve victoria gloriosior, quam inter unum, vel unam (quod minus est) & Quinquaginta? in Gigante Philistæo agminibus exercitus Saulis exprobrante certaminis modum provocandique formam oppidò semper fui demiratus: *eligit 1. Reg. ex vobis virum & descendat ad singulare certamen. 17. v. 8.* q. d. Ex toto exercitu vestro seligite virum quem volueritis, ut singulare mecum ineat certamen, id est. de corpore ad corpus, de manu ad manum, de milite ad militem, de homine ad hominem. Hunc provocationis modum



modum Phylistæus quadraginta diebus integris continuavit : & quamvis nullum duelli aleam secum subire ausum experiretur , nunquam tamen provocationis formam mutavit vel aliquid ei addidit ; & hoc est , quod miror. Gigantis hujus statura juxta sacrum textum , *erat altitudinis sex cubitorum & palmi*. Si igitur proceritate suâ tres adæquavit homines , quare arrogantia ipsius , non tres , vel saltem duos provocavit viros , sed unum tantum : *ad singulare certamen* ? quia velut miles non ignorabat quod vir contra plures quàm virum unum , quantumcunque validus sit & audax , prævalere nequeat. Verùm necdum pensatum est , quod volo. Postrato Gigante à Davide , tripudiantes egrediuntur in occursum victoris , ad excipiendum deducendumque eum cum triumpho post victoriam , quod verò cantabant , erat il-

1. Reg. lud : *percutit David decem millia*.

12. v. 7. Id est , David Gigantem occidendo , decem millia peremit. Itaque vir pro decem millibus virorum reputatus , non nisi unum singularem ad certamen ausit provocare ? Non. Arrogantia in animosis animi generositatem semper excedit : nec est generositas aut arrogantia sic Gigantea , ut contra plures

quàm unum in arenam descendere præsumat.

O quam delusam se hodie cerneret Gigantis Goliath arrogantia , si hodie ad inspiciendum provocationem certamenque Catharinæ resurgeret ! una nunc in arena , contra quinquaginta , & non contra quinquaginta viros , sed contra quinquaginta Gigantes , quilibet enim erat maximus , scholæque suæ seu sectæ primipilus. Quemadmodum antagonistæ erant quinquaginta , justissimè Catharina provocationem dividere potuisset in totidem duella , & decertationem in totidem disputationes , veritatem quam defendebat , contra singulos seorsim propugnando : sed omnibus simul cordatè se opponere , omnes simul animosè impugnare ausa , de omnibus certam sibi victoriam promiserit ! hæc vel maximè stupenda fuit circumstantia. Infamosa illa triumpho Horatiorum Romanorum , triumque Coriaciosum Albanensium reciproca provocatione , duo Coriacij duos interfecerunt Horatios , tertiusque adhuc superstes Horatius , omnes tres peremit Coriacios : sed quomodo ? se solum conspiciens fugâ salutem quæsit , quem reliqui in sequebantur : primum , qui cæteris velocius currendo ipsum fuscus erat affecutus , se convertendo con-

confodit, fugamque continuavit : similiterque secundum jam se affectum interfecit : & ultimo tantum superstiti , solus cum solo congressus, huius quoque necedorum fratrum suorum cædem vindicavit, integrâ sibi victoriâ relicta. Titus Livius, alijque Historiarum Romanarum conscriptores actum magnis laudum encomiis extollunt, dicentes, tertium Horatium tres Coriatios superâsse : at non rectè dicunt. Ternis successivè vicibus, singulos seorsim & successivè superavit, sed non simul omnes. Est evidens ; qui superavit illos quibuscum congressus est , & nunquam cum tribus simul, sed nec cum duobus quidem , sed uno tantum manus conferuit. Tres fuerunt victoriæ, unius de uno, & non una victoria, de tribus. Quod eousque vero consonat, ut tres , immò etiam duos fugerit ; quia nec cum tribus, neque cum duobus manus conferere ausus , cum uno solo commiserit.

Jam dudum ante hunc casum Eccl. 4. dixerat Salomon : *Funiculus tri-*  
 v. 12. *plex difficile rumpitur.* Prudens & magnanimus Horatius, eisdem tres , quos simul provocare non præsumpsit, adorsus hoc modo de filo in filum, funem rupit, qui aliàs totus rumpi non poterat. Verùm

non sic Catharina. Decertantes secum non divisit , neque cum singulis seorsim & successivè conflixit : sed cum non duo, neque tres, sed quinquaginta essent , omnes simul ad congregiendum admisos , etiam simul omnes devicit.

Porrò tam sublimis & plus quàm humanus est ille vincendi modus, ut ipsa omnipotentia, nisi extraordinariè operetur, dividat ad vincendum , vel vincat dividendo. Maximum bellum, quod humana præsumptio intentavit Deo, fuit, illud turris Babilonicæ ædificatorum, cælum eâ contingere præsumebant : *cuius culmen per-*  
*gat ad cælum.* Et dixit eos illud consecuturos, nisi tempestivè temerariis eorum cogitationibus obex poneretur : *cæperunt hoc face-*  
*re, nec desistunt à cogitationibus*  
 *suis, donec eas opere compleant.* Ipse tandem Deus personalitèr occurrit , neque alio modo hominum istorum, qui soli debebant in mundo, cogitationes conatusque dissipavit & confudit quàm illos dividendo. Simul juncti turrim ad cælum usque ædificabant ; jam divisus, nullus erat qui cœptum opus continuaret : eademque machina quæ incepit in turri, finit in confusione ; & hinc Babilon vocata.

Hoc pacto Deus vicit tunc : at alitèr hodie vicit Catharina, licèt  
 cona-

Gen. 11.  
v. 4.

ibid.  
v. 6.

conatus uterque valde sibi fuerit similis. Philosophorum concors intentio erat, non ædificare turrim novam, quæ pertingeret, sed sustentare eam, quæ jam cælum contingebat: in cælo enim & in cælis collocabant divinitates falsas, quas propugnabant. In uno cælo Jovem, in altero Saturnum, in alio Mercurium, in alio Venerem, in alio Martem, in alio Dianam, in alio denique Apollinem. Et quid Catharina fecit? Deus ædificatoribus turris confudit linguas: *venite confundamus linguam eorum.* Et Catharina similiter Philosophorum confudit linguas, sed modo diverso. Deus ædificatorum confudit linguas, ne se invicem intelligerent: & Catharina linguas Philosophorum confudit, sic eas ligando, ut nec loqui possent, nec haberent quod responderent. Utrique confusi, utrique victi; sed Deus adversarios suos vicit dividendo: & Catharina suos absque divisione. Ad hoc ipsum Dei artificium simili in casu alludens David dicebat: *precipita Domine, divide linguas eorum, quoniam vidi iniquitatem & contradictionem in civitate.* q. d. Inimici mei, Domine, Absoloni associati, jam in Jerusalem dissentire cœperunt, aliis Achitophelis, aliis Chusai sententiam ample-

*Pars III.*

ætentibus, id nunc tantum te rogo, ut eos omnes totalitèr divides, quemadmodum in turris Babilonicæ constructione fecisti; quos enim vincere nequeo unitos, vincam divisos. O David! ô Catharina! David illam Dei victoriam imitando, ad vincendum manus cum inimicis divisas conferere parat: & Catharina nullius imitando exemplum, non singulos seorsim & successivè, nec divisos, sed junctos simul prodire in aciem desiderat: non enim singulos repetitis victoriis, sed unicâ victoriâ superare vult omnes.

#### §. IV.

**D**ifficultatis hujus, & differentiz in vincendo eosdem simul, vel seorsim, ratio est, quia licet multitudo ex unitatibus componatur, unitates eadem, quæ divisæ sunt infirmæ, unitæ sunt fortissimæ. Hinc ænigma illud Theologicum patebit, quod cum veritas sit definita, cum novitate semper explicatur & declaratur, nec unquam penetratur. Certum est quod solis auxiliis ordinariis nemo omnes tentationes in materia Levi vincere potest: & similiter certum est, quod iisdem auxiliis solis quælibet earundem vincere possit. Si igitur quælibet tentationum in singulari illam collectionem omnium-

Cc

nium-

*ibid.*  
v.7.

*Psal. 4*  
v.10.

niumque multitudinem format, & omnes ex qualibet earum componuntur sine consortio alterius; ego qui possum vincere singulas, quare non possum vincere omnes? quia ista est vis mysteriumque multitudinis. Adversarii iidem, qui vinci possunt divisi sine labore, omnes simulque sumpti, sicut & in casibus aliis, ita & in hoc, vel difficultate maxima, vel nullâ prorsus ratione superari queunt. Et notate, vel mementote (sicut nostis) non loqui concilia, de collectione simultanea, sed successiva: ut appareat quàm stupenda & excessiva admiratione sit dignum, quod Catharina superet convertatque quinquaginta Philosophos simul omnes, cum plus quàm admirabilis victoria videri posset, vincere, & successivè convincere singulos, cum essent tot & tanti.

Dixi vincere & convincere, & parum dixi; potuisset enim Catharina vincere & convincere omnes illos Philosophos, quamvis eos non reduxisset & convertisset: quod sicut victoriam magis reddit arduam, ita quoque gloriosiore. Non fuit theatrum Alexandrino, de quo agimus, similis, quàm illud famosum Mempheos in Ægypto, in quo Barbarus Pharaos Maximino prælusit. Ex una parte solus stabat Moyſes, ex alterâ om-

nes Ægypti totius Magi, præſente Rege & aulâ totâ omnes successûs expectatione suspensi. Moyſes (qui historiæ author est) quot fuerint Magi, non refert; eâ enim erat fiducia animique generositate, ut numero limitem non posuerit. Et quamvis S. Paulus duos tantummodo Jannem & Mambrein nominet, sufficiebat istos duos esse sicut ducentos. Et altera notabilis est circumstantia numerique excellentia, quem Catharina vicit; nam quinquaginta non ab illa determinati, sed à Maximino fuerunt electi: unde sequitur, quod tantundem fuerit vincere quinquaginta, ac si fuissent quinque millia, Moyſes igitur Virgam suam convertit in serpentem, & Magi similiter suas in serpentes magnitudine ferociâque æquales, finisque concertationis fuit, quod serpens Moyſis omnes alios devoraret. *Devoravit Virgas eorum.* Jam nunc interrogo. Nunquid suffecisset à serpente Moyſis, Magorum serpentes fuisse peremptos? hoc solum non suffecisse videtur, sed ut superioritas clariùs elucesceret, victoria prodigiosior appareret, theatrum funestius & truculentius ostenderetur, nec non ipse Pharaos magis confusus compungeretur. Quia igitur de causa Ægyptiorum serpentes non tantum occisi, ve-

2. Tim.  
3. v. 8.

Exod.  
7. v. 12.

rùm etiam devorati fuerunt? quia in hoc serpentes Mosayci, cum serpentibus Magorum pugna, præfigurabantur pugnae & victoriæ quas sapientia Christiana, ab omnibus Gentilium sectis, æquè phantasticis, apparentibus, ac falsis, ac Ægyptiorum Magorum serpentibus tererant, obtentura foret; in quibus fidei religionisque pugnis & certaminibus difficilior gloriosiorque victoria est, si adversarij & hostes simul devorentur, quàm si tantum occidantur. Quare? quia occisum esse tantummodo, est victum esse & convictum, viribus, animo, voceque destitutum ad persistendum in eo, quod defendebat: devorari verò à comedente, non tantum est victum esse & convictum, sed etiam conversum, quemadmodum comestum in substantiam convertitur comedentis. Profundissimum hoc arcanum, non ab inferiore, quàm ipso Deo S. Petro fuit revelatum, quando omnis Gentilitatis conversio, in variis bestiarum serpentumque speciebus fuit ostensa adjecto mandato, ut non tantum illa occideret, sed etiam manducaret, id est, ut eos

Ita  
Greg.  
Chry.  
Ios. &  
alii PP.

conversos sibi incorporaret: *occide, & manduca.*

Hujuscemodi fuit Catharinæ victoria, ut non tantum vicerit & convicerit Philosophos, eorum-

que sectas, sed victos & convictos, à falsa sectarum suarum superstitione ad veram converterit fidem, quam impugnare intendebant, ex membris diaboli faciendo membra Christi, sibique eos incorporando, quemadmodum serpens Moysis Magorum serpentibus fecit. Serpens Moysis unus erat, & Catharina una: serpentes Magorum multi, & Philosophi multi: illi non solum superati, verum etiam devorati: hi non solum victi, sed etiam conversi: illi omnes, & hi omnes, nullo prorsus in suo errore perseverante. De casu ad casum, & de victoria ad victoriam, hæc notabilis fuit differentia: quod Moysis serpens Magorum serpentes, successivè alterum post alterum devoravit, *prout illi ipsos in specie formant: proiecerunt singuli virgas suas, quæ versæ sunt in dracones.* Catharina verò convertit Philosophos non unum post alium, & quemlibet seorsim in particulari certamine, & disputatione, sed unâ vice & simul omnes. De serpente Mosayco inquit Textus, quod Magorum serpentes devorando deglutivit, ad ostendendū omni ipsos resistendi virtute caruisse, quemadmodum lubrica & mollia faciliè deglutiuntur. Verum si idem ipse serpens alios non successivè, sed simul omnes ad instar unius boli deglutiisset,

Exod. 7  
v. 12.

nunquid prodigio majori similis visum fuisset? clarum est quod sic. Quod igitur non fecit miraculosè Moyſis serpens, hoc sine miraculo Catharina fecit, convincendo & convertendo tot Philosophos famulos, non quemlibet particularitèr iteratis disputationibus, sed omnes simul disputatione tantum unâ: mirabile rarum, & sine exemplo.

Quatuor vicibus, temporibus diversis S. Augustinus disputationem publicam, in oculis totius Africæ, fuit aggressus. Cum quot verò congressus? primâ vice cum Fortunato Manichæo, secundâ vice cum Felice similiter Manichæo; tertiâ cum Fortunio Donatista, quartâ, cum Emerito itidem Donatista: quod victor semper fuerit regressus, superfluum est, dicere: quod verò victorias illas reddidit gloriosiores, fuit, quod ipsi met victi eas confessi, ad fidem, quam negabant, fuerint reducti. Porro si clarissimo Ecclesiæ Athletæ in tantam laudem vertitur quod de persona in personam, de Doctore in Doctorem, quaternis disputationibus, quatuor sectarum suarum insigniores vicerit. Quàm incomparabilis illa Catharinæ erit gloria, unicâ disputatione quinquaginta simul sectarum suarum Antesignanos vincere & convin-

cere! de S. Gregorio Magno constat, quod disputatione singulari Eutychen victum reduxerit. Verum quàm raræ in omnibus sæculis similes Ecclesiæ referuntur victoriæ, cum exempla contraria extent tam frequentia. Præsente *Baron.* Papa Zepherino, Cajus Prochum *Spond.* Montanistam convicit, sed non reduxit. In Concilio Antiocheno, Melchior Paulum Samosatenum convicit, ast Paulus reductus non fuit. Coram multis omnium facultatum iudicibus, Archelaus Manetem Manichæum convicit, at Manetes non fuit reductus. In multorum Episcoporum confessu, cui etiam ipse Rex Galliæ interfuit S. Bernardus Petrum Albailardum convicit, sed Petrus non fuit reductus. Eodem modo S. Cyrillus Alexandrinus Nestorium, Maximus Abbas Pyrrhum, S. Cæsarius Julianum, S. Hieronymus Helvidium, Jovinianum, Vigilantium convicit: & nemo horum veritatis victoriam agnovit, imò videntes se convictos, evaserunt obstinatiores.

Verum, ad quid recensere exempla de homine ad hominem, cum ipsis totis Conciliis acciderit idem? Hierosolymis, Nicæ, Constantinopoli, Romæ, Carthagine, vel Tridenti vos præsentes agere cogitate: quid ibi videbitis? Tri-

denti

genti majestati, authoritati, Synodi Oecumenicæ, universalique Ecclesiæ totius Catholicæ scientiæ & sapientiæ obgannire audentem, neque Concilio Tridentino cedentem videbitis Lutherum. Carthagine Cœlestinum satis convictum, adhuc refractarium. Romæ Macedonium, Concilio Romano se non submittentem. Nicæ Arrium Concilio Niceno pertinaciter contradicentem. Constantinopoli Dioscorum Concilio Constantinopolitano sese opponentem. Denique Hierosolymis Cœrinthum Concilio Hierosolymitano, cui S. Petrus præsidebat, impudenter resistentem, suis diffinitionibus illud impugnantem, nec non primam sectam ipsius doctrinæ contrariam introducendentem. Tanta est intellectus humani rebellio & pertinacia, quando præsumptione tumida, superbiâ excæcatur. Eadem nunc consideratione Alexandriam versus conversi, in magna illa Christianitatis theatra, & in hocce oculos conjiciamus. Ibi tot, tamque eminentes viri, quamvis clarè convincant, ad reducendū unum hominem baptizatum & Christianum omnes simul non sufficiunt: & in hocce sola Catharina convincit, subigit, Christoque subijcit tot tamque eminentes viros, Idololatrias &

Gentiles. Ibi tot & tanti non prævalent contra unum: hic una prævalet contra tot & tantos. Resultantem ex paralleli hujus combinatione conceptum quilibet formet sibi, si fortè illum comprehendat, ne quippe, ad deducendum illum, nedum exaggerandum, verba deficiunt.

## §. V.

**E**Nimverò, si numerum considerando, S. Catharina prudentes virgines Evangelicas vicit sola reducendo quinquaginta, quando ipsæ, cū essent quinque, non potuerunt, neque sciverunt reducere vel unam; non minùs illustris ejus victoria extitit, in consideratione sexûs. Illæ cū essent virgines, ne vel unam docuerunt virginem: S. Catharina quinquaginta docuit viros. S. Paulus Apostolus tam modicum fœmineo credidit sexui, ut mulieribus universaliter docere inhibuerit: *Docere autem mulieri non permitto.* 1. Tim. 2. Quodnam verò S. Paulo tam uni-

v. 12.

versalis tamque odiosæ humani generis dimidio, & in parte ipsius magis sensitiva, inhibitionis fuit motivum? Motivum ipsius fuit motivorum omnium maximum, scilicet experientia: *Adam non est ibidem seductus, mulier autem seducta in v. 14*

*prævaricatione fuit.* In Adamo & Eva (inquit Apostolus) innotuit virilis fœmineiq; intellectus differentia: Eva quippe decepta fuit & seducta, Adam verò minimè. Doceat igitur Adam, doceat vir: Eva, & mulier non doceat. Quod ipsi expedit, & ego præcipio, est, ut taceat & discat: *Mulier in silentio discat.* Huic conformiter præcepto, quod naturale magis quàm positivum videtur, siquidem ab Adamo & Eva Apostolus illud deducit, Catharinæ tacendum & discendum erat tantquam mulieri, Philosophos velut viros, velut in scientiis suis graduatos, velut celeberrimos earundem Professores docere oportebat. Verùm quod dicentem Catharinam Philosophi auscultent: Catharinâ docente, Philosophi discant: Catharinâ non disputante solùm, sed definiente; non argumentante tantùm, sed concludente; non oppugnan- te, sed vincente, tot tantique viri, victos se agnoscant & confiteantur: fuit victoria, quæ de sexu ad sexum exemplum habuit unum: & de intellectu ad intellectum nullum.

Deus Jabim Chananæorum Regis potentiam humiliare decreverat, quia Populum Israëliticum vehementer oppresserat: *Hu-*  
*Judic. 4 v. 23. miliavit Deus in die illo jabim Re-*

*gem Chanaan coram filiis Israel.* Et textus inquit, quod Deus huic suo exequendo decreto novum bel-  
*Judic. 5 v. 8. landi modum elegerit: Nova bella elegit Dominus.* In bello, quod Deus elegit, novus & nunquam visus agminum turmarumq; ordo, nova & nunquam usitata arma, novæ machinæ, nova stratagemata esse debuisse videntur: sed nihil horum fuit. In quonam igitur, hæc adeò famosa & decantata novitas consistit: in eo, quod à Chananæorum parte, plurimis prostratis viris, in parte Israëlitarum, una mulier fuerit victrix. Quod ita Debbora, ad Barac Israëlitici exercitûs Ducem protestata fuit: *In hac vice, victoria non reputabitur tibi, quia in manu mulieris tradetur Sisara.* id est, in hac vice, victoria non erit tua, siquidem Sisara Chananæorum Dux cum toto suo exercitu, ab una muliere vincetur. Notate hæc verba: *in hac vice:* mulierem enim vincere, virosque vinci, casus est, qui non sæpe, sed semel & una vice omnibus retro sæculis contigit: semel in armatorum conflictu, uti in Debbora: & semel in litterarum stadio, sicut in Catharina. Porro si adeò gloriosa & decantata fuit illa Debboræ victoria, solum quod mulieris esset unius contra viros, licet quadraginta millia virorum à parte sua numeraverit: quantò ad-

mira-



mirabilior, admirationeq; dignior censenda illa Catharinæ, quā nullo comite sola, nec in bello de gladio ad gladium, sed de intellectu ad intellectum reportavit.

Samaritana illa Evangelica, excellentis sublimisque ingenii & intellectus erat mulier, prout habitus cum Christo ostendit discursus: cū scientia illa quam ex puteo Sichar hausit, tam profundē sapiens & intelligens evasit, ut de ore Christi audire meruerit altissimum illud, ad id usque temporis mundo nondum revelatum de Messia secretum: *Ego sum, qui loquor tecum.* Hac sapientiā repletā, luceque supernaturali perceptā, loco aquæ, quam haustura advenerat, Samaritana mox in civitatem suam, ad inferendam fidem notitiamque Christi fuit regressa: sed quonam modo? casus est, in quo omnes Sancti PP. Expositores multa considerant. Illa tantum civibus suis retulit, quod ad puteum Sichar invenit hominem, qui, quicquid ipsa in vita sua gessisset, sibi dixisset: ut illi inde colligerent, num fortasse talis homo Messias foret: *Venite & videte hominem, qui dixit mihi omnia, quacunque feci: nunquid ipse est Christus?* Si igitur Samaritana certō sciebat, Christum esse Messiam, quare illum non palam & expresse confi-

tetur & prædicat, quare illum supponit & proponit, concives suos invitans & sollicitans, ut abeant visum, utrum ipse esset: *nunquid ipse est Christus?* S. Andreas, ex Magistri sui Joannis Baptistæ instructione, perceptā Christi notitiā, mox fratri suo S. Petro dixit, quod Messiam invenissent: *invenimus Messiam*: quod interpretatur Christus. Et Philippus eādem acceptā notitiā, tanquam novum quid idem Nathanaëli notificavit: *Quem scripsit Moyses in lege, & propheta, invenimus eum.* Quare igitur non eādem claritate mulier locuta, dubio tantum & quæstioni subjecit, quod certō sciebat?

S. Augustinus, S. Chrysostomus, & omnes PP. Samaritanam prudentissimē operatam esse asserunt, non consilium quod concives sui in re tam gravi, fidem sibi habituri forent: Sed qui ejusdem diffidentiae rationem, energiā & emphasi stupendā declaravit, idem fuit Evangelista S. Joannes casum referens. Notate verba. *Reliquit ergo hydriam suam mulier, & abiit in Civitatem, & dixit illis hominibus.* Quia convertendierant Viri, & ipsa mulier, Samaritana nec promittere sibi, neque sperare præsumpsit fore, ut persuaderentur, cō quod sola hoc illis diceret: hinc solum tetigit punctum & ex-

Ioan. 1.  
v. 41.

Ibidem  
v. 45.

Ibidem  
v. 28.

citavit

citavit quæstionem. *Nunquid ipse est Christus* : hinc illis dixit, ut visum abirent : *Venite & videte*. Quali sic secum ratiocinata: si tantum momenti est materia, & illi viri, & ego mulier, quomodo mihi credent? vadant ipsi & videant, quod ego vidi: vadant & audiant, quod ego audiavi: & ipsimet sibi persuadebunt, quod ego illis persuadere non præsumo. Tantæ prudentiæ fuit timor ille Samaritanæ omninò desperantis convertere viros, cum illa esset mulier, quamvis adeò illuminata à Christo: ut hinc pateat, quod, licet Catharina non convicisset nec convertisset Philosophos, ipsa nihilominus resolutio congregiendi cum illis, magna esset mulieris, victoria de viris. Verùm convicit & convertit illos, præter spem omnium mulierum, & præter virorum & hominum omnium opinionem, prout modò videbimus.

## §. VI.

**A**pparuerunt Marijs Angeli mane resurrectionis, apparuitque illis ipse Christus resuscitatus, mandans ( uti jam ante mandaverant Angeli ) ut læta hæc nova Apostolis deferrent. Abeuntes, quæ viderant, & quæ ab Angelis, Angelorumque Domino in mandatis acceperant narrârunt:

quale verò Apostoli, tam de legatione, quàm Mariarum testimonio formârunt judicium? *Visa sunt ante illos sicut deliramentum ista verba, & non crediderunt illis*, *Luc. 24 v. 11.* Tale formârunt judicium, ut scilicet omnia deliria interpretando, fidem illis negarent. Ignoro sanè, utramne hic partem delirâsse asseram. Ut testes fide dignæ haberentur singulæ seorsim, & multò potius omnes simul, ab Angelis, immò ab ipso Christo, ad hanc legationem deputatas fuisse sufficiebat. Mariæ Magdalenæ qualitas & judicium notoriè honore & reverentiâ dignum erat: aliæ duæ Mariæ, proximæ Christo Domino erant consanguineæ, & Maria Salome duorum Apostolorum mater, & Maria Jacobi, trium. Si igitur talium respectu fidem merebantur, omnesque velut testes oculares, idem affirmabant, quare non solum fides ipsis negatur, verùm narrata ipsarum delirii censuram incurrunt? Ulterius. Eodem ipso die, Petrus Christum sibi apparuisse asserit, moxque omnes ipsum verè resurrexisse crediderunt: *Surrexit Dominus verè, & apparuit Simoni*. Igitur Petro qui paulò ante ter Magistrum suum negaverat, tantum creditur, & tribus Mariis, quæ pendenti in cruce astiterant, quæ sepultum quærebant.

bant nulla fides tribuitur? si Petrus est Discipulus, illæ pariter sunt Discipulæ: si Petrus est sanctus, illæ quoque sunt sanctæ: si Petrus est verax, illæ similiter sunt veraces: si Christus apparuit Petro, illis similiter apparuit Christus, insuper & Angeli, quos Petrus non vidit: quod superat omnia. Petrus est unus, illæ verò tres: & eadem veritas in ore Petri veritas, in ore Mariarum delirium reputatur? sic est: Petrus enim erat vir; & Mariæ, mulieres: nec est, nec fuit ratio alia. Discipulos desperabundos in Emmaus tendentes audite: *Nos autem sperabamus, & super hac omnia, tertia dies est hodie: sed & mulieres quædam ex nostris terruerunt nos, dicentes se visionem Angelorum vidiſſe, qui dicunt eum vivere.* Illud ipsum igitur testimonium, Christum vivum esse, & à morte resurrexisse, tertia die, nonne magnum sufficiensque motivum erat credendi potius, quàm desperandi? ita planè, nisi mulierum fuisset testimonium. Verùm, quia testimonium erat mulierum, quamvis scholæ ejusdem mulierum: *mulieres quædam ex nostris*: tantùm abfuit ut in fide illos confirmarent, ut potius spem illis sustulerint: *Nos autem sperabamus: & mulieres quædam terruerunt nos.*

Age, jam casum nostrum ag-  
*. Pars III.*

grediamur visuri, quid non persuaserunt Mariæ, & quid persuasit Catharina; qualesque fuerint viri quibus non persuaserunt Mariæ: qualesque fuerint quibus persuasit Catharina. Viri, quibus non persuaserunt Mariæ erant Apostoli: viri, quibus persuasit Catharina, erant Philosophi. Apostoli erant Christiani, Philosophi Gentiles: Apostoli erant Discipuli Christi, ejusdemque omnes Gymnasij: Philosophorum alij erant Discipuli Pythagoræ, alij Socratis, quidam Platonis, illi Aristotelis, nonnulli Democriti, & alij Epicuri; sectæque ac scholæ adeò diversæ sibi que contrariæ, velut illa Pythagoricorum, Cynicorum, Peripateticorum, Stoicorum, Academicorum & reliquæ. Insuper Apostoli Christum amabant, resurrectionemque ipsius desiderabant, quam non credebant: Ipsaque (uti Theologi vocant) *Pia affectio* optima est ad credendum dispositio. Vice versâ Philosophi erant hostes Christi legisque ipsius Adversarij; & eadem ipsa malevolentia erat dispositio vel maximè retinens & à fide credendoque deterrens; nam: *In male-Sap. i. volam animam non introibit Sapientia. v. 4.* Et utrisque adeò dispositis, Apostolis ad credendum Philosophis verò ad non credendum:

Dd

Ma-

Mariæ, eò quod essent mulieres, ne unum quidem fidei Mysterium, scilicet resurrectionis persuaserunt Apostolis : & Catharina similiter Mulier, omnia fidei ejusdem Mysteria, propriis ipsorum opinionibus è diametro contraria persuasit.

Philosophorum quidam multos credebant Deos, alij ex toto divinitatem negabant: & Catharina persuasit omnibus esse Deum, illumque unum esse essentiâ, trinumque personis, cumque quælibet esset Deus, non tamen tres Deos, sed unum tantum esse Deum. Philosophorum quidam credebant mundum fuisse ab æterno; alij Deum illum condidisse necessariò & non liberè affirmabant; alij increatum & se ipso subsistentem asseriebant: & Catharina, eum habuisse principium, finem quoque habiturum, & Deum ipsum creâsse in tempore, nec ex atomis compositum, prout quidam sustinebant; sed ex nihilo creatum esse, illis persuasit. Philosophi, omnia casu accidere docebant; aliqua desinere non posse, quod ita hoc fata decrevisent, alia esse mutabilia & contingentia, & non nisi à fortunæ arbitrio dependentia: & Catharina, nec fortunam esse nec fatum, nec quicquam casu accidere, sed omnia summâ gubernari & dispen-

sari sapientiâ, divinâque providentiâ ea regi & ordinari persuasit. Philosophi peccatum esse originale, ejusque remedium ignorarunt; & Catharina, omnes homines, in homine primo peccâsse nondum existentes, & in remedium ejus, nec non aliorum peccatorum, Verbum secundam in Trinitate personam, absque quod, Deus esse desineret, hominem esse factum, ipsis persuasit. Philosophi naturam unam in alterius hypostasi subsistere posse ignorabant; & Catharina illis persuasit, quod in ineffabili composito Christi, eâdem in hypostasi duæ subsisterent naturæ realitèr distinctæ; & cum idem Christus esset simul Deus & homo, simul infinitus esset & finitus, immensus simul & limitatus, impassibilis simul & passibilis, immortalis simul & mortalis. Philosophorum quidam animæ immortalitatem negabant; quidam eam in dubium vocabant: & Catharina, animam non solum esse immortalem, verum & corpora quoque, post resurrectionem immortalia futura persuasit, quæ omnia judicaturus foret Christus, alia missurus in infernum, & alia secum deducturus in cælum, ad fruendum Deo, gaudendumque in æternum; & quod in hac clarâ visione Dei hominis

1. Cor. 1.  
v. 23.

minis beatitudo consisteret, super qua tor & tam diversas ipsi Philosophi formabant opiniones. Denique Philosophi explodebant tanquam indignum quid, homines iudicio rationisque usu præditos, pro Deo, unum adorare crucifixum: *Gentibus autem stultitiam*: & Catharina non solum adorandum crucifixum, sed ipsam etiam crucem quamvis tam infamis supplicij instrumentum, & non solum ipsam crucem, sed quamcunque illius imaginem adorandam esse persuasit. Et quod omnia hæc fidei Mysteria, humanam in tantum excedentia rationem, ut multa ipsi videantur etiam contraria, una mulier quinquaginta Philosophis persuaderet Gentilibus, quando tres Sanctæ, tantæque autoritatis, eò tantum, quod mulieres essent, unum tantum resurrectionis Mysterium persuadere nequiverint undecim Discipulis Christi, pensate an non stupenda fuerit victoria.

Verum, meo quidem iudicio, ista necdum maxima fuisse videtur illius circumstantia. Quænam igitur fuit? quod Catharina non solum omnem Christi fidem persuaserit Philosophis, verum etiam virtutem Christo quàm maxime propriam, eòusque Philo-

sophiæ incognitam, & ad discendum difficillimam, scilicet, Humilitatem. Postquam enim spectabile illud theatrum scientiis suis tumidi & inflati ascenderant, nemo eorum sapientiæ doctrinæque unius mulieris sese submittere & subdere dubitavit, nec moratus, nec æstimans, quod ab omnibus circumstantibus, totoque mundo ab una muliere victi viderentur. Abimelech armatâ manu oppidum Thebes ingressus, cum nihil, præter turrim, expugnandum restaret, ostio ipsius ignem apponebat; & ecce mulier una *Jud. 9. v. 53.* *fragmen mola desuper jaciens, illisit capiti Abimelech, & confregit cerebrum eius*: qui nihilominus non omisit dicere armigero suo: *Evangina gladium tuum, & percutite me, ne fortè dicatur, Jud. 9. v. 54.* *quod à femina interfectus sum.*

Tam ignominiosum est viris præsertim illustribus & famosis, qualis erat Abimelech, à muliere victum audire, ut prælegerint & mandârint sibi necem potius, quàm talem ignominiam inferri, & sustinere. Quinquaginta verò Philosophi à Catharina docti & instructi, tali modo & animo mundum, & cuncta ejusdem diætria riserunt, ut non solum ignominia sibi non verterint, à

Dd 2 muliere

muliere se victos confiteri, sed in victoriâ, fideique, quam ab illa didicerant, testimonium, vivi comburium subire non trepidârint, prout omnes, hanc ob causam, vivi flammis sunt consumpti; dicere liceret, quod in hoc actu, illi plus quàm viros se ostenderint: & Catharina plus quàm mulierem: sed sufficit hanc manere mulierem, & illos viros, ne assumptum nostrum excedamus.

### §. VII.

**P**onderatâ Catharinæ victoriâ, duabusq; considerationibus excusâ, de numero ad numerum, & de sexu ad sexum: si fuit admirabilis & illustis, quod esset de una ad quinquaginta, & de muliere ad viros: tertia & ultima consideratio, magis eam pro admirabili qualificans, est, esse de sapiente ad sapientes. Quod quinque prudentes virgines non reducerent vel unam fatuam, ratio est, quia stulti plerumque incorrigibiles existunt: sed quod prudens una & docta, tot prudentes & doctos reducerit; fuisse dico circumstantiam, quæ victoriam prodigiosam, & sapientis prudentisque victricis nostræ trophæum illustrius reddidit.

Vulgarum illud Philosophorum assertum, quod simile non agat

contra simile: *simile non agit in simile*: in nullo agente magis verificatur, quàm in sapiente, ad sapientem. Cum armis utantur æqualibus, se mutuò quidem impetere, sed vincere nullatenus possunt. Famossissima concertatio, cujus literæ sacræ meminerunt, & quæ talis, prima & antiquissima res est, in mundo literis conscripta, fuit illa Jobi cum tribus illis Philosophis, qui suis in æumnis eum invisuri venerunt. Evenit illi, quod inter doctos & literatos plerumque usu venire solet, quos intervistatio à conversatione exorsa, in quæstionibus & disputationibus desinit. Ex doloris dictamine loquebatur & proponebat Job, cumque tristis hæc propositio consolationis potius levamen, quàm argumenta peteret, primus contra eam Eliphaz, secundus Baldad, tertius Sophar argumentari cœpit: & quamvis Job disertè & nervosè tam ad argumenta, quàm ad instantias iterum, iterumque replicatas responderet; Eliu foris auscultans præ cæteris tantâ illum vehementiâ aggressus est, ut nisi Deus parti Jobi accedens auctoritatem suam interposuisset, disputationis exitus ignoratus fuisset. Si igitur Job, tantâ, & acquisitâ & infusâ excelluit & valuit scientiâ; si naturali & supernaturali sapientiâ

&

& prudentiâ emicuit; si tanta tamq; sublimia, tantâque eloquentiæ vi, quantam ipse dolor, etiam loqui nescientibus extorquet, fuit effatus; & super omnia, si militantem pro sua parte habuit rationem, omniaque sibi obnotata diluit, quomodo non solum amicos illos non vicit, sed magis exacerbavit? Quia omnes erant Philosophi, omnes erant sapientes, omnes docti: nec difficilior est victoria, quàm de docto ad doctos. Verum est, pro Job militasse rationem, ipso deficiente Deo: sed quia Philosophi erant & docti, deficiente quantumvis ratione, vel sophisticas, vel veras nihilominus pro se adduxerunt rationes. Dicta eorundem cum attentione evolvite, ut philosophiæ ipsorum profunditatem admirantes, amplius miremini, quod S. Catharina tot tantosque Philosophos convicerit.

Ego præ cæteris tantummodo miror, quod tota ista victoria solâ Sanctæ nostræ sapientiâ & eloquentiâ fuerit obtenta, nullo alio concurrente prodigio aut miraculo ab ipsa patrato, quæ similibus in conflictibus alij Sancti, & ipse Sanctus Sanctorum adhibuit. In conspectu civitatis Damascenæ vos constituite, cælum ibi videbitis obductum, ventos furere, condensari accendique nubes: omnia ful-

gura, tonitrua & fulmina: quid sibi ista volunt innuere, quod Christus ad convertendum, reducendum Saulum, de cælo descenderit. Tantumne molimen, tantus apparatus, tantus strepitus, tanta machina, ad reducendum unum hominem? nunquid tu idem ille es, Domine, qui uno, *Venite post me*, reduxisti Petrum & Andream, Joannem & Jacobum? uno, *Sequere me*, Matthæum? & solo, *Descende*, Zachæum? ad reducendum igitur similiter Saulum non sufficient pauca vel multa verba, nisi tot prodigiis comitata? sic est, inquit ipsa, quæ de cælo descendit sapientia. An ignoratis Saulum hominem esse doctum, in Gamalielis schola graduatum, totiusque Gymnasij ipsius ingenium vivacissimum? hæc igitur inter doctos & literatos, & rudes inter & idiotas, reducendi & convertendi est differentia. Hic litteræ videntur & scientiæ, & raræ conversiones. Rudes & indocti, in regnum admittuntur cæleste; & nos cum literis nostris & scientiis imus ad infernum, dicebat Augustinus ad Alipium, & Alipius ad Augustinum: & ex hac consideratione bini isti Doctores magni, æquales evasere Sancti. Ast quia nunc in conspectu habemus Paulum, cum eodem Conimbricam Græciæ ingressi con-

Matth.

4. v. 19

Matth.

9. v. 9

templemur progressus, quos eloquentia ipsius & spiritus, in scholis illis fecit.

S. Paulus Civitatem Universitatemque Atheniensem omnium mundi scientiarum, ad id usque temporis, Matrem ingressus, varios ibidem, attestante textu, in-  
*Act. 17.* venit Philosophos, & in specie  
*v. 16. &* Stoicos & Epicuros, quibuscum  
*17.* disputavit; hi ipsum Areopagum adduxerunt, ubi supremum scientiæ justitiæque consistorium erat, ut novæ suæ doctrinæ quam prædicabat redderet rationem. Paulus tam celebris erat Orator, ut è tribus, quæ se vidisse optabat Sanctus Augustinus, primum esset Christus conversans in terra, & secundum, Paulus prædicans. Prædicavit igitur coram Areopagitis majore sententiarum pondere, majore eloquentiæ vi & efficaciâ, quàm unquam Demosthenes Athenis fuit auditus. Quot verò Sapientum illorum convertit? casus mirabilis! unum solum Dionysium Areopagitam conversum esse meminit S. Lucas: at ego addo, quod cum hæc esset conversio unius, & de uno solo parata victoria, non tota S. Paulo venit adscribenda. Recordatus est Dionysius, quod cum Apollophe ne peregrinatus in Ægypto, præcisè viginti ante annos, vigesimâ

quintâ Martij in urbe Heliopoli stupendam illam Eclypsin vidisset, quæ exclamare ipsum compulerat, sicut ipse scribit: *Aut Deus natura patitur, aut mundi machina dissolvetur.* Et combinato eo, quod viderat, cum eo, quod à S. Paulo audiebat, à veritate ad veritatem inferendo, reliquis à S. Paulo prædicatis credidit. Ita ut conversione hac Areopagitæ bene consideratâ, non S. Paulus ipsum, sed ipse mediante S. Pauli discursu se converterit. Si nihilominus conversionem istam causis instrumentisve cooperatis attribuere libeat, solum victoriæ dimidium sibi S. Paulus, & alterum dimidium Sol sibi vindicare potest. Sol hoc casu, instar lapidis Davidis fuit; primum quippe magno huic capiti intulit ictum: gladiusque Pauli victoriam hanc consummavit. Et si de Apostolo Gentium, si de Vase electionis specialiter à Deo in Doctorem & Magistrum Gentilium electo, integro vix elogio affirmare licet, quod Philosophorum Atheniensium vel unum converterit: Ecquis, ô Catharina, immensitatem gloriæ triumphis tuis debita, dignè comprehendere sufficiet, cum è quinquaginta Philosophis, non Athenis solum, sed in tota Græcia, Ægypto & Palæstina electis nul-

*Dionys.  
Areop.*



nullus sapientiæ & eloquentiæ tuæ restiterit : sed omnes ex integro viceris & conviceris. Verùm parallelus nondum est adæquatus.

Modum, quo S. Paulus veri Dei fidem in Athenas introducere paravit ipse insinuat dicens, quod in civitate cæteras inter aras per transfennam viderit aram, cui in-

**AR. 17.** scriptum esset, *ignoto Deo* : eundemque Deum, quem ignotum sibi Athenæ jam adorarent esse illum, quem prædicaret. Perrari prudentissimique hujus inventi ratio fuit, quia Paulus impossibile putabat persuadere Atheniensibus, ut alium Deum reciperent, sciens quod eadem in civitate Socrates, eâ solùm causâ, quod novos Deos introducere voluisset, ducentis & octoginta & uno Senatus votis ad mortem fuisset condemnatus. Proinde Apostolus capacitati seu incapacitati hominum, ex una parte tam superstitioforum in religione, ex altera parte tam præsumptuosorum de sapientia, se se accommodans, novæ divinitatis seu adorationis nominatione abstinuit, & novam tantùm illius, quem jam adorabant, notitiam **AR. 17** prædicavit : *Quod ergo ignorantes* **v. 23** *colitis, hoc ego annuncio vobis.* q. d. non vobis prædico, ne adoretis eum, quem jam adoratis, sed tantùm ut cognoscatis eum, quem

non novistis. Cui aram erexistis, Deum esse creditis, & eundem vos hucusquæ ignorare confitemini: *ignoto Deo*. Idem igitur ille Deus, quem jam pro tali recognoscitis, est ille, quem ego vobis prædico: & idem ille, quem vos ignorare confitemini, est ille, cujus vobis notitiam annuncio. Tam urbanè & suaviter, tantâque sapientiæ Atheniensis reverentiâ & decore, S. Paulus veri Dei fidem introducere satagit, sed non prævalet. Inde S. Paulus Corinthum abnavigat, non cum alio Atheniensis spolio, quàm uno Philosopho: Catharina verò ne pedem quidem imperiali efferens theatro longè illustriori, illo Areopagitico, liberrimè Deorum suorum falsitatem Philosophis ibidem exprobrat; ibi idololatriam, eorum adorationes & aras damnat; ibi veram unius solius Dei divinitatem, omniaq; alia Christianæ fidei mysteria non solùm intellectu credere, verùm etiam coram omnibus publicè confiteri constringit & compellit.

#### §. VIII.

**N**escio utrum novissimæ hujus clausulæ fundum considerando penetretis. Sapientem suam agnoscere ignorantiam, seu errorem, omni difficultate caret; quem nisi cognosceret, sapiens non esset. Verùm

**AR. 18**  
**v. 1.**

Verùm eò adduci , ut cum confiteatur, & publicè confiteatur, tam est arduum & difficile, ut non nisi ægrè humanus ad id animus adigatur, tantoque ægriùs quò majore nomine, existimatione, graduque claruère docti. Nicodemus doctrinam Christi simul cum miraculorum magnitudine prædicavit, eamque solam veram, reliquas verò omnes falsas esse cognovit: *Sci-*

*Joan. 3. mus quia à Deo venisti Magister :*

*v. 1 & nemo enim potest hæc signa facere, quæ tu facis.* Divinum resolvit

inquirere Magistrum, ad cujus procumbens pedes doctrinam hauriat: & quomodo? *erat homo ex Phariseis, Nicodemus nomine; hic venit ad Iesum nocte.* Togâ doctorali exutus, mentitoque habitu assumpto, Christum Dominum de nocte accessit. Ecce quomodo S. Joannes Chrysostomus ipsum perstringit: *Scimus, inquit, quia à Deo venisti Magister. Quid*

*ergò noctu venis, & clanculum, ad eum, qui divina docet, qui à Deo venit? quid non aperte profiteris?*

ratio est, quia Nicodemus maximi nominis Magister erat in Israël. S. c. declarante textu Græco. *Tues Magister in Israël:* & quamvis ignorantiam suam & errores agnosceret, secretò & intra intellectus ipsius portas adhuc latebant: verùm errores suos & ignorantias,

de quibus jam convictus erat, publicè confiteri Nicodemus erubuit; quia nominis ipsius, auctoritatisque existimatio, quâ publicè pollebat apud omnes, contradicebat, & hinc nocte venit. Noctu se agnoscebat noctuam, & diu ostendere se voluit aquilam. O si libris datum esset loqui, quantas proderent ignorantias! quod scilicet se consulant nocte, qui magnos sese ostentant & venditant Doctores in die; sed non solum noctis pallium istos dissimulat defectus. Quoties à propriâ convictus conscientia erroneum agnoscit, quod publicè defendit ex cathedra! parum scit, qui argumenti vim solutionisque infirmitatem ignorat. Unum est respondere, alterum in fine loqui. Verùm cum frequentèr hi peccatores compungantur & conterantur in conscientie secreto, nihilominus cum talibus ad Confessionem venire publicam doctos vel docti & sapientis opinione gaudentes, miraculum est, ex sola gratia S. Catharinæ. Omnes isti quinquaginta Philosophi, universitatum suarum, prout vidimus, erant primipili: & quod omnes, perceptâ argumentorum vi, quibus à S. Catharina impetebantur, intra se ab opinionibus discederent, quas didicerant & dicant, non leve quid fuit, sed non tantum

tum

S.  
Chry  
sost.  
hom. 23.

Mal.  
donat.  
hic.

tum; verum quod omnes actu tam publico eosdem errores agnoscere & confiteri, sectas suas detestari non dubitarent, nec scholarum suarum dogmata quocunque seu violento, seu aliàs efficaci modo propugnare satagerent: hic admiratio stupet, & exaggeratio nomen perdit.

Novissimo loco posui, scholarum suarum propugnare dogmata; illud enim ultimum est castellum, in quod Philosophorum Sapientumque error jam convictus se recipit, & nec manifestissimæ veritati se subdendo desperatè & extremè se defendit. Evidentissima & maxima ingeniorum sic concertantium exempla nostra vidit ætas, causâ indagatâ, à certantibus non redditur alia, quàm naturalis, vel partialis amor, doctrinæque cum lacte materno fuctus; nec non propriæ scholæ honor & respectus. Sed ad primitivam Ecclesiam pergamus. Contra legis Gratiæ promulgationem, quàm S. Stephanus prædicabat, attestante actuum Apostolorum historiâ, inter alias Ciliciæ & Asiæ scholas, illa nominatim Libertinorum, Alexandrinorum & Cyrenensium cum Stephano disputantium insurrexit, nequicquam tamen virtuti spiritus & sapientiæ loquentis resistere potuit:

*Pars III.*

*Surrexerunt quidam de Synagoga, quæ vocatur Libertinorum, & Cyrenensium, & Alexandrinorum, disputantes cum Stephano, & non poterant resistere sapientiæ, & spiritui qui loquebatur.* Act. 9.  
v. 9. &  
10.

Supposito igitur quod resistere nequiverint, nunquid sequitur, quod se submiserint? nullatenus. Immo practicè consecuta fuit hic una, ut videtur implicatio; cum enim ex parte una deficeret resistentia, neque ex altera resultaret victoria: illi resistere, & Stephanus illos non poterat vincere. Vos igitur homines sapientes, & tales reputati, si disputastis, si arguistis, si argumentati estis, si respondistis, si dixistis iterum iterumque quantum scivistis, & resistere nequivistis, quare victas dantes manus, victos vos fuisse non confitemini? quia Libertini, Alexandrini, & Cyrenenses omnes suas propugnabant scholas: & qui pro sua propria pugnat schola, resistere posse debet; sed ad confitendum se victum nulla ratione poterit adduci. Deerunt illis rationes & motiva, deerunt argumenta, confusos se conspicient & elingues: & non suppetente alio defensionis genere ad lapides confugient: quod etiam factum est. Pro eo, ut Stephanus exiret Victor disputationis,

Ec

exi-

exivit lapidatus ; & illi tum obstinati , & duri ut lapides ; sed non convicti. Omnes quinquaginta Philosophos Alexandrino in theatro hodie repertos , Alexandrinos fuisse dicere oportet : omnes verò tam sectis scholisque discrepantes , sicut jam nominatæ , spiritus & sapientia ex ore S. Catharinæ , ad tales eos adduxit terminos , quibus resistere non valebant : *non poterant resistere sapientiæ & spiritui , qui loquebatur*. Maximum verò victoriæ ejusque apex fuit , quod victos se convictosque confiterentur , non contra propriam solum religionem , opinionumque suarum fidem , sed contra superbiam , propriarumque scholarum suarum præsumptionem.

Hoc modo sapiens nostra victrix , de omnibus celeberrimis Gentilis Philosophiæ scholis triumphavit ; paucarumque horarum spatio , ab omnibus quinquaginta obtinuit Philosophis , quod prudentes Evangelicæ multi temporis familiari conversatione & convictu non obtinuerunt à fatua vel una. Quando primâ vice Ezechiel Triumphalem illum , vocatum gloriæ Dei currum vidit ; ab ænigmaticis quatuor animalibus , Homine , Leone , Aquila , & Bove trahebatur. Postmodum ad videndum reversus , è quatuor anima-

libus Bos in Cherubim fuerat transformatus : facies una , facies Cherub ; & facies secunda , facies Hominis ; & in tertio , facies Leonis , & in quarto facies Aquilæ. Et unde Bovini notabilis hæc melioritas advenit ? ex societate & familiaritate , quam eodem in curru , cum Homine & Aquila habuit communem. Ut intelligant addiscere & scire cupientes , quantum adhuc rudioribus profit , cum prudentibus sapientibusque tractare. Cherubim humanam faciem præferunt cum alis ; & Bos Currui junctus , hominique & Aquilæ sociatus , faciem sibi assumpsit ab homine , & alas ab Aquila , ideòque , cum Bos esset , Cherubim prodiit. Idem de quinque fatuis sperari potuisset , quantumcunque rudibus ; verum tam parum illis prudentium profuit consortium , ut omnes perseverarint fatuæ , quales fuerant ante. Transformationis verò prodigium , cum longè majore prodigio , quàm quod Ezechiel viderat , Triumphali Catharinæ currui mansit reservatum.

Si minus ; interrogo : quare Bos ibidem , & non leo , fuerit transformatus ? ruditas brutalitasque Leonis , sicut & illa Bovis utraque de quatuor est pedibus : si igitur leo similiter ambulat homini & Aquilæ junctus , quare non etiam in Che-

Ezech.  
1. v. 10.

Cherubim fuit transformatus ? quia Bos animal est humile & subdium, Leo verò inflatus & superbus : & quantâcunque ratione præditus sit intellectus hominis, & quantumcunque sublime Aquilæ sit acumen ; ubi adest inflatio & superbia, nec homo, nec aquila formam suam introducere possunt. Hæc famosi allegoria est currus, qui pro majore gloria Catharinæ, etiam hodie transformavit Leones. Quid, quæso, quinquaginta illi erant Philosophi, nisi totidem leones superbi scientiarum suarum arrogantiam inflati, quos Maximinus Imperator in amphitheatro Alexandrino in S. Catharinam immisit, sicut olim fiebat in Romano? rationum verò momenta Catharinæ, in tantum omnium hominum rationes excedebant, orationisque ipsius acumen, omnium aquilarum perspicacitatem superabat, ut nec superbia illud vincere, nec inflatio illi resistere posset. Prostratos igitur & humiliatos hoc modo quinquaginta leones, jubis demissis, oribusque clausis, eadem ipsa humilitas & subjectio Cherubinatorum recipiendæ formæ reddidit capaces ; & hac nova transformati figura, pompâ nunquam aliâ in mundo auditâ aut visâ, triumphalem Catharinæ currum, tot aliis jam pal-

mis laureis que illustrem deduxerant in cælum. Illi jam antequam sapientes victi: Hæc verò velut sapiens prudensque victrix: una victrix, de tot & tantis; mulier, de viris; & sapiens sapientium victrix.

## §. IX.

**O**Rationem absolvi, nescius utrum promisso fecerim satis: subjungenda videbatur peroratio cum exhortatione Auditorum ad S. Catharinam imitandam: sed prudentissima nostra victrix tam in sapientia, quàm in victoriis æmulum & imitorem non admittit. Hoc tantum persuadere & suggerere volo, ut omnes studiosi & docti, cum jam vincentem imitari nequeant Catharinam, victos imitentur Philosophos. Duo insignes illi Doctores habuerunt imitatione digna; docilitatem scilicet, & constantiam. Docilitatem, quâ agnitæ per S. Catharinam veritati se submiserunt: & constantiam ad mortem usque firmam, quâ eandem veritatem, in contemptum despectumque Imperatoris defenderunt.

Indocilis, Auditores, doctus evadere nequit: imò ipsa docilitas, scientiæ est synonymum. Deus Salomoni, quicquid vellet postulare, præcepit; omnia petita se illi concessurum appromittens. Quod verò hic petiit, fuit docilitas:

Ec 2

Dabis

3. Reg.  
3. v. 9<sup>es</sup>  
12.

*dabis servo tuo cor docile.* Quod illi dedit, fuit sapientia tanta, ut similem nullus unquam homo alius habuerit in terra: *dedi tibi cor sapiens & intelligens in tantum, ut nullus ante te similis tui fuerit, nec post te surrecturus sit.* Si igitur Deus Salomoni promiserat se daturum illi quicquid postularet, & ipse petiit docilitatem, quomodo illi dat scientiam? ex eodem motivo & capite: docilitas enim & scientia sunt idem; neque suæ conformiter promissioni non poterat non illi dare scientiam, cum petiisset docilitatem. Quod ita idem Deus affirmat, inquit: *ecce feci*

*ibid.* 12.

*tibi secundum sermones tuos.* Scientia nihil est aliud, quam clara veritatum multarum cognitio; quarundam in se, quæ sunt principia: & quarundam, quæ ex eis sequuntur, quæ sunt conclusiones. Et indociles (sicut proprii iudicii sunt tenaces, & in opinione suâ obstinati) quamvis ipsis demonstretur, illius recipiendæ sunt incapaces. Proinde tales semper sciunt minus: & quotiescunque opinio excedit errorem, in eodem perseverant. Idem Philosophis. S. Catharinæ in scholarum suarum, quas sequebantur, & in quibus ab ineunte ætate erant enurriti, erroribus persistens & obstinatis evenisset: at docilitas (quam

solam de sapientibus habebant) velamen cæcitatæ ab oculis eorum submovit, & sic veritatem clarè cognoverunt, & cognitam secuti sunt, & defenderunt.

In hac defensione admirabilis ipforum constantia enituit, dum firmi stabilesque perstiterunt in maximo periculo, & in maxima tentatione invincibiles, in quâ vacillare, & labi solent Literati. Quænam vobis gravissima videtur tentatio, in quam homo doctus & literatus cadere potest? maxima tentatio, in quam homo literatus & doctus incidere potest, hæc est: inclinationem, voluntatem, & intentum Regis cognoscere, & à veritate non recedere, neque postulatis ipsius scientiam accommodare. Et in hoc tam arduo ac difficili puncto probata fuit quinquaginta Philosophorum verè sapientium & doctorum constantia; postquam in schola S. Catharinæ ignotam sibi antea veritatem didicerunt. Intentio & voluntas Imperatoris Maximini erat, ut falsorum deorum divinitatem propugnarent, adorationemque eorundem defenderent: quem in finem cum electi essent & vocati, voluntatem scopumque Imperatoris penetrantes, quin etiam periculum ipsius offen-

offensam incurrendi, & in effera-  
tæ crudelitatis manus incidendi  
prævidentes, maluerunt potius  
perdere vitam, tradique ad lanie-  
nam, pro ut etiam evenit: quàm  
retractare, & vel in minimo agni-  
tam veritatem detorquere.

Psalm.  
l. vii.

O quàm felices forent Respu-  
blicæ, quàm venerabiles Univer-  
sitates, & quàm beati Professores  
earum & Doctores, si veritatem,  
animum, & constantiam Philoso-  
phorum suorum imitarentur! *Bea-  
tus vir qui non abiit in concilio im-  
piorum, & in via peccatorum non  
stetit, & in cathedra pestilentia non  
sedit.* Hæc prima sunt verba, à  
quibus David Rex & Propheta li-  
brum Psalmorum profundissimis  
mysteriis plenum exorditur: por-  
rò notatu dignissimum est, quod  
etiam viri primarii, de quibus lo-  
cutus est, Doctores fuerint & Ca-  
thedrales. Beati, inquit, qui votum  
suum non dederint in concilio im-  
piorum; qui non defenderint, nec  
steterint in via peccatorum, neque  
in pestilentia cathedra federint.  
Et si illi qui hoc non fecerunt repu-  
tantur beati, quid erunt facientes  
contrarium? Universitatum ca-  
thedræ, sive Theologicæ sint, sive  
Legum, sive Canonum, omnes  
medicinales sunt; quia ad salutem  
publicam ordinantur. Et quid ef-  
fet, si Cathedrales salutis, sese con-

verterent & immutarent in Ca-  
thedrales pestis? *in cathedra pesti-  
lentie.* Sciant igitur tales se esse,  
qui ab ambitione, adulatione, vel  
timore tentati, pro eo, quod Prin-  
cipibus veritatem detegant con-  
sulti, à suis aliorumve respectibus  
decepti, quicquid illi desiderant  
aut prætendunt, tanquam justum  
approbant. Leges velut vela mu-  
tantes flanti accommodare vento,  
dicerem ego: at David compara-  
tione viliori, ideoque magis pro-  
pria illud declaravit, dicens, quod  
ab eodem vento, velut pulverem  
terræ se circumagi sinant: *tanquam  
pulvis, quem proicit ventus à facie  
terra.* Quicunque tales sunt, vel  
tentationi huiusmodi obnoxii,  
Theodoretum in eundem textum  
commentantem auscultent. *Nam Theo-  
quando tentatio flaverit, arguen-  
tur, tanquam pulvis terra, hinc inde  
dispersi ad placitum Dynastarum  
sententiarum mutatores.* Tentatio  
est spes vel timor; Doctores incon-  
stantes, pulvis sunt liber & levis:  
Voluntas & inclinatio Dynasta-  
rum est ventus, votum, sententiam,  
legumque interpretationem præ-  
tendunt aut præsumunt. Et per  
hanc literarum & literatorum seu  
Doctorum perversiorem, ipsæ-  
met Cathedræ & Universitates,  
unde salus publica promanare de-  
beret, venenum, exitium, & pestis

*Ibidem  
v. 4.*

*Theo-  
doretus.*

Ee 3; sunt

sunt Regnorum : *Cathedra pestilentia.*

Si prædicarem ego , ubi modò me audire nolunt, Regibus vel eorum Ministris, nunquam satis laudatum Balthazaris exemplum , datumque Danieli, ob veracem constantemque literarum interpretationem præmium , ob oculos ponerem. Literæ non minus, quàm Regis mortem, coronæ Imperialis amissionem, totiusque monarchiæ ab hostibus occupandæ jacturam portendebant : & cum nonnisi paucissimæ vitæ horæ Balthasari superessent; eâdem ipsâ horâ, quâ Daniel funestam adeò sententiam explicavit, purpurâ indutum ad maximam dignitatem evchi mandavit. Hujuscemodi præmio talem doli deceptionisquæ detectorem remuneravit, qui adeò deceptus vivebat. Verùm ista Regis Gentilis magnanimitas & justitia hodie dum multis deest Principibus Christianis, qui nonnisi justi videri & haberi volunt, interim Imperatorem Julianum tam à veritate & ratione, propriaque sua corona, quàm à fide Apostatam imitari præelicientes. Frequentatâ jam Atheniensium Universitate Julianus sat literarum se hausisse putans, illos tantùm literatos honoribus donisque prosequabatur, qui non aliam, quàm voluntatis

suz legem agnoscebant. Quod ita antiquus ipsius condiscipulus S.

Gregorius Nazianzenus describit *S. Greg Nazia*  
*Alios honoribus capiens, nimirum eos, qui nullam aliam legem, quàm Principis voluntatem agnoscebant.*

Et ubi literarum Professores argumenta habent in adulatione secura, & in veritate periculis obnoxia; ecce an non magis ipsis necessarium foret, esse jubilosos in constantia, quàm graduatos esse in scientia !

Præter hanc præmiorum injustitiam, addit adhuc aliam majorem, quæ plus virium adjicit tentationi. Et quænam ista ? est, quod isti legum (quamvis canonicarum) perversores cum applausu habentur & audiunt scientiâ doctrinâque insigniores : è contrario autem, qui rationem defendunt, & pro fide pugnant, rudes & idiotæ : uti nostri Philosophi in opinione Maximini & Assentatorum ejus. Ista, ut dixi, tentationis circumstantia est validissima, generatorumque pectorum sensus penetrativa, quantum commodum distat ab honore. Verùm, ne doctus quisquam Christianus opinionum harum, etiam coronatarum, boatum extimescat, unicam tantùm ad memoriam revocet sententiam, quâ cum finio, & quæ æneis etiam literis insculpi meretur

tur



tur, in omnibus Universitatibus mundi : *penes Regem noli videri sapiens* : id est, cave ne affectes sapientis opinionem in Regum conceptu. Cujus verò, vel à quo istud consilium, ista exhortatio & cautela? non ab alio, quàm à Spiritu Sancto ex ore Siracidis, ne quis de eo dubitet. Si verò nihil magis æstiment, & pro re nulla, tam pacis, quàm belli tempore magis laborant, quàm ut Reges bene de se sentiant, quare prudentes & sapientes id negligunt? ratio est, quia Reges (communiter) doctos prudentesque non æstiment, nisi eos, qui in omnibus dictamina ipsorum approbant, illis sese conformant, quoad commoda, politicam, rationes & motiva quibus suos justificare laborant : proinde quia hoc multoties sine legum divinarum offensa, humanarumque violentia fieri nequit, similibus occurrentibus casibus consultius est, minus doctum reputari, sapientisque opinione apud Reges carere. *Penes Regem, noli velle videri sapiens.* Et notate, Spiritum Sanctum non solum dicere, ut non velis talem opinionem apud Regem habere :

sed, ut illam velis non habere : *Noli velle* : ita ut non solum prohibeat desiderium ipsum, sed desiderium desiderij; neque solum prohibeat voluntatem, sed voluntatis velleitatem : *Noli velle* : qui enim non vult, longè abest à desiderio : qui non vult, nec velle vult adhuc longius recedit. Etiam longè abesse debet sapiens & prudens omnis, ab eo, quod videri velit coram Regibus sapiens : *Penes Regem, noli velle videri sapiens.*

Istud est, quod omnis sapiens non velle velle debet; & utinam omnes non vellent, sicut non vulerunt, quos S. Catharina, non solum verè, sed constanter sapientes fecit. Eadem sapiens & prudens victrix, per æstimationem gratiamque suam, quâ valet apud Deum, omnibus hinc præsens, istam fortitudinem & constantiam obtineat : ut tam gravis tentationis victores, ad mortem usque in eadem victoria perseverantes, cum iis quos illa docuit in societatem, gloriamque triumphus admitti mereantur.

Amen.



# S E R M O

P R O

## Dominica in Ramis Palmarum.

Dictus in Cathedrali Ecclesia Maragnana

Anno 1656.

*Alii autem cadebant ramos de arboribus & sternebant in via.*

Matth. 21.

§. I.



Quandoquidem non subitaneis, sed ex præparatis debite cordibus prodeuntibus Deus gaudet & delectatur affectibus; miris semperque efficacioribus & arctioribus dispositionibus, Sancta mater nostra Ecclesia à S. Spiritu gubernata, eminens nos præparare cœpit, sollicitèque præparavit, ut condignè ad hanc diem devenientes, hebdomadam hanc sanctam quàm decentissimè ingrederemur. *Ad Sancta sanctorum*, sacratissimum templi Hierosolymitani locum ut perveniretur, tali Deus artificio introitum disposuit, ut tres primum stationes, tam situ, quàm spa-

tio mysteriosas transire oporteret; quantò enim erant interiores, tantò magis in angustum coibant. Prima & secunda, dicebantur atria; tertia, propriè templum. Per istas stationes veluti quosdam reverentiæ adorationisque gradus, ita dispositos, ut paulatim magis magisque angustarentur, tandem ad *Sancta Sanctorum*, perveniebatur. Similibus dispositionibus præviis vult, ordinavitque Ecclesia, ut Hebdomadam sanctam intraremus: quemadmodum enim *Sancta Sanctorum* sacerrimus erat templi locus, pari modo Hebdomada sancta, est sancta sanctorum temporis.

Stationum trium tantò angustiorum quantò interiorum, quas prævias jam emensi sumus, prima, tem-

tempus à Septuagesima usque ad Quadragesimam; secunda à capite Quadragesimæ usque ad Dominicam Passionis: tertia, ab eadem Dominica Passionis, ad præsentem usque diem Dominicam Palmarum includit. Incipiente Septuagesimâ luctum induerunt Altaria, cantusq; Ecclesiasticus dimisit Alleluja; & hæc cæremonia exterior præliminaritèr pœnitentiam denunciat, ut dissolutione restrictâ, sanctum Quadragesimæ tempus compuncti auspicaremur. Quadragesima, à cinerum pulverisque (qui sumus) exordium sumpsit; concionum frequentatione, conformibusque modestiæ, compunctionis, devotionisque Christianæ supplicationibus, tot secretis publicisque castigationibus, nec non violentâ adeò sanguinis proprii effusione continuavit: & Ecclesia omnibus istis pœnitentiæ argumentis nondum contenta, justum dolorem suum & luctum evidentius contestandi causa, Altarium alas præteritâ Dominicâ penitus clausit, & ipsas Sanctissimas Jesu Christi crucifixi imagines, illo velo nigro nobis obtexit & abscondit, ut divîno animarum nostrarum sponso sic obvelato, majore cum stupore, & sancto horrore, ad dies deveniremus, quos jam intravimus.

*PARS III.*

Antiqui (pro ut in S. Bernardo legitur) Hebdomadam hanc, ob tormenta, pœnas & cruciatus, quæ Christus Redemptor noster in ea sustinuit, & compassionem, dolorisque sensum, quo nos illis respondere fas est, Hebdomadam pœnosam appellant. Porro Ecclesia universalis Hebdomadam majorem eam nuncupat, quod potissima redemptionis nostræ Mysteria in ea sint peracta; maxima amoris extrema ostensa, & misericordiæ justitiæque divinæ evidentissimum & obstupefendum exhibitum sit exemplum. Nos universa hæc simul commemorando eandem vulgari nomine Hebdomadam Sanctam compellamus: sed nescio utrum opera nostra, & exercitia in ea tam Sancti nominis obligationi respondeant. Ego nunc tam scandalo motus ex eo quod quandoque accidit, quam zelo actus illius, quod hisce sanctis diebus videri & agnosci optimum foret; assumpti loco tantum prædicare vobis statui: quidnam cuique Christiano faciendum incumbat, ut Hebdomada hæc uti nomine, ita & re sit sancta. Materia nec pia magis, nec utilis, neque occasione congrua magis esse potest; si ille Dominus, qui hodie super civitatem Jerusalem flevit, divinos suos oculos in nostram conjiciens, suâ nobis

F f

gra-

gratiâ affiterit. Petamus illam per B. Virginis intercessionem, tam devoto cordium nostrorum affectu, ut eam obtinere mereamur.

§. II.

**S.S.** Augustinus, Basilius, & Petrus Chrysologus quadraginta illos Quadragesimæ dies, quadraginta diluvii universalis comparant diebus. In diluvio illo universali Deus quadraginta diebus pluit pœnas: hisce quadraginta diebus aliis pluit misericordias. Ea verò nostra est protervia, ut nec bonis, nec malis quicquam nobiscum efficere possit. Pœnis castigationibusque non emendamur: misericordiis non delinimur & mollescimus. Tandem argilla. Quemadmodum Argilla radiis solatibus indurescit; ita & nos favoribus cœlestibus non tantum non emollimur, sed duriores evadimus. Quod illius temporis hominibus accidit in diluvio primo, nobis usu venit, in secundo.

Pluere cœpit diluvium Noë: hebdomadâ primâ impletæ sunt valles, imisque ædium partibus jam aquâ meris, inquilini ad altiora ascenderunt: continuavit pluvia hebdomadâ secundâ, prævalentibusque aquis, ipsa petierunt domorum tecta: perseveravit pluvia hebdomadâ tertiâ, & ipsa jam transcendit tecta: hominesque

confugerunt ad turres: hebdomadâ quartâ necdum cessans pluvia, turrium altitudinem ad medietatem usque intumescendo excessit; & confugerunt homines ad montes: pluviam continuante etiam hebdomadâ quintâ, montium verticibus jam etiam aquâ absorptis, ad arbores tandem confugientes ex cacuminum ramis quasi suspensipendebant. Hoc rerum statu alius effugii locus non supererat, sed unum tantum è duobus restabat, scilicet, aut nando ad arcam se recipere, aut aquis suffocatum in diluvio perire. Utinam nos bene in hoc magno contemplaremur speculo: & eheu quot nostrum hodie in eodem versantur statu: à capite Quadragesimæ in præsens usque, Deus animas nostras occupare cœpit; nos verò retrogredi semper, & à Deo de hebdomadâ in hebdomadam elongari & fugere pergimus. Transiit hebdomada prima Quadragesimæ, expectamus secundam; quâ similiter præteritâ, tertiam venire permittimus: hâc dissimulatâ speramus quartam: eadem dissimulatione transmissâ quartâ, in quintam differimus negotium; hac quoque transeunte ad sextam tandem appellamus. In sexta & ultima spiritalis hujus diluvii hebdomada jam versamur, velut

*Math* velut illi primi diluvii homines, cum manibus in ramis arborum, vel cum ramis arborum in manibus: *Cadebant ramos de arboribus.*

*u.8.* Stantes nunc in die Ramorum, adistum devenimus diem, & ad istam præcisè devenimus hebdomadam, in qua jam nullus amplius effugio relictus est locus. Quid igitur nobis restat? vel suffocatos perire, vel resolutione captâ ad arcam enatare. Illi diluvii alterius natare & Noëtica in arca salvare se non valebant: quidam, quia longissimè aberant: alii, quia nihil de ea sciebant: & omnes, quia unum tantum ostium arca habebat, & hoc, clausum, Deo habente clavem, ut textus inquit. In nostro hoc diluvio aliter se res habet. Noë, est Christus Salvator mundi, que reparator: Arca verò, est crux ipsius, quâ genus salvavit humanum. Quod hoc tempore, ita ipse cantat Ecclesia: *Atque portum preparare arca mundo naufrago.* Typicus ille Noë portam non habebat, per quam Arcæ præsidium quærentes intromitteret. Noster verò Noë divinus quinque habet portas apertas, & quidem apertas in se ipso, ut intromittat & salvet omnes, qui ex ipso & cruce ejus salutem quærunt. O quantum diluvium hoc distat ab illo! In illo omnibus hominibus perditis, solus

Noë salutem est consecutus: In hoc solus Noë divinus est suffocatus: *Veni in altitudinem maris, & tempestas demersit me*: ut omnes homines evaderent salvi. Qui in diluvio illo perierunt, sunt illi, qui sibi persuaderi non permittentes, usque dum remedium subtraheretur, differrebant. Nunquid etiam è re nostra, qui hunc diem attrigimus, erit diutius differre ut cum illis pereamus? nullatenus, Christiani, ob amantis Christi merita, & sacratissima ejusdem Vulnera. Hos paucos saltem Hebdomadæ sanctæ dies bene impendamus, ut fructum ex eis referamus: omnibus reliquis Quadragesimæ diebus tam infructuosè jam transactis.

S. Basilii magnus inquit, cujuslibet civitatis Angelos à principio Quadragesimæ, jejunantium & non jejunantium nomina in libro describere. Quemadmodum Parochi eodem tempore omnium parochianorum suorum nomina annotant, ut confessionis & communionis rationem ineant, ita & Angeli, jejunii. Sed præter binos istos libros, adhuc adest tertius de quo multò nos adhuc difficiliùs exonerare valemus. Et quis iste? est ille, quem in altari videntis. Primus liber est Parochi; secundus Angeli: tertius Christi. Singulis Quadragesimæ diebus

*Ecclesia*

( contra usitatum reliquis anni diebus morem ) novum nobis Christus præcipit legere Evangelium; & ex illo doctrinæ Christi diario examinabimur omnes, quotquot Christiano nomine censemur. Davidem de libro isto, universalis nomine Ecclesiæ, quæ ex hoc altari, & hac cathedra tam malè scitas nobis recitabit lectiones, loquentem audite: *Imperfectum meum viderunt oculi tui, & in libro tuo omnes scribentur; dies formabuntur, & nemo in eis.* Oculi tui, Domine (inquit Ecclesia) omnes meas imperfectiones vident, id est imperfectiones eorum, ex quibus ego consto & formor, qui sunt Christiani: omnes scribentur in tuo libro: formabuntur dies, & nemo in eis. Locus est obscurus, sed admirabilis. Quod Deus librum habeat, in quo defectus & peccata omnium, & nomina peccatorum, nec non dies, quibus sunt commissa, signet, notum quid & vulgatum est in Scripturis. Quinam verò sunt isti dies, qui formati vocantur, in quibus nemo invenitur? *Dies formabuntur, & nemo in eis.* Vel maxime propriè dies sunt Quadragesimales, in quorum quolibet Christus specialem vobis proponit Evangelij formam, cui velut exemplari & actionum nostrarum ideæ nos conformare, & reformare de-

bemus; hic enim sacri temporis hujus scopus est & intentio. Et quia nemo se reformat, neq; Evangelico diei illius proposito se conformat, hinc Propheta dies formari, neminem verò in eis inveniri inquit: *Dies formabuntur, & nemo in eis.* Ita ut Ly Nemo, referatur ad *formabuntur*: q.d. *Dies formabuntur, & nemo in eis*, id est, formabitur. Dies dant formam, & nemo se illi accommodat; nam cum cujuslibet forma Evangelij qualibet ordinata sit die, pro vitij cujuslibet reformatione, loco ejus, quod emendatio & reformatio apparere deberet, eadem, & fortè majores adhuc continentur deformitates.

O si liber iste sic appareret, uti conscriptus & notatus est, & in mente collatus divina: si libro isto, in oculis omnium aperto publice recitari inciperet, quicquid singuli in hac Quadragesima aut fecerunt, aut facere neglexerunt; quanto suffunderentur rubore & verecundiâ multi, si de die in diem, cum Evangeliorum forma vitæ ipsorum deformitas conferretur: advenit primus Quadragesimæ dies, subsecuta quarta Feria Cinerum, nec memoriam tantum mortis, sed ipsam nobis ob oculos posuit mortem; & quotnam correxerunt vitam? inspicatur liber pro hac die: *Dies formabuntur, & nemo in eis.*

Tran-

Transiit dies, & nullus invenitur in ea, eandem continuamus vitam, quasi nunquam finiendam, reddendæque rationis adeò oblitus, ac si Deus eam non foret exacturus. Adfuit prima feria sexta Quadragesimæ, lectum in ea fuit admirabile illud de inimicorum dilectione Evangelium, & quot, quæso, odia & rancores ex animo dimiserunt, & de vindictæ propositis contriti & pœnitentes in gratiam redire curarunt? *Dies formabuntur, & nemo in eis.* Transiit dies, nec odia transierunt: adhuc talis adversatur tali, necdum sibi mutuo loquuntur, necdum mutuam sibi salutem impertiuntur; adhuc inimici ad invicem perseverant, adhuc scandalosi, & nondum Christiani, ut antea. Advenit Dominica de Tentationibus: quo pacto Christus illas nos vincere suo docuerit exemplo, cum tanto vidimus contemptu, cum sint tam naturales; tamque generoso & resolutio animo, cum sint tam validæ: verum quot quantasve, eo victo, victorias reportamus à diabolo? *Dies formabuntur, & nemo in eis:* diabolus semper victor, & victor sine conflictu; ubi enim peccatur ex habitu, ibi nulla resistentia. Toties victi, quoties tentati; & quod pejus est, ante victi, quam tentati: cum diabolo, multos ten-

tare non sit opus, illi enim ipsi tentationes pessimosq; quærun tentatores. Subsecuta adfuit Dominica secunda de Gloria: Vidimus Christum gloriosè transfiguratum, & S. Petrum in monte Thabor extaticum: & quorū quis præ cælestium desiderio, vel parumper à terrenis abstinuisset? *Dies formabuntur, & nemo in eis.* In tali similiter die Charta Blanca. Tantum terræ affixi, tam cæci, tam sepulti, tales talpæ in ea, ac sic cælum creatum non esset pro nobis, neque nos pro illo: & quasi Filius Dei id nobis proprio sanguine suo non comparasset! Appropinquavit Dominica tertia, de dæmonio muto: & quot esse putamus, qui aliena silentio præmere, propria verò sua peccata, ut oportet, confiteri curaverint? *Dies formabuntur, & nemo in eis.* Adhuc miser ille, adhuc misera illa, tanto jam tempore occultum gerens peccatum illud confiteri non resolvit; in qualibet proinde confessione novum sacrilegium addens, non considerando quod iusto Dei judicio multis exemplis probato, loquela & confessio deficiat in morte, qui eam, prout oportet, neglexerunt peragere in vita. Adfuit tandem aliqua feria sexta, de Lazaro resuscitato, quadriduano jam mortuo; & quisnam aut juvenum, aut senum ejusdem

Eff. 3: inci-

incitatus exemplo, è suo sese erexit sepulchro, in quo tot mensibus, immò tot fortè jam annis in vitiis suorum sordibus putridus jacuit? advenère dies, quibus Samaritana, & Maria Magdalena memorantur conversæ, quarum una conditione vilior, altera nobilior: & quænam, quæso, mulier aut jam perditæ, aut in perditionis discrimine constituta, propriæ suæ salutis dispendium considerans, apertis oculis suam conspexit cæcitatem? *Dies formabuntur, & nemo in eis.* Eædem adhuc perseverant cogitationes & maledictæ solitudines; eædem adhuc foven- tur correspondentiæ, familiaritates, & occasiones; eædem adhuc vigent turpitudines & scandala: idem adhuc nutritur & ardet ignis, non nisi cum igne infernali finiturus.

Ecce Christiani, quomodo multi vestrum transegerunt Quadragesimam tot infructuosè perdendo dies, quibus, apertis oculis vos intus potuissetis conspice- re! semper aures vocibus obturastis cœlestibus: & corda divinis occlusistis inspirationibus. Transacti jam dies sunt irrecoverabiles sine remedio: ab hinc usque ad feri- am quintam proximam (quam sibi vel maxime incuriæ reservârunt conscientiæ) non nisi tres flu-

ent dies: nunquid & hosce infructuosè transmittere consultum est?

Evomitur à Balena (uti sæpius audistis) in littus Ninive Prophe- ta Jonas vastissimam & populosissi- mam illam civitatem ingressus, prædicando elatâ voce intonuit: *Adhuc quadraginta dies, & Nini-<sup>Jonas</sup> ve subvertetur.* Sic habet textus <sup>v. 4.</sup> vulgatus Bibliorum, quibus ho- die Ecclesia utitur. Septuaginta verò interpretes, etiam Canonici, loco quadraginta dierum, ponunt tantum tres, & Jonam dixisse in- quiunt: *Adhuc tres dies, & Ni- nive subvertetur.* Omnes textuum horum dissonantiam & difficulta- tem cernitis; nam si certum est, Jonam dixisse: *Adhuc quadraginta dies*: quomodo huic concordare poterit, quod dixerit: *Adhuc dies<sup>fid.</sup> tres?* S. Isidorus Pelusiota dubium <sup>Peluf.</sup> admirabiliter solvit, dicens: utrum- que dixisse Prophetâ, non eodem, sed temporibus diversis. Exordien- do prædicationem dixit: *Adhuc quadraginta dies*: concludendo ve- rò ait: *Adhuc dies tres.* Casus hoc modo se habuit. Ingressus Jonas die primâ prædicavit, dicens: *ad- huc quadraginta dies, & Ninive subvertetur*: & plurimi Ninivita- rum verba peregrini risibus exce- perunt. Illucescente altero die, Propheta prædicationem eandem continuavit, sed unum detrahen- do



do diem, scilicet jam præteritum, dixit sic: adhuc triginta novem dies, & Ninive subvertetur: verum qui riferant primam, similiter prædicatione explosæ sunt secundam. Illucescente die tertio assumptum idem Jonas intonare perrexerit: adhuc triginta & octo dies, & Ninive subvertetur, & Auditores mali fecerunt ut ante. Transierunt decem, viginti, immò triginta dies & Jonas semper imminuendo numerum dierum prædicare perrexit, usque dum tandem ad numerum trigessimum septimum pervenit: quando juxta septuaginta Interpretum textum: *Adhuc tres dies & Ninive subvertetur.* Hi enim solummodò, indulti ipsis placiti divini complemento deerant. Videntes igitur rebelles & obstinati, non nisi tres sibi superesse dies, quamvis eòusque tam fuissent insensitivi & pertinaces, ipsa temporis brevitate stimulati in se sunt reversi. Convenientem suæ culpis Prophetæ comminationem considerando, non hominis illam, sed Dei vocem credentes, periculumque jam in foribus adesse agnoscetes, quod non æstimarent, dum adhuc eminè interminaretur; ex toto se corde convertere resolverunt. Capitibus cinere conspersis, & extoro ciliciis & sacco induti, universale indicunt jejunium tam

arctum, ut vel minimum cibi gustare illicitum esset, humi prostrati, pectora tundunt, & cælum pœnitentiæ fletibus & ejulatibus implent. Et à Rege usque ad civitatis infimum, ab hominibus usque pecora & bruta animantia rigidissimam illam & notatam dignam egere pœnitentiam, quâ interminatam sibi punitionem reconciliato jam Deo, peccatisque remissis evaserunt.

Ninivites erant Gentiles: Nos gratiâ Dei sumus Christiani. Quælibet civitas est Ninive major, & quælibet domus Ninive est minor: & quælibet anima major Ninive utraque. Quamvis omnino nos die ad Deum convertere possimus; tempus nihilominus à divina nobis misericordia, pro pœnitentia agenda singulariter assignatum, est illud Quadragesimale, quadraginta dierum. Horum dierum maximus, in quo omnes, vel ex vera devotione, vel pia consuetudine, & cæremonia, ad pedes Christi prostrati, indulgentiam ab eo in Sacramento petimus uno, eundemque recipimus in altero, est dies feriæ quintæ sive cœna Domini. Hoc magno die, pro cujusque dispositione convertuntur aut subvertuntur Ninives: vel convertuntur aut perduntur animæ, sicut illa Judæ.

Resi-

residuos tantum huic ultimo numerate dies, nec plures quàm tres invenietis: *adhuc tres dies.* Prò quanta foret infelicitas, quàmque charactere, & pietate Christianâ indigna, si illi, qui Gentiles imitati sunt in differendo, eosdem non æmularentur, quamvis tardè se convertendo! Ninivitæ, inquit Christus, in die judicij consurgentes condemnabunt populi istius duritiam & incredulitatem, cui Christus, non subsequente conversione infructuosè prædicabat. Reverentiæ ergò in Christum, eos contra nos consurgere non patiamur. Si Ninivitæ sine fide, sine Baptismo, si flagitiosissimus omnium hominum Rex eorum Sardapalus, tam angusto se termino videndo constrictos, cognita periculi propinquitate mediis tam extraordinariis remedium quæsierunt: quare nos, quibus expansis Deus brachiis illud tam promptè & expedite, à tot jam diebus offert illud respuamus?

Concludamus veritatem agnoscere, antequam indultum nobis transeat tempus: *ecce nunc tempus acceptabile.* Resolvamus seriò tractare de salute, antequam portæ occludantur misericordiæ: *ecce nunc dies salutis.* Vel decrevimus quandoque nos convertere ad Deum, vel non: si non, quare

Christiani sumus? aliâ spatioſâ magis viâ ad infernum tendere poteramus. Verùm si nullus tam infensus est animæ suæ hostis, quin saltem aliquando eandem ex dæmonis potestate ereptam, Dei manibus tradere cupiat & intendat, quando, quæſo, iste aderit dies? quinam, quæſo, proposito huic opportuniore aut sperari aut haberi possunt, quàm hi Hebdomadæ Sanctæ? quinam quæſo, dies petendæ & impetrandæ à Deo peccatorum veniæ congruentius deservire possunt, quàm illi ipsi quibus Deus, pro meis in crucem actus est peccatis? quinam denique dies ad participandum ex meritis sanguinis Christi magis conveniunt, quàm illi, quibus idem sanguis profusus est? præsens, præsens, & non futurum tempus acceptum est Deo: *Ecce nunc tempus acceptabile.* Dies hi, dies hi, & non secuturi incerti & deceptorii, dies sunt salutis. *Ecce nunc dies salutis.*

### §. III.

Supposito igitur, Christiani, hocce esse tempus, & hosce esse præcisè dies, quibus elapsis, nulli ad appellandum restant: nostrâ nunc interest, deperditum restaurare, illosque nobis dies veræ contritionis actibus devotionisque exercitiis reddere fructuosos, quo Heb-

Hebdomada hæc Sancta , qualis in se est , in nobis quoque Sancta existat. Præcisos ab arboribus ramos , quibuscum occursum est Christo, *cadebant ramos de arboribus*, quamvis S. Matthæus non specificarit, S. Joannes ex palmis, S. Lucas de olivis fuisse asserit. Proinde binis hæc , per ramos istos significatis affectibus Christum sequi ; omnibusque passibus ipsius inhaerentes , humilitatis hæc officia sacratissimis pedibus ipsius exhibere nos oportet: hoc enim verba ista innuunt : *& sternebant in via*. Palma patientiæ est symbolum ; sicut oliva compassionis & misericordiæ: & duo hæc mysteria ramorum illorū apparatus & differentia includebat. Pati & compati. Hoc modo benignissimum Regem Redemptoremq; nostrum longè sanè gratius comitabimur & excipiemus , quàm ingrata illa & inconstans Jerusalem fecit ; si non tantum hoc , verum omni die aliquid cum ipso fuerimus passi , & compassi. Quod totum S. Paulus uno tantum verbo comprehendit, *dicens: si tamen compatimur*. Unū est compati, alterum cum eo pati: compati est illi compati. Similiter pati, est cum eo pati: passionē à nobis merentur ejus pænæ & ærumnæ; sicut compassionem ejus amor. Tota sacra corporis animæq; Christi

*Pars III.*

humanitas multum nobis semper promeruit, sed nunquam tantum, quantum hisce diebus : patiando imitantes ejus tormenta & cruciatus, sacratissimum ipsius comitabimur corpus: compatiendo devotâ meditatione ipsius recolentes dolores, sanctissimam ipsius comitabimur animam.

Dico igitur, quantum ad corpus, aliquem hac hebdomada dolorem & molestiam quinque sensibus inferendam, quemadmodum Christus in omnibus est passus. Adam & Eva in unico tantum peccato omnibus quinque peccârunt sensibus. Peccârunt auditu, serpentem audiendo: peccârunt visu, fructum aspiciendo; peccârunt tactu decerpando : peccârunt odoratu, eum olfaciendo: peccârunt gustu, illum comedendo. Omnibus istis sensibus quinque primi nostri peccavere parentes ; & nos tam miserrum, quàm culparum hæredes in omnibus peccamus infinities. Et quoniam Christus pro peccato Adami nostrisq; omnibus satisfactor advenerat, in omnibus quinque sensibus pati voluit.

Passus est in sensu Visûs , omnium Discipulorum suorum fugam, & unius eorum tam proditoriam sui traditionem , alteriusque eorum ternam negationem videns : se capi , ligari , captivumque per plateas

Rom. 8  
v. 17

plateas publicas, & de tribunali ad tribunal indignissimè raptari potius, quàm duci cernens: oculos sibi velari, vestibus se in Prætorio nudari, exutumque in oculis totius mundi, & inter duos latrones medium constitutum conspiciens: super omnia desolatam suam Matrem ad pedem crucis stantem aspiciens, in cujus corde & oculis ter denuò crucifixus erat. Denique mea vestraque coram intuens peccata, quibus non minùs, atque illos, qui præsentés aderant illà horà, tanto nos amoris suo ingratos futuros prævidebat.

Passus est in sensu Auditùs, proditorium illud *Ave* ex ore Judæ audiens; crimina falsaque contra se allegata testimonia audiens; voces clamoresque, quibus ijdem, qui hodie Regem illum acclamârunt, mortis in eum sententiam extorquebant, ipsamque mortis sententiam, quâ ab iniquissimo judice latâ, hostium suorum voluntati tradebatur; malefactorem, populique seductorem se publicè proclamari audiens: injurias, blasphemias criminationes, opprobria quibus pendens è cruce à Principibus Sacerdotum, ipsisque supplicij ejusdem sociis latronibus impetebatur aribus excipiens: toto illo Passionis tempore ne vel ullum à quoquam consolationis audiens verbum, ille

Dominus. qui & factis & verbis tot fuerat consolatus.

Passus est in sensu Odoratùs, inter fœtores & horrores Montis Calvariae, à calvariis ossibusque malefactorum, qui ibidem morte plectebantur sic vocati; quæ, quia non nisi obiter & neglectim à lictoribus sepeliebantur, vel à canibus eruebantur, per totum dispersa montem, promiscuè sanguinibus carnibusque putrefactis infamem illum locum, horribilem, fœtidum, olfactuique intolerabilem reddebant. Et quoniam peccatorum nostrorum expiator non solum locum mortis, verum etiam loci circumstantiam elegit; ad satisfaciendum in eo, pro Olfactùs nostri excessibus, tam horridum & malè olentem esse voluit.

Passus est in sensu Gustùs, non solum ex felle & aceto sibi propinato, sed multò ampliùs ex ardentissima illa, omnes cruciatus excedente siti, quæ patientissimum Redemptorem levamen petere compulit. Prævalente verò plura pro nobis patiendi desiderio, vi naturæ, in Humanitate jam debilitata & exhausta, delibatâ tantum aceti acrimoniâ, fellisq; amaritudine Gustùs affligendi causâ degustata, liquorem sumere recusavit, ne temperaretur ardor, & restingueretur sitis.

Deniq; passus est in sensu Tactùs,

non

non relictâ vel parte minimâ in toto corpore ipsius sacratissimo parte, specialis tormenti & doloris experte. In brachiis passus est funes & catenas; in facie colaphos & alapas; in capite spineam coronam: in humeris pondus crucis: in lateribus millenos flagellorum ictus: in manibus & pedibus clavos: in omnibus ossibus, nervis, venis, arteriis, distensionem, luxationem, suspensionem, cruciatum, violentiam plûs quàm lathiferâ, tribus horis in cruce pendens donec in ea expiraret.

Si igitur Deus meus tam dira, hisce diebus in suis quinque sensibus solo amore mei perpeffus est; nunquid iustitia exigit, ut & ego in omnibus quinque sensibus meis aliquid patiar amore ipsius? nullum tam ingratum cor fore spero, & insensitivum, quin hac ratione moveatur: *Hoc enim sentite in vobis,*

ad Phi.  
lip. 2.  
v. 5.

*quod est in Christo Iesu:* inquit S. Paulus. Quod Christus sensit in se, hoc nos sentire debemus in nobis: ille amore nostri, & nos amore ipsius. Porro si devotio vestra nôsse cupit, aut me interrogat, quonam pacto reciprocè sensus nostros practicè mortificare oporteat: dico primò. Ut mortificemus Visum, singulari incedendo modestiâ, & circumspeditione, objecta creaturarum oculis denegando; & in speciem

magis placitis eos avertendo quæ à Deo magis nos elongant. Oculis Deus duo commisit officia, videre scilicet & flere: & ad flendum potius quàm ad videndum creati videntur; cæci etenim non vident, & flent. Agite, cum tot nunc oculis indulserimus dies ad videndum, nunquid non ipsis jam fatigatis aliquot feriarum dies assignabimus, quibus quiescant in fletu? deplorent oculi nostri peccata nostra, in specie plorent vehementer, quod non potius cæci fuerint conditi, quàm Deum offenderint. Ah quantò præstitisset oculis caruisse, quàm eisdem te offendisse?

Sensum Auditûs mortificemus subtrahendo nos hebdomadâ hac ab omnibus colloquiis & conversationibus, non illicitis tantùm & otiosis, verùm etiam licitis. Auditum in lectionem commutantes, indies librum quendam spirituales legamus, in quo Deus nobis loquatur & nos illum audiamus. Non exercitatis in orando faciliùs fructuosiusque est legere. In lectione Deus loquitur nobis: in oratione loquimur Deo. Prò quot & qualia (quæ non audivisse meliùs fuisset) toto anno audivimus ab hominibus! Itaque hisce saltem diebus consultissimum erit audire Deum.

Gg 2

In

In sensu Olfactûs perparum viris in hac terra mortificandum videtur, non enim hoc in ea vitium deprehendo. Si qua in Mulieribus superfluitas & abusus reperitur, meminerint Mariam Magdalenam aromata sua & unguenta ad pedes Christi effudisse. Efficaciùs ea deinceps detestentur & abhorreant semper, hæc ipsa unguenta, ultimam ejusdem Domini dispositionem ad mortem fuisse nōrint. Quia Maria Magdalena effudit unguenta, hinc in Juda excitata fuit cupiditas & concupiscentia: quia in Juda excitata fuit concupiscentia, hinc de proditiōe & venditione tractavit. Vendidit enim Magistrum suum, quem captivârunt & occiderunt. Idcirco inquit Christus (juxta literalem sensum) *Mittens hac unguentum*

*Matth. 26. v. 12. hoc in corpus meum, ad sepeliendum me fecit.* Ac si dixisset: unguenta sepulturæ meæ deserviunt: mortienim me occasione præbent.

Sensus Gustûs quamvis totius Quadragesimæ curriculo jejuniō se mortificârit ordinario; peculiari nihilominus hisce diebus mortificatione eundem exercere consultum videtur. Multi Sanctorum in eremo integram hebdomadam jejuni transigebant: multæ personæ quoque divertorum Ordinum & conditionum, non in ere-

mo, sed in ipsis etiam aulis, à feria quinta usque ad Sabbathum jejunant. Potissimis hujusce hebdomadæ diebus Principum quorundam stylus est, non nisi herbas & legumina ad mensam admittere: hisce diebus assignata sunt jejunia in pane & aqua: saltem deliciis eos dedicare nefas est. Deus agnum paschalem cum lactucis manducari præcepit agrestibus; agreste enim & insipidum optimè disponunt hominem ad dignè comedendum in Sacramento, feriâ quintâ Agnum Divinum.

Sensus Tactûs tanquam vilior, & in peccando frequentior cæteris omnibus justè & meritò hisce diebus majoribus mortificationibus exercendus est. Quando Urias ex castris nuncius ad Regem David venerat, mandavit illi Rex, ut abiret in domum suam & quiesceret: at ipse quid respondit? quæso Domine, Dux meus Joab sub dio dormit, & ego in lecto meo quiescam? non faciam tale quid in despectum ejus: & egressus foras ante portam aulæ inter custodias alicubi in assere cubando dormivit. Lectus, in quo ultimum suum cepit sonnum Dominus noster dulcis Jesus, qualis fuerit probè nōstis. Equumne igitur erit, dum ille lecti vice tam durum & immitte Crucis habet lignum, corpus nostrum

zquè

æquè, ut aliis diebus, molliter quiescat: rationi congruum & consilium est, aliquo saltem hocce dies ab aliis discrimine differe. Rex saltem noster, ejusque filij, à feria quinta usque ad Dominicam, non incubant lectis, nec sedent, nisi in terra semper Christo Domino assistentes, nec diu, nec noctuè Capella Regia egressi. Hæ sunt noctes, hi sunt dies poenitentiae deputati: istis noctibus debentur pedes excalceati & nudì, istis noctibus ordinatæ sunt disciplinæ, istis denique diebus ac noctibus cilicia sunt gestanda. Quàm rara cilicia erunt Maragranæ: verùm in hocce estis excusati.

Ninivitæ poenitentiam agere resolventes, non homines solum sed ipsa etiam animantia ciliciis operiri mandarunt. Quod tam universalis fuerit poenitentia non equidem miror, si quidem contritio vera ad extrema ista descendit. Hoc quod admirari merito plurimi possint, est, quod, cum tam ampla & populosa foret civitas, ut ultra centum viginti millia infantum haberet; incolæ verò tam depravatæ & flagitiosæ essent vitæ, ut Deus civitatis subversionem fu-erit comminatus, tanta nihilominus ibidem fuerit ciliciorum copia, ut tanta hominum, virorum, mulierum, puerorum & infanti-

um, imò & animantium immensitas illis potuerit operiri. Nisi Scriptura id assereret, res incredibilis meritò videretur, facilem nihilominus fidem meretur. Non requiritur ut cilicia ex pilis camelorum sint contexta sicut illud Joannis Baptistæ: ex quacunque materia aspera fit cilicium, si tantum devotio, illudque gestandi voluntas non desit. Fratrem habuit Societas nostra Ludovicum Gonzaga nomine, hæredem Marchionum de Castilhone in Italia: porrò quia ædes paternæ plura continebant instrumenta equitaturæ, quàm agendæ poenitentiae; devotus adolescens acceptas calcarium rotulas vice cilicij, utrique lateri suo applicabat. Et hoc modo ad motis lateribus suis calcaribus, tantâ alacritate viam virtutis perfectionisque decurrit, ut viginti tres vitæ annos necdum assecutus, meruerit (uti jam est) annumerari Beatis: proinde pro ciliciis necessarij non sunt cameli, neque texturæ, si devotio tantum, & bona non desit voluntas.

Hiscæ mortificationis exercitiis, quinque sensus nostros, hac hebdomada poenis Christi conformari oportet. De aliorum continentia vitiorum non loquor: scio quippe quod in Christianorum terra versetur. Ast quoniam simul in terra cœgimus militum, in die Ra-

morum etiam ludorum domos, & tabernas claudi, officialesque nihil horum vel perditissimo etiam militi indulgere debere adverto. Conqueritur Christus per Prophetam, quod in die passionis suæ milites super vestimentis suis lulum aleatorium habuerint: & *super vestem meam miserunt sortem*, & ita factum est: Crucifixores enim, Christo jam cruci acclavato, sumptis & jactis aleis luserunt, cuinam sacrum ipsius vestimentum sortitò obtingeret. Et mox Evangelista adjungit: *Et milites quidem hac fecerunt*. Etiam fuerunt milites, qui crucifixerunt: sed non ad hoc Evangelista se reflectit, quod crucifixerunt: sed quod super vestimento ipsius luserunt: crucifigere enim Christum, obedientiæ superioribus debita fuit actus, super vestimentum autem ipsius sortem mittere, privata erat pravitas. Nostis quinam instar istorum hisce ludant diebus? solum qui crucifigunt Christum, sortemque super vestem ipsius mitterent, si haberent. Narrabo vobis, quid mihi in Anglia contigerit. Aderant mihi duo Lusitani, qui Dominicâ die in hospitio in aleatorio ludebant: prodibat hospes irâ & indignatione succensus, inquiring: agedum Domini, nunquid domum meam in cineres redigi vultis? domum ex-

uri? inquiring illi; & quare? quia est lusus, qui foris audiri potest, qui si Magistratui innotesceret, de me jam actum foret. Ita dicebat homo iste: & ita deberet esse. Et quod magis miremini, civitas seu oppidum vocabatur Douresium, portus, & scala maritima, ubi ad unum omnes, nemine excepto sunt Hæretici. Prò pudorem & verecundiam pro nobis, qui tantum de nomine gloriamur Catholico! si in locis hæreticis sacrilegium reputatur, communi Dominico die ludere aleis, quid, quæso, erit, his aliisve ludis vacare hebdomadâ sanctâ, in terra, ubi crux, & crucifixi imagines adorantur, nec non mortis ipsius mysteria recoluntur & celebrantur? Hæc quoque ex mortificationibus ipsum corpus afficientibus una esto.

#### §. IV.

**A** Nimæ verò quid agendum? corpus imitandum. Corpus cum ramis palmæ, anima cū frondibus olivæ. Anima hisce diebus, ex corde faciat montem Calvariæ, erectoque ibidem Crucifixo; hoc modo dolores ipsius contempletur. O si quis modò eos contemplando assequi, & silendo posset effari! Amici Job ipsum in suis miseriis & ærumnis visitantes, teste scripturâ, integrâ hebdomadâ ejusdem contemplatione suspensi, quasi



quasi elingues, nullo prolato verbo substiterunt. Idem hebdomadâ hac animabus nostris faciendum incumbit, si dulcissimi Jesu veræ sunt amicæ. Contemplandum, tacendum, & obstupefcendum. O contemplationem! ô silentium! ô admirationem! ô stuporem! in tribus tantum, hac durante suspensione, animabus nostris semetipsas interrogare permitto. Quis patitur? quid patitur? pro quibus patitur? ô qualis hæc meditatio, pro æternitate!

Quis patitur? Deus: Ens illud infinitum, æternum, immensum & omnipotens: ille, qui cælum terramq; verbo creavit uno, & in nihilum redigere potest altero. Ille in cujus conspectu Principatus, Potestates, Dominationes, omnesq; hierarchiæ contremiscunt. Ille Deus cujus magnificentiam, cujus maiestatem, cujus excellentiam incomprehensibilem, ipse solus plenè & integrè cognoscit, nullusq; intellectus creatus ob distantiam infinitâ aliquatenus assequi sufficit, iste, iste est qui patitur. Hic admirandum subsistere paulisper oportet. S. Bernardus hæc considerando stupore & admiratione absorptus, in hæc verba prorupit: Ergo credendum est, quod iste sit Deus, qui flagellatur, qui conspuitur, qui crucifigitur? q. d. Estne possibile, credendum esse, ipsum, qui tot in-

urias, & contumelias, imò ipsam patitur mortem, esse Deum istum immortalem, impassibilem, æternum, principii expertè, omniumq; entium principium & fontem? idem prorsus ille est; iste enim nec Deus, nec fides nostra fides esset, nisi ille fecisset, & nos crederemus, quod humanam omnem excedit capacitatem. Hinc Isaias de passione loqui disponens, tanquam Prophetâ omnium aliorum eloquentissimus, ab hac interrogatione exorsus est: *Quis credidit auditui nostro?* q. d. quis fidem habebit illis, quæ ex ore meo audiet? tantum patiens distat ab illis, quæ patitur! & iste est Deus. Ecce, annon admiratione quid dignum hîc occurrat?

Considerato jam, quod Deus sit, qui patitur; considerandum sequitur quid patitur. Nec solum ad memoriam revocandum est, quod ipsum exterioribus in sensibus sacri sui corporis jam passum vidimus; sed multò potius considerandû & ponderandum, quod intus in anima omnibusq; ipsius potentiis perpassus est. Duplici nomine, geminâq; similitudine Redemptor noster nobis innuit, quod sua in passione pro nobis sustinuit. Nomine & similitudine calicis, dicens S. Petro: *Joan. 18. Calicem, quem dedit mihi Pater, non vis ut bibam illud?* & nomine & similitudine Baptismi, omnibus loquens Disci-

*Isai. 53. v. 1.*

Luc. 12  
v. 50

Discipulis: *Baptismo habeo baptizari, & quomodo coarctor donec perficiatur?* ita ut Christus, quid pro nobis passurus esset, declarando, modò illud calicem, & modò Baptismum vocet: & quare? quia Baptismus exteriùs, & calix interius recipitur: & Christus Redemptor noster totà suà durante passione, non solum cruciatus & tormenta exteriùs, verum etiam, & multò quidem amplius, animæ martyrium & afflictiones sustinuit. Exteriùs flagellorum, spinarum, clavorum, lancearq; tormenta sustinuit, quibus totus sanguine perfusus fuit, ideo ea Baptismum appellavit: Interius tristitias, mœrores, tædia, timores, angustias, & agonias perpessus est, quæ nullo admoto adhuc ferro ex omnibus ipsi venis in Horto sanguinem expresserunt, animamque ad mortem usque afflixerunt: *Tristis est anima usque ad mortem.*

Math.  
26. v. 38

O si quis profundè in ipsa interiora animæ Jesu ingressus, quid in sacratissimo & secretissimo trium potentiarum consistorio, tot horis agitatum & collatum fuerit, audirepotuisset! Memoria, omnium ab origine mundi hominum repræsentabat peccata, pro quibus divinæ satisfaciebat iustitiæ: Intellectus, paucitatem considerabat & ponderabat eorum, qui infiniti

tormentorum istorum pretii participes sese reddituri erant: Voluntas verò colliquefcebat dolore, videns tot animas suâ perire culpâ, nullo tantæ jacturæ solatio sibi relicto: & hæc tristitia totam Salvatoris nostri animam occupans tribus acutissimis eam clavis configebat. Hic nunc secundò subsistendum, & tam super infinito amore ipsius, quàm nostra cæcitate obstupescendum. O Domine, quot fortassis eorum, qui nunc in hac Ecclesia præsentés, tunc videris tuam in agoniam adigentes animam, eò quod suas in damnationem animas essent præcipitaturi! Quilibet consideret seipsum, utrum ex eorum sit numero, periculumque suum attendat, dum tempus adhuc faver.

Iste est Deus, qui patitur, isti sunt dolores & cruciatus quos sustinet: restat tantum videre, pro quo patitur. Nisi à fide aliter doctus essem, pro cœlo ipsum pati opinarer: Solem enim tenebris obductum, luctuque indutum conspicio: propter terram Deum pati putarem; illam enim contremiscescere, & è suo evelli centro intueor: propter lapides illum pati existimarem; eos enim ad se invicem collidi, scindi, & sepulchra aperiri cerno. Propter templum Hierosolymitanum illum pati cogitarem

rem ; Velum enim *Sanctis Sancto-  
rum* oppansum , à summo deor-  
sum scindi video. Pro mundo  
hoc elementari illum arbitrarer  
pati ; omnia enim elementa con-  
fusa , perturbata , attonita ex pro-  
digiis stupendis conspicio. Ast  
non sunt istæ creaturæ , pro quibus  
patitur Deus , quamvis omnes  
suum confiteantur pari creato-  
rem : & cùm irrationales & in-  
sensitivæ existant , cum eodem vo-  
luerunt finire , quando ille mor-  
tem voluit subire. Pro quibus-  
nam igitur patitur author naturæ ,  
& pro quibusnam moritur author  
vitæ : pro me , vobis , & omnibus  
hominibus. Pro nobis , & solum  
pro nobis patitur Deus : pro no-  
bis , & solum pro nobis patitur ,  
quicquid patitur. Pro nobis , quia  
postquam nos creavit , illum non  
reveremur : pro nobis , quia post-  
quam nos redemit , illi non obedi-  
mus : pro nobis , quia postquam  
nos sustentavit , ei non servimus :  
pro nobis , quia postquam pro no-  
bis mortem oppetiit , illum non a-  
mamus : pro nobis , eò quod ipsum  
semel in crucem actum millies de-  
nuò crucifigimus : pro nobis , quia  
expansis nos invitando brachiis vo-  
cantem audire contemnimus : pro  
nobis denique ; scientes enim ,  
quod judicaturus nos adveniet ,  
cælumq; non offendentibus pro-

*Pars III.*

mittat : prælegimus infernum si-  
ne illo , quàm cælum cum ipso.  
Hoc homo quilibet mortaliter  
peccando facit ; & facere pergit ,  
quousque à peccando non desistit ;  
ut clarè pateat , utrum non solum  
majorem admirandi , verum judi-  
cium etiam suum captivandi ha-  
beat rationem.

### §. V.

**I**sta sunt , Christiani , tria illa pun-  
cta brevia & profunda , hisce  
paucis diebus seriò & devotè me-  
ditanda , quæ iterum repero ut me-  
lius memoriæ hæreant : Quis ,  
Quid , & pro Quibus patitur.  
De vestro spero pio affectu , fo-  
re ut non hisce Hebdomadæ san-  
ctæ tantummodò , sed omnibus vi-  
tæ vestræ diebus hanc assumatis  
devotionem , adeò debitam illi ,  
qui nostrum promeritus est amō-  
rem , amore nostri suam exponen-  
do vitam. Porro nemo se excu-  
set obtinendo quod meditari aut  
discurrere ignoret ; non enim dis-  
cursus , sed voluntatem & affectus  
desiderat Deus : immò ne nostras  
quidem exigit voluntates solis me-  
moriis contentus : *Hoc facite in*  
*meam commemorationem* : Filii , in-  
quit Christus , dedi vitam , dedi  
sanguinem , me ipsum amore ve-  
stri dedi totum , nec aliam à vobis

*Hæ*

*exigo*

*Lnc 24  
v. 19*

exigo mercedem, quàm ut mei reminiscamini. Ex omnibus, quæ Filius Dei in vita sua & morte aut dixit aut fecit, nihil æquè valet ad emolliendum quodlibet cor hominis, ac ultima illa recommendatio, quando discessit à nobis. Quod amore hominum Deus factus est homo, & amore hominum mortuus, ab eisdem exigit, ut reminiscantur ipsius. O Amor, ô pietas divina! ô duritia, ô ingratitude humana! usque adeò amabilis & benignus est Deus, ut nos sui memores esse velit; & nos tam sumus duri & ingrati. ut Deo id ipsum à nobis petere sit necessarium? non me sic emollit, non me sic ad compassionem movet totum illud quod Christus fuit passus, uti illud quod in corde ipsius, & in cordibus nostris dolorosa hæc recommendatio prodit. Et quàm, quæso Christiani, indignum & probrosum foret, aut jam est cordibus nostris, tam bono memoriam tantum nostram petenti Domino, illam adhuc denegare!

Eja, pro sanguinis, mortis, omniumque Jesu Christi tormentorum quæ sustinuit reverentia, saltem hisce sanctis, hoc nec sit, nec fiat diebus. Cruciatuum & dolorum ipsius recordemur; pœnarum recordemur & vulnerum, & super omnia, ejus recordemur

amoris. Cum hac memoria surgamus mane, cum hac memoria incumbamus vespere, noctisque partem ei consecremus. Et specialiter istam vobis memoriam recomendo in Ecclesiis, aut dum Ecclesias visitatis. Magna est illa hominum miseria & infirmitas, nec minor diaboli astutia, qui in hac quoque Hebdomada sancta, suos nobis tendit laqueos, ex propria nostra devotione contextos. Ecclesiæ non ad ostentationem, vel ex curiositate, aut ad videndum, quis vadat, quomodo vadat, aut quocum socio vadat frequentandæ sunt: verum defixis humi oculis, menteque sollicitè in se collectâ, considerando, quod eodem die, similibusque passibus, Deus bajulans crucem ad moriendum pro me, ne ego morerer æternum, tantaque tormenta, ut me ab illis inferni liberaret, patiendum perrexerit. O quàm præclara & efficax est memoria ista, ad eliminandum omnia alia noxia cogitationum phantasmata! denique ad Ecclesiam venientes imaginari sibi oportet, ad Montem se venire Calvariæ (quod sola non est imaginatio; sed de fide veritas, ibi enim realiter Christus adest) idque reipsa & practicè facere, quod facerent, si Christus esset affixus cruci, & idip-

idipsum coram oculis cernerent.

Cum tali modestia, & consideratione frequentandæ & visitandæ sunt Ecclesiæ, & cum tali, iminò longè majore modestia & consideratione officiis assistendum est divinis: non circumspiciendum, fabulandum, negotiandū, quod non nisi maledictum redolet abusū, qui cum in aliis Christianis ignoretur regionibus, in Hispania tantum & Lusitania (ubi tantum nos gloriamur Catholicos) non sine maximo Hæreticorum scandalo & detestatione invaluit. Utinam in Ecclesiis nostris sic assisteremus divinis, sicut illi in suis, tam sacro indignis nomine assistunt, ubi neque altare, neque crux, neque Christus est! Eiusdem Christi amore, Christiani & Christianæ, tantum ne committamus dedecus, neque fidei tam publicam & manifestam inferamus injuriam & scandalum, dum eundem illum Dominum, quem in Sacramento præsentem habemus, in Calvario pro nobis crucifixum indubitanter credimus. In Calvario astiterunt Christo B. V. Maria Domina nostra, S. Joannes, S. Maria Magdalena, & aliæ Mariæ: & est notatu dignum, quod nulla earum, apud omnes quatuor Evangelistas, vel verbum locuta fuisse legatur. Omnes videntes, considerabant quod age-

batur, at nemo loquebatur. Passionis quippe mysteria summâ sunt attentione recolenda, & summo silentio meditanda.

Omnes igitur, diebus hisce, exiguum hocce (à quo nemo se excusare potest) offeramus sacrificium: & in qualemcunq; satisfactionem pro tantis, quibus Deum nostris offendimus linguis, offeramus illi non loqui aliis, nisi ipsi soli; saltem dum præsens nobis adest. In cæteris omnibus hucusque dictis, quilibet sui se fervoris devotionisq; dictamini accommodet; ab hac verò modestia, silentio & reverentia in Ecclesia Christus neminem exceptit. Christianos nos esse meminimus, & in aliquo nos tales esse apparere oportet; & quod de sermone hoc, & omnibus aliis acceptis à me monitis strictam à vobis Deus exiget rationem. Ad mentem & memoriam revocemus, quot nobis infructuosè transierint hebdomadæ: contingere quoque potest hanc præsentem quibusdam nostrum fore ultimam. Quot hebdomadam viderunt præteritam, qui non viderunt istam? & quot videbunt præsentem, non visuri securam? certi hanc hebdomadam, nobis vitæ fore ultimam, quid faceremus? eja faciamus illud igitur, nec timore mortis, sed Jesu Christi amore faciamus!

Hh 2

Ah

Ah, Domine Jesu, verba mea glacie sunt gelidiora, & corda ista, sine tua gratia, ære sunt duriora ! expirans in cruce, caput in pettus inclinasti significaturus quod oculos tuos in te & nos; in cor tuum & peccata nostra esses conjecturus. Ex hoc ipso corde tuo lanceâ transfosso duo exiêre liquores, quibus tuam formasti Ecclesiam : egrediebanturque simul spiritus vitales, vitæ & gratiæ, quibus illam reformasti : & quemadmodum visum contulisti te percutienti : sic licet eodem à nobis modo sis vulneratus & offensus (cùm semper in corde tuo nostri vivat amor) lucis ex eo prodeat radius nostras illuminans cœcita-

tes. Fructificet, Domine Jesu Christe, ille sanguis, animasque nostras egressa ex pectore tuo irriget aqua : quæ omnes amore tuo victæ, & ad crucis tuæ pedem prostratæ, contritæ & humiliatæ, omnium culparum suarum & offensarum hucusque commissarum veniam deprecantur. Nunquam te offendemus ampliùs, nunquam ampliùs, eò quod es, qui es. Ita promittimus, firmissimèque protestamur : & ita, clementissime Jesu Christe, de infinita tua misericordia, de Passionis tuæ meritis, Gratiæque tuæ auxiliis speramus.

Amen.





# S E R M O

De

## BONO LATRONE

Habitus Ulyssippone in Ecclesia de Misericordia,  
seu Hospitali Regio Anno 1655.

*Domine, memento mei, cum veneris in regnum tuum:*

*Hodie mecum eris in paradiso. Luc. 23.*

§. I.



ERMO præ-  
sens, qui ho-  
die in Hospi-  
tali Regio ali-  
às Misericor-  
dia, & non in  
Capella præ-  
dicatur Regia, ibi potius, quàm  
hic prædicandus videtur: illi po-  
tius, quàm huic accommodandus  
& commensurandus esset. Et  
quare? Textus quippe, in quo fun-  
datur, ad Majestatem illius & nul-  
latenùs ad hujus pertinet piete-  
tem. Quorum Textus meminit,  
unum est, quod duo latrones Je-  
rosolymis judiciali processui sub-  
jecti, justitiâ exigente, sententiâ  
Judicis morte fuerint condemna-  
ti, ambo in crucem acti, nulloque  
patrocinate aut interveniente

ambo mortui. Nunquid tale  
quid Misericordia Ulyssipponen-  
sis fieri permittet? nullâ ratione.  
Prima ejusdem cura est, per car-  
cerum Procuratores, autoritate,  
potentiâ, & requisitâ qualitate in-  
signem eligere Fratrem, cujus in-  
tentio sit, omnem possibilem in  
id impendere sollicitudinem, ne  
maleficorum quispiam, suo tem-  
pore, justitiæ rigorem experiatur.  
Proinde punctum illud ad miseri-  
cordiam Ulyssipponensem non  
spectat. Parsque altera, quam  
assumpsi pro themate, tota ad  
Palatium Sacramque Regium  
spectat. In hac allocutio ad Re-  
gem dirigitur: *Domine*; in hac de  
Regno tractatur: *Cum veneris in* Luc. 23  
*Regnum tuum*: in hac memorialia v. 42.  
& supplicæ ei præsentantur: *Me-* & 43.  
*mento*

Hh 3

mento

*mento mei* : in hac Rex ipse, ad alia non remittendo tribunalia per semetipsum immediatè mox expedit : *hodie mecum eris in Paradiso*. Quod me ab hujus prædicatione materiæ retinere posset, est, doctrinam non convenire loco. Ab hoc verò scrupulo, quem Concionatorum plurimi non considerant, Jonæ me prædicatio liberavit. Jonas non in Palatio Regis, sed in plateis civitatis Ninive, & spatij amplitudine, & incolarum frequentia hanc nostram longè excedentis prædicavit : & Textu teste, prædicatio ipsius ad Regis mox aures pervenit : *pervenit verbum ad Regem*. Utinam, quod hodie prædicare constitui, ad Reges omnes, & ad extraneos potius, quam a nostros Reges perveniret. Regibus cunctis Rex Regum exemplaris ad instar est imitandus, ex cujus vitæ epilogo, ultimaque actione, omnibus multa discenda. Bonus latro petiit à Christo, ut suo in regno sui recordaretur : *Domine, memento mei, cum veneris in regnum tuum*. Memoriaque Christi id fuit operata, quod ambo eodem adhuc die sese mutuò in Paradiso forent visuri : *Hodie mecum eris in Paradiso*. Hæc memoria Regibus maximè congruit, quamque ego illis inculcari optarem ab eis, quibus aures regiar

*Jona. 3.  
v. 6.*

propius parent. Ut meminerint non solum latrones deducere ad Paradisum, sed deducere secum : *Mecum*. Neque enim Regibus par est intrare Paradisum sine ducatu latronum ; neque latrones pergere possunt ad infernum sine comitatu Regum. Istud hodie prædicaturus adsum. Ave Maria.

## §. II.

**R**eges secum ad Paradisum deducere Latrones, non solum societas non infamis, sed gloriosa adeò Regeque condigna actio, ut eâ Christus ipse regni sui probârit coronâritque veritatem, mox ut in cruce Regis titulum admisit. Verum in omnibus mundi regnis huic adeò contrariam experimur praxin, ut loco istius, quod Reges secum ad Paradisum deducant latrones, hi ad infernum secum deducant Reges. Quod si ita se habet, pro ut evidentè mox demonstrabo, nemo, me tam clarè & apertè loqui mirari debet : sed obstupescere potius de silentio, incuriamque damnare Prædicatorum, quâ necessariam adeò doctrinam diffimulant, cura eam vel maximè expulpitis audiri & declamari oporteret. Assumptum sit igitur novum, quod antiquum & frequens esse



esse deberet: quod eò majore fructus alicujus producendi spe prosequar, quantò auditorium præsens, tantà Ministrorum omnium majorum & præcipuorum tribunalium in quorum consilia & conscientias, illæ Regum exonerari solent, authoritate nobilius condecoratum cerno.

§. III.

**U**T discursus tam utilis & gravis solidis irrefragilibusque innitatur fundamentis: suppono rimò, sine restitutione alieni neminem posse salvari. Quòd ita resolvunt S. Thomas & Theologi omnes: & sic definitum extat in Capitulo: *si res aliena*, & verbis ex S. Augustino deductis: *si res aliena, propter quam peccatum est, reddi potest, & non redditur, pœnitentia non agitur, sed simulatur: si autem veraciter agitur, non remittitur peccatum nisi restituatur ablatum, si, ut dixi restitui potest*. Hæc unica regulæ exceptio, boni latronis felicitas fuit, & hanc ob rationem salutem fuit consecutus, & malus sine restitutione salvari potuisset. Quoniam ambo de hujus naufragio vitæ nudi egressi, stipiti fuere affixi, hæc solummodo extrema eorundem paupertas, à furtis

ipfos commissis absolvere poterat: non habentes enim unde restituerent, ad restituendum non tenebantur. Verùm si bonus latro bona habuisset, ex quibus furto ablata sive in solidum, sive ex parte restituere potuisset, omnis ejus fides & pœnitentia tantopere à Sanctis de prædicata, pro animæ salute nihil ipsi profuisset, restitutione non subsecutâ. Duo felici huic deerant homini ad salutem: unum, quâ latroni & furi, qualis fuerat; alterum, quâ Christiano, qualis esse incipiebat. Quâ latroni & furi, qualis fuerat, deerat illi unde redderet: quâ Christiano, qualis esse incipiebat, deerat illi Baptismus: sed quemadmodum sanguis in cruce effusus supplevit Baptismum; ita nuditas ipsius & impossibilitas supplevit restitutionem: & ideo salutem est consecutus. Videant nunc vel obiter in vita furati, qui nec in vita, nec in morte restituerunt, imò ante de multis restatibonis, opulentissimasque suis successoribus hæreditates relinquentes; videant inquam, quonam animæ eorum deventuræ sint aut jam deventerint, & utrum salutis adipiscendæ spes superfit.

Restitutionis præceptum, tam in lege veteri erat rigidum, ut si quis modo illicitio aliena tibi

usur-

usurpâset bona, deficiente restituendi potentiâ, Deus ipsummet vendi mandârit usurpatorem, quo sui ipsius pretio illatum damnum refarciret: *Si non habuerit* Exod. 22. v. 3 *quod pro furto reddat, ipse venundabitur.* Ita ut, in quantum homo sui erat juris, suæ dominus voluntatis, non suppetente alio medio; donec propriam vendendo personam, suiq; pretio ipsius quod posset restitueret, Lex illum tanquam impotentem judicatum à restituendi obligatione & onere non absolveret. De legis istius iustitia nemo dubitare ausit, siquidem Deo authore tradita erat: & quamvis idem ipse Deus in Lege Gratix, istam juris positivi rigoris absolverit circumstantiam; in lege tamen naturæ, quæ indispensabilis est, restituereque præcipit potenti & habenti, tantum abfuit, ut quicquam immutaret aut moderaretur; ut nec ipse Christus in Cruce, tali casu, latroni & furi paradisum promississet, nisi prius restituisset. Opponamus huic latronem furemque alterum, & in ejusdem judicio Christi, casus unius ab altero differentiam cum stupore videamus.

Quemadmodum Christus Dominus noster dixit Dimæ: *Hodie* Luc. 19 *tecum eris in paradiso*: ita dixit Zachæo: *Hodie salus domui tue fa-* v. 9

*ta est.* Sed quod notatu dignum, est, quod Christus Dimæ salutem promissit statim, & Zachæo multò post. Et quare, si ambo fuerant fures, & ambo conversi? quia Dimas fur erat in ops, non habens unde furto ablata restitueret: Zachæus fur erat opulentus, abundans multis quibus illata damna refarciret: *Zachæus princeps erat Publicanorum, & ipse dives:* inquit Evangelista. Et ipso quamvis hoc subtrahente, status nihilominus utriusque hoc declarabat. Quare? quia Dimas fur erat ad crucis jam supplicium condemnatus, qui si dives fuisset, ad furcam utique non pervenisset: verùm Zachæus fur tollerabatur, eademque, quibus affluebat, divitiæ immunitatem ipsi, ad furandum sine pœna, imò & sine culpa conciliabant. Et quia Dimas pauper fur erat, non habens unde restitueret, etiam salutis impedimento carebat, quam eodem ipsi momento Christus indulgebat. E contrario; quia Zachæus fur erat dives, affluens plurimis unde restitueret, hoc nondum peracto salutem ipsi Christus assecurare nequivit, ideoque promissionem distulit. Eadem Evangelistæ narratio est optima differentix huius probatio.

Zachæus ex sola fama Christum noverat, eundem videndi deside-

rio

rio æstuans. Transiit Christus terram ipsius, & quoniam staturâ pusillus, concursus verò hominum erat multus, nullâ seu personæ seu authoritatis, & officii habitâ ratione: *Princeps publicanorum*: ad videndum, arborem conscendit, & non tantum vidit, sed visus est ipse, & saluberrimè visus. Christus divinis suis in ipsum coniectis oculis, nomine ipsum compellans proprio, actutum descendere iussit, ipse etenim maximo bono, se hodie ad ipsum diversurum: *Zachæe festinans descende, quia hodie in domo tua oportet me manere*. Ingressus domum Zachæi Salvator, mox ab introitu optimè dicere potuisse videtur, hoc ipso salutem simul fuisse ingressam: sed horum nihil dixit Christus. Recepto jam in domum Christo, Zachæus omnibus lætitiæ & gaudii argumentis festum egit: *Excepit illum gaudens*. Salvatore adhuc conticescente, accubuit mensæ lautissimè & copiosissimè instructæ, & vel maxime bonâ voluntate adornatæ, quod delicatissimum Christo est ferculum, eadem adhuc suspensione perseverante. Incipit Zachæus discursum dicens, quod bonorum suorum medietatem in pauperes erogaret: *Ecce dimidium bonorum meorum do pauperibus*: porro cum Christus sit, qui in iudicii die, sola

*Pars III.*

misericiordiæ & eleemosynarum merita cœlesti remuneraturus est regno, quis non tantum liberalitatis in pauperes actum, statim salutis promissione excipiendum putaret? sed necdum hic audire meruit Zachæus, quod postea dixit Christus. Domine Jesu Christe, si tua pietas & veritas toties, tibi ipsi fieri affirmavit, quod fit pauperibus, & hic homo tuæ personæ tot tantaque servitia exhibet, & eam pauperibus curam & liberalitatem impendit: si temetipsum salutis ejus causâ ad ædes ipsius invitasti, ejusque te salus ad hoc induxit; si vocasti eum, & ipse tam promptè & expeditè accurrit: si festinare jussisti, *festinans descende*: & ipse ne momento quidem temporis moratus advolavit; quare destinatam illi gratiam largiri differs, quare non absolvis, quare salutis ipsum non reddis securum? quia idem iste Zachæus, quâ Publicanorum caput, *Princeps publicanorum*, spoliaverat multos: & quia erat dives, & ipse dives, unde furta restitueret, habebat: & quousque, non restituendo aliena, debitor remanebat, quantacunque bona haberet opera; quantumcunque bonorum suorum piè dispenderet, nec ipse Christus eum salvare poterat. Quicquid Zachæus post felicem hanc visio-

I i

aem

nem egit, laudem merebatur: sed nondum facta restitutione salutis incapax perseverabat. Restituat & mox salvus erit: & ita factum est. Adjunxit Zachæus, se defraudatum reddere quadruplum:

*Ibidem v. 8.* *Et si aliquem defraudavi reddo quadruplum.* Et eodem momento, rupto, Christus Dominus, silentio, referatis gratiæ suæ thesauris salutem ipsi annunciavit: *Hodie salus domui huic facta est.* Ita ut ingresso quamvis domum Zachæi Domino, salus nihilominus manserit foris; quousque enim domo non egrederetur restitutio, salus intrare nequibat. Salus sine peccati remissione intrare nequit, & peccatum remitti nequit sine restitutione ablati: *Non dimittitur peccatum, nisi restituatur ablatum.*

#### S. IV.

**S**UPPOSITA veritate hac primâ certâ & infallibili: secundum æquè certum suppono, restitutionem alieni, sub pœna non obtinendæ salutis, non subditos tantum & privatos, sed ipsa etiam sceptrâ constringere & coronas. Imaginantur sibi, vel imaginari sibi videntur Principum nonnulli, quemadmodum dignitate antecellunt omnes, omnium quoque rerum esse se Dominos; sed enormiter errant. Præceptum restitutionis legis est naturalis: legis est divinæ. Quatenus legis est naturalis, obligat Re-

ges; natura enim omnes fecit æquales: etiam, quatenus legis est divinæ, similiter illos obligat, Deus enim qui majores illos fecit, est major illis. Hanc veritatem sola praxis & usus impugnat. Pro usus ejusdem parte, S. Thomas, quem hodie mihi in Doctorem elegi, cuiq; meritò plurimum, in materia hac, autoritatis debetur, sic argumentatur: *Terrarum Principes multa à D. Tho. subditis suis violenter extorquent, quod videtur ad rationē rapina pertinere: grave autem videtur dicere, quod in hoc peccent: quia sic ferè omnes Principes damnarentur. Ergò rapina in aliquo casu est licita.* q. d. Rapina, sive furtum est, accipere alienum violenter invito Domino; Principes multa violenter & invitis ipsis, à subditis suis accipiunt: ergò furtum quibusdam in casibus licitum esse videtur: si enim Principes in hoc peccare dixerimus, illi omnes seu quasi omnes damnarentur: *Ferè omnes Principes damnarentur.* O terribilis & tremenda consequentia! & quàm digna, ut eam anxie considerent Principes, quiq; cum illis in consiliis & resolutionibus participant! argumento suo idem Doctor Angelicus responderet: & quamvis prolixioribus textibus latinis Auditores meos fatigare non soleam, ipsius nihilominus propria verba referam: *dicendum, quod si Prin-*

D.Tho. *Principes à subditis exigunt, quod eis secundum iustitiam debetur propter bonum commune conservandum, etiamsi violentia adhibeatur, non est rapina: si verò Principes aliquid indebitè extorquent, rapina est, sicut & latrocinium. Vnde ad restitutionem tenentur, sicut & latrones. Et tanto gravius peccant quàm latrones, quanto periculosius & communius contra publicam iustitiam agunt, cuius custodes sunt positi.*

Usque huc de Principibus, Theologorum Princeps. Ast quia verba, rapina & latrocinium, supremæ subiectis sphæræ accommodatum tam longè ab adulationibus, quibus assuevère audiendis, distat, ut dissonum quid sonare videatur, sum tacitè excusat loquendi modum, suamq; duobus textibus aliunde citatis, uno divino Ezechielis Prophetæ; altero paulò minùs quàm divino, S. Augustini, S. Doctor probat doctrinam. Textus Ezechielis inde est desumptus, ubi recensentur peccata, propter quæ Deus tam severè duo illa regna, Israël, & Iuda, alterum captivitate Assyriorum, alterum captivitate Babyloniorum cástigarit; cuius rationem assignat & valde ponderat, & est, quod Principes eorum, loco ejus, quod populum custodire & conservare debuerant, illos spoliarent, & luporum instar fuerint depredati: *Principes eius in medio il-*

*lius, quasi lupi rapientes prædam.* Duos tantum Reges per semetipsum elegit Deus, Saulem videlicet & Davidem, utrumque ex pastorebus assumptum, ut per experientiã gregum quos pascebant, exercitii-que praxin, scirent quomodo sibi subiectos tractare deberent: successores verò eorum ambitione & cupiditate acti ab hoc tantum degenerarunt amore, & ab hac defecerunt curâ & solitudine, ut pascendi, eosq; tamquam oves custodiendi loco, quicquid habebant violenter raperent, & luporum instar velut oves devorarent: *Quasi lupi rapientes prædam.*

Citatus ex S. Augustino textus, de omnibus generaliter loquitur regnis, in quibus similes ordinariè oppressiones & iniustitiæ vigent, & inter ejusmodi regna, & speluncas latronum (quas Sanctus latrocinia vocat) unam tantum differentiam esse dicit. Et quænam ista? Quod regna sint latrocinia magna, & latrocinia regna sint parva: *Sublatâ S. Aug. iniustiã, quid sunt regna, nisi magna latrocinia? quia & latrocinia quid sunt, nisi parva regna?* Idem pirata quidam Alexandro Magno occinuit. Navigabat mare Erythræum Alexander Magnus numerofo & valido exercitu Indiam suam in potestatem redacturus: casu offertur illi pirata quidam, qui

Ezech.  
22. v.  
27.

piscantibus ibidem infestus erat; quem ille durè & acritèr de tam indecenti arguebat exercitio : qui omni posito rubore & metu , respondit hoc modo. Ut ego dicar latro, naviculæ cuiusdam sufficit spoliatio : & tu, cum non nisi spoliis integro inhies exercitu, sis Imperator? ita protinùs res est. Furari parùm, reputatur culpa: furari multum, censetur magnificentia: spoliare & furari potestate exigua, facit piratas: magno spoliare & furari exercitu, facit Alexandros. At Seneca probè sciens discernere qualitates, & interpretari significationes utraque eodem definivit nomine: *Eodem loco pone latronem & piratam, quo Regem animum latronis & pirata habentem.* Si Rex Macedoniæ, vel quilibet alius hoc fecerit, quod latro facit & pirata; Latro, Pirata, & Rex eundem tenentes locum, eodem sunt nomine digni.

Quando istud in Seneca legi, non adeò admiratus fui, Philosophum Stoicum, Romæ, regnante ibidem Nerone, talem ausum fuisse conscribere sententiam: Verùm hoc majorem mihi stuporem, simul cum rubore invexit, quod Oratores nostri Evangelici Orthodoxorum tempore Principum, eandem doctrinam, vel pro emendatione, vel pro cautela & præservatione

non prædicent. Noverint isti eloquentes & muti, se magis offendere Reges eò quod tacent, quàm eò quod dicerent: fiducia enim seu confidentia, quæ illud dicitur, argumento est hoc illos non tangere, nec posse offendere: & cautela quæ tacetur, argumento est quod offendentur; quia illos tangere potest. Verùm breviter ad tertiam & ultimam suppositionem transeamus; omnes enim tres sunt necessariæ, ut ad scopum & finem perveniamus.

## §. V.

**D**Enique suppono, fures de quibus loquor, non esse miseros illos, quos paupertas, conditionisque suæ vilitas ad infame istud vitæ genus condemnavit; ipsa etenim eorum miseria vel excusat, vel extenuat peccatum ipsorum, attestante Salomone: *Non grandis est culpa cum quis furatus fuerit: furatur enim ut esurientem impleat animam.* Fur victus tantùm, vitæque sustentandæ causâ furatus non pergit, neque defert furta ad infernum; qui tendunt, & deferunt ad infernum ablata, majoris sunt conditionis altiorisque ordinis, quos eodem sub nomine & eodem sub prædicamento optimè distinguit S. Basilii Magnus: *Non est intelligendum fures esse solum bursa-*

*Prov. 6.  
v. 30.*

*rum*

S. Basil.  
Magn.

*rum incisores, vel latrocinantes in balneis: sed & qui Duces legionum statuti, vel qui commissi sibi regimine civitatum, aut Gentium, hoc quidem furtim tollunt, hoc verò vi, & publicè exigunt.* q. d. Non isti solùm sunt fures, qui crumenas præscindunt, vel balneantes vestibus spoliant: fures propriè, illoq; digniores nomine sunt, quos Reges exercitibus præficiunt, aut quibus civitatum regimen, aut provinciarum gubernaculum committunt, qui jam astu, jam violentiâ admotâ furantur populosque spoliant. Alii fures unum spoliant hominem: hi civitates spoliant & regna: alii suo furantur periculo, hi sine metu, & securi: alii furtorum convicti suspenduntur; hi furantur & in furcas agi mandant. Diogenes omnia acutius penetrans oculo, præ cæteris hominibus, frequentem quandam præfectorum, & justitiæ ministro- rum catervam fures ad suspendi- um deducentium conspicatus al- tâ cœpit voce clamare: Ecce ma- gni ibi fures ad suspendendum va- dunt parvos. Felix tali prædicato- re Græcia! Feliciores verò aliæ na- tiones, à similibus ibidem injuriis vindicatâ justitiâ! Quoties Romæ in furcam agi est visus non nisi ver- vecem furatus, eodemque die tri- umpho condecorari & evchi Con- sul, vel Dictator, integram provin-

ciam depopulatus seu deprædatus! & quot fures suspenderant ipsi tri- umphantes! de quodam nomine Seronato, prudenti oppositione dixit Sidonius Apollinaris: *Non cessat simul furta, vel punire, vel fa- cere.* id est, Seronatus duobus sem- per, aut patrandis, aut puniendis furtis est occupatus. Zelum hoc sapiebat, non justitiæ, sed invidiæ. Fures è mundo tollere volebat, ut solus ipse furari posset.

§. VI.

**D**Eclarato igitur non meis, sed gravissimorum authorum ver- bis, quantæ sint existimationis & authoritatis fures, de quibus lo- quor; iidem sunt, quos, ut dixi, & dico, Reges secum ducunt ad in- fernum. Quod illi ibidem agant, & diabolus eos illuc deducat, trans- eat; abeant in perditionem, quoni- am sic volunt: verùm quod Reges secum eò deducant, dolor est into- lerabilis, & hinc dissimulari nequit. Ast si Reges tam longè absint à ra- pina alieni, ut ipsimet potiùs rapi- nam sint passi, ac cæteris omnibus magis spoliati, quomodo, quæso, mali fures secum ad infernum de- ducunt tam bonos Reges? Non uno tantùm, sed modis pluribus, qui insensibiles videntur & occulti, & cum primis palpabiles sunt & ma- nifesti. Primus modus est, quia Re-

ges conferunt illis officia & præfekturas quibus furantur ; Secundus est , quia à Regibus in eis conservantur ; Tertius modus est , quia ad majora officia tales evehuntur. Deniq; cum Reges sub pœna non obtinendæ salutis , ad damna ista refarcienda sint obligati , eadem nec in vita , nec morte restituunt. Et quis hoc dicit? jam S. Thomas iste futurus scitur. *Quæstionem proponit hic Sanctus, utrum persona nec furata, nec de furto participans ad restitutionem teneatur? nec solum resolvit, quod sic : sed pro majore asserti mei declaratione & expressione exemplum in Regibus ponit. Ecce textum: Tene-*

*D. Tho. tur ille restituere, qui non obstat, cum obstat teneatur. Sicut Principes, qui tenentur custodire justitiam in terra, si per eorum defectum latrones incrementum, ad restitutionem tenentur: quia redditus, quos habent, sunt quasi stipendia ad hoc instituta, ut iustitiam conservent in terra. Tam naturalis & clara est ista Theologia, ut ipse Rex Agamemnon Gentilis eam cognoverit, quando dixit: Qui non vetat peccare, cum possit, jubet.*

Enim verò , si hanc restituendi obligationem incurrunt Principes propter furta quæ committunt fures & latrones occasionaliter , & ipsis invitis , quid erit de iis, quos

ipsi dignitatibus, jurisdictionibus, & potestate armarunt, quibus populum spoliant? intentio ista hæc est, nec esse potest Principum : sed sufficit officiales bellicos , aut bonorum reddituumque dispensatores, vel justitiæ Ministros qui furta committunt ab ipsis electos & creatos, ut Principes luant , quod illi patrârunt. Ponamus exemplum culpæ, ubi ea dari non potest. Deus in paradiso posuit Adamum, cum jurisdictione & potestate super omnia viventia , & cum imperio absolutoq; dominio super omnes res creatas sub cœlo, unâ tantum arbore exceptâ. Pauca literæ deerant Adamo pro fure; & ad fructum pro furto , deerat ei nulla. Tandem ipse, ejusque mulier ( quæ sæpe sæpius sunt lenæ ) id quod solum erat in mundo, & non erat suum, rapuerunt. Jam Adamum habemus electum , jam habemus officialem, jam habemus furem. Es quisnam furtum solvit? castus super omnes admirabilis ! solvit furtum qui elegit, qui furi officium dedit. Qui elegit Adamum eique officium dedit, fuit Deus : & Deus fuit, qui illud tam caro solvit pro ut novimus. Idem Deus hoc affirmat, referens quanti sibi constiterit satisfactio pro furto ejusque damnis. *Quæ non rapui, tunc exolvebam: ps. 68. v. 5.* Nunquid vidistis corpus, quod assumpsi



sumpsi, cum sim Deus; vidistis plurima quæ sustinui, sanguinem vidistis quem profudi, vidistis mortem quam inter latrones obii: tunc igitur omnibus istis solvebam, quod non rapueram. Adam rapuit, & ego solvi: *quæ non rapui, tunc exolvebam.* Eja Domine, quænam Majestatis tuæ culpa in Adami peccato? nec culpæ mihi aut reatus quippiam fuit, aut foret, quamvis Deus non essem: in electione enim hominis illius, officioque illi collato eâ circumspeditione, prudentiâ, providentiâque sum usus, quam circumspexitissimum, vigilantissimum, justissimumque Principem adhibere fas esset. Quando illum creavi, non cum imperio feci despotico, velut creaturas alias, sed maturo, communicatoque non cum humanis, sed divinis personis consilio: *faciamus hominem ad imaginem, & similitudinem nostram & præsit.* Concurrentes in electione qualitates erant officio magis adæquatæ, quàm desiderari & concipi poterant: omnium erat sapientissimus, justus sine vitio, rectus sine iniquitate, omnium moruum passionumque suarum Dominus, quos rationi subditas & obediennes habebat, sola ipsi experientia deerat, neque in electione aliorum fuit subjectorum concursus; utraque autem ista deficiebant,

quia erat primus homo & unicus. Si igitur electio tua, Domine, tam justa omnibusque numeris fuit absoluta, & ut talis esset, tuam esse sufficebat; quare tibi luendum est furtum, quod ille patravit, cum solus ille esset culpabilis, & tota ipsius culpa? quia exemplum & documentum hoc Regibus præbere volo & Principibus: & quia non convenit ut in mundo tam mala & perniciose perseveret consequentia, sicut foret, Regibus & Principibus sibi casu aliquo persuadentibus, non se ad resarciendum & restituendum, quod Ministri sui rapuissent, esse obligatos.

## §. VII.

**A** St video hoc ipso Dei exemplo Reges excusare se posse, & excusari. Si etenim tam malè res Deo successit cum Adamo, qualis hic futurus esset, jam præcognoscenti; quid mirum, idem evenire Regibus cum hominibus, quos eligunt pro officiis, cum nec sciant nec scire possint, quid postmodum facturi sint? excusatio apparens est plausibilis, sed tam falsa, quàm malè fundata. Deus non eligit homines ex eo, quod ipsos scit esse futuros, sed quod in præsentem sunt. Probè sciebat Christus Judam furem futurum: ast quando

Gen. I.  
v. 26.

do ipsum elegit pro officio, quo functus fuit, non solum fur non erat, sed dignissimus cui pauperum eleemosynas custodiendi & dispensandi cura committeretur. Eligant ita Reges personas, officiiisque hoc modo provideant; & Deus hac parte à restituendi onere eos liberabit. Usitatæ verò & ordinariæ electiones & promotiones non ita fiunt. Nôsse desiderant Reges, utrum fures sint an non, quos ad officia promovent? regulam observent Christi: *Qui*

*Ioan. 10*  
*v. 1.* *non intrat per ostium, fur est & latro.* Ostium per quod intratur ad officium, solum est meritum. Omnem verò per ostium non intrantem, non furem tantum, sed & latronem esse inquit Christus: *fur est, & latro.* Et quare dupliciter fur est? semel, quia non intrat per ostium: & iterum, quia mediante officio furabitur. Intrans per ostium fieri potest fur: sed non intrantes per ostium, jam sunt fures. Aliqui intrant per consanguinitatem, alii per familiaritatem, alii per auctoritatem, illi per subornationem, omnes denique per negotiationem. Et qui negotiatur, aliâ probatione non indiget: jam scitur, ipsum damnatum non passurum. Modò fur erit occultus, sed postea notorius; hæc quippe, teste S. Hieronymo,

*de fure ad latronem est differentia.*

Res verè admiranda est, nonnullos sic videre introductos, per ostium non ingressos, nec ingredientes, nec per illud ingredi valentes. Quod si intrant per fenestras, illorum ad instar furum, quorum meminit Propheta Joël: *per*

*Joel. 2.*  
*v. 9.* *fenestras intrabunt, quasi fur:* magna sanè infelicitas est, cum fenestræ factæ sint, ut lux per eas & aer intret, per easdem tenebræ & inconvenientia ingrediantur. Si intrant suffodiendo Patris familias domum, velut fur ille in parabola Christi: *si sciret pater familias, quâ horâ fur veniret, non sine-*

*Luc. 12*  
*v. 19.* *ret perfodi domum suam.* Magis adhuc foret infaustum, si pater familias domus, tam gravi somno seu lethargo dormiret oppressus, ut parietum perfossione non excitaretur. Sed quod omnem excedit admirationem, est, quod detur, qui ostium inveniens oblectatum, deorsum per tectum intrare conetur, & succedat; & quod plus est, sine pedibus, sine manibus, nedum alis. Dominus vice quadam, in domo quadam miraculosè sanabat infirmos, tantusque hominum erat confluxus, ut portantes quidam paralyticum, cum præ turba per ostium inferre nequirent, conscenso tecto, deorsum illum immiserint. Majorem adhuc

*S. Hieron.*

*Joel. 2.*  
*v. 9.*

*Luc. 12*  
*v. 19.*

adhuc admirationem exigit consideratio subjecti, quàm modus, locusque immisionis. Hominem deorsum per regulas intrantem, quis non è cælo putaret delapsum? *certius è cælo cecidit Cato.* Et talis erat ille paralyticus, pedum, manuum, sensumque usu & officio destitutus: sed habuit unde quatuor solveret hominibus, qui humeris suis exceptum illum evexerunt in altum. Et quoniam humeris suis talia subvehentes subjecta, bene remunerantur, quid mirum, quod dicant & informent (quamvis tam sint incapacia) quod ultra tecta meritis abundant? & quoniam facta allegare nequeunt, eò quod manuum usu careant, virtutes qualitatesque narrant. Dextero suo agendi modo omnes sibi lucratu- ros asserunt: & quomodo non lucrarentur, quos jam sibi comparârunt? obligationi suæ eos satisfacturos dicunt, omnesque ipsis pecuniam debere: & quidni deberent eam si jam ante acceperunt? prætereo illos qui ad altiora ascendunt loca per cincinnos; & non viribus Sampsonis, sed Dalilæ favoribus subvæti. Nihil de eis loquor, qui cognitâ voce Jacob, benedictionem surripiunt Esau: & non manibus superinductis, sed datis & promissis. Missos hic facio illos, qui magis quàm Nahaman Syrus leprâ infe-

*Pars III.*

cti; mundati sunt à leprâ non Jordanis undis, sed ex flumine argenteo haustis. Nunquid istud, & quod amplius dici posset, est intrare per ostium? clarum est quod non. Si igitur nihil horum fit: *sicut fur in 1. Tessal. nocte*: nisi splendente sole, & meridiana luce: quâ ratione excusari potest, qui saltem promotiones illis confert & confirmat, quos non noverat istos fures, quibus hiis mediis fuit provisum? denique vel noverat illos, vel non noverat: si non noverat, quomodo illos promovit ignotos? & si illos noverat, quomodo promovit notos? sed ad promotos cum expressâ qualitatum suarum notitia procedamus.

### §. VIII.

**D**ominus N. (inquit pietas bene intendens) pauper & indigus est nobilis, conferatur illi Gubernaculum tale. Et quot impietates vel animadversæ, vel latentes in pietate hâc continentur! si est pauper, detur illi eleemosyna titulo redditûs decorata, & habeat, unde vivat. Sed quia pauper, idè ei committatur præfectura? ut subditos sibi depauperet? ipse pauperes faciat multos, ut solus dives evadat? hoc intendit, qui hoc solum motivo talem eligit. Progrediamur ulterius, ad promotos præmii, &

Kk

etiam

etiam pœnæ intuitu. Certus quidam Dux belli veteranus multis servivit annis: traditur illi fortalitium quoddam in locis acquisitis. Verum si ille, qui tot servivit annis, sit talis, ut potissima ipsius ex bello reportata spolia, propriorum suorum militum nuditate & fame extinctorum portiones fuerint & stipendia; quid talis in Sofa-la & Mascate faciet? Talis N.N. Graduatius in legibus, applaudentibus cunctis prælegit in palatio: in duabus vero judicaturis & revisione quadam in reddenda ratione non substitit: degradatus ergò pergit in Indiam cum collari. Porro si in Provincia de Beyra, & ultra Tagum ubi adamantes non dantur, nec carbunculi, nihilo tamen minùs manibus talis inhærent Doctoris, quid erit Judicatura Goæ? Rex Lusitaniæ tertius S. Francisco Xaverio mandavit, ut se de Indiæ statu per socium suum Principis Magistrum informaret: quod verò Sanctus inde scripsit, personis officiisque suppressis, fuit, quod verbum, *Rapio*, in India per omnes conjugaretur modos. Phrasim quidem jocosa videtur in negotio tam serio: servus verò Dei locutus est, uti loquitur Deus unico verbo dicens omnia. Nicolaus de

Dan. 3. Lyra in hæc verba Danielis: *Nachodonosor Rex misit ad congre-*  
v. 2.

*gandos Satrapas, Magistratus, & Iudices*: Satraparum, qui Gubernatores erant Provinciarum etymologiam declarando, nomen istud, ex *Sat* & *Rapio* compositum inquit: *Dicuntur Satrapa quasi satis rapientes, quia solent bona inferiorum rapere.* Et istud *Satis* est, quod melius specificavit S. Franciscus Xaverius, dicens quod in India verbum, *Rapio*, per omnes conjugarent modos. Cui ego ex experientia addere possum, quod non solum à promontorio Bonæ Spei usque illuc, verum etiam inde usque huc conjugatio illa æqualiter vigeat. Per omnes modos verbum, *Rapio* conjugant; furantur quippe omnibus artis modis, non loquendo de modis aliis novis & exquisitis, quos Donatus, & Despauterius ignoravit. Mox ut illuc pervenerint per modum indicativum furari incipiunt: pro prima enim informatione à practicis viam sibi monstrari petunt, & modos suggeri, quibus omnia apprehendere possint. Per modum furantur imperativum; quia enim mero mixtoq; gaudent imperio, totum illud exequendis applicant rapinis. Per modum furantur mandativum; tantum enim accipiunt, quantum omnibus afferre seu mittere mandant: non mittentes offensam incurrunt. Per modum furantur optati-

Nicol.  
Lyran.  
ibid.

rativum; quia, quantum è re sua futurum videtur, desiderant; & desiderata Dominis suis bona per aulicismum sibi appropriant. Per modum furantur conjunctivum; modicum enim capitale suum, maximo cujusdam in grossioribus negotiantis conjungunt, & gratiam suam adjungere sufficit, ut lucri saltem dimidium acquirant. Per modum furantur potentia; absolute enim sine obtentu alio & ceremonia abutuntur potentia. Modo furantur permissivo; alios enim furari permittunt, & ipsi permissiones dirigunt. Per modum furantur infinitivum; furtum enim cum regimine non finitur, semperque radices relinquunt, quibus furta continuentur. Hos itidem modos conjugant per personas; prima enim persona verbi, est eorum propria; secundæ personæ sunt famuli, personæ tertiæ sunt, quotquot industriâ & scientiâ ad hoc præpollent. Similiter etiam per omnia furantur tempora; nam de præsentis (quod proprium ipsorum est) colligunt, quantum ex se triennium importat: & ut præsentis præteritum & futurum includant; ex præterito eruunt culpas, quibus vendunt venias, & neglecta debita, quibus sibi integrè solvunt: & de futuro impendunt redditus, anticipantque contractus, atque ita

quicquid jam solutum aut non solutum est in manus ipsis incidit. Denique otiosè sibi elabi non sinunt imperfecta, perfecta, & plusquam perfecta, & qualiacunque tempora alia: quia furantur, furabantur, furati sunt, & plus furati fuerant, & plus furarentur, si quid superesset. In summa totius hujus malignæ conjugationis resumptum devenit ad ejusdem verbi supinum: furari ad furandum. Et quando illi hoc totam conjugârunt vocem activam, & infelices Provinciæ experimentaliter sustinuerunt vocem passivam; illi tanquam magnum quid præstitissent serviendo, spoliis onusti & divites revertuntur: & hæ emunctæ remanent & exhaustæ.

Certum est Regum, hoc non respondere intentioni & placito, siquidem in omnibus subjectis sibi Gubernaculis contrarium mandant; sed quoniam litteræ patentes adeo peritis conjugationum harum committuntur Grammaticis, quinam, quæso, alij ex regimine eorum sperari possunt effectus? litterarum harum patetium quælibet vi suæ significationis, est licentia publica & generalis in scriptis, seu salvus conductus ad furandum. In Hollandia,

ubi tot adornantur piraticæ, & armantur piratæ, Oræ Africæ, Asiæ, & Americæ limitato distribuuntur tempore, nec quisquam sine licentia publica, illorum lingua, chartâ signatâ, ad exercendam piraticam excurrere audeat. Idem promotiones & provisiones valent talibus indultæ, & collatæ, qui digni potius erant notâ quàm chartâ signatâ. In mari acquisitionum locorum incolæ, extraneorum patiuntur invasiones piratarum, quod non nisi casuale est: in terra, eandem sustinent nationales & conterranei, certam & infallibilem. Et si quis dubitet, utra sit major, utriusque differentiam attendat. Pirata maris illos suæ reipublicæ non spoliatur, prædones illi terrestres ejusdem Regis spoliatur subditos, in cujus manibus præstiterunt homagium: contra piratam oceani possum me defendere, hisce terrestribus non possum resistere: piratas marinos fugiendo possum evadere, ab hisce terrestribus non possum me abscondere: piratæ illi dependent à ventis, hi semper vento secundo velificant. Denique piratæ ultra vires nihil inferre valent; hi terrestres possunt quod volunt: & hinc nulla illis præda elabatur. Quod si fur quispiam foret omnipotens, quid cupiditas omnipotentis copulata vobis at-

tentatura videretur? istud igitur prædones hi efficiunt.

### §. IX.

**C**ontrarium operantium singulari justitiæ integritate propriæque commodi labe non infectorum exempla quædam, licet rarissima, suppetunt. Ast ego nunc scire avertam, quotnam sint exempla eorum, non, qui condignâ tam insignibus furibus sententiâ sint plexi; sed qui similia ob furta, suis sint officiis & præfecturis privati. Porro si hi suis furantur in officiis, alijque ipsos tolerando aut protegendo in officiis consentiunt, quonam pacto non deducunt secum ad infernum consentientes? meus S. Thomas allegando S. Pauli textum id affirmat: *Digni sunt morte, non solum qui faciunt, sed etiam qui consentiunt facientibus.* Et quoniam textus hujus rigor non de qualicunque intelligitur consentiente, sed de iis, qui pro ratione statûs & officij impedire tenentur; hinc eandem mox limitationem facit S. Doctor, exemplum ponendo in Principibus: *Sed solum quando incumbit alicui ex officio, sicut Principibus terra.* Reverà non capio, quomodo Principes tanti momenti materiam non considerent; vel eosdem ad considerandum id non urgeant, qui seu in foro exteriore seu

Rom. 1.  
v. 32.

D. Tho.

seu interiore animæ ( Consiliarij scilicet, aut Confessarij) suam de-  
super exonerare tenentur consci-  
entiam. Attendant hi & alij, quo-  
modo omnes docuerit Christus,  
quod nimirum fur furatus ex offi-  
cio, nec momenti quidem spatio  
in eo tolerandus sit.

*Homo quidam erat dives*, ait di-  
vinus Magister, *qui habebat villi-  
cum*, cui, sub nomine œconomi,  
seu dispensatoris, omnium bono-  
rum suorum administrationem &  
curam commiserat ( tale nomen  
textus habet Originale Græcum,  
quod respondet villico, in vulga-  
ta ) diffamatus itaque dictus Ad-  
ministrato, quod ex credita sibi  
dispensatione non licito modo suis  
lucris & commodis studeret: mox  
hac super re certior factus Domi-  
nus ad se vocato præcepit, rationes  
redderet, in credito officio non  
amplius tolerandus. Immo verò  
rigidius quid resolvit, non enim di-  
xit, tolerandum non esse, sed tole-  
rari non posse in officio: *Iam enim*

*Ln. 16. non poteris villicare.* Hæc Para-  
*v. 1. & 2.* bola nec verbum non gravidum  
documentis proposito nostro con-  
gruentissimis continet. Primò Do-  
minum istum divitem fuisse asserit:  
*Homo quidam erat dives.* Non  
enim erit homo, qui non resolve-  
rit, neque dives quantiscunque  
affluens opibus, qui non omni mo-

do caverit, ne bonorum suorum  
administrationem furi committat.  
Adjungit, ad hunc furem ab officio  
amovendum, solam suffecisse fa-  
mam, nullâ aliâ ad hoc inquisitio-  
ne factâ: *Et hic diffamatus est apud  
illum.* Si enim similibus in casi-  
bus, pro informationibus capien-  
dis mittendum esset in Indiam seu  
Brasiliam, priusquam illæ adveni-  
ant, & ibi adhibeatur, Brasilia &  
India peribit. Verùm Authores  
& delatores famæ istius ignorantur:  
talibus enim Dominus inviolabili-  
ter servare tenetur secretum, sub  
pœna, ut nullus illum observare  
aut notare ausit, quin justam in-  
currat indignationem & offensam  
potentium: ulterius dicit, quod  
diffamatum coram se vocari jusse-  
rit: *Et vocavit eum*: si enim in si-  
milibus examen veritatisque inve-  
stigatio committitur aliis & non  
personaliter id exequitur Dominus  
furti parte furi assignatâ innocen-  
tem illum probat. Denique ipsi  
intimat, quod deinceps officio  
illo nullatenus fungi debeat, aut  
possit: *Iam enim non poteris villi-  
care.* Neque enim notorius fur-  
in officio, in quo furta commi-  
sit, perseverare & tolerari debet:  
neque Dominus, quamvis veller,  
in illud consentire, vel in officio  
conservare posset, nisi damnatio-  
nem incurrere velit.

Quæ omnia , quamvis ita se habeant , nihilo tamen minus adhuc habeo quod in favorem furis coram Domino ipsius , & parabolæ autore Domino Christo obmoveam. Probare conabor , neque ob furzi quantitatem , neque ob personæ qualitatem justam videri perpetuam officii privationem. Iste homo, Domine, quamvis delictum hoc commiserit, subjectum est insigne, industrix singularis, iudicii magni, & prudentiæ non vulgaris, tui ipsius oris confessione; & quod plus est, ipse eum laudasti: *laudavit Dominus villicum iniquitatis, quia prudenter fecisset.* Si igitur tantæ homo est capacitatis & excellentiæ, ut ad serviendum tibi ipsum reassumeres, quare tuo ipsum servitio in perpetuum privabis, *iam enim non poteris villicare?* ab officio ipsum ad aliquot menses, more aliàs usitato, suspende, postmodum restitutus, ne illum perdas, & ipse pereat. Non: inquit Dominus. Cum semel fur sit deprehensus, non tantum suspensus erit ab officio *ad tempus*, sed perpetuò privatus, omni prorsus ad illud regrediendi spe præcisâ: *jam enim non poteris.* Restitutionum harum usus seu abusus, quamvis speciem præ se ferre videatur pietatis, manifesta est iniustitia. Ita

ut loco ejus quod restitueret jam ante furto ablata, restitui videretur ad officium, ut plus furaretur. Non sunt istæ restitutiones, quæ remissionem merentur peccati, sed quibus & restituti, & restituentes incurrunt damnationem. Pereat homo unus jam perditus, & non pereant multi, qui perdi possunt, & similium exemplorum fiducia perduntur.

Supposito hoc primum oppositi mei membrum irritum corruisse, ad aliud transeamus. Hominis hujus furta tam videntur fuisse minuta, & quantitas adeò limitata, ut nec ipse textus ea absolute furta, sed quasi furta nominare auserit: *Quasi dissipasset ibid. bona ipsius.* Ergone Domine, eodem in mundo & tempore, quod tot in officiis suis tolerantur fures, & quod plus est, illi qui plus sunt quàm fures, præmiantur, æquum est officio suo privari, semperque privatum manere, eò tantum delinquendo progressum, ut non nisi, quasi fur habeatur? ita planè, respondet iterum Christus, pro temporum eorundem correctione, & ut cognoscat ipse, idemque mundus quàm erroneè procedat. Quemadmodum in materiis præcepti sexti Theologicè non dantur minimas ita politicè tolerari non debent in materiis

Luc. 16  
v. 8.

v. 1.



materiis præcepti septimi; qui etenim furando se infamavit in modico, multò magis hoc faciet in magno. Quod utrum sic se habeat, in hoc ipso, Quasi fure, id advertite. Mox ut delatum se, & de officio periclitari cognovit, novo ad invento dolo ex eodem sibi providit officio, plus jam furaturus, quàm ante fuerat furatus. Convocatis actutum Domini sui debitoribus, laceratis debitorum singraphis novas conficit falsas, alii debitorum dimidium, alii quintam imminuit partem: & hoc modo furando tempori dies, scripturis veritatem, & Domino pecuniam, ille qui antea solùm fuerat Quasi fur, postea factus est plus quàm fur. Hic energiam intellexi, quâ sponsa dixit in Canticis: *Tulerunt pallium meum mihi.* Pallium quippe auferri alicui potest, absque eo quod immediatè ipsi auferatur, sed dum ab alio tollitur. Talis furis hujus fuit calliditas, qui pecuniam suo abstulit Domino, non eam ipsi personaliter surripiendo, sed à debentibus illam accipiendo. Proinde qui antea fur fuerat unus, postea fures fecerit plures, non contentus se solùm esse furem, nisi etiam sui similes faceret alios. Sed pergat ille ad infernum cum suis sociis: Principes verò Herum hunc, & Dominum imitentur,

qui tam promptè illum privando officio, à tam funesto se præservavit itinere.

## §. X.

**H**Æc doctrina universalis cùm sit Christi, nullus Christianorum ratione præditus illam non venerabitur. Non deerit nihilominus politicorum quispiam ad eò speculativus, qui ad certum subsectorum genus illam restringere attentet, suas in textu eodem exceptiones fundans. Subjectum in quo hæc facta fuit executio, textus villicum vocat; in vilibus ergo seu abjectioris conditionis personis rigores hi locum inveniant, & non in aliis longè differentis conditionis, quibuscum propter qualitates eorum, aliarumve dependentiarum respectu Reges dissimulare fas est. Prò quàm repletus est infernus illis, qui adulandi magnatibus & supremis ergò, non considerant, quod hujuscemodi interpretamentis illos in damnationem præcipitent! sed ne credant adulantibus, fidem habeant Deo & auscultent. Deus Josue revelavit in Jerichuntinis spoliis furtum fuisse commissum, postquam infelici militaris expeditionis successu illud prodiderat, futuramque

Cant. 5  
v. 7

remque detectum & convictum comburi iussit. Diligenti investigatione factâ deprehensum est, quempiam nomine Achan pallium coccineum, regulam auream, & ducentos argenti siclos, quæ simul sumpta centum dalerorum valorem non adæquabant, fuisse furatum. Qualis verò fuit iste Achan? an fortè homo vilis vel gregarius aliquis miles & ignotus? non erat inferior conditione, quàm ex regio sanguine Juda, & per lineam masculinam in quarto gradu ejusdem nepos. Persona igitur tam sanguine nobilis (nemo enim in omni Israël illustris erat, nisi affinitate Josue junctus) furis ad instar igne comburetur? & ex furto, quod hodie dum non nisi pro veniali imputaretur, domui tam illustri perpetua infamiae nota inuretur? dicitis forsan dissimulandum fuisse: contrarium verò Deus tanquam melius rei indignitatem penetrans judicavit. In materia furti locum non habet personarum exceptio; & qui ad abjecta adeo sese demisit, omnium furorum beneficia perdidit. Lex efficaciter executioni fuit mandata, Achan vivicomburio cum suis punitus, populus exemplo mansit instructus, & ipse suâ poenâ & punitione felix: Graviorum etenim authorum opinione & asserto, De-

us ignem illum temporalem ipsi cumulavit, pro eo quem æternum debuisset luere in inferno: quæ est felicitas, quâ fures privant, qui cum illis dissimulant.

Porro quantum ad dissimulationem, quam cum magnæ auctoritatis personis, & à quibus quandoque boni publici conservatio dependet, quique ipsius Ministerio necessariæ sint, Regibus decoram & convenientem asserunt, cum distinctione respondeo. Quando delictum est morte dignum, dissimulatâ poenâ, vita personis talibus concedi potest; at quando casus est de furto, nullatenus dissimulanda est occasio, sed statim statim privandi veniunt officio. Ambæ istæ circumstantiæ in Adami crimine concurrerunt. Deus legem ipsi posuerat ne de certo fructu comederet, adjunctâ poenâ mortis eodem die incurrendæ: *in quocunque die comederis morte morieris*. Violato præcepto, Adam furatus est fructum, ipsoque facto poenam mortis incurrit. Quid verò hoc casu fecit Deus? Paradiso illum mox exclusit, multisque annis vivere concessit. Si igitur Deus propter furtum commissum Paradiso expulit, quare non etiam sententiam mortis executus est, quam incurrerat? quia ex vita Adami dependebat conserva-

Gen. 2.  
v. 17.

tio

§. XI.

tio & propagatio generis humani;  
& quando personæ tanti sunt mo-  
menti, adeoque bono publico ne-  
cessariæ par est etiam mortem me-  
ritis, indulgere vitam. Verùm si  
simul fures existant, nec in officio  
nec in loco relinquendi sunt, ne  
tales esse perseverent. Ita Deus hoc  
fecit, & fieri iussit. Posuit Deus ad  
paradisi ingressum Cherubinum  
gladio igneo armatum, ad arcen-  
dum Adamum à regressu. Et qua-  
re? ne sicut furatus fuerat de arbore  
scientiæ, etiam furaretur de arbo-  
re vitæ: *Ne fortè mittat manum*

*Gen. 3. v. 22. suam, & sumat etiam de ligno vitæ.*

*Qui* semel fuit malus, eum etiam  
alias & semper malum futurum  
jura præsumunt. Exeat igitur A-  
dam è loco ubi furatus est, nec il-  
luc revertatur ne occasionem de-  
nuò alia patrandi furta habeat,  
prout primum commisit. Et nota-  
te Adamum paradiso jam exclu-  
sum nongentis triginta postmo-  
dum vixisse annis. Ergone homi-  
ni illi pœnitenti & punito cente-  
nis, ducentis, trecentis annis loco  
privatum fuisse non sufficiet? Nul-  
la ratione. Quamvis nongentis,  
immò novem millibus victurus sit  
annis, postquam semel fur fuit de-  
prehensus, nunquam est restituen-  
dus, aut in locum eundem regredi  
permittendus.

*Part. III.*

**S**ic Deus primo mundi fecit ho-  
mini, idemque Vicariis Dei ex-  
equendum est cum omnibus. Ve-  
rùm, quid, quæso foret, si non so-  
lùm fures in officiis & locis, in qui-  
bus sunt furati, conservari, verùm  
ad majora etiam promoveri vide-  
remus? Hic me Scripturæ defici-  
unt: liquidem exemplum mihi non  
suppeditant. De Regibus, qui ad  
pugnandum contra hostes illos  
mitterent, quidem legitur, de Re-  
gibus verò, qui ad gubernandum  
& regendum subditos suos illos de-  
stinarent nil tale legitur. Assueri,  
Nabuchodonosores, Cyri, qui ar-  
mis sua dilatabant imperia, hoc  
modo suos remunerabant Duces  
majoribus honorando officiis, qui  
in expugnandis demoliendisq; ci-  
vitatibus, nec non accumulandis  
spoliis magis se heroicos ostende-  
rent, & hinc Nabuzardanes & Ho-  
lofernes, aliaque mundi flagella e-  
merferunt. Reges verò, qui subdi-  
tos velut suos tractant aut tractari  
cupiunt, & status, licet longè di-  
stantes, tanquam bona propria &  
non aliena administrari deside-  
rant, quam idoneis subjectis eorū  
curam administrationemq; com-  
mendent Evangelium nobis indicet.

Rex quidam, inquit Christus, in  
regionem longinquam, ad acqui-  
rendum

rendum sibi regnum aliud profecturus, bonorum suorum ac reddituum administrationem tribus servis commendavit. Horum primus tam industriè & feliciter creditam sibi summam fuit negotiatus, ut eam decuplum acquiescit: Rex quoque laudatam fidelitate ipsius & industriam, decem civitatum regimen ipsius po-

*Luc. 19* testati subdiderit: *Euge Serve bone,*  
*v. 17. quia in modico fuisti fidelis, eris potestatem habens super decem civitates.* Secundus similiter creditam sibi

quotam ad quintuplum usque auxit: eademque proportionem servatam Rex illum quinque civitatum gubernatorem constituit: *Et tu esto*

*Ibidem*  
*v. 19. super quinque Civitates.* Ita ut illi, quibus Rex auget officia & gubernacula, sint, qui Regis & non sua augent bona. Sed ad tertium servum progrediamur. Hic reversus creditam sibi pecuniam in sua natura sine decremento & incremento Regi redhibebat: & eodem mox instanti, sine ulteriore replicatione suam fuit administratione privatus:

*Ibidem*  
*v. 24. Aufferte ab illo Mnam.* O quam felicia nostra forent sæcula, si culpæ, ob quas hic servus officio suo fuit exutus, essent servitia & merita, ob quæ illi usque huc aucti sunt & promoti! porro si ille qui ne medium quidem Imperialis quadrantem sibi accepit, rebus aliis, in statu quo sibi traditæ fuerant, relictis, officio

privari meretur, qui illas adeo destructas, perditas, imminutas, confusasque relinquunt, ut ne speciem quidem primi sui status retineant, quid merentur? merentur expediri, promoveri, rebus majoribus administrandis præfici, ut etiam eas dissipent, & simul omnia intereant. Ego putabam, sicut Christus in Parabola duos introduxit servos qui Regis bona auxerunt, & unum qui minimè ea auxit; pari modo introducturum quoque fuisse alium, qui ea furaretur, & sic divisio mansisset integra. Divinus verò Magister huiusmodi servum non introduxit; loquebatur enim de Rege prudente & iusto: & qui tales sunt (quales ipsos, sub pœna regni amittendi esse oportet) nec in servitium admittunt, neque bona sua illorum fidei committunt, qui ea furaturi essent: quod alicui, qui aucturus non sit, quandoque ea credant contingere potest, sed non nisi uni soli: sed qui vel sua, vel suorum bona (quæ à suis discernere non debet) furetur, tali ea tradi, nec iustus nec Rex esse potest, qui consentiat. Enim verò quid futurum putamus, si unam jam civitate spoliata, ad quinque civitatum gubernaculum promoveretur: & his similiter spoliatis, decem civitatibus præficerentur.

Quid

Is. I.  
v. 23.

Quid ultra Principi Christiano faciendum, si foret instar illorum Principum infidelium, de quibus dicit Isaias: *Principes tui infideles, socii furum?* id est, Principes Jerusalem non sunt fideles, sed infideles, quia sunt socii furum. Novit igitur Propheta esse Principes fideles & Christianos multò istis inferiores & infeliciores; quia Princeps furibus sese associans: *Socii furum*, etiam portionem suam in furto habere deberet: at isti, tam longè ab hac participatione absunt, ut primi & maxime omnium spoliati existant. Quo pacto igitur Principes sic spoliati sunt aut esse possunt socii furum; *Principes tui socii furum?* num fortassis, quia quandoque comitantes & stipantes Principem sunt fures? siquidem ita esset, nihil foret novi. Olim stipantes latus Principum Laterones vocabantur: postea verò corrupto vocabulo isto, latrones & fures sunt vocati. Et quid esset, si quemadmodum vocabulum est corruptum, etiam corrumpere illius significatum? Ego verò tale quid nec dico, nec opinor. Hoc tantum dico, & scio, eò quod Theologia certa doceat, in omni scilicet mundi parte verificari illud Isaiæ de principibus Jerusalem effatum: *Principes tui socii furum*. Quare? sunt socii furum,

quia cum illis dissimulant: sunt socii furum, quoniam officia, dignitates, potestates illis conferunt: sunt socii furum, quia quandoque ipsos defendunt: sunt denique socii furum, quia illos comitantur etiam comitaturi ad infernum, quo ipsi fures eos secum deducunt.

Divinam contra tales comminatoriam auscultate sententiam: *Si videbas furem, currebas cum* Ps. 49. eo. Textus Hebraicus ait: *concur- v. 18. rebas*: & utrumq; verum est. Dantur enim Principes cum furibus currentes, & cum iisdem concurrentes. Cum illis currunt, quia ad suam illos familiaritatem gratiamque admittunt: cum illis concurrunt, auctoritatem & potestatem illis conferendo ad furta ipsorum concurrunt. Et maxime culpā hanc aggravans circumstantia consistit in: *Si videbas*. Quod si fures isti forent occulti: & currens seu concurrens cum illis eos quā tales, non cognosceret, aliquam excusationem mereretur: sed cum isti fures notorii sint & publici, cum apertā fronte furentur, cum omnes illos furari cernunt, & ille ipse iis consentiens, eosdem sustulciens & sustinens hoc videt: *Si videbas furem*: quam, quæso, coram Deo, totoque mundo excusationem obtendere valebit? *Existimasti inique, quod ero tui similis*

*similis*: id est, tu ô injuste, inquit Deus, me tibi similem fore arbitraris, & quemadmodum tu cum furibus istis dissimulas, sic me quoque tecum dissimulaturum opinaris? *Ibidem* deciperis: *Arguam te, & statuam contra faciem tuam.* Ex ipsis latrociniiis & furtis quæ oculis intueris, & in quæ consentis, speculum tibi conficiam, in quo te contempleris: & si in omnibus istis non minùs te reum quàm omnes istos fures, quia non impedis, imò ipsis furibus nocentior videris; tunc cognosces, quod tanto te justius ad infernum condemnem. Quod ita Paraphrasis Chaldaica textûs ejusdem ultimâ & tremendâ sententiâ declarat:

*Parap. Chald.* *Arguam te in hoc saculo, & ordinarò judicium Gehenna in futuro coram te*: in hoc mundo tuam arguam conscientiam, sicut illa te nunc arguit: & in altero mundo animam tuam condemnabo ad infernum, prout in judicij die experieris.

## §. XII.

**M**Agnum excitabit dolorem & commiserationem Auditores, in illa die videre, quomodo fures secum multos ad infernum deducunt Reges: verùm ut versâ aleâ fors ista in utrisque in melius immutetur, agite, nunc videamus, quomodo Reges, dummodò voluerint, secum in Paradisum valeant

deducere fures. Videbitur fors cuipiam, ob ea quæ dixi, magni hoc esse moliminis & quid difficile, neque sine magnis possibile expensis: ast ego vobis affirmo, paucisque demonstrabo esse id ipsum quid ad præstandum, Regibus expeditissimum, & cum nullo prorsus dispendio, sed maximo bonorum eorundem incremento conjunctum. Et quo medio? unico verbo, sed Regio & Rege digno. Mandando, ut fures non restituere soliti, effectivè seu practicè restituant, quicquid furati fuerant: quod ita exequendo, salvabuntur fures: salvabuntur & Reges. Salvabuntur fures, quia restituerunt quod furati sunt: salvabuntur & Reges; quia restituentibus sic furibus, ad restituendum ipsi non obligabuntur. Num quid justitiæ conformius, utile magis, omnibusque necessarium dari potest? solus fide, conscientiâ judicioque carens id negare audebit.

Verùm enim verò, ne & ipsi fures hac viâ industriarum suarum aut fraudum se fructum perdituros sentiant: considerent, quod, quamvis malum furem & latronem malitiâ adæquarent, non tantum executionem istam subire & amplecti, sed ab ipsis eam Regibus postulare deberent. Bonus latro petiit à Christo velut Rege, ut sui meminisse dignaretur in suo Regno: *Domine*

Luc. 23. *mine, memento mei, cum veneris in*  
 v. 42 *regnum tuum* : Latro verò malus  
 ibidem *quid petiit? Si tu es Christus, salvum*  
 v. 39. *fac te ipsum, & nos.* Id est, si tu  
 es Rex & Messias promissus, prout  
 socius meus credit, salva te ipsum  
 & nos. Istud latro malus petiit à  
 Christo, idemque furibus & latro-  
 nibus à suis petendum est Regibus,  
 licet malo sint latroni nequitia pa-  
 res. Nec tua, Domine, majestas sal-  
 vare se potest, neque nos sine resti-  
 tutione salvari possumus: nobis re-  
 stituendi animus & intentio deest,  
 sicut nemo nec in vita, nec in mor-  
 te restituit: restitutionem igitur  
 majestas tua mander, & hoc modo  
 & medio, quamvis violento nobis,  
 & se & nos majestas tua salvabit.  
*Salvum fac te ipsum & nos.* Nul-  
 lum conscientia alicujus Christiani-  
 num, id non approbaturum credo.  
 Ne verò in generalibus id terminis  
 relictum in aërem abeat, ad praxin  
 descendendo, quam id methodo  
 faciendum sit videamus. Faxit De-  
 us ut ita fiat.

Quæ furari solent istis in officiis  
 & gubernaculis fures, de quibus  
 loquimur, vel sunt bona regia, vel  
 particularium: utraque jam furto  
 ablata restituere tenentur tam Re-  
 ges, quam ipsi fures: vel quia dissi-  
 mulando in ipsa consensere furta,  
 quando patrata sunt, vel solum  
 (quod etiam ad inducendum resti-

tuendi onus sufficit) quando jam  
 facta esse sciunt. Et hic notanda  
 venit differentia notabilis, (quæ  
 non consideratur) inter bona Re-  
 gum, & bona particularium. Parti-  
 culares suis sibi bonis furto ablati  
 restituere non solum non tenen-  
 tur, sed magnum sibi ex hoc meri-  
 tum acquirere possunt, si patienter  
 ferant; & furi ablata donare pos-  
 sunt. Reges in hoc puncto longè  
 peioris conditionis sunt, quamvis  
 spoliati, ad priorum bonorum  
 furto ablatorum restitutionem ur-  
 gendam obligantur, nec eam rap-  
 toribus remittere possunt. Ratio  
 differentia est, quia bona cujus-  
 dam particularis seu privati sunt  
 propria ipsius: illa verò Regis non  
 sunt ipsius sed Reipublicæ. Et  
 quemadmodum Depositarius, &  
 tutor credita sibi alienare prohi-  
 betur, ad restitutionem obliga-  
 tus; ad idem Rex tanquam tutor,  
 bonorum, & ærarii reipublicæ de-  
 positarius tenetur, qui si ordinari-  
 os redditus alienari aut interverti  
 & perire sineret, novis eam tribu-  
 tis gravare cogeretur.

Modum, quo regia bona expedi-  
 tissimè restitui possint, quidam Re-  
 ges docuit Monachus, qui quâ arte  
 furari, eadem restituere novit.  
 Crantzius, Majolus & alii casum re-  
 ferunt. Monachus vocabatur Fra-  
 ter Theodoricus, & quia magnæ

erat prudentiæ, industriæq; vir singularis, Carolus Imperator quartus, quædam magni momenti negotia ipsi commisit, quibus exequendis in tantum suum saginavit marsupium, ut modico temporis spatio divitiis Magnates æquaret. Quo cognito Imperator ad se vocatum rationes subducere iussit. Quid hic pauper & dives Monachus faceret? respondet intrepidè, se eodem mox momento ad computum reddendum esse paratum, inquires. Ego, Imperator, Majestatis tuæ subivi Ministerium hoc indutus habitu, cum duobus imperialibus in marsupio ex sacrificiorum meorum stipendio: Majestas tua meum mihi relinquat habitum cum duobus imperialibus, reliquam totam substantiam quam acquisivi, jubeat ad se recipi, quia sua est, & absolutus est computus. Tam expeditè Monachus iste restituit: & ipse sua observavit vota, & Imperator sua retinuit bona. Reges & Principes de servis malè provisè, si animas salvare, & bona recuperare cupitis, sine personarum exceptione, modum restituendi Fratris Theodorici introduce. Sciatur cum quanto quilibet intravit, reliquum revertatur unde venit, salventurque omnes.

## §. XIII.

**R**estitutio particularibus facienda non æquè videtur expedita & facilis, siquidem multis integrisque Provinciis bona sunt surrepta. Sed quemadmodum piscatores isti deauratis sunt virgis piscati, similiter virgis iisdem plectantur deauratis. Si trahunt multum, prout ordinariè trahunt, jam scitur contra Dei legem, vel contra leges regulasque Regis fuisse acquisitum, & hinc ex alterutro, seu utroquo capite injustè. Hoc modo ex India trahuntur quingenta cruciatorum millia, ex Angola ducenta millia, ex Brasilia trecenta, & ex paupere Insula Maragnana plus quàm illa valer. Et de his bonis quid faciendum? Rex pro sua, & corū qui furati sunt, animabus ea applicet, ut utrorumque salvæ fiant. De Gubernatoribus ad diversas provincias à Maximino Imperatore directis, pereleganti & aptissima similitudine dicebatur, quod spongiæ essent. Ad inventionis hujus non alius erat scopus, quàm ut hisce instrumentis inexplabilem cupiditatis suæ sitim faceret aut sedaret: Illi etenim ex provinciis fugebant quantumcunque poterant: & Imperator jam reversis, spongas istas exprimendo, quicquid furati fuerant Fisco regio consignabat, hoc modo ille dices-



ditescebat, & illi castigabantur. Unum Imperator agebat malè, alterum benè : optimum verò illi deerat. Homines destinando ad provincias qui spongiæ essent, operabatur malè: post reditum spongas exprimendo, & corrasa addicendo Fisco operabatur benè & justè: optimum verò velut iniquo & tyranno, qualis erat, ipsi deerat : totum enim ex spongiis expressum, non sibi usurpare, sed provinciis, unde sublatum fuerat, restituere oportebat. Illud Regibus salvari cupientibus facere incumbit, neque existimare se zelo justitiæq; obligationi satisfacere, si in aliquo fortassis castello capi incarcerationiq; mandent, qui civitatem, provinciam, seu rempublicam quampiam spoliavit. Quid enim prodest aliquot dies aut menses hanc umbraticâ tali injungi pœnitentiam, si hac transfactâ liberè furtis suis frui sinitur, damnumq; passis nihil restituitur?

Huic apparenti & umbratili justitiæ gravissima subest deceptio, quâ nec sic punitus & castigatus, nec castigans hoc modo aut puniens æternam damnationem evadit: porrò ut intelligatur, aut intelligentē sortiatur hæc deceptio, declaratione indiget. Usurpator alieni geminæ satisfactioni obnoxius teneretur; pœnæ legis, & restitutioni ablati. In pœna Rex tanquam legislator dispensare potest: in resti-

tutione verò minimè, est enim indispensabilis. Et tantum adhuc in contrarium agitur quando fit, vel justitiæ satisfieri putatur; ut pœna tantum vel aliqua pars pœnæ inferatur, de restitutione nec mentione nec curâ aliquâ habita. Cum S. Thoma absolvamus. Quæstionem movet S. Doctor: *Verum sufficiat restituere simplum, quod iniuste ablatum est?* Et postquam resolvit sufficere; quia restitutio est actus justitiæ, & justitia consistit in æqualitate; contra eam resolutionem argumentatur ex lege Exodi cap. 22. ubi Deus mandavit, ut qui bovem furatus fuisset unum, restitueret quinque: ergò simplum pro simplo restituere non sufficit, sed multò plus quàm ablatum est: vel si sufficit, prout resolutum est, quomodo lex illa intelligenda venit? intelligenda est, inquit Sanctus, ipsam bifariâ distinguendo legem, semel eam accipiendo quatenus est lex naturalis, & sic spectat ad restitutionem: secundo quatenus est positiva, & sic spectat ad pœnam. Lex naturalis ad servandam damni æqualitatem, simplum tantum pro simplo restitui mandat: Lex positiva ad puniendum crimen furti, in pœnam addit quadruplum simplo: hinc quinque reddi jubet pro uno. Nihilominus advertendum inquit Sanctus Doctor, inter restitu-

Exod.  
22.v.1

tionem & poenam magnam intercedere differentiam : ad solutionem enim poenæ criminofus non obligatur ante sententiam latam ; ad restitutionem verò furti , etiam non latâ sententiâ obligatus manet. Unde manifesta apparet modicæ istius poenæ injustitia, quæ rara est in usu. Capitur fur & custoditur in salvo. Sed quid hinc sequitur ? captus sic purgatus à crimine, optimè contentus agit : Rex fure se obligationi & justitiæ satisfecisse putat , & minus adhuc nihilo factum est : proinde ad integram uterque restitutionem furtorum obligati perseverant sub reatu damnationis æternæ. Reus, quia non restituit : & Rex quia illud fieri non mandat. Rex igitur viâ executivâ à furibus & raptoribus auferri faciat bona illicitè acquisita & per se restitutiones exequatur, quas illi nec faciunt , nec facturi sunt : & hoc medio ( aliud enim nec est, nec esse potest ) loco ejus quod fures deducant Reges ad infernum, uti faciunt : Reges deducant fures in Paradisum, sicut fecit Christus : *Hodie mecum eris in Paradiso.*

## §. XIV.

**A**bsolvi discursum meum, Auditores, videorque mihi demonstrasse quod promisi, cujusce me

non poenitet. Si cui videor dicere ausus, quod subtricare, majoris fuisset reverentiæ ; cum S. Hilario *S. Hil. lar.* respondeo : *quæ loqui non audent, silere non possumus.* q. d. Salvâ conscientia hoc taceri non potest, quamvis fiat cum repugnantia, dici tamen necesse est Auditor : coronatus erat ille cui Joannes Baptista dixit : *non licet tibi.* Similiterque coronatus, licet non auditor, cui Christus dici jussit : *dicite vulgi illi.* Idem cordatè ad eò fecit Jeremias à Deo prædicator destinatus *Regibus Juda & Principibus eius Jerem. v. 18.* quod idem si Isaias fuisset æmulatus, non postea poenitentia ductus ingemuisse : *vanum mihi, quia tacui :* medici Regum, tanta, immò majore libertate illis vitæ sanitatisque conservandæ necessaria præscribere debent ; quàm in nosocomiis sub suâ curâ constitutis : In particularibus & privatis homo curatur unus ; in Regibus, res publica tota.

Resumendo igitur quæ dixi, neque Regibus, neque furibus, neque ipsis etiam spoliatis ullam potest afferre molestiam doctrina quam prædicavi, communiter enim concernit omnes. Favorabilis est spoliatis ; recipient enim quod perdidierunt : utilis & salutaris est Regibus ; quia sine detrimento, immò cum bonorum suorum incre-

incremento suas exonerant animas. Ipforum denique furum vel maxime in ea res agitur, & quibus potissimum præjudicare videtur, maximum ex ea commodum reportant. Vel furati sunt animo & intentione restituendi, vel non: si sic; hoc est quod suadeo, & in tempore fieri opto. Sin verò, in statu & dispositione ad infernum deveniendi versantur; nullusque eorum adeò cæcutire potest, quin æstimare queat melius esse devenire in Paradisum. Hoc tantum ipsos deterrere potest, quod restituendo, spoliis se exuere & carere debeant; sed quemadmodum spoliati patientiam habuerunt necessariò: ita ipsi eandem exerceant cum merito. Si Eleemosynarij cælum sibi acquirant proprio, quare fures non acquiescant illud sibi comparare alieno? bona propria & aliena tempestate sæviente projiciuntur in mare. Et quis nando de naufragio salvatus, quamvis exutus, fortunæ suæ felicitatem depictam, gratias agendo non consecrat altaribus? omnia sua bona homo libenter conservandæ impendit vitæ, inquit Spiritus Sanctus: & quantò promptiore voluntate, bona omnia non sua ad vitam non temporalem, sed æternam cum expendere oportet! ad vivum comburium condemnatus nonne

*Pars III.*

felicem se æstimaret, si omnium bonorum suorum confiscatione pœnam hanc & supplicium tale redimere & evadere posset? quilibet se in agone mortis constitutum, ignemque infernalem oculis suis oppositum consideret, & videbit annon conducibile sit quod suadeo. Si manus vestræ, pedesque vestri damnationis vobis sint occasio, abscindite eos; si oculi vestri, eruite illos, inquit Christus: melius est enim claudum, debilem & cæcum intrare cælum, quàm cum multis sanis membris descendere in infernum. Istudne est verum, an non? credamus esse fidem; credamus esse infernum; confiteamur neminem sine restitutione salutem consequi posse. Ecce, ecce homines dum adhuc vivitis, quid perdati, & quare? In restitutione hac necessaria & præcepta, quam omnino non, aut ægrè admodum exequimini, quid, quæso, redditis, quid relinquitis? redditis quod ante non habebatis: & relinquitis quod vobiscum auferre non potestis, & hinc pessum itis. Nudus mundum ingressus sum, & nudus egrediar, inquit Job: & ita bonus malusque latro sunt egressi. Proinde si necessario sic est futurum, volentes nolentes, nudi & nudi, nonne melius est cum latrone bono intrare paradisum, quàm cum malo descendere in infernum?


*M m*

*Rex*

Rex Regum & Domine Dominorum & Dominantium, qui inter fures & latrones moriendo, primi furis latronisque furtum solvisti, & omnium primo latroni alteri paradisum promisti, ut & latrones & Reges salutem consequi fatagant: tuo instrue exemplo, tuâque Reges gratiâ illustra & excita, ut nec eligendo, nec dissimulando,

nec approbando, neque multiplicando & evehendo fures, hoc velut medio, furta futura impedian, jam præterita restitui mandent & curent, ut loco ejus, quod fures eos secum ducant, prout ducunt, ad infernum, ipsi potius fures secum, sicut tu fecisti hodie, deducant in cœlum: *Hodie mecum eris in Paradiso.*

Amen.



# S E R M O

De

# M A N D A T O

Dictus Ulyssippone in Hospitali Regio

Anno 1643.

*Sciens Jesus quia venit hora ejus, ut transeat ex hoc mundo ad Patrem, cum dilexisset suos, qui erant in mundo, in finem dilexit eos.* Joan. 13.



§. I.  
Uisquis hanc hodie domum fuerit ingressus (omnipotens & amabilissime Domine) quisquis hanc hodie domum fuerit ingressus, quæ est ultimum paupertatis

refugium, & universale infirmorum remedium: Quisquis, inquam, te in ea visitatum fuerit ingressus (prout totus hic pietatis Christianæ facit cœtus) rationabili sanè motivo dubitare potest, utrum velut prodigus huc veneris, an velut infirmus. Dedisti cœlum, dedisti terram, dedisti temetipsum

ipsum ; & qui tam prodigè ex - & dispendit , totum quod erat , & habebat ; mirum non est , quod in hospitali sese stiturus advenèrit. Ego mihi illud quasi persuaseram : verùm in judicio malorum , meliùs semper conjecit , qui pejora præsumpsit. Evangelista tuus , Domine , infirmitatem & non prodigalitatem ad hunc te locum deduxisse inquit ; infirmum te , & tam graviter te infirmum inquit , ut propria tua scientia non nisi paucas tibi residuas vitæ horas promittat ; atque adeò ultima per momenta singu-

han. 13. la gradum acceleret : *Sciens Iesus*

v. 1. *quia venit hora eius.* Qualitatem quoque seu infirmitatis speciem idem similiter Evangelista declarat. Amoris eam esse , & amoris eam nostri , amorisque incurabilis eam esse inquit : amoris , *Cum dilexisset* : amoris nostri , *suos qui erant in mundo* : & amoris incurabilis & irremediabilis , *In finem dilexit eos.* Iste , Domine , est infirmus ; & nostrarum salus animarum , est malum , seu bonum , cujus tu causâ langues & infirmaris ; quodque vitam tibi eripiet. Ego proinde Auditoribus meis demonstraturus , quod quamvis ad omnia obstricti tibi teneantur propter mortem , plus tamen tibi debeant propter infirmitatem ; de ea tantùm verba faciam. Diei igitur , loco & Evangelio me ac-

commodans , super allegatis ex eodem verbis quatuor , & unum tantum pertractabo. Remedia amoris : & amorem sine remedio. Hoc , Amans & Amator divine , pace tui cordis , discursus mei præsentis erit argumentum. Adhuc dubitamus aliquatenùs , utrum à tua gratia amor tuus distinguatur. Si non distinguatur , tuum à te amorem efflagito , sine quo de eo differi non potest : & si sunt res distinctæ , amoris ejusdem amore , tuam à te peto gratiam. Ave Maria.

## §. II.

**R**emedia amoris , & sine remedio amor , sunt quatuor , & unum tantùm , de quo me locuturum promisi ; cùm enim infirmitas fuerit amoris , quæ vitam auctori eripuit vitæ , demonstrari nequit , amorem sine remedio fuisse , nisi simul amoris remedia describantur. Hac super materia discretè scripsit Galenus de amore humano , in libris , quos *de remedio amoris* , inscripsit : quorum Aphorismi , quia sunt confutandi , sine textu & nomine adducentur , sicut , qui non ad auctoritatem conciliandam , sed ad serviendum venit. Remedia igitur amoris validissima & efficacissima , quæ natura hucusque detexit , & experientia approbavit , & ars præscripsit. sunt ista quatuor :

Mm 2

Tem,

Tempus, absentia, ingratitude, & super omnia, objecti melioratio. Singula verbis Thematis loco allegatis comprehenduntur, tamque expressa, ut commentatore non egeant: *Cum dilexisset*; ecce tempus: *suos qui erant in mundo*; ecce ingratitude: *ut transeat*; ecce absentiam: *ex hoc mundo ad Patrem*, ecce objecti meliorationem. Omnibus hisce remediis infirmitati, omnibus istis defensivis cordi, omnibus istis antidotis Divini amantis applicatis amor: nec tempus illum imminuit, nec ingratitude tepescit, neque objecti melioratio vel in apice eum immutavit, *in finem dilexit eos*. Iſtæ discursus mei quatuor sunt partes: procedamus approbando amorem, & remedia refutando.

Primum remedium diximus esse Tempus. Tempus medetur omnibus, oblivione omnia sepelit, omnia corrumpit, omnia digerit, omnia finit. Tempus columnis opponere sese audet marmoreis, & quanto magis cordibus cereis? affectiones sunt instar vitæ, non enim certius est signum durandi parum, quàm durasse multum. Sunt velut lineæ de centro ad peripheriam tendentes, quæ quanto longius extenduntur, eò longius ab invicem separantur. Hinc antiqui Amorem in specie depingebant in-

fantis; non enim adeò validus & robustus est amor, qui ad multos perveniat annos. Omnibus, quibus illum armavit natura, tempus illi exuit instrumentis. Tempus ipsi excutit arcum, quo jam non jaculatur; invertit illi sagittas, quibus jam non ferit; & crescere ipsi facit alas, quibus volat & fugit. Naturalis totius differentiæ hujus ratio est; quia Tempus rebus novitatem tollit, defectus detegit, gustui fastidium inducit, & sufficit fuisse in usu, ut non sint eadem. Usu consumitur ferrum, quanto magis amor? Idem amor est causa non amandi; & amasse multum, amandi minus. Unum instar omnium illud Davidis sufficiat exemplum.

David amore illo ardentissimo adamavit Bethsabæ, de quo omnibus constat: & cum cor ipsius cordi Dei conforme foret, Deusq; zelotypus adeò, uti de semetipso *Exod.* fatetur, *Ego Deus zelotes*, notatu 20. v. 5. quid dignissimum est, quod Deus ipsum in amore tali perseverare permiserit, nullo ipsi succurrendo remedio, nisi finiente anno, quando ad saniores ipsum mentem ministerio Nathani Prophetæ reduxit. Quanto dolore exiguum Davidis amorem, immò odium sui Deus persenserit, ex circumstantia sollicitudinis ipsius plane innotescit: cum enim ipse fuisset

set offensus, idem nihilominus ad reconciliationem invitavit, non expectando donec David pro eadem interpellaret. Si igitur Deus ab immoderato Davidem Bethsabee amore delistere, tam avidè considerabat, quare sollicitudinem eandem tanto distulit tempore, & non nisi exeunte anno adhibuit remedium? quia ipse annus, & idem tempus primum fuit remediū, quo ipsum curare cœpit. Infirmities aliz ex dilatione incurrunt periculum: ipsa verò amoris optimum ipsa in dilatione habet remedium. Ille solus hominum Cordiagnostes videbat, quod durante in Davide illo affectionum cœstro, difficulter è corde ipsius amorē evellere posset, quo tantopere occupatus erat: committatur ergo Tempori, quod sensim ipsum ad hoc disponet: & ita factū est. Initio David non considerabat, quid sibi, quid vasallo, neque quid Deo debebat; neci exponebat & prostituebat exercitus, occidebat homines, famam negligebat, & conscientiam, tantum enim in principio indomitum illud prævalebat cœstrum, sed die protrudente diē, & hebdomadā hebdomadam, mense evoluta post mensem, & appropinquante jam anni periodo, quisnam, quæso, Davidis fuit status amoris? vulnus sic sensim fuerat dispositum, cor adeò

temperatum, ardor adeò remissus, ut unicum tantum ipsi perfectè sanando, Prophetæ suffecerit verbum. Quod fuerat desiderium, subito conversum est in dolorem & tædium: cæcitas in lucem; voluptas in lacrymas: & quod fuerat amor, in compunctionem & pœnitentiam. Et si hoc unus tantum valet annus, quid facient multi?

Ista est Temporis in amorem potentia. Sed qualem in amorem? in amorem humanum impotentem; humanum in amorem inconstantem; humanum in amorem non rationis, sed appetitūs tantum sequacem; humanum in amorem, etiam, ubi tenerrimus & perfectus videtur, grossum & imperfectum. Remediabilis tempore amor, infirmitas esse potest; alit amor non est. Amor perfectus & solus amoris nomine dignus, supra mutabilitatis sphæram, quousque temporis jurisdictionis non pertingit, immortalis agit. Illum nec anni immittunt, nec sæcula debilitant, neque æternitates fatigant: *Omni Prover. 27 tempore diligit, qui amicus est: v. 17.* inquit Salomon in Legis antiquæ Gnomis: & Legis novæ Salomon. S. Augustinus in eundem commentando textum, hac admirabili fundum ejus sententiā penetravit: *Manifestè declarans amicitia. S. Aug. am aternam esse, si vera est: si autem*

M m 3 desideris

*desierit, nunquam vera fuit.* Significare nobis voluit Salomon, inquit S. Augustinus, amorem verum esse debere æternum, nam aliquo interruptum tempore verum nunquam fuisse: *si autem desierit, vera nunquam fuit.* Notabile dictum! omnibus aliis in rebus, desinere esse, signum est fuisse; in amore verò, desinere esse, argumento est nunquam fuisse. Desit esse, ergo nunquam fuit; desistis amare, ergo nunquam amâstis. Amor, non omnistemporis, & omnium temporum, non est, neque fuit amor: si enim finem accipiat, principio semper caruit. Est velut æternitas, quæ si per impossibile finiretur, æternitas nunquam fuisset: *Declarans amicitiam æternam esse, si vera est.*

Tam exemptus à temporis imperio verus agit amor. Verùm ubinam huiusmodi amor invenitur? in te solo Phœnix divine, in te solo. Istud significat; *Cum dilexisset.* Porro quando amavit, & à quanto tempore amavit? primò, à principio æternitatis principii expertis; quia ex tunc Verbum æternum cæpit amare homines, seu potius illos tunc amavit non incipiendo, sicuti ipsemet dixit: *Delicia mea esse cum filiis hominum.* Proinde amor in æternitate radicans, quo pacto remedium inveniret in

tempore? Tempus cum creatione incepit mundi; siquidem Tempus ante non erat. Istud verò in Christo in duas dividitur partes: in Tempus, quo ab ortu mundi voluntate amavit divinâ: & in Tempus, quo ab exordio vitæ voluntate divinâ amavit, simul & humanâ. A principio vitæ triginta & quatuor transierunt anni: à principio mundi, ultra quatuor annorum transierunt millia; tot verò annorum, immò & sæculorum curriculum, Tempus nullam in eum habuit potestatem. O amor solus verus! ô amor solus constans! ô amor solus amor! Quid non dissolvit, quid non absolvit, continua tot annorum volutio; quotquot ab exordio mundi transierunt usque ad epilogum vitæ Christi? quænam civitas tam firma & munita, quam non demoliretur? quodnam marmor, quod in pulverem redigeret? non pulverizaret? quodnâ æs, quod non comminueret & in favillam redigeret? humana omnia tam longa temporis continuatio, ipsam etiam eorum memoriam tempus abolevit; Solus amor Jesu ad insultandum annis & sæculis, integer semper sine decremento, semper firmus & inviolabilis, constans semper & idem perseveravit; sicut enim amaverat in principio: *Cum dilexisset*; Ita, eademque amoris in-

Prov. 8  
v. 36



intentione amavit usque in finem: *In finem dilexit eos.*

Tantum abfuit ut Tempus ( ecce quid dico ) tantum abfuit , ut Tempus Christi posset imminuere amorem, ut amor potius Christi imminuerit Tempus. In ipso Evangelii nostri textu id habemus : *Sciens Iesus, quia venit hora ejus, ut transeat ex hoc mundo ad Patrem* , hoc Evangelista de ultimæ Cœnæ mysteriis loquens asseruit, in qua prodigioso humilitatis suæ exemplo, & obstupefciendo omnipotentiae suæ miraculo hominibus manifestavit , quàm extremè illos adamaret. Horâ verò, quâ Christus de mundo transiit ad Patrem, non hac fuit die, sed die Ascensionis, quadragesimo secundo ab hoc die. Si igitur Christo adhuc quadraginta & duo mansionis in mundo supererant dies antequam ad Patrem ascenderet , qua ratione Evangelista horam jam advenisse asseverat? *Venit hora eius?* tot erant dies, & una tantum erat hora? Sic. Quia omnes isti dies, quibus Christus adhuc mansurus erat in mundo , erant dies , quibus cum suis commoraturus erat dilectis & amatis: *Cum dilexisset suos.* Proinde quamvis computatione temporis dies forent multi; respectu tamen & æstimatione sui amoris, una tantum erat hora : *Hora eius.* Agitè,

notato nunc benè eorundem computu dierum, expendite quod nunquam advertistis. Ab hora cœnæ usque ad horam , quâ Christus ascendit in cœlum punctualiter & præcisè mille fluxerunt horæ, ne vel unâ, aut deficiente aut superfluyente. Omnes verò isti dies temporis emensi rotis , mille summam conficiebant horas , numerati verò juxta horologiū amoris, quod Christus in pectore gestabat, non nisi unam horam conficiebant. Hînc vocatur, *Hora eius*: Mundo quippe & Tempori millenæ erant horæ: Christo verò & amori ejus non nisi unica erat hora. Et si amor Christi de horis mille horam fecit unam; ecce quàm veraciter dixi, quod loco ejus, quod Tempus imminueret amorem, ipsum Tempus imminuerit amor.

De Jacob affirmat Scriptura , quod, cum septennio servisset pro Rachele , dies ipsi visi fuerint pauci , quia ardenti eam deperibat amore : *Videbantur illi pauci dies,* *Gen. 29 v. 20* *pro amoris magnitudine.* Nullatenus Jacob tam gloriosè præfigurasset Christum , nisi etiam amor ipsius tam propriè imminuisset Tempus. Verum in hac ipsa imminutione animo necesse est advertere , quod anni, non nisi pauci dies Jacob visi, non tantum fuerint septem ; sed multò plures & longior-

longiores. Quemadmodum voluptas & delicie dies abbreviant, sic labor & ærumnæ eosdem prolongant. Deus Abrahamo prædixit, progeniem ipsius quadringentis annis Ægyptiis servituram, cum centum tantum servierint annis; labor enim duplicat & quadruplicat tempus, & centum annis servire, est quadringentis annis pati. Eodem modo numerandi sunt anni Jacob: Jacob diu nō quæque tanto labore & fatigatione servivit Labano prout ipsemet illi in faciem probè exaggerare scivit, cum doli & fraudes Labani non minimè aggravarent laborem. Ergò sicut amor Jacob ex una imminuebat, sic labor ex altera parte annos augebat: & concurrente simul ad imminuendum amore, & ad eosdem augendum annos labore, cum jam non in tantum multiplicarentur ut essent triplicati, integros ut minimùm permanere erat necesse. Quonam igitur modo Jacobo non anni, sed dies pauci poterant videri? nullum est dubium, quin, quod implicatio esse videtur, maxima amoris Jacobi exaggeratio existat. Tempus constituebat annos, ærumna & labor multiplicabat tempus; sed amor Jacob labore & tempore major non solum imminuebat annos quos faciebat tempus, verùm et-

iam illos quos labor & ærumna multiplicabat. Amor serviendo gaudens, annos diminuebat quosdam; idem patiendo gaudens diminuebat alios: & hinc quantumvis anni essent anni, & multi ac multi, omnes ipsi videbantur dies, & dies pauci: *Videbantur illi dies pauci.*

Magni facerem si dies istos amoris Jacob, quos Scriptura vocat paucos, eadem nobis, quoad numerum determinaret. Sed dato (per impossibile) quemlibet annum unum tantum ipsi fuisse diem; amor adhuc figurati infinitè amorem excedit figuræ: & ille Jesu, illum Jacobi. Tempus quo Christi imminutus est amor, etiam tempus Passionis ejusdem includit; & si miseria & afflictio augeat & multiplicat tempus ad mensuram ejus quod quis patitur, quis hoc casu mensurare sufficiet tempus, cum tormentis, temporisq; durationem, quo Christus patiebatur, cum excessu cruciatuū, quos perpeffus est? Christus in sua Passione, quod omnes Theologi cum Sancto Thoma probant, plura sustinuit, quàm passi sunt, & patientur omnes homines à principio usque ad mundi finem. Tormenta seipsis erant acerbissima, quorum nihilominus acerbiteratem incomparabiliter aggravabat subjecti renerrima com-

complexio, apprehensionis vivacitas, tristitia extrema se solâ vitam eripere sufficiens: & super omnia infinitæ contra Deum in hoc aliisq; omnibus humani generis peccatis injuriæ comprehensiva cognitio. Proinde quot vobis patiendi sæcula longissimis illis horis videntur comprehensa: adeò fuerunt longæ, ut earundem duratio ad satisfaciendum pro æternitate poenarum inferni suffecerit, quæ duratione eadem solvebantur. Et horas adeò longas vel tam æternas quod amor Christi ad unam reduxerit horam: *Hora eius*: ô amorem verè immensum! quod aliæ horæ, cæteri q; dies amantissimo Jesu visi fuerint breves, non est usq; adeò mirum, erant quippe dies & horæ, quibus cum charis sibi conversabatur: verum illas etiam passionis horas, cum tam excessivorû essent dolorum, similiter ejus abbreviaret amor: etiam: & eodè ex motivo. Aliæ breves erant horæ, quia illis manebat nobiscum: & istæ similiter breves erant, quia patiebatur pro nobis. Amor non est passus, ut minùs contra tempus posset gaudium passionis, quàm illud præsentia: ideò æqualiter imminuit horas tam gaudium pro hominibus patiendi, quàm gaudium cum illis manendi.

Utrumq; complexus declaravit S. Paulus unico tantum verbo,

*Pars III.*

quando loquens de morte Christi dixit: *Vt pro omnibus gustaret mortem.* Non dicit Christum pro nobis passum, sed gustasse mortem: *Vt gustaret.* Verbum istud, *gustaret*, libare & probare significat: hinc energiâ singulari Christum gustasse mortem asserit; gustus enim, quo illam passus est, taliter eam abbreviavit, ac si eam tantum delibasset. Egregiè S. Anselmus in eadem commentans verba dixit: *Vt gustaret, id est, horariam & non longam, quasi aliquid gustando transiret.* Apostolus vult dicere, inquit Anselmus, Christum tanto passum fuisse gaudio & gustu, ac si mortem realiter non obiisset, sed delibando tantum eam transiisset: *Quasi aliquid gustando transiret.* Proinde quamvis mors tot tantarumque esset horarum, illi unius tantum visa fuit horæ: *Horariam & longam.* Novum notate adjectivum, *horariam*, de, *hora eius*, utique formatum, S. Joannis. Et ecce quodnam divino nostro infirmo curando, à tempore sperari poterat remedium, si tam fortis & acuta sui mali, seu sui, nostrique boni erat vis & efficacia, ut loco ejus, quod Tempus imminueret amorem; amor potius imminuerit tempus: *Cum dilexisset suos.*

*Heb. 2.  
v. 9.*

*S. Ans.  
hic.*

. Na

§. IV.

## §. IV.

Pf. 87.  
v. 13.

**S**ecundum amoris remedium est absentia. Infirmities multæ solâ aëris mutatione curantur: amor, illâ terræ. Amor est instar lunæ, cui si terra se opponat intermediæ caliginem ipsi offundit. Sepulchrum, David disertè vocavit, *Terram oblivionis*. Et quænam terra, non est terra oblivionis, si vos transistis ad aliam? quod si mortui tam altâ sunt oblivione sepulti, quod tam modicum terræ inter ipsos & vivos intermediet, quid, quæso, ipsis sperandum est, aut quid sperari potest de absentibus? si quatuor terræ palmi tales operantur effectus, tot leucæ quid facient? in longinqua & à jactu sagittæ remota si abeant, vires amoris illuc non pertingunt. Petrus secutus est Christum à longè, & illud à longè, quid consecutum est? ut quem præsentem gladio defendebat, absentem negaret & abjuraret. Philosophi mortem per absentiam definiunt: *Mors est absentia animæ à corpore*. Et absentia similiter per mortem definienda venit, licet mors sit, de qua frequenter quis resuscitatur. En illud in naturalibus utriusque effectibus; primarij duo mortis effectus, sunt separare, & frigefacere. Mortuus est homo, anima se à corpore separavit; si mox ab egressu animæ cor-

pus attrectaveritis, quasdam caloris reliquias adhuc deprehenditis: paulò post ad tangendum reversi, corpus jam frigefactum congelatamque statum invenietis. Idem planè operatur vicaria mortis absentia. Valefecerunt sibi mutuò ardentiùs se amantes magnis affectûs argumentis, tandem ab invicem divulsi: quod si mox à discessu arctiùs amantis, graviusque absentiam ferentis arteriam contrectare libuerit, in corde palpitare salutationes, fluere ex oculis lacrymas, ex ore nonnullos gemitus & suspiria, ultimas amoris respirationes exire deprehenditis. Verùm officiis hisce præsentibus antea exhibitis jam cessantibus, quid invenietis? oculos siccos, os mutum, cor quietum, omnia oblivionem spirare & frigus. Absentia instar mortis, suo defuncta officio separavit, & separatione factâ frigefecit.

Audite maximum, quod pro confirmatione veritatis hujus haberi potest exemplum. In die Resurrectionis, Magdalena mane diluculo ad Christi perrexit sepulchrum, introspexit, sacrum corpus non invenit; iterum iterumque introspiciendo perstitit, flevit. Et quam omnium harum tam anxiarum solitudinum causam putatis? Origines notatu dignâ consideratione hoc factum fuisse dixit, non quia

Orig.  
Hom.  
de M.  
Magd.

quia Magdalena tantum amabat Christum, sed quia sibi timebat: *Metuebat, ne amor Magistri sui in pectore suo frigeret, si corpus ejus non inveniret, quo recalesceret.*

Noverat Maria velut experta, absentiam effectus habere mortis, separare, & postmodum frigefacere: & quia à suo separatum se videbat amore, qui effectus est primus; timebat ne amor sibi frigeret in pectore & corde, qui effectus est secundus: *Metuebat, ne amor Magistri sui in pectore suo frigeret.*

Luc. 7.  
2. 47.

Ergo amor Magdalenzæ tam fortis, tam magnanimus, tam constans, tam æstuans: canonizatus tanquam magnus, magnificatus velut multus: *quoniam dilexit multum*: tam parum sibi fidit, & tam modicum de se præsumit, ut frigescere metuat. Ita planè; ea enim vis est absentiz, etiam contra quemcunque vel maximè qualificatum amorem. Proinde sicut cor mediantibus invalescit oculis, tantà sollicitudine & anxietate corpus avertat invenire sui Domini, ut ejus aspectu amor recalesceret, vel illo negato ne frigeret: *Si corpus non inveniret, quo viso recalesceret.*

Hi ordinariè solent esse effectus absentiz, etiam in cordibus teneris, quale illud Magdalenzæ erat: cor denique humanum. Cor verò Christi humanum simul & divi-

num, quamvis velut humanum se separat: velut divinum non frigescit. Ignis separari quidem potest, aut frigesce nescit: eminè seu cominè, præsens vel absens, æqua. liter semper ardet, quia semper est ignis. Dari potest absentia tam distans, quæ cum subtrahat visui, sed nulla quæ mutare possit illi naturam. Talis est amor Christi (inquit S. Bernardus) *Quia nun-* S. Bern.  
*quam & nusquam potuit non amare, qui amor est.* Quemadmodum amor Christi nullo tempore ab amando potuit cessare, quia amor est æternus: ita nullo loco aut distantia ab amando potest cessare, quia amor est. Amor, non locorum sed voluntatum est unio: quod si locorum foret unio, distantiam dissolvere posset: at quia voluntatum est unio, absentia illum frigefacere nequit. Absentia maximè distans, quæ sub imaginationem cadit, est ea, quæ hodie se Christus absentavit: *Vt transeat ex hoc mundo ad Patrem.* Absentia scilicet ab hoc mundo ad alterum. Absentiz aliæ quantumcunque distantes, semper intra idem sistunt elementum, de una terræ parte ad aliam. Absentia Christi adeò distabat; ut elementorum sphaeram transcendens à terra transiret ad cælum. Verum licet distantia & absentia tam sint excessivæ; distantia quidem cor-

pora separare valet , corda verò disjungere nequit : absentia impedire potest visum , neutiquam frigefacere amorem.

Tantum abfuit, ut absentia longis suis locorum interstitiis remedium afferret amori Christi, sibiq; usitatos operaretur effectus , ut potius produxerit contrarios. Absentię effectus, prout vidimus, sunt dividere, & frigefacere : & absentia Christi loco divisionis univit; & loco frigefactionis, accendit. Divisionis loco conjunxit personas ; & loco frigefactionis accendit amorem. Paulum necdum sanctum, & adhuc Saulum furiis agentibus Damascus proficiscentem Christus hisce vocibus allocutus, in terram prostravit & convertit : *Saule, Saule, quid me persequeris ?* Casus hic

*Actor.*

*9. v. 4.*

*S. Aug.*

Imperatoris Tiberii vigesimo , & secundo post ascensionem Christi in cœlum anno contigit. Si Christus igitur erat in cœlo ( quærit S. Augustinus ) si erat in cœlo , quo Sauli furia pertingere non poterant, neque Synagogæ diplomata quæ secum ferebat , quomodo conqueritur Christus, quod se persequeretur ? si suos eum persequi Discipulos dixisset , idem textus refert : *Saulus autem spirans minarum, & cadis in Discipulos Domini.* Sed dicere, Saulem agentem in terra persequi jam existentem in cœlo? sic est : respondet idem S. Au-

gustinus. Nam licet Christus tantum distaret à Discipulis, quantum cœlum à terra, erat nihilominus ita conjunctus eisdem, ut illos à se non discerneret. Quod si illos à se discrevisset, dixisset, quare persequeris Discipulos meos; sed quia illos à se non discernebat, hinc inquit:

*Quare me persequeris?* Optimè textus ille ad hoc tendebat concludendum , quod ego probatum eo, nisi magram contra se pateretur replicam. Quando Principum Sacerdotumque ministri & Satellites venerunt in Hortum comprehensuri Christum , se Jesum Nazarenum quærere dicentes , Christus digito Discipulos se comitatos demonstrans, ait : *Si ergo me quæritis,*

*Ioan. 18  
v. 8.*

*finite hos abire.* Hic mea nunc consideratio intrat. Si Christus in Horto tantum inter se & Discipulos suos discernit, quare jam agens in cœlo, se se ab illis non distinguit ? quia in Horto adhuc erat præsens, in cœlo jam erat absens : & primus absentia in Christo effectus , fuit arctius se se unire eisdem, à quibus se jam absentaverat. Christus adhuc præsens, & Discipuli, erant Ego, & Hi : *si me quæritis, finite Hos abire* : postquam verò fuit absens, jam non erat Ego, & Hi ; sed Ego : jam non erat , quare persequeris illos, sed me : *Quid me persequeris.* Et si absentia tam contrario sibi ip-

si ef-

si effectū, loco divisionis personas univit ; etiam loco frigefactionis amorem accendit.

Absolutā jam hujus diei cœnā, Divinus Magister amorosissimē eisdem valefecit Discipulis , videntisque illos ob discessum suū contristatos, his eos verbis consolatus est: *Expedi vobis ut ego vadam; si enim non abiero, Paracletus non veniet ad vos: si autem abiero, mittam eum ad vos:* Theologi omnes concorditer sentiunt, omnique dubio vacat ita venire potuisse Spiritum Sanctum Christo in terra præsente , quā ab eadem se absentante : quomodo igitur sequitur , Spiritus sanctus veniet Christo se absentante , & non veniet Christo in terra præsente ? Spiritum Sanctum essentialiter esse amorem nemo ignorat ; in quonam verò amore talis unquam visa fuit consequentia ? recedente amante etiam recedere amorem est consequentia ordinaria , quam nos hīc vocamus amoris : sed recedendum esse amanti, ut veniat amor, & non venturum amorem , nisi abeunte amante ? in sola absentia, soloque amore Christi hujusmodi invenitur consequentia. Sic istud Christus promisit , & sic implevit. Recessit, in cœlum abiit: & paucorum intervallo dierum ibidem remanente personā amantis, Huc personaliter ejus venit amor. Sed quo-

modo venit ? non intensus minùs, non ardens minùs, non igneus minùs, quā in forma ignis. Benè igitur dicebam ego , quod loco ejus, quod absentia amorem frigefferet, eundem magis accenderit.

Christus ipse jam dudum ante, idem prædixerat. De sui amoris igne loquens dicebat : *Ignem veni mittere in terram, & quid volo, nisi ut accendatur?* si igitur amoris sui ignem adeò desiderabat accendi in terra, quare adhuc præsens , & quā præsens illum non accendit in ea? quia prodigiosa ignis hujus divini proprietates est, absentiam expectare ut accendatur. Eadem verba benè expensa illud insinuant: *Ignē veni mittere in terram:* Non dicit, quod venit ad ferendum aut ferre ignem in terram; sed ad mittendū seu mittere : argumentum ergo erat, quod absentando, primò redendum esset ad cœlum , unde eum mitteret. Quod etiā discipulis suis terminis loquendo propriis dixit : *Si autem abiero, mittam eum ad vos.* Ioan. 16. q. d. si ego abiero, si à vobis recessero, tunc amoris mei vobis ignē, vel amorem meum in igne mittam ; ut videatis quā utilis & expediens vobis ista mea sit absentia : & non timeatis, ne illa solito sibi more amorem in me frigescere faciat, cum illum accendet potius & inflammabit amplius.

Amor Magdalenz, quia adhuc erat imperfectus, remedium querebat à visu ne refrigeraret; *quo viso recalesceret*. Verum amor perfectissimus qualis erat ille cordis Christi, à visu non dependet ad amandum; immò absentia & distantia impediens visum, reunitur, ad centrum reducitur, magisq; ardet. Oculi cancelli sunt cordis, per quos respirat: & hinc fit, ut cor oculos habens apertos, per eos evaporet & exhalet affectus: absenti verò, oculisq; ob distantiam clausis, quid accidit? Quemadmodum olla seu vas clausum igni impositum sine respiraculo, majore in se calore recepto magis inardescit, totumque colligans quandoque rumpitur; ita cor absens negatà sibi visus respiratione, & non habens quàm incendium emittat, totam amoris vim & impetum intra se colligit; qui naturaliter increfcit, accenditur, & in tantum subtilefcit; ut cum cor idem eum capere & continere nequeat, in majores magisq; extraordinarios disrumpatur effectus.

Totum quod dico, non mea est philosophia, sed ipsius Christi hac ipsa hora iisdem Discipulis suis futuris absentia suæ effectus declarantis. Præsentem supremo suo Magistro prodigia illa operabantur Discipuli, quibus in admiratio-

nem rapiebant mundum: & nunc contristati metuebant, ne absente sibi sole omnibus ejusdem influentis destituerentur. Ast ita non erit, inquit Christus; quilibet vestrum non solum eadem quæ antea, nec solum meis similia, sed longè adhuc majora faciet opera, neque aliam ob rationem, quàm quod me absento: *Opera quæ ego facio, & ipse faciet, & majora horum faciet: quia ego ad Patrem vado*. Ultima hæc clausula, *Quia ego ad Patrem vado*, summè consideranda est. Eja Domine, quia vadis ad Patrem, & quia à tuis te Discipulis absentes, idcirco illi majora facient opera suis, & etiam tuis? num fortè potentior eris in cælo, quàm eras in terra? minimè: divinus responder amans. Discipuli mei non istam experientur differentiam, eò quòd ibi majores mea potentia habitura sit jurisdictiones, sed quia majores ibidem amoris mei erunt effectus. *Quia vado*: ideò videbunt, quid mea absentia possit: & quia tam longè, *ad Patrem*; hinc videbunt quid in me operentur distantia. Longa tantum ad magis illos fovendos, ad magis illos honorandos, majoremque illis æstimationem conciliandam deservient: amor enim meus æstimatione est dignissimus, cujusce pretium sunt illa longè remota: *procul, & deul-*

*simis*



*timis finibus presium eius.*

Ex ratione Christum hac occasione solem vocavi. Propheta illum solem vocavit iustitiæ: Ego verò solem eum appello absentia. Luna soli opposita in occasu, major & plenior illo absente, novum alium facit diem. Unde verò Lunæ ista lucis splendorisq; plenitudo? diserte ac prudenter inquit Apulejus: *Quanto longius abit à sole, tantò largius illuminatur, pari incremento itineris, & luminis.* Et si istæ solis sese absentantis excellentiæ sunt & effectus, quales, quæso, erunt istius Domini, qui solem creavit? jam ipse hoc de se dixerat, ex ore Jeremiæ Prophetæ: *Putasne Deus è vicino ego sum, & non Deus de longè?* Erras: è vicino sum Deus, & de longè sum Deus: immò, si quo modo possibile foret, magis Deus de longè, quàm è vicino & propè: Propè enim meam ostendo præsentiam, & de longè meam immanitatem. Talis est amor nostri Dei: vel talis est noster Deus amoris. Recedendo se absentat à nobis hac hora: *ut transeat.* Distantia tanta, quanta de terra ad cælum: *ex hoc mundo ad Patrem;* sed præsentia ipsius pignora non immittuntur, pari itineris luminisque incremento potius augeantur. Quia quantò absentia suæ distantia sunt majores, tantò majores in-

tensoresque sui sunt aff- & effectus amoris: *ut transeat ex hoc mundo: in finem dilexit eos.*

### §. V.

**T**ertium Amoris remedium, est Ingratitudo. Quemadmodum remedia efficaciora, magis plerumque sunt violenta; parimodo ingratitude remedium est amoris sensibile magis & operativum. Vis efficaciam illi conferens, maturiore judicio & consideratione, est, quod parti suæ favorabilem habeat rationem. Quod tempus amorem imminuat, quod absentia eundem frigefaciat, iniquitas est, de qua conqueruntur omnes: sed quod ingratitude amorem mutans eum in horrorem convertat, ratio approbat, persuadet, & mandare videtur. Quænam justior sententia, quàm ingrato amorem subtrahere? Tempus est natura, absentia potest esse violentia, ingratitude semper est vitium. Consideratis singulorum horum contrariorum effectibus, ingritudinis fortissimum esse inveniemus. Tempus amor tollit novitatem; absentia tollit illi communicationem: Ingratitude illi tollit motivum. Ita ut amicus propter antiquitatem, & absentiam non perdat meritum amoris: proinde si ab amando cessamus, non ipsius demerito, sed nostræ

*Apul.*

*Jerem.  
23 v. 23*

nostræ iniquitati venit imputandum : si verò fuit ingratus, non solum vel tepidissimo etiam amore est indignus, sed etiam omne odium promeritus. Denique tempus & absentia impugnant amorem per memoriam : ingratitudo per intellectum & voluntatem. Et amor læsus in cerebro, & læsus in corde, quomodo potest vivere? exemplum quod huic confirmandæ rationi suppetit, præmissis adhuc majus est.

Primus post Adamum ingratus, fuit Cain: ingratus Deo, ingratus parentibus, ingratus fratri, & toti ingratus naturæ. Occidit Abelum, quo mortuo, jam secuta sibi videbatur ingratitude à vindicta, quam in corde merebatur offenso: sed ecce quid ad ipsum Cainum dicit: *Vox sanguinis fratris tui clamat ad me de terra*: q. d. Vox sanguinis tui fratris de terra, ubi eum profudisti, ad me clamat, vindictamque petit. Casus notabilis: tria in Abelo invenio motiva, ex quibus voces illæ quiddam valde imperfectum auribus meis insonare videntur. Scilicet, esse fratrem, esse Sanctum, esse mortuum. Si erat mortuus, quomodo clamat? ubinam insensitivitas mortis? si erat Sanctus, quomodo non ignoscit? ubinam tolerantia virtutis? si erat frater, quomodo vindictam

petit? ubinam est affectus naturæ? hic videre licet, quàm potens sit ingratitudo, optimè fundatum, in odium convertere amorem. Ubi amorem inveniet ingratus, si nec in fratre misericordiam, nec in Sancto veniam, nec in mortuo silentium invenit? odium tam justa & certa ingratitudinis est compensatio; ut quia unus fuit ingratus homicida, mox unum fuerit odium suscitatum. Et si ingratitudo odium suscitatur etiam in mortuis, quo pacto amorem inveniet in vivis?

Natura & ars contrariis curant contraria. Cùm igitur ingratitudo maximum sit amoris contrarium; quis dubitat, quin remedium illud tertium etiam esset ultimum, nec non præsentissimum & potentissimum, si non ad totaliter extinguendum saltem ad tepefaciendum Christi amorem? ita hoc docent Aphorismi artis medicæ; sic illud confirmant naturæ experientia: sed ita non fuit. Ingratitudo se habet cum amore, sicut ventus cum igne: ignis exiguus vento extinguitur; magnus magis accenditur. Abelo magis offensus fuit Christus, majoribus ingratitudinibus, quàm illa Caini, ab hominibus fuit exagitatus: sed nec singulæ, nec simul omnes ad hoc suffecerunt, ut sive vivus, sive mortuus

vel

Gen. 4.  
v. 10

vel punctum de amore remitteret: *Cum dilexisset suos, qui erant in mundo, in finem dilexit eos.* Verba illa: *qui erant in mundo*: otiosa videntur, quæque amorem magis restringant, quàm exaggerent. Christus Dominus & Redemptor noster, velut omnium Dominus, & Redemptor hominum, non solum eos qui erant in mundo, sed etiam qui non erant amavit. Non solum amavit præsentēs, sed etiam præteritos & futuros; omnibus enim illis sanguinis sui pretium impendit. Evangelista verò præsentium tantum, qui tunc erant in mundo, meminit: *Suos, qui erant in mundo*; qui isti vel maximè fuerunt ingrati. Futuri nondum erant, præteriti maxima ex parte Christum non cognoverunt: præsentēs illum cognoverunt, doctrinam ipsius audierunt, miracula viderunt, & beneficia perceperunt: & quomodo remunerârunt ipsum persequendo, negando, vendendo, & ipsum crucifigendo. Nunquid dari possunt retributiones magis inæquales, contrariæ magis & ingrata? nequaquam. Verum cum ingrati tudines esse nequirent atrociores, tam parùm prævaluerunt contra amorem Christi; ut (sicut de cæteris jam dictum est remediis) loco ejus quod ingrati tudines cum imminuerent, potius auxerint; &

Pars III.

loco ejus quod averfionem & odium suscitarent, ad magis diligendum & amandum fuerint motivum.

Proficiscentes per desertum ad promissionis terram Filios Israël miraculosè comitabatur Petra, unde exhibant flumina aquæ etiam successivæ, quâ Populus sitim extinguebat. De hoc miraculo loquitur Sanctus Paulus, dicens: *Bibebant de consequente eos Petra, 1. Cor. Petra autem erat Christus.* Si fuisset in casu, in quo stamus, mirum non fuisset, quod Christus in Petram converteretur; nihil enim æquè exiccat & indurat ac ingrati tudo. Ast quid S. Paulus in hac miraculosa invenit petra, unde diceret ipsam fuisse Christum? ipse Textus historiam referens id nobis dicet: *Percutiens virgâ bis Num. silicem, egressæ sunt aqua largissi- 20. vult. mæ.* Petra illa erat silex; *Percutiens virgâ bis silicem*; & quod emisit, magna fuit aquæ copia: *egressæ sunt aquæ largissime*: loco ignis (qui propria infidelibus est pœna) quo eos consumeret, exivit aqua, quâ proprijs manibus ipsis pedes lavit: *Misit aquam in Ioan. 13. pelvim, & cepit lavare pedes Discipulorum. v. 5.*

Animo nunc advertite & bene norate quod Christi lavantis Discipulis omnibus pedes, actum

Oo

Evan-

Evangelista describens, solius Judæ & Petri meminit. Judæ: *cum diaboli jam misisset in cor, ut traderet eum Iudas: surgit à cœna, & ponit vestimenta sua. Petri: misit aquam in pelvim, & cœpit lavare pedes Discipulorum: venit ergo ad Simonem Petrum.* Domine, tu qui scis & vides omnia; tu ad pedes Judæ? tu ad pedes Petri? nunquid pedes Petri sunt illi pedes pigri, qui te sequuntur à longè? nunquid pedes Petri, illi sunt pedes infideles, qui illum ferent in atrium, ubi tribus te vicibus negabit? nunquid pedes Judæ infideles sunt isti pedes, qui ab hoc ipso loco ad vendendum te exibunt? nunquid pedes Judæ proditorij sunt isti pedes, qui inimicos tuos ad capiendum te in horto, ducunt: igitur ad tam indignorum pedes genua flectis? istos pedes propriis lavas manibus etiam aquâ illâ, quam oculi tui præter aliam, largè infuderunt? ita. Quia tu non es Deus & Dominus meus, qui es; neque amor tuus esset amor, nec tuus esset: si ingratitude illum mutare, & injuriæ imminuere possent. Quoniam in duobus hisce hominibus ingratitude magis exorbitavit; hinc tuus amor excellentiorem se erga illos ostendit. Nec solum excellentiorem in actu lotionis pedum, quæ omnibus fuit communis Discipulis; verum etiam

in particularibus excellentiorem favoribus, quibus amor tuus binos istos maximè ingratos inter omnes fecit singulares.

Amore ante & post mortem Christi bene considerato, invenimus, dilectum maximè in cœna fuisse Judam: & in Resurrectione maximè dilectum fuisse Petrum. In cœna omnes Discipuli comederunt æqualitèr, & Judæ soli Christus gratiam præstitit particularem: *et cum intinxisset panem, dedit* Joan. 13 *Judæ.* In Resurrectione æqualitèr omnibus nuncios misit, solum verò Petrum nominatim expressit: *dicite Discipulis eius, & Petro.* Et quare Judæ soli, & Petro soli favores hi particulares? quia solus Judas, & solus Petrus ingratitude fuerunt singulares. In cœna magis illum offendit Judas: in passione magis illum offendit Petrus. Et quia amor Christi ex majoribus ingratitudebus, magis amandi facit motiva: idcirco isti duo magis fuere amati, quia magis fuerunt ingrati. Quod si amor Christi similis foret nostro, ingratitude forent motiva odiendi; quia verò amor erat suus, ingratitude magis diligendi fuerunt incentiva, & excellentissimæ benefaciendi rationes.

Investigando nunc omnium con-

contrariorum horum effectuum causam ( quam omnes nôsse desiderare credo ) & super eorundem differentia philosophando , non aliam invenio , quàm singularem , ex qua procedebat tota , cordis Christi qualitatem. Divini hujus cordis ea erat qualitas , ut immixtæ illi hominum ingritudines , igne amoris sui decoctæ non aliud quàm favores & beneficia distillant. Ipse Dominus ore Davidis conqueritur , quod in cordibus hominum beneficia seminando , ex beneficiis magnis , ingritudines colligeret majores : verùm ejus amor ( quod modò dico ) easdem ingritudines in suo corde distillando ex ingritudinibus maximis , majora educebat beneficia. Illud jam vidimus in exemplo Christi vivi , & resuscitati : idem majore nunc stupore in mortui Christi videamus exemplo.

Mortuo in Cruce Redemptori lanceâ pectus aperuerunt , ex quo , *Joan. 19. v. 34. exivit sanguis & aqua.* Sed quis iste sanguis in corpore , quod jam effuderat rotum ; & quænam ista aqua in mortuo , præ sit mortuo ? nec aqua , nec sanguis erant hoc quod fuerant. S. Cyrillus Hierosolymitanus inquit , sanguinem illum fuisse , quem super se induxerunt , qui mortem Christi procurârunt : *Sanguis eius*

*super nos :* & aquam illam fuisse aquam , quâ Pilatus manus lavit , quando condemnatum morti tradidit , *aquâ lavit manus coram populo.* Verba Sancti sunt brevissima sed clara : *Erant hæc duo de latere , judicanti aqua , clamantibus verò sanguis.* Et quoniam injuria illa tam impia fuit & barbara , nec non ingratitude tam atrox & inhumana , quid mirum quod Christus illam pro merito sentiret : & quod ( sicut de aqua dicitur diluvij , *tactus dolore cordis intrinsecus* ) eadem aqua & sanguis idem ad cor usque penetrantes , ibidem ad mortem usque conservarentur ? istud sanguis ille & aqua in cor Christi intrantes fuerant. Exeuntes verò quid fuerunt ? Tertullianus , S. Chrysostomus , S. Augustinus , & communiter PP. sentiunt , sanguinem fuisse Sacramentum Eucharistiæ , & aquam Sacramentum Baptismi , è quibus formata fuit Ecclesia , de latere Christi , sicut Eva de latere Adami egressa. Missas facio auctoritates , sunt enim tritæ. Si igitur sanguis iste , & aqua ista pectus intrando Christi gemina fuerunt mortis suæ instrumenta : quoniam pacto de eodem nunc exeuntia , gemina vitæ nostræ sunt elementa ? quia hæc excellentissima cordis Christi est qualitas , & sic immutantur in eo , & conver-

tuntur hominum ingratitudines. Contumeliæ commutantur in beneficia, injuriæ in misericordias, sacrilegia in Sacramenta, ingratitudines summæ distillantur in  
*Theoph.* amorem: *Contumelia invertitur*, inquit Theophilactus.

Quonam verò motivo, amor idem tam prodigiosè prodit? num fortassis ob Centurionis conversionem, qui Crucifixi agnoscens Divinitatem, publicè illum Dei Filium fuit confessus: *Perè Filius Dei erat iste?* Num forsan ob compunctionem & pœnitentiam eorum, qui de Calvario revertebantur pectora tundentes: *Per-cutientes pectora sua revertebantur?* Non. Motivum amoris in duo maxima beneficia, totidem maximas convertendi ingratitudines, fuit alia adhuc omnibus major ingratitudo. Omnium ingratitudinum maxima, quam in Christum exercuerunt homines, sine controversia fuit illa lateris ejus lanceâ facta percussio: aliæ enim omnes in Christum commissæ fuerunt vivum, & lanceæ percussio non solum contra Christum mortuum, verum etiam pro eorundem hominum salute mortuum, qui hoc modo toleratam pro se mortem remunerârunt. Hinc idem Dominus in psalmo, quo omnia Passionis tormenta re-

feruntur, à frameæ seu lanceæ tantum ictu & percussione liberari petiit: *Erue à framea Deus animam meam.* Non propter dolorem aliàs corpori subeundum, quod jam erat mortuum; sed propter horrorem, qui jam ejus feriebat & penetrabat animam, tam fœdam & indignam ingratitudinis apprehendendo atrocitatem. Et hæc fuit ratio cur non corpus suum, sed animam à lancea liberari petiit: *Erue à framea animam meam.* Cum igitur hæc atrocissima, & inhumanißima sit ingratitudo vel unquam commissæ, vel committi possibilis in mundo, quod illam cor Christi non in maximum absolutissimumque converteret beneficium; sed quod pectore adhuc clauso expectaret, donec lancea, sicut inquit Chrysostomus, clavis fieret illud aperiens, ut per idem vulnus sine reservatione ultimos nobis gratiæ suæ thesauros impertiret & nullus dubio relinquatur locus, quin, sicut maximus ex ingratitudinis parte fuit excessus, quò humana pertingere poterat ferocia; sic ex parte amoris maximum fuerit extremum, quo respondere illi poterat pietas divina. Proinde si hoc modo Christus contumelias vindicat & injurias, & hâc moneat solvit ingratitudines, quomodo quæso, amor ejus hoc sanari poterat

*Matth.*  
27. v. 5.

*Luc. 23.*  
v. 48.

*S. Chrys.*

rat remedio, vel ab amore suorum ipse cessare, quantumcunque forent ingrati? *Suos qui erant in mundo, in finem dilexit eos.*

## §. VI.

**C**Um huc usque nec remedium profuerit naturale Temporis, nec artificiale absentiae, neque violentum ingratitudinis; sed remediis infirmitatem invaluisse, contrariisque auctum experientia monstravit; prout Richardus Victorinus jam dixit: *Quia amoris incendium ex alterutra contradictione exstuat*: Ego quoque similiter hic sistendo quartum ap- vel explicare remedium cessarem, nisi tam validum foret, virtuteque reliqua omnia excederet; ut omni ambiguitate & dissentiâ remotâ, certam meliorationem & reconvalescentiam promittere & dare possit.

Quartum igitur ultimumque amoris remedium, quo nullus non fuit curatus, est meliorare objectum. Paræmiâ dicit, amorem amore solvi: & magis certum est amorem amore extingui. Quem admodum duo contraria in gradu intenso non possunt simul consistere in eodem subjecto; sic idem cor duorum non est capax amorum; amor enim non intensus non

est amor. Agè, magnum quid esse necesse est amorem; quia cum ad unum cor implendum mille non sufficiant mundi, cor duos non capit amores. Hinc si illos ex offensâ collidi, & de loco contendere contigerit, pro meliore objecto stat semper victoria. Amor est inter affectus, sicut Lux inter qualitates. Communiter dicitur, maximum lucis contrarium esse tenebras: & non est ita. Maximum lucis contrarium, est alia lux major. Stellæ in mediis tenebris elarius lucent & splendent: apparente autem sole tanquam luce majore, disparent. Ingens lux erat Joannes Baptista, antequam Christus innotesceret mundo: apparuit Christus lux vera: *Et lux vera, quæ illuminat omnem hominem.* Et quid Baptistæ evenit? lux esse desuit: *non erat ille lux.* Idem amor quantuncunque excessivo evenit. Majore melioreque oblato objecto, statim minus pejusque displicet.

Injustitiarum à Saule contra Davidem commissarum atrocissima, quamque David gravissimè tulit, fuit Principem Michol negare, quæ reportatæ à Gigante strato victoriæ pretium erat seu præmium: & non solum illam negare, quod minoris fuisset injuriæ: sed in despectum ipsius

sius illam Phaltiel dare. David usque dum se Regem Israël coronatum videret, dolorem seu injuriam sibi illatam dissimulavit: acceptando verò coronam primò omnium cavit, ut Michol sibi desponsata, & conjux mox restitueretur. ( Talia temporibus istis in moneta corrente vigeant cambia ) Scriptura referendo casum, unam notatu & consideratione dignissimam addit circumstantiam:

2. Reg. 3. *Misit ergo Ishobseth, & tulit eam à vi-*  
v. 15. *ro suo Phaltiel: sequebatur eam vir*  
16. *suus, plorans usq; Bahurim.* Quod

hic nunc noto, est, quod in hac separatione fleverit Phaltiel, & non Michol. Ut fleret Michol, sufficiebat flentem videre Phaltielem: & si hoc non sufficeret, aliæ duæ in ea rationes concurrebant naturales, nec ad flendum solum, sed ad flendum uberiùs. Prima est, quod in discessu ab invicem uberiùs flere soleant abeuntes, quàm manentes. Quod suo comprobatur exemplo David à Jonatha discedens: 1. Reg. 20. *Fleverunt paritèr, David autem*  
v. 44. *amplius.* Secunda est, quia Michol erat mulier, & quidem mulier, quæ discedebat, & à suo separabatur marito, cui regulæ conformiter naturæ illud quadrabat Ovidij:

Ovid. *Vxor amans flentem, flens acriùs*  
*illa tenebat.*

Si igitur Michol hac occasione tot habebat flendi motiva, & separabatur à Phaltiel, & separabatur pro semper ( quod nova erat ratio ) quare ne unam quidem lachrymam fudit? non flevit, quia jam non amabat: & non amabat, quia objectum melioravit. Phaltiel plorabat, quia Michol perdebat: & Michol non plorabat, quia Phaltiel pro Davide commutabat. Quamdiu Michol Phaltieli convivebat, quin ipsum amaverit, dubitari non potest; Michol enim erat Princeps & ad amandum obligata: verum audito sermone de nuptiis cum Davide Rege ineundis, mox affectum mutavit, quia objectum melioravit.

Enim verò si objecti melioratio remedium est tam potens & efficax ad mutandum amorem; non dico quàm potens, sed quàm omnipotens in nostro foret casu; in quo differentia vel comparatio non erat de homine ad hominem, sed de hominibus ad Deum; non de Phaltiele ad Davidem, sed de Petro & Joanne, ad æternum Patrem: *ut transeat ex hoc mundo ad Patrem.* Agite, comparate Creatorem cœli & terræ cum piscatoribus Tyberiadis; adoratum ab Angelis, cum mundi contemptibilibus: infinitum, immensum, incomprehensibilem, illum qui solus est



est, & esse dat omnibus, cum illis qui verè erant nihil, sicut sumus omnes; & videbitis quàm præsump-  
ptuosum foret sperare, & quàm  
stultum imaginari, quod talis ob-  
jecti respectu, nedum amor, sed  
vel memoria locum habere pos-  
set. Evangelista nihilò fecius illà  
differentià insinuatâ, & eâdem in-  
æqualitate consideratâ, dicens: *ex  
hoc mundo ad Patrem*; adhuc asse-  
verare pergit, homines non solùm  
fuisse amatos, sed in finem amatos:  
*in finem dilexit eos*. Ego quidem  
rationibus motivisque sic opinan-  
di & credendi infinitis inductus  
existimabam & credebam, Evan-  
gelistam, quando dixit quod Chri-  
stus iret ad Patrem: *Ut transeat ex  
hoc mundo ad Patrem*: optimâ con-  
sequentia dicturum fuisse: *In finem  
dilexit eum*. Quamdiu fuit in mun-  
do amavit homines: *Cùm dilexisset  
suos, qui erant in mundo*. Verùm in  
fine, quo ex mundo hoc abiit ad  
Patrem: *Ex hoc mundo ad Patrem*:  
mutato tunc & meliorato objecto,  
& objecto tali & tanto, etiam mu-  
tavit & melioravit amorem, & non  
amavit illos, sed illum: *In finem  
dilexit eum*. Ita opinabar ego, si-  
ne injuria & hominum amoris  
præjudicio: ast Evangelista de re-  
cessu ab hominibus, & reditu ad  
Patrem verba faciens, ad rationis  
stuporem, nostri que judicij admi-

rationem, Patrem sui recessus, ho-  
mines verò sui amoris finem ad-  
struit. Pater est finis itineris: *Ut  
transeat ex hoc mundo ad Patrem*:  
& homines finis sunt amoris: *In fi-  
nem dilexit eos*.

Ita hoc dixit S. Joannes, idemq;  
confirmant omnia amantissimi  
Domini verba & actiones, hâc ipsâ  
discessus sui horâ. Divinus Magi-  
ster Discipulos suos vidit tristes, &  
quidem satis justè tali nimirum ca-  
su; eorumque tristitiam admirans,  
ait: *Si diligeretis me, gauderetis uti-*  
*que, quia ad Patrem vado, quia Pa-*  
*ter maior me est*; Ex tristitia hoc  
casu non congruè satis inferri vi-  
detur, quasi illum non amarent.  
Imò Domine, quia te amant, dis-  
cessum tuum tam tenerè sentiunt,  
& tua eos absentia adeò contristat.  
Non sic inquit Magister divinus:  
jam illis dixi, rationem & moti-  
vum allegavi Patrem, ad quem va-  
do, me esse majorem: *quia Pater  
maior me est*. Cùmque discessus  
meus ad meliorandum adeò sta-  
tum & objectum faciat: si me ama-  
rent purè, & sine reflexione ad  
proprium commodum & utile,  
plus meis meliorationibus lætari,  
quàm meâ absentia illos oporteret  
contristari. Ista amoris perfecti lex  
est. Verùm non ita multò post, ut  
idem Dominus dictamen hoc sub-  
lime docuit & secutus est, venit in  
hortum

Joan. 14  
v. 28.

Math.  
v. 38.

hortum, ultimoque Discipulis valde facto, tam extremâ obrutus fuit tristitiâ, ut sine exaggeratione protestatus fuerit, eam ad eripiendam sibi vitam sufficere : *Tristis est anima mea usque ad mortem*. Si igitur in hoc discessu gaudendum erat Discipulis, quia Magister eorum & Dominus ad Patrem iret, quare non gaudet etiam idem Dominus, sed potius tam extremè contristatur? nonne vadit ad Patrem, qui est major? ita. Nonne vadit ad meliorandum adeò statum & objectum? Etiam. Ut quid igitur meliorationes istæ non sufficiunt ad lætificandum, & sola absentia hominum sufficit ad ipsum contristandum? eandem ob causam, & per eandem amoris veri regulam. Plus posse absentiam meam ad Discipulos meos contristandos, quàm meas meliorationes ad ipsos lætificandos, ratio est, quia illi amant se: meliorationes verò meas minus valere ad me lætificandum, quàm absentiam eorum ad me contristandum, ratio est, quia ego amo illos. Hoc quod illos contristat, ut in amorem transiret, lætitiâ esse oporteret: Quodque me lætificare debere videtur, quia amor est, me contristat. Porro cum duo hi affectus lætitiæ & tristitiæ adeò contra se invicem pugnent, & utriusque objecta tam infinitè discre-

pent, quantum Pater differt ab hominibus; quod tam immensæ lætitiæ considerata ratione adhuc locum & pondus habeat tristitia: Et quod in gaudio & júbilo eundi ad Patrem, velut in mari aut diluvio non suffocetur sensus derelinquendi homines? in solo Hominis Dei immutabili corde talis inveniri poterat constantia; & in solo ejus amore talis firmitas.

Agedum punctum hoc, & textum in omni Theologiæ rigore ritè urgeamus. Anima Christi Domini in hac vita, ab incarnationis suæ instanti, semper Deum vidit, semperque beata fuit, absque ullius momenti intercapedine. Quomodo igitur eadem anima, eodem tempore, tam extremè poterat contristari? *Tristis est anima mea usque ad mortem*. Theologicum S. Thoma, declarando quomodo id esse poterat, in anima partes distinguunt, quamvis non habeat unam, velut partem superiorem, quæ est intellectualis; & alteram inferiorem, quæ est sensitiva. Et hoc modo divisa de se ad se eadem anima Christi, eodem tempore esse poterat (& erat) læta & tristis simul: læta in parte superiore, & summè læta veluti beata: & tristis in parte inferiore, & summè tristis, veluti tam desolata, & afflicta. Vidisti ne aërem nubibus grossis & densis

densis obductum & clausum, quæ omnes solis radios repellendo locum luci non relinquunt, ut se nobis communicet? hoc casu pars æris superior respiciens cælum tota serena est & læta; & pars inferior, quæ terram respicit, tota obscura & tristis, neque diverso, sed eodem tempore. Eodem igitur modo, & tempore anima Christi ex parte superiore, velut gloriosa erat summè læta; & ex parte inferiore veluti afflicta, & in tantum afflicta, erat summè tristis.

Hi affectus & effectus contrarij animam occuparunt Christi, in quantum cõprehensor simul & viator erat: eisdemque in anima Christi Viatoris tantum copulavit amor, utrum miraculo majore nescio. Reditus ad Patrem, & recessus ab hominibus, ambo fuerunt Viatoris actus: & cum objecta tam infinitè diversa essent & inæqualia, quare melioritas primi non obscuraret effectus secundi, quos fecit amor? vel divisit animam amantis, quæ dividebatur, unâ parte datâ Patri, alterâ hominibus: vel eam totam dedit hominibus, & totam Patri sine ejus divisione, totam hilarem, quia ibat ad illum; vel totam tristem, quia

*S. Aug.*

deserebat nos. Affectuosa Sancti Augustini subtilitas in amici sui cujusdam separatione seu dis-

*Pars III.*

cessu, dimidium tantum animæ suæ sibi remanere, alterumque dimidium cum illo abire dixit: & hoc modo ex dimidio se vivum & mortuum videns semetipsum horreret. Sed istud dictum, seu exaggerationem ipse postmodum S. Augustinus, nec sine ratione, retractavit. De solo enim amore Christi, & quando à suis se separavit dilectis veracitè dici vel considerari poterat. Quod ita demonstravit experientia eâdem horâ, quâ Discipulis animæ suæ tristitiam declaravit.

Christus ab eis se separavit oraturus Patrem, idem Patris nomen semper ore proferens: *Marc. Abba, Pater.* Et Evangelistæ tribus cum vicibus orâsse notant, totidemque vicibus Discipulos invisisse: *Iterum abiit, & oravit tertio: inquit S. Matthæus. Et venit tertio, & ait illis: dicit S. Marcus.* Ita ut eodem orationis tempore à Patre rediret ad Discipulos, & à Discipulis iret ad Patrem: & toties à Discipulis ad Patrem, quoties à Patre ad Discipulos. Nunc cognosco. Amans Divine, quàm justè dubitaverim, utrum tuus tibi amor animam inter Patrem & homines divisisset; vel utrum illi & hominibus totam illam dedisset. Quando tertio te ad Patrem ire,

Pp

toti-

rotiesque ad homines redire video, non tantum divisa mihi videtur tua anima; sed, quod plus est, in partes divisa æquales. Desiderium verò audiens quod ostendis in una, & dolorem ejus quem sentis in parte altera dubitare mihi non licet, quin totâ loquaris animâ, & totam illam tuus tollat amor quando vadis, & totam ferat quando redis. Sed quo pacto fieri potest, ut tota sit & eadem, viis tam diversis, & terminis tam oppositis? quando secessisti à Discipulis ad orandum Patrem, interstitium illud S. Lucas describit fuisse, *Quantum jactus est lapidis*: porrò lapidem videntes à semetipso jam tendere sursum, jam redire deorsum, quid diceremus? non sine fundamento diceremus, lapidem istum duo habere centra. Num igitur, Divine Amans te volente, aut permitte idem nobis de te & cogitare & dicere licet? quando vadis ad Patrem, centrum tuum unum, dicemus esse Patrem: *Ut transeat ex hoc mundo ad Patrem*: Et quando venis ad homines, alterum centrum similiter tuum homines esse dicemus: *In finem dilexit eos*.

Utrum tantum affirmare auserim, nescio. Hoc solum dico æquè parum objecti meliorationem operatam fuisse, aut ad mutandum, & imminuendum amorem Christi

posse. Et ut discursum hunc, sicut & cæteros contrario concludamus effectu, addo, non obstante, quod Pater infinitè majus meliusque existat objectum, tantum abfuit, ut objectum vincendo ad se inclinaret & traheret amorem; ut amor potius vincendo ad se attraxerit objectum. Et quo pacto? Efficiendo, ut idem ipse Pater, qui objectum debebat esse amantis, etiam amator esset hominum. Et quando homines sibi videbantur discedentis Filii perdituri amorem, non solum integrum conservârunt amorem Filii, sed insuper de novo amorem sibi acquisierunt Patris. Audite, & obstupescite. Amor, quo Pater & Filius se amant, est talis, ut sicut sunt idem per naturam, similiter idem sint per amorem. Et Filio ad Patrem reverso quid accidit? eadem amoris unio sic crevit, & tali fuit modo multiplicata, ut non solum Christus & Pater inter se; sed Christus, Pater, & omnes homines manserint idem. Et fidem & imaginationem effugeret tale unionis extremum, nisi Christus ipse hoc declararet, prout eadem horâ declaravit. Christus Discipulis suis valedicens absolutâ cœnâ sacrâ, adhuc mensæ accumbens hanc ad Patrem suum fecit orationem: *Non pro eis rogatum, sed & pro eis, qui*

Luc. 22  
v. 41.

Joan. 17 qui credituri sunt per verbum co-  
v. 20. rum in me, ut omnes unum sint, sicut  
u. tu pater in me, & ego in te, ut & ipsi  
in nobis unum sint. q. d. non solum

te rogo, Pater mi, pro paucis istis  
Discipulis præsentibus, sed pro  
omnibus, qui eorum mediante do-  
ctrinâ, in me sunt credituri (qui  
omnes sunt Christiani) & quod te  
rogo, est, ut sicut nos per unionem  
amoris unum sumus; Tu in me, &  
Ego in Te: sic illi in Te, & in Me per  
eandem unionem sint unum. Non  
obstupescens ad talia, vel iudicio,  
vel fide carer. Ne verò illa amoris  
unio à Christo petita sub dubio  
concessionis relinqueretur: ipse  
mox Christus testatus est, quod &  
suo, & Patris sui nomine illam jam  
hominibus indulxisset: *Et ego cla-*

ibid. v. ritatem quam dedisti mihi, dedi eis,  
22 & 23 ut unum sint, sicut & nos unum su-  
mus. Ego in eis, & tu in me, ut  
sint consummati in unum. Uter-

que Textus tam est clarus ut com-  
mentatione non indigeat: verum  
pro maiore satisfactione omnium,  
doctissimum, quæso, Maldona-  
tum auscultate, cujus quàm singu-  
laris sit autoritas, quotquot Scri-  
pturam legunt, noverunt: *Sensus*  
*est (inquit ille) earatione fieri, ut*  
*cum Pater in Christo unum sit, &*  
*Christus unum cum Discipulis; &*  
*Discipuli unum cum Patre, id est*  
*cum Deo sint, quâ unitate nulla po-*

test esse maior. O si comprehen-  
dere nobis daretur, quàm altum,  
quàm divinum, quàm inestimabile  
fuerit istud ultimum & supre-  
mum amoris Christi inventum,  
quod antequam operaretur om-  
nem excedebat imaginationem; &  
postquam operatum est omnem  
humanum excedit captum. Pa-  
ter in Filio, & Filius in Patre, Pa-  
ter & Filius in homine: & Homo  
in Patre & Filio cum personarum  
trinitate, & amoris aded perfecti  
unitate, ut ipse Christus eam vo-  
caverit consummatam: *Ego in eis,*  
*& tu in me, ut sint consummati in*  
*unum.* Sed nec ipsi Apostolitale  
tunc comprehendere poterant  
unionis & amoris extremum: &  
hinc illis Christus dixit, quod à  
Spiritu Sancto illuminati hoc fo-  
rent cognituri: *In illo die vos cog-*  
*nossetis, quia ego sum in Patre meo, v. 20.*  
*& vos in me, & ego in vobis.* Con-  
clusionis igitur loco maneat, quod  
objecti melioritas, Christi erga  
homines mutare nequiverit amo-  
rem, pro eo enim ut illum muta-  
ret in hoc ipso ad Patrem discessu,  
illum eatenus meliorârit, ut idem  
amor quo Christus amat Patrem,  
& amor, quo Pater amat Chri-  
stum, sese unierit ad illos magis  
magisque amandos: *Vt transeat ex*  
*hoc mundo ad Patrem: in finem di-*  
*lexit eos.*

## §. VII.

**E**Cce fideles, quomodo nullum remediorum, quæ finire & imminuere solent amorem: nullum contrariorum quæ illum impugnare solent & vincere, efficere potuerit, ut intensissimus amor, quo Jesus nos amavit & amat, nedum frigeret, aut imminueretur, sed ne puncto quidem unico remitteret: remediorum potentiâ solum serviente ad illum magis accendendum, & contrariorum violentiâ deserviente ad fortius de ipsius triumphandum. Amor ipsius vicit Tempus, vicit absentiam, vicit ingratitudinem, & ab ipsa etiam tam incomparabilis meliortate objecti non potuit vinci. Nostra nunc obligatio iudicet, quandoquidem eidem cedunt amori omnia contraria, utrum fas & æquum sit, ut illi resistant sui? Et in hora, quâ amore sine remedio, ipse moritur amans, utrum deceat ipsi negari corda eorum, pro quibus moritur? Amemus illum qui nos amavit tantum; nullumque tam potens sit contrarium, quod nos à perseverando in ipsius amore retrahat. Si ille nos per unam totam amavit æternitatem, quomodo nos ipsum non paucis & tam brevibus sicut nostræ sunt vitæ, amemus diebus? Virtutis nostræ in-


firmitas à vitiorum nostrorum salutem constantia discat: & cum tempus non sufficiat ad nos convertendos à peccatis, non tam facile prævaleat ad mutandum de eis dolorem. Non habet amor noster absentię contrarium vincendum; quia eundem Christum, & quâ Deum, & quâ Hominem, semper habemus præsentem: & si præsentia ipsius non se videndam exhibeat oculis, non fiat amorem imminuendi motivum, quod augendæ desideria fuit inventum. Singulis recordemur horis illius, qui hodie hac hora semetipsum totum dedit nobis, & cras ante hanc horam pro nobis morietur in Cruce. Ille de tot ingratitudinibus nos magis amandi fecit motiva, & quare de tot & tam immensis beneficiis ipsius nos non faceremus idem? numquid tam bonus Dominus ad se offendendum nos fecit? O qualis ingratitudo, tam inhumana! O qualis ingratitudo tam indigna feris, nedum hominibus rationis usu præditis! Qui te creavit, qui redemit, qui tantum te amavit, ipsum non amas? Qui sanguine suo tibi acquisivit cælum, & quoties ipsum offendisti, toties te extraxit ex inferno, nunquid animus tibi & cor est ad ipsum de novo offendendum? Quid amamus, Christiani, si non amamus Jesum? quodnam dignius amo-

amoris est objectum? quodnam objectum non dico æquari, sed vel assimilari illi potest? nonne omne pulchrum ipsi comparatum est fœdum? quicquid magnificum, cum illo collatum vile est & abjectum? Quodecunque aliud bonum, nonnisi est mendacium? indignamur illis, qui Christum pro maleficio cominutârunt, & ei, qui tam vile ipsum pretio vendidit: & decens erit & consultum, ut nos illum contumeliosius commutemus, & viliori pretio vendamus?

Ah Domine, solus amor tuus, qui remedium non habuit, amoris nostri insaniis mederi potest. Medere tot cæcitatibus, medere tot stultitiis & inconstantibus, medere tot perditionibus. Ex per amorem, quo nos amâsti in finem, finem omnis accipiat amor qui non est tuus. Hæc est, amabilis Jesu, hæc sola est gratia, quam pro vale, in hac tua ultima à te petimus hora. Me-

mento, infirme Domine, quod in ultimis agas vitæ angustiis; ne in tuo nostri obliviscaris Testamento. Legatum quod à tua liberalitate speramus, velut servi, & elemosyna, quam à tua petimus misericordia, velut pauperes & mendici, est, ut nobis relinquant, dum nos relinquis, aliquam amoris tui partem. Cras tibi cor dividunt; ex eo nunc partire nobiscum ut toto te corde amemus. Eheu quantum in hac dolemus hora, & semper, quod te non amaverimus, prout debuimus! nunquam amplius, Domine, nunquam amplius. Te solum hodie & deinceps amabimus: & quamvis tot & tam suprema concurrant amoris motiva, solummodò Te, & quia es qui es, amabimus. Ita hoc firmiter tuo promittimus amori, & ita de tua confidimus gratia, & tantum, ut te æternum amemus in Gloria,  
Amen.





# S E R M O

De

## S P I R I T V S A N C T O .

Dictus in Civitate S. Ludovici Maragnana, in Ecclesia Soc. J E S U , occasione quâ ingens eorundem Religiosorum Missio in Amazoniam proficiscebatur.

*Ille vos docebit omnia , quaecunque dixerò vobis. Joan. 14.*

§. I.



Odie jam sextâ vice anno præsentis , & duobus præteritis idem istud mysterium me prædicare audistis; sed non tantum sextæ erunt vices, quibus & Vos & Ego experimur, quod hæc terra non respondentem tam continuatæ culturæ reddat fructum. Si seminata in ea doctrina foret nostra, infirmitati rationum nostrarum, affectuumq; nostrorum tepori, necnon semimortuæ verborum nostrorum efficaciz causa imputari posset; sed aliter se res habet. Christus in Evangelio hoc dicit, *Sermo-*  
*Joan. 14 nem quem audistis non est meus, sed*  
*v. 24. eius qui misit me Patris. Idem Præ-*  
*dicatoribus omnibus, saltem ex*

hoc pulpito auditis, dicere licebit: Sermones, Veritates, Doctrina quam prædicamus non est nostra, est Christi. Ille eam dixit; Evangelistæ illam scripserunt: nos eam recitamus. Si igitur toties recitationes continuantur; & prædicata à nobis doctrina non est nostra, sed Christi, quare tam parum ex ea proficiunt & addiscunt eam audientes? propositis in verbis hujus tam novi stuporis responsum habemus.

*Ille vos docebit omnia, quaecunque* *Joan. 14*  
*dixerò vobis. Spiritus S. (inquit v. 26.*  
*Christus) vos docebit omnia quæ* *Dixerò*  
*cunque dixi vobis. Terminorum id est,*  
*notate differentiam, & quantum dixi.*  
*dicere, aut docere differat, videbi-* *nti ba-*  
*tis. Non dicit Christus, Spiritus S. bet Gra.*  
*hoc vobis dicet quod dixi: neque cum O.*  
*dicit, Spiritus S. vos docebit hoc rigina-*  
*quod le.*



quod vobis dixi: Prædicator quippe quamvis sit Christus, dicit; Docens est Spiritus Sanctus. Christus dicit; *Quacunque dixerò vobis: Spiritus S. docet, Ille vos docebit omnia.* Magister in Cathedra omnibus dicit, sed non omnes docet. Dicit omnibus, nam omnes audiunt: sed non omnes docet? aliqui enim discunt, alii non. Quænam verò diversitatis hujus est ratio, si Magister est idem, & eadem doctrina? Quia ad discendum non sufficit audire tantum forinsecus, necesse est percipere interiùs. Luce interiùs magnâ, multum; modicâ, parum: nullâ, discitur nihil. Idem nobis evenit; dicimus, sed non docemus, quia loquimur exteriùs: solus Spiritus S. docet, quia illuminat interiùs; *Ministeria forinsecus adjutoria sunt, cathedram in cælo habet, qui corda docet:* inquit S. Augustinus. Idcirco Christus prædicando tantum, convertit tam parum. Spiritu S. non illuminante intrinsecus, totum dicere, quantumcunque sit divinum, est dicere; *Quacunque dixerò vobis:* vocibus verò exterioribus, interiùs luce ipsius adjutis, mox dicere cujuscunque demum, est docere; quia solus Spiritus S. est qui docet, *Ille vos docebit.*

Quare Spiritus S. hodie super Apostolos non in linguis tantum,

sed in linguis igneis vobis apparuisse videtur? Quia linguæ loquuntur, ignis illuminat. Ad convertendas animas non sufficiunt tantum verba, sed cum verbis lux est necessaria. Si Prædicatore loquente forinsecus, Spiritus S. illuminat intrinsecus: si vocibus tendentibus ad aures, radii lucis ipsius corda penetrant, mox convertitur mundus. Ità hoc ipso die Hierosolymis evenit. S. Petrus ex Hierosolymitano egressus cœnaculo, divino hoc inflammatus igne, quendam ex Joële Propheta assumptum locum explicat & declarat populo: cumque Populus, cui prædicabat, idem ille esset obstinatus & cæcus, qui paucos ante dies Christum in crucem egerat; ejusdem tria millia prædicatione moti, ipsum verum Dei Filium confessi, ad fidem sunt conversi. O admirabilem Lucis Spiritus S. efficaciam! ô notabilem & vestram & meam confusionem! Piscator aliquis prædicatione tantum unâ, & Scripturæ loco tantum uno, hodiernâ die infidelium tria millia convertit: & ego eodem die quinque & sex prædicationibus, tot Scripturis, tot argumentis, tot rationibus, tot evidentiis, ne vel uni persuadere possum Christiano. Hujus autem ratio est, quia ego verba facio, & Spiritus S. nostræ defectu dis-

posi-

positionis, illuminando non concurrit. Divine Spiritus, ne, quæso, indignitas mea, animabus istis, quarum amore de cælo in terram descendisti, fructui sanctissimi adventus tui obicem ponat! *Veni S. Spiritus, & emitte cælitus lucis tui radium.* Veni Domine, & è cælo efficacem lucis tuæ radium nobis immitte, non propter nostra merita, quorum indignitatem agnoscimus; sed propter infinitam bonitatem tuam, & Sanctissimæ Sponsæ tuæ intercessionem. Ave Maria.

## §. II.

*Ille vos docebit omnia.* Christus dicit Apostolis, quod Spiritus S. eos docebit. Et quod sit Christus, & quod sit Dei Filius hæc verba proferens, intelligentiæ eorundem & rationi secundam excitat difficultatem. Filio Dei qui secunda est SS. Trinitatis Persona, attribuitur Sapientia; Spiritui S. qui est tertia, Amor. Quo supposito, persona Spiritus Sancti docendi officium personæ Filij commendare debuisse videtur; & non Filius Spiritui Sancto. Quod Amor docendi officium commendat Sapientiæ, bonum est; sed quod Sapientia idem commendat Amori: *Ille vos docebit*? hoc casu sic; quia ad docendos infideles

& barbaros, licet cum primis necessaria sit Sapientia, multò nihilominus magis necessarius est Amor. Ad docendum necessarium semper est amare & scire; quia qui non amat, non vult; & qui non scit, non potest: ista verò scientiæ & amoris necessitas non æquali semper passu ambulat. Ad docendas nationes Fideles & Politicas, majore semper scientiâ quàm amore opus est: ad docendas verò nationes barbaras & incultas, major semper amor, quàm scientia vel sapientia requiritur. Persona secunda Filius, & tertia Spiritus S. utraque ad docendas salvandasque animas in mundum venit: Filij verò missio ad Gentem fidelem & politicam; & Spiritus Sancti missio ad omnes Nationes barbaras & incultas primariò fuit directæ. Filius ad unam tantum Nationem fidelem & politicam fuit missus, ad solos nimirum Filios Israël, sicut ipsemet Christus de se dixit: *Non sum missus, nisi ad oves, quæ perierunt, domus Israël.* Spiritus S. principaliter ad Nationes incultas & barbaras, quia ad omnes omnino Nationes mundi fuit missus; propterea enim in tantâ descendit & apparuit diversitate linguarum: *Apparuerunt dispersæ lingue.* Porro, quia missio prima ad unam Nationem tantum politicam, & secun-

*Act. 2. v. 3.*

secunda ad omnes dirigebatur nationes barbaras, convenientissimum omnino erat, ad primam, illam venire personam divinam, cui non amor, sed sapientia attribuitur: & ad secundam, alteram similiter divinam venire personam, cui non sapientia sed attribuitur amor. Ad docendos homines doctos & politicos modicus sufficit amor, multa requiritur scientia: ad docendos vero homines barbaros & incultos, modica quamvis sufficiat scientia, multus magnusque requiritur amor.

*Marc. 16. v. 15.* Spiritus Sanctus hodie descendit in linguis, ad formandos Apostolos in magistros & Prædicatores: sed quorum? ipse Christus, qui prædicare illos misit, id expressit: *Euntes in mundum universum predicate Evangelium omni Creatura.* Domine, omni creaturæ? (consideratio est Beati Gregorij Papæ) scio equidem creaturas esse homines; sed & animalia bruta, arbores & lapides sunt creaturæ. Si igitur Apostolis omnibus prædicandum est creaturis, nunquid etiam prædicandum est brutis? nunquid prædicandum est truncis? nunquid etiam prædicandum saxi? etiam, inquit Christus, *Omni Creatura*: non quia Apostolis prædicandum erat lapidibus,

*Part. III.*

truncis, & brutis; sed quia prædicandum erat omnibus nationibus, & linguis barbaris, & incultis mundi, quas inter inventuri erant tam irrationales velut bruta, tam insensitivos velut truncos, nec non tam induratos & stupidos sicut lapides. Et quod Apostolus efformare & emollire aggrediatur lapidem, erudire & figurare truncum, instruere & rationis usu imbuere brutum, ecce annon singularis ad hoc Dei amor requiratur! in aliquo eorundem hoc videbimus.

Paucis ante diebus, quam Christus Apostolos ad prædicandum mitteret in mundum, hanc S. Petro proposuit quæstionem: *Simon Ioannis diligis me plus his?* respondit Petrus: *Etiam Domine, tu scis quia amo te.* Quo audito, eandem Christus repetit quæstionem: *Simon Ioannis, diligis me plus his?* eadem Petrus' submissione respondit: *Tu scis, quia amo te.* Quo responso secundâ vice audito, eandem Christus tertio iterat quæstionem, & asserente Textu, *Contristatus est Petrus, quia dixit ei tertio amas me?* verè hæc materia & instantia non vulgarem inducere poterant anxietatem. Prima mihi fronte

*Ioan. xxi. v. 15.*

Qq

verba

verba ista legenti, ista amoris toties repetita exploratio id respicere fuit visa, quasi Christus Petro Hierosolymam pergere, Caiphæ intrare palatium, in eodēque ubi negaverat loco, retractare publicè, nec non altā voce, Magistrum suum esse Messiam, veriq; Dei Filium confiteri mandaret: & si propterea mortem oppetere, ignesque subire compellerent, vitam sibi eripi, in cineresque se redigi, alacri ferret animo. Id spectare putabam, istas interrogationes & toties repetitam amoris S. Petri explorationem. Sed eādem semper formā respondentī, quod amaret, Christus non aliud dixit,

*IOAN. 21. v. 17.* quā *Pasce oves meas*: si me tantum amas Petre, illud meas pascendo oves demonstra. Hic ego profectō miror. Ad pascendas igitur oves Christi, tam solenne amoris Dei requiritur Examen? semel, *Diligis me?* iterum, *Diligis me?* & tertio, *amas me?* nec solum, *Diligis me*, sed *diligis me plus his*, id est, quā omnes? ita. Agite.

Pascendæ S. Petro oves, erant universi mundi Nationes, quas Christus ex omni mundo erat collecturus, ut ex omnibus unum faceret ovile, quod est Ecclesia; sub uno tantū Pastore, qui est S. Petrus:

*IOAN. 10. v. 16.* *Et alias oves habeo, quæ non sunt ex hoc ovili, & illas oportet me addu-*

*cere, & vocem meam audient, & fiet unum ovile, & unus Pastor.* Ita ut Grex, quem Christus commendavit Petro, nondum esset formatus, sed adhuc foret formandus, ovesque nondum mansuetæ, sed adhuc mansuefaciendæ: erant Lupi, erant Ursi, erant Tygrides, erant Leones, erant serpentes, erant dracones, erant aspides, erant basilisci mediante Prædicatione in oves convertendi. Erant Nationes barbaræ & incultæ; erant Nationes feræ & indomitæ; erant Nationes crudeles & truculentæ; erant Nationes sine humanitate, sine ratione; & plurimæ earum sine lege, quæ mediante Fide & Baptismo reddi debebant Christianæ: ad pascendum verò & mansuefaciendum similem Gregem; ad instruendas & excolendas similes Gentes, magna amoris Dei requiritur intentio: opus est amare Deum: *Diligis me?* opus est magis amare Deum: *Diligis me?* nec solum amare Deum semel, iterum, tertio; sed plus amare quā omnes: *Diligis me plus his?*

Etiam mansuetis & domesticis ovibus, quas Christus commendabat S. Petro, magnus & multus necessarius est amor, ad subeundum & tolerandum pascendi & custodiendi laborem. Exemplo sit Jacob, Pastor Labani, de quo sacra Scriptu-

Gen. 29  
v. 20.

Scriptura refert, quod omnem laborem & molestiam, levem tolerabilemque reddiderit amoris vehementia: *Præ amoris magnitudine.* Porro si ad pascendas oves mansuetas necessarius est amor, & amor ingens; quid non requiretur ad educendas oves feras è dumetis ad eas cicurandas & attemperandas nostris alimentis, assuefaciendas voci Pastoris, ad obediendum Pædo pastoralis; & super omnia animosè se exponendum faucibus earum & dentibus, quousque adhuc feræ sunt & non oves? Si requiritur amor, ut quis Pastoris fungatur officio, erga oves quæ pascuntur in pratis, & bibunt de flumine; quis quæso necessarius erit amor, ut quis Pastoris subeat officium, erga oves quæ suum quandoque devorant Pastorem, ejusque sanguinem potant? Hinc tertiâ vi-  
ce Christus de amore interrogat Petrum: hinc Spiritus S. Deus amoris hodie istos Pastores, istosque Magistros formaturus advénit; & hinc Magister divinus, suos hodie Discipulos de sapientiæ schola, ad amoris scholam traducit: *Ille vos docebit.*

### §. III.

**A**Gedum, doctrinam istam universalem ad particularem Terram, in qua vivimus applican-

do. Dico: quod si aliis in Terris, Apostolis eorumque in ministerio successoribus, magnus amor Dei est necessarius ad docendum; in hac Terra, & in his Terris multò adhuc major, quàm in ulla alia amor Dei requiritur. Et quare? ob duo principia: Primò, ob Gentis qualitatem, seu indolem: secundò ob linguarum difficultatem.

Primò propter indolem Gentis; harum enim Terrarum natio magis est bruta, magis est ingrata, instabilis ac refractaria, difficiliorisque eruditionis præ cæteris mundi nationibus. In hujusce probationem sufficiebat quidem experientia: sed insuper (quis hoc cogitasset?) attestatum habemus Evangelicum. Modum & formam, quâ Christus Discipulos in mundum misit, Evangelista S. Marcus describens, inquit: *Exprobravit incredulitatem, & duritiam cordis, quia iis, qui viderant eum resurrexisse non crediderunt: & dixit illis: euntes in mundum universum prædicare Evangelium omni creaturae.* S. Petro, obtigit Roma & Italia: S. Joanni, Asia minor: S. Jacobo, Hispania: S. Matthæo, Æthiopia: S. Simoni, Mesopotamia: S. Judæ Thaddæo, Ægyptus: aliis provinciæ aliæ. Denique S. Thomæ, hæc, in qua degimus, pars Americæ; quam nomine vulgato & indigno

Marc.  
16.v.14.  
& 15.

Brasiliam appellant. Ego nunc quæro; quare S. Thomæ, & non alii Apostolo in provinciarum partitione Brasilia obvenerit? audite, quare.

Authorum neotericorum quidam observant, Christum fidei per mundum prædicationem insinuas-  
se Apostolis de incredulitatis culpa primò reprehensis, ut subeundi in prædicationis officio labores in poenitentiam ipsis, ejusdemque incredulitatis, nec non duritiæ cordis, & tarditatis ad credendum purgationem cederent. *Exprobravit incredulitatem eorum, & duritiam cordis; & dixit illis: euntes in mundum universum.* Proinde, quia S. Thomas omnes inter Apostolos, ratione incredulitatis maximè fuit reprehensibilis, in partitione mundi, ipsi missio obtigit Brasiliæ: ubi etenim major præcesserat culpa, condignum erat ut major ibidem sequeretur poenitentia. Quasi Christus dixisset: alii Apostoli minus ex incredulitate culpabiles prædicatum abeant Græcis, Romanis, Æthiopibus, Arabibus; prædicatum abeant Armeniis, Sarmatis, Schytis: est S. Thomas, ex incredulitate cæteris reprehensibilior, vadat prædicatum Gentilibus Brasiliæ, incredulitatisq; suæ, magis barbaram magisque duram docendo Gentem, duritiam luat.

Quod eventus comprobavit. Lusitani Brasiliam detegentes, S. Thomæ vestigia lapidi invenerunt impressa, qui hodie in littoribus videtur Bahiæ: Prædicatæ verò à S. Thoma fidei, nec vestigium, nec memoriam invenerunt in hominibus. Barbaries gentis melius probari aut exaggerari nequibat. In lapidibus inventa sunt vestigia Prædicatoris; in Gente nullum inventum fuit vestigium prædicationis: lapides retinuerunt memoriam Apostoli, corda non conservarunt memoriam doctrinæ.

Cur non conservarint mox dicemus: sed gravi emergenti dubio, contra quod dicimus, in primis satisfaciendum est. Non dantur Gentiles in mundo minus fidei doctrinæ rebelles, aut ad amplectendam recipiendamque eam faciliores Brasilianis: Quonam igitur pacto incredulitatis S. Thomæ punitio-  
nem fuisse asseruimus, quod Gentii isti venerit prædicatum? verum ita fuit (aut saltem esse potuit) non quod Brasiliani magna facilitate non credant, sed quod ipsa credendi facilitas causa sit, ut eorundem credulitas certo modo sit quasi non credere. Alii Gentiles infideles sunt usq; dum credant; Brasiliani jam credentes, adhuc sunt infideles. In aliis Gentibus infidelitas est infidelitas, & fides est fides;

in

Matth.  
24.23.

in Brasilianis ipsa fides, vel est, vel esse videtur infidelitas. Brasilienses sunt instar Patris Lunatici istius Evangelici, qui eadem accidentia patiebatur in fide, quæ filius in iudicio. Dixit illi Christus: *Omnia possibilia sunt credenti*: & ille respondit: *Credo, Domine, adjuva incredulitatem meam*. Propositionis huius terminos Sancti valde considerant; & reverà multum in ea considerandum sese offert. Dicens, *Credo*, credit, fidemque habet: dicens, *adjuva incredulitatem meam*: nec credit, nec fidem habet. Quomodo igitur istud erat? Homo iste credebatur, & non credebatur; fidem habebat, & simul non habebat? Itaque inquit Venerabilis Beda: *Uno eodemque tempore is, qui nondum perfectè crediderat, simul & credebatur, & incredulus erat*. Eodem tempore homo iste credebatur, & non credebatur; erat enim fides quæ credebatur, tam imperfecta, ut ex una parte, videretur & esset fides; & ex parte altera videretur, & esset incredulitas: uno eodemque tempore & credebatur, & incredulus erat. Huiusmodi Brasiliensium est fides: est fides, quæ videtur incredulitas; & est incredulitas, quæ videtur fides. Est fides; nam sine hæsitacione credunt, & sine contradictione consentiuntur omnia quæ docentur: & videtur incredulitas; quia eadem,

quæ didicerunt, facilitate dediscunt; eademque quæ crediderunt facilitate, non credunt.

Sic Sancto Thomæ cum ipsis evenit. Quare S. Thomam tantillo temporis spatio Brasiliam transisse putatis, cum regio sit tam lata, terraque tam vasta? ex hac sola causa, quia indigenæ prædicatam sibi à Sancto fidem tam alacri & expedito sine omni contradictione & obice receperunt animo, ut multum ibidem impendere temporis fuerit supervacaneum. Mox verò ut sanctus Apostolus mari se commisit (hac etenim viâ in Indiam abiisse dicitur) mox inquam, ut S. Apostolus (sic loqui lubet) tergum vertit, eodem Brasiliensi momento quicquid ab ipso didicerant, fuerunt obliti, coeperuntque non credere, seu non curare quod crediderant: quod irrationalis magis incredulitatis est genus, quam si credidissent nunquam. In India verò S. Thomas Gentilibus ibidem, sicut in Brasilia prædicavit: similiterque elapsis ab inde mille quingentisque annis venientes eò Lusitani quid invenerunt? non solû sepulchrum, & sacra S. Apostoli ipsa martyrii; ipsius instrumenta, sed vivens in memoria indigenarum nomen, & quod plus est, prædicatam ipsis Christi fidem: & S. Thomæ

Qq 3

Chri-

Christianos se se compellantes , quotquot per latissimam illam plagam se extendunt de Choromandela, ubi Sanctus est sepultus.

Enim verò, quænam putatur ratio, quod in Indiæ, & non Brasi-  
liæ gentilitate prædicata à Sancto  
Thoma fides fuerit conservata? quod si illa Brasi-  
liæ absentia Apostoli fuit desolata, idem omninò  
illi Indiæ, ejusdem sancti Apostoli  
morte accidit. Proinde si illis in  
nationibus, tot centenis annis fi-  
des fuit conservata, in hisce quare  
tam citò evanuit? quia hoc discrimine ab invicem distant. In illis In-  
diæ multi ad fidem sine Prædicato-  
rum assistentia sustentandam sunt  
idonei, Brasiliensibus verò nullus  
hâc præditus capacitate. Ex hoc  
vel maximè capite conversio hîc  
difficilior existit. Semper hic incul-  
candum & docendum quod jam  
est intellectum; semper inferen-  
dum, quod jam est natum, sub pœ-  
na, quod oleum perdetur & opera.  
Stella, quæ Magis in Oriente appa-  
ruit, ad præsepium jam deductis  
disparuit. Quare? quia Gentili-  
um plurimi ex Oriente, aliisque  
mundi partibus, annunciato sibi  
seu demonstrato à Prædicatoribus  
Christo jam idonei sunt illinc dis-  
cedere, illosque relinquere. Hoc  
pacto S. Philippus, Candacis Æ-  
thiopum Regina Eunuchum ex-

plicatâ Isaia scripturâ, fidei, divi-  
nitatisque Christi imbutum noti-  
tiâ, in præterfluente Gazæ batri-  
zavit: quo vix baptizato, inquit  
Textus, quod Angelus raptum ex-  
templò Philippum transtulerit; nec  
Eunuchus eum ampliùs viderit: *Cum  
autem ascendissent de aqua, Spiritus* *Actor.*  
*Domini rapuit Philippum, & am-* *8. v. 39.*  
*pliùs eum non vidit Eunuchus.* Dis-  
parente stellâ, fides perseveravit in  
Magis: disparuit S. Philippus, &  
fides permansit in Eunuchò: ista  
verò capacitas quæ in Gentibus in-  
venitur Orientis & Æthiopiarum, non  
invenitur in illis Brasi-  
liæ. Stel-  
lam, quæ eos illuminârit, dispare-  
re non oportet sub pœna extin-  
guendam aliàs doctrinæ lucem:  
Apostolum qui eos Baptismi tin-  
xerit aquis, recedere non est con-  
sultum, ne aliàs pessum eat Baptis-  
mi fructus. Necessum est omni-  
nò in hac vinea, ut arundo doctri-  
næ pedi semper sit juncta trunci,  
vitique alligata, ut & fructus, & la-  
bor proficiat.

Vos qui peragrando mundum  
domos voluptuarias lustrâstis Prin-  
cipum, in illis utique quadris, in il-  
lis utique hortorum porticibus bi-  
na videritis effigiarum statuarum  
diversa valde genera; alias ex mar-  
more, alias ex myrto. Efformata ex  
marmore statua operosi est labo-  
ris, magnique moliminis, ob ma-  
teriarum



teriarum duritiem & resistantiam; semel verò perfecta, ad figuræ suæ conservationem, ne manus quidem indiget adminiculo: statua verò ex myrto, ob ramorum flexibilitatem, sine labore conficitur; continuâ verò reformatione, & labore, ad sui conservationem indiget. Si hortulanus cultricem manum subtraherit, vel quatrivultum tantum spatio, ramus pullulat qui oculos transfigit; pullulat alius; qui aures deformat; duo pullulant, qui quinque digitos in septem multiplicant; & qui ante apparebat homo, viridem myrti confusionem refert. Ecce differentiam inter has aliasque nationes in doctrina Fidei occurrentem! nonnullæ dantur nationes naturaliter duræ, obstinatæ, & immobiles, quæ difficulter fidem recipiunt, prædecessorum suorum erroribus mordicè inhærentes: armis resistunt, intellectu dubitant, voluntate repugnant: disputant, argumentantur, opponunt, nec nisi summo labore ad submittendum se cedendumque adiguntur: semel verò victi, receptâ semel fide, stabiles & immobiles marmorearum ad instar statuarum in eadem perseverantes, nullius amplius laboris indigent succursu. Vice verò versâ aliæ dantur Nationes (quales & hæc sunt Brachylogæ) quæ docilitate & facilitate

magna propositam sibi doctrinam, nihil opponendo, non argumentando contra, nihil dubitando, nedum resistendo promptissimè recipiunt; sed myrtinarum sunt ad instar statuarum, quæ hortulano subtrahente manum & forcem, artificiosè inductam sibi amittentes figuram, sylvestrem sibi que nativam reinduunt formam. Hæ statuarum non intermissâ Magistri sui indigent assistentiâ; nunc ut abscindat quod oculos impedit, ut non visa credant: nunc circumquaque amputet, quod aures obstruit, ne prædecessorum suorum fabulas audiant: nunc sollicitè præscindat, quod manus pedesque seducebat, ut deinceps ab actibus, consuetudinibusque barbaris abstineant. Et hoc tantum pacto, contra naturam laborando trunci, humoremque radicum, rudibus & sylvestribus illis in plantis non naturalis, sed infictitia forma ramorumque compositio conservari potest.

Ecce rationem, quare dico, difficilius esse Gentilitatem hanc, quàm aliam quamcunque excolere mundi: nisi ipsi adfiteritis, perit labor, sicut ille S. Thomæ: utque fructum afferat labor, majore efficiendum est labore, qui est, illis assistere: assistendum est illis semper, & insistendum, eundem iterando laborem, plantandoque jam plantatum

tatum, eandemque reperendo doctrinam; & nunquam ab opere relevando manum, quia operi etiam jam peracto semper applicanda venit. Prædicatores Evangelici in hac formanda mundi parte gerere se debent, sicut in creatione conservationeque Universi se Deus gessit & gerit. Deus creata omnia sexidui spatio condidit: illisque jam conditis quid fecit, & in præsentem usque diem quid facit? Christus id dixit: *Pater meus usque modò operatur, & ego operor.* A mundi exordio in præsentem usque horam, ne ad momentum quidem temporis, Deus manum ab opere subtraxit: eodemque quo Deus mundum condidit actu, ipsum semper conservavit, conservat, conservabitque usque in finem. Et nisi Deus hoc fecerit, si destiterit, si vel ad momentum manum ab opere amoverit, eodem mundus momento peribit, in nihilumque redigentur omnia tot annis perfecta. Par omninò novæ huius mundi partis in spiritualibus est conditio; similemque laborem & industriam huic impendere oportet eos, quicunque conversionem reformationemque ejus in se ceperunt. Ad creandum, paucis sufficit laborare diebus; ad conservandum verò non multis solum diebus, & annis, sed semper assi-

stere laboremque continuare oportet. Et fortasse sub hoc mysterio Christus Apostolis dixit: *Prædicate omni Creatura.* Non dixit, ite, prædicare à me redemptis, sed prædicare à me creatis; redemptio enim dei unius fuit opus, creatio verò dierum omnium opus existit. Christus tantum semel redemit, & non redimit semper: Deus creavit semel, creatque semper. Ita nationes istæ tractandæ & excolendæ sunt: redemptionis pretium non eo, quo redemptæ, sed quo creatæ sunt, modo ipsis applicandum est; quemadmodum Deus semper creat creatum, sic Magistri Prædicatoresque gentis illius semper docere debent doctum, convertere conversum, & perficere factum: factum, ne destruat; conversum ne pervertatur; doctum, ne è memoria elabatur: denique non incredulam adjuvare incredulitatem, ut fides sit fides, non infidelitas: *Credo, Domine, adjuva incredulitatem meam.* Porro cum tantopere sit necessarium nationibus istis assistere, & in eorum climate, & in eorundem commercio, nec non miseriis, totque aliis discriminibus & desolationibus, vitæ, salutisque necessarijs subsidijs, & quibuscunque naturæ humanæ requisitis: pensate annon pro tanto molimine singu-

*Marc.  
16. v. 13.*

*Joan. 5.  
v. 17.*

*Marc.  
9. v. 23.*

laris requiratur amoris divini æstus, & Christus gravissimo ex motivo magisterium docendique officium alicui committat Deo, qui affectu & effectibus totus amor existat: *Ille vos docebit omnia?*

## §. IV.

**C**ircumstantia secunda magnum amoris divini talentum exigens, linguarum est difficultas. Si Spiritus sanctus hodie dum, ut olim, in linguis miraculosis descenderet, prædicare Gentilibus difficultate careret: istud verò Idioma studio & exercitio addiscere, operosus labor est, quem non nisi ingens amor Dei devorare potest. Apparuit in visione Ezechieli Prophetæ Deus librum tradens ad devorandum, prædicandumque Filiis Israël, quicquid eo continebatur: *Comede volumen istud, & vadens loquere ad Filios Israël.* Aperiens os suum Prophetæ, præ reverentia librum tangere non ausus, comedit illum, optimè sibi sapuisse, melleque sibi dulciorem fuisse protestatus: *Comedi illud, & factum est in ore meo sicut mel dulce.* Quod si homines librum quempiam ad instar boli deglutire possent, quàm facili negotio addiscerentur scientiæ & linguæ! ô quàm facilis addiscendi modus! ô quàm expedita studendi me-

*Pars III.*

thodus: hoc modo & methodo Deus in momento docebat Prophetas; & hodie Spiritus sanctus altero momento erudit Apostolos, de repente scientijs se inventes instructos, in Scripturis eruditos, expeditos in linguis; totum enim illud infusum ipsis fuit illo Repente, quo Spiritus Sanctus super ipsos descendit: *Factus est repente de cælo sonus, tanquam advenientis Spiritus.* Comedere verò libros de folio ad folium; haurire scientias de bolo ad bolum, & ingenti quandoque fastidio; mastigare idiomata aut linguas, de verbo ad verbum, de nomine ad nomen, de syllaba ad syllabam, immò de litera ad literam; profectò durum quid est, & valde insipidum & amaritudine plenum; quod solus Deus in dulcedinem convertere potest. Hoc modo Deus eidem Ezechieli Prophetæ, supracitato loco, terminis specialibus, notatūq; dignissimis abblanditus legitur.

*Vade ad domum Israël, & loqueris verba mea ad eos: non enim ad populum profundi sermonis, & ignota lingua tu mitteris, neq; ad populos multos profundi sermonis, & ignota lingua, quorum non possis audire sermonem. q. d. Vade Ezechiel, prædica Filiis Israël, quæ tibi dixi, neque missionem subire detrectes, quasi ad arduum quid & difficile te mitti*

R r

putes

putes, attende tantum quo vadas, & quo non vadas. Genti ejusdem tecum nationis & linguæ prædicatum te destinari considera, quem tu intelligis quique te intelligit: *Ad domum Israël*: non ad diversæ nationis, linguæque peregrinæ & differentis gentem, neque ad diversarum nationum, multarumque & differentium linguarum gentes, quarum idiomatica nec intelligas, nec quæ te intelligant loquentem, te prædicatum pergere adverte: *Non enim ad populum profundi sermonis, & ignota lingua tu mitteris: neq; ad populos multos profundi sermonis, & ignota lingua, quorum non possis audire sermones.* Ita ut (si bene advertitis) Deus in officio prædicationis tria distinguat conatum & laborum genera. Expeditum & facile unum; arduum alterum: tertium difficillimum. Conatus laborve facilis & expeditus, est ejusdem secum nationis & linguæ populo prædicare: *Vade ad filios Israël*: arduum est, differentis nationis & linguæ populo prædicare: *ad populum profundi sermonis, & ignota lingua.* Difficillimum verò non unius tantum, sed multarum nationum diversarum gentibus, nec unâ tantum, sed multis diversis, incognitis, obscuris barbarisq; linguis intellectu impossibilibus differentibus popu-

lis prædicare: *ad populos multos profundi sermonis, & ignota lingua, quorum non possis audire sermones.*

Ad primi generis opus, scilicet facile & expeditum, Deus Ezechielem omnesque alios veteres misit Prophetas, qui omnes (exceptis Jonâ ac Jeremiâ) suæ Gentis linguæque populo prædicarunt. Secundi tertiiq; generis negotium & molimen Apostolis legisq; gratiæ Prædicatoribus, & hos inter, Lusitanis specialiter fuit reservatum: & inter Prædicatores Lusitanos adhuc specialius illis hujus conquisitionis, quæ tot, tam alienas, tam barbaras, nunquam auditas, incognitas, & ne imaginatas quidem complectitur linguas. Lusitania Missionarios destinat in Japoniam, quinquaginta tria, vel ut alii scribunt, sexaginta regna continentem; atq; linguâ, quamvis ignotâ, tantum utuntur unâ: *ad populum profundi sermonis, & ignota lingua.* Lusitania Missionarios dirigit in Chinam imperium vastissimum, in quindecim provincias divisum, quarum quælibet multa regna constituere posset; sed linguâ similiter, quamvis ignotâ tantum utitur unâ: *ad populum profundi sermonis, & ignota lingua.* Lusitania Missionarios ablegat in Mogor, in Persidem, in Æthiopiam, imperia vasta, valida, dilatata & è

majore

majoribus imperiis mundi : sed quodlibet linguæ tantum est unus ! *ad populum profundi sermonis, & ignota lingua* : Missionarii verò, quos Lusitania Maragnanam, quamvis imperii regnive nomine carentem, dirigit, reverà sunt illi, quos Deus pro tertio, ultimo, difficillimoque negotio reservavit ; quia prædicatum vadunt Gentibus, tam diversarum, & incognitarum linguarum, ut hoc solum de illis constet, quod sint innumerabiles : *ad populos multos profundi sermonis, & ignota lingua, quorum non possis audire sermones*. Ob magnam linguarum differentiam, fuit qui flumen Amazonicum vocavit flumen Babylonicum ; aquæ verò improprium est illi nomen Babylonis, uti illud fluminis. Improprium est illi nomen fluminis ; quia reverà est mare dulce, Mediterraneo majus oris seu ostii latitudine. Mare Mediterraneum in amplitudine oris milliaria habet septem, & flumen Amazonicum octoginta : mare Mediterraneum à freto Gaditano usque ad littera Syriæ, quæ longitudo est maxima, mille continet milliaria completa : & fluminis Amazonici à civitate Bethlehemitica sursum versus numeratis jam tribus milliarium millibus adhuc ignoratur principium. Hinc illud indigenæ Para, Lusitani verò Ma-

ragnanam appellant ; quæ omnia intinquare seu dicere velle videntur mare ; & mare magnum. Similiter improprium est illi nomen Babylonis ; in constructione quippe turris Babylonicæ, referente S. Hieronymo, septuaginta duæ tantum fuerunt linguæ ; quibus verò fluminis Amazonici utuntur accolæ, tot, tamque sunt diversæ, ut nec nomen earum sciatur, nec numerus. Linguæ usque ad annum sexcentessimum trigessimum nonum in detectione fluminis Quito, centum & quinquaginta erant numero. Subsequente tempore plures aliæ, in minore fluminis parte, immensis ejusdem brachiis, nationibusque ea incolentibus sunt detectæ. Tot sunt populi, tam ignotæ & abstrusæ linguæ, tamque inusitatæ & nunquam auditæ intelligentiæ : *ad populos multos profundi sermonis, & ignota lingua, quorum non possis audire sermones*.

In hac ultima Prophetæ clausula : *Quorum non possis audire sermones* : *ly audire*, significat intelligere ; quia quod non intelligitur, quasi non auditur. Verum in multis conquisitionis hujus nationibus, idem verbum in sensu naturali, prout sonat, verificatur ; quia dantur in eis linguæ tam obscuræ, & mutilæ pronuntiationis, ut verè non audiri dici possint : *quorum non*

*possis audire sermones.* Contigit mihi multoties, quod aures Barbari, immò interpretis ori applicando nec syllabas distinguere, nec vocales aut consonantes, ex quibus formabantur percipere possem; dum eandem literam cum duabus tribusve aliis æquivocaret (seu quod magis erat evidens) aliis commiscendo confunderet: nonnullæ tam subtiles & tenues, aliæ tam duræ & asperæ, aliæ tam internæ & abstrusæ, ut in gutture potius suffocata, quàm linguâ pronuntiata: aliæ adèd præcisæ & celeres, aliæ tam extensæ & productæ, ut auditus non nisi confusionem percipiat: cùm in toto rigore certum sit, quod tales linguæ non audiantur, eò quod non nisi sonitus, & non articulata & humana verba percipiantur, sicut inquit Prophetæ: *Quorum non possis audire sermones.*

De Joseph, Israëliticove populo in Ægypto, ad singulariter exaggerandum laborem, inquit Psalm. 80. v. 6. *mographus Rex: Linguam, quam non noverat audivit.* Si labor est audire linguam, quâ non intelligitis; quanto major labor erit, intelligere debere linguam quam non auditis? Primus labor est illam audire; secundus illam percipere; tertius ad grammaticam illam reducere & præcepta: quartus illi

intelligendæ insudare: quintus (& non minimus, qui etiam S. Hieronymum dentes detêrere coegit) illam pronunciare. Et omnibus hisce laboribus jam devoratis, necdum laborare cœpistis, sunt etenim dispositiones tantummodò ad laborandum. S. Augustinus Græcæ addiscendæ linguæ operam navaturus, ubi ad declinationem secundam pervenit, sub qua declinatur *Ophis*, id est, serpens, progredi cessavit scitè dicens: *Ophis me terruit.* Si igitur S. Augustinus tanquam Augustinus, Si humanorum ingeniorum aquila, tantam in addiscenda lingua Græca difficultatem sensit, quæ Latinos inter tam est vulgaris, & suppetentibus Magistris, libris, artibus, vocabulariis, requisitisq; aliis discendi instrumentis tam expedita redditur & facilis; quid, quæso, sentiendum de barbaris & barbarissimis nonnullarum gentium linguis, ubi nunquam visus, qui aut legere aut scribere nosset? Quid erit discere, Nheengaïba, Juruuna, Tapaiù, Teremembè, Mamayana, quarum literarum vel sonus tantum incutit horrorem?

Literæ Chinenium & Japonensium magnam continent difficultatem; sunt enim Hieroglyphicæ, velut illæ Ægyptiorum: sed tandem non est aliud, quàm addiscere lin.

linguam Gentis politicæ, operamque illis navare mediantibus literis & papyro. Verùm brutali brutorumque se se implicare linguæ, sine libro, sine Magistro, sine duce, inque mediis illis obscuritatibus & dissonantiis prima ejus fodere fundamenta, & prima ejusdem rudimenta retegere, distinguere nomen, verbum, adverbium, propositionem, numerum, casum, tempus, modum, & modos nunquam visos nec imaginatos, velut ab hominibus, qui tantum ab aliis & moribus & linguis differunt, non est dubium, quin, cujuscunque demum, ingenio seu intellectui, multoq; magis voluntati arduum videatur opus, quæ non fuerit Deo jam protinus immolata eisdemq; intimè conjuncta. Linguas repente prodigiosè accipere è cœlo, sicut illas acceperunt Apostoli, maxima fuit felicitas: illas verò acquirere addiscendo, de verbo ad verbum, de vocabulo ad vocabulum, mediante studio, continuanteque labore & diligentia; quemadmodum majoris id est meriti, ita differentem quoque implicat laborem: & pro utroque magna requiritur gratia Spiritus sancti, ingensq; amoris divini ardor. Majore amor Dei, hoc casu eum Prædicatoribus Evangelicis rigore utitur, quam ejusdem justitia cum tur-

ris Babylonicæ fuit usa constructo-ribus. Turris illius ædificatores divina justitia non ad discendas, sed ad depromendas varias linguas condemnavit: fidem verò Gentilibus prædicaturos Dei condemnavit amor, non ad linguas eorum exprimendas, sed ad discendas, quod nisi urgeret amor, majorem inferret poenam. Qualis verò requiretur vis amoris, ut homo quispiam, vel tot homines, voluntariè se offerant, & non solum singuli ad singulas (velut illi turris Babylonicæ) sed multi ad multas addiscendas se quasi devoveant.

Verùm enim verò, interrogari me à vobis video: Si Deo tam facile est linguarum scientiam in momento infundere, & si quondam Apostolis ad prædicandam fidem per mundum, linguarum donum impertiit; quare idem nunc donum ejusdem fidei Prædicatoribus, in Christianitatibus, seu Gentilitatibus novis, sicut istis nostris non prærogat? dubium istud jam est antiquum, & à S. Gregorio Papa, & à S. Augustino Episcopo, quamvis diversimodè enodatum. Ratio literalis est, quia Deus ordinariè, sine necessitate miraculosè non operatur: deficientibus viribus humanis, defectum hunc supplent divinæ. Porro quia Christus duodecim tantum hominibus mun-

Rr 3

dum

dum convertere volebat ; tanto convertendo mundo , tot civitatibus , tot regnis , tot provincijs tam paucorum operâ Prædicatorum fidei subjugandis , omnium linguarum scientiam ipsis infundi protinus necessarium erat ; siquidem ad discendum nec tempus , nec oportunitas suppetebat : verum jam sic dilatarâ & propagatâ , uti hodie dum est , fide , ministrisque multiplicatis , qui singularum nationum addiscendo linguas prædicare possent , linguæ miraculosæ cessârunt : quia supervacanea erat miraculi continuatio. Ecce illud in linguis Spiritûs Sancti.

*Actor.*  
*2. v. 3.* *Apparuerunt illis dispersita lingua tanquam ignis , seditque supra singulos eorum.* Nescio utrum distinctionem advertatis : apparuisse linguas , ignem verò sedisse dicit. Enim verò , quare non sederunt linguæ , sed ignis sedit ? quia linguæ non venerunt de sede , ignis verò sic. Geminum hodie Apostolis à Spiritu Sancto primariò collatum est donum : linguarum scilicet , amorisque Dei. Donum linguarum non sedit , quia perseveraturum non erat , universaliterque cum Apostolis finem accepit : *Apparuerunt dispersita lingua.* Apparuerunt & disparuerunt linguæ. Donum verò ignis , donum amoris Dei sedit : *Sedit supra singulos*

*eorum* ; quia de sede venit , & non in Apostolis tantummodò , sed in omnibus ipsorum successoribus perseveravit. Et istud omnia comprobant sæcula ; & nos hodie tot videmus viros Apostolicos , in quibus iste tam vivaciter operatur ignis , iste sic ardet spiritus ; & iste amor tam manifestas ardoris emit tit scintillas. Apostolis Deus linguas contulit igneas : successoribus eorum linguarum largitus est ignem. Linguæ igneæ cessârunt , linguarum ignis minimè : iste quippe ignis , iste spiritus , iste Dei amor istis addiscendis , cognoscendisque linguis insudare compellit. Et quidem , quantum ad linguarum scientiam , promissio Christi ad literâ , multò potius in hodiernis impletur Viris Apostolicis , quàm in ipsis antiquis Apostolis : quia Christus dixit : *Ille vos docebit* : scilicet Spiritus sanctus. Et primitivæ Ecclesiæ Apostolos Spiritus sanctus non docuit linguas sed infudit & dedit : Modernis verò Apostolis Spiritus sanctus illas infusus docturusque venit : *Ille vos docebit.* Primæ linguæ datæ fuerunt comitante miraculo ; secundæ sine miraculo sunt doctæ : quas ego miraculosas magis æstimo : quia minùs miraculosum in Deo , illas dare posse sine labore ; quàm in homine tanto labore illas velle addiscere :



in Deo potestatem arguit infinitam, quæ in ipso est natura; in homine excessivum Dei arguit amorem, qui hominis transcendit naturam. Gravissimâ igitur ratione officium istud docendi committens Spiritui sancto, Discipulos suos à schola sapientiæ, ad scholam traducit amoris: *Ille vos docebit.*

## §. V.

**Q**UOD diximus, probavimus. Quid verò hinc deducitur vel colligitur? videbitur ne forsan Auditoribus, ad solos fidei Prædicatores, ad Religiosos, ad Missionarios, ad Pastores Ecclesiæque Ministros hanc spectare doctrinam? in terris aliis est ita: in istis verò nostris concernit protinus omnes. In conquisitionibus Lusitanæ, omnes Ministri sunt Evangelici. Afferuit hoc S. Augustinus prædicans in Africa, conquisitionibus nostris annumeranda. Explicabat Sanctus illam Christi sententiam: *Vbi ego sum, illic & Minister meus erit.* Converterus ad populum magnus hic Doctor hoc modo dixit: *Cum auditis, Fratres,*

*Joan. 12.  
9. 26.*

*S. Aug. Dominum dicentem, illic & Minister meus erit, nolite tantummodo bonos Episcopos & clericos cogitare; etiam vos pro modulo vestro ministrare Christo: & quomodo Mini-*

*ster erit homo laicus sine literis, sine ordinibus, sine gradu aliquo in Ecclesia? idem hoc Sanctus dicit: Bene vivendo, id est, bene vivendo bonumque exemplum præbendo; Eleemosynas faciendo, aliaque charitatis opera exercendo: nomen, S. Aug. doctrinamque ejus, quibus potuerit prædicando: unusquisque paterfamilias pro Christo & pro vita æterna suos omnes admoneat, doceat, hortetur, corripiat, impendat benevolentiam, exerceat disciplinam. Iste talis paterfamilias qualis erit? pro consolatione vestra, audite Christiani, quod concludit Augustinus: Ita in domo sua Ecclesiasticum, & quodammodo Episcopale implebit officium, ministrans Christo, ut in æternum sit cum ipso. Istud S. Augustinus suis prædicabat indigenis Africæ, idem ratione justiore nostris prædicare posset Americæ.*

O si Divinus Spiritus, qui hodie super Apostolos descendit, vel unicum divinæ suæ lucis radium statûs hujus incolis immitteret, ut intus & foris obligationes suas attenderent, quas debent fidei, quam profitentur, quàm veraciter omnes hodie, non veri tantum Christi Ministri, verum etiam Apostoli evaderent! Quid est esse Apostolum? Apostolum esse nihil est aliud, quàm docere fidem, animasque

que adducere ad Christum; & nullus in hac conquisitione degit, qui hoc non possit, & facere obligetur. Primò in missione hac in Amazoniam destinata, & cras discellura (quam Deus spoliis cælestibus, prout speramus, adeò onustam, tantisque pro terra ista remediis instructam, sicut desideratur, deducere dignetur) quis Lusitanorum ex præliis proficiscitur, qui non Apostoli exerceat officium? non solùm Missionarii, sed etiam milites & Capitanei vices agunt Apostoli; omnes etenim inquisitum pergunt Gentiles, ad lumen illos fidei, Ecclesiæque gremium adducturi. Ecclesia de Christi sui sponsi Latere est formata, sicut Eva de latere Adami. Et formata est, quando de Latere Christi in cruce exivit sanguis &

*Joan. 19* aqua: *exivit sanguis & aqua*. Sanguis redemptionis pretium, & aqua, Baptismatis significabatur: exivit verò sanguis simul & aqua, quia virtutem suam & efficaciam, à sanguine aqua recepit. Interrogo igitur, quis Latus illud, ex quo formata est Ecclesia, aperuit? miles aliquis Lanceâ inquit *ibidem* textus: *unus militum lanceâ latus ejus aperuit*. Ergone & milites ad formandam concurrunt Ecclesiam? etiam. Frequenter enim necesse est, milites suis armis adi-

tum aperire, liberumque per portam introitum pandere; ut per apertam hanc liberamque portam sanguis & aqua Baptismi communicetur: *& continuo exivit sanguis & aqua*. Et quando fides sub armis, ad eorumdemque prædicatur umbram, tam Apostoli sunt defendentes, quàm prædicantes: utrique enim ad salutem animarum co-operantur.

Enim verò quid fore putatis, si modò dicerem quod in conquisitione hac, sicut viri Apostolorum officium exercent in campo, sic illud mulieres exercere possent in sua domo? illud dicerem, quod jam ante graves asseruerunt Authores: illi in castris adducendo animas ad Ecclesiam officio funguntur Apostolorum: hæ suis in ædibus, famulos suos & famulas, seu mancipia instruendo officio perfunguntur Apostolarum. Non est nomenclatura, nec grammatica mea, sed doctissimi Salmeron, qui *Salme-* Marias; *Apostolorum Apostolas*, *ron.* nuncupavit. Et quare? quia mysterium resurrectionis Christi illis annuntiârunt. Si igitur mulieres hominibus jam Christianis Christi Discipulis, unum tantùm fidei mysterium annunciantes, nomen merentur Apostolarum; quantò justiore titulo Gentilia & rudia mancipia omnibus salutis myste-

Ταπνυα  
in lin-  
gna  
Mara-  
gnana.

mysteriis imbuentibus hoc nomen debetur? Domicella quæpiam famulum suū aut famulam fidem in Deum docere adlaborat, & quid illos docet? altissimum illos docet Sanctissimæ Trinitatis mysterium; Incarnationis, Mortis, Resurrectionis, Ascensionis Christi arcanum; adventus Spiritus S. iudicii extremi, vitæ æternæ mysteria, omnia denique illa, quæ Christiani credimus & confitemur. Ecce an non Magistrarum seu Doctricum harū aliqua nomen Apostolæ mereatur?

Nullus dubio relinquitur locus, quin viri mulieresq; omnes sublimissimi huius nominis exercitiiq; divini, vel divinissimi sint capaces. Christus binas in Evangelio introducit parabolas; unam de Pastore ovem perditā quærente, & inventam suis humeris ex montibus reportante: alterā de muliere drachmam perditam accensā ad quærendum lucernā, in sua domo inveniēte. Ovicula hæc, & drachma utraq; perdita & inventa, errantes designant animas, quæ conversæ diriguntur ad Deum: qui quæsit & invenit ovem in parabola prima; & quæ drachmā quæsit & invenit in parabola secunda, Ministri sunt Evangelici, qui animas istas reducunt, & reportant ad Deum. Si igitur in utraq; parabola duæ istæ personæ Ministros significant Evangelicos, qui animas ad Deum addu-

cunt, quare Christus in prima introduxit virum, & in secunda mulierem, quæ accendit lucernam? ut doceret, uti viros, ita & mulieres, omnes ad animarum procurandā salutem cooperari posse: viros in campo pastoralis baculo; mulieres in domo candelā & lucernā: viros in campo armis suis penetrando vepres & dumeta, mulieres illuminando & docendo in domo. Ecce quomodo id ipsum Joël Propheta eodem cap. 2. quod hodie S. Petrus Hierosolymitano declaravit populo, prædixerit: *Sed & super servos meos, & ancillas in diebus illis effundam spiritum meū: & prophetabunt.* *Joel. 2. v. 29.* Notate: non dicit Deus, quod spiritum suum effundet super servos, sed, *super servos meos, & super ancillas*: nam non solum viri, sed mulieres, prædicare possunt & debent; & prædicabunt dilatabuntq; fidē, quilibet suo conformiter statui & conditioni: *& prophetabunt.* Hinc hodie non sine grandi mysterio, in cœnaculo Hierosolymitano, quo Spiritus S. advenit, cum viris simul sceminae sunt inventæ: *Hi omnes erant perseverantes unanimiter in oratione cum mulieribus.* Erant viri, erant mulieres in cœnaculo; quia viros & mulieres Spiritus S. Magistros & Magistras doctrinæ cœlestis facturum advenerat, docturusq; ut docerent *Ille vos docebit.*

## §. VI.

**S**upposito itaque, non Ecclesiasticis solum, sed etiam sæcularibus; nec viris tantum, sed etiam foeminis, vel ex charitate, vel ex justitia, vel ex utraque simul, suo cuique conformiter statui & conditioni incumbere Gentiles, Necrophitosque harum terrarum, in quibus degimus, Christianos lege fideque imbuere Christi; nemo, quæso per gratiam Spiritus Sancti, se supremi divinique hujus Magistri disciplinæ non tradat, ut saltem famulorum suorum & domesticorum Doctor esse possit. Vos linguæ gnari majore facilitate; vos verò ejusdem ignari majore merito gaudebitis. Et utrique vobis ipsis (quod semper est melius) vel mediante alio, tali curâ, sollicitudine & diligentia Christiano huic debitoque exercitio vos applicare debetis, ut nullus necessarium doctrinæ pabulum, seu paucis, seu multis commendatis sibi à Domino Christi oviculis deesse patiatur, omnes enim in hac conquisitione estis Pastores, vel magni hujus Pastoris substituti. Multi ingentis fatis zelo, Religionis Christianæ affectu, ædificationeque non vulgari id præstant: quod omnes æmulari, consultum est.

Nemo verò (more quibusdam

usitato) ruditate se Gentis excuset, dicendo, quod superius tērigimus, esse lapides, esse truncos, esse animalia bruta: quia licet reverà quidam eorum tales aut sint, aut esse videantur, industria & gratia vincit omnia: & de brutis, lapidibus & truncis efficiet homines. Dicite, quæso, mihi, quidnam potentius, gratia, an natura? gratia, vel ars? quod igitur ars facit & natura, quare industriam vestram gratia Dei concurrente illud effecturam diffidemus? concedo Indum istum barbarum & rudem, esse lapideum: ecce quid ars efficiat in lapide. Statuarius ex montibus istis rudem eruit lapide durum & informem; sublato jam quod erat grossius, arrepto malleo & circino incipit efformare hominem, primò de membro ad membrum, & postea de figura ad figuram usque exactissimam: discriminat capillos, delineat caput, insculpit oculos, excavat nares, os effigiat, faciei lineamenta deducit, pectus efformat, brachia distendit, manus explicat, digitos disjungit, vestes adaptat: hinc tollit, illic addit, &c. evaditque homo perfectus, & quandoque sanctus, qui altari imponi posset. Idem hinc fiet, ubi industria vestra gratiæ divinæ fuerit cooperata. Est lapis, juxta quod dicitis, Indus iste rudis? labo-

laborate igitur, laborandoq; continue ( nihil enim sine labore & perseverantia peragitur ) identidē circinum applicate, malleum iteratò impingite, & videbitis, quomodo ex lapide hoc rudi & informi non solum efformabitis hominem, sed Christianum, & fortassis sanctum. Istud non inferior quàm Prophetarum maximus prædicit

*Luc. 3. v. 8.* & promittit : *Potens est Deus de lapidibus istis suscitare filios Abrahæ.*

Abraham credentium omnium, fidemq; habentium pater est : & Baptista dicendo, Deum ex lapidibus suscitaturum filios Abrahæ, tanquam certum affirmat ac vaticinatur, quod Deus ex gentilibus, idololatriis, barbaris, & instar lapidum duris, Evangelicā mediante doctrinā, non solum homines, sed fideles, Christianos, Sanctosq; sit factururus. S. Ambrosium auscultate.

*S. Amb.* *Quid aliud quàm lapides habebantur, qui lapidibus serviebant, similes utiq; his qui fecerant eos? prophetatur igitur saxosis Gentilium fides infundendo pectoribus, & futuras per fidem Abrahæ filios, oraculo pollicetur. Ita hoc vaticinatus fuit Baptista : & quemadmodum ille huius miraculi exitit Vates, sic vos illius eritis instrumentum. Docete, instruite, erudite illos lapides, & de lapidibus non hominum statuas, sed veros homines, verosq;*

per fidem Abrahæ filios efficitis. Quod fit in lapidibus, facilius fieri potest in truncis, quibus minor inest repugnantia & brutalitas.

Ad convertenda animalia in homines non ars, sed natura sufficit: estque mirabile, sed quia ordinarium, mirabile non videtur. Agedum, videte. Venatum exiistis in nemoribus istis & sylvis, transiistis seu trajecistis cervum, capream, damam, bubalum, aprum: vester verò famulus occidit cameleontem, lacertam, crocodilum: hic cum suis comedit sociis; vos cum vestris epulati estis amicis: & quo eventu? elapsis octo seu paucioribus horis ( siquidem Galenus pauciores admittit ) caprea, dama, cervus, aper, cameleon, lacerta & crocodilus, omnia hæc animalia conversa sunt in homines; jam caro est hominis, paulò ante caro ferarum. Si igitur vi caloris naturalis hoc natura efficere potest, quare hoc longè efficacius vi caloris ignisq; Spiritus sancti non operetur gratia? si natura animalia fera naturaliter convertere potest in homines, quare gratia supernaturalis istam non faciat conversionem? idem ipse gratiæ author Spiritus, sic S. Petro monstravit, futurum. S. Petrus orationi intentus erat in civitate Joppen: *Ecce vidit cæ-*

*Actor*  
10. v. 11.

*lum apertum , & descendens vas quoddam velut linteum magnum, quatuor initiis submitti de cælo in terram, in quo erant omnia quadrupedia, & serpentina terra, & volatilia cæli.* Id est aves , & omnia alia animantia sylvestria , fera, horrida & venenata, quæ in lege veteri habebantur immunda. Tribus vicibus eadem horâ Sanctus Petrus ostentum hoc videns, de significato ejusdem magis magisque semper suspensus attonitusq; hæsit, audita similiter tertiò repetitâ voce sibi dicente : *Surge Petre , occide, & manduca.* Verba non declarabant ænigma ; sed magis involvebant: impossibile enim sibi videbatur, Deum manducari præcipere, quæ lege vetuisset. Eodem verò momento domûs pulsabatur ostium à legatis seu nuncijs, quos Gentilis quidam Dominus nomine Cornelius Romanorum militum, & respectivè Cæsareensis præsidij legionis Centurio, ad accersendum S. Petrum direxerat, ut fide imbutus Baptismum ab eo reciperet. Gentilis iste, sancto asserente Ambrosio, primus à Christo fidem petiit ac recepit: quo facto, & Angeli accedente declaratione visionis mysterium Sanctus Petrus intellexit. Intellexit inquam linteum isto magno significari mundum; quatuorque initiis, quibus

*ibidem*  
v. 13.

sustentabatur, quatuor ejusdem plagas; animalibus feris, immundis, horridis, legeque manducari vetitis, diversas Gentilium nationes barbaras & indomitas, extra obedientiam cognitionemq; Dei adhuc agentes, quas Dominus idem, adduci ad se veller. Hucusque Textus, ejusque significatio.

Verùm enim verò, si animalia hæc Gentilium populum significabant, cumque Deus à sancto Petro doceri & converti volebat, ut quid occidere & manducare mandaret? eodem planè ex motivo: feras enim convertendi in homines expeditissimus est modus, occidere & manducare; nihilque adæquatè magis & propriè modum exprimit docendi. Ut fera convertatur in hominem, oportet eam desinere esse, quod est, & incipere esse, quod non erat: & totum hoc occidendo illam & comedendo peragitur: occidendo enim desinit esse quod erat, mortua enim jam non est fera: comedendo incipit esse quod non erat, comesta enim jam est homo. Porro quoniam Deus volebat ut omnia ista animantia fera & horrida Petrus in homines, & in homines fideles converteret, idcirco vox cælestis occidere & manducare præcipiebat: *Occide & manduca.*

Insu-

S. Greg.  
Papa.

Infinuare volens, ut eos erudiret & doceret; quia instructio, & doctrina id in ipsis operatura foret, quod occisio & manducatio naturaliter facit. S. Gregorium Papam auscultate: *Primo Pastori dicitur, macta & manduca: quod mactatur quippe à vita occiditur: id verò quod comeditur, in comedentis corpore commutatur: macta igitur & manduca, dicitur, id est, à peccato eos, qui vivunt, interfice, & à seipsis illos in tua membra converte.* Deus volens ut Gentiles illos fide imbueret S. Petrus, eos mactari & manducari mandat; nam quod mactatur desinit esse quod erat: & quod comeditur in substantiam comedentisq; membra convertitur: amboque hos effectus doctrinam Sancti Petri in Gentilibus feris & barbaris fore operaturam significavit. Primò mori oportere, quia desinere deberent esse Gentiles, moxque comedi & in membra Sancti Petri converti, quia fieri debebant Christiani Ecclesiæque membra, cujus caput erat Sanctus Petrus. Ita, ut quemadmodum natura feras facit homines occidendo & manducando; ita etiam gratia feras convertat in homines erudiendo & docendo. Docuistis barbarum & Gentilem; & quid doctrinam illam operari putatis? occi-

dit in eo feritatem, & introducit humanitatem: occidit ignorantiam & introducit cognitionem: occidit brutalitatem & introducit rationem: occidit infidelitatem, & introducit fidem; & hoc modo conversione admirabili, evadit homo, qui fuerat fera; evadit Christianus, qui fuerat Gentilis: qui fuerat spoliū peccati, membrum manet Christi & Sancti Petri. *Occide & manduca.* Et quoniam Spiritus Sancti gratia artem excedit ac naturam ad faciendum de lapidibus & brutis homines: licet illi acquisitionum harum essent feræ, vel brutorum instar irrationales, vel lapidum instar insensitivi, difficultas ista ad excusandam scordiam seu ad tollendam docendi obligationem omninò foret insufficiens: *ille vos docebit.*

## §. VII.

UT verò obligationi huic & officio nemo desit, in memoriam vobis seu mentem tantum revocabo, quantum hoc faciendo obsequium præstetis Deo; ratio- nisq; rigorem, quam reddetis Deo, si omiseritis. Textus quidam continetur in scriptura, cujus quoties recordor horrore concutior ob id

Ss 3

quod

quod modò dicturus sum. Age-  
bant Apostoli ascendente Domino  
in monte Oliveti, oculis cælo in-  
fixis, cordibus verò jam intromis-  
sis, jam enim oculis aspectuique  
ipsorum Dominus & Magister se  
subdlexerat, qui illos sibi unitos  
post se trahebat. Rapti erant, &  
suspensì, & quasi extra se; præ a-  
more, admiratione, gloria, jubilis  
& desiderio: & ecce duo appa-  
rent Angeli, hæc ipsis verbale-  
quentes: *Viri Galilæi, quid statis*  
*aspicientes in cælum? hic Iesus, qui*  
*assumptus est à vobis in cælum, sic*  
*veniet: scilicet ad judicandum.*  
Notatu sanè digna talibus perso-  
nis, talique loco & occasione pro-  
lata verba! quod obstupescant  
Angeli, Apostolos in monte Oli-  
veti ex desiderio Christi in cælum  
aspicere, & ut illos inde discede-  
re faciant ( prout fecerunt ) diei  
judicii, reddendæque rationis me-  
moriæ ingerant: ergone in monte  
degere remotum ab hominibus,  
oculos infigere cælo, raptum esse  
in contemplatione gloriæ, amore  
desiderioque Christi hære su-  
spensum, nunquid reprehensione  
stuporeque quid dignum est, ut  
id ipsum Angeli obstupescant re-  
prehendant? hoc casu sic. Nam  
si omnibus in hominibus stuporem  
reprehensionemque meretur, ma-  
lum pro bono non derelinquere,

in Apostolis stupore reprehensio-  
neque dignissimum erat, bonum  
pro meliori non derelinquere.  
Officium Apostolorum & obliga-  
tio erat prædicando fidem animas  
salvare: ordo modusque à Christo  
præscriptus erat, ut in Jerusalem  
recollecti ad prædicandum se di-  
sponerent. Dono sancti Spiritus  
prius accepto, quem ipsis missu-  
rus esset: derelinquere verò mon-  
tem Oliveti pro cœnaculo, dere-  
linquere contemplationem pro  
schola linguarum, desistere ab in-  
tuendo cælo, ad succurrendum  
cæcitatibus terræ, dimittere deni-  
que desideria Christi, non erat de-  
serere bonum, sed in melius illud  
commutare; erat enim bonum  
magnum meliorare pro alio mayo-  
re: erat servitium Dei pro alio di-  
mittere servitio maiore, placi-  
tum Dei pro altero placito mayo-  
re, gloriam Dei, pro alia ejusdem  
gloria maiore. Contemplari o-  
pus est divinum, animas verò ad  
Deum adducere opus est divinissi-  
mum: sic illud appellante S. Dio-  
nysio Arcopagitâ: *opus Dei divi-*  
*nissimum.* Apostolorum autem *S. Dion.*  
& virorum Apostolorum obliga-  
tio requirit, non divinum tantum,  
sed divinissimum sectari; divinum-  
que pro divinissimo derelinquere.  
Propterea Angeli ipsos fixis in cæ-  
lum oculis in monte stantes con-  
tuiti,

Act. I.  
v. 11.



auri, attoniti increpant, dicentes :

*Quid statis* : q.d. quid hic agitis ? ac si, quod agebant, nullam cum eo, quod faciendum incumbere, haberet correspondentiam. Occupatio eorum ibidem non erat, nisi contemplationes, admirationes, extases, raptus : quod facere incumbere, erat prædicare, catechizare, docere, baptizare, convertere animas : omnia verò illarum respectu & comparatione, Angelorum melius nobis intelligentium iudicio, quid sunt ? unum, *Quid* ? aliquid de quo dubitari potest, utrum sit aliquid minus, quam esse deberet. Unum subsistere, stare, non progredi : *Quid statis* ? ecce, ecce, vos, & vos (cum omnibus & singulis utriusque sexûs viris & fœminis loquor) quantum obsequium præstatis Deo servos vestros seu mancipia docendo, quando cum in finem addiscitis linguas, quando scribitis, catechismo studetis, interpretem inquiritis, & eo tantum sine quandoque alitis salariumque assignatis. O fortunatum dispendium ! ô felix studium ! ô faustum & incomparabile coram Deo meritum ! in summa pensate Christiani, quanto majus sit bonum, & servitium pro Deo ejusque gloria unum hujus terræ docere Æthiopem, quam raptum esse in cælum : *quid statis aspicientes in cælum* ?

Enim verò si tantum Deo obsequium præstant, qui sollicitè id curant ; illud negligentes, tantâ incuriâ, oblivioneque doctrinæ, fidei Christianæ, famulorumque suorum salutis laborantes, quàm rigidam putatis Deo reddere debere rationem ? terrent Apostolos Angeli die judicii, temporisque momenta, quibus in monte morabantur Oliveti pensare volunt. Quare ? quia erant homines, quibus pro animabus alienis rationem reddere incumbere ; & cui pro animabus alienis reddere incumbit rationem, ad momentum usque, quo sollicitam earundem curam agere neglexerit, strictissimam Deo reddere cogetur. O quàm terribilem Deus in die judicii, ab omnibus qui in regione hac degimus, exigit rationem, quia omnes commissas nobis habemus animas ! Prædicatores, animas omnes : Pastores, suarum Ecclesiarum : sæculares, suarum familiarum. Porro si difficile est de una tantum anima bonam reddere rationem, quid erit de tam multis ? S. Hieronymus sine tantæ solitudinis, tantarum pœnitentiarum, toleratarumque in Dei Ecclesiæque servitio laborum respectu ad divini judicii Angelicæque tubæ memoriæ am tremebat ob reddendam de sua tantum anima rationem. Anima san-

sancti Hilarionis! Abbatis, emensis octoginta eremiticæ vitæ annis, & tot tamque insignibus reportatis à diabolo victoriis, propter eandem ita tremebat, ut ex corpore egredi trepidaret, & à Sancto expiraturus ad exeundum animanda esset.

Si igitur Hieronymi, si Hilarionis, si maximæ Ecclesiæ columnæ post tam sanctè transactum vitam de reddenda pro anima una ratione contremiscunt; quam vos, post vitam vestram, non adeò ut illorum, conformiter legi Dei peractam; non de una, sed tot animabus rationem reddituros speratis? quidam de quinquaginta, nonnulli de centum, alij de ducentis, alij trecentis, alij de quadringentis, aliqui de animabus mille rationem reddent. Multi vestrum hodie habent paucas, sed illo die habebunt multas: quotquot obierunt pro servitio ad dandam resurgent rationem. Quotquot habuistis & habetis, omnes illo die simul apparebunt ante tribunal singulæ pro se rationem reddituræ, & vos pro omnibus. Ego profectò pro parte potius ipsarum, quàm vestra rationem reddere malle. Famulus suo se excusabit Domino: sed Dominus quomodo? famulus exiguo suo excusabit se ingenio & inscitia: sed Dominus quo qualive modo? nimia

suâ cupiditate? crassâ suâ cæcitate? pietatis suæ inopiâ? humanitatis defectu? Christianæ religionis tempore? fideique modulo? ô Deus juste, ô Deus misericors, nec in justitia tua, neque in tua misericordiâ animabus istis ex intricato isto labyrintho evadendi viam mediumque invenio: si divina justitia invenit unde damnet Gentilem, quia non fuit baptizatus, quomodo misericordia divina medium inveniet salvandi Christianum, cujus culpâ ille non fuit baptizatus?

Prò quales in illa die de vobis petent vindictas tot infelices animæ, quarum infelicitatis æternæ vos causa fuistis! Abel à Deo petebat vindictam, & salvatus agit in cælo. Si Abel frater vindictam à Deo petit de fratre, qui vitam sibi eripuit temporalem; mancipium aliquod, seu mancipia tot seu famuli, qualem à Deo petent vindictam de Domino, qui vitam ipsis surripuit æternam? si Abel, si anima salvata, hodieque visione Dei fruens vindictam petiit; anima & animæ damnatæ & ardentes in inferno, ibidemque æternum manfuræ; quales vindictas petent, quales vindictas inclamabunt, quales vindictas ingeminabunt ad cælum, ad terram, ad infernum, ad diabolos, ad Angelos, ad Deum! ô quam triste & horrendum erit spectaculum

lum Lusitanum quempiam ( multoq; magis grandes & potentiores) conquisitionum harum in illa die tanta Indorum, liberorum quorundam, aliorum mancipiorum, nonnullorum benè, aliorum malè captivorum multitudine circumdatos videre; hos gentiles, illos cum Christianorum nomine ad infernū condemnatos, omnes in igne ardentes, omnes justitiam Dei inclamantes, & de infelici isto homine, qui hoc in mundo Dominus fuit appellatus vindictam postulantes! ah ingeminabit unus, quod ob non acceptum Baptismum sum damnatus! vindicta ingrato meo superveniat Domino, qui tot annorum mihi servitia non solvit, nec modico quidem illo, quod non pluri ipsi constitisset quàm aquâ Baptismi! ah, ejulabit alius! quod ob Dei fideique mysteriorum ignorantiam fuerim condemnatus! Justitia Dei & vindicta infideli meo superveniat Domino, qui informari me curans de omnibus, quæ servitum ipsius concernebant, de necessariis ad meam salutem sollicitudinem omnem postposuit! ah ingemiscet alius, quod ob vitam omnem turpiter cum concubina contra legem Dei transactam damnationem incurri! superveniat justitia inhumano meo Domino, qui ob commoda privata peccatum hoc dissimulando,

*Par. III.*

in matrimonium noluit consentire! ah lachrymabitur alius, quod ob omissam Quadragesimalem Confessionem, seu non intelligenti, ut dirigeret, factam condemnatus sim! superveniat justa Dei vindicta avaro meo Domino, qui ne biduani servitij jacturam faceret, nec tempus, nec locum, nec Confessarium indulgere voluit, quibus anima mea indigebat! alius denique dicet, vix mihi quod sine Sacerdote, sine Sacramento moriendo sim damnatus! Justitia justaque vindicta super tyrannicum meum veniat Dominum, qui quia mihi afferri non permisit remedium, vel me deferri ad illud, mori me sivit ut brutum! canem me compellavit in vita, & velut canem tractavit in morte. Hæc miserorum mancipiorum seu famulorum horum singuli ad justum supremumq; Judicem Jesum Christum ingeminabunt, ejusdem simul interpellantes sanguinem (qui culpâ vestrâ nihil eis profuit) justitia, justitia, justitia, justitia. O quomodo clarè tunc cognoscetis, quis vobis veritatem prædicaverit! ô quomodo in illo judicii die certissimè immutabitis judicium & judicia! hodie beatos illos dicitis, qui magnâ mancipiorum, famulorum & famularum stipantur catervâ, minusq; beatos, qui horum habent

*Tt paucos*

paucos : in illa die , qui magnum animabus vestris à vobis inferi illorum habuerint numerum , optarem.  
 erunt infelices , & felices , qui Spiritus Sanctus qui hodie descendens super Apostolos illos habuerint paucos , feliciores verò , scendens super Apostolos illos mundum docete docuit , in vos descendat , omnes vos instruens , ut qui habuerint nullum. Habete mundum docete docuit , in vos descendat , omnes vos instruens , ut eos , Christiani , habete eos & habetote multos ; verùm tali eos habetote modo ut ipsi animas vestras promoveant , & vos eorum animas promoveatis in cœlum. Istud desidero , id vobis opto , istud vobis consulo , istud vobis procurare satago ; istud à vobis & Dei & vestri amore efflagito : istud denique ex hoc sermone cordibus &

Spiritus Sanctus qui hodie descendens super Apostolos illos mundum docete docuit , in vos descendat , omnes vos instruens , ut vel ipsi docere vel doceri permittere velitis eos , quibus doctrinam debetis : ut illi per vos , & vos cum illis in hac vita gratiam ( quæ tam carè nobis constat ) consequentes , magnis cum incrementis in altera , sempiternâ gaudere & frui mereamini Gloriâ.

Amen.



## S E R M O

P R O

Dominica decima nona post Pentecosten  
incidente in diem; quâ singulis mensibus Festum  
de Venerabili Sacramento celebratur.

Habitus in Cathedrali Bahiæ Anno 1639

*Misit servos suos vocare invitatos ad nuptias. Matth. 22.*

## S. I.

*Matth.  
22. v. 2.*



*Simile est regnum cælorum homini Regi. Iterum repetito, textumque Evangelii de verbo ad verbum construo. Advertite animum, memoriz mandantes verba omnia; singula quippe suo graviori mysterio, utilitatem nobis non minimam afferent. Simile est regnum cælorum (inquit Christus Redemptor noster) homini Regi, qui fecit nuptias filio suo. Nuptiarum præsentem jam die, servos suos ad convivium invitatos vocatum misit, ut venirent, qui venire noluerunt. Nihilominus alios servos cum tenoris hujus mandato iteratò misit: Dicite invitatis, ecce prandium me-*

*um paravi, tauri mei & altilia occisa sunt, & omnia parata. Verum invitati & hanc secundam vocandi sprevèrunt instantiam: Et neglexerunt, & abierunt, unus in villam suam, alius verò ad negotiationem suam: reliqui verò tenuerunt servos ejus, & contumelios affectos occiderunt. Rex autem cum hoc audisset iratus est: & missis exercitibus suis, perdidit homicidas illos, & civitatem illorum succendit. Tunc ait servus suis: nuptia quidem parata sunt, sed qui invitati erant non fuerunt digni. Ite ergo ad exitus viarum, & quoscunque inveneritis, vocate ad nuptias. Et egressi servi ejus in vias, congregaverunt omnes quos invenerunt malos & bonos: & impleta sunt nuptia discumbentium; intravit autem Rex, ut videret discumbentes,*

Tt 2

tes,

*ses, & vidit ibi hominem non vestitum veste nuptiali: & ait illi: amice, quomodo huc intrasti non habens vestem nuptialem? at ille obmutuit: Tunc dixit Rex ministris: ligatis manibus & pedibus eius, mittite eum in tenebras exteriores; ibi erit (concludit Christus) fletus & stridor dentium. Multi enim sunt vocati, pauci vero electi.*

Hæc de litera ad literam est historia, seu Evangelii parabola: pro cuius intelligentia scire convenit, quis sit Rex: quis filius: quales sint nuptiæ: quodnam convivium: quinam invitati, qui venerunt: quinam illi, qui venire noluerunt: quales denique famuli, qui vocarunt. Rex, Pater fuit æternus: Filius, Verbum, Secunda Sanctissimæ Trinitatis persona: Nuptiæ, ejusdem Filii Dei incarnatio, quæ humanæ se naturæ desponsavit: Convivium, cœlestis est gloria & beatitudo, ad quam isto mediante mysterio liber nobis aditus patet: invitati qui venerunt, sunt illi qui salutem consequuntur: qui venire noluerunt, sunt illi, qui damnantur: denique servi vocantes & invitantes sunt Prædicatores. Supposito igitur illud esse officium obligationemque Prædicatoris, ista quoque hodierni erit materia Ser-

*Matth. monis: Misit servos suos vocare ad 22. v. 3. nuptias. Auditores, Deus me in-*

vixatum vos misit ad gloriæ convivium: & hoc faciam. Considerans verò eadem in parabola semel atque iterum vocatos, venire renuisse invitatos; quas, quæso, rationes adducam, quibus mediis ad persuadendum vobis utar, quod tot electi à Deo, & missi non persuaserunt Prædicatores? omnem spem fiduciamque meam in virtute potentiaque Evangelii collocavi: proinde non plus dicam, quam illud dixit, & jam audistis. Illius tantum verba proponam & discutiam; omnia & singula, nullo excepto proponam & excutiam. Ad probandum quantumcunque dicam, nec novi, nec veteris Testamenti aliam, præter Evangelium ipsum allegabo scripturam. Et si quidem assumptum hoc novum vobis videtur ac difficile, hanc ipsam ob causam, vos mihi oportet assistere, ad plus quam alias gratiæ petendum. Ave Maria.

## §. II.

*Misit servos suos vocare invitatos ad nuptias.*

**V**Ocare invitatos ad convivium Gloriæ, assumpsit, seu assumere me iussit Evangelium. Cum verò convivium istud non sit aliud quam illud Sanctissimi Sacramen-

ti, quod iterata singulis mentibus vestra celebrat hodie devotio: ut me sine fastidio auscultetis & scrupulo, ipsum ab utroque vos liberabit Evangelium; idque singulari proprietate, & hucusque non audito, nec expectato à vobis mysterio.

Agedum aggrediamur parabolam, quam retuli. Primum, quod tanquam magni argumenti, seu mysterii sui fundamentum supponit, nosque docere intendit, est, quod omnes, quotquot præsentes adsumus, ad gloriæ convivium sumus invitati. Ad suppositum hoc probandum, inquit Textus, quod præsente jam nuptiarum die, servorum suorum quosdam Rex miserit, ut invitatos ad convivium vocarent: *Misit servos suos, vocare invitatos ad nuptias.* Quibus veniente renuentibus, loco ejus quod se offensum aut iratum velut homo & Rex ostenderet: *Homini Regi; Ut se Deum esse sub hac metaphora doceret, non per eosdem, sed alios servos, illos denuò vocatum misit: misit alios servos.* Quinam istit: *am primi, quam secundi fuerint servi, proprietate excellenti Origenes, S. Hieronymus, & D. Thomas declarant. Primos fuisse ajunt Prophetas: secundos Apostolos, Prophetæ fuerunt primi; primò enim vocârunt invitatos inle-*

ge scripta: & Apostoli fuerunt secundi; succedentes enim Prophetis similiter invitatos vocârunt in lege gratiæ. Hinc æquè propriè sequitur, ad convivium invitatos gloriæ, jam ante Prophetarum Apostolorumque adventum fuisse invitatos. Ante Prophetas jam erant invitati; de primis enim servis inquit Textus: *Misit servos suos vocare invitatos.* Ante Apostolos similiter erant invitati; ad secundos enim servos dixit Rex: *Divite invitatis.* Si igitur jam erant invitati, antequam essent Prophetæ & Apostoli; nec Prophetæ illos invitârunt nec Apostoli, sed qui eos vocârunt: quisnam illos invitavit? extra controversiam est, quod ipse Rex, desponsati Principis Pater, qui est Deus. Sed quando? nonnulli eos ab æterno vocatos affirmant, quando Deus homines ad gloriæ prædestinavit. Verum istud esse non potest; quia invitare & invitatum esse, reciprocam supponit notitiam, & homines nondum existentes invitari nequibant: prædestinati verò sic: ergo si ante Apostolos & Prophetas jam erant invitati, quando Deus illos invitavit? invitavit illos in Adamo, quando ipsi revelavit, quod non pro paradiso terrestri in hac vita, sed pro gloria cœlesti in altera ipsum creâsset. Neque veritas, neque

ordo, neque consequentia parabola alio modo cum vera Theologia conciliari posset. In summa, uti à principio mundi, & ab Adamo, ac consequenter, quemadmodum omnes peccamus in illo, ita omnes in eodem ad convivium Gloriæ sumus invitati : finis enim ad quem nascimur omnes & conditi sumus, est servire Deo in vita præsentis, eodemque frui & gaudere in æterna.

Suppositâ veritate hac primâ, tam in Evangelio manifestâ; supposito etiam, quod Apostolorum Prophetarumque successores sint Prædicatores : partium mearum ( ut dixi ) est, hodie vos ad convivium similiter invitare, excusationemque dissuadere, ne consilio hoc contempto, venire nolendo damnationem incurratis. Verùm si convivium est de gloria, quâ temeritate ego de magnificentia, de gaudiis, summisque in eo delitiis à Deo præparatis, illis, qui digni fuerint percipere, loqui præsumam ? ex Prophetis & Apostolis, qui vocârunt ad gloriæ convivium invitatos, duo tantum illam fuere contemplati. Unus illam eminens vidit constitutus in terra, scilicet Isaias : alter verò cominus eam vidit raptus in cœlum, qui fuit S. Paulus. Et quidnam uterque vidisse se dixit ? uter-

que ineffabile id esse concorditè asseruit. Beatæ quippe patriæ illius bona & felicitates ad eò à nostris, quibus nomen idem tribuimus ad eò sunt diversa, ut sine modo & mensura, omnium sensuum nostrorum capacitatem, potentiarumque nostrarum sphaeram naturalem transcendant. Si igitur in iis, quæ beatitudinem concernunt Prophetarum illuminatissimus Isaias; in iisdemque Apostolorum omnium expertissimus S. Paulus, quid viderint; exprimere nesciunt; ecquid ego, de eo quod nec vidi, nec videre mereor, dicere possum ? verùm ulterius. Quando primi Regis servi, scilicet Prophetæ vocârunt invitatos, inquit Textus : *Nolebant venire* : & quando servi secundi, scilicet Apostoli, eos vocârunt similiter inquit Textus, eos non curâsse : *illi autem neglexerunt*. Si igitur vocati, nec omni Prophetarum eloquentiâ, nec omni Apostolorum sermonis efficaciâ fuere persuasi, quibusnam ego argumentis demonstrationibusque efficaciam ut intelligatis hoc, quod illi non intellexerunt : ut velitis quod illi noluerunt : ut æstimetis, quod illi despexerunt ; ut denique consuequi ad laboretis, quod illi bina vice rogati non admisserunt ?

*Matth.  
22. v. 3.*

*Ibidem  
v. 5.*

§. III.



## §. III.

**H**anc ob causam, Fideles, omnibus aliis dimissis hodie scripturis, Evangelio solo nudè & siccè considerato, vestram fidem, illiusq; gratiam probaturus adsum. Omnibus aliis in scripturis vix divisim inveniuntur posita, quæ Christus Dominus noster præsentī in Evangelio conjungit, ut iis nos informet totaliter comprehendere gloriam, ad quam nos invitavit. Proponit gloriam istam sub metaphora convivii, in quo grossiores etiam sensus majore valent acumine: tresque notabiles, quas in ipso considerat, à nobisque considerari vult, circumstantiæ sunt istæ. Prima, Quis istud instituit; secunda, pro quo; tertia, quanti ipsa constiterit institutio.

Rex hujus gloriæ convivii author: *Qui fecit nuptias*, est Deus. Quod sic concorditer intelligunt omnes PP. & expositores: Et si Deus convivium hoc fecit: *Qui fecit*: quàm incomprehensibiles cœlestis hujus mensæ erunt deliciæ, quam paravit, & in conspectu suo idem ipse Deus, non solum ad supremæ majestatis magnificentiæque suæ ostentationem, sed ut æternum beatos redderet accumbentes in ea, collocavit: omne quod hoc casu imaginationis ex-

aggerationisq; capax est, immensi illius verbi significato includitur: *Qui fecit*: Convivii hujus author, infinita est sapientia: institutor hujus, infinita est omnipotentia; hujus apparator, liberalitas est infinita, amorque infinitus. Quidnam igitur erit, quod fecit? Philosophi fidei lumine destituti, per inferioris hujus mundi creaturas, conditorem earundem cognoverunt esse Deum. Nos fidei dono præditos argumentari oportet è contrario: & quoniam rerum cœlestium sub conspectum non cadentium Authorem novimus Deum, hinc argumentari & inferre debemus, quales illæ futuræ sint. Verùm istud non considero, profundior Textûs nostri est fundus.

*Simile est Regnum cœlorum homini Regi, qui fecit nuptias Filio suo.* Homo iste Rex, juxta dicta in principio, est Deus Pater, qui fecit nuptias Filio suo, quando illum dispensavit, & naturæ copulavit humanæ. Si igitur est Deus Pater, quomodo vocatur Rex Homo: *Homini Regi*? Quod Rex appelletur ad significandam Majestatis ejus supereminentiam, potentiæque ipsius magnitudinem, transeat: sed Rex homo, improprium quid, & inconveniens sonare videtur; Pater quippe æternus, quantumvis hominem fecerit Filium

Filium suum, nec se hominem fecit, nec homo factus est. Dicat igitur parabola: *Simile est regnum calorum Regi*; & non: *Regi homini*; cum non sit homo, Rex de quo loquitur; & si Regem hunc ab aliis intendit discernere, dicat: *Regi Deo*, & non *Regi homini*: *Homini Regi*. Sic quidem oporteret esse; si parabola de convivio non ageret Gloriz: Verum, quia de convivio est Gloriz; cum æternus Pater, Deus sit & non homo, nihilòsecius homo vocatur & non Deus; nam in convivii hujus magnificentia, pro majore ejusdem splendore & gloria, Deus non ut Deus, sed velut homo est operatus. Agedum, videte. Homo suam ostentaturus magnificentiam & gloriam, extremum facultatis & virium suarum exerit & impendit; Deus verò quamvis ostendere vellet, quantum posset, id non potest. Ratio nobis sufficiens, cæteris missis valde est clara. Quemadmodum enim Deus est omnipotens, quantumcunque fecerit, potentia illi semper ad plus faciendum restat. Et si faceret quantum potest, exinanitâ suâ omnipotentia, non existens omnipotens, desineret esse Deus. Isto igitur modo & methode illâ Deus semper in aliis operatur rebus, in quibus minus semper facit quàm potest; plusque potest quàm

facit: in Gloriz verò convivio, extremum potentiz suæ exerit operans tanquam homo, neque plus præstare potest. Quare? quia ad gustandum, percipiendumq; præbet seipsum. Immentia ejusdem Dei gloria, quâ solâ comprehenditur, in quo consistit? in sui ipsius visione, amore, delectationeque consistit. Ipse idem igitur Deus summumq; bonum, est quod Deus videt, nosque visuri sumus: illud ipsum quod Deus amat, est hoc quod nos amamus, est idem quo fruitur & delectatur, est quo nos gaudemus & fruimur in Gloria: eadem enim & ipsi & nobis est mensa, in Gloria, & istud Rex iste Deus fecit, quasi Rex homo fuisset: *Homini Regi, qui fecit.*

Nihilominus opponet aliquis, non sufficere tantum, quod Deus ut homo in Gloriz magnificentia operetur; siquidem homines magnificentiam suam ostentaturi, non tantum faciunt quod possunt, verum & ultra vires aliquid facere attentant. Videnus Reges homines, qui profusis thesauris, vel minores illos suâ magnificentia cognoscentes, tributis gravant subjectos, ut sic ostentationem suæ magnificentiz adæquent. Et homines non Reges idem æmulantur, & idcò in festis unius diei sese pro tota oppignorant vita, exheredantes

redantes & depauperantes omnem suam progeniem. Ut ergo Deus in magnificentia convivij gloriæ operetur ut homo, non solum quod posset, sed etiam ultra quod posset, operari deberet. Ita planè se res habet, & ita re bene consideratâ, Deus facit. Tantum ut homo in gloriæ convivio Deus operatur, non solum totum quod potest, sed etiam ultra quod potest, facit; facit enim ut illa in gloria fruamur eo, quod ille facere nequit. Deus creaturas, hasq; magis magisque perfectas in infinitum producere potest: plures & meliores potest condere mundos; plures melioresque potest creare coelos: sed facere seipsum, vel alium sibi æqualem facere nequit; quia nec ipse se facit. Et istud quod Deus non facit, nec facere potest, facit ut nos in convivio gloriæ fruamur; cum Deus ipse præcipuum mensæ illius divinx bellarium existat. In textu nostro id habemus.

Quando Rex secundâ vice servos suos vocatum invitatos misit, hac invitationis usus est formâ, ut venirent ad nuptias, quia convivium esset præparatum: *Ecce prandium meum paravi: venite ad nuptias.* Et suppositâ hac nuptiarum distinctione, in quantum nuptiæ, & in quantum prandium,

*Pars II l.*

seu convivium vocantur, valde considerandum est, textum dicere, Regem fecisse nuptias: *Qui fecit nuptias filio suo*: de prandio verò seu convivio non inquit Rex, quod illud fecit, sed quod præparavit: *Ecce prandium meum paravi.* Quare ergo non etiam dicit, quod prandium sive convivium fecit, sicut dicit, quod nuptias fecerit? quia nuptias Deus fecit, convivium verò non fecit, sed tantum præparavit. Nuptiæ Verbi significant incarnationem: convivium verò gloriam significat Beatorum: Incarnationem Verbi fecit Deus, fecit enim Humanitatem hypostaticamque unionem: gloriam autem Beatorum non fecit; objectum enim gloriæ, & id, quo Beati in ea fruuntur, est ipse Deus, & Deus nec se facit, nec facere potest. Idem autem convivium, quod non se fecisse dicit, altissimè se præparasse affirmat: supernaturalitèr enim elevando intellectum, quo illud videmus: isto sic lumine, gloriæ lumine vocato, illud præparat capaces & idoneos nos reddens ad fruendum illo & gaudendum. Ita ut convivium gloriæ totum, quod possibile, & plus quàm possibile est Deo contineat. Ex parte objecti, quod est Deus visus & gustatus

Vu

status

status seu perceptus , plus continet,quàm Deus facere potest: nam seipsum facere nequit : ex parte subjecti, quod est Beatus Deum videns eoque fruens , totum continet quod Deus facere potest: Deus quippe plus facere nequit , quàm elevare creaturam, ut ipsum videat, eoque fruatur, uti est : proinde hoc verificatur modo, in convivio Gloriæ, Deum operari quasi esset homo non solum totum quod potest; sed plus quàm potest.

Enim verò quid amplius faciunt homines magnificentiam suam ostentaturi? non sufficiente ad hoc proprio suo, mutuum accipiunt quod non habent , & partim suo proprio, partim commodato, operis magnificentiam confirmant. Istud ultimatè faciunt homines , idemque similiter facit Deus operans quasi homo, *homini Regi*. Homo spiritualibus animæ oculis elevatus videre potest Deum: corporeis verò oculis , elevationis talis incapacibus illum videre nequit. Quid verò fecit Deus , ut homo non animam solum , sed etiam corpore , integrè ipso frueretur in convivio Gloriæ? Hoc fecit, quod à natura humana commodatò acciperet corpus , quod non habebat, & ineffabili hoc modo divinitatem uniendo humanitati ; idem convivium Gloriæ, pro objecto ha-

bens Deum: non tantum evaserit divinum; sed divinum simul & humanum : divinum, ad beatificandum hominem in anima : & humanum, ad beatificandum illum in corpore. Profundissima S. Cypriani est consideratio : *Deus homo factus est , ut homo haberet in Deo,*

*unde fieret plenè beatus : in anima,*

*videndo divinitatem ; in corpore,*

*videndo humanitatem.* Cum homo ex anima & corpore constet ; si tantum Deum videret oculis animæ, ex dimidia tantum parte, & non ex toto foret beatus : & quasi Deus hanc Epicteti consideraret sententiam : *Hoc inter epulandum considera, duos tibi excipiendos con-*

*vivas, corpus & animam.* Videns quod in quolibet homine, suæ assidere debeant mensæ invitati, unus, scilicet anima; alter, scilicet corpus : ut uterque gaudio gustuque percepto, proportionatam capacitati suæ haberet satisfactionem.

Hunc in finem, inquit Cyprianus, Deus humanam assumptam naturam, corpore se vestivit quod non habebat, hominem se faciens, ut homo oculis animæ in ipso Deo divinitatis , oculisque corporis humanitatis visione fruendo, integrè foret beatus : *Vt homo haberet in Deo, unde fieret plenè beatus.* Ange-

lis , qui puri sunt spiritus ad beatitudinem plenam sufficit, Dei vide-

re

re divinitatem ; homini verò ex corpore spirituque composito id ipsum non sufficit. Hinc etiam hoc non sufficiente Deo ; ut nos plenè faceret beatos in convivio Gloriæ naturâ Divinâ, quam habebat ; à natura mutuatum assumpsit humana quod illi deerat : & hoc pacto magnificentiæ suæ mensuram seu immensitatem implevit , non solùm sicut Deus, sed sicut homo operando: *homini Regi, qui fecit.*

## §. IV.

**D**Eclaratâ Gloriæ magnitudine ex parte factoris ipsius ; consideratio sequitur secunda, & adhuc major ( si major esse potest ) in qua videamus & expendamus, pro quo seu cui sit facta. In illa consideratus est author operis, qui est Pater : in hac consideratur motivum, quod est Filius: *fecit nuptias filio suo.* Quis verò infinitam supremi hujus motivi excellentiam declarare sufficiet ; quam solus ipse Pater comprehendit ? sublimissima ingenia realitatem convivii Gloriæ investigare volendo, ex eis quæ videmus & experimur in terra, conjecturant hoc quod erit in cœlo. In terra Deus mensam instruxit hominibus, & est restam gratiarum actione, quàm admiratione digna, quod è sex diebus , quibus mun-

dum creavit, tres potiores sæcundioresque huic tantum instruendæ mensæ impenderit. Quantumcunque in mari natat, quantumcunque in aëre volitat, quantumcunque in terra nascitur & vegetatur, simplicia producuntur à natura, ut ars ex eis temperaret conficeretque cibum deliciasque homini. Contentæ sub quatuor hisce generibus species, tam variæ pulchritudine, tam exquisitæ sapore, & numero infinitæ, gustûs sensuumque aliorum capacitatem excedunt in immensum. Et quænam, quæso, non obstupefcat ratio potentiam & magnificentiam, quâ Deus magis excitare velle videtur appetitui humano ex mensæ superfluitate fastidium, quàm necessitatem satiare copiâ? Hinc tria infert S. Augustinus locum cum loco, tempus cum tempore, personasque conferendo cum personis : *Si tanta facis nobis in carcere, quid ages in palatio? sit tanta solatia in hac die lachrymarum, quanta conferes in die nuptiarum? quid dabis eis, quos praecepsit ad vitam, qui hæc dedit, etiam eis, quos praecepsit ad mortem?* q. d. Si Deus tantas paravit delicias pro exilio & carcere, quid erit in patria & palatio? si sic nos pascit & tractat in tempore lachrymarum, quid erit in die nuptiarum? si omnia ista condidit, etiam pro ini-

micis in inferno arsuris, quid erit pro amicis, ipso semper gavifuris & fruituris in cœlo? differentiam hanc expendit, & hunc in modum argumentatur & conjecturat S. Augustinus. Verùm sublimis ipsius judicii ingeniique pace, seu sine illa; excessus, quem noster Textus evincit, infinitè major est. Non de loco ad locum, nec de tempore ad tempus, neque de statu ad statum, vel de personis ad personas comparationem format, licèt nonnullæ tam sint indignæ, veluti præferti: *quos prædestinavit ad mortem*: aliæ verò tam dignæ, veluti prædestinati: *quos prædestinavit ad vitam*. Sed ab omni abstrahendo comparatione (quia non est, nec datur) dicit, quodnam futurum sit convivium, quale illud nuptiarum Filii sui erit: *qui fecit nuptias filio suo*. Penset hoc, qui supremam majestatem dignitatemque Filii, cujus nuptiæ celebrantur, qui tam est infinitus, tam immensus, divinitate Patri suo æqualis, ritè ponderare noverit; & hinc qualitatem futuri convivii concipiat: omnis enim alia consequentia, seu conjectura, de hominibus quibusdam ad homines alios facta, quantumcunq; amici, quantumcunque chari, quantumcunque grati, & in gratia constituti, quantumcunque sancti, & digni sint, supernæ

isti mensæ assessuri; ne vel in minimo magnificentiam ejus attingunt, nedum adæquant.

Verùm enim verò, erit fors quispian existimans (motivo aliquo ex ipso nostro Evangelio persuasus) magnitudinem magnificentiamq; convivii gloriæ non Filii, sed invitatorum dignitate esse metiendum. Quod Rex ipse insinuassee videtur, quando illi venire noluerunt: *Sed qui invitati erant, non fuerunt digni*. Non illos ingratos, inurbanos pro merito appellavit, sed tantum dignos non fuisse inquit. Et quinam digni sunt seu indigni gloriæ convivio? Digni sunt illi, qui bonorum operum meritis ornantur; indigni verò, qui illis carent. Neque hinc sequitur, indignos illos ut venirent ad convivium, etiam invitatione ad idem fuisse indignos; qualitas enim dignificans ad vocationem in excellentia fundatur naturæ rationalis, ad videndum Deum elevari capacis: qualitasque dignificans ad eum videndum, eoque fruendum in gloria; in voluntatis dispositione, bonorumque operum merito fundatur. Et hinc venit, ut cùm convivium sit idem, alii plùs, alii minùs eo fruantur, pro majore minoreve cujusque dignitate, id est, pro majore minoreve merito, quo se dignos faciunt. Si igitur portio graduve gloriæ

Matth.  
22 v. 8.

gloriæ (quem non nisi titulo præmii nobis obtingere Deus voluit) si inquam portio hæc seu gradus metitur, vel metietur in cælo meritis hujus vitæ; & meritum humanum, quantumcunq; magnum & heroicum, exiguum semper est & limitatum; ipsa Regis sententia, quâ invitatos indignos fuisse pronunciat, non solum dignitatem ipsis denegat, sed illam etiam convivio imminuit: commensuratum enim meritis quamvis dignorum & valde dignorum, semper erit limitatum.

Bene sic inferretur; si Deus nobis amore nostri convivium appàrasset; sed Evangelium negatâ consequentiâ contrarium probat: dicit quippe, Regem illud invitatis non ipsorum, sed Filii amore præparasse: *Fecit nuptias Filio suo*. Edicite mihi. Nato seu desponsato Principe primogenito, nunquid instituntur agunturq; festa regalia, magnificentiâ, gloriâ, & pompâ maximâ, apparatuq; possibili? Ita planè. Omnis iste labor, cura, & apparatus cuinam commensuratur; populine ea spectaturi, iisque gavisuri merito, an Principis dignitate & excellentiâ, pro quo fiunt? extra omnem controversiam est, quod dignitate magnificentiâque Principis. Eadem res est cum convivio cœlesti. Gloriæ beatitudinis

que magnitudo quâ gaudebimus, non meritorum nostrorum, quæ limitata sunt, angustiis, sed meritorum dignitatisq; Principis immensitate metitur. Merita nostra in meritis tantum ipsius fundata, ad habendum in convivio ipsius locum meliorem nos tantum habilitant, veluti hic in festis alii digniorem, alii inferiorem locum occupant. Verum visio fruitioque absoluta, magnitudo ve visi aut fruiti, non nostris sed Christi meritis metitur: deficientibus enim meritis Christi, qui prædestinationis nostræ causa existit, nemini gloria concederetur.

Agite, nunc considerare vobis libeat infinitam Principis in nuptiis desponsati magnificentiam, & hinc argumentando inferre licebit convivij pro eis instituti excellentiam. Sic illud Rege dignâ Rex ipse declaravit energiâ. Mandando servis secundis dixit: *Ecce* *Matth. 22. v. 4*  
*prandium meum paravi, venite ad nuptias*. Notate, non dixit: paratum est prandium, venite ad prandium; sed: *Prandium meum paratum est, venite ad nuptias*. Et quare? quia ipsæ nuptiæ, eò quòd essent, cujus erant, qualitatem prandij convivijque magis extollebant. Quasi diceret, cum semel nolueritis venire ad prandium, sine dubio, quia, quale esset,

non intellexistis : ut vos noluisse venire pœniteat ; tantoque veniatis desiderio , quantâ promptitudine , advertite & considerate , quale sit prandium & convivium , quoniam pro nuptiis Filij mei est adornatum : *Venite ad nuptias*. Si pro vobis factum esset convivium , vilipendere illud possetis ; verùm cum pro Filio Regis sit factum , eademque cum eo mensæ vobis sit accumbendum , quomodo vos excusare potestis ? hoc modo , sublimiore primisque magis adæquatâ consideratione idem S. Augustinus concludit : *Vbi erit Unicus ejus , ibi erunt & illi : hæredes quidem Dei , cohæredes autem Christi*. Non jam Augustinus de terra argumentatur ad cœlum , nec in ipso cœlo cum merito dignitateque electorum pro gloria : neque cum gratia & amore , quo illos elegit ; non dicit invitatos accubitueros cum Patriarchis , Apostolis , & Martyribus tantâ passione tantum promeritis : neque cum Angelis & Archangelis , alijsque supremis beatorum Spirituum Hierarchijs ; nec deniq ; quod cum ipsa Dei Matre locum tenebunt ; sed cum Filio : *Vbi erit unicus ejus , ibi erunt & illi* : istud enim primarium est argumentum , & hæc adæquata magnificentie convivij mensura : idcirco sub novâ confirmatione Canonicâ ad-

S. Aug.

jungit , quod eo gaudebimus & fruemur non tantùm sicut hæredes Dei , sed sicut hæredes Christi : *Hæredes quidem Dei , cohæredes autem Christi*. S. Augustinus differentiam exaggerat , prærogativamq ; æstimat , quod ad convivium gloriæ intremus potiùs sicut cohæredes Christi , quàm sicut hæredes Dei. Quam verò ob causam non ob aliam ( alia enim esse nequit ) quam toto hoc consideramus discursu : intrare enim ad convivium tanquam Dei hæredes , declarat à Deo tantùm esse factum : intrare autem tanquam cohæredes Christi , prærogativam adauget , non solùm à Deo , sed à D E O , & simul pro Filio ipsius factum esse innuendo : *Qui fecit nuptias Filio suo*.

### §. V.

**E**Nim verò si binæ istæ considerationes necdum sufficiant ad persuadendum nobis ex toto , ad tertiam & ultimam , quæ præteriri nequit transeamus. In prima vidimus authorem , in secunda motivum ; in hac vidimus pretium. In prima author omnipotens qui convivium fecit : in secunda motivum immensum , cur & quare factum : in hac tertia pretium infinitum , quo illius institutio constituit. Porro si consideratio prima ex sua fuit magnitudine incomprehensibilis



bilis, & secunda incomprehensibilis magis: hæc admirationem & exaggerationem in tantum superat, ut quasi fidem excedat. Dicit (& quidem rationi convenientissimè) fides quod omnipotenti, nihili constet operari, quod potest. Quanti igitur omnipotenti constare poterat istud apparare convivium? ipse omnipotens, qui Rex est convivij institutor id dixit. Vident invitatos se excusare, misso secundo nuncio expensas factas voluit invitatis intimari: *Tauri mei & altilia occisa sunt, & omnia parata, venite ad nuptias.* Nunquid igitur pro gloriæ convivio quippiam occisum est? immò verò, nec aliquid minus, quàm Filius Dei. Nisi Christus fuisset occisus, nemo Filiorum Adam in gloriam intrare potuisset, quia terrestri in paradiso jus perdidimus quod habebamus in cœlum, & per gulam unius boli à convivio remansimus exclusi. Mortuus igitur Christus infinitum sanguinis sui pretium profudit, quod fuit impensum, ut denuò compararetur & præpararetur quod pro tam vili fuerat perditum. Agitè, ponderate si potestis, mortis istius pretium, sanguinis istius numerate guttas, quarum quælibet plus vallet, quàm infiniti mundi, & sic alio modo incomprehensibilem

illius poteritis investigare valorem, quod eo comparatum est. Mundus hic ita nobis oculos cordaque surripiens, tot tantaque authoris sui potentiâ & liberalitate digna continens oblectamenta, non nisi voluntatis ipsi constitit acino. Porro si pretiosorem multò mundum condere vellet, in quo terra foret aurum, maria & flumina, argentum; rupes, adamantes; arenæ, uniones; plantæ, smaragdi, flores, saphiri; fructus saporesque hisce divitiis & delitiis attemperati, altero voluntatis suæ acino, minoreque tempore quàm momentū unico, ex nihilo creare posset. Quis valor illius fuerit boni, vel bonorum omnium compendii, quod Deo tam justo quàm potenti non minoris constitit, quàm Filii sui morte & sanguine? sed verba Patris profundis grava mysteriis, quibus istud magis declaratur, ponderemus.

*Tauri mei, & altilia occisa sunt:* Primò asserit Rex, Tauros & altilia convivio præparando fuisse occisa. Enim verò, quinam tauri, vel quæ altilia sunt ista? jam notum est, quod in parabola sunt, quod sonant, & in sensu ejus, quod significant. Cùm igitur utraque Christum mortuum significant, prout omnes loquuntur interpretes: Tauri, quia animalia sunt terrestria,

Matth.  
22.9.4

stria, humanitatem, & altilia cœlestia, divinitatem Christi designant. Et quamvis divinitas sit immortalis, de utrisque nihilominus dicitur, quod sint occisa: *Tauri mei & altilia occisa sunt.* Quia sicut natura humana & divina in una est hypostasi unita, non tantum mortuus est Christus quâ homo, sed etiam veraciter Deus mortuus dicitur. Neque sine consideratione transmittendus est modus, & expressa distinctio, quâ Rex hoc casu locutus est: tauros quippe vocat suos, sed non aves: *Tauri mei, & altilia.* Si igitur Rex est Deus, Dominus omnium, quare suos vocat tauros, aves verò minimè? ob eandem quam diximus rationem. Deus dominium in humanitatem habet, non verò in Divinitatem Christi dominium habet, nec habere potest, quia idem est Deus: & sicut tauri, in ineffabili composito Christi, significant id quod habet humanum, & aves seu altilia, id quod habet divinum; propterea Rex qui Deum refert & designat, tauros vocat suos, aves verò minimè: *Tauri mei & altilia.* Quasi nobis diceret: humanum quod est in Christo meum est: divinum non est meum: Ego sum. Illa denique verba: *Occisa sunt,* quæ non quamcunque, sed violentam, quamvis tauris &

altilibus convivij propriam mortem significant; Rex illam quoq; singulari mysterio & energiâ dixit; quia talis Filij sui mors extitit; quâ nobis Deus convivium gloriæ præparavit: non mors naturalis (quæ suffecisset) sed omninò violenta; & non sanguine in venis concreto, sed ex eis profuso. In ipso Textu casum totamque ipsius historiam singulariter descriptam habemus.

Quando Rex missis servis secundò invitaros venire mandavit, quidam eorum eò insolentiæ & insanix sunt progressi, ut non solum venire abnuerint, verum regios servos apprehensos magnis affecerint injuriis, tandemque occiderint: *Reliqui verò tenuerunt servos ejus, & contumeliis affectos occiderunt.* *Matth. 22. v. 6.* Servos mandati secundi bajulos, jam diximus designasse Apostolos. Invitati, qui apprehenderunt illos, qui contumeliâ affecerunt & occiderunt, nullum est dubium, quin civitatis Jerosolymitanæ incolæ fuerint, qui non tantum quibusdam eorum vitam eripuerunt, verum etiam ipsi Apostolorum Apostolo Christo, de quo specialitèr Textus loquitur. Ex multis hoc probatur principiis. Primò, quia Christus propriè & specialitèr Israëlítico populo venit Apostolus, quod ipsemet asseruit. Secundò, quia Rex, qui mandata dire-

*Matth.*  
*15. v. 24.* direxit, erat Pater æternus, & Christus immediate missus à Patre; sicut & alij Apostoli immediate à Christo. Tertiò, quoniam de Christo proprietate omnimoda verificatur, fuisse comprehensum, contumeliis affectum, crudelissimeq; occisum: *Tenuerunt servos ejus, & contumeliis affectos occiderunt.* Nihil obstat nomen *Servi*: *servos ejus*: quia non obstante quod Theologorum nonnulli sibi præservarunt, quod Christus quà Deus non potuerit dici servus; certum est, quod, quà homo, veraciter & propriè fuit servus Dei, & sic potest vocarique debet: quemadmodum post S. Thomam, doctè fusèque probat Suarez.

Denique ut evidentissimè constet, quod Textus noster ad literam de morte loquatur Christi; progreditur historia dicens, quod Rex cognito, quod homicidæ illi patrârant, misit exercitus ad puniendum, qui non tantum illos occiderunt & deleverunt: sed ipsam insuper civitatem eorum demoliti flammis exusserunt:

*Matth.*  
*21. v. 7.* *Missis exercitibus perdidit homicidas illos, & civitatem eorum succendit.* Quinam verò illi à Deo (qui Rex erat) missi fuere exercitus, & quænam ab eis igni tradita civitas? Sanctus Hieronymus inquit: *Per hos exercitus Romanos in-*  
*Pars II L*

*selligimus, sub Duce Vespasiano & Tito, qui occisis Judæa populis, prævaricatoricem incenderunt civitatem*: In justam scilicet necis Christi ultionem. Idipsum ad moriendum jam pergens, & multò ante prædixerat Christus. Et quoniam mors illa tam violenta in Jerusalem fuit obita: eodem momento ipsa portas aperuit cœli, istudq; infinitum pro convivio gloriæ expensum fuit pretium. Ea propter invitatis Rex dici mandavit expensas jam factas, taurosque & altilia jam esse occisa: *Tauri mei & altilia occisa sunt.*

Verum hic notanda jam venit admirabilis, primum inter & secundum mandatum differentia. Primâ vice Rex tanummodò vocatum misit ut venirent invitati: *Misit servos suos vocare invitatos ad nuptias.* Secundâ vice non solum vocare jussit, sed addidit, prandium sive convivium jam esse paratum, necessariaque omnia jam impensa: *Dicite invitatis: ecce prandium meum paravi, tauri mei, & altilia occisa sunt, & omnia parata.* Si primi servi hæc non denunciârunt, quare illud fecere secundi? & si his dicendum erat, & dixerunt, prandium jam esse paratum, quare idem non dixerunt primi? quia neque hoc veraciter dicere poterant, neque Rex man-

mandare poterat, ut dicerent. Primi servi ut vidimus, fuerunt Prophetæ: secundi, Apostoli. Prophetæ incarnationem mortemque Christi præcesserunt; Apostoli verò sunt subsecuti: quia verò mediante Christi morte apertum est cælum eousque clausum; paratumque convivium eousque tantum promissum; hinc servi primi neque dixerunt, neque dicere potuerunt convivium esse paratum: secundi verò illud dicere potuerunt. Quam ob causam in lege veteri, convivio gloriæ digni in limbum descendebant expectaturi; in lege verò gratiæ nunc eâ digni mox in eam intrant eodem fruiuri & gavisuri.

Porro ne ultima mandati clausula sine ponderatione transeat, quâ Rex omnia parata contestatus est: & *omnia parata*: dixit, *Omnia*. quicquid enim homo desiderare, & Deus dare potest, in hoc gloriæ convivio comprehenditur. Verum non hoc considero: sed quod pondero, est, quod cum dixisset in principio: *ecce prandium meum paravi*: in fine iterum repetat: & *omnia parata*. Si dixerat prandium suum jam paratum, quare omnia parata esse, repetit? quia ultimæ clausulæ præmiserat mentionem illorum, quæ ad parandum convivium mortua fuerant; ante pri-

mam verò, non itidem: ad cognoscendum verò quid sit aut esse possit Gloriæ convivium, non adeò considerationem moveret & æstimationem exaggerat, quod Deus illud suum compelleret: *prandium meum*: quantam de eo, quod intelligatur, quod constiterit morte Dei: *Tauri mei, altitia occisa sunt*: ideoque mox subjungit: & omnia parata? multò enim magis magnificentia extollitur convivii cognito pretio, quo constitit; quàm hoc ipso, quod sciatur, cujus sit. Est Dei, morteque Dei constitit: multò igitur magis magnificatur pretio, quàm authore; Deus enim qui illud fecit quâ omnipotens, plus minusve facere potest; idem verò Deus qui illud solvit quâ justus, nequit dare minus hoc ipso quod majoris est valoris. O Deus semper incomprehensibilis, nunquam verò ita, sicut in hoc mysterio! cum Pater sit qui nuptias fecit, & Filius desponsatus: quod filio sit moriendum, ut Pater pro nuptiis convivium adornet! in hac admiratione consideratio sistat, hinc enim abire nequit.

## §. VI.

**E**Vangelium semetipso magnificentiam nobis convivii Gloriæ demonstravit, per authorem, per motivum, & pretium ejus: Omnia infi-

infinita. Infinitus qui fecit, infinitus pro quo factum est, & infinitum quo ipsum fieri constitit. Sed ad punctum devenimus, in quo ipsum Evangelium totum nobis evertere & destruere videtur, quod ex illo hucusque peregrimus. Invitis ad primum secundumque nuncium venire renuentibus, jussit Rex vocari alios, quibus jam mensæ accumbentibus, ut eam Rex majestatis suæ præsentiam honoraret: *intravit, ut videret discumbentes*. Nihil festivum sine aliquo incongruo: & ita hic accidit. Rex inter alios, hominem convivii majestati, non convenienter satis vestitum vidit: præsumptionem & inurbanitatem admiratus, ministris suis mandavit, ut manibus pedibusque ligatum carceri manciparent. Verba Regis fuerunt ista: *Quomodo huc intrasti non habens vestem nuptialem?* Vestis nuptialis, juxta omnium PP. Expositorumque Catholicorum sententiam, est gratia Dei. Sine gratia Dei (est de fide) nemo regnum cælorum intrare potest? ergo convivium, de quo hucusque locuti sumus, non est, nec esse potest convivium gloriæ. Ulterius. Gloria & cælestis beatitudo ex sua propria natura perpetua est & æterna, aliàs enim non esset beatitudo; & semel ingressus in gloriam, egredi, cæque

privari nequit. Homo iste ingressus mensæque accumbens sine veste nuptiali, à convivio fuit ejectus: ergo convivium istud non est illud gloriæ.

Argumentum istud tam est validum, ut solum divinissimum altaris Sacramentum, tam veram, quàm admirabilem, huicque dici tam propriam, quàm veram ejus nobis dare possit solutionem. Respondeo: eandem mensam in principio continuationeque parabolæ, convivium fuisse Gloriæ: ast in ejusdem parabolæ fine, ad quem jam pervenimus, est convivium Sacramenti. Et quoniam ad Sanctissimi Sacramenti mensam magnâ præsumptione & cum peccati mortalis conscientia (quod solus Deus, aliis ignorantibus, novit) sacrilegè quidam accedere possunt; hinc Rex, qui est Deus, quempiam assidentium, ut reliquos, veste gratiæ non indutum vidit: *Et vidit ibi hominem non vestitum veste nuptiali*. De nolentibus venire ad convivium, quâ Gloriæ convivium non dignos fuisse Rex asserit: *Qui invitati erant non fuerunt digni*: ad cæleste quippe convivium nullus nisi dignus intrare permittitur. Ad convivium verò terrestre, quod est Sanctissimum Sacramentum, etiam indignus admittitur. Proinde Rex, cujus solius oculi vi-

*Ibidem*  
v. 11.

*Ibidem*  
v. 12.

*Ibidem*  
v. 11.

dent penetrantque conscientias  
assidentium, quendam mensæ,  
non indutum veste nuptiali vidit:  
*non vestitum veste nuptiali.*

Discrimen differentiamque omnes videre conspicio propriam valde & accommodatam. Verum dubitare simul de suppositione ejusdem, meque interrogare, quasi intueor, quomodo esse potest aut poterat, quod eodem die, eademque in parabola Christi, eadem mensa, idemque convivium, quod in convivio Gloriz cæpit, in Sacramenti convivium desineret? in hoc difficillimum versatur punctum. Sed ecce, quomodo naturaliter sic fuit: aliterque esse non potuit. Convivium illud prandium esse debuit: sic enim illud Rex appellavit: *Ecce prandium meum paravi*: Et quia invitati ad primum nuncium venire recusârunt, secundosque mitti necessarium fuit, ubi plus responsum, apprehensiones vocantium, injuriæ ac homicidia invenerunt; cum istis tergiversationibus, non in ipsa Regis aula, sed alia, quam textus innuit, civitate factis, horæ prandii transierunt. Quo facto Rex exercitus suos expeditiv atque ad puniendos invitatos, rebellemque succendendam civitatem misit, in quo multo plus temporis fuit consumptum. Alii demum sunt vocati, qui

invitatorum loca occuparent: nec hi simul ad palatium Regis sunt deducti, sed eodem mandante Rege, in extremis civitatis viarumque seu platearum exitibus sunt quæsitæ: *Ite ad exitus viarum*: Hisce solitudinibus, curisq; morosis, quamvis celerrimè peractis, reliquum diei necessario fuit insumptum; consequenterque convivium celebratum nocte seu vespere: & sic non prandium, sed cœna fuit. Et quia cœna & non prandium fuit, & eadem erant bellaria: hinc etiam quod convivium erat Gloriz, in convivium transiit Sacramenti.

Enim verò, quænam est, aut fuit hujus adeò notabilis mutationis ratio? hæc clara est & manifesta; inter beatitudinem quippe in cœlo, & inter Sacramentum: in terra aliud non est discrimen, neque alia differentia de convivio ad convivium; nisi unum esse de die, & alterum de nocte; unum cum luce solis, aliud cum lumine candelæ; unum cum lumine gloriæ, quod est clarum; alterum cum lumine fidei, quod est obscurum: unum cum fruitione & visione, alterum cum fruitione sine visione. Nonne certum est eundem Deum, quo gaudemus fruimurque in cœlo, esse etiam in Sacramento? Sic. Nonne similiter certum est,

eun-

eundem Deum ibi videri, hinc verò non etiam: ista igitur sola est differentia inter convivium Gloriæ in cælo, & hoc Sacramenti, in terra. Gloria, est Sacramentum cortinis remotis; Sacramentum, est Gloria cortinis oppansis. Ibi Deus comeditur expolitus & detectus; hinc comeditur tectus & inclusus. Si hodie mensæ accumbentium eisdem, quidam fuissent cæci, quidam videntes, quænam differentia fuisset inter utrosque? videntes comedisent videndo quid comederent; cæci verò non viderent quid comederent; sed eadem cum cæteris comederent bellaria. Idem nobis evenit in comparatione cælestium beatorum. Illi comedunt & vident; quia comedunt de die: nos comedimus & non videmus, quia comedimus de nocte. Verum est, quod, quamvis comedamus de nocte, tamen ad lucem comedamus candelæ, quæ est lumen fidei; huic verò luminis ea est qualitas, ut certificet, sed non ostendat; si enim quod certificat etiam ostenderet, jam non esset fides.

*Videntur*  
v. 23.  
Rex mensæ sine veste nuptiali assidentem apprehendi mandans, dixit: *Mittite eum in tenebras exteriores.* Et quare expressè dixit, *in tenebras exteriores?* ad innuendum prout verè erat, etiam intus

in aula & convivij loco tenebras esse. Tenebræ carceris, quo rex deduci jussit, erant exteriores & deforis: tenebræ palatii, ubi comedebant invitati, erant interiores, & intus. Quidnam verò ambas faciebat tenebras? carceris tenebras loci faciebat obscuritas: convivij tenebras obscuritas faciebat fidei. Ista verò fidei obscuritas id habet excellentiæ, ut tam securos nos reddat de veritate non visi; sicut visio certificat beatos de veritate illius quod intuentur. Textus inquit, Regem intrasse ut videret invitatos: *Intravit Rex, ut videret discumbentes:* notatque Abulensis, finem *lensis.* intentionemque intrandi fuisse: *Ut lætificaret epulantes, cum eis præsentiam suam exhiberet.* Id est, ut convivantes præsentiam suam exhiberetur. Dixit, præsentiam suam, non visione, & rectè dixit; quod enim nos lætificat, nobisque satisfacit in convivio Sacramenti, non est visionis evidentia, sed præsentiae certitudo. Hinc expressè & signantè Textus dicit, intrasse Regem, non ut videretur sed videretur: *Ut videret discumbentes.* In convivio cælesti discumbentes videntur à Deo, videntque Deum: in convivio Sacramenti non est visio reciproca, sed unius tantum partis: Deus videt nos, & non viderur

Xx 3      à no-

à nobis : quemadmodum fides certos nos facit de præsentia, eadem nobis operit visionem.

Verùm si Rex, uti diximus, æternus est Pater, & quod comeditur in Sacramento corpus est Christi, quomodo dicitur, quod in hoc convivium Pater intravit ? quia convivium Sacramenti convivio gloriæ non fuisset æquale, nisi in illud etiam Pater æternus intrasset. Beati non unam tantum, sed omnes divinas contemplantur personas ; vident enim Deum sicuti est, & Deus unus in essentia, trinus est in personis : porro si in Sacramento tantum esset corpus & sanguis Christi, & non Divinitas & Persona Verbi, alique divinæ personæ, plus in se convivium gloriæ, quàm illud Sacramenti contineret : & tamen certum est, & de fide, quod tantum contineat Sacramentum, quantum omnium gloria Beatorum, & illa ipsius Dei : *non vi verborum* ( ut loquuntur Theologi ) *sed concomitanter.* Quamvis vi verborum consecrationis solummodò sit in Sacramento corpus & sanguis Christi ; quia corpus illud & sanguis divinitati sunt unita ; & divinitas non per unionem sed identitatem à personis divinis est inseparabilis ; omnes etiam personæ divinæ sunt in Sacramento, non velut partes essentia-

les Sacramenti constitutivæ, sed velut partes, ( si ita loqui fas est ) illud necessariò comitantes, & intrantes : & hoc verè ac propriè significat, quod Rex, qui est Pater, convivium dicitur intrasse : *Intravit Rex.*

Et quemadmodum Sacramentum, quantum ad substantiam, est idem cum illo gloriæ : quantum ad magnificentiam, quâ communicatur invitatis, per omnia est simile. In convivio gloriæ distribuntur bellaria sine divisione ; Deus enim est indivisibilis ; & idem fit in Sacramento : *Non confractus, non divisus, integer accipitur.* In convivio gloriæ Deus totus datur omnibus, & totus singulis ; & in Sacramento tantum accipit unus, quantum singuli : *Sic totum omnibus, quod totum singulis.* In convivio gloriæ quantumcunque numero accrescunt invitati, non minuuntur cibaria : & in Sacramento, licet frequens sit accipientium numerus, neque idè deficit : *Sumit unus, sumunt mille, nec sumptus consumitur.* In convivio gloriæ cum Deus sit spiritus, non solum beatos facit spiritus, verum etiam corpora ; & in Sacramento suum nobis corpus dando Christus, non solum corporum sed multò magis spirituum est refectio : *Vt duplicis substantia totum cibaret hominem.*

In



In convivio gloriæ videntes Deum transformantur in ipsum; & in Sacramento manducantes Christum similiter transformantur in ipsum: qui propterea; cum Deus esset, homo factus est: *ut homines Deos faceret. factus homo.* Denique in convivio Gloriæ omnia percipiuntur & gustantur oblectamenta & deliciæ, quæ à divinitate veluti de fonte promanant; & in Sacramento similiter eadem gustantur & percipiuntur, omnium enim dulcedo & suavitas ibidem in suo proprio bibitur fonte: *In quo spiritualis dulcedo in proprio fonte gustatur.* Ita illud adstruit & docet Doctor Angelicus S. Thomas, cujus sunt omnes textus citati, & à quo illos accepit & approbavit Ecclesia.

## §. VII.

**E**X omnibus præfenti Sermone jam dictis, Evangelium nostrum sufficienter nobis demonstrasse videtur, quod convivium quod prandium esse debebat, in cœnam sit conversum; & in gloriæ convivio incipiens, in Sacramenti convivio desierit. Hoc nobis tantum curandum restat, ut utrumque fructuosum nobis reddamus; & ne tam ingrati simus Deo, tam inimici nobis, tam insensati, omnique velut judicii ratio-

nisque usu carentes, ut illi, qui binâ vice vocati venire recusârunt. Primum quod nos animare debet omnes, est novisse, quod Deus nos vocat omnes, quodque tam convivium gloriæ, quàm illud Sacramenti, sine reservatione aliqua, personarumque exceptione æqualiter pro omnibus paravit. S. Paschalius notavit, quod idem ipse parabolæ nostræ Rex, quando Filio suo nuptias fecisse dicitur Rex homo vocatur: *Homini Regi.* Post; quàm verò de convivio tractavit, nunquam ampliùs homo est appellatus; quia Reges-homines non invitant nisi Principes & magnos: Rex Deus aliter facit, invitat omnes, vocat omnes; omnes suæ mensæ assidere desiderat, sive illi gloriæ in cœlo; sive huic Sacramenti in terra.

Inurbanis istis invitatis ad primam secundamque vocationem venire recusantibus, idem Rex alios inquiri jussit, qui priorum loca occuparent, mandans ut circum-eundo plateas quotquot inveni-  
rent ad convivium vocarent: *Ite* *Idem*  
*ad exitus viarum, & quosunque* *v. 9.*  
*inveneritis, vocate ad nuptias.* Sed pro mensa Regis, & in celebritate tam regia, velut illa nuptiarum Principis seu primogeniti, non limitantur qualitates? non congrua assignantur loca? nulla titulorum, vel

vel conditionum sit mentio, neque distinguitur inter vocandos & excludendos? omninò non. Vocate quoscunque in viis plateisque inveneritis; quemadmodum plateæ & viæ sunt publicæ & communes omnibus, sic etiam mensam meam esse volo: & sic factum est. Textus inquit, quod servi congregarent omnes quoscunque invenerunt bonos & malos: *Congregaverunt omnes quos invenerunt malos & bonos.* Isti verò sic quaesiti & collecti ex compitis & viis convivij implevere loca: *Et impletae sunt nuptiae discumbentium.* Sed quid sibi vult, Ly, *malos & bonos?* juxta Glossam & Doctores, vult dicere: *Cuiuscunque conditionis homines, cuiuscunque gradus, cuiuscunque nationis, cuiuscunque officii & fortuna.* Hebræum & Græcum, magnum & parvum, divitem & pauperem, nobilem & plebeium, Dominum & servum, indifferenter omnes, nemine excluso. Etiam notate, malos anteponi bonis: *Malos & bonos.* Id est, ignobiliores nobilioribus: hoc enim vel maximè mensam Dei commendat, honorat & magnificat. Quod eodem in convivio, quæ optimè indolem & naturam ipsius novit, Ecclesia illi decantat: *Orces mirabilis manducat Dominum pauper servus & humilis.* Verùm

*Ibidem*  
v. 10.

*Glossa.*

*Ecclesia*

si mihi vel unum mutare liceret adverbium, & verborum invertere ordinem, sic pronunciarem: *Manducat Dominum pauper, servus & humilis? haud res mirabilis.* Id est, quod servus, pauper, & humilis discumbat in mensa Domini, non est mirabile: si convivium Regis cujusdam terreni foret, admirationem mereretur: verùm cum Regis sit cælestis, qui creavit omnes, & pro omnibus est mortuus, quo pacto discerneret in mensa, quos æquales fecit naturâ, pretio, & gratiâ? hic discretionem tales facimus, & ibi earundem vanitatem videbimus. Qualis erit confusio magnorum, videre cælum esse parvulorum? & qualis confusio tot servos & mancipia habentium, videre servum in convivio gloriæ accumbentem, se verò Dominum exclusum?

Supposito igitur, utrumque convivium esse pro omnibus, & Deum nos omnes vocare ad utrumque, non negligamus modò convivium frequentare terrestre, ut idem nos deducat ad cœleste. S. Albertus Magnus, tantus scientiâ, quantus pietate, in quodam excellentissimo, quem de SS. Sacramento conscripsit, libro notabilem hanc profert sententiam: *Id quod nunc in Sacramenti specie percipiendo Christum agimus, signum est, qualiter*

*S. Alb. Magn.*

*Inter eundem aliquando secundum dulcedinem suae Deitatis in caelesti beatitudine percipiemus.* Cupitisne scire utrum coelum ingressuri, qualiterque ibidem recipiendi sitis? videte utrum hic SS. Sacramentum frequentetis, & quomodo ipsum recipiatis; modus enim quo Christi corpus in Sacramento in hac vita recipimus, argumento nobis est, quomodo Divinitatem ipsius in altera vita percipiemus in gloria: *Id quod nunc percipiendo Christum agimus, signum est, qualiter eundem in beatitudine percipiemus.* Quae ergo spes fruendi convivio Gloriarum superest illis, qui sacramentum hanc mensam vel despiciunt, vel tam parum dispositi, aut conscientia puri frequentant, velut ille qui ab eadem rejectus in tenebricosum carcerem, qui est infernus, missus est? Rex hanc pronuncians sententiam, in loco isto tenebroso & subterraneo ejulatur dentiumque stridorem esse asseruit: *Ibi erit fletus & stridor dentium.* Ubi valde notandum, quod duorum tormentorum, quorum meminit, unum sit oris, alterum oculorum. In inferno multa alia atrociora sunt tormenta, quibus ignis & daemones damnatos excruciant; quare igitur duorum tantum meminit tormentorum, quibus

PARS III

ipsimet se cruciant damnati, & unum oris, alterum verò est oculorum? quia manducare Deum in praeium habet videre Deum; indigna verò manducationis reatus, in poenam habet, visione Dei privari in aeternum. Miseri illius indignè comedentis culpa in ore fuit castigata, & aeternum non videndi poena, in oculis executioni fuit data: flectant aeternum oculi, quia Deum non videbunt, quamdiu Deus erit Deus, *ibi erit fletus.* Et quia os Deum contingere indigneque manducare praesumpserit, propriorum suorum dentium moribus praerabie & desperatione aeternum similiter corrodat: *Et stridor dentium.*

Hinc Christus Dominus noster tremendam intulit conclusionem: *Multi enim sunt vocati, pauci verò electi.* Verum si electi sunt illi, *ibidem* v. 14. qui cum veste nuptiali ingressi in convivio permanserunt, & non electus ille indecenter vestitus ingressus, fuit tantum unus; quo pacto Christus dicit, & ex parabolae ejusdem eventu infert, quod vocati sunt multi & electi pauci? dubium illud quomodo sit intelligendum negotij multum facessivit Interpretibus, sed facilem habet solutionem: vocati quippe fuerunt, non tantum qui venerunt ad convivium, verum etiam, qui venire noluerunt: Et

Yy

Et

Et quia omnes quotquot venerunt & non venerunt fuerunt vocati, & ex illis, qui venerunt, unus non fuit electus bene infertur, quod vocati sint multi, electi verò pauci : pauci, omnium vocatorum respectu : & pauciores adhuc, respectu desiderij Christi, & pretij quod salvandis omnibus impendit. Verum aptissimè ex omnibus nostro deservit intento, quod omnes vocati, qui cum veste nuptiali ad convivium venerunt Sacramenti, omnes fuerunt electi : *Pauci electi*. Pauci quidem : sed omnes electi. Quam verò ob causam ? quia finis vocatorum est Gloria ; panis electorum, est Sacramentum : & quotquot bene utuntur pane electorum, finem consequuntur vocatorum. Non datur finis sine mediis : & quotquot hoc supremo & tam facili & expedito proficere norunt medio ; quotquot decenter ritèque dispositi Sanctissimi Sacramenti mensam frequentant ; quotquot vescuntur, & pane electorum se sustentant, quod est convivium Dei in terra ; omnes illi finem Vocatorum consequuntur, qui est in cœlo.

## §. VIII.

**G**randis profectò, Christiani, consolatio omnibus illis qui ita faciunt : sed & æqualis desola-

tio, infelicitas & confusio illis, qui pro commodis, & tam vanorum, prout omnia hujusmodi sunt, desiderio, divinum Sacramenti relinquentes convivium, illud Gloriæ perdunt. De inurbanis istis & insensatis, qui ad convivium vocati venire recusarunt, inquit textus, quod iverit, *alius in villam suam* : *ibidem* *alius verò ad negotiationem suam*. v. 5. Ecce quid perdiderunt : & quare ? Quid, quæso, negotiatione unus lucrari poterat, & alius suâ villâ, quod aliquatenus saltem comparari posset cum eo quod despexerunt & neglexerunt : *illi autem neglexerunt*. *ibidem* Deus nos ad quietem mensæque suæ assidendum vocat : & nos potius laborare & fatigari malumus cum mundo, quàm quiescere & deliciari cum Deo. Tantum in nobis prævalet apparentia præsentis, & tam modicum fides & spes futuri. De nullis minus ista poterat timeri inattentio & incuria, quàm de iis, quos Rex vocari jussit. Vocari jussit agricolas, illos videlicet qui ad agriculturæ exercitium exierant : & mercatores, illos videlicet, qui ad suam exierant negotiationem : & quare magis agricolas potius & mercatores, quàm alterius exercitii homines vocavit ? quia tam agricolæ, quàm mercatores sunt homines, quorum exercitium & professio est, capitale au-

le augere. Agricola seminat parum, ad colligendum multum: mercator pretio coemit minore, quæ vendat majore. Eandemque ob causam tam agricolas, quam mercatores, proprii commodi & lucri desiderium ad Regis mensam attrahere oporteret. Quænam melior agricultura, quàm seminare in terra, & colligere in cælo? & quænam felicior mercatura, quàm vendere tempus, & æternitatem comparare? O æternitas ludificata! ô gloria neglecta! ô cælum nec volitum, nec creditum!

Creditisne, qui vos Christianos dicitis, creditisne esse cælum? creditisne esse gloriam? creditisne esse æternitatem? respondetis quod sic: de quo ego valde dubito. Sed si veraciter creditis omnia quæ dixi, quomodo illa non vultis? Ita noluisse inquit Evangelium eos, quos imitamini: *Et nolebant venire: Quod si tantum nos capiunt blandimenta præsentis, & tam parum fides futuri, cur vos non subit consideratio de præsentis, ubinam illud quandoque desitutum sit? Est singulari admiratione dignum, quod primi, secundiq; vocati omnes se excusantes abnuerint venire: & ultimi, nullo eorum se excusante, omnes venerint. Nunquid invitationes & famuli ejusdem erant Regis, & nuptiæ eadem?*

Quales igitur isti tantæ prudentiæ erant homines, voluntatisque tam diversæ, ut nemine repugnante, omnes voluerint venire? Advertite, ubinam eos Rex jussit quæri; & ubi fuerint, quando venerunt:

*Ite ad exitus viarum, & quoscunque ibidem inveneritis vocate.* Nostis quare vocanti non occurrimus Christo? causa est, quia non stamus in exitu seu finibus viarum. Principia viarum quæ quilibet pro sua sibi assumit vita, earumque media similiter valde sunt deceptoria: fines, & quo substituri pergunt, veritatem detegunt. Omnes civitates, & aula quoque (sicuti hæc erat,) tres habent plateas, seu vias regias per quas homines communiter ambulant, & ubi omnes concurrunt: illam videlicet divitiarum, honorum & voluptatum. Sed ejusdem viæ eventum, viarumque considerantes finem & exitum: *Ite ad exitus viarum, Deus quærit & invenit: & quoscunque inveneritis vocate.*

Etiam alia adhuc ratio ultimò venientium voluntates efficaciter movit & impulit. Primis semel atque iterum vocatis, Rex nondum erat iratus: *Iratus est Rex: justitiæ suæ rigorem nondum ostenderat: Perdidit homicidas illos, & civitatem illorum succendit: & ideo convivium neglexerunt, invitationem*

nem respuerunt, neq; Regem fune  
reveriti. Reliqui verò videntes Re-  
gis benignitatem in iram conver-  
sam, rebelles perditos & in frustra  
concisos, civitatem succensam, in-  
differenter domos humiles ardere  
simul cum superbis palatiis, turri-  
busque altissimis, quomodo non  
istis illuminati flammis aperirent  
oculos, & corda, licet ænea, tale  
non emolliret incendium? non-  
nulli abstrahendo ab historia, fu-  
mentes culpam & pœnam in ge-  
nerali, in hoc igne ignem agno-  
scunt inferni, qui ultimus finis  
est & exitus eorum, qui despi-  
ciunt cœlum. Nunquid è re cujus-  
quam erit, ut tam exigui momenti  
commoda, gaudiaque tam exilia &  
transitoria, sicut illa sunt vitæ hu-  
jus, æternum luiturus abeat in in-  
fernum. Istud igitur volunt nolen-  
do, qui tanti faciunt præsens, &  
tam parvi futurum: & quo fruan-  
tùr deceptione & fallacia illius  
quod est (vel non est) non pen-  
sant quid erit & futurum sit.

Dixi, quod volunt, nolendo; vi-  
deo enim vos intus in cordibus vo-  
bis loqui; quod si non velitis modò,  
velitis postcà; & sicut modò estis  
similes vocatis primis, qui ve-  
nire noluerunt; eritis postcà velut  
ultimi, qui venerunt. Ille est do-  
lus & deceptio communis, quâ  
diabolus nos excoecat, fovet, &

lactat, donec jam perditos in dam-  
nationem abripiat. Exigit à no-  
bis voluntatem modò, & illam no-  
bis promittit pro postcà. Deus nos  
liberet à voluntate habituata ad  
non volendum, quia nunquam  
vult: ecce quid Textus dicat: *Et  
nolebant venire*. Non dicit: *no-  
luerunt*, sed, *nolebant*. Si dice-  
ret, *noluerunt*, significaret actum  
voluntatis; at dicendo, *nolebant*,  
non actum sed habitum significat,  
voluntatemq; habituata ad non  
volendum unquam velle. Hinc  
primâ vice & secundâ iterum vo-  
cati noluerunt; & tertiâ vocati vi-  
ce similiter noluisse. Verum si  
Rex adeò bonus & benignus fuit,  
ut non obstante, quod primâ no-  
luerint vice venire, eos vocârit  
secundâ, cur etiam tertiâ eos vice  
vocari jussit? hoc vel maximè tre-  
mendum hujus materiæ est pun-  
ctum. Nemo ad Deum conver-  
ti potest, nisi inspiratione ipsius  
vocatus, gratiæque ipsius auxilio  
præventus. Et quamvis Deus nos  
semel atq; iterum vocet, si nos vo-  
cationem negligimus & contem-  
nimus; etiam ille suas nobis inspira-  
tiones subtrahit, gratiæque auxilia  
denegat. Et quid miserâ fiet animâ  
Dei auxiliis destitutâ! S. Gregori-  
um Papam audite: *Nemo contem-*

*nat, ne, dum vocatus excusar, S. Greg.  
cùm valuerit, intrare non valeat.*  
q. d.

q. d. Nullus vocationem & inspirationem divinam contemnat, ne, quando vocatus venire non vult, postmodum, quamvis velit, venire non possit.

Porro ut cognoscamus omnes, nos ad eum devenire posse statum, in quo nullatenus possumus, licet vellemus: instructionis hujus S. Gregorij veritatem, ultimâ Evangelij nostri clausulâ confirmemus, quæ sola nobis consideranda restat. Jussit Rex ut qui sine veste nuptiali convivij locum fuerat ingressus, manibus pedibusque ligatis, tenebricosum in carcerem mitteretur: *Ligatis manibus*

*Matth. 23. 13. & pedibus, mittite eum in tenebras exteriores.* Et Textus inquit

*Wilem. 2. 12. quod auditâ hac sententiâ miser obmutescens ne vel verbum reddiderit: At ille obmutuit.* Illud obmutescere me magis facit obstupescere. Homo miser, homo pusillanimis, homo tui ipsius inimice, & sine judicio, quare â sententia ad eundem non appellas Regem? nonne adeo clementem & benignum eum esse vides, ut etiam offensus te vocet amicum? *Amice quomodo huc intrasti?* non cernis eundem tantæ celebritatis diem ad veniam optime accommodatum, si deest, quo reatum tuum excuses? quare eundem non confiteris? quare ad pedes Patris non procum-

bis misericordiam petiturus per Filij amorem, eandemque humanitatem cui se desponsavit? nihil horum miser ille fecit, aut facere poterat licet voluisset, ipsa enim sententia in culpæ suæ poenam illum ad omnia inhabilitavit. Videre nequibat, quia ad tenebras condemnatus erat; ad pedes Regis procumbere non poterat, quia suis ligatos habebat; pectus tundere non valebat, quia manus ipsi ligatæ erant; reatum suum confiteri, veniamque petere nequibat, linguâ enim obmutuerat: & istud evenit illi qui sicur iste gratiâ Dei destitutus intravit, ab ea ejectus fuit & repulsus. Pedes & manus animæ, assertore Augustino, *S. Aug.* intellectus sunt & voluntas, quibus arbitrium constat; quod divinâ deficiente gratiâ tam ligatum manet & obscuratum, ut nec lucem habeat ad videndum, nec manus ad operandum, nec pedes ad movendum, nec linguam ad dicendum, *Peccavi.* Ecce utrum infeliciores luctuosiorque dari possit status, sed justitiâ exigente promeritus. Utinam vel animabus nostris, pro ultimo documento, fortiter impressa inhæreret culpa, ob quam ille miser potentiarum motuumque suorum omnium usum, ad ipsam usque loquelam perdidit, quâ se ab omnibus liberare potuisset.

set ! quæ verò ista fuit culpa? non alia, quàm quodad convivium sine veste intraverit nupriali, id est, ad SS. Sacramenti mensam accesserit extra gratiam Dei constitutus. Idcirco sic obmutuit, ut culpam suam confiteri non posset: justo etenim Dei judicio punitur in confessionibus, quod peccatur in communionibus. Proinde qui ore communicare præsumpsit in peccato, linguam jam habeat ad sua peccata confitenda : *At ille obmutuit.*

Obmutuit pro condigna pœna: nobis obmutescendum est præ

horrore & stupore : obmutuit Evangelium, jam enim non excusum & consideratum non superest verbum: & ego pariter obmutesco, non enim habeo, quod ultra dicam. Si stupiditas mea & repus vos vocare nescivit ad convivium ut debebam, spero hoc interiùs divinam operatam esse gratiam & inspirationes, eâque efficacîâ, ut in hac vita Sanctissimi Sacramenti convivium frequentando, in altera convivium Gloriæ consequi mereamur.

Amen.





# S E R M O

PRO

## Felici successu armorum Portugalliae Contra Hollandos.

Dictus in Ecclesia Beatiss. Virginis Mariae de Auxilio, Bahiae.  
Exposito SS. Sacramento, ultima Quindenarum die, quibus  
in omnibus ejusdem Civitatis Ecclesiis eadem preces  
successivè fuerant institutæ. Anno. 1640.

*Exurge, quare obdormis, Domine? exurge, & ne repellas in finem.  
Quare faciem tuam avertis, obli-visceris inopia nostra, & tri-  
bulationis nostræ? exurge, Domine, adjuva nos. & redime  
nos propter nomen tuum. Psalm. 43.*

### §. I.



IMPLICITUS hisce verbis protestando magis, quàm orando Vates Regius Psalmum quadragessimum tertium concludit. Psalmum inquam qui à capite ad calcem usque hisce temporibus præsentique occasione quadrare videtur. Doctorum maximus S. Hieronymus, & alij post illum expositores, Psalmum hunc de quocunque regno, vel provincia à Fidei inimicis devastata ad literam in-

telligendum affirmant. Sed inter omnia mundi Regna nulli melius, quàm nostro Portugalliae Regno quadrat, & inter omnes Portugalliae provinciae nulli magis quàm Brasiliæ congruit. Aggrediamur totum perlegere Psalmum, & in omnibus ejus versiculis, fortunæ nostræ sortem videbimus expressam: quid fuimus, & quid sumus.

*Deus auribus nostris audivimus, Patres nostri annuntiaverunt nobis opus, quod operatus es in diebus eorum, & in diebus antiquis. Psalm. 43. v. 1. & 2.*  
Audivimus (incipit Vates) à Patribus nostris, & in nostris legimus histo-

historiis; immò seniores nostri partim adhuc suis viderunt oculis, opera mirabilia, facta fortia, victorias & conquestiones, quas medi-  
antibus Lusitanis, temporibus præteritis, tua, Domine Deus, o-

*ibidem* *v. 3.* perata est omnipotentia. *Manus tua gentes disperdit, & plantasti eos: affixisti populos, & expulisti eos.* id est, manus tua fuit, quæ tot barbaras, bellicosas indomitasque nationes subegit, propriarum terrarum dominio exiit, ut hos in eis plantaret, sicut plantavit bene fundatis radicibus; utque illos in eis dilataret, sicut dilatavit in omnibus mundi partibus, in Africa, in Asia, in America. *Nec enim in gladio suo possederunt terram, & brachium eorum non salvavit eos; sed dextera tua, & brachium tuum, & illuminatio vultus tui; quoniam complacuisti in eis.* q. d. non brachiorum ipsorum virtuti & potentie, neq; gladiis ipsorum adscribendum est, quod terras illas sibi subjecerint, quas possederunt, gentemq; illam, & Reges ipsius in servitutem redegerint, & sub tributum miserint; sed omnipotenti dextere tuæ, ac respectui tuo, supremoque beneplaciti tui imperio, quo tibi complacuit eorum in hoc uti servitio. Hucusque relatio præteritarumque prosperitatum memoria: ab hunc Propheta

ad tempus præsens calamitatesq; præsentis transit.

*Nunc autem repulisti, & confudisti nos, & non egredieris Deus in virtutibus nostris.* q. d. Nunc autem Domine sic immutata ista

videmus omnia, ut nunc penitus derelicti & repulsi videamur; nunc enim nostra non præcedis vexilla, neque nostros, ut ante consueveras, ducis exercitus: *Avertisti nos retrorsum post inimicos nostros, & qui oderunt nos diripiebant sibi.* Id est assuetos nos victoriis & triumphis, non quod infirmiores simus, sed in punitionem, hostibus nostris

nostræ terga vertere facis, (qui quoniam Justitiæ tuæ sunt flagellum, justum est ut illis dorsum præbeamus) & quæ, perditis illis, nostræ quondam fuere spolia generositatis, sunt modò spolia ipsorum rapacitatis. *Dedisti nos tanquam oves escarum, & in Gentibus dispersisti nos.* Senes, mulieres, parvuli, quibus nec vires nec arma sunt quibus se defendant innocentes velut oves crudelitatis Hæreticæ manibus trucidantur, quiq; mortem evadere possunt in exteris terris peregrini & exules patriam domumque perdunt. *Posuisti nos opprobrium vicinis nostris, sub-*

*sannationem & derisum his, qui sunt in circuitu nostro.* Non tantopere foret dolendum, si vitâ bonisque

*ibidem*  
*v. 10.*

*ibidem*  
*v. 11.*

*ibidem*  
*v. 12.*

*ibidem*  
*v. 13.*

nisque perditis, fama saltem salvaretur; sed & hæc paulatim perit: & nomen illud, Lusitanus, tam celebre in annalibus famæ, insolens nunc victoriis Hæreticus infamat: gentilesque, quibus circumcincti vivimus, quibus illud honori simul & terrorierat, nunc illud subsannant & despectui habent.

Eâdem omninò proprietate David in hoc psalmo nostras describit infelicitates, opponendo quod sumus hodie, illi quod fuimus, quamdiu Deo placuit; ut in experientia præsentis, dolor crescat ex opposita memoria præteriti: occurrit hic menti, quod proferre non licet linguæ: neque deest qui tacitè ratiocinetur & concludat, notabilis hujus differentię causam, fuisse Monarchię mutationem. Non ita esset (inquiunt) si Rex adhuc viveret Emmanuel, Rex Joannes tertius, Regisve Sebastiani fatalitas, cum ipso Reges Lusitanos non sepelisset. Verum idem Propheta eodem in psalmo, falsæ hujus persuasione nobis explicat veritatem: *Tu es ipse Rex meus, & Deus meus, qui mandas salutes Jacob.* Regnum Portugalliæ, sicut ipse nobis Deus in fundatione declaravit, est regnum ejus & non vestrum: *Volo enim in te, & in semine tuo imperium mihi stabilire: &*

Pars III.

sicut Deus est Rex: *Tu es ipse Rex meus, & Deus meus.* Et iste Rex mandans & gubernans: *Qui mandas salutes Jacob:* & qui non mutatur, ipse differentię hujus est causa; & non Reges, qui sunt mutati. Hac igitur veritate conspectâ infallibili, Propheta noster non nihil in tantarum consideratione calamitatum suspensus fuit, quousque idem ipse Deus, qui lumen infudit, pro remedio earum altissimum ipsi consilium suggessit in verbis, quæ thematis loco assumpsi.

*Exurge, quare obdormis, Domine? exurge, & ne repellas in finem. Quare faciem tuam avertis, oblivisceris inopia nostra, & tribulationis nostra? exurge Domine, adjuva nos, & redime nos propter nomen tuum.* Non prædicat David populo, non illum exhortatur, vel increpat; investivis quamvis meritis abstinere: sed totus novo & extraordinario spiritu abreptus, non solum ad Deum, sed præsumptione piâ contra eum se convertit. Quemadmodum Martha dixit ad *Luc. 10* Christum: *Domine, non est tibi cura?* ita David reverenter cum Deo expostulans, illum quasi incuriæ & negligentię insinulat. De misericordiæ providentiæque ipsius inadvertentiis conqueritur; quod est Deum dormientem considerare: *Exurge, quare obdormis*

Z z

mis

*mis Domine?* repetit ut exurgat, neque damna in finem usque venire permittat; quod pietate misericordiâque ipsius sit indignum: *Exurge, & ne repellas in finem.* Rationem petit & causam, quare à nobis oculos vultumque avertat: *quare faciem tuam avertis?* & quare miseriæ nostræ oblitus, calamitates nostras atque laborem non curet: *oblivisceris inopia nostra, & tribulationis nostræ?* nec quocunque solùm modo rationem ejus exigit, quod Deus facit & permittit; sed iterum iterumque eam dari postulat! Quare obdormis? quare oblivisceris. Denique præmissis interrogationibus, quibus Deum respondere non posse supponit; & istis argumentis, quibus se Deum convicisse præsumit, ante justitiæ misericordiæque ipsius tribunal, illum ad succurrendum nobis, auxiliandum, moxq; liberandum obligatum esse protestatur: *Exurge Domine, adjuva nos & redime nos.* Et ad magis constringendum, non ob nostrum contestatur commodum ac remedium, sed honoris sui & gloriæ causâ: *propter nomen suum.*

Hoc ( omnipotens & misericordissime Deus ) Hoc inquam medio tuam attentavit inclinare & competere misericordiam, adeò tibi conformis: quo etiam

ego utar hodie, quia status in quo versamur, potius idem est, quàm similis. Non prædicabo hodie populis, neque loquar hominibus, voces meæ seu verba sublimiora petent; ad pectus tuum divinum Sermo præsens dirigeretur. Quindecim dierum continuorum hic est ultimus, quibus in omnibus hujus Metropolis Ecclesiis, ad eundem hunc expositæ majestatis tuæ thronum supplicationes suas, precesq; & vota populus obtulit: & cùm dies sit ultimus, justum quoque est ut in eo ultimo unicoque succurratur remedio. Omnibus hisce diebus frustra, & in vanum se fatigârunt Oratores Evangelici pœnitentiam prædicando: sed quia homines non sunt conversi, ego te, Domine, convertere paro. Tam præsumptuosus de tua, Deus meus, misericordia accedo; ut quamvis nos simus peccatores, tu pœnitentem hodie sis acturus.

Quod petitum seu protestatum venio, Domine, est, ut nos adjuves & liberes: *adjuva nos & redime nos*: utraque petitio ista & loco, & tempori optimè congruit. Tantæ oppressionis captivitatisq; tempore, quid nobis in maxima necessitate petendum, nisi ut nos liberes? *Redime nos.* Et in domo seu Ecclesia Beatissimæ Virginis Mariæ de Auxilio, quid majore sperandum fidu-

## S. II.

fiduciâ, quàm ut adjuves, *adjuva nos* : non petam petendo seu supplicando ; sed exoptulando & argumentando : hoc etenim non favorem, sed justitiam postulanti licet. Si nostra tantùm ageretur causa, egoq; pro remedio tantùm nostro supplicatum venirem, favorem, gratiam, misericordiamque precarer. Verùm quia tua magis, Domine, quàm nostra causa agitur, & pro honore tuo & gloria, nominisq; tui exaltatione, *propter nomen tuum*, interpellaturus venio, rationem tantùm petere, æquum est. Hoc super præsupposito, mihi tecum ratiocinandum est : & justitiam postulare justum est : & tua tantùm ratione & benignitate, te convictum iri confido. Casu quo, de te conqueri, tuæque justitiæ tergiversationes, tuæque misericordiæ incurias & obliviones perstringere contigerit ; *quare obdormis, quare oblivisceris* ; non primæ hæ erunt exorbitantiæ, quas à causæ tuæ patrone passus es. Expensas similiter actionis & processus, tu Domine solves : tua etenim gratia, arguendi te rationes, urgendi te efficaciam, atque ad vincendum te omnia arma suppeditabit. Porro si ad hoc minùs sufficiant merita causæ, succurrent illa Beatissimæ Virginis Mariæ, in cujus auxilio maximè confido. Ave Maria.

*Exurge, quare obdormis Domine*  
 Argumentari cum Deo, rationibusque velle convincere, non tantùm assumptum videtur difficile, sed molimen impossibilitatis manifestissimæ, temeritasque & præsumptio arrogantissima. *O homo ! tu quis es, qui respondeas Deo ?* Rom. 9. 20.  
*nunquid dicit figmentum ei, qui se finxit : quid me fecisti sic ?* ô homo præsumptuose (inquit S. Paulus) homo temerarie, quis es tu ut audeas contendere cum Deo ? nunquid lutum in rota & manibus figuli rationem ab eo petit dicens ; *quare me facis sic ?* Si igitur tu homo mortalis lutum es, si te de tam vili materia manus Dei formârunt, quâ fronte ipsi Deo dicis : quare, quare ? Qua temeritate cum Sapientia divina disputare præsumis ? quâ audaciâ rationem exigis ab ejus providentia, quid tecum faciat, aut non faciat ? *Quare obdormis, quare faciem tuam avertis ?* illius venerare permilliones ; occulta ipsius adora judicia, humeros ad superna ipsius decreta contrahere, & facies quod te fides docet, & ad quod creatura obligaris. Sic facimus, sic confitemur, sic coram infinita majestâte tua, Deus immen-  
 se, Bonitas incomprehensibilis, protestamur : *Iustus es Domine,*

*Pf. 118.  
v. 136.*

*& rectum iudicium tuum.* Quantumcunq; tua intelligere nequeamus opera; quantumcunque tua penetrare non possimus consilia; semper justus es, semper sanctus es, semper bonitas es infinita: imò maxime sevientis iustitiæ tuæ rigore, punitionis tuæ severitas culparum nostrarum demerita non adæquat

Enim verò, si causæ nostræ rationes & argumenta, in propriis vellemus fundare meritis: grandis foret temeritas, immò manifesta foret impietas, te velle arguere. Verum nos, Domine, sicut Prophe-

*Dan. 9.  
v. 18.*

ta tuus Daniel protestabatur: *Neg, enim in iustificationibus nostris prosterminimus preces ante faciem tuam, sed in miserationibus tuis multis.*

Supplicationes, earumq; rationes quas humillimè divino tuo conspectui offerimus, appellationes & gravamina quæ continuæ punitionum executioni, & flagellis, quæ patimur, opponimus, non in iustitiæ nostræ præsumptione, sed in sola misericordiarum tuarum multitudine fundamus: *in miserationibus tuis multis.* Argumentamur quidem; sed de te, ad te. Appellamus; sed à Deo ad Deum: à Deo iusto, ad Deum misericordem. Porro quia ex corde omnes ad te exhibunt sagittæ; bonitatem tuam vix lædere valebunt. Sed quoniam dolor intensus post se trahit affectum; verborumque congruentia arg. e. cum

dolore concordat; ne justus præsentium malorum dolor sacros transeat limites in eo, qui coram, & cū Deo loquitur; in omnibus, quæ dicere præsumam, solidis illorum inhærebo vestigiis, qui similibus in casibus à tuomet impulsus spiritu, tuam exorârunt & deprecati sunt misericordiam.

Quando Israëliticus populus gravissimum idololatriæ peccatum commisit in deserto, in aurium moniliumque suorum aurum in bruta vituli effigie adorando; Deus moranti secum Moyse casum revelavit, indignatusq; de super adiunxit absolute, se deinceps Gentem tam ingratam in perpetuum derelicturum, & ad internecionem delicturum: *Dimitte me, ut irascatur furor meus, contra eos, & deleam eos.*

Verum optimi cordis Moyse de populi sui perditione & deletionem non sustinuit audire loquentem: prodiens in arenam, divinæ se indignationi opponit, hoc ratiocinari incipiens modo: *Cur, Domine, irascitur furor tuus contra populum tuum?* Eja Moyse, tu inquis, *Cur?* iustio remne adhuc à Deo exis rationem? Ille tibi dicet: populum idololatriam exercere, brutum insensatum adorare; negatam sibi divinitatem, manibus propriis à se factæ imagini mutæ tribuere, liberationem ex Ægyptiaca captivitate,

*Exod.  
32. v. 11.  
& 12.*

te, celebrato desuper triumpho, ipsi in acceptis ferre: & hisce ita se habentibus, adhuc Deum interrogas, *cur irascitur furor tuus?* Omnino. Et zelo quidem valde prudenti. Quamvis enim ex parte populi gravissimæ subessent rationes puniendi; ex parte nihilominus Dei

*quod cogitaveras facere populo suo,* 32. v. 14  
ex text  
Hebr.

Magna igitur, Deus meus, sperandi mihi est ratio fore, ut ex hoc sermone pœnitens egrediaris, cū idem sis, qui eras, nec minor modò quam temporibus istis nominis tui zelotes: *propter nomen tuum.* Moyses tibi dixit: *ne quæso dicant:* q. d. Ecce quid dicent: ego verò dico dicereq; cogor; ecce quid jam dicunt. Suis jam prosperis successibus insolentes dicunt hæretici, te illis hoc indulgere & concedere: jam dicunt quia ipsorum, ut illi vocant vera est fides & religio, hinc opitulante sibi Deo vincant: & quoniam nostra falsa & erronea est, idcirco deferente nos Deo victi succumbamus. Ita loquuntur, ita prædicant, & pro dolor! non deerit qui fidem illis tribuat. Num igitur fieri potest, Domine, quod permissiones tuæ in argumentum trahantur contra tuam fidem? Estne possibile, quod punitiones nostræ & pœnæ ansam præbere debeant nomen tuum blasphemandi? Quod dicat hæreticus (pro quàm hoc lingua pronunciare tremit!) quod hæreticus Hollandum te esse dicat? ne quæso Deus meus, tale quid permittas: ne permittas eò quod sis, qui es. Non propter nos hoc dico, parū enim esset quod nos punires: neq; illud dico propter Brailiam, parum enim esset si illam perderes:

*Ibidem* major suberat ratio parcendi: *ne*

v. 12. *quæso* (ratiocinatur Moyses) *dicant*

*Ægyptii, callidè eduxit eos, ut interficeret in montibus, & deleret à terra.* q. d. Ecce Domine, Ægyptii essentiz aut saltem veracitati & bonitati tuæ notam inurent, dicent quòd dolosè nos in desertum hoc adduxeris, ut hîc nos occisos sepelires. Quâ concepta & divulgata apud ipsos opinione, quis, quæso, nominis tui sancti subsequetur despectus, cui eadem in Ægypto tot tantisq; portentis, potentizq; tuæ prodigiis, tantā venerationem terroremq; conciliasti? ad conservandam igitur fidem convenit dissimulare pœnam, nec illā Gentilibus aut aliis in hac terra præbere occasionem dicendi: *ne, quæso dicant:*

Hoc modo ratiocinatus est Moyses in favorem populi, & Deus argumenti hujus efficaciam victus eodem-mox momento sententiam revocavit; conformiterque textui Græco non solum pœnituit de executione, sed etiam de cogitatione:

*Exod.* *ne: Et pœnituit Dominum mali,*

propter te, propter sanctissimi tui nominis honorem, quod tam impudentibus hoc ipso blasphemiis exponitur, dico: *propter nomen tuum*. Cum perfidus nunc Calvinista de suis successibus, quos non nisi nostra merentur peccata, religionis faciat argumenta: seq; jactet insolens & blasphemus, quod sua sit vera: in eadem fortunæ videat rota, ut humilietur, neque præsumptuosè gloriatur asserendo à cujus parte consistat veritas. Venti & tempestates, quæ nostros disjecerunt & abriperunt exercitus, dissipent abripiantq; ipforum: infirmitates & pestilentia, quæ nostros debilitant & imminuunt exercitus, muros eorū transcendentes præsidia illorum consumant: consilia, dum punire intendis, nostra illumina, illorum confunde & infatua. Victoria immutet vexilla; ulciscantur sese cruces Catholicæ; in armis nostris & vexillis tua triumphent vulnera; & humiliata manifesta agnoscat perfidia, Romanam solam, quam profitemur, esse veram, tuamque fidem.

Verum ulterius adhuc erit, qui dicat: *Ne, quæso, dicant Egyptii*: Ecce Domine, inter Gentiles vivimus, quidam eorum tales adhuc sunt hodie, alii fuerunt heri, & isti quid dicent? Quid rudis sine Dei noticia Barbarus dicet? quid insta-

bilis Indus, cui pius erga fidem nostram deest affectus? quid Æthiops elinguis, sine alia instructione vix baptismatis aquâ tinctus? Non est dubium, quin omnes isti, cum iudiciorum tuorum nequeant penetrare abyssum, utrisque apertis oculis errorem hunc imbibituri sint. Ex manifestis effectibus fidem nostram falsam, illam Hollandorum veram esse dicent, seque magis Christianos esse & nos sibi similes credent. Fœda brutalisque Hæreticorum secta, ad brutalitatem Barbari propius accedit; libertas dissolutioque vitæ scaturigo fomesque hæresis, depravatis moribus corruptionique Gentilismi facilius copulatur: & quis Paganus convertetur ad fidem quam illi prædicamus? vel quis Catechumenus, seu Neophytus non resiliet à fide, intelligens & hæc & alia sibi persuadens, quod in hæretico lex sua & religio remuneretur, nostra verò in Catholicis castigetur? Si igitur hi rigoris tui, quamvis non prætensi sint effectus, coeptaque justè in nobis puni- tio cum tanto damno transit ad eos, qui in nostris non sunt complices culpis. *Cur irascitur furor tuus*: Quare continuatur his confideratis, quod tu ipse furorem vocasti; & quare jam iræ tuæ gladium non recondis in vaginam?

Si



Si populo Hebraico tam graviter offensus; pro uno tantum, *Quid dicent Egyptij*, eidem mox condonasti, nonne hoc quod nunc dicunt Hæretici, & dicturi sunt Gentiles, sufficiens erit, ut rigida manus tua pœnam suspendat, peccatisque nostris, quæ quamvis in se sunt magna, minora tamen illorum sunt peccatis, veniam indulgeat? Hebræi adorârunt idolum, à fide defecerunt, veri Dei derelicto cultu, Deum Deosque appellârunt vitulum: & nos infinitæ Majestatis tuæ adjuvante & præservante gratiâ tam longè absumus abfuimusque semper à minimo defectu, vel fidei scrupulo, ex parte nostra, ut multi patriâ, domo, facultatibus, immò uxore & liberis derelictis, in summa miseria vitam exules transigant, tantum nè cum hominibus ab Ecclesia tua segregatis & apostatis communicare & commorari cogantur. Si igitur, Domine meus, & Deus meus, si tui, fideique tuæ amore, necdum urgente eandem perdendi, aut in discrimen vocandi periculo, extrema talia Lusitani subeunt & tolerant: *Quare oblivisceris inopia nostra, & tribulationis nostra?* Id est, quare tam fidelium ærumnas, tamque Catholicorum oblivisceris tribulationes? quo pacto possibile est, quod fidelissimis hisce ser-

visiratam se majestas tua ostendar, infidelibus, excommunicatis & impiis favendo?

Eheu quàm veraciter nobis hoc casu cum S. Jobo conqueri licet, quando à Sabæis spoliatum se vidit, uti nos sextremè jam oppressos afflictosque cernimus: *Nun. Job. 10. quid bonum tibi videtur, si calumnieris me, & opprimas me opus manuum tuarum, & consilium impiorum adjuves!* q. d. videtur tibi bonum, Domine, videtur tibi bonum, quod me servum tuum opprimas & affligas, & impiis hostibus tuis auxiliaris & indulgeas? videtur tibi bonum, ut illis prosperè, & pro voto omnia cedant, & à Providentia tua foveantur, nobis à potenti dextera tua derelictis? nos è memoria videamur deleti? nos severitatis tuæ exemplum? nos iræ furorisque tui spoliū? nunquid tam leve & modicum est omnibus derelictis pro te exulare? tam parum est, dolores, paupertatem, ærumnas, inhonorationes & contumelias aliorum consequentias tolerare? ergò nullum jam fidei meritum? pietati nunc deest gratia? perseverantiæ nulla habetur ratio, tibi que non placet? si igitur inter nos, quamvis malos, & perfidos illos tantum intercedit discrimen, quare nobis neglectis, opitularis illis? *Nunquid bonum tibi vide-*

*videtur* : Tibi, qui ipsa bonitas es, nunquid bonum illud esse videtur ?

## §. III.

**C**onsidera, Deus meus, & ignosce, si inconsideratè loquar: considera quibus terram Brasiliæ auferas, quibusque eam tradas ? eripis & aufers terras istas Lusitanis, quibus eam primùm dedisti : & sufficiebat dicere, quibus dedisti, ad fidem nomini tuo conciliandam; non enim liberalis nomen tribuere possunt gratiæ, quas dedisse pœnitet. Idcirco, Domine, te dantem non pœnitere S.

*Rom. II. Paulus asserit ; Sine pœnitentia enim sunt dona Dei.* Sed seposito illo, terras istas tollis Lusitanis,

quos ex omnibus mundi Nationibus in fidei tuæ propagatores elegisti, quibusque pro insigni, tesseraque singulari tua propria vulnera assignasti. Erit igitur bonum, supreme Domine, & Rector Universi, ut sacri Portugalliæ Quini, nec non vexilla & vulnera Christi, ad hæreticas Hollandorum, suo Regi Deoque rebellium partes transeant ? eritne bonum ut victoriosa eorum signa prosperitatis ventus circumagat, nostris demissis, prostratis & ignominiosè subactis?

*Josue 7. Et quid facies magno nomini tuo? Et v. 9. quid facies (inquirebat Josue) quid-*

ve tantæ afflictionis, ignominiaeq; casu tuo nomine fiet ?

Similiter tollis Brasiliam Lusitanis, qui istas tam vastissimas quàm remotissimas Orientis regiones tot vitarum dispendio tantoque profuso sanguine acquisierunt, magis ad propagandum tuum nomen & fidem ( hoc enim zelo Christianissimi Reges isti agebantur ) quàm ad dilatandum & amplificandum suum imperium. Sic tibi in hunc novum cum tanto honore & gloria nos introducere placuit mundum ; & cum tanto nos dedecore & ignominia ( quis simile quid de tua sibi imaginaretur bonitate ) nos inde expelli permit- tis. Eheu ! quomodo timeo ne non desit, qui cum Aegyptiis dicat : *Callidè eduxit eos, ut interficeret, & deleret è terra* : Manus tuæ largitatem, quâ tot nobis dominia tradidisti & regna, non fuisse liberalitatis tuæ gratias & dona ; sed cautam iræ tuæ dissimulationem : ut hîc extraneos & remotos à patria nos interficeres & ex toto de- leres. Si hæc futura erat merces, laborumque nostrorum fructus ; ad quid tanta servitia ? quæ in tam copioso & illustri profuso in hisce conquisitionibus sanguine utilitas ? ad quid regiones & climata ignota deteximus ? ad quid cum ventis & tempestatibus, tantis nostris exi- tiis

tiis pugnamus, ut vix navis in oceano vagetur, ad quam non miserabilium naufragiorum Lusitanorum fama pervenerit? & post tot pericula, post tot infortunia; & tot jam miserabiliter mortuis, vel sub dio in agris sine sepultura, vel in ferarum spelæis, vel piscium visceribus sepultis, regiones sic acquisitas deferere, aliisque cedere cogamur? ô quantò nobis melius fuisset tam ardua & periculis plena aggressos & executos non fuisse molimina!

Sanctior nobis Josue, patientiâ imperfectior, occasione simili, tecum loquens, non differente linguâ & sermone est usus. Filiis Israël ultramarinas jam terras, transito Jordane ingressis, uti & nos hæc jam intravimus; Exercitûs partem ad obsidendam expugnandamque urbem Hay miserat, quæ ipso nominis echo infelicem Filiis Israël eventum portendere videbatur: fuerunt enim cæsi & profligati, minore quamvis mortuorum & vulneratorum numero, quàm nobis hic evenire solet, quid Josue faceret, inopinatâ hac qualicunque clade conspectâ? Ducali scisso habitu humi prostratus clamare incipit in cælum: *Hec*

*Josue. 7.  
v. 7.*

*Domine Deus; quid voluisti traducere populum istum Iordanem flu-*

*vium ut traderes nos in manus Amorrhæi? q.d. Deus & Domine mi quid est hoc? quare nos Jordanem transire jussisti, nobisque terras has possidendas tradidisti, si nos in manus Amorrhæorum perdendos tradere voluisti? Utinam mansissemus trans Iordanem! utinam fluvium hunc nunquam transivissemus! hoc modo Josue exposculabat cum Deo, nobisque similiter multò justiore ratione licet exposculare. Si iste navigationum nostrarum futurus erat exitus, si hujusmodi fortunæ seu infortunia, in conquistis nos terris expectabant: Utinam mansissemus trans Iordanem! utinam divinx tux placuisset Majestati, quod nunquam Portugalliâ fuisset egredi; nec vitam nostram discrimini exposuissemus, in undis & ventis; nec cognovissemus quidem, nedum pedem terris intulissemus peregrinis! eas acquirere, nec frui aut gaudere permitti, infortunium & non felicitas fuit, eas possidere ad perdendum, iræ tux, Domine, fuit punitio, & non liberalitatis tux favor & gratia. Quod si terras illas dare decreveras Piratis Hollandicis, quare easdem non tradidisti ipsis adhuc agrestes & incultas, sed modò? Nunquid tanta tibi exhibuit servitia gens per-*

Virgil.

versa & apostatica, ut nos præmitteres ad præparanda illis hospitia, pro illis excoleremus agros, construeremus civitates, quas jam cultas & opulentas illis traderes? sic cine hæreticos fideique tuæ hostes laboribus Lusitanorum, sudoribusque Catholicorum frui ac gaudere fas est? *Et quæis consecvimus agros!* Verum quia tu Domine, sic ordinas juxta beneplacitum tuum fiat. Trade Hollandis Brasiliam, trade illis Indias, trade illis Hispanias (quæ non periculosa minus perditæ Brasiliæ sunt consequentiæ) trade illis quantum & quicquid habemus, & possidemus (sicuti tantam jam partem tradidisti) manibus eorum trade mundum: & nos, Lusitanos & Hispanos, desere & derelinque nos, repudia nos, destrue nos & dele. Verum hoc tantum dico, & majestatem tuam meminisse cupio, futurum quandoque, ut eorundem, quos modo spernis & à te dimittis, operâuti velis, & eâ tunc careas.

Non præsumerem hoc modo loqui, nisi ex ore Job verba desumerem, qui velut tam afflictus, quod toties in scenam intret, nemo miretur. Patientiæ exemplar expostulabat cum Deo (Deus enim parientes nos, sed non insensitivos desiderat) ratione poenarum suarum & afflictionum expo-

stulabat contestans eum contentiosè, quare rigorem earum & acerbitatem non nihil sibi mitigaret: cumque ad omnes preces & instantias Dominum inexorabilem experiretur, non habens quid ultra diceret, conclusit ita: *Ecce nunc in pulvere dormiam, & si mane me quaesieris non subsistam.* Nunc Domine cum nec ab affligendo me desistere, neque flagella tua & cruciatus mitigare, sed cœptum jam procedendi mecum rigorem continuare & absolvere velis, placitum tuum exequere, occide me, in pulverem me redige & sepeli: *Ecce nunc in pulvere dormiam*: at tamen hujus te admonitum & memorem velim, quod si mane me quaesieris, non invenies: *Et si mane me quaesieris, non subsistam.* Habebis Sabæos, habebis Chaldæos, deprædatores & flagella domus tuæ: sed non invenies in ea Jobum aliquem, qui tibi in ea serviat; non invenies Jobum, qui eam veneretur; non invenies Jobum aliquem, qui propriis etiam vulneribus honorem ejus tueatur. Idem ego dico, Domine, non mirum iisdem disrumpi affectibus, qui in eodem versantur statu. Exure nos, destrue nos & dele nos; contingere quandoque potest, quod Hispanos desideres & Lusitanos, & illos non invenies. Hollandia tibi conqui-

Job. 7.  
v. 20.

conquistores dabit Apostolicos, qui per mundum vexilla crucis circumferent: Hollandia tibi Prædicatores ministrabit Evangelicos, qui Catholicam doctrinam in barbarorum terra seminant, suoque proprio sanguine rigent: Hollandia Sacramentorum tuorum veritatem, Romanæque Ecclesiæ veritatem defender. Hollandia tibi templa extruet; Hollandia altaria eriget; Hollandia consecrabit Sacerdotes, & sanctissimum corporis tui sacrificium offeret; denique Hollandia tibi serviet, tamque piè te venerabitur sicut Ambste- lodami, Virginopoli, & Flissingæ, omnibusq; in aliis frigidi profundique illius inferni coloniis sit quotidie.

§. IV.

**E**Quidem, Domine, video te mihi regerere posse, Fidei tuæ propagationem, gloriæque tuæ opera non dependere à nobis, nec à quoquam alio; deficientibusque hominibus, de lapidibus te filios Abrahæ suscitare posse. Sed & Sapientia tua, omniumque sæculorum experientia nos docuit, quod creato Adamo, nullos de novo creasti homines, iisque utaris quos habes in mundo, & nunquam minùs bonos admittas, nisi meliorum defectu. Ita in cœnæ parabola fe-

cisti. Invitados, quos elegeras, vocari iussisti, qui quoniam se excusando venire renuerunt, cæcos & claudos admissos, loca ipsorum occupare fecisti: *cæcos & claudos* Luc. 14  
v. 21. *introduc huc.* Enim verò, si hæc est ordinaria divinæ tuæ Providentiæ dispositio, quomodo illam nunc in nobis adeò inversam & contrariam videmus? Quales isti fuere invitati, & quales isti sunt cæci & claudi? Invitati & electi fuimus nos, ad hæc regiones primò à te vocati, tamque largam & abundanter instructam in eis nobis apposuisti mensam, quàm de magnificentia tua sperari poterat: Cæci & claudi sunt Lutherani & Calvinistæ; cæci sine fide, claudi sine operibus, in quorum reprobatione primarius hæresis eorum error consistit. Porro si nos invitati nos non excusavimus, si venire non dubitavimus, imò multa magnaq; inconvenientia & ardua penetra- vimus, de quibus desperare poteramus: si venimus, mensæque accumbimus; quonam pacto nobis exclusis forasque ejectis, cæcos & claudos violenter introducis, nostraque loca Hæreticis assignas? Quod si in cæteris omnibus, illi nobis bonitate, aut nos illis malitiâ pares essemus, quare saltem privilegium & prærogativa Fidei nihil proderit nobis? In omnibus, Do-

mine, providentiæ tuæ stylum, justitiæque tuæ leges nobiscum immutare videris.

Decem illæ Evangelii tui Virgines, omnes somno & sopore oppressæ, dormitaverunt omnes, incuriâ & negligentîâ sibi fuerunt æquales : *Dormitaverunt omnes, & dormierunt*: Nihilominus quinque harum sponsus dissimulavit defectum, tantumq; quia lampades habebant accensas ad nuptias venire & intrare meruerunt; à quibus reliquæ fuerunt exclusæ. Si ita se res habet, Domine, si ita judicasti tunc (tu enim ille divinus es sponsus) quare etiam nobis non prodest, si dei lampades habere accensas, quæ in hæreticis adeò mortuæ sunt & extinctæ? estne possibile, ut januam iis aperias, qui lampades gerunt extinctas, eisq; claudas, qui eas habent accensas? considera Domine, non eam esse divini tui tribunalis auctoritatem; ut eodem in casu ex eo duæ tam contrariæ sibi prodeant sententiæ. Si illis quæ lampades suas extinguere permiserant, dictum est: *nescio vos*: si illis clausa est janua: *clausa est janua*: quisnam, quæso, tremendum hoc ex ore tuo audire merebitur, *nescio vos*, nisi hæreticus te non agnoscens? Et etiam præcludenda janua ob oculos, nisi hæretico, eos tam occæcos habenti? Verùm video,

neque cœcitatem hanc, neque tui ignorantiam mereri, ut justitiæ tuæ rigor fortunatum ipsorum progressum remoretur, sed quod lento quasi pede victoriosa ipsorum arma nobis appropinquant, propediem ad portas & januas hujus tuæ civitatis pulsatura. Dixi, hujus tuæ civitatis: at ignoro, utrum Salvatoris nomen, quod eam honorasti, eam defendet & salvabit, prout aliàs eam non defendit: nescio, utrum istæ supplicationes nostræ, quamvis tam frequentes & continuæ ad divinum tuum conspectum aditum inveniunt; cum tot jam annis elapsis, justus dolor noster in cœlum clamet, nihilominus divina tua clementia non exaudiat.

Casu quo fortè (quod absit) in occulto mentis tuæ consistorio decretum est, ut hæretici Bahiam intrent; Hoc te humiliter & seriò monitum cupio, ut ante sententiæ executionem, maturè consideres Domine, quid ex hoc evenire tibi queat, ipsumque ritè penses & conferas in corde tuo, atque discutias dum tempus est; præstat enim poenitere modò, quam ubi malum præteritum jam non habet remedium. Advertis utique, quâ intentione & allusione hoc dicam, nec non rationem in te fundatam, quâ ad dicendum movear. Etiam ante

*Ibidem*  
v. 12.  
*Ibidem*  
v. 10.

ante diluvium prono in choleram, commotoque ad iram in homines videbaris animo; ita ut quantumcunque centenis illis annis deprecaretur Noë, ad placandam iram tuam minus nihilo profuerit. Ruptis tandem cœli cataraçtis, usque ad montium cacumina intumesciente mari totus inundatus est mundus; jamque justitiæ tuæ satisfactum poterat videri. Sed ecce tertia die emergentia, natare, & multitudine infinita apparere cœperunt corpora, pallentes illæ figuræ, nec non tristissima & funestissima exhibita super undas tragœdia quàm unquam viderunt Angeli; homines enim qui viderent, non erant. Tu quoq; Domine vidisti (ac si vidisses de novo) spectaculum illud lugubre, & quanquam non fleveris; lachrymis enim adhuc idonei deerant oculi; interiora nihilominus tua interno

- Gen. 6. sunt dolore commota, *tactus dolore cordis intrinsecus*: ut eo, qui in te cadit, modo mundum fecisse te poenituerit: tamque intensus & extensus tuus fuerit dolor, ut non solum te poenituerit præteriti; verum etiam firmiter proposueris in futurum illud nunquam amplius facere: *nequaquam ultra maledicam terræ propter homines*. Ilte es Domine, iste es: cumque sis iste

cum tuo corde contendere noli. Ut quid violentiam ei inferis, si ejus sensus, & tuus eam postmodum luet. Age, cum justitiæ executiones dolore tibi & poenitiâ consent, quid agas, præmeditare: ne simile quid tibi eveniat. Porro ut hoc sub coloribus videas humanis tibi jam non peregrinis, permitte ut futuri hujus diluvii afflictiones & misérias ad vivum depingam; sique repræsentatio hæc ad compassionem te non moveat, & viscera tibi fuerint & animus ad videndum sine dolore, age, decretumque exequere.

Fingamus igitur (figmentum etiam & imago horrorem incutit) fingamus, Bahiam reliquumque Brasilæ in manus Hollandorum deventurum. Quid hoc contingente casu accidet? in civitatem hanc cum furia victorum instar & hæreticorum irrumpent: nec statui, nec sexui, nec ætati parcent: iisdem gladiatorum aciebus metientur omnes. Mulieres flebunt cernentes pudori suo honorem non haberi: plorabunt senes, canis suis reverentiæ nihil tribui: ingemiscunt nobiles videntes, conditionis suæ rationem nullam haberi. Lachrymabuntur Religiosi venerabilesque Sacerdotes sentientes quod nec ipsæ sacræ ipsos immu-

nes faciant & defendant coronæ. Denique in lachrymas ejulatuq; resolventur omnes, omniumque maximè, majoreque commiseratione digni innocentes; nec enim illis ( prout olim non pepercit ) hæretica parceret inhumanitas. Scio equidem, Domine, te Innocentium tantum amore quandoque dixisse, non oportere, neque consultum aut bonum esse Niniven puniri: sed, quæ nescio nunc sint tempora, aut offensa & infelicitas illa nostra, ut ipsa etiam innocentia te non flectat. Ergo & pars poenæ in te, Domine, redundabit ( & hoc vel maximè Christiana pietas sentit ) ad te poenæ portio perveniet.

Irruentes in Ecclesiam hanc & alias furiosè Hæretici, involabunt in hanc custodiam, in qua ab Angelis modò adoratus es: arrepta sacra vasa & calices suis deputabunt sceleribus & computationibus: dejectas ab altaribus Sanctorum imagines & statuas, gladijs cultrisq; suis deformatas in ignem conjicient: neque furiosæ sacrilegæque manus ipsis Christi crucifixi tremendis & vel maximè venerandis, neque B. Virginis parcent imaginibus. Non tamen adeò miror, Domine, in tuis dissimulare te imaginibus, injurias & inhonorationes, quas jam tuo sacratissimo cor

pori irrogari permisisti: verum quod eas in B. Virginis Mariæ, in illis sanctissimæ Matris tuæ iconibus dissimules seu permittas, quo pacto illud cum amore & pietate filij stare possit, ignoro. In monte Calvariæ B. Virgo ad pedem Crucis constanter tibi astirit, & quamvis carnifices essent inhumanissimi, nullus tamen eam contingere fuit ausus, aut debitum negare honorem. Ita fuit, & ita esse oportebat, siquidem per Prophetam hoc promiseras: *Flagellum Ps. 90. non appropinquabit tabernaculo tuo. v. 10* Ita que Mariæ Virginis Fili, si tibi tantæ tunc curæ fuit honor reverentiaque Matris, quare nunc tantas ipsi injurias in honorationesque irrogari permittis? neque mihi dixeris, Domine, ibi fuisse personam, hic imaginem. Eiusdem Virginis imago tantum erat arca Testamenti; quam quia Oza tangere præsumpsit, vitam te vindice perdidit. Si ergo tam te rigidum ostendisti Mariæ offendenti figuram, quare talem te non ostendis modò? quælibet tunc sufficiebat erga res sacras irreverentia, ut ad stuporem usque & miraculum quasi illam vindicares. Si Jeroboamo manum contra Prophetam extendenti, ipsum mox prodigiosè exaruit brachium, quomodo hæreticis tuos jam Sanctos inhonorare



rare ausis, pro aliis adhuc sceleribus exercendis brachiorum usum relinquis? si Balthasarum eò quod sacris ad potandum ex eis abusus sit valis, in quibus corpus tuum non consecratur, vitâ privâsti & regno; quare vivunt hæretici, qui calices consecratos in usus convertunt prophanos? nunquid tres nunc desunt digiti, qui contra sacrilegos mortis sententiam scribant?

Denique, Domine, expilatis templis, altaribusque everfis, Catholica Christianitas in Brasilia expirabit; divinus cessabit cultus: herbæ & virgulta nascentur in Ecclesiis, sicut in agris, & nemo eas ingreditur. Transibit dies natalis tuus sine nativitatibus tuarum memoria: transibit quadragesima & hebdomada sancta, nec celebrabuntur Passionis tuæ mysteria. Lugebunt viæ, sicut illas devastatæ Jerusalem Jeremias luxisse testatur: *Via Sion lugent, eò quod non sint, qui veniant ad solemnitatem.* Desolatæ videbuntur & solitariae, ut eas non calcet Fidelium devotio, more similibus diebus consuetor. Non erunt altaria, neque Missæ sacrificia, neque Sacerdotes qui ea offerant: Catholici morientur sine confessione & Sacramentis: hæreses in hisce ipsis prædicabuntur pulpitis: & loco S. Hieronymi

& S. Augustini, infamia in eis resonabunt nomina Lutheri & Calvinii: fallam imbibent doctrinam Innocentes qui remanserint Lusitanorum reliquiæ: ad eumque deveniemus statum; ut præsentium Filij & nepotes interrogati; juvenis, seu pater, cujusnam es sectæ? hic se Calvinistam, alius Lutheranum se responsurus sit. Ergone hæc tolerandum mi Deus! oves tuas S. Petro commissurus, trinâ eundem vice de amore interrogasti: *Diligis me, diligis me, diligis* Joan. 21. v. 15. Et hoc nunc modo non Pastoribus eas sed lupis tradis? estne idem, an alius? hæreticis tuum gregem? hæreticis animas tradis? cum animas nominaverim nihil ultra tibi dicam. Nunc scio Domine, compatiendum poenitendumque tibi esse, & cor animumque tibi deesse, ad tales videndas miserrimas & strages. Et si (sic enim piissima tua viscera promittunt) si inquam dolor & poenitentia postea subsequenter; desinant iræ, cessent nunc executiones: neque enim justum videtur, ut modò te delectet, cujus postea te poeniteat. Multum, Domine, detulisti homini in creatione mundi propriis tuis eum formans manibus, animamque illo halitu proprio insufflans, similiterque imaginis tuæ & similitudinis characterem illi imprimens:

Gen. 1.  
v. 10.

primens. Sed eodem mox creationis die non plenè contentus fuisse videris; siquidem de omnibus aliis creatis testatur Scriptura quod bona tibi fuerint visa : *Vidit Deus, quod esset bonum.* Quod de solo homine jam creato subtrahit. Mysterosam hanc admirando subtrahentiam suspensum hucusque vacillavit humanum iudicium, causam penetrare nequius, quod tam publicè in omnibus aliis creatis complacentiam protestatus fueris, in solo verò homine, qui opus erat perfectissimum, beneplacitum omninò nullum ostenderis. Elapsis tandem mille septingentis & ultra annis, Scriptura eadem, quæ mysterium hoc suppresserat, idem nobis aperuit scilicet poenituisse te hominem fecisse: *Poenituit enim, quod hominem fecisset in terra:* quodque tu ipse dixeris : *Poenitet me fecisse eos.* Et sic occultum tanto tempore, tandem patuit secretum. Porro tu, Domine, poenitere & tædere te dicis creâsse hominem; hæc igitur causa fuit quod à creationis ipsius principio nullam in eo complacentiam ostenderis, neque dici volueris, quod bonum tibi fuerit visum: convenienter rationi tanquam alienum quid à sapientia & providentia tua iudicans, quod aliquid unquam bonum tibi videretur, quod post-

Gen. 6.  
v. 6.  
*Ibidem*  
v. 7.

modum te fecisse poeniteret : *Poenitet me fecisse.* Cùm hæc igitur sit conditio, altissimaque Providentiæ tuæ statûs ratio, nunquam placere, de quo poenitendum: cumque similiter sit certum, in piissimis misericordiæ tuæ visceribus si repræsentatas jam tibi afflictiones, miseras, stragesque permiseris, necessariò doloremque poenitentiamque subsecuturam: poeniteat te dum tempus est, Deus misericors; divinæ pietatis & misericordiæ tuæ oculis nos respice; irritatam contine & cohibe iustitiam; iracundiæ tuæ sagittas, tuus amor confringat, & tot tamque irreparabilia damna avertas. Hoc supplices, & toties in conspectu tuo divino prostratæ tam Catholicæ, & suo & omnium statûs hujus nomine, petunt animæ. Neque ob temporalium, quibus cedunt, jacturam humillimè tibi supplicent, neque alia tibi media aut viæ iram exequendi desunt; sed propter spiritalem & æternam tot animarum jacturam, propter templorum, altariumque tuorum injurias, sanctissimi corporis & sanguinis tui sacrificij exterminium, & inolerabilem absentiam, & sanctissimi hujus Sacramenti absentis desideria, quod quanto adhuc tempore suâ nos consolaturum sit præsentia ignoramus.

§. V.

**C**Um ad istud devenerimus pun-  
ctum, à quo discedere nequeo,  
neque discedi facile potest: divina  
tua & humana insinuare nobis vi-  
detur bonitas, haud gravatè se sic  
facturam, nostris persuasam &  
convictam rationibus; nisi ex par-  
te altera divina reclamaret justitia:  
& cum æqualiter justus sis & mise-  
ricors, punitionem omittere ne-  
queas; quod Brasiliæ tot, tanta,  
tamque enormia peccata illam ex-  
torqueant. Confiteor, mi Deus,  
confitemurque omnes maximos  
nos esse peccatores: verum tan-  
tum abest, ut huic acquiescam  
responso, ut hæc ipsa potius tot,  
tanta, tamque enormia peccata  
novum mihi efficaxque suppedit-  
ent motivum, ex temetipso ad tu-  
am bonitatem convincendam.

Maxima argumentorum meo-  
rum vis & energia hucusque non  
alii innixa fuit fundamento, quàm  
fidei, honoris, gloriæque san-  
ctissimi nominis tui: *Propter*  
*nomen tuum*: Enim verò quod-  
nam vel quale nomini tuo glo-  
riosius possum offerre motivum,  
quàm quod multa & gravia nostra  
sint peccata? *Propter nomen tuum,*  
*Domine, propitiaberis peccato meo:*  
*multum est enim.* Amore tui no-  
minis, Domine, certus sum (in-

Pars III.

quebat David) remittes mihi  
peccata mea, non enim qualia-  
cunque, sed multa sunt & magna:  
*Multum est enim.* O motivum  
solius Dei pectore dignum! ô con-  
sequentiam, quæ soli Bonitati  
summæ possit esse violenta! ut sua  
sibi remitterentur peccata, alle-  
gavit peccator esse multa & ma-  
gna. Sic est: & non peccatoris,  
nec peccatorum, sed ipsius Dei  
honoris & gloriæ amore; qui quan-  
tò plura & majora peccata remit-  
tit, tantò major innotescit, san-  
ctissimumque nomen ejus magni-  
ficat & exaltat: *Propter nomen tu-*  
*um, Domine, propitiaberis peccato*  
*meo: multum est enim.* Idem Da-  
vid in misericordia Dei magnitu-  
dinem & multitudinem distinguit:  
magnitudinem, *Secundum magnam* *Ps. 50.*  
*misericordiam tuam*: multitudi-  
nem, *& secundum multitudinem*  
*miserationum tuarum.* Et quo-  
niam misericordiæ divinæ ma-  
gnitudo est immensa, & misera-  
tionum ipsius multitudo est infini-  
ta, & immensum metiri nequit,  
nec numerari infinitum; ut utra-  
que proportionatam aliquatenus  
gloriæ contineant materiam, ei-  
dem misericordiæ magnitudini  
congruenter peccata oportet esse  
magna; multitudini verò ejusdè mi-  
serationū convenienter multa sint  
oportet: *multum est enim.* Meritò

*Ibidem*

*v. 3.*

Bbb

igitur

igitur Domine, peccata nostra & magna & multa esse concedo & consentio; neque tamen etiam instandi ratio mihi deest, causamque petendi, quare eadem punire non cesses: *Quare obdormis? quare faciem tuam avertis? quare obliuisceris inopia nostra, & tribulationis nostra?*

Eandem hanc rationem à te petit Job, dicens: *Cur non tollis peccatum meum, & quare non auferis iniquitatem meam?* Et quamvis pro parte tua insignis nō defuerit scripturarum tuarum interpretes, illum reprehendens, victus tandem confessus est; Job iustā motum ratione, eandem à te exegisse: *Criminis in loco Deo impingis, quod ejus, qui deliquit, non misereatur?* inquit S. Cyrillus Alexandrinus. q. d. Sufficitne Job, quod Deum crimineris & reprehendas, quod peccata tua puniat? eisdem verbis, & peccata criminaque te commisisse confiteris; eisdemque verbis rationem à Deo exigis, quare ea puniat? istud est rationem dare; & magis eam postulare. Peccata & culpæ, quas manifestas causa sunt poenæ; si igitur rationem das, quare eam petis? Quia licet ad punienda peccata, Deus rationem habeat suæ justitiæ; ad ea tamen condonanda, poenamque seu punitionem remittendam rationem habet majorem,

scilicet illam suæ gloriæ: *Qui enim miseri consuevit, & non vulgarem in eo gloriam habet; ob quam causam mei non misereatur?* Job à Deo rationem petit, & magnam petendi rationem habet (idem respondet Sanctus illum reprehendens) si enim Dei est indoles, misericordiā uti, remittendoque peccata non vulgarem sibi gloriam conciliat, quam quæso, habet aut sufficientem rationem dare potest ea non condonandi? idem Job hujus sui argumenti vim nervosis valdè contra Deum verbis antecederet declaraverat: *Peccavi, quid faciam tibi?* q. d. Siego feci, ut homo peccando, quænam tibi ratio ad non operandum instar Dei, mihi condonando? plus adhuc dixit, & dicere intendit: *Peccavi, quid faciam tibi?* q. d. Peccavi, quid tibi plus facere possum? Et quid, ô Job, Deo fecisti peccando? non modicum illi præstiti obsequium; occasionem illi præbui ignoscendo mihi & condonando magnam sibi gloriam lucrandi. Ego illi tanquam causæ, præstitam mihi debeo gratiam; & ille mihi tanquam occasionem, acquisitam sibi gloriam debet.

Et si ita se res habet, Domine, sine venia & exaggeratione; si ita se res habet, misericors Deus, quod ignoscendo peccatis major tibi

tibi gloria accedat, qui omnium actionum tuarum finis est & scopus; ne dicas te non condonare & ignoscere, quia peccata nostra multa sunt & magna, magnam hanc gloriam, misericordiarum tuarum magnitudini & multitudini indulgere fas est. Indulgento & compatiendo nobis vel maxime majestatis tue gloriam ostendere oporteret; & non puniendo quod in potestatis tue despectum potius, quàm incrementum vergit. Ecce hoc in punitione hac ultima, quâ præter omnem mundi temporisque spem exercitum seu classem nostram dissipari & disjici permisti, quâ major æquinoctialem lineam nunquam transivit: potuisti, Domine, classem nostram disjicere; sed quantum hoc omnipotentiam tuam glorificat, posse hoc, quod ventus etiam potest? *Contra folium, quod vento rapitur, ostendis potentiam.* Evellere & destruere nationem unam, prout nos evellis & destruis; est potestas similis illi, quam homuncioni de Anathot contulisti: *Ecce constitui te super gentes, & super regna, ut evellas, & destruas, & disperdas, & dissipes, & adifices, & plantes.* In condonando & miserando vel maxime Majestas tua & omnipotentiae tue gloria patefcit: *Qui omnipotentiam tuam,*

*parcendo maxime & miserando manifestas.* Puniendo, nos superas, infirmæ enim sumus creaturæ; parciendo verò, superas temetipsum, qui omnipotens es & infinitus; ista tantum victoria est te digna; quia sola tua justitia, æqualibus armis contra tuam misericordiam pugnare potest; victoque infinito, infinita manet victoris gloria. Parce igitur & condona, benignissime Domine, propter hanc magnam gloriam tuam: *Propter magnam gloriam tuam.* Propter immensam istam sanctissimi nominis tui gloriam remitte propitius: *Propter nomen tuum.*

Et si fortè tua divina adhuc contradicat justitia; profectò non jam misericors, sed justissime Deus, hæc eadem justitia tot jam annorū severis castigationibus contenta conquiescere posset. Nunquid tu, quâ justus, ille es Judex de quo Vates tuus cantat: *Deus Iudex justus, fortis, & patiens, nunquid irascitur per singulos dies?* Si igitur tua velut justii judicis ira non omnium, neque multorum est dierum; quare tot annorum severitatibus ipsi non erit satisfactum? Scio equidem, Legislator supreme, in casibus iræ quamvis justæ, legem tuam nobis præcipere, ne integro quidem die continuari, sed ante solis occasum deponi debere: *Sol non occidat*

*super iracundiam vestram.* Si igitur à fragilitate humana tam sensitiva, talem in commotionibus exigit moderationem, terminoque tam brevi & præciso, dimitti condonarique mandat; Tu, qui Deus es infinitus, tanta es cordis latitudine, quanta immensitate; & in condonandi materia. temetipsum hominibus proponis in exemplum; quomodo est possibile, tot annorum rigoribus iram tuam non placari, totiesq; occidentem iterumque orientem solem vindictæ tuæ gladium evaginaturn semper, & sanguine manantem videre? Ego putabam scripturas te justitiæ solem nuncupare, quia etiam quando exæstuat & ardet brevi temporis, duodecim scilicet horarum spatio radiorum tuorum rigor transiret: Verum non hoc attestabitur sol ille materialis, qui nos illuminat & circuit, cum elapsi sint dies & anni, quibus bina vice super nos, de Tropico uno ad alterum transiens, semper te iratum conuertitur.

Non jam, Domine, allego, quid dicet terra & homines; sed quid cœlum ipseque sol dicet? Josue solem stare jubens talibus linguæ Hebraicæ verbis illum est allocutus, quæ significabant, non ut sisteret; sed ut taceret: *Sol tace contra*

*Iosue.*  
10. v. 12. *Gabaon*: Tacere solem iussit Dux


magnanimus. Semimortui jam radii & splendores quibuscum sepulturus se pergebat ad occasum, mutæ erant linguæ, quibus sol ipse nimis cum vindicativum murmurabat: erant altissimæ voces, quibus de cœlo legis divinæ cum commonebat. prædicans, quod vindictam prosequi non posset; eò quod ille ad occasum vergeret: *Sol non occidat super iracundiam vestram.* Enim verò, si Deo velut legis ejusdem authore, disponente sol stetit, & dies ille (quo longiorem mundus non vidit) naturæ terminos multis excedendo horis longissimus fuit, id factum est, ut iusta lege cum iusta conciliata vindicta, nec una ex parte executio omitteretur severæ punitionis; neque ex altera dispensaretur in rigore præcepti. Puniatur Gabaonita: puniri enim iustum est; sed sol subsistat, usque dum punitio finiatur: ne, quamvis iusta vincentis iracundia, unius diei limites transgrediatur. Si igitur, Domine, terminus iste à lege tua est præscriptus: si prodigia operaris, & talia quidem, ut illa inviolata conservetur; & si Josue solem tacere jubet, ne in querulas altasque contra iracundiæ ipsius continuationem erumpat voces: Quid ipsum, quæso, solem nec immotum nec mutum vis dicere? quid lunam & stellas nostras videndo


dendo miseras jam fessas, dicturas putas? quid demum omnes istos vis dicere coelos, non ad tuam promulgandam justitiam, sed tuam decantandam & enarrandam gloriam conditos: *celi enarrant gloriam Dei?*

*Psal. 18.  
v. 1.*

Denique ô Benignissime Jesu, vere Josue, & Sol vere, omnium rationum nostrarum Epilogus & conclusio ipsum tuum sit Nomen: *Propter nomen tuum.* Si sol reprehendit Josue ob rigores ultra diem extensos, & Josue solem tacere mandat ne eos corripiat: quomodo Divinæ tuæ justitiæ reprehensibile videri potest, erga nos misericordiâ uti, tantis jam & tam acerbis irrogatis nobis castigationibus, non per diem unum, aut multos duodecim horarum dies, sed per tot tamque longos annos, ut ad duodecim ferme accedant? Si es Jesus, id est, Salvator, esto Jesus &

Salvator noster. Si es sol, & sol justitiæ, antequam ille hujus diei occidat, dimitte rigores tuos. Egredere ex immiti Leonis signo, & istud Virginis signum ingredi, signum propitium & beneficum. Humanas recipe influentias, à qua humanitatem assumpsisti. Ignosce & condona nobis, Domine, per merita Virginis sanctissimæ. Ignosce & dimitte nobis per ejus intercessionem & preces, vel per ejus imperium. Nam si velut creatura, à te pro nobis petit veniam, quâ Mater imperare tibi potest, ut nobis dimittas & indulgeas. Denique dimitte nobis, ut tuo dimittamus exemplo: etiam nostro dimitte nobis exemplo; ut omnes ab hac hora dimittamus omnibus amore tui: *Dimitte nobis debita nostra, sicut & nos dimittimus debitoribus nostris. Amen.*





# S E R M O

De

## S. T H E R E S I A

ET D E

### SANCTISSIMO SACRAMENTO.

Dictus Ulyssipone in Ecclesia de Incarnatione:  
concurrentibus duobus Festis in Dominica 19.

Post Pentecosten Anno 1644.

*Simile factum est regnum celorum homini Regi, qui fecit nuptias Filio suo. Et misit servos suos vocare invitatos. Matth. 22.*

*Caro mea verè est cibus: & sanguis meus verè est potus. Joan. 6.*

*Simile est regnum celorum decem Virginibus, quæ accipientes lampades suas exierunt obviam sponso & sponse. Matth. 25.*

§. I.



IE, quo tria nobis proponuntur Evangelia, mirandum non est, quod super tria prædicemus Themata. Evangelium primum de currente est Dominica, quod universalis hodie cantat Ecclesia, Secundum de diviniſſimo est Sacramento, ob particularem hujus Ecclesiæ devotionem. Ter-

sium de Communi Virginum, in memoriam Gloriosæ Virginis tantarum tamque Sanctarum Matris, Sanctæ Matris Theresiæ à Jesu, cujus solemnitas etiam hodie occurrit, & hic celebratur.

Incipiendo igitur ab Evangelio primo (quod velut universale magis & diei huic magis proprium introitum nobis pandit, & fundamentum ad omnia suppeditat) in eo Magister divinitus dicit & docet in parabola, Regnum celorum simile



*Match.* mile esse homini Regi: *Simile factum est regnum celorum homini*  
*22. v. 1.* *Regi.* Non dantur duo sibi tam similia in mundo, quàm Rex & regnum. Reges sunt specula, ad quæ componuntur subditi; talesque regni erunt actiones quales Regis fuerint inclinationes. Non loquitur Christus de quolibet regno; neque de quolibet loquitur Rege; sed de regno cœlesti, & de Rege homine: Rege enim humano, beatum erit regnum; & Rege homine; tam securum erit regnum terræ, sicut regnum cœli. Rex iste, inquit Dominus, magnificentissimè Principis sui Filij nuptias celebravit: *Qui fecit nuptias Filio suo.* Et in hoc quoque se Regem hominem esse monstravit: memoria enim successionis mortalitatem agnoscit. Præsente jam nuptiarum die, servorum suorum quosdam, vocarum invitatos misit, ut ad prandium venirent. Porro sacer textus quiddam quasi incredibile dicit, quod nimirum venire noluerint: *Et volebant venire.* Si Rex illos vocasset ad bellum, excusationem habuisset eorum inurbanitas in fragilitate & pavore naturali: sed ad nuptias, & ad prandium seu convivium nolle venire? paulò inferius idem inquit Evangelium, quod Rex suos misit milites, qui iverunt: modò suos vocavit invi-

tatos; & non venerunt. Ego hanc illis incivilitatem condono propter exemplum. Quod si subditi & vasalli suo desint Principi, fiat hoc potius in convivio, quàm in campo. Rex invitatos nolle venire cernens, mandatum intimavit secundum; sed non per eosdem, sed alios servos: *misit alios servos.* Non est nova ratio status in Regibus, ad meliorandas voluntates, mutare Ministros. Ratio verò, quâ hic Rex est usus, meo judicio, expedita magis, & ad inventa videtur. Misit alios servos secundâ vice; bonum est ut labore partito vadant omnes. Si secundi quieverunt euntibus primis; bonum est quiescere primos, euntibus modò secundis. Ita ut Rege mutante servos, id non sit reprobare talenta, sed dividere laborem. Si primis ex voto non successit, secundi meliorem non habuere successum; quia neque mutationem melioritas semper consequitur. Primis, malas invenere voluntates: *nolebant venire:* Secundi, mala opera sunt experti: *occiderunt eos.* Quod ostendit, invitatorum nonnullos eò insolentiz fuisse progressos, ut non injuriosis solum verbis Regis servos aggressi fuerint; sed manibus insuper injectis necem intulerint. Daturne ingratitude major? nunquid inurbanitas invenietur major?

Quæ-

Quænam major subditorum ingratitudo esse potest? quid Rex hoc casu faceret? Textus ait, ipsum mox missis exercitibus exemplarem punitionem exequendam imperâsse, non in solas rebellium personas & corpõra, sed in ipsam eorum civitatem in qua degebant, de qua nihil remansit, præter cineres in perpetuam audaciæ talis memoriam vel oblivionem. Sic Rex ille fecit, & sic Regibus faciendum est. Hodie ausus invadere servum, cras audebit invadere Dominum. Milites suos in radendis & evertendis civitatibus propriis occupavit, ubi proprium magis videtur fuisse acquirere alienas; non enim tam damnosæ sunt hostilitates in inimicis, sicut audaciæ in subditis & vasallis. Præstat pauciores habere civitates, & plûs obedientes. Hinc Evangelium civitatem vocavit suam, eorum; & non Regis: *Civitatem illorum*. Civitas regis resistere ausa. Ministris, non est civitas regia, sed libera: coronisq; fas non est libertates tolerare. Quod si servi offenderunt invitatos, querelas suas deponant: ad hoc enim Regi sunt aures; sed violentias attentare & exequi? non est, nec erit bonum tolerari à Regibus; sed iram ignes-

*Matth. que meretur: iratus est, & civitas 22. v. 7. eam eorum succendit. Tam rigi-*

dum se foris ostendit, ut Rex; dolor tamen & sensus intus resedit ut homini: *Perdidit homicidas illos*. Notate terminos. Verbum, *perdidit*, significat occidere & perdere: taliter enim puniebat, ut se perdere consideraret. Occidere homicidam, est perdere hominem: *Perdidit homicidas illos*. Punitione sic peractâ, Rex ad servos conversus ait: *Qui invitati erant, non fuerunt digni*. Age, Domine. Nunquid ante eos cognoscere, quàm invitare præstitisset, quàm necdum cognitos invitare? ecce maximum hîc malum, & maximam pro mundo consolationem! indignos esse invitatos, maximum est malum: bene meritos esse exclusos, maxima est consolatio. Rex videns nolle venire invitatos, ad exclusos se convertit, qui ea fuerunt in olis honestate, ut venerint omnes. Christus utique in parabola sua hanc non introduxisset differentiam; nisi idem suis in electionibus experirentur Principes. Electi ipsorum datâ occasione venire recusant: eorundem verò exclusi occasione datâ veniunt omnes. Servi, afferente Textu, vocârunt omnes, quos in viis compitisque invenerunt; *Et impleta sunt nuptia discumbentium*. Id est, repletæ fuerunt mensæ. Quod hæc perambulant

*Ibidem v. 8.*

*Ibidem v. 10.*

bulant vias & plateas, sine gratia, qui vocati suum optimè occuparent locum! denique Rex convivij locum ingressus invitatos est arbitratus; & hoc optimum fuit ferculum in mensa appositum; scilicet oculus Regis. Inter reliquos, quempiam non vestitum nuptiali veste contemplatus, non solum ipsum ejici, sed manibus pedibusque ligatum obscurissimo carceri mancipari mandavit. Tam grande piaculum est, non festivè agere, quod Principes celebrant. Verùm dato, quod hic non fecerit quod sui erat officij; hoc solum ego singularitèr considero, quod ex omnibus invitatis nullus fuerit bonus, & ex omnibus exclusus unicuique fuerit malus. Antequam ad nuptias intrarent boni erant & mali: *Congregaverunt omnes, quos invenerunt bonos & malos.* Jam ingressi, excepto uno, omnes fuerunt boni; optima enim praxis faciendi bonos, est illos admittere: despectus neminem melioravit; honor multos.

*Ibidem*

Hæc parabola est Evangelij, nostrorum temporum historię adeò consona; ut congruam propterea illis doctrinam adjunxerim. Interim ad festi, seu festorum nostrorum procedendo intentum, duo Evangelio huic deesse invenio. Evangelium de desponsatione

*Pars II L*

Principis, nuptialiq; convivio Regis loquitur: sed neque in desponsatione sponsam nobis nominat: neq; in convivio ferculorum nobis qualitatem declarat. Huic succurrendo defectui, alia duo Evangelia assumpsi. Evangelium de Virginibus nobis innuit, quod sponsa sit S. Theresia: *Exierunt Matth. obviam sponso & sponse.* Evan- 25.v.1. gelium de Sanctissimo Sacramento ferculorum Corporis scilicet & Sanguinis Christi, nobis qualitatem declarat: *Caro mea verè est Joann. 6. v. 56. & sanguis meus verè est potus.* Supposito igitur, Sanctam, & Sanctissimum, geminam festi nostri esse partem, ut uno eodemque discursu, utrique obligationi satisfaciamus, hodiernum meum erit assumptum: quod maximi favores & gratię, quas Christus S. Theresię contulit, eadem omnino sint, quas Christus in Sacramento dignè communicantibus confert. Ad hæc cœquandas gratias, magnà opus est gratiâ. Ave Maria.

## S. II.

Cum gratię & favores tam sint singulares, quos excellentissimè amor Christi S. Theresię contulit; ut nec simul juncti, sed nec divisi, in aliis Sanctis inveniantur æquales: majus molimen sum aggressus, majusque onus subiivi, quàm sibi

Ccc

quis

quis fortassis imagnetur, dum demonstraturum me promili, quod eosdem favores & gratias invisibiliter recipiant à Christo, ipsum dignè recipientes in Sacramento. Ne verò tanti difficultatem assumpti subterfugere videar; illud potius ad gratiarum actionem, devotionemque nostram magis acueudam exaggerare conabor. Ex omnibus favoribus & gratiis, quibus amabilissimus Dominus Jesus Christus hanc Sanctam suam fecit singularem (cùm impossibile sit expendere, & ponderare omnes) feligam notabiliores.

Prima igitur & manifestissima, quæ se mihi offert gratia, est, quando Christus ipse, Beatissima Virgine Maria & S. Josepho præsentibus, sanctæ Theresiæ sponsi præbuit manum. Desponsationes consentientibus & approbantibus parentibus factæ, optimè sunt qualificatæ: & ne hæc gaudii circumstantia deesset, ubi deesse non poterat certitudo; Jesus se, præsentem Josepho & Mariâ, desponsavit Theresiæ. In quoniam verò desponsatio hæc constitit? idem Dominus illud innuit. dicens: post-hac ego ero totustuus, & tu tota mea. Ita ut hæc desponsatio totalis & mutua, utriusque cordis fuerit traditio, quâ mediante non tantum Theresia evasit, Theresia de

Jesu; sed etiam Jesus, Jesus de Theresia. Ly, *De*, adhuc superfluum est; nam esse unum de altero duo distinguit subjecta; & unio inter Theresiam & Jesum fuit tam intima, ut de unione transeundo ad unitatem, jam Theresia & Jesus non essent duo & discreta, sed unum tantum, & idem. In præclara ipsius sponsi manibus facta id contemplemur imagine.

Creavit Deus Adamum & Evam: & sacer textus inquit: *masculum & feminam creavit eos; & vocavit nomen eorum Adam.* Si igitur Adam & Eva duæ erant creaturæ, & duo subjecta distincta: *Masculum & feminam creavit eos:* cur Deus similiter non etiam duo illis imponit nomina, sed unum tantum, & idem, & non aliud, quàm illud Adam: *& vocavit nomen eorum Adam?* Quia Adamum & Evam sibi mutuo desponsavit Deus in majore naturæ perfectione: & licet vi creationis erant duo, virtute matrimonii manserunt unum. Necdum creatâ Evâ, Adam erat solus; formatâ jam de costa Adami Evâ, Adam est divisus; & qui tantum subjectum fuerat unum, transiit in duo: verum mox ut Adam datâ manu sibi desponsavit Evam, binâ ista subjecta redierunt in unum; quæque duo fuerant & distincta, unum idemque manserunt:

Gen. 5.  
v. 2.

Ephes. 5  
v. 32.

runt: propterea Deus uno tantum ipsos insignivit nomine, neque alio, quam Adami: & vocavit nomen eorum Adam. Istud est factum; quidnam verò illius erat significatum? S. Paulus inquit: *Sacramentum hoc magnum est: ego autem dico in Christo, & in Ecclesia.* Quicquid inter Adamum & Evam actum est, magnum mysterium fuit: in unione enim matrimonii illius, Deus velut in prototypo delineavit, quod postea verificandum erat in Ecclesia, in desponsatione Christi cum animabus sanctis. Quisnam igitur iste fuit Adam, nisi Jesus, & quænam Eva, nisi Theresia? ante desponsationem hanc divinam Theresia erat Theresia de Jesu; & Theresia & Jesus duo erant supposita, cum duobus nominibus distinctis: sed accepta à Jesu desponsationis manu, nomen Theresiæ perditâ illâ distinctione, *De*, mansit Theresia Jesu. Postmodum dicta Sara, antea vocabatur Saray; imminuitque illi Deus nomen; ut augeret dignitatem. Idem Theresiæ de Jesu evenit. Sustulit illi, *ly, de*, quod Jesum de Theresia distinguebat; & mansit tantum Theresia Jesu. Quia Jesu in Theresiam transformato, & Theresiâ in Jesum; jam nec duo erant nomina, neque duo supposita; sed unum tantum & idem. Ad Evangelium transeamus.

In principio Evangelii de decem Virginibus inquit sacer textus, omnes decem exiisse ad excipiendum sponsum & sponsam: *Exierunt obviam sponso & sponsæ: Matth. 25. v. 10* & in fine ejusdem Evangelii dicitur quinque prudentes cum sponso ad nuptias intrasse: *intraverunt cum eo ad nuptias.* Ita ut quando exierunt, sponsum & sponsam exceperint; sed quando intrârunt, dicit tantum, quod cum sponso fuerint ingressæ: *intraverunt cum eo*: Clarum est non decuisse foris manere sponsam. Si igitur Virgines intrando comitatæ sunt utrumque; sicut exeundo exceperunt utrumque: quare ipsis ad excipiendum egressis sponsi, & sponsæ fit mentio; & ad nuptias jam ingressis sponsus solus, & non sponsa nominatur: *intraverunt cum eo ad nuptias?* Præclare S. Hilarius: *Sponso tantum obviam proceditur, jam enim erant ambo unum.* Nullus dubio est locus, quin sponsus simul & sponsa ad nuptias intrârint; sed idem sponsus, eademque sponsa, qui ante nuptiarum ingressum fuerant duo, jam ingressi tantum unum erant: *jam enim erunt ambo unum.* Et quoniam jam unum, & non duo erant, hinc sponsi tantum, & non sponsæ mentio est facta: *intraverunt cum eo.* Pari planè ratione, nec plus nec minus in desponsatione

divina Jesu cum S. Theresia accidit: junctis necdum manibus Jesu & Theresiæ, discreti erant, & duo, nuptiis verò jam celebratis, jam ambo erant unum tantum: *Iam ambo erunt unum.* Jam non Theresia, & Jesus; sed Jesus tantum: *Intraaverunt cum eo.*

Quis nobis vim & veritatem hujus unionis declarabit, nisi illa quæ eandem in se experta est, scilicet S. Theresia? tam individue se cum Jesu sponso suo unitam affirmabat Theresia, ut illud S. Pauli sibi usurpare posset: *Viva ego jam non ego; vivit verò in me Christus.* O innoxionem divinam: Ego non ego! Si es Tu; quomodo non es Tu? sum Ego considerata in Christo: non sum Ego considerata in me. Considerata in Christo, sum Ego; quia Christus vivit in me: & considerata in me, non sum Ego; quia vivo in Christo. Alia vice cum Christo loquens, ait illi: Domine, quid mihi est de me, sine te? nam Ego sine te non sum Ego: & de me, quæ non sum Ego, quid mihi est? ita ut ista duo corda adeò essent transformata, ut reciprocan-do vitas, unum viveret in altero: & eadē in transformatione sic unita; ut quodlibet desinens esse aliud, unum tantū esset & idem: *ambo unū.*

De anima sancta sponsus inquit divinus, quod cor sibi vulnerasset & surripuisset: quod vulnerasset:

*Vulnerasti cor meum:* pro ut textus habet Latinus: quod cor sibi abstulisset: *abstulisti mihi cor:* ut inquit textus Hebraicus. Idem Theresiæ cum corde suo accidit. Raptæ in *Cant. 4.* ecstasin, Seraphim cum sagitta *v. 2.* ignita aurea apparuit. Et quid fecit? intortâ in pectus ejus cuspide, cor illi vulneravit: *Vulnerasti cor meum:* sagittamque denuò extrahendo extremitatibus sagittæ cor ipsi sustulit: *abstulisti mihi cor.* Habemus ergo Theresiam sine corde: & sine corde quomodo vivet? sine corde quomodo amabit? imò ad vivendum, amandumque melius sponsus suus ipsi cor abstulit. Cor principium est vitæ: & ubi ambo eadē vivebant vitâ, cor unum superat: hinc illud Christus abstulit. Similiterque ut melius amaret, illud abstulit; ambobus se mutuò non duobus cordibus, sed uno amantibus. Non datur rei hujus exemplum in terra; in cælo verò datur: & quidem perfectissimum. Perfectissimus amor qui est aut esse potest, est ille trium divinarum personarum. Pater amat Filium, Filius amat Patrem, Pater & Filius amant Spiritum sanctum; Spiritus S. amat Patrem & Filium: & cum amantium sint tres, voluntas, quæ se amant, est tantum una: & sicut ibi tres sunt amantes cum una tantum voluntate, ita hîc duo sunt amantes cum

eum uno tantum corde. O perfectum, ô divinum, ô felicem amandi modum! æquali amare amore! idem enim cor est, quod amat: & amare securâ & certâ correspondentiâ; idem enim cor correspondet: imò idem amor unitate reciprocâ est idem amor & correspondentiâ simul; non enim amores poterant esse duo, amantibus transformati in unum: & jam erunt ambo unum.

Nonne magnum vobis videtur amoris gratiâq; extremum; nonne magnus vobis videtur iste Christi erga Theresiam favoris excessus? eundem amorem & favorem, eandemque gratiam Christus dignè communicantibus confert. In Evangelio de Sacramento probationem illius habemus. Nam quemadmodû Evangelio de Virginibus probavimus omnia quæ diximus; & probabimus omnia quæ dicturi sumus de Christo respectu S. Theresiæ; pari planè modo Evangelio de Sacramento probabimus, quantumcunque de eodem Christo dicturi sumus respectu nostri, & dignè communicantium.

*Caro mea verè est cibus, & sanguis meus verè est potus.* Primum, de quo Joan. 6. v. 56. Christus Dominus noster certos nos reddit in hoc Evangelio, est, quod Corpus suum verè sit cibus, & sanguis suus verè sit potus. Ubi singulariter notandum, quod vim

non ponat in eo, quod persuadere velit, esse verè suum corpus, quod nobis sub speciebus panis datur: & verè esse suum sanguinem, quod sub vini speciebus consecratur; sed vim ponit in eo, quod istud corpus & iste sanguis verè nostrum est alimentum. Et quam ob causam, quia universaliter proprium & naturale est omni alimento, in comedentis transire substantiam: & sicut Christus in hoc Sacramento realiter & personaliter præsens est, & non in aliis; hinc etiâ in eo tantum se nobis informam modumq; alimenti voluit communicare: ut sic quoq; institutionis finem intelligeremus, qui non fuit, ut suam nobis tantum gratiam communicaret, sicut in Sacramentis aliis: sed etiam, ut se nobis, nosq; sibi reciprocè uniret. Id ipsum Dominus declaravit statim subjungens: *Qui manducat meam carnem, & bibit meum sanguinem, Ioan. 6. in me manet & ego in illo.* Scitisne v. 57. quare corpus meum, verum cibum, & sanguinem meum verum potum appellem? quia quemadmodum alimentum in substantiam aliti convertitur; sic ego me in vos, & vos in me transformare volo: ita ut vos me manducando, in me maneatis, & Ego manducatus in vobis maneam: *in me manet, & ego in eo.* Quia verò in hac unione & transformatione, ex duobus unum

tantum fieri oportet ; Quisnam  
 unus iste erit? vos non eritis, sed  
 Ego ero: inquit Christus. Et S. Au-  
 gustinus textum continuat ex ore  
*S. Aug.* Christi, hoc modo: *Nec tu mu-*  
*taberis in te, sicut cibum carnis tuae;*  
*sed tu mutaberis in me.* Ita ut, sicut  
 in desponsatione Christi cum  
 Theresia, ex duobus, quales erant,  
 in unum transierunt, & transitu  
 seu transformatione jam factâ, u-  
 num illud non erat principaliter  
 Theresia, sed Christus vivens in il-  
*Gal. 2.* la: *Vivit verò in me Christus:* ita in  
*v. 20.* transformatione Sacramenti, di-  
 gnè communicans tali modo uni-  
 tur identificaturque cum Christo,  
 ut Christus vivat in illo.

Ipsam Evangelium id affirmat;  
 eodemque personarum sanctissi-  
 mæ Trinitatis exemplo, quo unio-  
 nem seu unionem cordis Christi  
 cum S. Theresia declaravi: *Sicut*  
*Joan. 6.* *misit me vivens Pater, & ego vivo*  
*v. 58.* *propter Patrem, & qui manducat*  
*me, & ipse vivet propter me.* Id  
 est, sicut ego vivo per vitam mei  
 Patris, qui me misit in mundum:  
 ita qui me dignè sumit, non per  
 suam, sed per meam vitam vivit.  
 Casus grandis! quod incarnata sa-  
 pientia, exemplo quoque iam dicta  
 sua declarare volens, nullum adæ-  
 quatum magis & proprium, quàm  
 illud unitatis vitæque reciprocæ,  
 inter se & æternum suum Patrem

invenerit: *Vivit ergò per Patrem*  
 [ commentatur S. Hilarius ] &  
*quomodo per Patrem vivit; eodem S. Hi-*  
*modo nos per carnem ejus vivimus: lxx.*  
 Sicuti inter Patrem & Filium, quâ  
 Deus, una tantum est vita, quia  
 Pater vivit in Filio, & Filius in Pa-  
 tre, & alter alterius vitâ vivit; sic  
 inter Christum, & communican-  
 tem licet sint duo, est & esse debet  
 vita tantum una; nec alia quàm ip-  
 sius Christi: *Et ipse vivet propter*  
*me.* Proinde videant nunc com-  
 municantes, num vita, quâ vivunt  
 sua sit an Christi; & inde ex effe-  
 ctibus cognoscent, num debitè an  
 indebitè communicent.

### §. III.

SECUNDA gratia, sive favor, &  
 magis adhuc extraordinarius,  
 quem Sancta Theresia à divino suo  
 sponso recepit, fuit, quod inter re-  
 liqua amoris extrema, hæc illi di-  
 xerit verba: Theresia, si cælum  
 non creâssem, amore tantum tui  
 illud crearem. De nullo Sancto-  
 rum alio similis legitur favor &  
 gratia. Gessit se Christus erga S.  
 Theresiam, sicut Sanctus Augustinus  
 erga Deum, ad exaggeran-  
 dum suum amorem. Siego essem  
 Deus, & tu non [ inquit Augu-  
 stinus ] ego desinere[m] esse Deus,  
 ut tu esses Deus. Grandem ex-  
 cessum habet hic amor, quia de se  
 decla-



declarendum suppositiones impossibiles fingit. Sed illas fecit cor, quamvis tam intelligens, humanum. Verum Christus omnipotens, qui tam singularibus & exquisitis amorem suum Theresiæ manifestarat argumentis, conditionatos adinveniat casus, jamque factum supponat, quasi non esset; & quod jam esse non poterat, quasi possibile foret: ad hoc declarendum amoris sui magnitudinem? Christi sapientia omnipotentia ipsius, & omnipotentia ipsius, ejusdem Sapientia æqualis est; & ejusdem Christi amor Theresiæ significet, quod plus sciat desiderare, quam possit præstare; nec dicat, quod pro illa faciet, sed quod pro illa faceret. Considerans nunc casum istum, quem supponit Christus, & votum, quod Sancta Theresia fecit, intelligo, quod Christus se invenerit victum, & quod ab hoc sese expedire non possit, nisi hac suppositione. Emissum à S. Theresia votum, fuit, semper facere quod optimum esset: & quoniam optimum, quod Deus facere potest, est cælum, & beatitudo quæ jam facta erant, dixit, quod si cælum nondum fecisset, amore tantum Theresiæ illud facturus esset. Si amor Theresiæ voto se obstringit ad faciendum pro me semper, quod est optimum, quo pacto

amorem hunc compensare possum, nisi similiter pro Theresia optimum faciendo? verum, nunquid hoc optimum jam est factum? notum sit ergo Theresiæ de me, quod si cælum non fecissem, ejus solum amore id facerem. Cum verò Christus omnium amore prædestinatorum cælum fecit, solius Theresiæ amor tantum in conceptu æstimationeque Christi valere videtur, quantum omnium prædestinatorum amor simul sumptus:

Ex notabilioribus S. Pauli scriptis, fuit istud: *Christus Iesus venit in hunc mundum peccatores salvos facere, quorum primus ego sum.* S. Paulus peccatorum non fuit primus ordine seu antiquitate; nam iste fuit Adam: neque primus fuit peccatorum magnitudine aut multitudine; siquidem alij majores fuere peccatores: & ipse eodem loco per ignorantiam se peccasse fateatur: *Quia ignorans feci.* Unde *ibidem* ergò S. Paulus, se primum maximumque peccatorem infert: *Quorum primus ego sum?* Verbis antecedentibus illationis hujus ratio continetur: *Christus Iesus venit in hunc mundum peccatores salvos facere.* Idemque Jesus etiam ad salvandum me solum de cælo venit: in judicio igitur æstimationeque Christi, tanti ponderis fuerunt mea, quam mundi totius peccata. Eodem

Eodem ego modo infero. Sicut S. Paulus ad exaggerandam peccatorum suorum gravitatem, consideravit Deum tantum fecisse pro se, quod pro toto fecerat mundo: sic Christus ad exaggerandam amoris sui magnitudinem, dixit; se facturum fuisse pro Theresia hoc, quod pro omnibus fecerat prædestinatis. Et quemadmodum Christus amore tantum Pauli descendit de cælo, sicut totius mundi descenderat amore: sic Christus amore tantum Theresiæ crearet cælum, si omnium prædestinatorum amore illud non creâisset. O amoris æstus! ô exaggerationis excessum! quod in Christi non adulantis, seu palantis iudicio, tanti sit ponderis solius Theresiæ, quanti omnium amor! Evangelium repetamus.

Simile est regnum cælorum decem Virginibus, quarum quinque erant prudentes, quinque fatuæ, inquit Christus, in hac parabola. Et cum sit parabola, non exiguam difficultatem numeri huius facit æqualitas. Author inveniens seu adornans parabolam, sicuti eam disponendi, historicèque describendi convenienter suæ intentioni, libertate gaudet: sic quoque in terminis eam probabilibus, & verisimilibus & communiter fieri solitis deducere tenetur. Hoc

supposito non oportuisse videtur tot esse prudentes, quot fatuæ. Mundus non foret tam fatus, neque tam malè gubernaretur, si de singulis decem mulieribus, decima prudentiæ solveretur. Decem isti leprosi, quos Christus sanavit, erant viri; quia verò unus tantum gratias acturus venit, ubi novem alij essent interrogavit: *Et novem Luc. 17 ubi sunt?* Enim verò, si in decem v. 17. viris novem inveniuntur ingrati, quomodo non erit verisimilius, quod in decem mulieribus novem invenirentur fatuæ? non est dubium quin humanæ conformiter conditioni numerus hic magis fuerit proprius, intentionique Christi congruentior, quæ erat damnandorum considerare frequentiam. Cur igitur Magister divinus in hac parabola non novem Virgines fatuas & unam prudentem introducit? quia sicut fatuæ exclusæ animas significant damnandas; sic prudentes intromissæ animas designant salvandas, & cælum ingressuras. Casu quo verò una tantum prudens intromissa fuisset; nec erat, nec vero simile esse poterat, Christum pro una tantum anima cælum fuisse creaturum. Idcirco historiam minus reddendo verisimilem, ut significatum verosimilius fieret, non unam tantum in ea introduxit prudentem

*Matth.*  
v. 25-2. dentem, sed multas: *Et quinque prudentes.* Verum, quamvis improbabile videatur juxta mentem parabolæ, quod Christus pro una tantum anima crearet cælum: talis Theresiæ erat anima, tamque excessivus Domini in eam amor; ut casu quo, & supposito, quod cælum non creâisset, verissimum & infallibile esset, quod solum amore ipsius illud crearet. Porro si eandem amoris Christi figuram desideratis videre depictam, ad Apocalypsin transeamus.

S. Joannes mysteriosam illam adeò famosam vidit mulierem, stellis coronatam, sole vestitam, lunamque supplantantem. Et juxta S. Bonaventuræ, Ruperti, Victorini, Hugonis, Alberti Magni, aliorumque expositionem, qui per hanc mulierem animam à Deo desuper illuminatam, cœlestibusque virtutibus exornatam intelligunt; cuinam, quæso, animæ ratione justiore accommodari potest prodigiosa ista & admirabilis figura, quàm S. Theresiæ, in cuius sublimi & elevato Spiritu, liberalitas divina dotes prærogativasque perfectionis deposuit, prout in vita ipsius leguntur; & tot ardentissimæ lucis splendores, sicut in scriptis ejus cum admiratione percipiuntur? S. Franciscus Borgias cum sit unus ex spiritus S.

*Pars III.*

Theresiæ examinadoribus, primum tale de ea testimonium dedit: quod esset mulier magna. Dico igitur Sanctam Theresiam illam fuisse mulierem magnam, quam Sanctus Joannes in Apocalypsi describit; quod eadem visione probo.

Textus ait, mulierem istam filium concepisse sexûs animique masculini, qui mundum virgâ ferreâ regeret, & in cælum raperetur: partum hujus filij magnis illi constituisse doloribus & ærumnis: exiisse illi obviam multis capitibus coronatis draconem, cum devoraturum. Prophetica Carmelitanz historiæ Author inquit, istum filium futurum Eliam Prophetam in fine mundi. Et ego diversâ valde consideratione, & expositione, etiam in hoc filio Eliam agnosco; sed non quod erit aut futurus sit; sed quod jam fuerit; & non tanquam filium universalis Ecclesiæ; sed tanquam partum singularem Sanctæ Theresiæ. Agedum audite. Eliam & sexus & animi fuisse masculini: *Peperit Filium*

*masculum:* Ex cordato cum omnibus seu parvis seu magnis agendi modo, & vel maxime ex animi, contra magnos constantia, plus satis innotuit. Num virgâ ferreâ rexerit Gentes, loquatur Rex

Ddd

Achab

Achab, Regina Jezabel, Rex Ochozias, & quadringenti & quinquaginta Pseudoprophetæ Baal, quos uno decollavit die: testentur idem quinquagenarii duo, cum suis singuli quinquaginta militibus Duces, quos ignis de cœlo consumpsit. Attestetur id ipsum clausum ab eo tribus annis sine pluvia, quasi æneum cœlum. Confirmet denique ipse raptus in cœlum; *Et raptus est ad Deum, & ad thronum.* Sic illum subito rapi, suisque oculis eripi, Discipulus suus Elisæus vidit. In monte Carmelo Elias tam rigidam Religionem fundaverat, ut suo rigore Fundatorem referret. Otingenti ante Christum transierunt anni: & post incarnationem Christum plures quàm mille quingenti, quorum labente spatio, vel tempus, vel ejusce vicissitudines, vel observantiam dissolvebant, vel primitivi illius instituti rigorem relaxabant; quando Theresia duplici ejusdem Eliæ spiritu induta, eundem intra se concepit, non ut excitaretur, quia mortuus non erat; sed ut renasceretur: & non solum in mulieribus, qualis ipsa erat: verum etiam in viris. Mundus conatum hunc & molimen impossibilia judicando, dicebat cum Nicodemo, Eliam jam annis magis esse gravem, quàm ut in uterum matris suæ revertendo re-

nasceretur? *Quomodo potest homo nasci cum sit senex? nunquid potest in ventrem matris suæ iterato introire, & renasci?* Verum sancta Mater (quæ ex tunc talis esse cœpit) quemadmodum secundò conceperat Eliam, sic illum secundò peperit, mundo monstravit incredulo feliciter renatum: *Peperit filium masculum.* Ioan. 3. v. 4.

Et quantis illi doloribus prodigiosus ille parrus, ejusque novitas constiterit, altis exprimit verbis ipse textus: *Clamabat parturiens, & cruciabatur ut pareret.* Apoc. x. v. 2. Quot labores, quot contradictiones, quot persecutiones, quot obmurmurationes, quot infidelitates, & falsa testimonia, sublimis ille & constans devoravit spiritus? Omnium motor existerat draco infernalis, magnâ textus proprietate, multis capitibus iisque coronatis adjutus: vix enim fuit corona, non solum profana, sed & sacra (immò multæ etiam Religiosæ & Regulares) quæ non fortiter oppugnaret, & gloriosum hunc partum adoriri & opprimere curaret. Vicit tandem Theresia, & ad discretionem novi primique instituti exalceavit se instar Eliæ; & hoc pacto apparuit, si benè advertistis, in eadem figura cœlesti quam repræsentabat. S. Theresiæ calcei erant de juncis, prout cœlitus inventum; tali-

taliter excalceant pedes , ne quid illis pulveris terreni adhærescat : est certa medii calcei species , non ad calceandos & tegendos pedes ; sed ut ipsis calcenrur pedibus. Ad hoc mulieri deserviebat Luna , quam S. Joannes vidit. Communiter dicimus ( ut superius innui ) Lunâ fuisse calceatam , & non bene dicimus. Si fuisset lunâ calceata , oportuisset pedes lunâ fuisse copertos , verum illa pedes non habuit lunâ opertos , sed lunam sub pedibus : *Et luna sub pedibus eius.* Sic luna junceos S. Theresiæ calceos repræsentabat , & sic illa excalceata apparuit in cœlo , non jam velut filia , qualis fuerat , sed velut nova Eliæ primitivi Mater : Mater & filia proprii sui Parentis , tanquam Virginum Virgo.

Probato igitur omnibus textûs proprietatibus , quænam mysteriosa esset mulier a S. Joanne visa. Quod modò considero , notandumque est singulariter , est , quod Mulier eadem totum occupabat & implebat cœlum , & omnes cœlos. Pedibus stabat in cœlo lunæ , quod est primum : Corpore occupabat cœlum solis , quod est quartum : Capite contingebat cœlum stellatum , quod est octavum. Tam ergo Gigantæa erat staturâ , ut à primo usque ad ultimum , totum occuparet cœlum. Si igitur cujus-

libet cœli magnitudo adeò est immensa , & illa cœlorum omnium tam incomparabiliter major ; quomodo possibile est , quod una tantum mulier illam occuparet totam ? Quia mulier illa , ut vidimus , erat S. Theresia , & Theresia in se ipsa , & æstimatione Christi est tanta , ut illa sola totum cœlum adæquet. Eam ob rem non jam possibili , sed certa suppositione asserit ; quod si cœlum non creâset , propter ipsam solam illud creaturus foret. Hoc si minus ita se habet , ipsum cœlum empyreum intremus , de quo propriè magis Christus loquebatur , & videbimus , quod si in cœlo hoc exteriori visibili , S. Theresia omnia loca suâ occupabat figurâ : in cœlo interiore invisibili eadem personali suâ occupet præsentia. Humana natura beatificata in cœlo , septem habet loca : Patriarcharum , Prophetarum , Apostolorum , Doctorum , Martyrum , Confessorum , & Virginum : & in omnibus eminentem habet sedem S. Theresia. In loco Virginum , propter puritatem ; in loco Confessorum , propter pœnitentiam ; in loco Martyrum , propter desiderium ; in loco Doctorum , propter scripta sua admiranda ; in loco Apostolorum , propter ardentissimum suum fidei propagandæ zelum ; in loco Prophetarum ,

Ddd 2

propter

propter altissima visionum , revelationum , & prophetiarum suarum arcana : in loco denique Patriarcharum , cum esset mulier , velut gloriosissima Mater , tamque illustris Religionis fundatrix , Religionumque lumen & splendor. Enim verò , si Christus in cœlo visibili , etiamque in cœlo invisibili , totum Theresiæ dedit cœlum , pensate an non pro sola illa id crearet , nisi jam creâisset. Et cum cœlum pro omnibus prædestinatis , id est , pro omnibus , qui fuerunt , sunt aut erunt beati , sit creatum ; vos judicate , utrum , prout dixi , tanti ponderis in æstimatione Christi solus fuerit amor Theresiæ , quantiamor omnium.

Grandis favor , ingens gratia , dicitis omnes : cum non sit exaggeratio , sed infallibilis veritas ex ore Christi ! sciat itaque quilibet nostrum , quod eundem istum favorem , eandem istam gratiam in Sacramento cuilibet communicanti exhibeat. Si Christus faceret pro Theresia , quod pro omnibus fecit prædestinatis : in Sacramento non solum faceret , sed facit pro quolibet communicantium , hoc quod fecit pro omnibus. Cum enim in Sacramento se totum dat omnibus , æqualiter se totum dat singulis. Verum est , Sacramentum factum

esse pro omnibus ; sed tali modo omnibus , quasi factum esset tantum uni. Habemus illud in Evangelio , nec in una ejus tantum parte , sed in toto : *Qui manducat meam carnem , & bibit meum sanguinem , in me manet , & ego in eo.* Notate , non dicit : qui manducant : sed *Qui manducat*. Pergit & prosequitur Christus : *Sicut misit me vivens Pater , & ego vivo propter Patrem ; & qui manducat me , & ipse vivet propter me.* Iterum notate , quod non dicit illi , sed ille : *Et qui manducat.* Denique Sacramentum cum Marina comparat , dicens , quod Patres eorum , quibuscum loquebatur , comederint Manna , & mortui sunt : *Patres vestri manducaverunt Manna , & mortui sunt.* Hic per bonam consequentiam , & ad oppositum magis declarandum dicere debuisse videtur , quod corpus suum manducantes victuri essent in æternum : verum hic quoque non in plurali , Illi ; sed in singulari , Ille , dixit : *Qui manducat hunc panem vivet in æternum.* Quamobrem igitur semper non illi , sed ille , dicit ? quare in singulari semper , & non in plurali loquitur ? & cum Sacramentum institutum sit pro omnibus , cur non de multis , sed uno tantum asserit ? porro pro majore admiratione notate ,

Joan. 6.  
v. 57.

Ibidem  
v. 58.

in omnibus sententiis istis, Christum semper phrasim mutasse: primò enim dixit, *Qui manducat meam carnem*: secundò: *Qui manducat me*. Tertiò, *qui manducat hunc panem*. Si igitur de Sacramento, quod est caro Christi, & Christus totus, sub speciebus panis, loquens semper variavit phrasin; de communicantibus loquens, quare nunquam variavit aut multiplicavit numerum, imò perstitit & perseveravit semper in singulari: qui manducat; qui manducat; qui manducat; qui manducat? ratio hujus est; quia licet amor Christi Sacramentum instituit universaliter pro omnibus, tali modo abstraxit, nosq; ut abstraheremus ab hac universalitate voluit; ac si reverà, non pro multis, sed pro uno tantum singularitè institutum esset. Et sic est; Christus enim in Sacramento totum se dans omnibus, & totum cuilibet; tali modo, taliq; amore se totum dat uni, quasi tantum amaret, tantique faceret unum, quantum amaret, quantivè faceret omnes.

Sanctum Salvianum vivaèter magis & profundè hanc singularitatem expendentem auscultante:

*S. Salv. te: Sicut totum ei debent universi, sic totum singuli, quod tantum acceperunt singuli, quantum universi.* Id est, in Sacramento tantum Christo debent omnes, quan-

tum quilibet; tantum enim accipit quilibet, quantum omnes. Et quid hinc sequitur? considerationis nunc profunditas innotescit: *Vbi enim hoc unus accipit, quod universi, & si par est mensura, major est invidia.* Idem. Id est, nam quando unus tantum accipit, quantum omnes, licet mensura sit æqualis, invidia est major. Multos quidem super hac clausula commentantes, multorumq; sensus & opiniones super hoc Salviani ænigmate legi, sed nullam quæ satisfaciat. Nam ut locum inveniat invidia, inæqualitatem esse oportet; ubi verò dati æqualis est mensura, quomodo potest esse invidia? in Mannæ distributione nemo invidebat; mensura enim, Gomer appellata, tam plena dispensabatur uni, quàm alteri. Si ergò hic quoque æqualis est mensura, *Par mensura*: quomodo major invidia esse potest? *Major invidia est?* Quia in manna tantum accipiebat unus, quantum alius; sed non tantum unus, quantum omnes: verum in Sacramento, quia tantum accipit unus, quantum omnes, invidiæ; & quidem invidiæ magnæ locus esse potest: non propter inæqualitatem Sacramenti, ubi non est; sed propter numeri inæqualitatem

Ddd 3      litatem

litate, quæ est maxima, quæ dari potest. Quando unus tantum accipit, quantum omnes, quomodo illi uni, non invidebunt omnes? Quod si in cœlo locus esset invidiæ, ibique sciretur, quod cœlum omnium Beatorum amore factum, Christus solius Theresiæ amore esset facturus, nunquid sufficiens foret invidiæ occasio, ista tanta differentia? eadem res est in Sacramento. Imò dico, quod sicut ex parte omnium unius respectu potest esse invidia, sic ex parte unius respectu omnium, poterit esse superbia. Deus tantum faciat pro me, quantum pro omnibus! ille me suâ regat manu: ne tantus me favor in superbiam erigat. Hic, & in hoc veri honoris puncto, superbiam nostram elucescere optarem: illa verò tam vana est & vilis, ut cum Deus sua nos æstimatione adæquet omnibus, idem ille Deus æstimatione nostra postponatur & minoris fiat omnibus.

#### §. IV.

**T**ertia gratia seu favor, & valde singularis, quo Christus suum S. Theresiæ declaravit amorem, fuit iste. S. Theresia tam familiariter loquebatur cum Christo, prout novimus. Et vice quâdam familiaritatis conversata, de præsentis transiens ad futurum S. Theresia

illi dixit: ingens fuit amor, Domine, quo divina tua Majestas Magdalenam dilexit. Sub hisce verbis secunda quædam intentio haberi posset, nisi Theresia ea protulisset. Una ex majoribus amoris divini prærogativis, est, esse amorem sine zelotypia. Amans Deum, illum ab omnibus amari, omnesque vicissim ab ipso amari desiderat, ideoque amor est. Amor humanus [cui falsò id nomen tribuimus] nec societatem in amando admittit, nec quempiam plus se amari patitur, ideoque est amor proprius, vel propriè magis invidia. Locuta igitur est Theresia, non se comparando Magdalenzæ: sed quasi secretum illud sui cordis ex Christo indagatura: responditque illi Christus hoc modo. Theresia, ego amavi Magdalenam agens in terra, te verò amo existens jam in cœlo. Ita ut amorem distinxerit per locum; excellenti, amque unius per meliorem alterius.

Si Christus esset sicut cæteri hominum, facillimè responsum hoc intelligerem. Is amoris est status & conditio, ut cum cordis sit affectus, magis à locis, quàm voluntatibus dependeat: proinde longè est excellentius, amare in cœlo, quàm in terra. Prosperitates nullo prorsus amore sunt dignæ, nec major



Ephes. 4.  
v. 10.

major est amoris inimicus, quam felicitas. Prædicatores olim istud exemplo probabant Josephi, in ingratitude Pharaonis Pincernæ: hodie dum verò veritates hæ sic probantur experientiis, ut nec fide, nec scripturis adhuc opus sit. Certum est, amore in, fortunæ subiacere imperio: si est adversa, nemo vos amat: si est prospera, vos neminem amatis. Hoc in tantum vero consonat, ut velut novum quid & singulare S. Paulus de Christo asserat: *Qui descendit, ipse est & qui ascendit*. Id est, Christus qui ascendit in cælum, est idem qui descendit in terram. Alij quippe homines quando ascendant, communiter sunt iidem; quando descendunt sunt alij: hinc tot allaborant ut eos descendere faciant. Si igitur Christus in cælo, & in terra semper est idem; quo pacto rationem differentię seu glorię non aliam assignat, quam quod Magdalenam amaverit adhuc agens in terra: Theresiam verò jam existens in cælo? ratio est; quia licet in Christo mutatio loci non facit differentiam in voluntate; melioritas statûs magnam addit qualitatem amoris. In ipsa illud Magdalena habemus.

Christo à Phariseo invitato, domum ejus Magdalena fuit ingressa ad pedes Christi prostrata, consue-

to tum temporis more, pretiosissimis illos unguentis unxit, copiosis lachrymis irrigatos, suis terlit capillis, delectans eos, & delectata ex ipsis; donec doloris amoris que sui sitim restingueret. Aliâ subsequente vice, paucisque ante mortem suam diebus, Christo in Bethania, in domo Simonis discumbenti Magdalena similia exhibuit oblectamenta, majoris tamen confidentię & familiaritatis circumstantiis; non enim unguenta ex pretiosissimis speciebus confecta super pedes, sed super caput effudit: *Super caput ipsius recumbens*. Et utroque casu, tantum abfuit ut Christus Magdalenam à se repelleret, vel illud obsequij genus tanquam à modestia suę familiaritatis alienum reprehenderet, ut illam laudando publicè defenderit: primâ vice contra temerarium Pharisei judicium: secundâ contra murmuraciones indebitas Discipulorum. Quibus omnibus ita se habentibus, resurgens idem Dominus, resurrectionis diluculo eidem apparuit Magdalene; hæc à sua respirare tristitia, suas ex hilarare lachrymas, sua consolari desideria gestiens, vitamque suam resuscitatura, prostrata pedes amplexari parat sacros, unde eam ipsius anima acceperat: & ecce novitate reprehensioneque inopinatâ

Matth.  
26. v. 7.

Joan. 20  
v. 17.

opinatâ à Christo repellitur contingere vetita: *noli me tangere*. Repulsæ hujus ratio data (quam mox considerabimus) non tollit, sed dubium augeat. Si Christus ante mortem suam, in qua Magdalena tam constanter ipsi astitit, admitteret gratæ sibi ostendebat ipsius servitia; quo pacto post resurrectionem eadem refutat, imò ipsam à se repellit; num fortassis minus nunc Magdalena merebatur? clarum est quod non; immò multò plùs; amorem enim vitæ, cum mortuo solitum finire, & cum sepulto sepeliri, vivus, mortuus, & sepultus, & quod plus est, jam jam expiraturus Christus in ea constantem semper fuerat expertus. Si igitur amor erat idem; excellentiæ clariore, meritumque majus; quare Christus illi gratiam ante mortem concessam, post resurrectionem negat? quia ante mortem, inquit S. Joannes Chrysostomus, Christus erat mortalis & passibilis; post resurrectionem jam erat immortalis & gloriosus: cumque novus hic status adeò esset differens, etiam eâ differentiâ tractari volebat. Primus status erat ille terrestribus quo ad serviendum venit; secundus status erat cœlestis, quo ad regnandum abiturus erat: proinde tractabat Magdalenam, vicissimque ab ea tractari volebat non eâ

S. Joan.  
Chry-  
sost.

familiaritate quâ conversatus fuerat in terra; sed pro majestate, quâ regnaturus abibat in cœlum. Christus ipse rationem hanc Magdalenæ dedit.

Christus Magdalenæ dicens: *Noli me tangere*, adjunxit: *nondum ibidem enim ascendi ad Patrem meum: vade autem ad fratres meos, & dic eis: ascendo ad Patrem meum, & Patrem vestrum*. q. d. quamvis me adhuc in terra vides, & in cœlum nondum ascendi; nihilominus tibi dico, noli me tangere; deinceps enim me tractabis, quasi jam in cœlo fuisset, & non in terra. Et vade dictum Fratribus meis, me ascendere ad Patrem: *dic eis: ascendo ad Patrem meum*. Notabile nuncium tali die! dies erat Resurrectionis, & nuncium est Ascensionis: nuncium esse debuisse videtur: dicito Discipulis meis, quod resurrexi, quod tibi apparui, quod me vidisti, quod vivo: sed ad cœlum abeo; *ascendo ad Patrem*! & non quod abiturus sim, sed quod jam ascendo: *Ascendo*: Ita planè. Ut intelligerent Apostoli, status novitatem, ad quem resurrexerat, ejusdem differentiam à præterito: quodque jam non agendum esset tanquam cum socio in terra, sed tanquam cum Domino in cœlo. Quodque nunciari jussit Apostolis, erat idem, quod Magdalenæ respon-

responderat; ut ex nuncio quod deferebat, rationem factæ sibi prohibitionis cognosceret: quod etiam hoc modo intellexit. Christus iterum Magdalenz aliisque Mariis eodem die apparuit. Et

*Matth. hæc quid fecerunt? Tenuerunt pedes eius & adoraverunt eum.* Si

igitur Christus ista secunda admisit obsequia, quæ cum cæteris Magdalena exhibebat, quare prima ejusdem refutavit? quia prima amoris tantum & familiaritatis erant: secunda honoris tantum reverentiæ: illa erant amplexus, hæc adorationis: *Et adoraverunt eum.* Tanta jam erat Majestas Christi, qui jam tractabatur, tantâque se veneratione voluit tractari: non quod jam non amplius esset idem; sed quia status ipsius jam non erat terrestris sed celestis. Proinde si ad repudiandos Magdalenz affectus, sine solitis favoris gratiæque argumentis, dicere suffecit, quod jam ad Patrem ascenderet: pensate utrum distinxerit, valdeque exaggeraverit amoris sui excellentiam, ex statu sui differentia, cum amando Magdalenam, & amando Theresiam; de Magdalena dicit, quod eam amaverit in terra existens; & Theresiæ, quod ipsam amet agens in cælo. Jam tertiò repetatur Evangelium.

*Part II.*

Virgines fatuæ, paucis illis horis, quibus præstolatæ sunt Sponsi adventum, non sunt infatuatæ. Extra dubium est, sufficientia non defuisse motiva, ad evertendum illis judicium. Videbant enim lampades sibi in occasione maximæ solemnitatis extinctas; nec socias experiebantur conceptæ de se opinioni respondentes, de quarum amicitia majorem sibi humanitatem promiserant. Verum ante hæc omnia, necdum ad nuptiarum apparatus admittas, præviè jam tum fatuas illas fuisse Evangelium insinuat: *Quinque autem ex eis erant fatuæ.* Si igitur Sponsus Christus, non obstante defectus illius notitiâ, ad primum nuptiarum actum illas admisit, quare ab ultimo excludit? quia primo in actu adhuc agebat in terra, quo Sponsam quæsiturus advenit; in ultimo jam erat in cælo, quo illam sustulit: & quoniam status Christi in cælo adeò transcendit illum, quem habuit in terra; in terra, ubi omnia sunt imperfecta, cum prudentibus admisit & fatuas; In cælum verò, quod est patria & regio perfectionis, non nisi prudentes admisit. Quod verò de prudentibus ad fatuas, Christus tantam faciat differentiam, Ecce quanta

quanta cœlum inter & terram intervenit reprehensione vacat: verum de prudente ad prudentem, & inter duas prudentes, quales erant Magdalena & Theresia, amore ejus discernat, amando unam quando erat in terra, & alteram quando jam est in cœlo? immò verò, patientiam pro nunc Magdalenam habeat; amor enim plus respondere non poterit in favorem Theresiæ.

Pro clariore hujus differentię, declaratæve hujus prærogativæ & glorię intelligentia, considerare oportet, quomodo Christus est in cœlo, & quocum. Status quem Christus habet in cœlo, tam diversus est ab eo, quem habuit in terra, ut illuc abiturus suis Discipulis di-

*Joann. 14. v. 12* xerit: *Qui credit in me, opera quæ ego facio, & ipse faciet, & maiora horum faciet, quia ego ad Patrem vado.* q. d. Vos qui in me creditis non solum mirabilia patrabitis opera quæ ego nunc patro, sed majora. Et quare? *quia ego ad Patrem vado:* id est, quia ego ad cœlum abeo. Ergo quia Christus abit ad cœlum, idcirco Discipuli sui majora patrabunt miracula quàm ipse Christus patrabat adhuc agens in terra? Christo adhuc degente in terra, etiam Discipuli ejus operabantur mirabilia, minora tamen quàm ipse Christus faciebat, &

quædam operari non poterant: Quænam igitur est ratio? quod post ascensionem in cœlum, non solum eadem facient miracula quæ fecit Christus, sed majora? quia sic supremo dignissimoque statui quem Christus habiturus erat in cœlo, congruebat. Magnificentia majestasque dominorum, ex potestate & autoritate Ministrorum cognoscitur. Porro tanta est differentia status, quem habiturus sum in cœlo (inquit Christus) ab illo quem habebam in terra, ut vos, omnesque illi, qui mihi tunc serviebant, non solum ea facturi sint, quæ ego feci, sed opera multò majora. Si illi mecum collati in terra, me videbuntur excedere: Ego mihi comparatus in cœlo, quid futurus sim, quis imaginando assequetur? & si tanta est differentia, quam Christus habet de statu ad statum, itemque de se ipso ad seipsum, tantum quia in cœlo est: *quia ad Patrem vado.* Etiam pensate, quantum amor unus accrescat super alterum ex hac circumstantia; quantoque plus fuerit, Theresiam amari à Christo existente in cœlo, quàm Magdalenam amari à comorante adhuc in terra!

Verum enim verò non sufficit tantum nosse, quomodo Christus est in cœlo, necesse est etiam considerare quocum est. Christus in cœlo

cœlo ab omnibus adamarur & stipatur Beatis. Quinam verò hi sunt Beati, quæve eorundem gloria? Nemo nostrum hoc assequi præsumere posset, nisi ipse Christus hoc declarasset. In solemni illo, de S. Joanne Baptista panegyrico duo notabilia dicit Christus: primum, Baptistam inter natos esse majorem: secundum, minorem in regno cœlorum, eodem Baptista esse majorem: *Amen dico vobis, non*  
*Matth. 23. 12. surrexit inter natos mulierum maior Joanne Baptista: qui autem minor est in regno cœlorum, maior est illo.* Ubi Baptista jam cœlum fuerit ingressus pluribus ibidem major erit: verum quousque versabitur in terra minimus in regno cœlorum major est ipso. Et quare? quia illi in cœlo Deum vident [inquit S. Hieronymus] Baptista illum necdum videt. Illi in cœlo amant per visionem; Baptista amat per fidem: illi in cœlo jam victores, sunt coronati; Baptista adhuc habet quod vincat, & actualiter pugnat: *aliud est coronam victoriam possidere, aliud adhuc in acie pugnare:* Et quod Christus adhuc agens in terra, ubi inter natos major, minor est minimo in regno cœlorum, valde Mariam Magdalenam amavit, non tam fuit excellens: verum quod jam existens in cœlo, ubi minor istius regni, major est

maximo inter natos in terra, in tantum amavit Theresiam, hoc fuit differens illud, quod Christus ipse consideravit, qui solus hoc ipsum penetravit. Magdalenam tanquam sic amantem & amatam, Christus in cœlum elevari iussit, ut musicam Angelicam audiret: & Theresiam degentem in terra, usque adeo adamavit Christus, ut in cœlo jam agens, musicâ Angelicâ derelictâ descenderit in terram ad conversandû cum Theresia. Christus igitur ex status sui, ex loci, societatisq; suæ differentia amorem suum exaggerando dicat quod amaverit Magdalenam, & amet Theresiam? sic est: sed Magdalenam, quando adhuc versabatur in terra: Theresiam, jam degens in cœlo.

Enim verò si hæc amoris circumstantia, tantum auget ejus excellentiam, quantum cœlum distat à terra; non minore, sed eadem omnino Christus nobiscum utitur, nosque fruimur in divinissimo Sacramento. Ipsum Evangelium illud dicit: *Hic est Panis, qui de cœlo descendit.* Proferens hæc verba Christus necdum ipse cœlum conscenderat, neque Corporis sui Sacramentum sub speciebus panis instituerat. Si igitur nondum erat panis, neque in cœlum ascenderat, quomodo illud vocat panem de

*Ioann. 6. v. 59*

Ecc 2 cœlo

cœlo descendente, *Qui de cœlo descendit?* Verissimum est, Sacramentum quod à pane esse incepit in cœna, non fuisse, neque descendisse de cœlo, nisi à die Ascensionis & deinceps; Corpus quippe Christi quod est substantia Sacramenti, nunquam fuit in cœlo, nisi post memoratum jam diem: nihilò fecius Christus panem illud appellavit de cœlo, antequam esset de cœlo; quia etenim exaggerare volebat, quantum nobis daret, circumstantiam anticipavit: ut excellentia magis elucesceret. Futurum illud asseruit, quando nondum erat: valde etenim substantiam ejus augebat quod erat, circumstantia futuri. Futurus erat panis, qui amore nostri descendit de cœlo: *Pan- nis, qui de cœlo descendit*: & sic quemadmodum idem Christus amorem, quo diligebat Theresiam, prætulit amoris quo dilexerat Magdalenam, per differentiam amantis in cœlo, & amantis in terra; sic in Sacramento valde considerat non tantum substantiam dati, quantum circumstantiam loci unde descendit. Quod Christus ad manducandum se tradat, quamvis hoc sit *Non plus ultra* amoris: attamen in cœlo jam existentem se dare, & ad dandum descendere, longè est excellentiùs, quàm si fuisset in terra.

Hinc sequitur, plus nos debere,

obligatosque esse Christo, propter Sacramenti continuationem, quàm ejusdem institutionem: potius propter modum, quo nunc se dat nobis, quàm quo in principio se suis dedit Apostolis: in principio enim se dedit adhuc mortalis & passibilis; modò se dat immortalis & gloriosus: in principio se dedit, adhuc agens in terra, modò se dat jam existens in cœlo. Sic illud intellexit admirabundus intelligendi scientiâ præditus, quamvis eodem fruendi felicitate privatus, scilicet David: *Panem cœli dedisti eis, Panem Angelorum manducavit homo.* Tria hic certa asserente Prophetâ, unum dubio subesse videtur: Sacramentum esse panem de cœlo, dari in terra, manducari ab hominibus, omnia sunt certa: verùm quod iste panis, sit panis Angelorum, quomodo, quo ve titulo? vel esset panis Angelorum, si Angeli eum manducarent, sed hi illum non manducant: vel esset panis Angelorum, si illum ipsi conficerent, & consecrarent: verùm ista potestas solorum est Sacerdotum. Quare igitur Prophetâ illum panem nuncupat Angelorum? quia res propriè non sunt fruents, sed merentis. Si panis cœlestis daretur ex opposito; & non per justitiam, & non per favorem, dandus esset Angelis, qui sunt cœlestes, &

non

*Psal. 77. v. 24. 35*

non nobis, qui terrestres, & terra sumus. Et suppetente in Angelis merito, & in nobis indignitate, panis ille negetur Angelis in cœlo, & de cœlo descendat, ut detur hominibus in terra? O amoris magnitudinem! & nescio utrum dicere liceat, magnam injustitiam! verum amor, ut sit magnus, de iniquo quippiam participare opus est: quia injustus ex parte illius, cui negatur; magis purus est ex parte illius, cui datur. Sola S. Theresia istam justificavit excellentiam; mulier enim existens, Seraphim fuit: cumque nos, tanquam Angelos ad Communionem oporteret accedere, vix est, qui velut homo accedat: *Panem Angelorum manducavit homo.*

## §. V.

**Q**uarta & ultima Gratia quam in S. Theresia considero, fortiores adhuc & nervosiores habet circumstantias, quàm præcedentes. In principio, quo supremus Dominus noster Jesus Christus suam apparitionibus cepit lætificare sponsam, tam frequentibus & extraordinariis, ut multo tempore suspensam dubiamq; & perplexam totâ redderent Ecclesiam: S. Theresia, tanquam prudens adeò & humilis, ut suo se judicio omnium creaturarum infirmam reputaret, ne doli & illusiones diaboli essent,

verebatur; ex consilio & obedientia Confessoriorum suorum, quos doctissimos & in spiritualibus exercitatissimos illi<sup>9</sup> temporis sibi semper elegit; apparente sibi Christo in specie resuscitati & gloriosi; vel vulnerati spinisq; coronati, vel eâ formâ, quâ in mundo fuerat conversatus: Theresia non solum torum illi obvertebat vultum, cum signis despectus, sed & ore lacestibat convitiis, & manibus inferebat contumelias, & quasi communis humani generis fuisset adversarius, cruce & aquâ benedictâ contra illum benedictum se obarmabat Dominum, qui ut eadē nos armaret cruce; in ea mortem oppetere voluit. Amor verò divini sponsi adeò excellens erat & constans, ut non solum æquo ferret animo optimâ intentione illatas sibi injurias; sed quoniam causam & originem habebant ex obedientia, approbaret grataeque sibi ostenderet.

Hic menti meæ occurrit proposito nostro serviens celebris illa quæstio coram Dario Rege agitata, & ab Esdra libro tertio literis consignata. Quæstio inter tres Regij Palatij Sapientes ventila<sup>3. Esd. 3.</sup>ta erat: quodnam fortissimum<sup>v. 10. 11.</sup> esset in mundo. Unus respondit, vinum: alter, Regem: tertius mulierem: & hic opinionem suam hoc probavit exemplo. Vide-  
Ecc 3. bam

bam, inquit, mulierem nomine Apeminem mirabilis Regis Amasiam, ad Regis sedere dexteram:

3. Esd. 4. *Sedentem juxta Regem ad dexteram.* Hæc auferens coronam à capite Regis, eam imponebat suo:

v. 29. *Auferentem diadema de capite eius, & imponentem sibi :* & manu sinis-

ibidem *trâ alapas impingebat : & palmis cedebat Regem de sinistra manu.* Et super hæc omnia Rex ore hiantes

v. 31. *suspensus erat & raptus : Et super hac aperto ore intuebatur eam :* Et

ibidem *si Apemen indignationem ostendebat, Rex novis blanditiis illam reconciliare curabat : Nam si indignata fuerit, blanditur, donec reconcilietur in gratiam.* Sic victum subactumque sibi hominem illum habebat amor, adeoque sui oblitus Rex ille agebat. Verùm quis in Deo talia sibi extrema imaginari audebit? magnus est, excessivus est, & quasi incredibilis amor Theresiæ, quo victus te amar, æstimatque Christus auferens coronam de capite Regis Regum, tibi persuadens eum non esse illum quem vides : non solum in caput tuum eam transfers, sed pedibus te eam calcare ostendis : non tantum leves illi impingis alapas, sed violenter adactis manibus injurias & contumelias irrogas : non solum ingratam te favoribus ejus, sed offensam & indignatam ostendis. Et

*super hac :* Super hæc omnia ille non agnitus te agnoscit, ille tam indignè habitus, ad te visitandam redit, ille novis gratiis favoribusque id agit, ut eum agnoscas, in tuamque gratiam recipias. Ad Evangelium accedamus.

Nihil profuit malè præventis Virginibus, consilium prudentium fuisse secutas [hac excusatione, in inculpatis istis injuriis, conscientiam suam & obedientiam Theresiæ solabatur] nihil, inquam, profuit illis quinque Virginibus, nihilque consilium illud prævaluit, ne sponsus januam clauderet : Et

*Matth. 25. v. 10. clausa est janua.* Iteratò nihilominus, incuriam emendatâ, lampadibusque accensis pulsantes clamârunt : Domine, Domine, aperi-

ibidem *nobis :* sed Christo respondente : *v. 11. Nescio vos :* id est, non cognosco vos : pulsare & clamare destiterunt. *ibidem v. 12. Hoc admirror & considero.* Idem Dominus, qui Virginibus hisce januam claudi jussit, dixerat : *Petite, & accipietis : pulsate, & aperietur vobis : omnis enim qui petit accipit, & pulsanti aperietur.* Si igitur idem Dominus id jusserat & promiserat ; si pulsare petereque jusserat, promittens petentem accepturum, pulsantique apertum iri : quare petere & pulsare non pergunt? si petierunt & pulsârunt semel ; petant pulsantque iterum :

&

*Luc. 11. v. 9. & 10.*



& si hoc non sufficiat, perseverent in petendo, continuantque pulsationem; sciunt enim Deum hac inopportunitate delectari. idque docuisse Christum. Quam igitur ob causam Virgines istæ tanto intrandi desiderio æstuentes, ut nihil sollicitudinis, diligentia, expensarumque omiserint, omniaque quidem ista mediâ nocte, posita omni formidine & pavore præstiterint. Quam, inquam, ob causam modò non instant & perseverant, sed tristes obmutescentesque recedunt nec verbum loquendo, neque comparando amplius? ratio est, quia sponsus illis dixit: *Nescio vos*: id est, non cognosco vos. Et mox ut incognitas se viderunt, sic omnem dimiserunt fiduciam, imò fervorem primum & desiderium, ut nec loqui nec comparare amplius fuerint ausæ coram eo, à quo non agnoscebantur. In nostro casu ignotæ non erant Virgines, neque Virgo, sed ipse sponsus. Adcò Theresiæ ignotus, ut non tantum non cognosceret quidnam esset; neque phantasma tantum reputaret; sed alium omninò, ab hac divina specie tam alienum, uti est Diabolus in Angelum lucis transfiguratus. Et còusque incognitus, & taliter tractatus, injuriis, contumeliisque affectus, Christus ad invisendam Theresiam re-

vertatur, neque apparere cesset, usque dum veritate agnita illi innotescat? grandis sanè nunquamque visus amor!

Adhibita à Christo media, ut se Theresia sine scrupulo perplexitateque cognosceret; effectusque, quos post hæc apparitiones experiebatur, erant protinus tales, quolibet idem Dominus timoratas animas, de præsentia suæ veritate solet reddere securas. Ex hisce etenim tam erroneè perceptis visionibus, crescebat in corde Theresiæ humilitas, contemptus sui ipsius, horror mundi; crescebat zelus honoris Dei, omnesque solidæ virtutes, quæ ex apparitionibus Diaboli, velut vento utente & infernali dissipari solent & evanescere. Verum argumentorum horum nullum sufficebat, ut vel Theresia, vel spiritus ipsius directores, id securum putarent. Christo apparenti Magdalena in Hortulani habitu dicere suffecit, *Maria*, unde illa suum agnosceret Magistrum. Eidem Domino apparenti Discipulis euntibus in Emmaus, sufficebat frangere coram illis panem, unde se similiter agnoscerent: verum ut securè illum cognosceret Theresia, signa nulla, demonstrationes nullæ, nulla experimenta sufficebant: prout nec sufficebat, continuata illa incogni-

tio, ut Christus recederet, taliter enim à suo urgebatur amore. Recede, Domine, recede: & ego promitto tibi, te plus hoc effecturum recessu, quam tuâ præsentia; & plus non apparendo, quam tuis apparitionibus: mox enim, ut recesseris & dissipaveris, cognoscetur, quis Tu sis, quodque veritates tuæ securæ sint tanquam tuæ, quæ modò somnia, illusiones & phantasmata videntur: recordare quomodo magnum tuum Vicarium, & amantem ex carcere Mamertino jussus liberari. Captivus ibidem, duabusque catenis vinctus attinebatur Petrus, excubiis ad ostium dispositis, quando Angelus liberaturus intravit. Tetigit ille catenas, & contractæ sunt: tetigit captivum, & excitatus est: dixit, *præcingere, & calceate caligas tuas; & fecit sic.* Petrus tamen hæc omnia videns & faciens, non nisi somnium & illusionem esse putabat. Dixit ipsi Angelus, sequere me, & secutus est: transierunt primam & secundam custodiam, nullo impediante: appropinquarunt ad portam ferream, quæ ultrò aperta est eis: intrarunt civitatem, processerunt per vicum, & Petrus nihil eorum adhuc verum esse credens, imaginationes tantum phantasticas esse putabat: *Nesciebat quia verum est, quod fiebat per Angelum.*

*Actor.*  
12. v. 9.

*existimabat autem se visum videre.*

Ecce quomodo frequenter maximis Sanctis, veritates, doli & deceptiones, cœlestesque visiones, illusiones esse videntur. Quid verò fecit Angelus, ut veritatem agnosceret Petrus, crederetque quod credere non poterat? *Discessit Angelus ab eo.* Eodemque momento cognovit Petrus Angelum verè esse Angelum, seque verè ex carcere egressum & liberatum esse: *nunc scio verè, quia misit Dominus Angelum suum, & eripuit me.* Ita ut quamdiu apparentem vidit Angelum, illum non cognoverit: mox verò ut ex oculis evanuit, ipsum cognoverit. Hoc remedio, Domine, Theresia te cognosceret: si te non novit sibi apparentem, disparere, & te cognosceret. Verum illud ipsum consilium, quod tu melius nosti, timeo valde, ne tuus non patiatur amor, quamvis sentiat, quod toties non agnitus videri debeat.

Majore noctis parte, exigua in navicula Petri, cum tempestate magna luctando lassatis Petro aliisque Discipulis; & desperato jam remedio, Magister divinus ad litus usque opem laturus advenit inambulans undis. Periculum, tenebræ, prodigiosaque hujus figuræ magis magisque appropiantis passus, præter metum perturbationemque præsentem, effecere ut non

*Ibidem*  
v. 10.

*Ibidem*  
v. 11.

non

Marc.  
6.v.49.

non cognoscentes quisnam esset, phantasma se videre sibi persuaderent: *Vt viderunt eum ambulantiem super mare, putaverunt phantasma esse*: Sirus legit, *Visum mendax*: & Expositores, *Illusionem diabolicam*.

Ibidem  
v.48.

Hoc idem S. Theresiæ cum suis evenit visionibus, vel Christo cum illis. Quid verò Christus hoc casu fecit? Evangelista inquit, quod Discipulos deserere voluerit, *Volebat præterire eos*. Enim verò si ad succurrendum ibat, & quidem modo tam extraordinario & miraculoso, quare illos vult deserere? quia ratio ipsa hoc dictabat videnti seipsum, phantasma, apparitionem suam deceptionem, veramque suam præsentiam illusionem diabolicam reputari. Verum quia in navi illa sua fluctuabat cura, suus periclitabatur amor, illis succurrendo agnitus fuit. O Jesu! ô Theresia! multum esset si Christus tantum faceret pro Theresia, quantum pro Petro, Joanne, totoque junctim Apostolico fecit collegio: verum incomparabiliter plus fecit. Non semel tantum, nec uno tantum die, sed annis integris phantasma fuit putatus: amor ipsius deducebatur ad judicia: visiones & apparitiones ejus, vel protinus reprobabantur, vel suspectæ habebantur: & ipse non solum non agnitus, sed injuriis affectus. Ve-

Pars III.

rùm voluntas ejus tam firma semper & constans; ut nunquam de ca dici posset: *Volebat præterire*. Incognitus redibat quæsiturus & invisurus Theresiam; injuriis contumeliisque affectus, novos illi exhibebat favores & gratias; nullumque mundi judicium, aut diffidentia ipsius, seu utriusque persecutio efficere potuit, ut unquam illam desereret, aut dereliqueret.

Et quis in mirabili hac imagine, veritatem, constantiam, patientiam, invincibilemque amoris Christi in nos perseverantiam in Sacrosancto isto Mysterio non videt? nos illum ibi præsentem credimus & adoramus: nos vitam sanguinemque profundere sumus parati pro confessione & defensione, quod in ista consecrata hostia, nostris licet invisibilis oculis adest, aderitque in finem usque mundi, tota Filij Dei Majestas, Humana & Divina, tam integra, realis & vera, sicut ad dexteram Patris. Quot verò Hæretici totum illud, quod Catholica credit & docet Ecclesia, blasphemè vocârunt, aut adhuc vocant phantasmata? dicunt (tam ignorantes sunt & stolidi) Christum dicentem: *Hoc est corpus meum*: nec dicere, nec significare intendisse, quod verba significabant: non aliud, ibi ad-

Fff

esse

esse dicunt, nisi quod videtur, panis scilicet, & non Christus: garriunt omnia quæ nos Catholici credimus, meras esse chimeras, dolos & illusiones. Et non obstantibus incredulitate ista, hac perfidia, hisce blasphemis, omnibusque aliis injuriis, quibus excœcato intellectu, sacrilegi esse perseverant: tam im-mensa fuit amoris divini bonitas & benignitas, ut hæc omnia præveniens manserit nobiscum; tantaque amoris illius constantia, ut hæc omnia experiendo sufferens, à nobis non recedat.

Christus verbis illis, quæ sola nobis ex Evangelio considerata supersunt: *Non sicut manducaverunt Patres vestri manna & mortui sunt.* Infinitam docens differentiam, quam Manna ad divinum habet Sacramentum, non alio actus fuit motivo, quàm quod cœcus ille populus Manna præferebat Panis cœlesti, quem Christus illi promiserat; & Moysen ipsi Christo. Et quando morituros illos dixit, nisi carnem suam comederent, & sanguinem suum biberent: *Nisi manducaveritis carnem Filii hominis, & biberitis ejus sanguinem, non habebitis vitam in vobis.* Non solum ex plebe, verum ex Discipulis ipsius multi tergum obvertendo, à schola ipsius recesserunt, similia & auditui molesta, &

fidei impossibilia creditu videri. Ita ut Sacramenti fides, non tantum nata, verum etiam in tali contradictionis signo concepta videatur: *In signum, cui contradicetur.* Luc. 2. v. 34. Sacramentum enim necdum institutum, jam negabatur; necdum datum persecutionem patiebatur: & promissum tantum, jam blasphemis impetebatur. Itaque, Domine, si hoc est modò, & experimenta præsentia præfigurant futura, si homines isti tam sunt cœci, tam ingrati, tamque indigni, exhibitaque illis à te gratia, non eorum tantum demeritum, verum etiam capacitatem excedit: desine, desine, novum istud instituere mysterium. Pro salute quippe mundi illud Crucis sufficit: & quando homines sunt tales, ut te dimittant, & derelinquant; quia tu vis stare & esse cum illis, non maneat, ne te derelinquant. Ita fieret, nisi Christi in nos amor tam excellens & constans esset in Sacramento, sicut cum S. Theresia fuit extra Sacramentum.

Durante visionum S. Theresiæ tam dubiâ veritate, idem ipsi apparens Christus, erat ille realiter, & non idem in opinione, quâ talis (qualis reverà erat) amabatur, æstimabatur & adorabatur: quâ alius putatus [qualis non erat] odio habebatur & despectui, & in-

injuriis afficiebatur: porro omnem istum amorem & odium, omnem istam æstimationem & despectum, omnes istas adorationes & injurias Theresia eodem exercebat tempore, cum una tantum esset. Quemadmodum enim mundus, cum constet ex multis, nonnullis Fidelibus, aliis Infidelibus; his Catholicis, illis Hæreticis; his probè Christianis, aliis improbis: hi Christum in Sacramento credunt, alij negant; hi illum adorant, alij blasphemant; hi illum venerantur obsequijs, alij laceffunt injuriis: verum quemadmodum Jacob Ráchelis amore, digerebat displicentias Liæ, multoque magis injurias Labani, & hoc fortis & constantis illius amoris excellentissimum erat argumentum: sic maxima Christi in Sacramento excellentia fuit, injuriis sese exponere & inhonationibus offendentium, ne amantium deesset communioni, illisque semper adesset.

## S. VI.

**V**erum enim verò, quonam pacto, offensæ istæ, injuriæ istæ, justo animarum devotarum & piarum dolore compensari possunt, quæ illas haud aliter, immò plus quàm suas proprias sentiunt & deplorant, eo quod illatæ sint Domino quem plus quàm seipsas amant?

hæc fuit illa optimè inventa compensatio, religiosissimusque præsentis solemnitatis scopus, restituere huic Ecclesiæ, furtum sacri legum commissum in altera; repetitisque menstruè obsequiis, illius diei vindicare injuriam: ut idem Christus pro uno sacrilegio multa recipiat Sacrificia; pro una injuria multas adorationes: & pro uno occulto infidelitatis actu, multas publicas fidei protestationes, novasque illius exaltationes. Magdalena audito, sanctissimum Christi Corpus sublatum de sepulchro, dicebat: *Tulerunt Dominum meum, & nescio ubi posuerunt eum.* <sup>Joann. 20. v. 13</sup> Sic lamentanti personatus apparuit Hortulanus, cui illa dixit: *Situ sustulisti eum, dicit mihi, & ego tol-* <sup>ibidem v. 15.</sup> *lam.* Bene habet, Magdalena. Si conquereris nescire, ubi Dominum tuum posuerint; edicto nobis etiam, ubinam tu eum inventum sis positura. Sublaturam se tantum, & non ubi positura eum esset, dixit; ista enim consideratio amoris sui imitatricibus reservata fuit. Dominum in hoc supremo posuerunt Throno, ibi positus & expositus est; ut nostra fides publicè confiteatur & adoret: nostraque prostrata ibidem corda, horrendam & execrandam illam detestentur & compensent injuriam.

Omnes materialiter & involuntariè à S. Theresia illatas Christo injurias, ejusdem cor compensabat, idemque omnia hujus sanctæ Congregationis corda imitantur: quæ tam devota & prudens super pectus pixidem; & ad hujus pedem, S, & clavum gestando, perpetuam sese offensi illius & adorati Domini ancillam protestatur. Videtur Dominus idem, de hisce cordibus propheticè locutus, quando Theresiæ dixit, quod nunc referam. Superiores sui mandabant Sanctæ, ut in Conventu de Incarnatione Avilæ Priorissam ageret, quod illa ex humilitate recusabat. Eodem tempore Theresia familiarissimè agens cum Christo, quam nescio gratiam pro suo fratre postulabat; Christo verò expeditionem suspendente, tali usâ fuit confidentiâ Theresia, ut præsumeret amore se expostulare de hac, quasi negligentia; quàm suæ comparando diligentiz & sedulitati; sic eum est affata: Certè, Domine, si tibi foret frater, pro quo à me quippiam peteres, sine mora hoc præstarem, si possem. Nunquid, Theresia, regerit Christus, Religiosarum de Incarnatione corda, mei sunt fratres, tuumque petunt adventum, quia tuâ indigent præsentia, & tu venire recusas? sic Christus arguendo querelam reddit querelæ:

câque insinuavit, quod illa in domo conformitas & confraternitas esset cordium, in qua etiam ille frater esset. Et si corda Religiosorum de Incarnatione Avilæ, Christus suos vocat fratres, quantò justiore ratione idem nos nomen tribuere possumus Virginibus Religiosis de Incarnatione, Ulyssipone ob venerationem Sacramenti, illiusq; sacræ custodiæ, cujus ipsæ sunt sacraria perpetua! postquam jam resurrexerat Christus, mandavit id ipsum Mariis suis annunciare Apostolis, hisce verbis: *Ite nunciate fratribus meis.* Fratribus, Domine? quali ex cognitione? amicos te illos, & non servos appellaturum dixisti, quia tua illis arcana revelâsses: sed quare fratres? si nunquam eos hoc titulo decorâsti, quare id modò facis? Præclare Sanctus Chrysostomus. *Vester ego frater esse volui: ego communicavi carnem propter vos, & sanguinem; & per qua vobis conjunctus, ea rursus vobis exhibuê.* Christus in die Resurrectionis Apostolos vocat fratres, quia in ultima cœna, ultimâ ipsis vice adfuit, quando se illis in Sacramento dedit, & mediante Communionem, carnis sanguinisque agnationem fraternitatemque contraxerunt. Ut vera sit fraternitas reciprocâ eam esse oportet. Illudque

*Matth.*  
28. v. 10.

*S. Chry.*

Iudque Christus in Incarnatione & Sacramento, Assertore Chrysofomo, fecit: per Incarnationem nostram assumendo carnem, nostrumque sanguinem factus est noster frater: & per Sacramentum eandem nobis dando carnem & sanguinem nos suos fratres effecit: *Frater vester esse volui. Ecce fraternitatem! Communi- cavi propter vos carnem & san- guinem!* Ecce Incarnationem! *Per qua vobis coniunctus, carnis- sus vobis exhibui:* Ecce Sacra- mentum!

Verum, tam religiosâ humilita- te imbuta sunt illa corda, Christi Fratres, ut, cum Fratrum nomine gloriari possent, mancipia se vo- cent & profiteantur, titulos agna- tionis commutando cum symbolis servitutis, cum, S, & Clavo, super pectus. Christus visibiliter se de- spondendo S. Theresiæ, arrhabonis loco, & pro amoris sui tessera cla- vum aliquem suæ crucis ipsi tradi- dit. Ergone, Domine, Theresiam ad supremam sponsæ tuæ dignita- tem elevaturus, clavum, qui est si- gnum, seu ferreum servitutis vin- culum tradis? Ita. Quamvis enim Theresia desponsatione sublimissi- mam intimamque dari possibilem cum Christo contraheret cognati- onem; noverat nihilominus

Christus, ex animæ suæ, uti & om- nium fideliter se amantium & ve- nerantium animarum excellenti- is, quod ipsa dignitas, quâ eas eve- hit in Sponsas, illis captivitatem inducat charactere ancillarum im- presso. Iste denique Incarnationis est Spiritus. In die Incarnationis, quando Angelus, futuram Dei Matrem gratiâ plenam nunciavit, Maria respondit: *Ecce ancilla Do- mini:* offerebatur illi dignitas Ma- tris, & sumpsit sibi nomen Ancil- læ: quia verò digniorem se æsti- mabat Ancillam, quàm Matrem, servitutis charactere, dignitatis decoravit coronam.

Luc. I.  
v. 38.

Eja Domine Jesu Christe, cum nonnullos in harum ancillarum cordibus inveneris spiritus tam similes illi eorundem purissimorum viscerum, de quibus ean- dem ipsam carnem, eundemq; assumpsisti sanguinem, quibus animas nostras, altissimum In- carnationis mysterium, cum il- lo Divinissimi Sacramenti con- jungendo, pascis; ut immenso hoc amore nostra accendatur Charitas, infinitoque pignoris huius pretio Spes nostra con- firmetur; Fidei tuæ mysterio, vivam ferventium Catholicorum Fidem adauge, mortuam

Fff 3 inde-

indevotorum & tepidorum re-  
fufcita; ejufdemque Fidei, per-  
fidia, obftinationisque Hæreti-  
cæ cognitionem omnibus infun-  
de, ut omnes in te credant, te  
confiteantur, te venerentur &  
adorent; prout nos per tuam  
gratiam credimus, confitemur,  
& ante supremæ Majestatis tuæ  
Thronum prostrati, profundiffi-  
mâ reverentiâ te adoramus. Et  
cùm generofa hæc corda tam sint  
heroica, ut amore tui parieti-

bus hisce inclufa, ad Fidei tuæ  
defenfionem, injuriarum tuarum  
ultionem prodeant in campum,  
ex iisque multiplicatas adeo no-  
mini tuo glorias acquirere nôrint  
in terra: Eadem confiderent cor-  
da [ cùm ego hoc declarare non  
possim ] quàm condigna præmia  
Divina tua liberalitas & muni-  
ficentia huic excellen-  
tiæ præparaverit  
in cœlo.



# INDEX



# I N D E X

## Locorum Sacrae Scripturae.

*Primus Numerus significat Caput. Secundus Vers. Tertius Paginam.*

Ex Libro Genesis.

Cap. Vers.	Pag.	Cap. Vers.	Pag.
1. 2. <b>E</b> t tenebrae erant super faciem abyssi.	83	11. 4. Cujus culmen pertingat ad caelum.	200
4. Facta est lux, & vidit Deus quod esset bona. ibidem.		6. Coeperunt hoc facere, nec desistunt à cogitationibus, donec eas opere complerant. ibidem.	
10. Vidit Deus quod esset bonum.	376	7. Venite, confundamus linguam eorum.	201
26. Faciamus hominem ad imaginem & similitudinem nostram, & praeit. 54.	255	14. 18. Melchisedech proferens panem & vinum.	8
2. 17. In quocunque die comederis, morte morieris.	264	22. 16. Quia fecisti rem hanc, & non pepercisti unigenito filio tuo propter me.	100
24. Erunt duo in carne una.	64	25. 22. Si sic mihi futurum erat, quid necesse fuit concipere?	67
3. 5. Eritis sicut Dei, scientes bonum & malum.	109	27. 45. Cur utroque orbabor filio in uno die? ibidem.	
19. In sudore vultus tui vesceris pane tuo.	186	29. 10. Videbantur illi pauci dies pra amoris magnitudine.	279. 307
22. Ne forte mittat manum suam, & summat etiam de ligno vitae.	265	30. 39. Factum est ut parerent maculosa, & diverso colore repleta.	36
22. Ecce Adam quasi unus ex nobis factus est.	62	32. 10. In baculo meo transivi Jordanem istum & nunc cum duobus turmis regredior.	158
4. 10. Vox sanguinis fratris tui clamat ad me de terra.	133. 288	26. Non dimittam te, nisi benedixeris mihi.	193
5. 2. Masculum & foeminam creavit eos, & vocavit nomen eorum Adam.	386	37. 3. Eo quod in senectute genuisset eum.	40
6. 6. Tactus dolore cordis intrinsecus.	291. 373	3. Israel diligebat Joseph super omnes filios suos.	33
6. Poenituit eum quod hominem fecisset in terra.	376	3. Fecit ei tunicam polymitam.	ibid.
7. Poenitet me fecisse eos.	376	4. Videntes autem fratres ejus quod a patre plus cunctis pius amaretur.	ibid.
8. 21. Nequaquam ultra maledicam terra propter homines.	373	32. Vide utrum tamen justus sit, an non?	33. 174
9. 2. Terror vestester, ac tremor sit super cuncta animalia terrae.	148		
10. 9. Erat robustus venator coram Domino.	163		

135. Tu-

# INDEX LOCORUM

Cap. Vers.	Cap. Vers.	Cap. Vers.	Cap. Vers.
33. Tunc filii mei est.	33	14. Et poenituit Dominum mali, quod cogitauerat facere populo suo. ibid. Ex textu Hebraico.	
35. Congregatis cunctis liberis ejus, ut lenirent dolorem patrie.	33	17. Violatus pugna auditur in castris.	69
35. Descendam ad filium meum iugens in infernum.	33	18. Vocem cantantium ego audio. ibid.	
38. 15. Suspicatus est esse meretricem, opernerat enim vultum suum, ne agnosceretur.	33	37. 9. Extendentes alas.	58
36		Ex Libro Numeri.	
42. 19. Frater vester unus ligetur in carcere.	12	14. 9. Sicut panem eos possumus devorare.	16
		20. 11. Percutiens virga bis fuscem cretella sunt aqua largissima.	129
Ex Libro Exodi.		Ex Libr. Deuteronomii.	
3. 1. Cumque minasset gregem ad interiora deserti venit ad montem Dei Horeb.	150	7. 20. Neque declinet in partem dexteram, vel sinistram.	69
8. Cum eduxeris populum meum de Aegypto, immolabis Deo super montem istum.	150	Ex Libro Josue.	
7. 1. Constitui te Deum Pharaonis.	54	1. 3. Omnem locum, quem calcaverit vestigium pedis vestri, vobis tradam.	113
12. Devoravit virgas eorum.	202	12. Defecit manna postquam comederunt de frugibus terra, nec nisi sunt ultracibo illo filii Israel.	8
12. Projecerunt singuli virgas suas, quae versa sunt in dracones.	203	7. 7. Heu Domine Deus, quid voluisti traducere populum istum Jordanem fluvium, ut traderes nos in manus Amorrhai.	369
12. 11. Phase, id est, transitus Domini.	5	Utinam mansissemus trans Jordanem	369
20. 5. Ego Deus zelotes.	276	9. Et quid facies magno nomini tuo.	368
13. Non occides, non machaberis, non furtum facies.	153	19. Filii mei da gloriam Domino, & confitere.	107
14. 15. Non machaberis, non furtum facies.	171	10. 12. Sol tace contra Gabaon	380
19. Non loquatur nobis Dominus.	62	Ex Lib. Judicum.	
22. 3. Si non habueris quod pro furto reddas, ipse venundabitur.	248	4. 9. In hac vice victoria non reputabitur tibi, quia in manu mulieris tradetur Sisara.	206
32. 10. Dimitte me ut irascatur furor meus contra eos, & deleam eos.	364	23. Humiliavit Deus in die illo Iabin Regem Chanaan coram filiis Israel.	206
31. Cur Domine irascitur furor tuus contra populum tuum? ibid.		5. 2. Nova bella elegit Dominus. ibid.	
12. Ne quasi dicant Aegyptii.	54	Evagi	
12. Ne quasi dicant Aegyptiis, callide eduxit eos, ut interficeret in montibus, & daret eis terram.	365		

# SACRÆ SCRIPTURÆ.

Cap. Verſ.	Page.	Cap. Verſ.	Page.
9. 53. 54. <i>Evaginagladium tuum, &amp; percute me ne forte dicatur, quod à famina interfectus sum.</i>	211	4. 18. <i>In Angelis suis reperit pravitatem.</i>	98
		7. 20. <i>Peccavi, quid faciam tibi?</i>	378
		21. <i>Cum non tollis peccatum meum, &amp; quare non auferis iniquitatem meam?</i>	378

## Ex Libro Regum. I.

9. 12. <i>Hodie enim venit in civitatem, quia sacrificiū est hodie populi in excelſo.</i>	161	21. <i>Ecce nunc in pulvere dormiam, &amp; si mane me quaſieris non subsistam.</i>	370
17. 4. <i>Altitudinis sex cubitorū, &amp; palmi.</i>	198	10. 3. <i>Nunquid bonum tibi videtur, si calumniaveri me, &amp; opprimas me opus manuum tuarum, &amp; consilium impiorum adjuves?</i>	367
8. <i>Eligite ex vobis virum, &amp; descendat ad singulare certamen.</i>	198	13. 25. <i>Contra folium quod vento rapitur, ostendis potentiam.</i>	379
18. 7. <i>Percussit David decem millia.</i>	199	27. <i>Vestigia pedum meorū considerasti.</i>	130
20. 41. <i>Fleverunt pariter, David autem amplius.</i>	294	14. 13. <i>Quis mihi hoc tribuat, ut in inferno protegas me, &amp; abscondas me, donec pertranseat furor tuus.</i>	89

## Ex Libro Regum 2.

3. 15. 16. <i>Misit ergo Iſoſeth, &amp; tulit eam à viro suo Phaltiel; sequebaturq; eam vir suus, plorans usque Bahurim.</i>	294	16. 17. <i>Tu quidem gressus meos dinnumerasti, signasti quasi in sacculo delicta mea.</i>	89
18. 5. <i>Servate mihi puerum Absolon.</i>	100	17. 12. <i>Post tenebras spero lucem.</i>	10

## Ex Libro Regum 3.

3. 9. <i>Dabis servo tuo cor docile.</i>	220	14. <i>Putredini dixi: Pater meus es tu; mater mea, &amp; soror mea, vermibus.</i>	116
11. <i>Dedi tibi cor sapiens, &amp; intelligens in tantum, ut nullus ante te similis tui fuerit, nec post te surrecturus sit.</i>	101. 220	19. 22. <i>Quare persequimini me sicut Deus, &amp; carnibus meis saturamini?</i>	16
12. <i>Ecce feci tibi secundum sermones tuos.</i>	220	26. 27. <i>De terra surrecturus sum, &amp; videbo Deum ego ipse, &amp; non alius.</i>	62
19. 9. <i>Quid hic agis Elia?</i>	128	26. 5. <i>Ecce Gigantes gemunt sub aquis.</i>	71
20. <i>Quod enim meum erat feci tibi.</i>	36	31. 31. <i>Dixerunt viri tabernaculi mei: quis det de carnibus ejus ut saturemur?</i>	16
21. 4. <i>Noluit comedere panem suum.</i>	187	33. <i>Si abscondi quasi homo peccatum meū.</i>	85
		35. 36. <i>Librum scribat ipse, qui judicat, ut in humero meo portem illum, &amp; circumdum illum, quasi coronam mihi. Per singulos gradus meos pronuntiabo illum, &amp; quasi Principi offeram illum.</i>	92

## Ex Libro Regum 4.

2. 9. <i>Fiat in me spiritus tuus duplex,</i>	35		
10. <i>Si videris me, quando solar à te.</i>	35		
12. <i>Scidit vestimenta sua. ibid.</i>			
13. <i>Levavit pallium Elia, quod ceciderat ei. ibid.</i>			

## Ex Libro Job.

1. 8. <i>Nunquid confiderasti servum meum Job, quod non sit ei similis in terra?</i>	41		
--------------------------------------------------------------------------------------	----	--	--

Pars III.

Psal. Verſ.	Page.
L. 1. <i>Beatus vir, qui non abiit in consilio impiorum, &amp; in via peccatorū non stetit, &amp; in cathedra pestilentia non sedit.</i>	221
Ggg	4. Tan-

# INDEX LOCORUM

Psal. Verl.	Pag.	Psal. Verl.	Pag.
4. <i>Tanquam pulvis, quem projicit ventus à facie terra. ibidem.</i>		<i>in diebus antiquis.</i>	359
6. <i>Ego autem constitutus sum Rex ab eo super Sion montem sanctum ejus, pradicans preceptum ejus.</i>	181	3. <i>Manus tuas gentes disperdit, &amp; plantasti eos: afflixisti populos, &amp; expulisti eos.</i>	360
6. 7. <i>Laboravi in gemitu meo.</i>	72	4. <i>Nec enim in gladio suo possederunt terram, &amp; brachium eorum non salvavit eos, sed dextera tua &amp; brachium tuum &amp; illuminatio vultus tui, quoniam complacuisti in eis. ibid.</i>	
7. 12. <i>Deus judex justus, fortis &amp; patiens, nunquid irascitur per singulos dies?</i>	379	5. <i>Tu es ipse Rex meus &amp; Deus meus, qui mandas salutes Jacob.</i>	38. & 361
13. 4. <i>Qui devorant plebem meam sicut escam panis.</i>	6	10. <i>Nunc autem repulisti, &amp; confudisti nos, &amp; non egredieris Deus in virtutibus nostris.</i>	360
18. 1. & 2. <i>Cæli enarrant gloriam Dei, &amp; opera manuum ejus annuntiat firmamentum.</i>	81. & 381	11. <i>Avertisti nos retrorsum post inimicos nostros, &amp; qui oderunt nos, diripiebant sibi. ibid.</i>	
3. <i>Dies diei eructat verbum, &amp; nox nocti indicat scientiam.</i>	82	12. <i>Dedisti nos tanquam oves escarum, &amp; in gentibus disperdisti nos. ibid.</i>	
5. <i>In sole posuit tabernaculum suum.</i>	60	14. <i>Posuisti nos opprobrium vicinis nostris, subannationem, &amp; derisum his qui sunt in circumsu nostro. ibidem.</i>	
13. <i>Delicta quis intelligit?</i>	127	21. <i>Exurge, quare obdormis Domine, exurge, &amp; ne repellas in sinem.</i>	361. & 363
21. 19. <i>Diviserunt sibi vestimenta mea: &amp; super vestem meam miserunt sortem.</i>	238	24. <i>Quare faciem tuam avertis, oblivisceris inopia nostra, &amp; tribulationis nostre?</i>	361
19. <i>Et super vestem meam miserunt sortem</i>	174	26. <i>Exurge, Domine, adjuva nos, &amp; libera nos propter nomen tuum. ibid.</i>	& 377
21. <i>Erue à framea Deus animam meam.</i>	292	48. 13. <i>Homo cum in honore esset, non intellexit.</i>	62
24. 7. <i>Delicta juventutis mea, &amp; ignorantias meas ne memineris Domine.</i>	108	13. <i>Comparatus est jumentis, &amp; similis factus est illis.</i>	62
11. <i>Propter nomen tuum, Domine, propitiaberis peccato meo: multum est enim.</i>	377	49. 18. <i>Si videbas furem, curtebas cum eo.</i>	167
31. 1. <i>Beati quorum remissa sunt iniquitates &amp; quorum tecta sunt peccata.</i>	87	21. <i>Existimasti inique, quod ero tui similis: arguam te, &amp; statnam contra faciem tuam. ibid.</i>	
33. 9. <i>Gustate &amp; videte quoniam suavis est Dominus.</i>	3	50. 3. <i>Secundum magnam misericordiam tuam &amp; secundum multam iniquitatem generationum tuarum.</i>	377
			3. <i>Dele</i>
36. 24. <i>Cum cecideris, non collidetur, quia Dominus supponit manum suam.</i>	157		
40. 10. <i>Homo pacis mea, in quo speravi: magnificavit super me supplantationem.</i>	15		
43. 1. & 2. <i>Deus auribus nostris audivimus, Patres nostri annuntiaverunt nobis, opus quod operatus est in diebus eorum, &amp;</i>			

# SACRÆ SCRIPTURÆ.

Pfal. Versf.	Pag.
3. <i>Dele iniquitatem meam.</i>	88
54. 56. <i>Cor meum conturbatum est in me, &amp; formido mortis cecidit super me: timor &amp; tremor venerunt super me, &amp; contexerunt me tenebra.</i>	162
89. <i>Ecce elongavi fugiens, &amp; mansi in solitudine: expectabam eum, qui saluum me fecit à pusillanimitate spiritus, &amp; tempestate. ibid.</i>	
10. <i>Præcipita Domine, divide linguas eorum, quoniam vidi iniquitatem, &amp; contradictionem in civitate.</i>	201
67. 36. <i>Mirabilis Deus in Sanctis suis.</i>	175
68. 3. <i>Veni in altitudinem maris, &amp; tempestas demersit me.</i>	227
6. <i>Quæ non rapui tunc exolvebam.</i>	254
70. 1. <i>Psalmus David filiorum Ionadab, &amp; primorum captivorum.</i>	151
71. 5. <i>Permanebit cum sole, &amp; ante lunam.</i>	48
72. 28. <i>Mihi autem adhaerere Deo bonum est: ponere in Domino Deo spem meam.</i>	14
73. 12. <i>Operatus est salutem in medio terra.</i>	47
77. 24. <i>Panem cæli dedit eis, Panem Angelorum manducavit homo.</i>	404
80. 6. <i>Linguam quam non noverat audivis.</i>	316
87. 13. <i>Terra oblivionis.</i>	282
90. 10. <i>Flagellum non appropinquabit tabernaculo tuo.</i>	374
99. 3. <i>Ipse fecit nos.</i>	118
102. 12. <i>Quantum distat ortus ab occidente, longè fecit à nobis iniquitates nostras.</i>	180
20. <i>Facientes verbum illius ad audiendam vocem sermonum eius.</i>	42
109. 4. <i>Tu es Sacerdos in æternum secundum ordinem Melchisedech.</i>	8
110. 4. <i>Memoriam fecit mirabilium suorum.</i>	176
113. 2. <i>Ne quando dicant gentes.</i>	54

Pfal. Versf.	Pag.
118. 137. <i>Iustus es Domine, &amp; rectum iudicium tuum.</i>	364
138. 12. <i>Sicut tenebra ejus ita &amp; lumen ejus.</i>	84
16. <i>Imperfectum meum viderunt oculi tui, &amp; in libro tuo omnes scribentur: dies formabuntur, &amp; nemo in eis.</i>	228
145. 2. 3. <i>Nolite confidere in Principibus, in filiis hominum, in quibus non est salus.</i>	14
148. 5. <i>Ipse dixit, &amp; facta sunt.</i>	54

## Ex Lib. Proverbiorum.

Cap. Versf.	Pag.
6. 30. <i>Non grandis est culpa cum quis furatus fuerit: furatur enim, ut ejurientem impleat animam.</i>	252
8. 32. <i>Et delicia mea esse cum filiis hominum.</i>	278
9. 1. <i>Sapientia adificavit sibi domum.</i>	194
17. <i>Aqua furtiva dulciores sunt, &amp; panis absconditus suavior.</i>	186
17. 17. <i>Omni tempore diligit qui amicus est.</i>	277
31. 10. <i>Procul &amp; de ultimis finibus pretium ejus.</i>	286

## Ex Ecclesiaste.

1. 6. <i>Gyrat per meridiem, &amp; flectitur ad Aquilonem, Instrans universa in circuitu.</i>	60
16. <i>Præcessi omnes sapientiâ qui fuerunt ante me in Jerusalem.</i>	101
17. <i>Dedique cor meum, ut scirem prudentiam, atque doctrinam, erroresque &amp; stultitiam.</i>	101
4. 10. <i>Væ soli: quia cum cecideris non habet sublevantem se.</i>	157
12. <i>Funiculus triplex difficile rumpitur.</i>	200.

# INDEX LOCORUM

Cap. Vers.	Pag.	Cap. Vers.	Pag.
Ex Lib. Canticorum.		53. 1. <i>Quis credidit auditui nostro?</i>	293
3. 6. <i>Qua est ista, qua ascendis per desertum</i>	155	Ex Prophetia Jeremiæ.	
4. 9. <i>Vulnerasti cor meum.</i>	388	10. <i>Ecce constitui te super gentes, &amp; super</i>	
5. 7. <i>Tulerunt pallium meum mihi.</i>	263	<i>regna. ut euellas &amp; destruas, &amp; disper-</i>	
9. <i>Qualis est dilectus tuus ex dilecto.</i>	35	<i>das, &amp; dissipet, &amp; adificet, &amp; plantes.</i>	379
10. <i>Dilectus meus candidus, &amp; rubicun-</i>		18. <i>Regibus Juda, &amp; Principibus ejus.</i>	272
<i>dus, electus ex millibus. ibid.</i>		17. 5. <i>Maledictus homo qui confidit in homi-</i>	
6. 7.8. <i>Sexaginta sunt Regina, &amp; octoginta</i>		<i>ne.</i>	17
<i>concubina, &amp; adolescentularum non</i>		7. <i>Benedictus vir, qui confidit in Domino.</i>	17
<i>est numerus: una est columba mea. per-</i>		23. 23. <i>Putasne Deus è vicino ego sum, &amp; non</i>	
<i>fecta mea: una est matrisua, electa ge-</i>		<i>Deus de longè?</i>	287
<i>nitricis sue.</i>	31	Thren. 1.4. <i>Via Sion lugent, eò quod non sint qui</i>	
7. 2. <i>Venter tuus sicut aceruus tritici val-</i>		<i>veniant ad solemnitatem.</i>	378
<i>latus lilii.</i>	21	Ex Prophetia Ezechielis.	
5. <i>Caput tuum, ut Camelus.</i>	38	1. 10. <i>Desuper ipsorum quatuor.</i>	103
8. 5. <i>Qua est ista, qua ascendis de deserto?</i>	155	3. 2. <i>Comede volumen istud, &amp; vadens loque-</i>	
Ex Lib. Sapientię.		<i>re ad filios Israel.</i>	313
1. 4. <i>In malevolam animam non introibis</i>	209	3. <i>Comedi illud, &amp; factum est in ore meo</i>	
<i>sapientia.</i>		<i>sicut mel dulce. ibid.</i>	
Ex Lib. Ecclesiastici.		4. <i>Vade ad domum Israel, &amp; loquere verba</i>	
7. 5. <i>Pene Regem noli velle videri sapiens.</i>	223	<i>mea ad eos. ibid.</i>	
Ex Prophetia Isaia.		9. <i>Non enim ad populum profundi sermo-</i>	
1. 18. <i>Si fuerint peccata vestra ut coccinum,</i>		<i>nis, &amp; ignota lingua tu mitteris. ibid.</i>	
<i>quasi nix dealbabitur.</i>	91	6. <i>Neque ad populos multos profundi ser-</i>	
23. <i>Principes tui infideles socii furum.</i>	267	<i>monis, &amp; ignota lingua, quorum non</i>	
2. 3. <i>De Sion exibit lex, &amp; verbum Domini</i>		<i>possis audire sermones. ibid.</i>	
<i>de Jerusalem.</i>	152	10. 9. <i>Rota mea juxta Cherub unum.</i>	195
6. 1. & 2. <i>Vidi Dominum sedentem super soli-</i>		14. <i>Facies una facies Cherub, &amp; facies se-</i>	
<i>um excelsum &amp; elevatum: Seraphim</i>		<i>cunda facies hominis, &amp; intertio facies</i>	
<i>stabant &amp; volabant.</i>	59	<i>leonis, &amp; in quarto facies aquila.</i>	218
9. <i>Va mihi quia tacui.</i>	272	22. 27. <i>Principes ejus in medio illius quasi lupi</i>	
II. 6.7. <i>Habitabis lupus cum agno, &amp; leo quasi</i>		<i>rapientes pradam.</i>	251
<i>bos comedet paleas.</i>	75	28. 14.16. <i>Et tu Cherub posui te in monte sancto</i>	
14. 13. <i>In cælum conscendam.</i>	94	17. <i>Dei: perdidisti te, ó Cherub projecit te in</i>	
14. <i>Similis ero altissimo.</i>	93	<i>terram.</i>	93
		27. <i>Perdidisti sapientiam tuam in decore</i>	
		<i>suo.</i>	113
			44

# SACRÆ SCRIPTURÆ.

Cap. Vers.	Pag.	Cap. Vers.	Pag.
44. 2. 3. <i>Et convertit me ad viam porta sanctuarii, &amp; erat clausa: &amp; dixit Dominus ad me: porta hac clausa erit: Princeps ipse sedebit in ea, ut comedat panem coram Domino.</i>	3	Ex Prophetia Habacuc.	
Ex Prophetia Danielis.		3. 2. <i>In medio annorum notum facies.</i>	47
3. 2. <i>Nabuchodonosor Rex misit me ad congregandos satrapas, Magistratus, &amp; iudices.</i>	258	Ex Prophetia Zachariæ.	
71. 72. <i>Benedicite noctes &amp; dies Domino, benedicite lux &amp; tenebra Domino.</i>	82	9. 17. <i>Frumentum electorum, &amp; vinum germenans virgines.</i>	176
5. 3. <i>Inventus est minus habens.</i>	145	12. 12. <i>Familia, &amp; familia seorsum.</i>	122
6. 10. <i>Tribus temporibus in die steterat genua sua, &amp; adorabat coram Deo suo.</i>	70	Ex Divo Matthæo.	
4. <i>Querebant occasionem, ut invenirent Danieli ex latere Regis, nullamq; causam &amp; suspicionem reperire potuerunt.</i>	70	4. 3. <i>Si filius Dei es, dic, ut lapides isti panes fiant.</i>	54
7. 27. <i>Et magnitudo regni, quæ est subter omne cælum, detur populo sanctorum altissimi.</i>	74	2. 10. <i>Gavisi sunt gaudio magno valde.</i>	167
9. 18. <i>Neg, enim in justificationibus nostris prosternimus preces ante faciem tuam, sed in miserationibus tuis multis.</i>	364	18. <i>Ambulans Jesus juxta mare Galilææ.</i>	59
Ex Prophetia Joelis.		19. <i>Venite post me.</i>	59. 213
2. 9. <i>Per fenestras intrabunt quasi fur.</i>	256	<i>Faciam vos fieri piscatores hominū.</i>	54
29. <i>Sed &amp; super servos meos, &amp; ancillas in diebus illis effundam spiritum meum &amp; prophetabunt.</i>	328	22. <i>Relictis vestibus &amp; patre.</i>	58
Ex Prophetia Amos.		23. <i>Circuibat, perambulabat.</i>	60
5. 10. 13. <i>Odio habuerunt corripientem in porta, &amp; loquentem perfectè abominati sunt: ideo erudiens in tempore illo tacebit, quia tempus malum est.</i>	149	5. 1. <i>Accesserunt ad eum Discipuli ejus, &amp; aperiens os suum docebat eos.</i>	44
Ex Prophetia Jonæ.		3. <i>Beati pauperes spiritu.</i>	44
3. 4. <i>Adhuc quadraginta dies, &amp; Ninive subvertetur.</i>	330	2. <i>Ascendit in montem, &amp; cum sedisset accesserunt ad eum Discipuli ejus, &amp; aperiens os suum, docebat eos.</i>	153
6. <i>Pervenit verbum ad Regem.</i>	246	16. <i>Sic luceat lux vestra coram hominibus, ut videant opera vestra bona, &amp; glorificent patrem vestrum qui in cælis est.</i>	77
		17. <i>Nolite putare, quoniam veni solvere legem, aut Prophetas: non veni solvere, sed adimplere.</i>	43
		15. <i>Nec accendant lucernam, &amp; ponunt eam sub medio, sed super candelabrū, ut luceat omnibus, qui in domo sunt.</i>	78. 165
		18. <i>Donec transeat cælum &amp; terra, jota unum, aut unus apex non prateribit à lege, donec omnia fiant.</i>	45
		19. <i>Qui fecerit &amp; docuerit.</i>	78
		18. <i>Hic magnus vocabitur in regno cælorum.</i>	44
		22. <i>Qui dixerit fratri suo Racha (hoc est impius) remus est concilio: qui autem dixerit fratri, remus eris gehenna ignis.</i>	110
		Ggg 3	6. 3. Ne-

# INDEX LOCORUM

Cap. Vcl.	Pag.	Cap. Vcl.	Pag.
6. 3.	Nesciat sinistra tua quid faciat dextera tua.	25.	transire, quàm divitem intrare in regnum cœlorum.
26.	Respicite volatilia cœli.	27.	Ecce nos reliquimus omnia.
29.	Discite à me quia misis sum & humilis corde.	28.	Sedebitis in regeneratione iudicantes duodecim tribus Israel.
7. 14.	Arcta via est, qua ducit ad vitam, & pauci sunt qui inveniunt eam.	20. 21.	Dic ut sedcant hi duo filii mei, unus ad dexteram tuam, & unus ad sinistram in regno tuo.
9. 21.	Si tetigerot tantum vestimentum, salva ero.	21.	Dic. 53. usque 58
11. 2.	Cùm audisset Joannes in vinculis opera Christi.	21.	Ut sedcant 58. usque 60
11. 11.	Amen dico vobis non surrexit inter natos mulierum major Joanne Baptista: qui autem minor est in regno cœlorum, major est illo.	21.	Hi. 60. usque 63
12. 28. & 30.	Venite ad me omnes, jugum enim meum suave est.	21.	Duo. 63. usque 66
50.	Quicumque fecerit voluntatem Patris mei, qui in cœlis est, ipse meus frater, & soror & mater est.	21.	Filii mei. 66. & 67.
13. 49.	Exibunt Angeli, & separabunt malos de mediis iustorum.	21.	Unus ad dexteram, & unus ad sinistram 67. usque 71
15. 24.	Non sum missus nisi ad oves qua perierunt domus Israel.	21.	In regno. 71. usque 73
16. 13.	Quem dicunt homines esse filium hominis?	21.	Tuo. 73. & seq.
14.	Alii Joannem Baptistam, alii autem Eliam, alii verò Jeremiam, alii unum ex Prophetis.	23.	Non est meum dare vobis, sed quibus paratum est à Patre meo.
13.	Quem dicunt homines esse filium hominis?	21. 8.	Alii autem cedebant ramos de arboribus, & sternebant in via.
15.	Vos autem quem me esse dicitis?	9.	Benedictus qui venit in nomine Domini Rex Israel. 39
16. 22.	Abstine à te Domine, non erit tibi hoc.	9.	Hosanna Filio David.
22.	Tu es Christus Filius Dei vivi.	13.	Vos autem fecistis illam speluncam latronum.
17. 4.	Bonum est nos hic esse.	2.	Simile est regnum cœlorum homini Regi, qui fecit nuptias filio suo.
18. 15.	Corripe eum inter te & ipsum solum.	3.	Misi servos suos vocare invitatos ad nuptias.
19. 12.	Sunt Eunuchi, qui se ipsos castraverunt propter regnum cœlorum.	3.	Nolebant venire
21.	Vende qua habes, & da pauperibus.	4.	Tauri mei & altilia occisa sunt, & omnia parata: venite ad nuptias, ibidem 344.
24.	Facilius est, camelum per foramen acus	4.	Ecce prandium meum paravi, venite ad nuptias, ibid. & 341
		4.	Dicite invitatis. ibid.
		4.	Mittit alios servos. ibid.
		5.	Illi autem neg. exierunt. ibid. & 334
		5.	Alius in villam suam: alius verò ad negotia-



SACRÆ SCRIPTURÆ.

Cap. Verſ.	Pag.	Cap. Verſ.	Pag.
	gotiationem ſuam. <i>ibid.</i>	10. Et qua parata erant, intraverunt cum eo ad nuptias, & clauſa eſt janua. 197	
6.	Reliqui verò tenuerunt ſervos ejus, & contumeliis affectos occiderunt, <i>ibid.</i> & 344	10. Clauſa eſt janua. 372. 406	
7.	Miſſis exercitiſus ſuis perdidit homicidas illos, & civitatem illorum ſuccendit. <i>ibid.</i> & 345. 382	11. Domine, Domine, aperi nobis. 406	
7.	Tratus eſt Rex. <i>ibid.</i>	12. Nescio vos. 372. 406	
8.	Sed qui invitati erant, non fuerunt digni <i>ibid.</i> & 340. & 384	21. Intra in gaudium Domini tui. 17	
9.	Ite ad exitus viarum, & quoſcunque inveneritis, vocate ad nuptias. <i>ibidem.</i>	34. Venite Benediſti. 17	
10.	Congregaverunt omnes, quos invenerunt malos & bonos. <i>ibid.</i> & 352	34. Venite Benediſti Patris mei, poſſidete paratum vobis regnum à conſtitutione mundi. 17. 134	
10.	Et impleta ſunt nuptia diſcumbentium <i>ibid.</i> & 384	41. Diſcedite à me malediſti in ignem æternum. 17. 128. 135	
11.	Intravit Rex ut videret diſcumbentes. <i>ibid.</i> & 347	43. Non dedisti mihi manducare, non dedisti mihi potum, non collegisti me, non cooperuisti me, non viſitaſti me. 128	
11.	Et vidit ibi hominem non veſtitatum veſte nuptiali. 332. & 347	26. 7. Super caput ipſius recumbentis. 399	
11.	At ille obmutuit. <i>ibid.</i>	12. Mittens hac unguentum hoc in corpus meum, ad ſepeliendum me fecit. 236	
12.	Quomodo huc intraſti, non habens veſtem nuptialem? <i>ibid.</i> & 347	24. Va homini illi, per quem Filius hominis tradetur. 183	
13.	Ibi erit ſletus, & ſtridor dentium. <i>ibid.</i> & 353	26. Fregit, deditque Diſcipulis ſuis. 5	
13.	Ligatis manibus & pedibus ejus, miſiſe eum in tenebras exteriores. <i>ibidem</i> & 357	38. Tristiſt eſt anima mea uſque ad mortem. 240. & 296	
13.	Miſiſte eum in tenebras exteriores. 349	41. Caro autem infirma. 172	
14.	Multi enim ſunt vocati: pauci verò electi. 135. 332	44. Iterum abiit, & oravit teritiò. 297	
24. 29.	Stella cadent de cælo. 121	27. 24. Aquà lavit manus coram populo. 291	
27.	Sicut fuit in diebus Noe. 121	25. Sanguis ejus ſuper nos. 291	
25. 1.	Exierunt obviam ſponſe & ſponſa. 197 385	54. Verè Filius Dei erat iſte. 292	
2.	Quinque autem ex eis erant fatuæ, & quinque prudentes. 194. 197. 393. 401	28. 9. Tenuerunt pedes ejus, & adoraverunt eum. 401	
5.	Dormitaverunt omnes, & dormierunt. 372	10. Ite, nunciato fratribus mèis. 30. 412	
5.	Moram autem faciente. 197	20. Ecce ego vobiſcum ſum uſque ad conſummationem ſæculi. 8	
		Ex D. Marco.	
		3. 17. Filii tonitrui. 62	
		6. 18. Non licet tibi. 272	
		47. Et ipſe ſolus in terra. 159	
		48. Volebat præterire eos. 409	
		49. Ut	

**Ex D. Marco.**

# INDEX LOCORUM

Cap. Verf.	Pag.	Cap. Verf.	Pag.
49. Ut viderunt eum ambulancem super mare: putaverunt phantasma esse. 409		55. Nescitis cujus spiritus estis. 63	
52. Nec enim intellexerunt de panibus. 136		10. 40. Domine non est tibi cura. 361	
9. 22. Omnia possibilia sunt credenti. 309		42. Maria optimam partem elegit. 143	
23. Credo Domine, adjuva incredulitatem meam. ibid. & 312		11. 9. Petite & accipietis: pulsate & aperietur vobis: omnis enim qui petit accipit, & pulsanti aperietur. 406	
11. 9. Et qui praebans, & qui sequebatur. 46		27. Beatus ventris qui te portavit, & ubera qua suxisti: quinimo beati qui audierunt verbum Dei, & custodiunt illud 18. 41. 48	
14. 36. Abba pater. 297		27. Et ubera qua suxisti. 18	
41. Et venit tertio, & ait illis. ibid.		12. 36. Et vos similes hominibus expectantibus Dominum suum. 6	
16. 7. Dicite Discipulis ejus & Petro. 290		36. Quando revertatur à nuptiis. 5	
14. Exprobravit incredulitatem eorum, & duritiam cordis, quia isti, qui viderant eum resurrexisse non crediderunt		37. Amen dico vobis quod praeinget se, & faciet illos discumbere, & transiens ministrabit illis. 4. 6	
15. & dixit illis: Euntes in mundum universum predicate Evangelium omni creatura. 305. 307. 312		38. Beati sunt servi illi. 4	
Ex D. Luca.		39. Si sciret pater familias quâ hora fur veniret, non sineret perfodi domum suam. 256	
1. 27. Ad virginem desponsatam viro, de domo David. 32		49. Ignem veni mittere in terram, & quid volo, nisi ut accendatur? 285	
38. Ecce ancilla Domini. 413		50. Baptismo habeo baptizari & quomodo coarctor usque dum perficiatur? 240	
2. 7. peperit filium suum primogenitum. 22		13. 32. Dicite vniuersis illi. 272	
34. In signum, cui contradicetur. 410		14. 19. 20. Villam emi; iuga bouum emi quinque: uxorem duxi. 169	
48. Fili, quid fecisti nobis sic? 19		21. Caecos, & claudos introduc huc. 371	
49. Nesciebatis quia in his qua Patri mei sunt, oportet me esse. 19		15. 4. Nonne dimittis nonaginta novem in deserto. 155	
3. 5. Omnis vallis implebitur, & omnis mons, & collis humiliabitur. 75		8. Quam mulier habens drachmas decem, & si perdidit drachmam unam, nonne accendit lucernam, & eversit domum, & quaerit diligenter, donec inueniat? 165	
8. Potens est Deus de lapidibus istis suscitare filios Abraha. 323		10. Ita gaudium erit coram Angelis Dei super uno peccatore penitentiam agente, 166	
36. Sicut fuit in diebus Noe, sic erit in consummatione saeculi. 121		16. Ut	
7. 39. Hic si esset Propheta, scires quia, & qualis est mulier qua tangit eum. 109			
47. Quoniam dilexit multum. 283			
8. 46. Quis me tetigit. Nam ego novi virtutem de me exisse. 176			
9. 54. Domine vis dicimus, ut ignis descendat de caelo & consumat illos? 63			

# SACRÆ SCRIPTURÆ.

Cap. Verf.

Pa g. Cap. Verf.

Pa g.

16. *Vt pasceret porcos.*  
*Cupiebat ventrē implere de siliquis, quas*  
*porci manducabāt, & nemo illi dabat.* 191
21. *Pater non sū dignus vocari filius tuus.* 99
22. *Citō proferte stolam primam.* 34-99
32. *Perieras, & inventus est.* 168. 191
16. 1. *Homo quidam erat dives.* 261  
 1. *Et hic diffamatus est apud illum, quasi*  
*dissipasset bona ipsius. ibid.*  
 2. *Sum enim non poteris villicare.* ibid.  
 8. *Laudavit Dominus villicum iniquita-*  
*tis, quia prudenter fecisset.* 262
16. *Lex, & Propheta usque ad Joannem.*  
 25. *Recepisti bona in vita tua.* 124
17. 17. *Et novem ubi sunt?* 392
19. 1. *Perambulabat, circuibat.* 60  
 2. *Zachaeus Princeps erat Publicanorum*  
*& ipse dives.* 248  
 5. *Zachae festinans descende, quia hodie*  
*in domo tua oportet me manere.* 249  
 6. *Excepit illum gaudens. ibid.*  
 8. *Ecce dimidium bonorum meorum do*  
*pauperibus, & si quid aliquem defran-*  
*davi, reddo quadruplum.* 130. 189. 249  
 9. *Hodie salus domui huius facta est.* 131  
 189. & 248  
 17. *Engel servus bone quia in modico fuisti*  
*fidei, & eris potestatem habens super de-*  
*cem civitates.* 266  
 19. *Et tu esto super quinque civitates.* ibid.  
 24. *Auferte ab illo Mniam, ibidem*  
 36. *Eunte autem illo, substernebant vesti-*  
*menta sua.* 46
21. 27. *Tunc videbunt filium hominis veniens*  
*tem in nubibus.* 114. & 11
22. 19. *Hoc facite in meam commemorationem,*  
*Hoc est Corpus meum, quod pro*  
*vobis tradetur.* 183
41. *Quantum factus est lapidis.* 298
62. *Egressus foras.* 178
- Pars III.

23. 39. *Sit ues Christus, saluum fac tempus-*  
*sum & nos.* 269
41. 43. *Domine memento mei cum veneris in*  
*regnum tuum: Hodie mecum eris in*  
*paradiso.* 174. 245. 269
48. *Percutientes pectora sua reverteban-*  
*tur.* 292
24. 11. *Visa sunt ante illos sicut deliramentū*  
*verba ista, & non crediderunt illis.* 208
19. *Donec induamini virtute ex alto.* 177
21. *Nos autem sperabamus.* 7
21. 22. 23. *Nos autem sperabamus, & super*  
*hac omnia tertia dies est hodie: sed &*  
*mulieres quadam ex nostris terrue-*  
*runt nos, dicentes se visionem Angelo-*  
*rum vidisse, qui dicunt eū vivere.* 109
31. *Et ipse evanuit ab oculis eorum.* 7
34. *Surrexit Dominus verē, & apparuit*  
*Simoni.* 218
35. *Et cognoverunt eum in fractione panis.* 6
49. *Donec induamini virtute ex alto.* 177
- Ex D. Joanne.
1. 8. *Non erat ille lux.* 293
9. *Erat lux vera, quae illuminat omnem*  
*hominem. ibid.*
12. *Dedit eis potestatem filios Dei fieri.* 118
41. *Quod est interpretatum Christus.* 207
45. *Quem scripsit Moyses in lege, & Prophe-*  
*ta invenimus Jesum. ibid.*
3. 1. 2. *Scimus, quia a Deo venisti magister:*  
*nemo enim potest haec signa facere qua*  
*tu facis.* 216
4. *Quomodo potest homo nasci cum sit se-*  
*nex: nunquid potest in ventrem matris*  
*sua iterato introire, & renasci?* 394
2. *Omnis qui male agit, odit lucem, ut non*  
*arguantur opera ejus.* 84
4. 26. *Ego sum qui loquor tecum.* 207
28. *Reliquit ergo hydriā suā mulier, & abiit*  
*in civitatē, & dixit illis hominibus ibid*  
 H h h 29. *Veni;*

# INDEX LOCORUM

Cap. Verf.	Pag.	Cap. Verf.	Pag.
29. <i>Venite, &amp; videte hominem, qui dixit mihi omnia quaecunque feci: nunquid ipse est Christus? ibid.</i>		<i>cum dilexisset suos, qui erant in mundo, in finem dilexit eos.</i>	274
5. 14. <i>Jam noli peccare.</i>	143	1. <i>Sciens quia venit hora ejus, ut transeat ex hoc mundo ad Patrem.</i>	5
17. <i>Pater meus usque modò operatur, &amp; ego operor.</i>	312	2. <i>Cum diabolus jam misisset in cor ut traderet eum Judas.</i>	290
6. <i>Fugit iterum in montem ipse solus.</i>	136	4. <i>Præcinxit se.</i>	5
54. <i>Nisi manducaveritis carnem filii hominis, &amp; biberitis ejus sanguinem, non habebitis vitam in vobis.</i>	410	4. <i>Surgit à cœna, &amp; ponit vestimenta sua.</i>	290
56. <i>Caro mea verè est cibus. 1. 382-385. 389</i>		5. <i>Misit aquam in pelvum, &amp; cepit lavare pedes Discipulorum.</i>	289
56. <i>Et sanguis meus verè est potus. 1. 382-385. 389</i>		6. <i>Venit ergo ad Simonem Petrum.</i>	290
57. <i>Qui manducat meam carnem, &amp; bibit meum sanguinem, in me manet &amp; ego in illo. 1. 389. &amp; 396</i>		15. <i>Vos vocavi me Magister &amp; Domine. 13</i>	
58. <i>Sicut misi me vivens Pater, &amp; ego vivo propter Patrem, &amp; qui manducat me, &amp; ipse vivet propter me. 390 &amp; 396</i>		26. <i>Et cum intinxisset panem, dedit Judas.</i>	290
59. <i>Hic est panis qui de cœlo descendit. 2</i>	403	28. <i>Quod facis, fac citius.</i>	183
59. <i>Patres vestri manducaverunt manna, &amp; mortui sunt. 396. 410</i>		14. 12. <i>Opera quæ ego facio, &amp; ipse faciet, &amp; majora horum faciet: quia ego ad Patrem vado. 286 402</i>	
71. <i>Ex vobis unus diabolus est.</i>	148	20. <i>In illo die vos cognoscetis quia ego sum in Patre meo, &amp; vos in me, &amp; ego in vobis.</i>	299
10. 1. <i>Qui non intrat per ostium, fur est &amp; latro.</i>	256	24. <i>Sermonem quem audistis, non est meus, sed ejus qui misit me Patris.</i>	322
16. <i>Et alias oves habeo, quæ non sunt ex hoc ovili, &amp; illas oportet me adducere, &amp; vocem meam audient, &amp; fiet unus ovile &amp; unus pastor.</i>	306	26. <i>Ille vos docebit omnia quaecunque dixerò vobis.</i>	302
11. 3. <i>Quem amas.</i>	56	28. <i>Si diligeretis me, gauderetis utique quia vado ad Patrem, quia Pater major me est.</i>	295
25. <i>Ego sum resurrectio &amp; vita.</i>	118	16. 7. <i>Expedi vobis, ut ego vadam: si enim non abiero, Paraclitus non veniet ad vos: si autem abiero, mittam eum ad vos.</i>	285
12. 24. <i>Nisi granum frumenti cadens in terram, &amp;c.</i>	21	32. <i>Venit hora, ut me solum relinquantis, &amp; non sum solus.</i>	157
26. <i>Ubi ego sum, illic &amp; minister meus erit.</i>	319	17. 20. 21. <i>Non pro eis rogo tantum, sed &amp; pro eis qui credituri sunt per verbum eorum in me, ut omnes unum sint, sicut in Patre in me &amp; ego in te, ut &amp; ipsi unum</i>	22. 23.
13. 1. <i>Sciens JESUS quia venit hora ejus, ut transeat ex hoc mundo ad Patrem:</i>			

# SACRÆ SCRIPTURÆ.

Cap. Vers.	Pag.	Cap. Vers.	Pag.
	<i>in nobis sint.</i>		<i>vobis in cælum sic veniet.</i>
22. 23.	<i>Et ego claritatem, quam dedisti mihi, dedi eis, ut sint unum, sicut &amp; nos unum sumus. Ego in eis, &amp; tu in me, ut sint consummati in unum. ibid.</i>	14.	<i>Hi omnes erant perseverantes unanimiter in oratione cum mulieribus.</i>
18. 8.	<i>Si ergo me queritis finite hos abire.</i>	2. 2.	<i>Factus est repente de cælo sonus tanquam advenientis spiritus.</i>
11.	<i>Calicem quem dedit mihi Pater, non vis ut bibam illum?</i>	3.	<i>Apparuerunt dispersa lingua.</i>
19 12	<i>Si hunc dimittis, non es amicus Cesaris: omnis enim qui se Regem facit, contradicit Cesari.</i>	3.	<i>Apparuerunt dispersa lingua tanquã ignis, sedetque supra singulos eorum.</i>
22.	<i>Quod scripsi, scripsi, ibid.</i>	318	
24.	<i>Et milites quidem hæc fecerunt.</i>	6. 9.	<i>Surrexerunt quidam de synagoga Libertinorum, &amp; Cyrenensium, &amp; Alexandrinorum disputantes cum Stephano, &amp; non poterant resistere sapientia &amp; spiritui qui loquebatur.</i>
27.	<i>Ecce Mater tua: &amp; ex illa hora accepit eam Discipulus in suam.</i>	7. 57.	<i>Deposuerunt vestimenta sua secus pedes adolescentis.</i>
24.	<i>Exiit sanguis &amp; aqua.</i>	172	
34.	<i>Vnus militum lanceã latius ejus aperuit.</i>	8. 39.	<i>Cum autem ascendisset de aqua, spiritus Domini rapuit Philippum, &amp; amplius non vidit eum Eunuchus.</i>
20. 13.	<i>Tulerunt Dominum meum, &amp; nescio ubi posuerunt eum.</i>	310	
15.	<i>Si tu sustulisti eum dicito mihi, &amp; ego eum tollam. ibid.</i>	9. 1.	<i>Saulus autem spirans minarum, &amp; cedis in Discipulos Domini.</i>
17.	<i>Noli me tangere; nondum enim ascendi ad Patrem; vade autem ad fratres meos &amp; dic eis: ascendo ad Patrem meum, &amp; patrem vestrum.</i>	284	
21. 15.	<i>Simon Joannis diligis me plus his? Etiam Domine tu scis quia amo te: Contristatus est Petrus, quia dixit ei tertio, amas me.</i>	4. Saule, Saule quid me persequeris.	284
17.	<i>Pasce oves meas.</i>	10. 13.	<i>Surge Petre, occide, &amp; manduca.</i>
7.	<i>Dominus est.</i>	324	
7.	<i>Quem diligebat.</i>	13. 9.	<i>Nesciebat quia verum est, quod fiebat per Angelum: existimabat autem se visum videre.</i>
15.	<i>Diligis me, diligis me, diligis me?</i>	408	
375		10. Discessit Angelus ab eo. ibid.	
		11. Nunc scio verè quia misit Dominus Angelum suum, & eripuit me. ibid.	
		13. 22. Inveni David virum secundum cor meum, qui faciet omnes voluntates meas	
		144	
		17. 25. Ignoto Deo. Quod ergo ignorantes colitis, hoc ego annuntio vobis.	215
		20. 33. Argentum, & aurum, aut vestem nullius concupivi, sicut ipsi scitis.	189
		26. 24. Multa te littera ad infaniam converterunt.	95

Ex Lib. Actorum.

I. 11 Viri Galilai quid statis afficientes in cælum? hic Jesus, qui assumptus est à

Ex Lib. Actorum.

Hhh 2

Ex

# INDEX LOCORUM

Cap. Vers.	Pag.	Cap. Vers.	Pag.
Ex Epistola D. Pauli ad Romanos.		9. <i>Ut inhabitet in me virtus Christi.</i>	
1. 32. <i>Digni sunt morte, &amp; non solum qui ea faciunt, sed etiam qui consentiunt facientibus.</i>	260	Ad Galatas.	
8. 17. <i>Si tamen compatimur.</i>	233	2. 20. <i>Vivo verò jam non ego, vivit verò in me Christus.</i>	388
24. <i>Spes qua videtur, non est spes: nam quod videt quis, quid sperat?</i>	9	4. 5. <i>Ut adoptionem filiorum recuperemus, misit Deus spiritum filii sui in corda vestra.</i>	22
25. <i>Quos praeceperit &amp; praeceperit, conformes fieri imaginis filii sui ut sit ipse primogenitus in multis fratribus.</i>	38	Ad Ephesios.	
32. <i>Proprio filio suo non pepercit, sed pro nobis tradidit illum.</i>	100	1. 20. <i>Et ipsum dedit caput supra omnem Ecclesiam, quae est corpus ipsius.</i>	38
9. 20. <i>O homo, tu quis es, qui respondeas Deo? nunquid dicit figmentum ei qui se finxit: quid me fecisti sic?</i>	363	4. 10. <i>Qui descendit, ipse est &amp; qui ascendit.</i>	399
10. 14. <i>Quomodo credent ei, quem non audierunt? quomodo autem audiens sine predicante?</i>	42	26. <i>Sol non occidat super iracundiam vestram.</i>	379
11. 29. <i>Sine penitentia enim sunt dona Dei.</i>	368	5. 31. <i>Sacramentum hoc magnum est. Ego autem dico in Christo, &amp; in Ecclesia.</i>	387
Ad Corinthios I.		6. 12. <i>Non est nobis colluctatio adversus carnem &amp; sanguinem, sed adversus principes tenebrarum, contra spiritualia nequitia.</i>	148
1. 23. <i>Gentibus autem stultitiam.</i>	211	Ad Philippenses.	
10. 4. <i>Bibebant de conseguente eos petra, petra autem erat Christus.</i>	289	2. 5. <i>Hoc enim sentite in vobis, quod &amp; in Christo Jesu.</i>	235
13. 52. <i>Canet enim tuba.</i>	115	7. <i>In similitudinem hominum factus, &amp; habitu inventus ut homo.</i>	79
Ad Corinthios 2.		Ad Colossenses.	
6. 2. <i>Ecce nunc tempus acceptabile, ecce nunc dies salutis.</i>	232	1. 13. <i>Fili dilectionis suae.</i>	17
4. <i>Exhibeamus nosmetipsos sicut Dei ministros.</i>	105	2. 9. <i>Quia in ipso inhabitat omnis plenitudo divinitatis corporaliter.</i>	13
6. <i>Inscientia, in longanimitate, in verbo veritatis. ibid.</i>		Ad Thessalonicenses.	
7. 8. <i>Per arma iustitiae à dextris, &amp; à sinistris, per gloriam &amp; ignobilitatem, per infamiam, &amp; bonam famam ibid.</i>		5. <i>Sicut fur in nocte.</i>	257
7. <i>Datus est mihi stimulus carnis meae Angelus Satanae, qui me colaphizet.</i>	178	Ad Timotheum.	
		1. 13. <i>Quia ignorans feci.</i>	391
		15. <i>Christi.</i>	

# SACRÆ SCRIPTURÆ.

Cap. Verſ.	Pag.	Cap. Verſ.	Pag.
15. <i>Chriſtus Jeſus venit in hunc mundum peccatores ſalvos facere, quorum ego præſum ſum.</i>	391	II. 38. <i>Quibus dignus non erat mundus, in ſolitudinibus errantes.</i>	160
2. 11. <i>Mulier in ſilentio diſcat.</i>	206	<b>Ex Epiſtola D. Jacobi.</b>	
12. <i>Docere autem mulieri non permiſſo.</i>	205	1. 18. <i>Voluntariè gemit nos verbo veritatis.</i>	25
14. <i>Adam non eſt ſeducſus, Mulier autem ſeducſa in pravaricatione. fuit. ibid</i>		<b>Ex Epiſt. D. Petri. I.</b>	
<b>Ad Titum.</b>		2. 21. <i>Ut ſequamini veſtigia ejus.</i>	
2. 13. <i>Exſpectantes beatam ſpem, &amp; advenſum gloriæ magni Dei.</i>	17	<b>Ex Apocalypſi.</b>	
<b>Ad Hebræos.</b>		II. 1. <i>Signum magnam apparuit in celo, Mulier amicta ſole.</i>	156
2. 9. <i>Ut pro omnibus guſtaret mortem.</i>	181	1. <i>Et luna ſub pedibus ejus.</i>	395
17. <i>Debit per omnia fratribus ſimulari.</i>	80	2. <i>Clamabat parturiens, &amp; cruciabatur ut pareret.</i>	394
6. 4. <i>Impoſſibile eſt eos, qui ſemel illuminati ſi ſunt &amp; prolapſi ſunt, renovari ad pœnitentiam</i>	133. & 134	5. <i>Peperit filium mâſculum, &amp; raptus eſt ad Deum &amp; ad Thronum.</i>	393-394
18. <i>Ad ſcienſendam propoſitam ſpem, quam ſicut anchoram habemus animæ intans ac firmam.</i>	11	14. <i>Et data ſunt Mulieri alæ duæ aquilæ magnæ, ut volaret in deſertum.</i>	156
9. 27. <i>Statutum eſt hominibus ſemel mori.</i>	116.	21. 3. <i>Eccæ nova facio omnia.</i>	75



# INDEX RERVM NOTABILIVM.

*Numerus designat Paginam.*

## A.

**A***bel.* Abelis sanguis quod postulet vindictam imperfectum quid continere videtur. 288

**Abraham.** Sacrificium Abraham maximum fuit opus, quod homines præstiterunt Deo. 100. Sacrificium illud Dei majus fuit illo Abraham. *Ibidem.*

**Absentia.** Absentia remedium est amoris. 282 Absentia morte definienda est. *Ibid.*

**Adam.** Adam & Eva mediante desponsatione unum sunt facti. 386. Adamo Deus vitam donavit, & ex paradiso expulit: & quare? 342

**Agamemnon.** Regis Agamemnonis Gentilis Theologica sententia: Qui non verat peccare cum possit, jubet. 254.

**Amor.** Amoris leges non sunt juris stricti. 40 Quomodo videatur amor, cum sit invisibilis. 35. Amor Patris facilius condonat. 99 Amori filiorum non est fidendum. 62. Remedia amoris sunt quatuor. 276. 282. & 287. Amasse multum, est amare minus. 276 Vitiosus Davidis amor tempore est correctus. 277. Amorem perfectum non imminuunt anni. *ibidem.* Amor est quasi æternus. 278. Absentia est remedium amoris, sed non amoris Christi. 282. Amoris remedium est ingratitudo. 287. Amorem Christi non imminuit hominum ingratitudo, sed potius auxit. 289. Et quare. 290 Amor unus altero extinguitur. 293. Amor Christi fecit, ut Pater ejus æternus, cum solus ab hominibus esset amandus, eisdem

ipse amaret. 298. Quisnam perfectissimus sit amor. 386. Meliorare objectum efficax est amoris remedium. 293. Sed non in Christo. 294. Excellentius est amare in cælo, quam in terra. 398. Majoritas conditionis magis extollit amorem Christi. 401 Major amoris non est inimicus, quam felicitas. 399. Amor non locorum, sed voluntatum est unio. 283

**Anchora.** Quare spes sit anchora. 11

**Angelus.** Quomodo Angeli obediant Deo. 42 In ipsis etiam Angelis Deus imperfectiones invenit. 98. Quomodo Angeli in die Ascensionis Christi obstupescerunt & reprehenderunt Apostolos in cælum aspicientes. 326

**Anima.** Quid animæ accidat cum spe. 2 Spes fidelissima socia est animæ. *ibid.* In quot animæ potentiis spes fundetur. 11. Plus est conceptum esse in anima, quam in corpore. 27. In quibus vitiis magis perdantur animæ. 169. Anima perdita quomodo querenda. 179. Anima Christi in absentia hominum erat tristis simul & læta. 296 Anima Christi in duas tunc videbatur partes divisa. *ibidem.*

**Anselmus.** Anselmi sententia de amore Christi. 287

**Antonius.** S. Antonius perditarum est recuperator animarum. 167. & duobus potissimum vitiis, concupiscentiâ scilicet carnis & cupiditate pereuntium. 169. Monachus quidam virtute tunicæ S. Antonii, quam induit, ab



## INDEX RERUM NOTABILIUM.

ab impugnatione carnis liber evasit & mansit. 171. Eiusdem Tunicæ virtus probatur & similibus. *ibid.* & *seqq.* Fama miraculorum S. Antonij ad ipsas latronum speluncas pervenit. 180. Viginti duo latrones unicâ ipsius concione convertuntur. 183. Concionum ipsius efficacia similibus exaggeratur. *ibid.* & *seqq.* Plura in laudem ipsius cum morantur in totius Sermonis ejusdem invenies decursu, &c.

*Apostoli.* Quænam Apostolis obtigerint terræ ad docendum & prædicandum. 308. Quare S. Thomæ obtigit Brasilia. 308. Quæ ratione illis dictum est: Ite prædicatum omni creaturæ. 305. Deus Apostolis dedit linguas igneas, eorumque successoribus ignem linguarum. Quomodo etiam Laici possunt esse Apostoli Christi. Et quomodo etiam mulieres possunt esse Apostolæ. In obeuntibus officium Apostolorum admiratione dignum est, non derelinquere bonum pro meliore. Etiam milites possunt excipere officium Apostolorum. 318. Quare Christus Apostolos suos vocavit fratres? 412

*Aquila.* Quomodo aquila suos exploret pullos ad radius solis. 98

*Aristoteles.* Aristoteles erravit dicendo, solitudinis amantem oportere esse vel Deum, vel bestiam. 138

*Aves.* Quænam aves seu alilia mortua considerantur in mortuo Christo. 344

*Augustinus.* S. Augustinus binos Retractationum & Confessionum suarum libros in capite operum suorum præmittit; & quàm hoc ipsi gloriosum. 79. Non solum scientiis, sed etiam ignorantis; non solum virtutibus, verùm etiam vitijs mundum illuminat. 81. Ex ignorantis fecit doctrinam, & ex peccatis exemplum. *ibidem.* Ex ignorantis & peccatis tanquam ex tenebris fecit lucem: & quàm gloriosè. *ibidem.* & *seqq.*

Condonata sibi jam peccata propalando egregium præbet exemplum. 87. Peccata sua hominum exposuit iudicio, quàm heroicè. 90. Plura in laudem ipsius cum moralitate invenies in toto Sermonis ejusdem decursu.

*Authores.* Authores errantes sunt, qui suos non agnoscunt errores. 111

### B.

*Barbarus.* Quomodo Prædicatores se gerere debeant cum Barbaris. 312. Ad docendum Barbaros amor magis necessarius est quàm scientia. 304. Ad instructionem eorum magnus requiritur amor. 306

*Beatitudo.* Quid sapientibus faciendum ut beati fiant. 339. Quomodo fecit Deus, ut homines se plenè beatos viderent. 338. Unde beatitudinis magnificentia mensuranda. 341. Quænam differentia inter illam Beatitudinem cœli, & Sacramenti. 347. Fides ita nos illius, quod non videmus securos facit, sicut visio certos facit Beatos veritatis illius quod vident. 349. Beatitudines valde sunt zelotypæ. 398

*Bonum.* Majus bonum datur pro levamine desiderij in Sacramento, ipsâ re desideratâ. 12. Quales condiciones habere oporteat bonum desideratum. 2

*Brasiliæ.* Brasiliæ uti fidem faciliè recipiunt, ita & eam leviter dimittunt. 308. Brasiliæ periclitanti ne in manus Hæreticorum deveniat. Author accommodat Psalmum quadragesimum tertium. 359. & *seqq.*

### C.

*Catharina.* S. Catharina est Cherubim amictu muliebri, seu species mulieris intellectus Cherubico. 196. Catharinæ in disputando facundia & efficacia. *ibid.* Quàm gloriosa ipsius ex disputatione victoria deducitur

## INDEX RERUM NOTABILIUM.

- ducitur & probatur similibus & exemplis.* 199. *& seqq.* Plura in ipso eodem Sermone in laudem ipsius cum moralitate.
- Cælum.* Solis Sanctis aperitur cælum, 158 Quocum & quomodo Christus est in cælo, 402. Quot loca in cælo habeat natura humana, 395. Gloria, quâ fruimur in cælo, non nostris, sed Christi meritis meretur, 342 quomodo sciemus nos intraturos in cælum, & quomodo ibi recipiendi simus, 358
- Cherubim.* Quate Cherubim in figura pinguntur humana, & cum aliis, 58
- Christus.* Quznam potiora mundi cessarunt, quando moriente Christo scissum est velum templi, 10. Christus non solum quâ Deus, sed etiam quâ homo, est filius naturalis Dei, 26. Multas nobis præsencias Christus fidei reliquit, pro una, quam nobis subtraxit Sacramentum ex se conficiendo, 10 Quotiescunque locuti sunt Christo de nativitate ex Matre, ipse semper nativitatem ex Patre regessit, 19. Et quare, *ibid.* Christus aliquam habet proprietatem adoptivi, 26. Quomodo intelligendum dictum Christi; quod non venit solvere legem, 44. Quare Christus sol justitiæ venit in mundum annorum medio, 47. Christus semper attendit, quid de se dicerent, 54. Ad illuminandum Christus nunquam quievit, 59 Christus cibatis corporibus, mox semper de anima tractavit, 137. Christus Noë comparatus, 227. Christus librum habet specialem; cui respondendum, in Quadragesima, 228. Christus in omnibus suis quinque sensibus est passus, sicut Adam & Eva in omnibus itidem peccaverunt, 233. *& seqq.* Duabus similitudinibus repræsentavit Christus, quod pro nobis passus sit, 239 Christi amorem tempus non imminuit, 279 Ipse amor Christi imminuit tempus, *ibid.* Et magis adhuc, imminuit tempore suæ passionis, *ibid.* Christi absentia non produxit in ipso suos effectus, sed contrarios, 284 Christo absente non minùs, sed magis mirabilia Discipuli ipsius sunt operati, 386. Ex objecti melioratione Christus non mutat amorem, 294. Affectus contrarii apparuerunt in anima Christi, quando se absentavit ab hominibus, 296.
- Communio.* Plus Deus confert homini communicanti, quàm se in cælo videnti, 12. Quomodo communicans comprehendit Deum, 13. Qualiter Deus in Communionis spei nostræ satisfacere potest, *ibid.* Eadem gratias, quas Deus S. Thelæ contulit extra Sacramentum, dignè communicantibus tribuit, 389. *& seqq.*
- Confessio.* Proprium culpæ confessio maxima est gloria Dei, 107. Plus est confiteri ignorantias quàm peccata, 109. In confessionibus punit Deus, quod peccatur in communionibus, 358.
- Consilium.* Consilii mali damna, 131. 133. *& seqq.*
- Contentio.* Quales contentiones fuerint in literis inter subjecta eminentia, 204.
- Conversio.* Nullus nisi à Deo vocatus converti potest, 356. Majoris virtutis est non solum vincere, sed etiam convertere, 203.
- Convivium.* Quomodo omnes ad convivium gloriæ invitati sumus, 333. Prima convivij illius circumstantia est, quis illud instituerit, 335. Quare in Evangelio convivium illud non Rex Deus, sed Rex homo instituisse dicitur, *ibidem.* Convivium illud Gloriæ constat ex eo, quod Deus potest facere, & ultra quod potest facere, 337. Secunda illius circumstantia est, ad quid institutum sit, 339. Unde illud cognosci possit, *ibidem.* Tertia circumstantia illius est, impenzæ factæ, 342. Convivium Gloriæ & Sacramenti sunt sibi similia, 348. Quomodo convi-

## INDEX RERUM NOTABILIUM.

convivium gloriæ possit esse convivium Sacramenti. 347. In quo ista duo differant. 349.

*Cor.* Cor Christi ex ingratitudinibus distillabat beneficia & favores: & quare? 291

*Cupiditas.* Deus duobus præceptis prohibet cupiditatem: & quare? 170. Difficile est cupiditatem emendare. 181. Remedium contra cupiditatem. 188. Difficilius convertitur cupidus, quàm impudicus. 191

*Cyrillus.* Cyrilli commentario in Job. 378.

### D.

*Desertum.* Etiam in deserto invenitur ratro statûs. 145. In desertis solum conservatur sanctitas, *ibid.* Unicum medium evadendi homines, sunt deserta. 147 Omnia encomia & prærogativæ celebriorum montium includuntur nomine deserti. 150. Prima Eremitarum prærogativa est à populorum captivitate se liberare. *ibid.* Plus in desertis discitur, quàm in libris. 154 Securissima ad cælum via est desertum. 155 Desertum promeruit nomen cæli. 156.

*Deus.* Quoties, & quibus modis Deus descendit de cælo. 15. Sunt quasi Deus, qui substantiam alienam convertunt in propriam. 16. Alia est gloria Dei magni, & alia Dei parvi. 17. Deus aliam fecit beatitudinem pro spe. 4. Quomodo Deus invisibilis in Sacramento, spei satisfacere possit. 10. Deus unum tantum filium naturalem, multos verò generare potest adoptivos. 25. Deus ad eligendam Matrem V. Mariam tres præmisit electiones. 31. Deus ab æterno filios suos adoptivos decrevit. 37. Quare solem creavit Deus quarto die. 47. Quomodo Deus nos generat voluntariè. 25. Deus hic unigenitum suum generavit &

tantum consistit in nostram assumendo naturam, quantum in nostram assumendo similitudinem. 79. Tantum Deus laudari potest tenebris, quantum luce. 81. Quomodo in pugnis se gerere debeant Ministri Dei. 105. Deus dividendo vincit. 200. Deus solis memoriis est contentus. 241. Deus non eligit aliquem ex eo quod futurus est, sed quod in præsentis est. 255. Quomodo Deus plus facit quàm potest. 337 Deus æqualiter omnes invitat tam ad mensam gloriæ, quàm illam Sacramenti. 351. Quo pacto de Deo sine ipsius offensa conqueri possimus. 363. Deus non admittit minus bonos nisi meliorum defectu. 371. Quomodo in Deum cadere potest pœnitentia. 373. Quare Deus homine creato, non æquè fuit lætatur ipsius bonitate, sicut aliarum creaturarum. 375. Deus potentior se ostendit condonando, quàm castigando peccata. 379.

*Diabolus.* Deceptio communis, quâ diabolus nos post se trahit. 356

*Dies.* Quinam vocantur dies formati, & in quibus nemo invenitur. 228. Quantâ incuriâ transeant dies pœnitentiæ & emendationis. 229. Quibus potissimum diebus non permittendus sit lusus. 238. In die iudicii Deus compensat inæqualitatem natalium. 117. In eadem die vindicata videbitur fortuna. 118. Quodnam maximum mirabile in die iudicii. 121.

*Diogenes.* Diogenis exclamatio videntis furem duci ad supplicium, 253

*Divisio.* Lucere volentibus, necessaria est divisio. 65.

*Docere.* Quare tam parum proficitur in doctrina Christi. 303. Ad docendos

*Doctrina.* homines brevis magnus necessarius est amor Christi. 306. Nihil arrius expri-

## INDEX RERUM NOTABILIUM.

manducare. 324. Quàm rigidam Deus rationem exigit ab eis qui subditos suos non instruunt aut instrui faciunt necessariis ad salutem. 328. Quid doctrina Christi in Barbaris & rudibus operetur. 324

*Dos.* Etiam in mundo datur dos subtilitatis. 120.

### E.

*Episcopus.* Quid Sacerdoti acciderit qui noluit esse Episcopus. 123

*Error.* Alienorum errorum facilius est notitia, quàm propriorum. 102. In errore secreto opinio propria faciliè cedit veritati. 104. Errorum propriorum confessio maxima est gloria Dei. 107.

### F.

*Familiaris.* Familiares diversimodè petunt ab eis, qui non sunt familiares. 53. Non convenit, Regem duos habere familiares. 63. Duo familiares semper ruina fuerunt Regum. *Ibidem*

*Favores.* Favores quos Christus dignè se in Sacramento recipientibus exhibet, sunt iidem quos in vita S. Theresiæ contulit. 389. & seqq.

*Fera.* Conversio ferarum in homines ita fit per naturam sicut per gratiam Dei. 324. Quare omnes feræ timeant hominem. 148.

*Festum.* Non celebratur festum sine aliquo incongruo. 347

*Filius.* Major est excellentia esse filium adoptivum quàm naturalem. 23. Filii adoptivi sunt parrus iudicii. 24. Etiam voluntatis. 25. Intres Hierarchias dividuntur filii adoptivi B. V. Mariæ. 31. Aliud est esse filium, aliud esse suum. 32. Nullus accipit Virginem Mariam in Matrem, quem illa non suscipiat in filium. 29. Quales

sint Virginis Mariæ filii. *ibidem*. Non findendum est filiorum amor. 62. Majus sacrificium fecit Deus non parcendo filio, quàm Abraham fecit parcendo filio suo. 100.

*Fratres.* Inter Fratres naturales valde est discordia. 66. Frater fratris præferentiam in familiaritate & confidentia tolerare nequit. 68.

*Fugere.* Salomon sapientissimus fuit, quia scivit fugere ignorantias. 101. Errant dicentes, stultitiam esse fugere ab aulis. 158. Fugendi sunt homines ut fugiantur vitia. *Ibidem*.

*Furari.* Quid non adinvenit ars furandi. *Furtum.* 187. Quàm sapiant furta. 186. In regnis magnis omnia furta sunt magna. 251. Furans in officio, in eo non est tolerandus. 260. Pœna furti non tantum exequenda est in personis vilibus. 263. Dissimulari potest pœna mortis, sed non furti in personis etiam magnis. 264. Fur qui non habet unde restituat, non habet impedimentum salutis. 247. vide infra Latro.

### G.

*Gigantes.* Gigantes etiam sub aquis gemunt. 71. Nec Gigas quidam provocare audebat duos. 198

*Gloria.* Ministri Dei Gloriam ejus querere debent sine respectu & reflexione ad propriam. 106

*Gratia.* Nihil tam difficile, quod gratiâ Dei & industriâ non vincatur in tradendo Christi doctrinam. 322. Quomodo gratia convertere possit feras in homines. 323

*Gubernaculum.* Gubernacula faciunt perdere iudicium. 62. Quanti ponderis sit gubernaculum. 74. Quam idoneis subiectis ea oporteat committi. 266. Quam difficile salventur Gubernatores. 133

*Hiero-*

## INDEX RERUM NOTABILIUM.

### H.

**Hieronymus.** S. Hieronymus dentes sibi deteri permisit ad linguam Hebraicam addiscendam & exprimendam. 316

**Homo.** Homines peiores sunt feris. Homines peiores sunt diaboli, quàm ipse diabolus. 147  
 Qomodo se homines invicem comedant. 16.  
 Homines sunt inimici ætatis in qua nati sunt. 39. Homines magni verbis non fiunt. 54. Quàm naturale sit hominibus abscondere peccata sua. 85. Nemo est tam malus, ut talis videri velit. 86. Qualem hominibus sua incutient peccata horrorem, in die judicii. 89. Quòto homo sapientior, tantò minùs suos retractat errores. 93  
 Homines magis detrectant retractare scripta, quàm dicta. 96. Magis sibi injuriosum putant vocari ignorantes quàm malos. 110. Hominem sua retractare scripta non est indicium rui: ita is. 111. Hominum conversatio est species contagi. 138. Salutis suæ cupidum oportet fugere homines. 142  
 Deus ipse difficultatem invenit in concordandis hominum voluntatibus cum sua. 144  
 Consortium hominum est perditio spiritûs. 146. Quantam homines suorum jacturam faciant, nesciendo secum & cum solo Deo agere. 158. Quale patrimonium homines ab Adamo hæditarunt. 170. Homo unus contra plures, quàm unum nihil efficit. 199  
 Maximum motivum Christi ingratitudines hominum convertendi in favores, fuit alia ingratitudo major. 292. Natura sola & non ars de animalibus brutis facere potest

### I.

**Infernus.** Tolerabiliores sunt pœnæ inferni quàm publicatorum peccatorum confessio. 89. Quanta infelicitas per viam cœli tendere ad infernum. 124. Peccata finaliter ad infernum ducentia sunt peccata omissionis. 128

**Ignorantia.** Plus est confiteri ignorantias quàm peccata. 109. Sapiens facilius agnoscit suam ignorantiam quàm confitetur. 216

**Ingratitudo.** Ingratitudo remedium est amoris, sed non in Christo. 287. & 288. Quznam maxima ingratitudo hominum erga Christum. 292

**Inimicus.** Quinam majores aularum sint inimici. 144

**Intellectus.** Licet intellectus non sint tam liberi, sicut voluntates, non tamen idcirco minùs discrepant in judicando. 61. Quantum decipiantur homines intellectûs sui tactibus. 97. Agnoscere veritatem licet alterius intellectus filiam, est verè scire. 113. Intellectus & voluntas sunt pedes & manus animæ. 357. Ad discendum requiritur audire exterius, & intelligere interius. 303

**Invidia.** Contra invidiam non datur asylum. 70. Quæto erit numerus nos admirantium, tantus erit & invidentium. 14. Quomodo in Sacramento dari potest invidia. 398

**Ira.** Ira Dei suos compellit venire vocatos. 355.

### L.

**Lac.** Lac quale sit alimentum. 49  
**Latro.** Latrones difficulter convertuntur.

## INDEX RERUM NOTABILIUM.

scient Reges, utrum illi quos ad officia promovent fures sint futuri nec ne. 256. Quomodo fures furantur per omnes modos verbi Rapio. 258. Quomodo Principes socii fiant latronum. 267. Quomodo Reges secum ducere possunt latrones ad paradisum. 272.

**Latru.** Qui est à latere Principum non habet sedem ad quiescendum. 58. A lateribus Regum non expedit Ministros esse fulmineos. 62.

**Lex.** Quomodo intelligendum sit dictum Christi; non veni solvere legem? 55. Quare Deus legem dedit in deserto? 153. Lex Christi quare publicata fuit in deserto & monte. *ibidem*.

**Lingua.** Magnus ad hoc amor Dei requiritur, ut quis adducat linguas diversas ad docendos infideles salutis necessaria. 313. Quare hodie dum Deus non infundit linguarum scientiam? 317.

**Locus.** Ambientes loca prima hoc ipso illis indigni fiunt. 53. Loca magna non sunt ad quiescendum & standum. 58. Loca naturas mutant. 61. Judicium evertunt, *ibid*. Loca inæqualia quamvis sint magna, intolerabilem causant dolorem. 67. Loca multo plus opinione nostrâ capiunt. 119. In Valle Josaphat sufficiens erit locus pro bonis & malis. 120. Nihil minus occupat loci, quàm qui lapsus est 122. Quot loca in cœlo habeat natura humana. 395

**Ludus.** Quibus diebus maximè inhibendus ludus. 238.

**Lux.** Nihil luci magis contrarium, quàm lux major. 294.

## M.

**Magdalena.** Magdalena ad pedes Christi sua unguenta profudit. 336. Fuit à Christo adhuc agente in terra amata. 398.

**Maria.** In Sanctissimæ Virginis Mariæ utero comprehensus fuit incomprehensibilis in cœlo. 13. Habet filium primogenitum, & filios secundo genitos. 22. Est idea Dei. *ibidem*. Concepit Christum in utero & corde. 28. Ad eligendam Beatissimam Virginem Mariam in Matrem Deus tres præmisit electiones. 31. Nemo accipit Mariam in Matrem, quem illa non recipiat in filium. 29. Filij adoptivi Mariæ in tres dividuntur ordines. 31. Quinam sint Filij Mariæ? 28. Bis, & duobus modis dedit Virgo Maria Christo suum sanguinem. 49

**Memoria.** Deus solis nostris memorijs est contentus. 241. Memoria successionis mortalitatem agnoscit. 383

**Michol.** Michol à marito suo discedens non flet, quia objectum meliorat amoris. 294

**Minister.** Magnos Ministros facere debet, qui eos facit; & hi ad illud qualificare se debent. 54. Pro Ministrorum respectu multum facit qualitas personarum. 56. Ministrorum errores ex oblivione alterius statûs nascuntur. *ibidem*. Quomodo in pugnis gerere se debeant Ministri Dei? 105. Debent promovere Gloriam Dei sine respectu propriæ. 107. Non tantum Episcopi & Clerici, sed etiam laici sunt Ministri Dei. 119.

**Miraculum.** Deus non facit miracula sine necessitate. 318. Miracula S. Antonij contra concupiscentiam carnis. 224. *Esq.*

## INDEX RERUM NOTABILIUM.

*Ejusdem* contra cupiditatis vitium. 226.  
*& seqq.* Quodnam maximum mirabile,  
 & obtupescendum in die iudicii? 121.  
*Montes.* Montes in scriptura sacra celebres  
 153. *& seqq.*  
*Mors.* Mors per absentiam definitur, & vice  
 versa. 28  
*Mulier.* Quare mulieres incapaces sint ad do-  
 cendum. 205. Rarò mulier à viro victo-  
 riam reportat. 206. Quamvis magnæ sit  
 scientiæ, dubiæ tamen habetur fidei. 208  
 Magnum est dedecus virum à muliere vinci.  
 211. Mulieres etiam exercere possunt  
 officium Apostolicum, 320.  
*Mundus.* In mundo datur dos subtilitatis. 120.  
 Quid fortissimum sit in mundo? 405

### N.

*Nativitas.* Resurrectio est nativitas se-  
 cunda. 116. Non est in nostra situm  
 manu benè nasci, sed resurgere. 117. De-  
 us in secunda nativitate nobis compen-  
 sat, quod in prima negavit. 118  
*Natura.* Natura de brutis facere potest homi-  
 nes, & quomodo? 324  
*Navis.* Navis repræsentat rempublicam.  
 60.  
*Novitates.* Novitates etiam si utiles difficulter  
 introducuntur. 75.

### O.

*Obiectum.* Obiecti melioratio immutat a-

*Omissio.* Peccata omissionis ultimato ducunt  
 ad infernum. 128. Quantum omissione  
 una perditur. *Ibidem.* Omissionis pecca-  
 tum facillimè committitur. 129

*Opinio.* Opiniones scriptas obstinati diffi-  
 cus retractant, quàm dictas. 96. Opinio-  
 nes corrigere non est argumentum inscitiz.  
 112.

### P.

*Palatium.* Palatium nullum fecit melio-  
 rem, & multos bonos fecit malos. 72

*Palma.* Palma est symbolum patientiæ. 233.

*Panis.* Quomodo Sacramentum dicitur panis  
 esse Angelorum? 404

*Pater.* Pater æternus quomodo intret in con-  
 vivium Sacramenti. 350.

*Peccata.* Quænam sit distinctio inter peccata  
 remissa & tecta. 87. Qualem horrorem incu-  
 tient hominibus peccata sua in die iudicii.  
 Peccata possunt servire pro exemplo. 89.  
 Culparum nostrarum sententia ad procu-  
 randam veniam nos inhabilitat. 357.  
 Peccata nostra Deum ad parcendum move-  
 re possunt. 377. Quare potissimum De-  
 us nostra nobis peccata condonet. 378  
 Sunt peccata Omissionis & Consequentiz.  
 128. Ministri se de peccatis temporis ac-  
 cusare debent. 129. Sunt peccata quæ pa-  
 trata in suis effectibus durant. *ibid.* Talia  
 sunt peccata consequentiz. *ibid.*

# INDEX RERUM NOTABILIUM.

*Petitio.* Petitiones diverso stylo adornantur à  
f miliaribus & ab alijs. 53

*Potentia.* Potentia humana videtur æmulari  
Divinam, ad faciendum Sacramentum  
aliud, contrarium illi. 16. In quot animæ  
potentijs funderet spes. 11

*Prædicatores.* Prædicatores se se gerere de-  
bent in conversione, sicut Deus in ejusdem  
creatione gessit. 312. Quare Deus dixit A-  
postolis: Ite prædicate Evangelium omni  
creaturæ. 305. Tria genera moliminum  
sunt in officio Prædicationis. 314. Quare  
Deus hodie non infundit Prædicatoribus  
scientiam linguarum? 317. Etiam mulie-  
res prædicare possunt. 320. Non est dif-  
ficultas, quam Prædicator divinâ adjutus  
gratiâ superare non possit, ut de labore suo  
fructum colligat. 321. Cum Prædicato-  
ribus modernis Deus rigorosius agit. 317

*Prelatus.* Verus Prelatus simul debet esse do-  
ctus & sanctus. 78

*Princeps.* Princeps ad jussionem familiaris  
expediens, non propriè expedit, sed obedit.  
53. Principis latus tenere & sedere, impli-  
cat. 58. Principibus supremis convenit  
habere causam secundam cui innitatur &  
in qua quiescant. 63. Ut Principes ad re-  
stitutionem obligentur, sufficit pro officiis  
eligere furantes. 254. Quomodo Princi-  
pes fiant socii furum. 267.

Q.

*Quadragesima.* Quadragesimæ compara-  
tio cum diluvio. 226. In Quadragesi-  
mæ tempore duo sunt libri à quibus nos ex-  
onerare debemus. 227. In Quadragesi-  
ma, & vel maxime in hebdomada sancta  
quædam circa passionem Christi sunt medi-  
tanda. 239. *Esseqq.*

R.

*Rapio.* Verbum Rapio in India per omnes  
declinatur modos. 258. A Rapio deriva-  
tur Satrapa, quasi sar rapio. *ibid*

*Ratio.* Quam rigida Deo reddenda ratio pro  
subditorum animabus illis qui salutem eo-  
rum negligunt. 327. Ad quid obligetur  
qui de animabus aliorum rationem reddere  
debet. *ibidem.* Quænam ratio ad convi-  
vium gloriæ excitare nos debeat. 351

*Regnum.* Regnum Christi, & ejus magnifi-  
centia. 73. Ejusdem difficultas. *ibidem.*  
In regnis magnis magna sunt furta. 187.  
Non sunt res magis sibi similes, quàm Rex &  
regnum. 383

*Remedium.* Remedia amoris sunt quatuor.  
Tempus. 357. Absentia. 364. Ingratti-  
tudo. 372. Objecti melioratio. 380.

*Respublica.* Respublica repræsentatur navi. 60

*Restitutio.* Quomodo fieri debeat restitutio  
bona. 130. Quantum obliget alieni resti-  
tutio. 190. Sine illa salvari est impossibile.  
247. Ulque ad venditionem sui obligat.  
246. Etiam sceptræ & coronas obligat. 248  
Ut Principes ad restitutionem obligentur  
sufficiat officia conferre furibus. 260. Quo-  
modo fieri debeat restitutio bonorum re-  
giorum. 270. Et quomodo bonorum par-  
ticularium. 271

*Resurrectio.* Differentia inter resurrectionem  
naturalem & supernaturalem. 116. In no-  
stro est arbitrio bene resurgere. 117

*Rex.* Quotnam Reges Judæici populi fuerint  
salvati. 125. Quàm laudabile in Regibus  
audire consilia sapientum. 221. Quàm pe-  
riculosum opinione Regum sapientem ha-  
beri. 223. Quàm difficilis Regum salva-  
tio. 125. 126. Non expedit illis habere fa-  
miliares. 63. Duo si fuerint in ruinam ces-  
sit Regis. 64. Ministri laterales gemitus  
& sin-



## INDEX RERUM NOTABILIUM.

& singultus devorare debent. 71. Quamnam maxima infelicitas familiarum regionum. 74. Regum vitia sunt monstrosa. 163. Quomodo Reges scient utrum per se ad officia promoti futuri sint fures nec ne. 256.

### S.

**Sacramentum.** In Sacramento non videtur satisfactum spei. 1. Sacramentum pro spe est institutum. 2. Institutum fuit pro hominibus in statu spei, & non patriæ. 3. Sperantibus mensa Sacramenti promittitur, meritis spei. 5. Sacramentum est confortativum spei infirmantium. 7. Mediante Sacramento spes fruitur in terra, quo frui non potest in cælo. 8. Fidei & Charitati in Sacramento est satisfactum. 1. Qualis mensa, qualisque beatitudo est illa Sacramenti? 4. Correspondentia Sacramenti & spei. 9. Majus est bonum levaminis in Sacramento, quam ipsum bonum desideratum. 13. Quomodo Sacramentum nos faciat castos. Christus in Sacramento amoris sui excellentiam exaggerat per differentiam status. 403. Magis obligamur Christo per Sacramenti continuationem, quam per ejusdem institutionem. *ibid.* Sic Christus Sacramentum instituit, ut cum esset pro omnibus, voluerit institutum videri pro uno, 369. Quomodo invidia dari potest in Sacramento. 397. Patientia amoris Christi in Sacramento. 410

**Sapientia** Qualiserat ornatus domus sapientiæ & 194. Quam difficile sit vincere doctum & sapientem. 213. Facilius est homini docto & sapienti ignorantiam suam agnoscere, quam confiteri. 216. Quam difficile est doctis & sapientibus victos se confiteri. 217. Quam utile rudibus sit, tractare cum sapientibus. 218. Superbus incapax est sapientiæ. 219. Indocilis sapiens esse nequit. 220. Quid faciendum sapientibus ut salventur. 222. Veritatem agnoscere; quamvis alterius intellectus, filiam, vera est sapientia. 113

**Similitudo.** Quomodo similitudo omnes vincit similitudines. 41. In quonam melius verificatur, simile in simile nihil operari posse? 212. Duabus similitudinibus Christus nobis declarat, quid pro nobis sit passus Passionis suæ tempore. 240. Similitudo inter gloriam & Sacramentum. 348. Non sunt sibi similia in mundo, quam Rex & regnum. 383

**Sol.** Sol reprehendit Josue ob nimiam vindictam. 380. Quare Deus solem creavit die quarto. 47. Anima debet esse instar solis, si jam perditam reinveniri desideret. 180. Christus sol est absentia. 287.

**Solitudo.** In solitudine pro Deo assumpta solus nunquam est solus. 157. Quantam homines sui jacturam faciant, nescientes cum solo Deo agere. 158. Solitariorum felicitas. 160. Tantum solis deest terra, & aperitur cælum. 159. Mundus non est dignus iis, quos Deus pro solitudine elegerit. 260. In omni sta-

# INDEX RERUM NOTABILIUM.

unam habet beatitudinem, & in alia alteram  
17. Spei correspondentia cum Sacramento. 9

*Spiritus S.* Spiritus S. est docens, & prædicator  
tantum dicens quando auditur doctrina  
Christi. 303. Quare Spiritus S. apparuit in  
linguis igneis. *ibidem.* Et quare in linguis.  
304.

*Statua.* Doctrina haurienda ex statuis lapideis  
& myrthinis, in hortis, considerata earun-  
dem differentia. 311

*Succursus.* Felicius est periculo carere quam  
succursu indigere. 157.

## T.

*Taurus.* Quales Tauri & altitia in Christo  
mortuo considerantur. 344

*Tempus.* Tempus omnium oblivionem inducit  
276. Sed non amor perfectus. 278. Sunt  
peccata temporis. 167. Ad quod manda-  
rum pertingent peccata temporis. *ibid.*

*Theresia.* Theresia in nuptiali Christi convivio  
Sponsa. 385. Christus præsentem B. V. Maria  
& S. Josepho eam sibi desponsat, & quam  
arctâ unione. 386. *Et seqq.* Angelus There-  
sia cor evellere visus. 388. Amore There-  
sia Christus creasset cælum si nondum fuis-  
set creatum 391. *Et seqq.* Excalceata apparuit  
in cælo. 397. Septem in cælo occupat loca.  
*ibid.* Excellentia amoris Christi agentis in  
cælo erga S. Theresiam præ amore quo S.  
Mariam Magdalenam amavit in terra. 403.  
Quomodo apparentem sibi tractavit Chri-  
stum ex Confessariorum consilio. 405. Chri-  
stus ab ipsa materialiter injuriis affectus eam  
invisere non cessat, novosq; exhibet favores.  
409. Materiales tantum in Christo injurias  
cor Theresia compensabat. 412. Ex humilitate  
renuit esse Priorissa Religiosarum de In-  
carnatione Avila. *ibid.* Plura in laudem ip-

sus vide in toto Sermonis illius decursu.

*Trinitas.* Quomodo cum Patre æterno, Chri-  
sto, & homine facta sit una Trinitas. 299

*Tuba.* In die Judicii magis stupendum erit  
quod resurgent mortui ad sonum tubæ. 115.

## V.

*Vallis.* Vallis Josaphat totum capiet genus  
humanum. 120

*Veritas.* Recognoscere veritatem quamvis in-  
tellectus alterius filiam est verè scire. 113. Po-  
tentes abominantur veritatem sibi dicentes.  
149. Veritas & intellectus sunt pedes & ma-  
nus animæ. 357. Etiam Sanctis veritates  
videntur illusiones. 408

*Via.* Non accurrimus vocanti Deo, quia non  
stamus in finibus viarum. 355. Quamnam  
securior via ad cælum. 155. Magna infe-  
licitas per viam cæli, tendere in infernum.  
124.

*Vitium.* Ut fugiantur Vitia, fugiendi sunt ho-  
mines. 140. Vitia Regum sunt monstra.  
163. Qualibus vitiis maximè pereant ani-  
mæ. 169. Quemadmodum vitia ita & vir-  
tutes sunt contagiosæ. 174. Vitium cupi-  
ditatis difficulter emendatur. 181. Con-  
tra cupiditatis vitium remedium. 188.

*Unio.* Ubi duæ sunt voluntates, duo intelle-  
ctus, & duæ naturæ non potest esse unio. 64.  
Quantum possit unio multorum quamvis  
debilium. 201. Amor non est unio loco-  
rum sed voluntatum. 283. Quomodo  
Christus, æternus Pater, & homo idem sint  
per unionem. 299

*Vocatio.* Quomodo intelligendum, multos esse  
vocatos, paucos verò electos. 353. Pro  
quam vile re vocanti Deo non pareamus. 354.  
Quare vocationi ipsius non obediamus. 355

## INDEX RERUM NOTABILIVM.

*Ira Dei* facit ut vocati statim accurramus  
*Ibidem.* Nemo converti potest nisi voca-  
tus à Deo. 356. Quando vocatus à Deo  
non vadit, postea ubi ire voluerit non po-  
terit. 357.

*Voluntas.* Voluntates duæ conciliantur ægrè  
quamvis motiva sint eadem. 64. Etiam  
Deo difficile est hominum voluntates con-  
formare suæ. 144. Voluntas ad nolendum  
habituata nunquam vult. 356.

X.

*Xaverius.* S. Xaverius ex India scripsit de  
furtis, quod ibidem verbum Rapis, per  
omnes conjugaretur modos. 258

Z.

*Zachæus.* Zachæus quia fur erat dives, si-  
ne restitutione salvari non potuisset. 248.  
Nullum opus bonum in obsequium Christi  
præstitum meruit veniam ante factam resti-  
tutionem. 249.



# SYLLABUS ERRATORUM.

<i>Pag.</i>	<i>Col.</i>	<i>Lin.</i>	<i>Dele.</i>	<i>Lege</i>	<i>Pag.</i>	<i>Col.</i>	<i>Lin.</i>	<i>Dele.</i>	<i>Lege</i>
2.	1.	24.	exercenda	ad exercenda	189.	1.	16.	quomodocunq;	quocunq;
35.	1.	1.	requiro	considerationem	102.	2.	35.	Quia	Qua
27.	2.	6.	filiis	fili	203.	2.	2.	hoc serpentes	hac serpentis
27.	2.	6.	matre	mater	218.	1.	1	tum	ram
45.	2.	14.	istas	istos	229.	2.	20.	præmere	premere
58.	1.	19.	magnati	magnates	231.	1.	17.	textum: <i>addatur</i>	tres tantum
61.	2.	21.	evedant	evadant					supererant dies
61.	2.	25.	medestior	modestior	235.	2.	18.	offendisse?	offendisse!
61.	2.	28.	apparuit,	apparuit?	257.	1.	8.	sensumque	sensuumque
64.	1.	1.	Adamum inter	Adamum, Inter	259.	2.	13.	hoc	hoc modo
64.	1.	6.	Esestiam	Ephestion	292.	2.	12.	adhibeatur	adhibeatur re-
68.	1.	1.	sufficiam?	sufficiam,					medium
70.	2.	4.	industrior	injultior	264.	2.	2.	cumulavit	commutavit
71.	2.	19.	desideras)enim	desideras. Enim	266.	2.	36.	præficerentur.	præficerentur?
72.	1.	35.	meliozem?	meliozem:	272.	2.	8.	est Auditor:	est. Auditor
96.	1.	20.	obstinatum	obstinatis	283.	1.	25.	invalet	incalescit
96.	2.	4.	sententia ut	sententia,	283.	2.	20.	distantiâ dissolvere	distancia cum
98.	3.	31.	igitur	inter					dissolvere
105.	1.	9.	veritatis	veritas	289.	1.	18.	qui isti	quia isti
108.	1.	8.	instruere		298.	1.	5.	audiens	audienti
122.	2.	18.	fumilia	familia	303.	2.	18	tria	ad tria
125.	2.	17.	confitendo	confido	315.	1.	19.	aquæ	æquæ
127.	1.	30.	resistit	astitit	323.	2.	28.	infundendo	infundenda
127.	2.	5.	demetiuntur	demetiuntur	324.	1.	13.	cumque	eumque
133.	1.	5.	erant	erat	335.	2.	26.	dispensavit	desponsavit
140.	1.	2.	sententientes	sentientes	340.	1.	14.	præfeti	præfeti
156.	1.	35.	non,		342.	1.	10.	eademque	eidemque
159.	2.	1.	verò Christum.	verò loco Chri-	346.	2.	11.	parata?	parata.
				stum	347.	1.	29.	potest?	potest:
159.	2.	21.	nubes	ad nubes	358.	1.	12.	jam habeat	jam non habebat.
160.	1.	11.	agitur	angitur	362.	1.	17.	oblivisceris.	oblivisceris?
161.	2.	28.	Roma	Ramatha	369.	1.	31.	solet, quid	solet. Quid
166.	2.	39.	animæ	animæ	375.	2.	16.	estne	estne
168.	1.	30.	qui unâ	quia unâ	375.	2.	34.	illo	illi
170.	2.	28.	occidunt	Occidunt	412.	1.	24.	amore se	amoroſe
180.	1.	28.	naulerus	naulerus	412.	2.	5.	religiorum	religiosarum
189.	1.	14.	variis	varii					

